

四庫全書存目叢書編纂委員會編

齊魯書社

四庫全書存目叢書

集部
第三〇冊



責任編輯：孫言誠 賀 偉

ISBN 7-5333-0615-5



EB47/04

四庫全書存目叢書·集部三〇

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092 毫米 16 開本 37.5 印張

1997 年 7 月第 1 版 1997 年 7 月第 1 次印刷

印數 1—100

ISBN 7-5333-0615-5

Z·60 集部定價：127800 圓

集部第三〇冊目次

集部・別集類

覺非集十卷(二)

〔明〕羅亨信撰

復旦大學圖書館藏清康熙羅哲刻本

一

刻曾西墅先生集十卷

〔明〕曾榮撰

石家莊市圖書館藏明萬曆十九年吳期炤刻本

七二

明永樂甲申會魁禮部左侍郎會稽質菴章公詩文集不分卷附錄一卷

〔明〕章敞撰

浙江圖書館藏清鈔本

二五三

南齋先生魏文靖公摘稿十卷

〔明〕魏驥撰

北京圖書館藏明弘治十一年洪鐘刻本

三一二

東岡集十卷

〔明〕柯暹撰

北京圖書館藏明柯株林等刻本

四九四

覺非集十卷(二)

〔明〕羅亨信撰

復旦大學圖書館藏清康熙羅哲刻本

附《四庫全書總目·覺非集十

卷》提要

覺非集卷之七目錄

五言古

慶壽詩

為滁陽趙士衡補題

送邵壻捧

敕命還東莞

梅蘭竹石卷

為本邑幕長吳君題

歸隱圖

為湯仁厚題有引

題書

為龔冰壑翁題有引

題畫

為譚生題

壯遊卷

為秦樣史題

覺非集

卷之七

椿萱堂

為秦樣史題

具慶堂

為沅陵金氏題

忠順堂

止靜軒

聯雲思親

為夏考功題

曲江雲舍

為黃侍御題

洞明醫道卷

為仰寺丞題

貞節卷

為仰寺丞題

貞節卷

為開平衛百戶鄧博飛

挽劉主事母

挽張給事母

挽南京陸彥昇父

七言古

題畫竹

題琴樽訪友圖

江村歸意圖 為南海黎鳳儀題

肝江舊隱 為林都帥題

金臺別意圖 為潞州學正易思忠題

覺非集

卷之七

二

琴軒山水 為姑蘇朱以信題

學稼軒 為東莞茶園衛某題

送李知州考績復任六安

送趙廷傑省親還洮陽

送工部林主事歸羊城省祭

送黃尚禮還廣

題隱居圖

覺非集卷之七

東官羅亨信用實甫著

同邑祁 順致和甫

瓊海丘 濬仲深甫

編

五言古

賀壽詩 為滁陽趙士衡補題

滁陽趙高士卓犖超羣倫妙齡志遠茲積學期立身

揭來寓京華交接多顯人契合重金石義孚情益真

芳晨屆初度慶賀羅衆賓杯酒載芳烈海錯陳奇珍

覺非集

卷之七

一

王母果獻桃麻姑脯掌麟戲絲莢諸孫喜氣何氤氳

雜遝喧華堂劇飲忘晨昏銅狄醉摩挲玉枝汗不涸

嗟人生兩間馳逐徒紛紛一朝委脬露竟為車馬塵

何如松栢姿歷歲猶精神卓哉趙高士齒邁行彌敦

耳順方及期花甲纔周旬諒天佑吉人社福來無垠

願歌南山雅壽考期千春

送邵壻捧 敕命還官

嗟我來京師歷歲已踰七忝職在憲臺旦夕靡遑逸

激揚乏長材獻納愧涼德慈親在高堂鶴髮踰七耋

一子侍晨昏頃刻難離側隨官缺僮僕幹蠱鮮子姪
去秋邵壻來旅邸勤顧恤公退問安否朝參候出入
翁壻情怡愉駒隙半載及尋蒙 聖主恩憫念慎厥
職循例授 敕詞父母亦褒錫光寵被一門存沒咸
感激顧予繫于官省拜殊未得壻今捧 敕還戒行
將有日製冠與服帶官貧莫能飾聊以備禮文孝心
徒惻惻惟時屬仲春陽回冰凍釋輕舟發洛河涉遠
宜謹飭到家當盛夏薰風長羣物喜氣溢廷幃榮耀
生里城俛仰期報稱鼓舞歌 帝力父兮盡慈愛臣
覺非集 卷之七 二

梅蘭竹石卷

爲本邑幕長吳君題

卓哉賢幕賓風標出塵俗妙齡富才猷高志等鴻鵠
承 恩贊大邑冰檠恒自勗公退坐幽軒淡然百無
慾惟嗜梅與蘭更愛石兼竹次第羅前除把玩豁心
目梅開挹清芬蘭吐襲芳郁石則比堅剛竹以勵貞
淑爲政苟若斯庶永保天祿脰彼營利徒聞風良愧
慙勉旃慎厥終汗簡載華躅

歸隱圖

爲湯仁厚題有引

增江湯仁厚故家子也少聰慧嗜學期取祿爵爲
宗祖榮詎意歲月蹉跎竟無知者薦之不覺秋髮
種種矣恒慕京師之形勝欲一見之少慰平生今
年秋治裝渡庾嶺下章貢涉彭蠡楊子而入淮魯
過灤水至于北京觀 九重之壯麗百官之威儀
羽林虎賁之雄偉徘徊旅次久之至願足矣茲將
歸于其鄉莆田許生作歸隱圖以贈之仁厚請題
予憐其有志未遂因賦古體一章以送之其詞曰

覺非集

卷之七

三

喬松生澗壑雨露恒浥滋薦歷歲華久上接浮雲齊
工師未見遇樵牧傍睨之一夕霜霰至百卉皆摧萎
蒼然挺奇秀凜凜冰雪姿至人命多舛材大用亦遲
勗哉崇令德遠大以爲期

題畫

爲龔冰壑翁題有引

龔公名清字士澄冰壑蓋別號也世爲廬州英山
宦族洪武初授百夫長後辭祿歸守先塋好作山
水以寫胸中磊落之氣永樂中同予寓交趾情意
甚合別來幾三十年無日不切伊人之想近偶得

其遺墨于塞外如覲風度追念疇昔爲之悵然因

題其端復締交好如此云

每懷冰壑翁別後廿餘載夢寐常見之風標宛然在
天涯得遺墨令我發深慨縑素盈數尺山勢連渤海
樓閣俯溪灣林木起疎竦飛瀑懸高崖迴隔青天外
巖谷絕羈誼地位誠爽闊想當盤礴時神情極冥會
頗擬龍眠麟超脫虎頭愷把玩重摩挲寶之比瓊瑰
仙翁不可見覩此面如對思昔寓南交朋簪總文彩
惟翁管鮑儔膠漆情不改一朝忽分散良晤那可再

覺非集

卷之七

四

題詩紀交遊雲樹杳淮海

題書

爲譚生題

譚生西川彥脩然山澤癯讀書致經濟展卷窺唐虞
灑落復好古圖畫尤所需邂逅少游裔揮染勞動劬
縑素盈數尺磅礴何縈紆層巒接霄漢勢若龍虎趨
松檜蔭華屋疑是神仙居一翁坐木榻列侍雙僮僕
奔趨奉茗飲宴坐忘朝晡風蕩書帷動雲歛月色孤
於焉事幽討巢許以爲徒清風播寰宇高致凌太虛
生也什襲藏寶之類璫與持來索題句老我詩腸枯

臨風寫短章興與秋旻俱

壯遊卷

爲秦豫史題

之子懷壯志妙齡事遠遊青絲鞵驟駟寶帶懸吳鉤
晨興出都門涼風起蕭颺征夫戒嚴程千里思悠悠
天關高迢遙蒼翠空中浮振策歷夷險修途行復留
元戎開將閫迴在平城陬折節禮賢士傾心需才猷
子今往從之賓主應相投予以展素蘊贊畫眞良謀
子良亦何人芳譽垂千秋鴻鵠薄霄漢斥鷃寧與儔
勉矣樹嘉績勳名期早收

覺非集

卷之七

五

椿萱堂

爲秦豫史題

東吳有偉士家近閭閻城構堂奉二親樹以椿萱名
嘉樹蔭前除鬱鬱含堅貞奇葩植北牖浥露垂芳英
願祝雙親壽百歲如錢鏗晨昏候寒煖甘旨勤奉承
親顏既怡悅子心安以寧竭來遊帝都荏苒歲屢
更迢迢姑蘇臺水陸幾千程慈親固無恙孝子傷中
情作圖慰遐思題咏多名卿從事西北陲油幕談戎
兵豈無雙鯉魚不得躬作羹亦有紫貂裘何由至親
庭遙瞻天際雲涕淚時縱橫丈夫志霄漢身立名乃

成行當衣錦歸捧觴爲親榮

具慶堂

爲沅陵金氏題

沅陵金氏子賦性孝且良雙親介眉壽鶴髮垂高堂
定省從朝夕甘旨勤持將孝心深自慰親顏喜且揚
揭來縻好爵南北成參商叱咤屢登陟雲樹遙瞻望
恨臂不羽翰飛去親之傍于茲發遐想潸然雨淚滂
親兮幸無恙壽考殊康強會看衣錦歸戲舞斑斕裳
忠孝兩難盡百世傳遺芳

忠順堂

覺非集

卷之七

六

粵南有佳士隱處勾漏城讀書務窮理秉德惟存誠
殷勤事父兄嫻睦著家庭從事登藩垣落落多賢聲
拜官寓京師雨露沾恩榮寅恭修職業黽勉事公卿
夙夜罔敢怠朝野咸知名孝敬實能踐忠順名乃成
高堂揭華扁題詠羅羣英勗哉慎終始永矣揚芳馨
止靜軒

幽軒做華構揭以止靜名講學既有得爲善寧不成
潭水無纖波靈臺湛虛明勉旃慎終始千載傳芳聲

聆雲思親

爲夏考功題

夏君青雲彥皎皎瓊瑤姿妙齡擢高第才譽紛四馳

拜官屬冢宰考課咸稱宜得祿崇孝養親顏喜滋滋
旨甘甚適意定省無違期室家迭相慶壽考登期頤
揭來謫平城南北天一涯雙親固無恙孝子徒傷悲
遙瞻天際雲引領增遐思悠揚起復滅宛隔吳江湄
白衣變蒼狗疑倚親庭飛心旌恒搖搖安得隨往來
承歡事膝下戲我斑斕衣延佇倍惆悵涕淚雙交垂
劬勞恩罔極烏鳥情依依作圖寫懷抱于以慰別離
思昔伏梁公偉績傳當時惟天佑吉人否乃泰之基

覺非集

卷之七

七

物理固如是勗君勿歇歇會當衣錦歸閭里生光輝

曲江雲舍

爲黃侍御題

贛州黃氏裔宦寓曲江城隱居務種德教子惟窮經
子業日孜孜一朝投科名拜官任六察風裁冠羣英
嚴親居故鄉水陸阻修程遙瞻天際雲縹緲連滄溟
悠揚千萬態宛轉縱復橫吾親舍其下無由遂歸寧
萱幃早已背慈顏杳幽冥靈椿泥朝露蔥蔥恒崢嶸
豈無御筵饌不得備三牲亦有錦繡衣何時爲親
榮念之五內摧潸然雙淚零作圖寓遐思雲舍揭前

楹朝回時注目聊以舒中情今名昭遠邇賦咏多名
卿篇章聯卷帙金玉鏗鏘鳴榆揚義已至期望意亦
并人生霄壤間際遇良匪輕孝敬貴克盡忠盡名乃
成矧茲臺憲臣尤宜秉清貞踐履苟不愧褒旌 恩
永承會常頒 錦敕光彩生門庭尊翁冠獬豸皓髮
映華纓願言勵終始千載揚芳馨

洞明醫道卷 為仰寺丞題

昔有秦越人視疾見肺腑死者能還生芳名播今古
悠悠千載後疇能踵其武吳門有佳士早歲掇簪組
覺非集 卷之七

拜官貳廷尉平反絕冤苦竭來謫平城酸苦甘自茹
閒將調元手為民起疲瘵疾驗六氣賡理明三部
橘井貯香泉杏林益時雨仁慈自此施夙志良不負
宗藩抱微痾俗醫弗能愈延君來治之審証究厥緒
外邪既蕩滌內虛亦滋補神觀漸復初有如魚脫罟
酬勞具束帛昇酒配肥羜君乃拂衣行視之等鴻羽
紛紛術術徒規利若市賈君誠賢于人餘子奚足語
乃摘雲錦章飄然鸞鳳舞醫道題洞明美號自茲舉
永姬古人傳名垂在寰宇

貞節卷 為仰寺丞題

吳門仰氏婦念八亡其夫殞身欲同窆奈此雙孤雛
忍死營葬祭鬻珥供衣襦兒長就外傳九瞻教詩書
女大學織紉機杼忘勤劬兒也念同氣省兄上 皇
都抱疾卒旅邸函櫬歸故廬天不憫孤筑重罹此毒
痛悲號竟誰訴淚眼泣已枯賴有猶子婦愛敬如親
姑奉養備滌澆定省勤朝晡嗣孫亦誠孝寒燠問起
居康寧頗自慰貞操終不渝 聖朝重節義旌詔來
天衢郡城屹華扁光彩生門閭共美跡可繼千載揚
覺非集 卷之七 九

芳譽

貞節卷 為開平衛百戶鄧搏飛題

廬陵鄧氏母芳齡失所天守志育孤兒兒大謫戍邊
孀婦義從子節孝圖兩存開平渺何許邈與胡境連
三時飛羽書四郊起狼烟教兒習騎射躍馬揮戈鏃
一朝擒醜 俘獻 宸廷前論功定爵賞列校職乃
遷歸來拜慈母母子共悽然念父歿已久幽魂閭重
泉得祿不逮養風木徒自憐聞將閔節義封章為敷
言 聖朝重風化褒旌恩特宜邊藩屹華扁門戶生

光妍親榮子亦顯二美疇能肩作詩屬終始今名期永傳

挽劉主事母

嗟哉劉氏母懿行敦且醇孝敬奉舅姑嫜睦諧姻親教子聞斷機剪髮曾留賓惟子克務學雲路早奮身釋褐粉署郎慈訓尤諄諄政茲享祿養壽考期百春胡爲振遐珮奄爾隔世塵音訃聞京師走甲多縉紳母儀不復覩哀些徒沾巾

挽張給事母

覺非集

卷之七

十

緊惟張氏母淑行疇能同夙抱貞靜德作配歸名宗相夫敬而順睦族和以雅禴祀與蒸嘗蘋藻尤潔豐積慶生令子玉樹雙玲瓏斷機示慈訓和膳資專攻昆仲業益勵同攀丹桂叢各典大邑教桃李蕃春風惟長膺薦剡給事近九重獻納懋厥績簡注在宸衷蒙恩賜錦敕母實承褒封光耀被壺帷儀範何尊崇政茲享祿養百歲期令終云胡振瓊珮奄違塵世踪訃音來京華走甲皆名公臨風發哀些我亦爲悲悰

挽南京陸彥升父

東吳陸處士德性何溫純壯歲入京國因爲堯舜民操履異流俗卓犖超凡倫事親盡誠孝教子思立身人皆尚華美淡薄甘清貧衆方競聲利歛跡潛其珍篤信重交好嫺睦諧宗親無營亦無慮壽福期駢臻云胡振霞佩奄爾違世塵聞者共悲悼考德伊何人容臺表素行百世揚清芬臨風發哀些我亦爲沾巾

覺非集

卷之七

十一

七言古

題畫竹

渭川竹比青琅玕，薊城欲種恨獨難。數竿瀟灑忽在眼，變化叵測生毫端。是誰好事留真跡，無乃疎狂鳳池客。沃葉猶含雨露香，癭梢不改烟雲色。玉堂畫靜陶幽情，蒼輝綠蔭交前楹。硯池水碧動龍影，窻戶風微鏗玉聲。七賢林遠知何處，六逸溪深可同趣。宿鳳終期紫實垂，釣鰲未截長竿去。我有閑居十畝寬，此君安得同盤桓。凭欄歌罷久歎息，秋氣滿堂生暮寒。

覺非集

卷之七

主

題琴樽訪友圖

白雲滄滄滿空谷，茅堂隱映多喬木。隔岸青山勢若龍，當門流水清如玉。幽人棲遯知何年，童顏鶴髮猶飛仙。登高謾賦紫芝曲，濯足時和滄浪篇。問奇有客來何許，一葉扁舟渡江浦。載酒深期慰別懷，抱琴爲覓知音侶。人生會合那可常，一觴一詠情難忘。只恐月落酒榼盡，依然離別成參商。自慚久客無南北，悵望鄉關樹雲隔。何當拂袖歸去來，山中醉倚梅花白。

江村歸意圖

馬南游黎鳳儀題

南海夏溪有黎氏源流遠，出凌江裔十葉箕裘歷宋

元。一門儒雅光閭里，儒雅風流誰最賢。鳳儀文采屬

青年，精神修竹凌風美。襟度梅花映雪娟，登庸從事

居藩邸。輝輝才名動都鄙，謫戍南遊漳海濱。十年惆

悵懷桑梓，代成年來喜有人。江村歸意浩無垠，松楸

丘隴馳情切。芳草池塘入夢頻，今朝趁得東還侶。十

幅蒲帆醉中舉，稽程指日到家山。朋簪留挽那能住，

知君第宅傍江干。門對溪流玉作灣，楊柳雨晴荷菱

綠。菱歌風細荔枝丹，桂香酒艷浮銀甕。親朋迎迓歡

覺非集

卷之七

主

情動展拜當思祖，澤深孝誠好報親。恩重人生漂泊無休期，秋風遠道長驅馳。安得似君歸去早有田，亦足躬耕犁君行我亦朝。天去江海迢迢香烟樹結約，南歸遲後期與君共聽西窻雨。

盱江舊隱

爲林都帥題

將軍世業盱江上，宦遊命寫盱江圖。生綃半幅盈數尺，山川回合雲模糊。麻姑峩峩插天起，鳳凰之山相迤邐。彭蠡西環波不興，目送孤帆數千里。茅亭隱約綠陰中，客散亭空春晝融。扁舟一葉係岸曲，故人載

酒相過從將軍提兵禦北塞鄉林迴隔烟霞外遙瞻
先隴白雲邊引領徘徊成感慨武餘看畫益淒其遠
道馳驅未得歸天邊忍見孤鴻度旅館愁聞烏夜啼
人生忠孝期兼盡華勲好立安邊鎮丈夫許國信不
凡會須管取黃金印業就名成衣錦歸松楸展祭敦
典彝鄉邦父老咸歎息山川草木生光輝

金臺別意圖

爲潞州學正易思忠題

荆南山水清且幽鍾英毓秀多儒流易君抱負更磊
落翩翩文采珊瑚鉤髫年講學郡庠裏旦夕孜孜究

覺非集

卷之七

五

經史去年折得蟾宮枝輝燁才名動都鄙竭來鼓篋
游僻雍橋門觀聽何從容納交得友天下士器業日
廣德愈充今春校藝南宮下乙榜榮登倍聲價拜官
典教出名藩文星炳煥人爭訝朋簪追餞駐金臺臺
畔離筵迤邐開金栢錯落玉壺倒鳳笙龍管聲相催
潞州昔是繁華地俗厚民淳敦禮義人物猶稱豫讓
賢山川獨數壺關異嗟人所患在爲師能習舊聞新
亦知惟學不厭誨不倦傳道解惑何難爲胡瑗昔教
蘇湖學分經治事大振作至今史傳稱楷模赫赫聲

華儼猶昨勉旃此去繼其踪弘開絳帳臨春風濟濟
青衿列講下辨疑析難咸暢通多君質美年方艾志
藹經綸鎮長在暫將時雨化菁莪廊廟需材應有
待

琴軒山水

爲姑蘇朱以信題

琴軒先生太丘裔學海汪洋富才藝董賈文章世共
珍米高山水尤清致公餘揮翰掃雲烟巖壑坡陀勢
曼延峯巒濃淡列遠近林木隱映分清妍茅堂依約
綠陰裏門徑深沉靜于洗碧海茫茫曲澗通晴空片

覺非集

卷之七

五

片浮嵐起天光雲影含模糊樹色蒼蒼半有無小橋
東畔隔塵鞅別有林麓連村墟嗟予少負山林僻每
見畫圖長太息何當拂袖歸去來泉石幽棲謝塵跡
知君好畫情更深高堂盡日觀雲林沉檀一炷博山
靜萬慮瀟然澄素襟

學稼軒

爲東莞茶園衛某題

東莞昔爲詩禮邦故家喬木遙相望茶山衛氏更翹
楚衣冠奕業生耀光學稼軒高人顏似玉大帶深衣巾
一幅百畝畝田命僕耕三冬文史教兒讀興來曳杖

遊隴頭嘉苗泮泮如雲稠載耨載耨去稂莠實穎實
栗無賊蠹秋高放棹坐江汭大田多稼登場圖釀爲
酒醴洽比鄰小大稽首祀田祖輸官奉客恒有餘合
哺鼓腹歌唐虞人生適意亦云足萬鍾九鼎將何如
高人磊落負奇氣巖谷幽棲久淹滯豈無健翮能排
雲亦有長材堪佐理年來陡覺髮成霜身如野鶴高
昂藏清泉白石恣遊覽綠醕芳樽閒咏觴參苓采得
山中藥養性頗神有真樂功名事業在兒孫富貴榮
華付冥冥前年我奉 明詔歸軒中相見何委蛇張
覺非集

卷之七

七

筵醉賞陶令菊對榻細詠邠風詩別來幾度空相憶
悵望鄉關樹雲隔江海迢迢勞夢思臂輪不到茶山
側引年便擬解朝簪扁舟歸去時相尋借得仙人玄
鶴跨蓬萊頂上共登臨

送李知州考績復任六安

李侯自昔居羊城才華卓犖人中英金門射策登黃
甲秘閣修文藹俊聲予時亦忝羣公後京國相逢誠
邂逅對榻常論午夜文趨朝共聽三更漏人生會合
那可常君弁親訃先還鄉予拜夕郎愧才短相思兩

地如參商寒予被謫投南極佐邑聞君聲藉藉牛刀
小試言子游峨松暫屈屈崔斯立十載辛勤海上歸金
臺相見喜成悲予著鐵冠持憲節君承寵命牧羣黎
六安大郡居淮甸地僻民淳風俗善多君爲政尚寬
平一錢五袴人爭美今秋報政入 神京六事咸稱
績有成借寇後君還舊治 九重特慰斯民情友朋
畱別都門道枯酒淋漓任傾倒蒲帆十幅掛西風紅
蓼汀洲雁聲早到官正值隆冬時梅花開遍東南枝
兒童竹馬候江汭朱轡皂蓋何委蛇古今爲治重民
覺非集

卷之七

七

收增秩賜金如不足最君終始樹勳庸期與前賢繼
芳躅

送趙廷傑省親還洮陽

公子先世家洮陽衣冠濟美多賢良滔滔慶澤源委
長簪纓珪組相輝煌 聖人履祚文運昌四方萬國
皆來王登庸俊人居廟廊尊翁挺起自西羌英安卓
犖才靡雙屢使絕域績用臧薦陞閫佐鎮鄉邦邇年
殘 頻跳梁總戎特命禦邊疆貔貅百萬威遠揚陰
山狐兔寧遁藏揮戈一指俱滅亡凱歌聲沸劍吐鋌

九重褒錫煥天章進封伯爵名益彰貂蟬鐵券金玉
相公子趨侍來西涼錦衣光襯爛斑裳歡聲雜遝誼
華堂晨昏定省無或違金栢滿酌葡萄香旨甘滌瀟
勤持將翁顏和豫壽且康一門踴躍沐 恩光父忠
子孝儔能方宗先追念心孔傷松楸積雨莓苔荒翁
今命子還故鄉拜掃展祭修蒸嘗驛驅叱撥登周行
朋簪暫挽駐垂楊供張祖饌陳清觴大夫君子歡未
央衆稱公子非尋常凌雲志氣何軒昂堪擬治世雙
鳳凰雖雖有待鳴高岡羽儀文彩來翱翔光昭治化
覺非集 卷之七 大

躋虞唐

送工部林主事歸羊城省祭

林君卓出羊城彥翩翩文采珊瑚鉤抱負胸懷誠磊
落丰儀倜儻非凡流妙齡擢桂登高第學海淵源良
有自拜官粉署司建營才華燁燁昭遐邇三載咸稱
績政嘉 九重寵錫降黃麻龍章炳煥來雙闕雲漢
昭回燦五花今秋得遂寧親願祖饌友朋情戀戀一
天零露冷如冬千里長江靜千練遙瞻鍾阜人梅關
鄉邑微茫動笑顏慈親再拜獻壽酒錦衣光勝萊衣

班松楸祭掃展誠孝罔極深恩已云報趨朝從事勿
愆期罄竭丹衷答熙皞丈夫忠孝期兩存君親一致
非岐然明年春暖候華騎衣冠重會瀛州仙

送黃尚禮還廣

黃氏先世家廬陵遠山卓犖人中英官遊從親入嶺
海擇幽占勝居羊城羊城南畔構華屋賸植寒梅與
修竹一門詩禮藹清芬二子森然如美玉伯氏早世
良可悲仲氏通儒仍業醫軒岐學術參奧義蘇董名
譽聞當時一朝應薦來京國十載金臺恣行樂濟世
覺非集 卷之七 九

常傳不老方

治人屢施還生藥承 宣幾度登挺庭

拜瞻 天表明恩榮布衣何幸逢至治誓竭忠貞荅

聖明從龍紫塞平 惠濟旅徒人感慕歸來太史

紀勲庸藉藉聲華播寰宇年來頓覺倦驅馳上疏金

門予告歸朋簪祖饌潞河上把袂惜別情依依鄉關

迢遞幾千里樹色微茫渺烟水遙瞻鍾阜達梅關指

日應期見桑梓知君舊宅傍烟霞杏塢春還盡吐花

藥辨君臣蘇瘴癘火添文武煉丹砂養生自有神仙

訣肯信流年雙髮雪會看海上覓安期飛向瑤池弄

明月

題隱居圖

層巒積翠含蒼烟叢叢松檜高接天巍樓傑閣相綿
 延就中縹緲居羣仙幽人結屋溪澗端紅塵迴隔無
 罨喧棲真養性樂自然種來瓜棗大如拳桃杏開花
 紅滿川武陵勝境誠堪肩漁郎舉網屢得鮮沽酒共
 飲醉即眠四翁對奕松巖前勝負不校心忘言長橋
 躍馬來翩翩九重丹詔下徵賢便欲快著祖生鞭
 亨衢萬里鞚鳴駟入覲天顏承寵宣大才豈終老
 覺非集

卷之七

七

林泉

覺非集卷之八

五言律

懷新淦翟大尹

送建陽張大尹復任

送易鎮撫致仕還五開

淡然卷

為廣州王道官題

壽滁陽趙士衡

家慶堂

為吳敏題

挽丁進士尊人

覺非集

卷之八

一

塞上曲

少年行

宮詞

送友游羅浮

夜宿山寺

送友游廣陵

游天華宮廢趾

七言律

送雷行人還朝

初入翰林後除行人

送葛行人還朝

送參政張公之任江西

送同年龔參政復任廣藩

送梁知縣之任永淳先令交趾四忙縣四首

送黃武赴黃梅知縣先任廣東臬司知事

送王大尹之任東莞初令弋陽今調于茲東莞大尹之少子也

送王司訓之任無錫學

送儀訓導之官武邑學

送劉先生之任南寧教授

覺非集 卷之八

送歐教官歸田

送胡孟時檢校考績回廣西省幕

送周繹丞復職還夔州

送主簿丁友直之漂陽

送伍通判赴任麗江府

送周指揮比試還湖廣三首

送人之雲南從事二首分勸門春曉分得淮浦揚帆

送王編修先生致仕歸吉水

送何給事致仕歸建昌

送劉布政致仕歸石首

送易鎮撫致仕還五開

送陳叔剛郎中致仕

送李知州歸六安

送張百戶還滁州

送陳舍鼎捧誥南歸

送陳高士歸隱雲窩交趾人

送榮副綱還廣州光孝寺

送鍾以義還潮陽有引

覺非集 卷之八

送陳壻南歸

送中書章文昭弟文顯歸建昌分得霞字

送熊都御史弟歸吉安

送儀給事兄子平歸東萊

送周侍郎弟恂友還鄉

送兵部劉郎中歸真定祭祖

送程上舍歸省乃程雪樓曾孫也

送陳以禮省親

送劉守忠祭墓

送工部林主事歸羊城省祭 三首

送趙公子省親回洮陽 五首

送人省親歸肇慶 三首

寄同邑陳侍郎琴軒 家有萬卷堂

寄溫知縣 家有虛白堂

寄節判陳良弼

寄梅溪熊孝廉巨

寄方以高致仕歸隱

寄陳莊陳懿昆仲

卷之八

寄李隱君

寄歐陽宜隱士 號石室

贈鄔玄中先生

贈沈成章 有引

贈周節婦

留別鄉友梁通 任通州起復至京

別卜僉憲 先任給事中曾在東宮說書

懷郭叅議 有引

懷洮州李公子嶽

和南寧李太守韻

和陳太守所贈韻自遣

和陳都堂所贈韻

和李祭酒贈行詩韻

和李祭酒所贈韻

和李祭酒韻

和袁指揮所贈韻 袁公被謫戍永昌

和教諭王德賓所贈韻

和教諭邵葵韻

卷之九

和漢陽府司訓李文輝所寄韻 二首

和同年翟彥榮所贈韻 二首

癸巳謫交趾過十八灘

安南感懷

辛亥九月望後二日北京大雪偶成

辛酉宣府歲暮書懷

會宴太監郭公清涼亭

佐戎出塞 時趙都督爲右副總兵柴侍郎監軍

凱還

暮景寫懷

致仕 陸辭家 恩賞資退朝紀事

金陵送別 爲李寺丞題前任御史

秋江待渡 爲陳員外題

江湖遊覽 爲茶山何氏子題

蛾眉夜月 送彭千戶還德慶

觀語思親 爲德慶彭千戶題

望雲思親 爲夏千戶題

丹鳳鳴陽 爲舉人伍忠題

覺非集

卷之八

本

獨鯉朝天 爲蕭大理題

杏林春霽 送黃尚禮醫士還廣

雙旻隱居圖 爲戶部黃員外題

題舊隱圖 爲衛侍御題

題隱居圖

題山水圖

題雪溪圖

題遊春圖

畫山水圖 爲中貴阮公題

武餘清樂卷 爲百戶王廷器題

蒼巒詩卷 爲茶山李端典史賦時起復之京

水雲卷 爲道士劉大鵬題

貞節卷 爲大同左衛虞節婦題

題蕭世英千戶行卷

題綏陽八景 爲增江邵金賦

題高彥敬書

題書梅

自題小影

覺非集

卷之八

七

聯奎坊 爲廣東王憲副題父居教職子爲憲臣

題周氏族譜

袁安臥雪

西伯訪渭

杜甫遊春

淵明賞菊

濂溪觀蓮

林逋觀梅

灞橋詩思

羅浮山房 爲劉判官題

蘭溪漁隱 爲興化府潘經歷題

蟾溪水閣 爲羅監生題

竹雪書房 爲戴文進題

竹川書舍

蓬萊清隱

抱清軒 爲枝江梁千戶題

翠筠軒 爲黃尚禮醫士題

素心軒 爲大理寺丞虞公父題

覺非集

卷之人

人

樂靜軒

秋菊軒

孝友堂 爲北京李氏題

永思堂 爲上林苑張典簿題

慈訓堂 爲李端題

恩榮堂 爲戶部主事張弘題

恩榮堂 爲上官民望評事題

恩慶堂 爲夏考功題

慶壽堂 爲端溪采氏題

具慶堂 爲徐州權學士題

偕老堂 爲沈誠題

壽椿堂

活濟堂

濟生堂 爲開府王氏題

淡菴 爲廖大理叔父題

默菴 爲晏千戶題

芸菴 爲曾謙題

寅菴

覺非集

卷之人

九

靜齋

賀壽詩 爲滁州趙士衡補題

挽知府李至剛 先任通政禮部尚書

挽知幾先生 先令貴縣後謫西涼作國鑑節目

挽西寧何先生

挽知縣劉正言 卒于北京

挽臧性 初任御史後改知縣

挽徐德新 初任御史後改知縣致仕

挽徐用中 先任荊州教授後任王府教授謫交趾

挽鄧大尹 二首

挽石員外

挽僚友余得祥御史

挽昌平縣典史吳應麟

挽石洲梁先生

挽舉子劉暘 會試下第告回畢姻而卒

挽監生盧用賓

挽于侍郎父 先封御史後封侍郎

挽刑部薛侍郎父

覺非集

卷之八

十

挽強御史父

挽鄭食憲父 其先福建人從軍于此

挽顧主事父

挽衛司諫父

挽劉都事父 桂林人

挽吳敏父

挽陳處士守初 乃知縣陳毅祖父

挽竹隱處士 乃臨川進士傅綱父

挽袁隱君 其子辛酉舉人

挽大理寺丞李奎第 四十八歲卒

挽靜樂處士

挽高邨王處士

挽俞漢遠

挽包德懷

挽文秉安

挽李叅政母封氏淑人

挽吳叅將母

挽吳秀才母李氏

覺非集

卷之八

十一

挽丁僉都內井氏淑人

挽知府李至剛內孫氏恭人

覺非集卷之八

東官羅亨信用實甫著

同邑祁順致和甫

編

瓊海丘濬仲深甫

五言律

懷新淦翟大尹

別後相思切憑高意惘然投荒慚我拙作令美君賢
空有屋梁想憐無刻曲船會期如可約來歲過金川

送建陽張大尹復任

覺非集

卷之八

卓異南閩令才華間世英存心惟惠愛爲政尙寬平
奏最瞻龍袞承恩出鳳城勉旃崇德業循吏著芳名

送易鎮撫致仕還五開

別時纔弱冠相見各蒼顏故舊驚存歿驅馳備險艱
佳兒承爵秩晚節遂優閒好結耆英會逍遙樂社間

淡然卷

爲廣州王道官題

羽客隱松關翛然一室間無絃琴獨操太古味常餐
永日雲連榻清宵月滿壇會看騎白鶴直上碧雲端

壽滁陽趙士衡

花甲喜重逢高堂氣鬱葱青樽開北海翠袖舞東風

福壽方川岳精神並竹松安期瓜棗大蓬島會相逢

家慶堂

爲吳敏題

京邸開家慶親慈子亦賢蒼顏映鶴髮綵服戲華筵
善行公卿頌才名遠邇傳懸知昌厥後瓜瓞自綿綿

挽丁進士尊人

教子登高第青雲願不違正期三釜養遽作九原歸
夜雨摧梁木春雲掩少微儀形無復覩哀些淚頻揮

塞上曲

覺非集

卷之八

漢南秋草白牧馬雪中肥一夜邊塵起千山候葉飛
羽書馳玉塞都護發金微聞道龍城將軍騎破敵歸

少年行

金張游狹子隸籍李輕車袂服過侯第鳴箏入主家
醉呼槐市酒夜宿杜陵花更有期門約悲歌別狹斜

宮詞

漢月流芳夜深宮羅綺過掖垣花氣暖倚樹弄雲和
調苦凝纖手情深結翠蛾曲終頻竚望玉殿起笙歌

送友遊羅浮

天風吹鶯鶯搖曳指羅浮羽翼能冲舉琅玕豈外求
瑤臺新月霽琪樹晚烟秋應伴緱山鶴翱翔大石樓

夜宿山寺

珠閣俯丹丘高寒暮景幽
簾從傾耳聽雲倚曲肱浮
僧定訶林月鳥啼玉樹秋
夜深箕踞處河漢隔衣流

送友游廣陵

八月蒹葭白秋高海色明
聞君大庾去復作廣陵行
桃葉江天渡梅花水國情
相思託南雁時寄越王城

遊天華宮廢址

覺非集

卷之八

三

漢日天華殿荒榛跡尚留
從來興廢地易起古今愁
烟鳥啼紅樹山麋飲碧流
浩歌秋色裏雲物漫悠悠

七言律

送雷行人還朝

初入翰林後除行人

射策還登白玉堂
詞鋒淬礪倍輝光
幾年奉使經遐嶠
此日乘軺到朔方
藩府禮成歸上國
朋簪祖餞醉離觴
君行我亦趨朝去
鳳闕同沾雨露香

送葛行人還朝

遠持玉節度秦關
四牡駢駢不憚難
旆影迴隨山月曉
劍光高射斗牛寒
宣揚上德頒恩賞
咨訪羣情進治安
直指繡衣今古重
佇看褒錫拜金鑾

覺非集

卷之八

四

送叅政張公之任江西

大叅拜命出金鑾
薇省重臨萬姓歡
京國比隣憐我舊
西風祖道別君難
八千驛路詩懷壯
九萬鵬程宦思寬
瑚璉本爲廊廟器
還期接武列鵷班

送同年龔叅政復任廣藩

黃甲同登記昔年
于今白髮各盈顛
美君俊邁叅薇省
憐我驅馳涉塞壩
北關來朝方聚首
西風行李遽言還
青雲事業期終始
留取芳名照簡篇

送梁知縣之任永淳

先令交趾四忙縣

井梧飄葉報新秋遠道之官屬壯遊暫屈大林臨小
邑尚留清譽播遐陬梅開庾嶺寒霜肅水落淮河曉
雨收離別悠悠何足歎好將勲業繼前修

其二

陞辭曉出禁城西祖餞筵開聽馬嘶絕域才華看舊
著永淳風月入新題牛刀大用當初試鳳鳥高騫且
暫栖瑚璉終爲廊廟具好施仁政化羣黎

其三

早有芳名動遠近又承恩命出彤墀懸魚留債應
覺非集

卷之八

五

相繼製錦烹鮮信有爲千里山川遊覽景幾篇風月
贈行詩琴堂政暇如相憶爲寄佳章慰別離

其四

天香滿袖出瑤京駐馬紅亭話別情枳棘又看鸞鳳
集蠻曾仰列星明春風到處多耕耦夜月誰家有
犬驚台輔古來由百里萊公千載著芳名

送黃武赴黃梅知縣

先任廣東臬司知事

外臺贊理著英聲超擢重瞻沐寵榮百里郎官昭
列宿一方士庶仰華旌永流宣化需賢俊製錦烹鮮

屬老成邑令親民今古重好據忠藎 皇明

送王大尹之任東莞

初令弋陽今調于茲

弋陽十載著嘉聲又捧除書出鳳城遷擢已看增祿
秩褒封猶喜沐恩榮焚黃贏得瞻先隴製錦休
教緩客程鄉邑年來亦憔悴陽春應見送羣生

送王司訓之任無錫學

東莞大尹之少子也

會稽王氏世多賢奕業流芳幾百年大尹又登循吏
傳三郎仍坐廣文瓊臯皮勇撒才華盛絳帳宏開講
授專年少功名期卓立鵬程有待看高騫

覺非集

卷之八

六

送儀訓導之官武邑學

喜看試藝入南宮又捧除書出九重位列臯皮新
教鐸家傳詩禮舊儒宗茅堂話別聽春雨金闕辭
朝候曉鐘此去育才期造就青衿濟濟觀登庸

送劉先生之任南寧教授

聖朝敷教重文儒羨子榮遷拜美除郡校喜沾新德
化客囊猶帶舊圖書兼葭浦澈霜飛早楊柳汀洲雁
渡初樂育英才期造就好看名譽重璠璵

送歐教官歸田

臯皮勇撤幾經年華髮蕭蕭雪滿顛辭老喜承新寵
渥賜歸重訪舊林泉梅花紙帳閒清夢明月扁舟散
俗緣剛得名成身亦退幾人明哲似君賢

送胡孟時檢校考績回廣西省幕

薇垣贊理幾經春奏最榮看出 紫宸百粵關河歸
路遠 九重雨露寵恩新潛鱗豈是池中物至寶還
爲席上珍天上夔龍期接武大攄忠藎展經綸

送周驛丞復職還夔州

洛河春盡水如藍送客臨期酒半酣奏最喜承新寵

覺非集

卷之八

七

渥歸榮還署舊官銜秦淮柳暗搖深綠巴蜀山高滿
翠嵐歷涉也知詩興好吟成毋惜寄來緘

送主簿下友直之溧陽

都門送客醉霞觴千里之官赴溧陽撫字殷勤存惠
愛臨民平恕慕忠良梗楠會見登廊廟枳棘應難集
鳳凰遠大功名期卓立流年莫遣髮滄浪

送伍通判赴任麗江府

州佐才名二十春榮看考績觀 楓宸謾期奏最登
高爵又捧除書收遠人萬里風雲鵬翮健九天雨露

寵恩新到官撫字須珍重尺素來時莫厭頻

送周指揮比試還湖廣

都門送客駐征驂聽唱離駒別思酣冠珮暫看辭
闕下麾旌重喜入湖南才兼文武人爭羨拙守衡茅
我獨慙撫禦功閒如見念平安毋惜寄華緘

其二

將軍勇畧藝精專百步垂楊葉盡穿馳騎總居多士
右歸榮猶及早秋前洛河雨過浮藍起鍾阜雲開翠
黛連要使功名垂竹帛莫教華髮歎流年

覺非集

卷之八

八

其三

暑雨初晴爽氣浮將軍歸去泛扁舟趨 朝恩被情
偏喜試藝功成願已酬淮海潮聲喧永夜洞庭月色
照高秋知君撫景能相憶應有書來慰別愁

送人之雲南從事

分得薊門春曉

陞辭曉出薊門西旭日東風聽馬嘶潑灑春醅留客
醉閒關好鳥向人啼功名事業登臺省景物江湖入
品題回首京華猶咫尺 九天宮闕接雲齊

其二

分得淮浦楊帆

春流萬派咸朝宗楊帆仙客乘天風白浪滿江作咆
哮青山兩岸如飛龍推蓬曉發清河北振舵晚泊維
揚東回瞻天闕五雲表鬱葱佳氣浮空濛

送王編修先生致仕歸吉水

黃閣詞臣致政歸公卿祖帳倍光輝投閒喜有先廬
在訪舊驚看故老稀蘿月松風時笑傲海鷗沙鷺日
忘機也知重念君恩厚回首蓬萊隔翠薇

送何給事致仕歸建昌

爲郎青瑣幾經年華髮蕭蕭已滿頭一寸丹心猶戀
覺非集

卷之八

九

闕九重優詔許歸田烟霞日極鄉關杳雨露恩深
別夢懸祖餞公卿車馬集風流不美二疏賢

送劉布政致仕歸石首

玉堂早歲擅才名薇省榮遷謫政聲奏最共期膺
寵錫引年遽爾動歸情白蘋紅蓼秋霜肅明月清風
畫舫輕此去故園無俗慮耆英結會樂昇平

送易鎮撫致仕還五開

契闊堪嗟歲屢遷京華邂逅倍悽然連牀正喜談親
誼對酒俄驚醉別筵爵秩渙頒歸令子功勳尤願繼

前賢懸車投老尋鄉曲三徑重開樂暮年

送陳叔剛郎中致仕

銓曹早歲著英聲八袞歸休沐寵榮官帶舊銜鄉
望重心無塵慮世緣輕都門祖餞多新進閭里趨迎
總後生三徑重開看松菊不妨偃仰學淵明

送李知州歸六安

文章太守我同年倜儻風流繼謫仙五袴歡譔閭里
頌一錢清譽口碑傳趨朝喜見沾殊澤歸日榮看著
錦鞭明到六安施德教滿城花柳謫春妍

覺非集

卷之八

十

送張百戶還潯陽

帥兵幾月寓京華謹飭忠勤衆所嘉閱武政忻頻演
藝承恩又喜暫還家馬嘶曉市都門道帆掛西風
潯水涯歸拜親庭傾壽酒筵開羅綺醉流霞

送陳舍鼎捧詒南歸

納言嘉績著銀臺褒錫榮看制詒裁錦軸聯翩頒
殿陛天章煥爛出蓬萊追封祖廟推恩典旌異忠
良表俊才家嗣捧持歸故里壽親滿進紫霞杯

送陳高士歸隱雲窩

交趾人

先生歸去隱雲窩茅屋重營補薜蘿盡日杜門過客
少滿林啼鳥落花多香殘隱几收雲母衣敝臨流製
芟荷我亦瀟閒方外侶何時泉石共蹉跎

送榮副綱還廣州光孝寺

拜捧除書出九天架溪又上路河船一蓬明月禪心
靜十載交遊別夢懸兜率閣高金相現菩提樹古緣
陰連懸知到日重登覽大振宗風繼昔賢

送鍾以義還潮陽

有引

潮陽鍾以義謹厚士也念其姻弟王君廷顯爲刑

覺非集

卷之八

十一

部尙書郎以註誤坐累謫戍塞北以義不遠萬里
跋涉水陸而來慰問君子謂其能篤親親之義莫
不嘉之茲還其鄉過予告別因賦近體一章以送
之

高懷慷慨孰能同義重姻親邁古風萬里驅馳來嶺
表一身勞瘁入雲中綢繆旅邸情方洽樽酒長亭別
復忽鄉邑故人如有問爲言昭代 聖恩隆

送陳堦南歸

遊宦 金臺十載餘家貧親老竟何如一官自歎無

來問起居已喜客情經歲晏那堪話別
屬春初鄉閭朋舊如相見爲說蕭蕭髮已疎

送中書章文昭弟文顯歸建昌

分得霞字

祖饒筵開潞水涯送君南去旅程賒松楸在望雖堪
喜鴻雁離羣重可嗟數百新詩題別意百松春酒勸
流霞到家爲報難兄好鳳沼承 恩髮未華

送熊都御史弟歸吉安

大兄威望肅南臺仲氏承 恩闕下回祖饒衙門朝
士集薰風灑洛渚錦帆開故家文獻傳當世昭代衣冠

覺非集

卷之八

十二

近上台嗟我相逢又相別臨岐無奈意徘徊

送儀給事兄子平歸東萊

相逢正喜序天倫祖席俄看話別頻妻被獨憐虛夜
榻雁行誰念隔秋旻過庭詩禮傳東魯報國丹忠拱
北辰歸臥衡茅無俗慮新詩吟遍故園春

送周侍郎弟恂友還鄉

亞卿德教重鄉評儀表闔門最有聲家嗣已登賢士
傳季方復受義民旌來朝特荷 君恩重歸去應知
客况清光顯一門人共美好憶忠蓋答 皇明

送兵部劉郎中歸真定祭祖

十年京國著英聲此日言歸荷寵榮
疋馬曉辭丹鳳闕雙旌明到鎮陽城
椿萱逝早承褒贈松檜陰深蔭墓塋
拜掃焚黃成禮後孝心應足慰生平

送程上舍歸省

乃程雪樓曾孫也

雪樓文獻四方聞之子才華邁等倫
璧水幾年勤問學春風三月又寧親
上林日暖鶯聲巧平野烟消柳色新
此去故園還及早功勲要使紹前人

送陳以禮省親

覺非集

卷之八

七

白蘋風急雁初飛才子寧親日下歸
華佩暫看辭鳳闕綵衣重喜拜庭闈
百栢別酒澆離思十幅蒲帆掛落暉
忠孝兩全今古重春風回棹勿遲遲

送劉守忠祭墓

雙親淪沒已多時詔許南歸展孝思
丘隴拜瞻增感慨音容想像倍傷悲
功名有待旋須早江海無波去勿遲
京國故人頻悵望來春重擬話襟期

送工部林主事歸羊城省祭

鳳敕新頒出禁闈承恩捧向嶺南歸
慈親尚喜尤康

健嚴父堪嗟久棄違遊宦幾年疎定省
褒封此日倍光輝懸知拜慶稱觴處
五色斑斕映錦衣

其二

十年京國著英聲此日榮歸促去程
疋馬曉辭雙鳳闕扁舟明到五羊城
褒封敕賜龍章煥幽顯恩沾寵渥榮
忠孝兩全臣子事早摠忠盡蒼昇平

其三

仙郎歸省向番禺送別長亭酒滿壺
客路遠隨秋去雁鄉心偏切夜啼烏
已看泉下恩光滿猶喜庭前綵服趨
此日分攜獨南去幾時旋旆到天衢

覺非集

卷之八

七

送趙公子省親回洮陽

之子青年志不羣共知能武復能文
九重入貢沾恩早千里寧親報德勤
金鏃射鵬名冠世詞源倒峽氣凌雲
父忠子孝全名節彝鼎巍巍紀大勲

其二

寧親千里到姑臧爲憶劬勞志不忘
酒獻松花浮玉液衣裁宮錦帶天香
勤誠報國功勲著忠孝傳家世澤長
回首松楸猶在念馬蹄指日是洮陽

其三

卓犖才華問世賢瓊林玉樹思飄然學宗孔孟文風
盛業究係吳武藝專報 國丹心恒耿耿奉親誠意
每拳拳柳營正好承嚴訓卻憶松楸旆又還

其四

人似神仙馬似龍妙齡豪氣貫長虹開尊夜對瑤台
月挾彈春遊紫陌風嚴侍久違勤遠省深恩未報欲
輸忠臨岐不用傷離別好整衣冠覲 九重

送人省親歸肇慶

覺非集

卷之八

七

京華從事擅才名又喜寧親出鳳城白髮倚閭諸素
願綵衣展拜慰深情雲連嶺海鄉關遠舟渡秦淮客
夢清壯志功名期卓立來秋應觀沐 恩榮

其二

江楓墜錦雪飛花才子歸寧宦况賒千里好山迎去
旂百栢別酒勸流霞椿萱壽考應無恙祿秩超遷詎
有涯鄉里舊遊如訊問爲言樗散髮雙華

其三

之子寧親出建章綵衣猶帶御爐香每懷白髮雙親

老豈憚修程萬里長酒泛霞觴酬別意詩題錦軸歷
行裝懸知家慶重開處濟濟親朋集畫堂

寄同邑陳侍郎廷器

家有萬卷堂

容臺歸隱舊山莊喬木連陰映草堂萬卷有書窺至
理一塵無慮擬羲皇還丹已信黃茅熟卻老寧愁白
髮長我有引年應得請耆英結會共徜徉

寄溫知縣

家有虛白堂

掛冠歸去樂逍遙五斗無煩爲折腰盡把儀型規里
閭不妨踪跡狎漁樵爐燠攬子香凝座釀熟松花酒
覺非集

卷之八

七

滿瓢虛室由來自生白任教澆妄六塵搖

寄節判陳良弼

早從天上乞閒身歸臥南溟碧海濱百歲慈親悖孝
養一門友愛序天倫醉斜烏帽風生袂夢破青綾月
照人我亦投簪尋舊隱與君同結白鷗隣

寄梅溪熊孝廉巨

孝廉別業梅溪上矮屋疎籬倚碧岑流水幾灣銀作
浪寒花萬樹玉爲林垂綸早叶非熊兆結實寧忘調
鼎心嗟我別來京國久扁舟何日許相尋

寄方以高致仕歸隱

榮華勘破等浮漚，便解朝簪覓故丘。
世業有田惟自種，市誼無豫亦何求。
穿雲荷鋪鏡黃獨，載月推蓬泛綵舟。
我服昌陽能辟穀，歸來同約赴瀛洲。

寄陳莊陳懿昆仲

椿府才華自昔聞，二難猶喜繼清芬。
詩書範俗光前哲，孝友傳家裕後昆。
逖跡久無軒冕夢，忘機時狎鷺鷗羣。
買舟便欲尋君去，共啓巖扉臥白雲。

寄李隱君

覺非集

卷之八

七

蓮花峯下白雲巖，喬木森森竊翠嵐。
詩禮百年推茂族，衣冠幾葉映華簪。
雅懷灑落人爭許，薄宦蹉跎我獨慙。
早晚辭閒歸梓里，三生舊約與君談。

寄歐陽宜隱書

號石室

石室巍峩倚澗隈，嘗瞻蜃氣結樓臺。
合瀾洲並銀濤湧，臥象山高錦帳開。
交誼半生嗟契闊，宦遊何日賦歸來。
無由縮地成惆悵，伐木歌殘首屢回。

贈鄔玄中先生

仙翁歸臥白雲堆，靜掩柴扉晝不開。
採藥有時過窈

窈觀光無夢到蓬萊，閒收柿葉揮銀管。
倦倚梅花醉綠醅，老我微名尚羈絆。
幾時林下許相陪。

贈沈成章

有引

沈達字成章，姑蘇人。與予爲同年，初任旌陽令，後被謫寓北京，別久適會賦此贈之。

沈君昔是我同年，文采風流似謫仙。
射策才華聞上國，化民清譽播西川。
睽違謾歎參商隔，邂逅空驚歲月遷。
霜鬢蕭蕭俱老矣，笑談贏得共周旋。

贈周節婦

覺非集

卷之八

六

芳年二九藁砧捐，素志堅持誓不遷。
教子立身爲後嗣，養親盡孝慕前賢。
華鉛艷飾渾慵理，孤影寒燈祇自憐。
節義由來天所佑，中流覆棹獨能全。

留別鄉友梁通

仕通判起復至京

人生會少別離多，十載光陰頃刻過。
佐郡美君才獨俊，乘軺憐我髮雙皤。
來朝深喜論襟抱，對酒寧辭醉巨羅。
疋馬西風又分袂，共期珍重沐恩波。

別小僉憲

先任給事中曾在東宮說書

黃門釋褐記青年，會際風雲豈偶然。
侍講春官承

異寵乘驄憲府邁羣賢驅馳遠道慙司馬契愛情深
比惠連此去又爲千里別幾時相對酒如泉

懷郭參議有引

陝藩參議郭子固在蘭縣予在臨洮不得相會賦
詩以懷之

同官栢府記當年別後悠悠思惘然跋涉羗戎慚我
拙旬宣方岳羨君賢停雲極目秋旻永聽雨常懷夜
榻連相去關山猶咫尺無由縮地至蘭泉

懷洮州李公子猷

覺非集

卷之八

五

公子風流玉雪姿別來憐我倍相思雲連遠樹關山
隔月映虛堂夢寐馳學武已聞閒騎射修文猶喜業
詩書他年繼述安邊嶠會有芳名聖主知

和南寧李太守韻

每懷青瑣論交誼握手都門問起居五袴稔聞歌德
政三餘猶喜業詩書選錢慰叟馳芳譽懸榻思賢發
咏吁麾節便看歸建武朱轡人識郡侯車

和陳太守所贈韻自遣

昔年爲學莫參回肯羨淵明歸去來金榜題名聯二

甲黃門忝職近三台經綸濟世誠何補獻納塗歸愧
不才越自謫居江海遠幾回飛夢上金臺

和陳都堂所贈韻

老去迂疎愧著冠末銜猶自厠臺端出巡喜際三邊
靜撫諭頻看衆庶懽遠塞雲連山色瞑嚴城月落角
聲寒同寅義重相思切翹首東南臂欲翰

和李祭酒贈行詩韻

塞北旬宣歲屢遷才疎政拙愧同年省耕每向春風
裏問俗常于夜月前白髮盈顛秋漸短丹心報國

覺非集

卷之八

十

老彌堅橋門咫尺雲霄隔聽教無由講席連

和李祭酒所贈韻

奉使頻年寓北陲深慚食粟與朝衣旣疎長策安邊
鄙豈有雄才布德威納款屢看殊域至獻琛更喜遠
人歸回朝得途同年樂信覺斯文倍有輝

和李祭酒韻

幾年載筆侍明光盛有才名播四方超擢榮看登
璧水歸田未許老柴桑諸生侍講聞韋玉六館循規
戒履霜造就英才爲世用人思德教永難忘

和袁指揮所贈韻 袁公被謫成永昌

祖父安邊世業雄丹心耿耿貫長虹霜蹄躡蹶寧爲
夫深鑑常懸有至公鯉化好隨三月浪鵬搏應趁九
霄風知君素蘊孫吳畧躍馬期收奏捷功

和教諭王德賓所贈韻

別後相思日幾回青雲空有夢魂隨驚心白髮嗟何
益過隙光陰去莫追絳帳傳經當讓子金門抗疏不
知誰丈夫志氣千牛斗未信貧無立地錐

和教諭邵夢韻 請交趾作

覺非集 卷之八 王

忝職黃門記往秋聯班常得近王侯塗歸晚直金
鑾殿入奏晨趨五鳳樓韶濩慣聞天上樂葡萄曾
醉御前甌自從謫向江湖遠旋學康衢擊壤謳

和漢陽府司訓李文輝所寄韻

羨子風標曩出塵書來深荷託鴻鱗暮雲春樹情何
切明月青尊意獨勤講學挑燈費館夜浴沂行樂泮
林春別來京國勞瞻企何日高談許我聞

其二

郡齋幽雅絕纖塵泮沼春深躍錦鱗博士傳經能解

感諸生受業自攻勤西窗翠竹含孤節東閣梅花吐
早春近日儒官多拔擢佇看清譽四方聞

和同年翟彥榮所贈韻

對策無才愧賈生多君愛我獨心傾金臺別後勞飛
夢谷郡相逢話舊情素志謾期蘇赤子丹心終日戀
瑤京邊庭寧謚狼烟息一統華 仰大明

其二

昔年簪筆侍鑾坡獻納疎慵感愧多遐嶠播遷憐跋
涉內臺超擢沐恩波鄉居幸託聯桑梓宦達常懷
此非集 卷之八 王

共甲科况是金蘭交契重悠悠高誼豈能磨

癸巳謫交趾過十八灘

幾年踪跡仕途間此日重過十八灘怪石槎牙如列
戟湍流迅急似傾盤神靈有感能相護心事無私險
自安遙望九重猶咫尺秋高應擬泛舟還

安南感懷

拙宦虞翻拙未休九年恩譴滯炎州日長山鳥啼官
舍地僻蠻烟繞郡樓夢斷禁垣虛補袞憂深邊徼欲
前籌莫言交廣風烟接一望南溟恨已悠

辛亥九月望後二日北京大雪偶成

初冬未至雪花飄六出沾泥積後消弱柳低垂銀燦
娜遠山高聳玉岩堯書窓偏稱書聲雅酒市應知酒
價饒豐稔預占來歲兆自慚無作頌神堯

辛酉宣府歲暮書懷

塞北馳驅又二冬宣城除夕思忡忡先塋遠隔滄溟
外天闕遙瞻紫極中笑飲屠蘇惟我後謾題桃句
與誰同六旬有六明朝是擬解朝簪學老農

會宴太監郭公清涼亭

覺非集

卷之八

七

別構華軒遠市廛公餘開宴集羣仙酒傾琥珀浮銀
甕脯擘麒麟列綺筵賓主獻酬情爛熳笙歌雜選舞
翩跹太平青海無飛羽共祝皇圖億萬年

佐戎出塞

時趙都督爲右副總兵柴侍郎監軍

俎豆堪嗟尙未聞疎庸繆忝佐三軍貔貅出塞威如
虎鼓角喧天陣若雲司馬持權明賞罰總戎刻志淨
妖氛會看殘成擒盡奏凱歸朝侯策勳

凱還

大將提兵靖回凱歌聲沸動春雷三邊喜見烽烟

息萬里行看貢賦來擬作饒歌齊雅樂便裁露布獻
金臺自此無遺類一統文明遍九垓

暮景寫懷

年踰六十覺疴羸淚眼迎風不敢開腰下沉沉如墜
石耳中隱隱若聞雷趨朝上馬須扶挿奉使乘輅怯
往來便擬辭閒林下去無營無慮樂悠哉

景泰元年七月二十日蒙恩致仕八月二十

一日早於奉天門階辭奉旨賜酒飯畢復宣

至左順門賜衣一襲俾歸服用內大紅紵絲圓

覺非集

卷之八

七

領一織金獬豸青紵絲搭護一綠紵絲褶子一

退賦詩一首以紀其榮云

四十餘年事聖君歸休此日別楓宸醉來內醞葡

萄艷賜出宮袍獬豸新人羨風流同廣受自慚衰朽

少經綸故鄉賸有佳山水應覓漁樵爲結鄰

金陵送別

爲李寺丞題前任御史

白髮乘軺老繡衣觀風又向日邊歸政施吳浙霜威
肅舟渡秦淮月色輝太學師模當世重中朝人物似
君稀于今棘寺推平反誰謂生平志願違

秋江待渡

爲陳員外題

我昔乘輅過孟津江臯待渡立逡巡扁舟共泛登河
洛匹馬西遊入隴秦滿目江山含暮雨數行鴻雁杳
秋旻歸來京國看圖書猶憶當年跋涉勤

江湖遊覽

爲茶山何氏子題

多君壯志慕前修早向江湖作勝遊廢舉幾年居逆
旅觀光此日到神州聞歌越調經聞慣楚水吳山歷
覽周歸去勉修忠孝業錦城雖好莫淹留

蛾眉夜月

送彭千戶還德慶

覺非集

卷之八

王

璧月娟娟映翠華扁舟夜泊宦情除香飄桂子來高
宇風送潮聲入淺沙李白墓荒仙夢遠蛾眉亭古斷
碑斜將軍何暇探陳迹要立殊勛鎮海涯

觀詰思親

爲德慶彭千戶題

新頒 錦誥出明光捧讀思親意不忘兩世功勲昭
汗簡 九重褒錫煥 龍章謾期繼述超前列誓竭

忠貞荅

聖皇祿秩綿綿傳未已應知千載播餘芳

望雲思親

爲夏千戶題

雙親淪逝幾星霜行役瞻雲意倍傷
龍樹迴連湘水

渺庭幃遙隔楚天長深恩罔極應難報哀思無窮
暫忘好竭丹衷荅 明主傳家忠孝播餘芳

丹鳳鳴陽

爲舉人伍忠題

聖德巍巍被八荒大藩選士際時康禹門共觀魚龍
化阿閣爭誇鳳鳥翔六象羽儀昭至治九苞文彩協
禎祥虞庭禮樂皆明備好和蕭韶九奏章

獨鯉朝天

爲蕭大理題

游泳江湖已有年一朝鼓鬣獨朝天禹門變化良非
偶霄漢飛騰信自然霖雨弘施甦萬物風雲慶合集

覺非集

卷之八

王

羣仙鯨鯢自是神龍類肯逐凡鱗困九淵

杏林春霽

送黃尚禮醫士還廣

三世爲醫積累深活人種杏已成林晴霞綉日花開
徧翠蓋當窻樹藹陰京國別來勞遠夢片帆歸去送
初心畫圖不盡家山趣舊跡陳踪取次尋

雙旻隱居圖

爲戶部黃員外題

雙旻山下楚溪東喬木森森翠作叢石徑紫紆蒼蘚
合茅堂隱映白雲封過庭詩禮傳三葉奕世衣冠近
九重京國披圖頻想像膏車何日許相從

題舊隱圖 為衛侍御題

故人家住睢陽郡溪上茅茨迤邐開當戶好山金曉
映浴堤流水玉縈迴讀書已遂飛騰志衣繡咸推俊
邁才客裏披圖懷舊隱功成他日賦歸來

題隱居圖

仙居迢遞傍遙岑流水桃花徑路深千頃白雲迷遠
岫數椽茅屋映疎林棲遲自得閒中趣韜晦都忘物
外心久客歸期殊未卜展圖惆悵不勝銓

題山水

覺非集

卷之八

七

雲樹蒼茫紫翠連水光山色共悠然叢林幽谷棲禪
刹曲岸垂楊繫釣船花塢鳥啼春寂寂松庭鶴唳月
娟娟虎頭已去龍眠老此幅清新孰爲傳

題雪溪圖

瑞花亂落似飛瓊極目乾坤一色明瘦竹低垂銀燦
娜遠山高聳玉崢嶸雲窻皎潔書聲雅惠帳虛澄鶴
夢清恍惚剡溪溪上景王猷孤棹岸邊橫

題遊春圖

滿目春光淑景融遊人並轡出郊東鶯花爛熳詩懷

壯宮錦淋漓酒興濃夾道垂楊青裊裊激湍流水綠
溶溶憑知日暮忘歸去醉倚危樓第幾重

書山水圖 為中貴阮公題

幽人卜築傍江灣門掩清風白晝閒遠岫含雲烟樹
渺落花鋪地紫苔斑林泉自擬終棲遁城市何曾識
往還祇恐鶴書起遺逸衣冠重整拜 金鑾

武餘清樂卷 為百戶王廷器題

閱武歸來脫戰袍詩書適興樂陶陶道遵孔孟儒風
感學究孫吳武畧高試藝龍涎彈綠綺謾將虎韞橐

覺非集

卷之八

天

烏號安邊正爾需賢將會觀承宣沐 寵褒

蒼巒詩卷 為茶山李端典史賦時起服之京

幕賓舊隱傍遙岑喬木千章翠作林祖禰昔聞培厚
澤衣冠今喜映華簪奉喪盡禮寧親魄待選趨朝聽
玉音盛世功名期顯達蹉跎莫遣二毛侵

水雲卷 為道士劉大鵬題

羽客翛然物外心名山勝境恣幽尋何年跨鶴來溟
海此日囊琴別壺簪千里水雲閒笑傲半生落魄任
浮沉還丹九轉功成日飛渡蓬瀛看淺深

貞節卷 爲大同左衛虞節婦題

戎行薄俗豈堪論節義孤高在德門奉養孀姑登上壽教成稚子見曾孫婺居獨守心良苦素志堅持行自敦直指回朝宣奏牘褒旌應見沐深恩

題蕭世英千戶行卷

將軍先業在鎬陽喬木森森映書堂三世功勳昭汗簡一門忠孝播餘芳睽違謾歎關山隔遊宦空驚歲月長致政安居歸故里香山九老共徜徉

題綏陽八景 爲增江邵金賦

覺非集

卷之八

无

金紫嵯峨勢插霄鷗鵲蒼翠更宕蕤鳳林壽嶺春光媚古洞龍門景物饒竹下清泉常汨汨杏梢晴靄自飄飄仙翁歸隱多幽興足跡何曾到市朝

題高彥敬書

尚書舊寫隱居圖半幅溪藤意有餘千頃白雲山掩映滿林蒼藹樹模糊鳥啼幽谷春聲早鶴唳空庭月色孤倦客懷歸殊未得臨風把玩謾躊躇

題書梅

宇宙凝寒百卉凋羅浮仙子挺孤標蜂腰鶴膝精神

古王質冰肌體態燒爲愛幽貞同雅操謾傳清影入生綃華堂陰對成高興踏雪何須過野橋

自題小影

霜鬢蕭蕭七袞餘冠纈服竟何如忝爲憲職粗知律空負儒名少讀書修竹寒梅煥晚節清風明月稱幽居等閒有問襟懷事湛湛靈臺點翳無

聯奎坊

爲廣東王憲副題父居敬職子爲憲臣

名門積慶信無違父子聯科世所稀月桂兩華誠卓異奎星重映倍光輝臯皮接武乘聰馬儒服傳家著

覺非集

卷之八

辛

繡衣文獻百年推閭閻門前華表自巍巍

題周氏族譜

故家文獻豈徒然積德由來幾百年閭郡析居嗟遠別瓊臺遊宦屬南遷衣冠濟濟尤前哲詩禮彬彬藹後賢譜牒修明敦本始曾孫什襲永相傳

袁安臥雪

積雪盈堦已丈餘先生高臥自安舒梅花紙帳宜清夢曲巷疎籬稱隱居縣令遠臨勞騎從孝廉芳譽重璠璣一朝應詔幡然起赫赫功名太史書

西伯訪渭

渭川終日坐垂綸樂道安貧老此身喜見熊羆占吉兆特勞車駕到江濱歸周已覺年將邁佐業寧知志獨勤千載書圖畱偉跡令人歌咏想精神

杜甫遊春

春到皇都淑氣回杜陵仙客好懷開郊原景物多佳致湖海詩聲屬俊才滿目風雲情淡蕩遊人歌舞重徘徊太平處處皆行樂雨露深恩被草萊

淵明賞菊

覺非集

卷之八

圭

淵明歸去隱潯陽籬菊秋深盡吐芳璀璨金英凝曉露娉婷玉質傲秋霜壺觴自引酬佳節僮僕歡迎入書堂醉倚南窻多逸興高風千古託義皇

濂溪觀蓮

手植芙蓉盡放花倚闌賞玩謾咨嗟亭亭翠蓋擎仙掌灼灼紅粧綉絳霞十里薰風來几席一簾香霧透窻紗淤泥雜處應難染外直中通信可誇

林逋觀梅

逋仙性癖嗜梅花六出開時興倍賒入座暗香清複

郁當窻寒影瘦槎牙曉啞自覺詩懷壯夜飲應知酒量加結實待看調鼎鼎莫嫌孤淡負韶華

灞橋詩思

同雲密布雪花飄策杖殷勤過灞橋得句也知肩屨聳成章應覺興偏饒不才自信明君棄多病寧煩故友招太守亭中留偉貌至今名譽尚遙遙

羅浮山房

爲劉判官題

故人家住羅浮下山色崔嵬倚大空雲歛翠屏開玳瑁日華金瓣削芙蓉讀書已信成名早遊宦頻添別

覺非集

卷之八

圭

興濃幾度披圖增感慨扁舟何日放歸蓬

蘭溪漁隱

爲興化府潘經歷題

故人結屋蘭溪上紫玉曾裁作釣竿一曲滄浪清興古半簑烟雨白鷗閒從龍早歲爲霖去訪舊何時衣錦還幾度憑高頻拄笏宦情鄉思滿江關

蟾溪水閣

爲羅監生題

巍巍傑閣俯溪灣幾度登臨豁笑顏雲影水光相上下海鷗沙鷺共回還賓興已遂飛騰志歸省寧辭跋涉難盛世功名期卓立蹉跎莫遣髮毛斑

竹雲書房 爲戴文進題

雪壓簷簷畫未乾書齋凍合四漫漫
雲愈見耀牙籤潤蕙帳虛澄縞
袂寒聲雜伊吾聞浙瀝影隨杖屨共
幽閒高人素有經綸志會接夢龍玉荀班

竹川書舍

幽人結屋傍江干種得疎篁半畝寬
翠幹拂雲時弄影滄浪浸月夜生寒
香雲僻蠹書千帙春筍充庖食一簞
苦節清修期衛武成名應擬拜金鑾

蓬萊清隱

覺非集

卷之人

三

玄都南畔構幽居隔斷紅塵俗
藪疎瑤草生香秋榻暝銀蟬流影
夜愈虛延齡早得還丹訣味道恒觀
太古書我亦生平慕閒雅幾時相訪
命巾車

抱清軒

爲故江梁千戶題

別構沲江第幾灣捲簾陰眺水雲寬
千尋玉練來雲漢萬壑銀濤繞畫闌
疎雨淡烟秋榻暝碧天涼月夜愈寒
將軍不是滄浪客好向金門策治安

翠筠軒

爲黃尚禮醫士題

故人華構越江灣盛種琅玕繞畫闌
色帶瀟湘烟欲

暝翠分淇澳露初乾孤貞雅喜同襟度
勁節真堪共歲寒舊業軒岐多秘術
相從何日間丹還

素心軒

爲大理寺丞廖公父題

哲人素志淡無營獨臥衡茅樂治平
皓月清風爲伴侶寒梅修竹共幽貞
詩書教子登華要綸綍旌賢沐寵榮
洛社耆英時結會棲遲無復慕淵明

樂靜軒

君子存誠志益堅小軒端坐絕囂喧
自甘疎散居泉石不逐浮華競市廛
塵起臨池觀舞鶴梵餘倚檻聽

覺非集

卷之人

三

啼鵬丈夫立行期終始會有芳名繼
昔賢

秋菊軒

哲人嗜好異凡庸種得秋香菊萬叢
綠葉盈含玉潤金英燦燦傲霜風
繁華寧羨桃和李貞潔惟親竹與松
千載屈平堪比跡啜英端可製衰容

孝友堂

爲北京李氏題

孝友能全世所稀多君愛敬兩無違
椿萱並秀安榮養花萼聯芳綯綠衣
甘旨承歡情欸欸墳麓迭和思依依
一門行義人爭許褒錫應看信有輝

永思堂

爲上林苑張典簿題

親恩罔極豈能忘一度追思一斷腸
警欬恍然聞夢寐容儀儼若在
羹牆雲迷壠樹頻瞻企風振庭柯倍
感傷抱痛中天何日已臨風灑泪已沾裳

慈訓堂

爲李端題

華堂新築奉慈親儀範雍雍誨語諄
世澤好培遺後嗣家聲須振紹前人
九調能瞻資勤學髮易珍儻爲待賓
會觀孫曾多俊偉百年喬木萬芳春

恩榮堂

爲戶部主事張弘題

覺非集

卷之八

重

堂上慈親白髮長九重寵命到遐方
錦衣朱翟恩榮重鳳翥龍翔御墨香
蘭桂增輝枝愈茂椿萱積慶壽彌昌
一門顯耀人爭羨好竭忠貞荅聖皇

恩榮堂

爲上官民望評事題

翌翌高堂創建成九天雨露布恩榮
廷評久歷華勲著錦敕新頒御墨馨
鶴髮雙親膺寵命肝江千載播芳聲
一門顯達人爭羨好竭丹衷荅聖明

恩慶堂

爲夏考功題

夏氏雙親七袞餘承恩褒錫有誰如
龍章煥爛

來天闕賀客駢闐溢里閭銀帶烏紗明
綵服珠冠霞帔雜瓊琚一門光顯存忠
孝會有芳名太史書

慶壽堂

爲端溪梁氏題

雙親鶴髮在高堂孝子殷勤奉壽觴
鬱鬱靈椿含晚翠青青慈竹傲秋霜
遺安已信家聲遠積善懸知慶澤長
從此哲人膺五福綿綿瓜瓞自繁昌

具慶堂

爲徐州權學士題

彭城權氏世多賢學士風流似謫仙
玉笋班中辭好爵耆英社裏樂餘年
靈椿歷歲枝猶茂慈竹經秋節

覺非集

卷之八

重

愈堅濟濟兒孫羅膝下萊衣綵袖舞踰躑

偕老堂

爲沈誠題

雙親鶴髮在高堂孝子頻年寓帝鄉
甘旨四時勤寄奉期頤百世願康強
靈椿鬱鬱含朝露慈竹森森傲晚霜
天佑德門膺五福孫曾奕業永流芳

壽椿堂

堂上嚴親樂壽康庭前古樹鬱蒼蒼
靈根得地封培厚直幹凌雲歲月長
色映綵衣春晝媚影搖深院午陰涼
阿戎筮仕登華要歸省行看沐寵光

活濟堂

夙聞清譽橋維揚華扁新題活濟堂橋井浮烟侵座
潤杏花飛雨入簾香陰功盛積流芳遠種德多遺慶
澤長會看大施醫國千人躋壽域樂時康

濟生堂

爲開府王氏題

早有醫名播大梁登高幾度挹輝光活人屢施還生
藥濟世長傳不老方十丈晴虹丹火發一簾紅雨杏
花香陰功盛積流芳遠祚胤應期百世昌

淡菴

爲廖大理叔父題

覺非集

卷之八

七

清時顯宦我何堪抱拙安貧寄一菴圭竇筆門情自
適菜羹蔬食味偏甘無絃琴操高山調直釣竿投碧
水潭遁跡已忘軒冕貴無煩郡守爲停驂

默菴

爲晏千戶題

聖門垂訓戒多言之子持循志益堅啓齒每防輕誕
失省躬恒慮悔尤愆三緘自信無非議一默真同不
語禪千載南容能比跡芳名應見後人傳

芸菴

爲曾謙題

手植芸香滿澗隈結茅習靜共徘徊思以宜辟蠹藏書

帙更喜清芬入酒栢蘭草謾誇同氣味軒干端可作
輿臺高人久秉靈均操會有芳名徹上台

寅菴

哲人操履異凡庸終日乾乾省厥躬舉目若臨天
帝座出門如覩大賓容半生持守無違越萬慮潛消
自感通嗟我小心恒翼翼芝蘭氣味喜相同

靜齋

之子存誠志獨堅幽齋端坐絕囂喧詩書養性忘塵
慮淡薄持心少俗緣一枕松風秋籟肅半窗梅影月

覺非集

卷之八

七

輪圓丈夫立行期終始會有芳名繼昔賢

賀壽詩

爲州趙士衡補題

昨宵南極一星光羅綺筵開集畫堂戲綵諸孫皆俊
偉稱觴賀客盡顛昂椿萱秀茂歡聲遠蘭玉陰深慶
澤長百歲應知登鶴算綿綿五福自繁昌

挽知府李至剛

先任通政禮部尚書

三朝省部舊名臣出守閩南德化新共喜壽康娛晚
節俄驚鵬鳥集永塵空餘事業留青簡無復衣冠謁
紫宸卻羨賢郎能接武蜚聲粉署正青春

挽知幾先生

先令貴縣後謫西涼作國監節且

知幾學行古人儔一別塵寰四十秋作令才名留貴
邑爲儒清譽滿涼州丹山鳳杳瞻華彩碧落文成載
玉樓幾度臨風觀國鑑不堪爲悃悼前修

挽西寧何先生

先生行誼更誰倫松竹清標迥出塵教子要知先世
澤營家寧論謫居貧仙踪去後名猶在吟藁傳來墨
尚新撫卷不堪增感慨緬懷賢哲爲沾巾

挽知縣劉正言

卒于北京

覺非集

卷之八

三

鳬鳥翩翩到玉京南柯一夢竟難醒徒令後世稱循
吏無復當時仰列星清譽獨留榆里頌新阡應重玉
堂銘銜哀難第扶喪去汨灑西風歎鶴鴒

挽臧性

初任御史後改知縣

同膺薦剡謁承明美子才華獨老成衣繡柏臺多偉
績鳴琴花縣著英聲經綸尙擬登樞要傾逝寧知隔
杏冥旅櫬迢迢歸浙水臨風不禁淚頻傾

挽徐德新

初任御史後改知縣致仕

幾年義豸侍 楓宸又縮銅章牧野人激濁揚清成

望日永流宣化 寵恩新懸車已喜歸桑梓乘化俄

驚棄世塵賴有賢孫能濟美榮登甲第正青春

挽徐用中

先任荊州教授後任王府教授謫交

宏才碩德共稱賢郡校王門秩屢遷造就人材多俊
偉論思道義獨精專遐陬謫宦安卑分故國歸休樂
暮年耄耄一朝乘幻化更無遺恨到重泉

挽鄧大尹

才華卓犖冠羣英作邑名藩最有聲化俗鳴琴推子
賤賦歸拂袖學淵明投閒自許躋耆耄乘化誰知隔

覺非集

卷之八

三

杏冥朋舊不堪增感慨臨風些罷爲沾纓

其二

解印歸來臥白雲溪山容與謝塵紛宗嫺揖讓敦禕
典孫子貽謀藹禮文宦轍每嗟離別久神遊遽爾死
生分何年埋玉芳山下鶴唳猿啼不忍聞

挽石員外

早歲賓興入上庠 九重雨露沐恩光幾年舊贊容
臺政五品新遷粉署郎盛世功名期永顯壯齡淪沒
重堪傷孤兒扶櫬雲中去汨灑西風欲斷腸

挽僚友余得祥御史

秋水精神氣浩然爲郎青瑣已多年從龍紫塞恩
曾沐歷政黃門秩屢遷素志未忘三釜養丹心常在
五雲邊那堪遽赴修文召痛哭芳魂隔九泉

挽昌平縣典史吳應麟

一自鳴騶出薜蘿拜官邑幕沐恩波花村方聽甘
棠頌榆里俄聞薤露歌蝶舞漆園魂夢杳鶴飛華表
月明多銘題太史如椽筆芳譽應知永不磨

挽石洲梁先生

覺非集

卷之八

聖

華髮蕭蕭七泰餘南柯夢斷竟長驅家庭那復聞嚴
訓閭里空嗟失楷模海鶴歸時雲影暗隄猿啼處月
輪孤九原不用留深恨令人誇彩鳳雛

挽舉子劉暘

會試下第告回畢烟而卒

金榜無名志不休高科還擬占鰲頭標梅已喜成婚
偶絕壑寧知失夜舟三尺旅墳埋白璧一絨哀訃到
皇州朋簪飲泣咸嗟悼欲奠椒漿愧末由

挽監生盧用賓

功名踏蹬竟無成歸臥衡茅樂治平壽考謾期登耄

耄死生那料隔幽冥盍簪尚憶當年樂聞訃偏驚此
日情欲奠生芻天萬里臨風灑泪爲沾纓

挽于侍郎父

先封御史後封侍郎

兩承褒錫降黃麻柱石名卿秩屢加昭代榮恩
誠曠蕩慶門宗祏倍光華香山耆艾疇能及洛社風
流世所誇乘化翛然歸盡日鄉閭悲悼不勝嗟

挽刑部薛侍郎父

教子深期致顯融建登華要已云終九京雖負生前
願三品還膺歿後封隴樹寒猿啼落月士林哀些杞

覺非集

卷之八

聖

清風生芻一束無由奠極目天南思不窮

挽強御史父

一夜西風玉樹摧哲人云逝重堪哀空餘高義昭南
海無復斑衣戲老萊庭畔喬松猶自秀堂前叢菊爲
誰開傳家賴有賢郎在藉藉芳名播內臺

挽鄭僉憲父

其先福建人從軍于此

把劍頻年賦式薇故鄉迴隔未能歸僑居種德推華
閭教子成名著繡衣錦敕褒榮恩甫降靈椿周謝
世先違忝聯桑梓聞哀訃楚些歌殘涕泪揮

挽顧主事父

皓髮蒼顏八袞餘承 恩衣錦在鄉閭香山遺逸人
爭訝洛社風流世罕如甘旨正宜安孝養幽冥那料
竟長驅不堪旅邸題哀些泪灑西風濕袂濡

挽衛司諫父

殯露歌殘倚夕暉哲人嗟與世相違徒令冢嗣思遺
訓無復高堂戲絲衣耆舊獨憐鄉邑少儀型頓覺里
閭希玉堂大老銘潛德千載行人挹素輝

挽劉都事父 桂林人

覺非集

卷之八

聖

祿養方期樂壽康俄驚幻化掩玄堂溪山風月遺吟
藁幕府才華美令郎夜鶴悲時雲冉冉曉猿啼處樹
蒼蒼遙瞻獨秀峯千尺掛劍何時到墓傍

挽吳敏父

華髮蕭蕭兩鬢霜閑居詩酒日徜徉承家有子工書
法受學寧忘教義方陶徑菊荒秋雨冷壽鄉人去曉
山蒼銘題太史如椽筆墓道應知有耿光

挽陳處士守初

乃知縣陳毅祖父

嶺海霜凋玉樹枝哲人傾逝倍堪悲徒令後進懷高

誼無復當年親令儀華表鶴歸魂杳杳邯鄲夢斷夜
遲遲起家卻羨賢宗嗣宰邑才名遠近馳

挽竹隱處士

乃臨川進士傅綱父

養素方期樂暮年俄驚奄棄隔重泉翠筠託跡清芬
在黃甲題名令子賢海鶴怨時魂杳杳隴猿啼處草
芊芊生芻一束無由致殯露歌殘思惘然

挽袁隱君

其子辛酉舉人

音訃新隨塞雁回哲人云逝重堪哀膏肓病人誠難
治松檜霜飄卻易摧無復香山遺故老還從桂籍見
覺非集

卷之八

聖

清才銘題宗伯如椽筆耿耿文光燭夜台

挽大理寺丞李奎弟

四十八歲卒

遊宦從兄備險艱晚歸田里樂幽閒養親共美敦誠
孝積學還期策治安壽應并桑魂竟杳夢回池草曾
應難孔懷梓我惟孤立哀些嗟成泪涕潛

挽靜樂處士

早辭篋篋厭塵緣築室幽棲樂暮年教子未酬三釜
養達榮遠作五羊仙月明華表回遼鶴雲冷香山怨
杜鵬一束生芻何日致長歌楚些泪潸然

挽高郵王處士

江湖早歲恣遨遊，晚節歸來守故丘。
倒屣每留賓客醉，遺安恒爲子孫謀。
光陰迅若駒過隙，塵世嗟如海發漚。
振袂一朝成永訣，鄉閭悲悼不能休。

挽俞漢遠

早有聲華動里閭，偶從戍役入皇都。
林清翰墨人爭美，灑落襟懷世罕如。
薦剡交馳期效用，邯鄲夢斷竟長驅。
舊遊凋謝誠堪悼，蒿里歌殘重歎吁。

挽包德懷

覺非集

卷之八

墨

謫宦棲遲髮已蒼，朋簪詩酒日徜徉。
亨衢尙擬登華秩，絕壑寧知失夜航。
頗恨青蠅汗白壁，空憐素志比秋霜。
我來欲致生芻奠，忍聽啼烏泣夕陽。

挽文秉安

泮水論交記昔年，君尋舊隱早歸田。
期頤謾擬登遐算，淪逝寧知隔九泉。
翠竹蒼松留別夢，淡雲疎雨翳新阡。
承家賴有諸郎在，德業應期百世傳。

挽李參政母封氏淑人

年踰三十失夫天，潔白堅持誓不遷。
教子功勤名已

遂治家清儉業能全，壽登耄耋違榮養。
夢入蓬萊位列仙，宗伯銘文昭百世。
更無遺恨到重泉。

挽吳參將母

冰玉堅持五十霜，一朝云逝倍堪傷。
養姑盡孝登高壽，教子成名鎮朔方。
懿範謾誇鄒孟母，令名寧愧衛共姜。
儒紳哀挽聯篇什，行誼應知永不忘。

挽吳秀才母李氏

天南昨夜婺星沉，賢母云亡動士林。
示教昔聞曾斷織，周貧那覩復施金。
雲迷秀閣幽魂杳，雨暗泉臺碧

覺非集

卷之八

墨

草深卻喜賢郎才，卓犖褒封早晚拜。
綸音

挽丁僉都內井氏淑人

安樂艱危六十年，順承君子共稱賢。
治家勤儉資無匱，御下寬宏嗣有傳。
壽考謾期同祿養，仙遊那料棄塵緣。
西風旅櫬南歸去，載道悲歌爲灑然。

挽知府李至剛內孫氏恭人

毓秀閨門記昔年，大歸名閤遂移天。
順承君子躬夷險，教育諸兒總俊賢。
憂患薦膺成永訣，褒封遘復貢重泉。
玉堂大老銘潛德行，誼應知百世傳。

覺非集卷之九

五言絕

題雨竹

題雪梅

詠松

古意 二首

戊婦詞

七言絕

杜甫遊春

覺非集

卷之九

淵明賞菊

林逋觀梅

濂溪觀蓮

右軍觀鴈

東坡畫竹

陳搏高臥

子房進履

蘇秦受業

二仙共話

瘦馬

立馬

走馬

繫馬

畫馬

鳳凰

孔雀

仙鶴

錦雞

鷓鴣

鸚鵡

白頭

山狐

題畫四景

春景

夏景

秋景

冬景

覺非集

卷之九

二

題平沙落雁圖

題蘭蕊同芳圖

題畫贈安千戶

題畫寄鄔玄中

題竹寄鄔玄中

二首

題墨梅寄鄔玄中

題少保黃先生贈孫教授竹

題大理丞李奎雙喜

覺非集

卷之九

三

題梅月雙清

題春草

題畫鶯

題畫虎頭

題安晚軒

題棲竹軒

清明日雲中分院偶成

荅同年翟彥榮所寄韻

依陳副都所寄韻

三首

原缺第四葉

覺非集卷之九

東官羅亨信用實甫著

同邑祁順致和甫

編

瓊海丘濬仲深甫

五言絕

題雨竹

傲歷冰霜久沾濡雨霽深青長自若不改歲寒心

題雪梅

鐵石心腸壯冰霜節操堅纖塵應不染潔白自娟娟

覺非集

卷之九

一

詠松

矯勁神偏古孤高韻自清終令衆惡草不敢傷根生

古意

萬籬繁高枝終抱高枝朽烈士託寤交寤交稱耐久

其二

傷石蒲草瘦傷潮蒲草肥因依各已定不願更相移

成婦詞

去年戊桑乾今年戊交河書來渾不定教妾夢如何

七言絕

杜甫遊春

滿目春光景物妍，寒驢徐步慢揚鞭。
杜陵詩客情如許，那惜花村買酒錢。

淵明賞菊

五柳莊前九日臨，黃花開遍繞籬金。
壺觴自引酬佳節，醉倚西風發浩吟。

林逋觀梅

昨夜西湖雪半消，枝南枝北盡瓊瑤。
杖藜試過溪橋覺，非集

卷之九

二

去香氣侵人思欲飄

濂溪觀蓮

芙蕖灼灼絢紅霞，陰倚危闌興倍加。
憶昔濂溪陳迹在，香書圖贏得世人誇。

右軍觀鵞

寫就黃庭換白鵞，籠歸開放浴晴波。
日長獨倚危闌玩，兩袖薰風逸興多。

東坡畫竹

坡翁仙去已多年，翰墨空遺後世傳。
半幅溪藤雙鳳

蕭渭川風景自依然

陳搏高臥

華山深處是衡茅，一枕清風百慮拋。
徵使遠臨猶未醒，任教紅日轉松梢。

子房進履

孺子才華間世奇，圯橋相遇卽相知。
不因進履傳兵法，寸舌那能作帝師。

蘇秦受業

道義悠悠貫古今，當時講授意精深。
如何只用權謀覺，非集

卷之九

三

術不說經綸濟世心

二仙共語

二仙談道日忘休，頃刻寧知是幾秋。
服得丹砂應不老，相期蓬島共遨遊。

瘦馬

汗血曾收野戰功，沙場千里疾如風。
只今老去無筋力，臥向斜陽碧草中。

立馬

飲罷龍河上御堤，奚官輕立蹕霜蹄。
孫陽未遇無知

已羞向東風不肖嘶

走馬

蹄翻碧玉勢如飛
龍種由來間世稀
憶在穆王乘八駿
共誇造父善驅馳

繫馬

圍人昂首搭絲韁
暫把驂驅惹綠楊
玉漏聲殘聞闔啓
又隨仙仗侍明光

畫馬

渥洼神駿氣如山
顧影嘶嘶朔漠寒
只恐化龍無覓處
非集

卷之九

四

處故教寫入畫圖看

鳳凰

天開文運際昌期
鳳鳥來鳴觀羽儀
知是太平靈物見
謾將歌詠繼周詩

孔雀

丹青誰寫孔家禽
毛羽鮮明萬縷金
憶昔畫屏人射巧
至今歎賞有遺音

仙鶴

玄裳綺袂頂砂丹
舉翮青霄任往還
昨夜九臯清夢

覺一聲高徹彩雲間

錦雞

文彩翩翩錦作衣
花陰同立亦同飛
何當得侶翔翔鳳
集向明時覽德輝

鷓鴣

斑斑文羽類山雞
曾記詩人舊品題
春暖平原生育盛
碧坡芳草任依棲

鸚鵡

丹荔生香弄色深
飛來拋擲鐵衣禽
江南地暖棲雖覺
非集

卷之九

五

穩何似翱翔向上林

白頭

雨熟林擒半壓枝
白頭回首立多時
生來自有山翁態
不羨珍禽學畫眉

山孤

桃腮抹粉帶輕紅
山鳥調音向曉風
憶昔登龍橋上過
間關曾聽語雕籠

題畫四景

春景

青山隱隱白雲深溪上茅堂古木陰
閑罷殘編清坐久數聲啼鳥隔幽林

夏景

喬松聳翠綠陰濃仙客攜琴策短筇
欲訪知音何處是樓臺遠在碧雲中

秋景

風氣蕭森柳葉黃倚闌極目海天長
白雲飛處親庭在縮地何由到故鄉

冬景

漁樵共話

覺非集

卷之九

六

笑撒絲綸百尺輕偶逢樵父話生平
忘機不覺歸來晚獨棹孤舟載月明

題平沙落雁圖

霜入楓林葉半秋幾行征雁落荒洲
殷勤帶得平胡信玉塞參軍未白頭

題蘭惠同芳圖

蘭蕙依依並吐芳風來庭砌散幽香
君家兄弟端堪比祚胤應期百世昌

題畫贈晏千戶

蒼茫山色映書樓論史談經日未休
見說禹門春浪暖好期變化勿淹留

題畫寄鄒玄中

石榴雨綻珍珠顆山鳥風梳翡翠翎
遙憶故人千里外畫圖聊寄別離情

題竹寄鄒玄中

種得瀟湘玉數竿朝回幾度倚闌看
仙翁別後平安否寫贈應期共歲寒

題墨梅寄鄒玄中

覺非集

卷之九

七

羅浮仙子美丰姿歷盡風塵染不淄
倩得陳玄圖玉貌題封遠慰故人思

其二

不隨桃李媚春風獨抱幽貞誓始終
歲晏天寒無伴侶令人卻憶趙師雄

題少保黃先生贈孫教授竹

廣文離思浩難禁少保鄉情似海深
爲贈凌雲丹鳳羽相期永感歲寒心

題大理丞李奎雙喜

朝罷歸來日未斜
庭前靈鳥噪喳喳
新恩應自天邊至
吉兆先將報主家

題墨梅寫懷

玉骨冰肌鐵石腸
相逢幾度月昏黃
別來京國無知己
獨抱孤貞傲雪霜

題梅月雙清

羅浮仙子美丰姿
鐵石心腸只自知
今夜月明誰是伴
嫦娥端可共襟期

題春草

覺非集

卷之九

八

蘼葉青青間綠莎
爭妍競秀滿平坡
春深不改蒙茸色
自是恩承雨露多

題書鸞

簪筆當年侍玉京
掖園屢聽曉鶯聲
歸來鄉國看圖畫
無限心情在鳳城

題書虎頭

健筆伊誰寫虎頭
風生林壑氣如秋
將軍偉貌人爭訝
佇觀榮封萬里侯

題安晚軒

將軍素志在林丘
壯盛先爲晚節謀
衣錦好看歸去日
重開三徑樂優游

題棲竹軒

築亭來伴碧琅玕
苦節清修傲歲寒
好截伶倫雙鳳管
月明吹向綠雲端

清明日雲中分院偶成

清明節屆日遲遲
三疊綿衣體不離
嶺表此時屈盡
身桑乾河水尚流澌

荅同年翟彥榮所寄韻

覺非集

卷之九

九

坐把南山翠作堆
故人別去重徘徊
同年交好情偏厚
時寄新吟慰客懷

依陳副都所寄韻

驅馳退嶠雨經春
曉鏡驚看白髮新
獨羨內台賢執宰
撫安深慰隴西人

其二

別後悠悠歎睽違
帝鄉何日共言歸
臂翰不到長安道
賦罷停雲思欲飛

其三

執法由來映列星遠持玉節鎮邊城盡看霖雨回枯槁不負仁皇付託情

和靖觀梅

瑞葉飛花玉作林幽香寒逼似難禁舉梧爲贈孤山叟底事凭闌苦獨吟

覺非集

卷之九

十

覺非集卷之十目錄

附錄年譜墓碑省誌鑑史傳贊

年譜一通 長子泰述

墓碑銘 吏部尚書王直撰

載廣東通誌行實一通

載各鑑史

一按綱鑑會纂

一按皇明通紀

一按歷朝捷錄

覺非集

卷之十

一

大同宣府建功臣廟奉公像祀于昭德堂樹碑

廣東布政喬學詩廉使姜志禮看語

大學士瓊臺後學丘濬挽歌

布政叅政同邑後學祁順傳竝論

巡按廣東御史王命璠贊

同邑後學黃閻古贊

合州知州尹宗武贊有序

布政叅議同邑後學袁昌祚贊

後跋 十五世孫哲識

覺非集卷之十 附錄雜紀

通議大夫都察院左副都御史羅公年譜

長子 泰敬述

公姓羅名亨信字用實號樂素先世南雄人宋季徙居東莞之英溪高祖諱俊曾祖諱應辰祖諱得寬元至正間由里選爲邑掾後丁內外艱歸值季世亂不復出父祖昌亦不仕自號英溪耕隱母赤嶺黃氏生善族有賢行洪武十年丁巳十月二十八日亥時公生十五年壬戌公年六歲是年邑海覺非集 卷之十 一

寇作剽掠村聚遠近騷然人皆逃避祖父以襁約公于背遁夜泊東莆賊逼甚祖父度不能兩全遂棄公于叢莽中爲民兵所獲及旦人有見公貌奇偉欲市爲子幸得同鄉人婦謂曰是良家兒幸勿貨也當有重贖賊平祖父詢知民兵家束裝持白金往贖父子始復完十六年癸亥公年七歲賊平後部符下以瀕海之民多從賊反覆名曰降民欲遷充戎後先祖懼挈家逃惠陽時公未能遠行乃寄育親舊之家十七年甲子公年八歲時

朝廷有降民祖回遣公受學于城西溫良甫先生館

公實始受學也十八年乙丑公年九歲祖攜家回自惠陽以舊居荒翳未及芟闢乃暫居橋嶺祖塋之傍十九年丙寅公年十歲祖始營英溪舊宅耕闢舊業仍請溫良甫先生來塾于家時鄉里賴寧矣二十年丁卯公年十一歲是年聘白市伯原莫先生啓館公往從之二十一年戊辰公年十二歲祖母黃淑人卒公哀痛過毀且盡喪祭之禮鄉人爲孝童二十二年己巳公年十三受學伯原莫先生館時稱穎敏二十三年庚午公年十四繼母黃氏來歸是年秋祖足患疽疾不能舉稅役百需皆出公手稍暇嗜學不倦二十四年辛未公年十五仍遊伯原莫先生館是年重造賦役冊推收稅畝躬自開報無少差忒二十五年壬申公年十六改受本鄉計先生館二十六年癸酉公年十七時監察御史耿覽按邑謁廟以生徒員少令有司舉俊秀子弟補是年公始遊庠序時春二月二十五日也次月朔御史詣學詢新送秀才能讀書者訓誨

覺非集

卷之十

二

黃先生勸以公可教對是日就令補廩先生授以詩經遂晝夜居學宮靜業不少懈日習詩句破承是年冬弟勝瑤疾夭二十七年甲戌公年十八教諭張康福沙人蒞學嚴肅教條督諸生每旦講背經書膳罷作課公始習行文作本經四書義詞理通暢迭蒙獎勉是年秋

朝廷命安陸侯來廣集軍士以起各縣城堞安陸侯又分遣都督劉得泣縣附近人民劉公親閱堞點集遠鄉民戶俱劄稟膳生員往取公時在差列劄覺非集

卷之十

三

往十都莆心社公實戶口止將二丁以上人戶起衆事無謬矣人無怨嗟劉公獎曰這秀才雖少年幹事都當理他日必爲有用之器二十八年乙亥公年十九至三十一年戊寅公年二十二春三月公娶母淑人劉氏來歸三十二年己卯公年二十三冬十月長姊生三十三年庚辰公年二十四至三十五年壬午公年二十六永樂元年癸未公年二十七是年秋公廣東鄉試以詩經中式二年甲申公年二十八春禮部會試中式三月一日

殿試登會榮榜第二甲進士賜買官帶鈔五錠授庶吉士工科觀政是夏五月實授本科給事中階從仕郎三年乙酉公年二十九秋七月

欽差浙江嘉興府體覆水灾賜路費鈔十錠將至境公微服先行徧嘉興崇德海鹽三縣水公出卽命有司發粟賑濟回朝奏民灾食艱

太宗特敕蠲三縣夏秋稅糧五十餘萬以甦民困冬十二月聞繼母先氏喪歸守制四年丙戌公年三十秋八月子泰生五年丁亥公年三十一公啓館

卷之十

四

授徒于邑凡宗人朋舊子弟咸不受束脩六年戊子公年三十二公仍啓館于邑是年繼母何氏來歸冬十二月起復七年己丑公年三十三春三月公至南京時

大駕北巡

儲皇監國夏四月改授吏科給事中八年庚寅公年三十四秋八月通前歷任給由銓部考最陞授徵仕郎是年冬十一月

太駕回自北京九年辛卯公年三十五冬十一月

欽陞吏科右給事中十年壬辰公年三十六春三月
殿試狀元馬鐸公爲受卷官冬十二月本科辦事官
楊孟迪出給四門勘合遲誤時公掌科事被連十
一年癸巳公年三十七

欽謫交趾充吏十二年甲午公年三十八春三月至
交趾布政司檄鎮夷衛令吏指揮花榮好賢愛士
禮待優厚十三年乙未公年三十九娶庶母黃氏
十四年丙申公年四十至十七年己亥公年四十
三是年冬交趾殘賊鄭公正構亂進攻衛城公與
覺非集

卷之一

五

指揮使花公晝夜督軍士戰守三越月次春豐城
始自清化來援公畫策內外夾攻滅之境土以安
十八年庚子公年四十四歷兩考交趾都司留叅
禮房二十年壬寅公年四十六秋部符下取

欽請交趾充吏官員監生入等歷兩考者俱送赴部
通歷出身二十一年癸卯公年四十七秋到京吏
部檢繕工司令吏二十二年甲辰公年四十八秋
八月公歷三考到部

太子洗馬張英薦公性資聰敏識見優長才堪任用

銓部試薦舉策取列優等洪熙元年乙巳公年四
十九夏四月

欽除山西道監察御史秋七月

欽賜銀十兩八月差往通州等處巡視倉廩察拏兜
攬糧草及誑謫之徒公微服潛行廉得鉅惡稔姦
若干人究治之倉庫遂清冬十一月代回宣德元
年丙午公年五十春差直隸真定順德廣平大名
四府巡按所至旌廉黜貪勉飭學校諸生自相激
勸秋闈舉士倍于上科冬十月次子賓生二年丁
覺非集

卷之十

六

未公年五十一是夏代回三年戊申公年五十二
春奉

璽書差同給事中李錫往山西布政司清理軍伍五
萬餘無枉遺同榜進士楊惟正儀真人任晉府左
長史故妻子流寓貧不能歸公據律令太原應付
車船妻子始獲扶柩南還仍自贈勞喪之資太原
人至今以爲美談四年己酉公年五十三夏五月
事竣復命稱

旨時滿期已過緣例給由院部通考績最是年六月

京師鈔法壅滯公奉

敕同太監沐敬整理設法在京九門塌房車輛諸色
準收鈔貫由是鈔法流通冬十二月給受

敕命陞公文林郎山西道監察御史父祖昌封如其
官故妣黃氏贈孺人繼母何氏妻劉氏並封孺人
敕曰

朝廷設監察御史欲其振紀綱而勵風俗以弼成國
家之治非得剛正清直之士曷克以稱爾文林郎
行在山西道監察御史羅亨信發身賢科給事廷

覺非集

卷之十

七

陞暨司風紀多歷歲年克有勞効茲特錫之敕命
以示褒嘉夫官以察爲名以言爲職在明大體而
畧細故在愛君子而戒小人其益端爾志益堅爾
守毋私于法毋撓于勢毋許以爲直毋苛以爲能
明以燭之公以行之懋修而不解尚有顯爵以待
爾成欽哉

敕曰爲臣勤供于職務者國家既有以褒榮之而
復推恩及其親者所以惇本始而爲天下之父母
者勸也爾羅祖昌乃行在山西道監察御史羅亨

信之父積善毓愛致有子爲國之用茲特封爾爲
文林郎行在山西道監察御史服此隆恩永綏祿
養益勤祇慎光我命詞欽哉

敕曰朕惟人子之材雖本于父而資于母德亦深
矣故國家推恩臣下存則有褒榮之賜歿則亦有
進贈之典焉爾黃氏乃行在山西道監察御史羅
亨信之母夙有善德著于閭門是生令子爲國之
用朕厥所自宜有顯褒茲特贈爾爲孺人靈其歆
承永賁幽壤

覺非集

卷之十

八

敕曰國家制推恩之典以寵任事之臣其能盡心
于職務者則必榮及其親所以示褒嘉而勵忠孝
也爾行在山西道監察御史羅亨信繼母何氏克
勤母道訓成厥子爲國之用今特封爾爲孺人服
此恩榮益隆壽祿

敕曰朕惟人臣克勞于國者雖本于父母蓋亦有
伉儷內助之力也故推恩之典必及之爾行在山
西道監察御史羅亨信妻劉氏克勤婦道以相其
夫致能盡心于所職茲特封爾爲孺人服此榮恩

永光閏閏欽哉

四年己酉十二月二十八日初錫

五年庚戌公年五十四至七年壬子公年五十六計報繼母何氏喪本院奏聞奉

旨著他奔喪去快來仍給驛回葬是年十二月復京南京侍郎陳璉舉公堪任方面時待選天官八年癸丑公年五十七冬十二月奉

旨復職仍敕理鈔法未幾陞浙江按察司僉事俸公自是寵遇日優九年甲寅公年五十八十年乙卯

覺非集

卷之十

九

公年五十九春正月賜金十兩是月九日

欽陞都察院右僉都御史十六日奉

聖書賜費鈔一千貫差同都指揮魏榮朱通往陝西

平涼莊浪河州西寧姚州臨姚鞏昌八衛督操軍

馬備邊是年夏四月淑人劉氏終冬十月

敕賜紵絲各二表裏敕曰

聞爾等統領八衛軍馬見在甘肅聽調剿捕賊然甘肅苦寒朕深思軫念茲特賜爾等紵絲各二表裏爲禦寒之衣爾等宜効忠勤以副朕懷公奉

敕受賜夙夜祇畏謹致追違

正統元年丙辰公年六十秋九月

敕賜大紅紵絲一表裏同副總兵都督趙安都指揮朱通領八衛官軍三千肅涼州等處巡邊受賊二年丁巳公年六十一春奉

敕命趙安等將領洮岷等八衛官軍與都督蔣貴等合爲一處約會寧夏軍馬各帶糧料四十日于本年三月初出境搜剿賊不必遲疑公與趙安奉

敕謹待都督蔣貴自甘州率所領部兵至會議行師

覺非集

卷之十

十

由鎮番衛出是月至魚海蔣貴駐營不進以遣夜不收伺探賊情爲詞鐵門花名等未回俟十六日蔣貴以都指揮安敬之言稱前途水草艱少逗遛退兵是日公會趙安朱通詣貴營諭以

朝廷恩命統領大軍搜剿賊今將行五日即聽姦人之言不進而退然且未會寧夏軍馬事去機失恐難回奏時貴揚言約次日調軍往哨公與安回精選人馬會哨不期次日貴同僉都御史曹翌辭絕糧料難進遂率營退去公孤軍難駐暫泊涼州

時貴更不會議再進剿邊寇竟回甘州公廉知書
先令官軍止帶一半糧料餘一半開出縱令糶賣
中途缺食卽命退師公遂覈奏貴方

命老師玩寇長惡愈憲都御史曹翌旣居贊輔不發
一言都指揮安敬怯懦不忠惑衆壞事具聞

皇上震怒特赦兵部尙書王驥來總師剿寇至軍卽
斬安敬以徇衆皆鼓譟原蔣貴曹翌退師之罪乃
議甘肅地方爲四境諸將隨地分守蔣貴仍守肅
州趙安仍守涼州是年王驥回自甘州十月公又

覺非集

卷之十

七

上言甘肅之地累被殘阿台侵犯軍民不安上
勞

聖慮命將出師頒給賞賜無所不用其心奈何將帥
不一至今未能剿滅臣自膺贊助之命以來不勝
夙夜憂惶才學疎淺雖竭心力莫能贊成一功且
夕惟待罪而已議分守地其法固善然供給尙繁
民力疲困邊患若此豈容坐視莫若權過今冬養
兵蓄銳待至春肅伏望

聖恩命在朝文武大臣從長計議簡命智謀勇畧者

一人爲將總兵士卒精選四鎮之衆仍從魚海出
境約寧夏之兵刻期並進將此寇必成擒滅另委
才識文職一員參贊軍務事必克濟若仍委總兵
二員彼此抗衡號令不一贊輔如臣之比軍旅不
知自生矛盾恐壞大事具題是年冬十一月

敕諭總兵官都督任禮左總兵都督蔣貴右副總兵
都督趙安參贊軍務兵部左侍郎柴車右僉都御
史曹翌羅亨信都指揮朱通令命兵部尙書王驥
來同太監王貴監督爾等率所領精銳官軍剿殺

覺非集

卷之十

七

賊阿台朵爾伯等有功者卽與陞賞退縮畏避
者斬首示衆爾等悉聽王貴王驥調度便宜而行
欽此是月公聞父訃至京本院奏奉

君命之重不敢稱情固辭惟墨哀泄事夙夜憂逾至
三年戊午公年六十二春正月尙書王驥至甘州
議東西兩路進兵蔣貴同甘州官軍由西路出侍
郎柴車總督涼州軍馬由東路出是年公同都督
趙安都督羅亨信通統馬步官軍由昌寧出至尹直
其地要害駐紮後軍四出擒都達魯花赤朵爾忽

二十七名斬首數級獲馬二十九駝木印一殘
西竄路遇官軍斬獲殆盡時生獲賊馬駝首級各
報獻俘

皇上命太監吉祥齎表裏銀兩抵甘州勞賞有功公
陞俸一級賜彩緞四表裏白金四十兩是年冬十
月公懇辭歸

敕給驛回葬十一月始自甘肅州至京

陞見慰勞甚至敕太官賜饌十二月初八日早

陞辭賜路費鈔一千貫是月拜四品

覺非集

卷之一

三

誥命階中憲大夫都察院右僉都御史父祖昌贈如
其爵先母黃氏繼母何氏妻劉氏俱贈恭人

制曰國家置都察院其品秩與六部等所以重臺
憲耳目之寄紀綱之司也其長貳必得公廉直諒
之士識治體者任之方克稱茲爾行在都察院右
僉都御史羅亨信發身賢科給事廷陞再遷御史
歷任有年清慎之操久而不渝陞秩于斯出理邊
務懋著勞勤茲特進爾階爲中憲大夫錫之誥命
爾尚益端爾志以率乃勵懋廉慎之節揚憲導之

風俾姦宄帖息風紀肅清則予益爾嘉欽哉

制曰國家于臣下既有申命之榮斯于其親亦有
加焉蓋厚倫重本之道也封文林郎行在山西道
監察御史羅祖昌乃行在都察院右僉都御史羅
亨信之父嘗因子受封矣今子秩陞亦宜進爾之
秩茲特贈爾爲中憲大夫行在都察院右僉都御
史靈其承之永貢泉壤

制曰孝子之愛其親靡有存沒之間也故朝廷推
恩于臣下必及其親者所以體其心而重大倫也

覺非集

卷之一

十四

孺人黃氏乃行在都察院右僉都御史羅亨信之
母既因子受追贈矣子今進官亦進爾之榮命贈
爲恭人幽壤不昧光貢無窮

制曰朕惟人之繼母實配體於其父而于子有教
育之德焉故人臣克勤于職者其母亦有褒榮之
命孺人何氏乃行在都察院右僉都御史羅亨信
之繼母既因子受封矣子今進官亦進爾之榮命
贈爲恭人靈其承之永貢幽壤

制曰妻與已齊人倫之正也朝廷推恩其夫必有

及之爾孺人劉氏乃行在都察院右僉都御史羅
亨信之妻嘗受封矣夫再進秩亦進爾之榮命服
此隆恩永貢幽壤

正統三年十二月既望日二錫

四年己未公年六十三春二月抵家不預外事惟
朝夕奠哭以理葬事閏二月奉柩葬麻地嶺以墳
塋妥靈務求堅久是年冬十二月始完五年庚申
公年六十四春正月赴京三月二十四日

陛見慰勞賜饌夏四月賜鈔一千貫

覺非集

卷之十

五

敕曰今命爾往大同宣府二處巡撫總督所轄官軍
屯種比較子粒及提調各倉場收支糧草等件務
在區畫得宜人不勞擾尤在敷德意撫恤軍士扶
植善長官吏人等誥害旗軍私役軍餘占種田土
并不公不法等事除軍職具奏餘就行拏問若權
要豪勢之人侵欺盜賣糧草及沮撓屯種等項具
實奏聞凡有功于邊備及便益于軍民者具奏定
奪庶幾糧粟充實軍不失所邊境無虞以爲長治
久安之計尤宜體悉朕整飭邊備之意秉心公正

持身廉潔勤謹詳明毋暴毋刻庶副委任之重欽
哉汝往期以八月回京計議邊境錢糧軍馬等務
是年秋八月回京上疏言禁革倉糧姦弊等情七
事准施行九月復

敕巡撫六月辛酉公年六十五秋八月回京上疏言
汰冗官省虛費積邊儲禁私役屯軍有妨農務正
總兵官勿理詞訟濫起驛馬准施行

七年壬戌公年六十六秋八月回京上疏言殘
歲未朝貢收買回回入口數千該用口糧下程延

覺非集

卷之十

六

宴米麥酒菓牛羊等物動以萬計每年大同選調
精銳馬隊官軍六千餘送至每年處所近年以來
此至姦今春回時好生放肆人言今後合無或
送或不送或遠送或近送使其難測庶保萬全及
照懷來天城懷安萬全左四衛皆係使經行之
所各衛原係土城未曾包砌弔橋甕城損壞未備
城樓未蓋門禁缺守把人來朝俱窺在目乞
敕總兵等官撥軍修砌守護准施行

八年癸亥公年六十七秋八月回京上疏言修理

屯堡優卹邊軍開設舖舍禁約訴告人命被告用財買免卻要息詞免檢及軍民之家妻室懶惰乖違禮法得罪公姑被夫毆罵自縊投井身死外家父兄親鄰人等前來壻家將房屋器物盡行打碎將塔鄉打逼要財物等項屍骸暴露不得葬埋乞行法司出榜約禁准施行

九年甲子公年六十八秋八月回京建議邊衛缺軍守禦又言守兵以近庶便供奉及冗官費食等事俱係緊要邊情准施行

覺非集

卷之十

七

十年乙丑公年六十九秋八月回京建議竊觀殘也先情狀惟待釁端欲爲邊患卽今大同宣府至京一帶連城陸續包砌將完止有宣府至懷來二百餘里別無衛所惟有保安衛立于雞鳴山南二十里隔越天河一道及美峪千戶所又在保安衛南六十里深溝之內設立山水衝流不堪築城遇賊難守合無將保安衛保安州及美峪千戶所移置驛路沙河西雷家站東擇地設立衛所并州共居一城添軍守備實爲久遠便利及見榆林驛

東岔道西道經險阻山口數多具聞棒槌峪通人行走宜于榆林驛東設立一衛仍同隆慶衛將西邊一帶山口固塞使人跡不通又見居庸關至京一百二十里緣無衛所盜賊不時出沒合無亦于榆河驛再設一衛則自邊至京城池聯屬萬年拱護京師永保無虞矣時部會議以爲徙衛勞人設衛無軍遂寢不行建歲己巳也先入犯衆始以前言爲有益乃議行宣府總兵等官踏勘以保安衛并州及美峪千戶所遷于沙河之西營築城堡守邊備固焉十一年丙寅公年七十秋八月回京建議言弭盜安民及塞外旗軍定于山西布政關支拆餘糧鈔頻年無支不勝嗟怨乞于京庫關支實爲萬幸

覺非集

卷之十

六

特旨允之時侍郎周沈巡撫蘇松回京議事間謂公曰同年友楊勉之故妻子廬守其墓貧甚不堪兄能念之望加重濟公曰吾頻年附書南京都察院經歷司兌支俸米一石用周其乏周公聞言歎賞不已且曰吾不及也十二年丁卯公年七十一春

三月大同宣府推官孫睿建議欲將大同四府七縣土民三丁以上抽取一丁逮冬取赴大同人支口糧三斗教演武藝遇賊協同守備前此叅將石亨亦言此事俱行公同侍郎周沆及都布按三司斟酌可否有無便利公以通轄州縣人民止一百二十四里于中軍戶一萬三千二百九十六戶見充軍者一萬八千六百七十六名似已軍多民少若再加選壯丁操守逼民太甚人情事勢委係不便復奏其事遂止民皆仰公而安十三年戊辰公

覺非集

卷之十

九

年七十二夏四月孫珙生是年

欽賜五經四書大全及五倫書秋八月公回京建議

言永樂初年邊境曠閒田地

敕令官軍儘力開墾子粒自收官府不許比較近年

又奉

欽依事例邊衛旗軍所種地畝免其納糧永爲定例

誠養兵撫士之盛意守邊禦寇之遠圖也臣自宣

德十年委理邊務于西陲正統五年巡撫塞北目

覩軍餘勤苦萬莫甚于大同宣府何也蓋此至

驕累肆大言守禦之兵歲增日益供給之繁有不暇息使來朝人馬數千防禦祇應力已疲甚其餘丁猶爲至苦正月初俟送使臣至二月末方起始得耕種不及耘鋤又起備邊等項七月初採打馬草運送上場九月終回又接使臣一年之內不得三月之閒生理公誤上年聲息緊急又選屯軍數千操練守備該部行下衛所無軍照名撥補及其不足明文又將管下舍人餘丁盡行撥補及照先有保安衛指揮焦玘懷私訐奏本衛軍餘占種

覺非集

卷之十

二十

地畝戶部行移取勘驗畝起科納糧近又叅查宣府前等一十九衛所官軍所種田地事同一體見差主事汪濤到來分投取勘逐一丈量見數每軍餘八十畝自用其餘每畝科正米五升臣切惟塞北官軍之舍人家人餘丁爲其手足今要盡數撥補屯糧是欲斷其手足邊境土地嫌薄今丈量起科人皆不敢耕種是絕其衣食而逼其逃竄當今事勢正宜布恩信結人心遇警敵乃能捨生赴義豈有衣食不足而得其心哉伏望

聖恩以簡邊爲重命在廷文武大臣從長計議今無
將原選屯軍先補一半俟事稍寧另行定奪其管
下舍人原種地土照舊納糧旗軍所種之數仍免
納糧亦不必丈量地土誠爲久遠便利疏入戶部
議具以公疏便益地土丈量遂俱罷邊衛軍餘男
婦咸感公惠焉十四年己巳公年七十三春二月
頒給三品

誥命進公通議大夫都察院右副都御史祖父得寬
贈如其爵祖母王氏贈淑人父祖昌加贈亦如其
爵非集

卷之十

主

爵母黃氏繼母何氏妻劉氏加贈淑人

制曰都察院所以寄朝廷之耳目振百察之紀綱
自非遴選剛正之才曷足以受長貳之任爾都察
院右副都御史羅亨信發身科目給事禁廷再遷
御史歷任有年清慎之名久而益著迨僉臺憲出
贊邊陲茂著勲勞朕用嘉擢茲特進爾階通議大
夫都察院右副都御史如故錫之誥命以爲爾榮
爾尚益端爾志勤爾務懋公清之節揚蹇謬之風
俾風紀肅清邊方寧謐予益汝嘉欽哉

制曰朕惟國家量德授任弼成治功推恩之典視
其子孫祿秩以爲差等所以勸忠于孝也都察院
右副都御史羅亨信之祖得寬夙有德善垂裕于
家致有賢孫爲國之用揆厥所本宜錫褒榮是用
贈爾爲通議大夫都察院右副都御史嗚呼顯秩
榮名永貴泉壤幽靈不昧綏爾後人

制曰朕惟國家登進賢能用圖治化宜有褒榮及
其祖福勸忠于孝厥爲舊章爾王氏乃都察院右
副都御史羅亨信之祖母懿行儀于閭閻福慶衍
覺非集

卷之十

主

于賢孫恩命有加宜推所自特贈爾爲淑人嗚呼
潛德幽光不亡者存尚啓爾後克諸厥終

制曰朕惟積善在躬餘慶必垂于後效庸于世寵
命必及其先蓋天之報施由本達枝國家褒崇所
流而源也爾贈中憲大夫都察院右副都御史羅
祖昌乃都察院右副都御史羅亨信之父韜晦山
林務修德善是致有子顯用于朝茲特推恩加贈
爾爲通議大夫右副都御史服此懋恩永光胤祚
制曰朕惟賢才爲國家茂建勲庸亦推承世澤服

家訓褒封之典視其子孫之祿秩所以隆恩禮昭善教也爾都察院右副都御史羅亨信之母贈恭人黃氏柔淑之德著于閭門有子登科爲時顯用茲特加贈爾爲淑人嗚呼惟善有後惟德有聞服茲恩榮昭于永世

制曰君之於臣褒榮之命必及其先世者所以溥仁恩而隆敦本之義也爾贈恭人何氏乃都察院右副都御史羅亨信繼母嘗因子受封矣今子進官亦進爾之命用加贈爲淑人錫賁九泉用垂永

覺非集

卷之十

三

世

制曰夫婦人倫之始故朝廷推恩臣下必及其家室者雖以獎賢勞亦以重大倫也而何存沒之有間哉贈恭人劉氏乃都察院右副都御史羅亨信之妻克相其夫而已早沒夫既進官亦進爾之榮茲特加贈爲淑人錫賁九泉尙其款服

十四年二月念八日三錫 是年夏六月聞 酉也先違背

天恩將頒魏類人剽公宴上言請量添騎兵火器命

驍勇智畧之將管領前來大同與宣府總兵等官協同相機調用庶保萬全未報秋七月也先果犯大同境二處總兵官各率軍馬出禦時塞外獨石馬營龍門雲州赤城保安懷來永寧等衛堡皆棄城不守龍慶等州縣官吏俱率人民避入北京

英廟爲之北狩公獨處宣府四面皆係賊寇孤城危甚時當國者又建議將召宣府總兵官率兵入衛京師衆聞之人心動搖將帥而下皆欲棄城而避間來定計于公公曰吾年七十有三累受

覺非集

卷之十

五

朝廷大恩今日有急惟以死報他所不知爾等宜自審以盡厥忠毋貽律憲遂屹然不動城中百姓遑遑皆扶老攜幼出城人爭就道公仗劍坐當門拒之下令曰敢有出城者斬于是衆志遂不敢越城

中老稚歡呼曰吾屬生矣居無何

璽書下慰寢召宣府官軍之議不行人心乃安自後懷來等衛所龍慶等州縣原避官軍復回覩城池荒穢居室蕩然軍民不勝怨苦衆乃歎曰宣府若非此老堅執亦若是矣公又上疏言棄城官員乞

明正典型以戒人臣不忠是年秋九月

欽陞公左副都御史賜銀三十兩紵絲二表裏公又上言請築塞垣斷各山口悉心竭力以設策捍禦焉景泰元年庚午公年七十四舊患病作上章懇乞骸骨以邊情危急不俞所請春二月萬全右衛報有從賊中官喜寧偕詣城下議和公與總兵議委叅將楊俊會守備都指揮江福相機擒拿俊至萬全設伏擒之誠送京師以正典刑

璽書下勞曰爾等議委楊俊率領官軍謀生擒交賊覺非集

卷之十

三

喜寧獻具見爾等爲國除患之意除陞楊俊爲右都督仍充叅將茲復遣人勞爾羅亨信銀十兩紵絲二表裏以旌忠誠至可領之秋七月

陛見辭益力因免冠帶首

上見其著皂紗垂顙髮皆盡乃許致仕以叅都御史任寧來代公還京八月二十日

陛辭

敕光祿賜宴賞大紅紵絲衣服一套及道里費仍給馬船送回次日起程百官禮送都門外人皆榮之

二年辛未公年七十五春二月至邑假館暫居三年壬申公年七十六四年癸酉公年七十七春始構新宇成在邑市橋之西夏英溪居東家廟成秋祀先世神主五年甲戌公年七十八六年乙亥公年七十九七年丙子公年八十是年秋重修墓自誤墓表勒石天順元年丁丑公年八十一是年春建義齋于居之後延師以教子孫與族人里鄰子弟是年秋七月得疾十月二十五日酉時終于正寢二年戊寅春第賓赴京以公訃聞舉朝公卿士

覺非集

卷之十

三

夫莫不爲之悲感

皇上哀悼爲之輟朝念公著有大勲

特命禮部賜祭工部爲治墳塋供葬事作饗堂于

英溪麻地嶺以爲子孫祭祀之所三年己卯

特遣廣州府知府李恕親來致祭其御祭章曰

維

天順三年歲次己卯五月壬午朔越二十日辛丑

皇帝遣廣州府知府李恕

賜祭致仕左副都御史羅亨信

日惟卿擢自賢科給事廷陞歷年既久清譽茂彰特遷佐于都臺乃付託以邊寄綜理區畫克效勤勞既而請老歸鄉以樂暮景云胡一疾遽爾仙逝訃音來聞良切傷悼用推恩典葬祭爾靈聊其有知尚克歆服

是年十二月二十五日奉公柩與母劉氏淑人合葬于麻地嶺異向祖塋異向之原公享壽八十一歲配母劉氏初封孺人次贈恭人三贈淑人生子男泰生女六人公又于交趾娶庶母黃氏生子男

覺非集

卷之十

七

賓女一人其婿則陳諱邵璫封禮陳頊張與耕翟謙鍾輟也孫男四泰生瑜賓生珙瓚璟吏部尚書王直誌其墓甚詳又有行實一通載于邑誌甚簡茲敬述以備我子孫有所考焉

一墓碑銘

資政大夫吏部尚書泰和王直謨文

資善大夫兵部尚書大梁馬昂書冊

資政大夫戶部尚書丹陽沈固篆額

公羅氏諱亨信字用實其先南雄人後徙東莞之英溪高祖儻曾祖應辰祖得寬父祖昌俱不仕而以公貴祖考皆累贈右副都御史祖與母妻皆贈淑人公自幼知學喜讀書年一十二喪母卽能以禮服喪選爲學宮弟子業成永樂癸未以詩經領鄉薦明年取

覺非集

卷之十

七

進士授工科給事中命往嘉興視水災奏免嘉興海鹽崇德三縣稅糧以甦民困丁內艱起復調吏科給事中陞右給事中坐累謫爲吏交趾公雖貶降而益勤于事分所當爲者無不爲久之用薦起拜山西道監察御史賜白金十兩命往通州察倉庫之弊得老姦宿蠹若干人皆伏法巡按眞定等府旌廉黜貪勉飭學校人知勸沮清軍山西凡閱五萬餘名無枉漏者丁繼母何夫人憂命馳驛奔喪卽起服既至京大臣有言其堪任方面者詔復舊任食五品祿

宣德乙卯陞右僉都御史 賜楮幣 命同武臣往

平涼莊浪等八衛練兵以備邊公殫心盡力夙夜不

懈 上念邊境寒苦降 敕勉勞各 賜文綺二副

公益感激自勵正統丙辰仍與都督趙安率師巡邊

賜紅紵絲衣以行正統戊午丁外艱有 旨奪情視

事明年殄 功成陞俸一級紵絲四表裏白金四十

兩始 命馳驛歸葬父 陞辭贈鈔千緡公葬畢還

京 敕賜鈔一千貫 命往大同宣府總督屯種務

興利除害爲久安計公自是在邊者一十年 朝廷

覺非集

卷之十

三

任之以腹心用之爲耳目而公之志亦始終無間于

分屯之遠近道里之險夷土壤之肥瘠將校之設施

士卒之勤惰地利之厚薄餉運之難易緩急與夫巡

守候望寒暖之宜靡不周知有言于 上必思之精

議之熟無不當於人心故所言無不聽而行之無不

適其可若公者非忠誠體國之君子與公嘗言城臨

境人心易搖當嚴失守之律犯者必誅 上是其

言陞左副都御史賜白金二十兩紵絲二表裏於是

人有固志時公年踰七十且有疾上章乞骸骨不許

而公在邊又以擒賊功受白金文綺之賜秋七月

上察公實老病令僉都御史任寧代還俾致仕凡餽

贍皆不受 陞辭賜紅紵絲衣一襲公至鄉里始營

居室作祠堂治先塋建義齋以訓子孫及姻戚子弟

怡然自樂也蓋歸八年至天順丁丑十月二十五日

以壽終距其生洪武丁巳十月二十八日享年八十

一配劉氏初封孺人再贈恭人三贈淑人子男泰女

六人公又娶黃氏子男賓女一人其壻則陳諱邵瑋

封禮陳頊張與耕翟謙鍾蒙也孫男四珙瓚璵瑜計

覺非集

卷之十

三

聞 上念公有勞績命禮部賜祭工部爲治墳塋供

葬事子泰等以天順己卯年十二月二十五日奉公

柩與劉氏合葬于蔴地嶺巽向祖塋巽向之原而以

行狀來請銘予與公同年取進士又同官京師且久

而公乃先致其事以去蓋嘗惜公不得相與從容于

暮年而今乃屬筆銘公墓奚可辭銘曰

於維南越產此奇山川清淑鍾令儀詩書禮樂當盛

時巍科峻擢登赤澤黃門繡衣罔不宜奉 命出入

揚恩威經濟實藉文武資名聲赫奕紛四馳臣報

國無窮期臣身已老才力衰乞骸幸得副懇祈 九
重濡澤流華滋歸來林下介壽祺奈何仙去杳莫追
子孫孫子百世思高墳峩峩葬有碑後世考實徵吾
詩

覺非集

卷之十

主

一載廣東誌

原任通議大夫都察院左副都御史羅亨信行
實一通

羅亨信字用實號素菴邑之英溪人自幼穎悟好學
以詩經膺永樂癸未鄉薦甲申登進士第授工科給
事中往浙江視水災奏蠲嘉興海鹽崇德三縣稅糧
凡五十餘萬石調吏科尋陞右給事中適詿誤連坐
謫交趾胥吏九載洪熙改元用太子洗馬張瑄薦起
爲監察御史嘗往通州察倉庫之弊誅民之尤無良

覺非集

卷之十

主

者數人道路肅然巡按真定等府清軍山西所至有
聲宣德中受 敕治鈔法京師商賈漸見通用有言
亨信堪任方面者 詔食按察司僉事俸仍治鈔法
宣德乙卯陞右僉都御史 命往平涼等處練兵備
邊 上念邊境苦寒 璽書慰諭且賜以幣正統丙
辰與都督趙安率洮岷等衛兵巡邊禦 都督蔣貴
用都指揮安敬議逗撓不行亨信至其營斥之曰汝
輩受國厚恩臨敵退縮安用汝握重兵爲且汝特畏
死耳死三尺法孰若死敵貴等色變以懼獨不懼焉

解卽上章劾貴等老師玩寇敬怯懦不忠侵剋軍餉
上命兵部尚書王驥往詢皆如言置貴于法斬敵以
徇自是將士股栗用命出輒獲西迤西以寧奏捷
陞俸一級資白金及文綺先是聞父喪請歸守制
上以邊務方殷奪情視事至是始命馳驛歸葬往
返皆賜楮幣千緡奉敕巡撫大同宣府總督屯糧
給贍軍餉興利除害爲久安計每歲初秋回京議事
條奏汰冗官省虛費積儲禁私役請修各衛土城
以絕規伺又言西也先專俟景端圖爲入寇宜
覺非集

卷之十

三

預于直北要害增置城衛備之不然恐貽大患議者
寢不行後有土木之難人以爲知微云時參將石亨
欲以大同四州七縣之民三丁取一爲兵又有敕
令軍餘盡撥屯種量畝起科亨信奏言北方驕邊
民疲甚加以邊地嫌薄若如言是絕其衣食而逼其
逃竄也且當今事勢正宜布恩信以結人心苟絕其
衣食未有得其心者從之戊辰冬進右副都御史已
已秋轉左副都御史賚文綺白金有加會也先入寇
所至州縣文武官皆遁英廟方北狩人心洶洶亨

信時在宣府孤城危甚當國者建議趨召宣府總戎
官率兵入衛京師或欲遂棄其城衆紛然爭就道亨
信乃毅然仗劍坐當門拒之且下令曰敢有出城者
手斬之衆遂定城中老稚歡呼曰吾屬生矣因設策
捍禦不致南人莫不多其功歲庚午以年踰七十
上章致仕會報宦官喜寧偕詣城下議和密遣驍
將楊俊伏兵擒之惠乃息上賜璽書有爲國除
患之褒復賜白金文綺不命所請是秋回京陞
見辭益力因免冠叩首上見其著兜鍪處頭髮皆
覺非集

卷之十

三

盡乃許焉致仕八年卒年八十有一有司以聞特
賜葬祭吏部尚書王直誌其墓甚詳海隅黃公佐論
曰土木之變社稷阽危宣府鎮節苟移犬羊必乘間
深入天下未可知也世謂亨信有安社稷功而忌者
僅循常例有遺憾焉雖然人臣事君內思盡志盡志
之謂忠外思盡職盡職之謂功亨信亦惟盡其爲臣
者爾而奚靳于報也哉

一載各鑑史

按綱鑑會纂其畧云

時大臣有奏留邊將守京師者兵科給事中葉振上言今日之事邊關爲急往者獨石馬營不棄則六師何以陷土木紫荆白羊不破則北騎何以薄都城卽此而觀邊關不固則京城雖守不過僅保九門無事而已其如陵寢何宜急遣固守宣府居庸爲便從之先是土木既敗邊城多陷旣而朝議復召宣府總兵官率兵入衛京師人心益皇皇或欲遂棄其城衆紛覺非集

卷之二

三

按皇明通紀其畧云

當時邊患惟安福劉球羅亨信明炳幾先於未然而

按通紀又云

我朝建都幽燕逼近

壤陵寢之外而騎鳴籥北門矣幸羅亨信忠義死以守不獨一城生聚蒙福而京師實賴之世謂亨信有安社稷功信矣

按歷朝捷錄其畧云

劉球羅亨信之疏如以水投石皆不見報惜哉

覺非集

卷之二

三

一大同宣府建功三廟塑羅公像奉祀于昭德堂

按功臣廟碑文其畧云

嘉靖二年萊陽李公孔教巡撫宣府謂前有創勲立業之人後不可無崇德報功之典於是自鎮初設巡撫以來諸公之亡者稽履歷列政行採諸輿論參之載籍約得十二公祀諸昭德堂而公與焉其或功未著而道不足者例皆不錄高陵呂公博傳其祠曰已已間權官竊柄廷臣多依違於是北內侵京邑英廟北狩時已無宣府矣亨信獨以恩義固結士卒竟非集

卷之十

三

心城得不失故祀焉

一看語

廣東布政司使喬學詩

副使帶管廉使姜志禮

看得本宦節槩嶙峋器宇澄徹黃門露奏吳中三邑萬姓胥荷生靈繡冬風馳畿甸庶府百司咸肅綱紀鎮平涼而憤師落膽撫宣右而醜寒心當門懸劍孤城免累卵之危叛豈成擒邊圉屹磐石之固展也保障偉績允矣社稷名臣克建殊勲宜錫旌典

竟非集

卷之十

三

一 艷歌

大學士瓊臺後學丘 濬輓

六飛北狩無消息邊城四望狼烟赤胡馬長驅去復來何人卻建捐邊策鎮朔將軍生入關北門鎖鑰空餘鏐強兵捷馬盡南走黃塵蔽日天漫漫白首憲臣南海客手持一劍當門立誓與孤城同死生怒髮衝冠氣千尺車輪生角馬駐蹄居人不動行人歸叱咤之間樓櫓具金城鐵壁湯爲池雲州失守赤城破兒躡足邊城過老妻稚子盡登堦公亦援袍雪中坐覺非集 卷之十 三

山前山後無數城此城屹立如巨屏騎南來資扼塞王師北出恃屯營昇殿京師功卓偉謾有長城長萬里江淮果賴張真源河朔僅餘顏御史憂國勞邊下兩鬢霜事成乞骨歸故鄉肘金腰玉者塞路無入上書頌陳湯一葉烏舟五湖水漲海邊頭亂山裏折束不通朝貢書抱膝長吟爾爾羅浮山崩天墜星乾坤一夜收英靈公兮生死已無愧邊人至今嗟未平邊人能言不能紀新我新生官太史聊述人言作此詞書罷長歌淚如洗

一 傳記並論

布政司左叅政賜一品服同邑後學祁 順傳

公諱亨信字用實廣之東莞人也少穎敏異凡兒由邑庠第子員以詩經中永樂元年鄉試明年登進士第釋褐爲工科給事中轉吏科尋陞右給事中奏對封駁克舉其職無何以事累謫交趾久之用太子洗馬張瑄薦拜山西道監察御史巡歷所至能興利除蠹旌賢黜貪卓有風裁三年考最受 敕褒崇父祖昌如其官母及其配皆膺孺人之命時京師鈔法不覺非集 卷之十 四

行公能疏壅滯 朝廷任之既而丁繼母何夫人憂給驛奔喪起服仍司鈔法秩滿特陞都察院右僉都御史督操陝西平涼諸衛軍務備邊擒敵屢獻成功歲戊午加俸一級頒給 誥命進階中憲大夫且加贈父母及其配先是聞父憂 朝命奪情視事邊陲稍靖懇求終喪仍許馳驛歸葬服闋抵京命巡撫大同宣府所至實儲蓄修武備上下安焉轉右副都御史進階通議大夫 誥命再頒榮于三代尋陞左副都御史正統十四年己巳時北 入寇首犯大同沿

邊營堡州邑潰散不守公居宣府防禦究心將帥而
下或疑懼無固志公語之曰吾受國厚恩惟以死
報他所不知衆聞之乃定宣城完居繫公是賴明年
以老疾辭歸又八年終壽八十有一公自入仕五十
餘年前後奏章無慮數十所言汰冗官省虛費積邊
儲禁私役修城堡卹邊軍類皆見用其鎮西陲也方
會兵剿寇而它將有退縮異謀幾誤大事公劾奏斬
其一人以徇卒成大功其在雲中也或議選人丁以
充守備或欲欵屯種以徵子粒公皆疏其不便乃止
覺非集 卷之十 四

宣府距懷來二百餘里空闕無援公奏徙他城之僻
遠者置其間互相聯絡時議以爲難行迨其地有警
始信前言爲便行之恐後公之遠慮類如此朝廷
寵公先後一致 陞辭有宴路費有資獎勞有白金
表裏之賜率以爲常致政 陞辭復賜宴賜衣仍給
路費比其終也葬祭有 恩可謂生榮死哀者矣自
公歸老邊人思之弗忘迄今二十餘年而威德在人
猶赫赫如目前事吾在京師聞之戴侍御縉嘗在雲
中得之父老云

論曰嶺南山川清淑篤生名賢其出而用世者或功
業或文章或節操皆足重當時封後代表表乎天地
間唐有張公九齡宋有余公靖崔公與之其人也
國朝文治聿興賢臣輩出吾寶安則有禮部侍郎陳
公副都御史羅公以文學政事聞于天下後學咸景
仰之唐宋三君子之後二公實有光于嶺南者矣羅
公歷官可稱述而有功邊備尤多雖其事嘗登國史
而恐未詳也謹爲傳之俾將來有考焉

覺非集

卷之十

四

一傳贊

巡按廣東監察御史晚生王命璿贊

贊曰浙東水災嘉興海鹽等處民不聊生羅公在諫垣慨然爲之請蠲稅糧五十餘萬石活數十萬人仁人之利溥哉備邊平涼救蔣貴等侵糧玩寇迤西以寧率帷所屈吏肅民安人知其以諫顯也未知其有幾先之智也向使英廟預採其議置戍衛嚴斥堠備要害何至騎長驅蒙塵北狩哉無何免冠告老進禮退義既明且哲以保其身羅公有焉

覺非集

卷之二

聖

一傳贊

同邑後學黃閔古贊

公性資直諒體貌端莊廉潔自持爲詩文博雅融暢才識高明臨事敏斷接人待物和氣藹然及臨政馭衆則如秋霜烈日凜不可犯敷歷中外五十餘年遠謫窮荒人不見其不足峻陟崇班人不見其有餘所謂大行不加窮居不損者也司封紀而奸邪屏跡理戎務而邊陲乂寧真可謂社稷臣矣功成身退壽考令終其明哲保身而終無悔吝者與

覺非集

卷之一

聖

一傳贊有序

奉政大夫四川重慶府合州知州晚學生泰和尹宗武贊

孫盤授武令贊拜手稽首颺言曰海濱之今人係

國家重望豈其微哉始公由進士給事工科奏省浙糧五十餘萬石遷吏科謫交趾胥薦起補御史清戎帶僉事俸治鈔此猶人能之其以右僉都備邊効蔣貴安敬置之法敬斬而士奮奪情視事又察也先必變欲備之言寢而知微矣英廟北狩坐宣府孤城覺非集

卷之十

聖

仗劍當門下令日出城者斬城中大定引年告歸

上見著兜鍪處頭髮皆盡許之是難能也忌者循例惟有爲國除患褒語而已君子惜之後生論世系之詩曰嶺南海嶽揚淑毓賢唐有曲江黃扉上仙惟余惟崔嗣宋有傳御史大夫鐵面秉權由諫而臺其心匪遷盡志盡職移孝忠全合銘太常合圖凌烟忌者在庭徒有褒言奉天身退九九蛻蟬完名高節作後紹先寶安弁冕式見公焉信史永垂余言則謬武生也晚願爲執鞭

一傳贊

布政司叅議前提督學政同邑後學袁昌祚贊

公忠孝性成風猷夙著人自義皇以上文超漢代而前當其通籍于金閨卽已脫囊于錐穎視邪白簡至今魑魅寒心卿命皇華到處妖魔屏迹治鈔法金刀若泉布以交流視水災三縣寬一分而受賜功高西陲賞重上方誓諸將死敵數言振洮岷三軍壯氣守孤城當門一劍廷宣府百萬生靈割城下之盟剿除患燭已已之變慮切逆萌方寸內地之經綸文武

覺非集

卷之十一

聖

爲憲二十餘年之駁歷險阻備嘗矢力勛勩已屹若北門之鎖鑰乞恩休沐更歸然東粵之衣冠勲烈已銘于當代謚典有俟于將來

一後跋

先祖樂素公哲之八世祖也登前永樂甲申進士初授給事中以累累謫交南旋擢為監察御史陞僉都叅贊甘肅戎務復晉左副都御史巡撫大同宣府歷年最久建績最高前賢已誌無俟贅者手著詩文編列十卷名曰覺非集刊刻行世二百餘年歲久蝕剝幾不復存哲常聞士大夫謂吾祖鎮邊有莫大之功多以未膺諡廕為憾猶幸昭史冊百世不磨倘茲集湮沒不傳實為孫曾之咎用是搜編重付剞劂敢覺非集

曰哲克纂修前業哉庶幾吾祖之功與吾祖之言并垂於不朽也云爾

十五世孫 哲偕男復晉謹識



覺非集十卷

浙江巡撫
採進本

明羅亨信撰亨信字用實號樂素東莞人永樂甲申進士官至左副都御史亨信居諫垣有直聲其巡撫大同宣府值英宗北狩捍城有功生平著述每不留稿是集乃其後人收拾散逸而邱濬祁順為之詮次其中頌美中官之文至十餘篇編錄者畧不刪汰殊不可解也

刻曾西墅先生集十卷

〔明〕曾榮撰

石家莊市圖書館藏明萬曆十九年吳期炤

刻本

附《四庫全書總目·西墅集十

卷》提要

刻曾西墅先生集序

惟我

文皇帝登極之年西墅曾公以文學應制魁於南州明年舉進士第一拜官翰林公博覽群籍神采天授藻思潏然凡館閣奏對

西墅集

序

以至扈從吟詠無一不稱

上青世之學士大夫相傳其事而侈談之者蓋猶有艷慕之心焉公真史局之宗工儒臣之盛軌我乃至乎今則其華章大篇可盡觀矣茲集也錄杞宋之

蓋存什一于千百非其全
因是重有慨焉傳彌不朽
立言其一也曾公嫺于文
知

當宁詎不謂能言之士顧二百
來言與人而俱逝則所謂不

西聖集

序

二

者又何居乎余聞之言以闡性
靈宣理道上之并包天地而下
之綜理民物誦之可以羽翼聖
真而用之可以咸登三五是故
其言足重而藏之名山藏之金
匱其或散之詩歌則亦採而被

之管絃之中俾世世人咸泰
以爲著蔡而莫敢厭數是爲不
朽苟徒以綺縠之文誇耀一世
即擬之登壇作者而自有道觀
之祇與劍吹春英等爾其言之
存與亡也奚重焉曾公厚于德

西聖集

序

三

尤工于文讀其
大廷一對已可想見其蘊言固有
足重者獨求其所爲不朽之事
則僅僅此集之文已焉豈當時
之所以贊聖謨而弘典制凡有
關于理亂興衰之大者盡在秘

啓清嚴之地而民間未之見耶
余盖不能無惑矣楊文貞公謨
公神道碑謂公素以及人為心
惜其居官三十年嘗為

天子近侍之臣故其及於人者未
廣嗟哉虎觀石渠本以處博學

西野集

序

四

弘文之士而達人負用世之具
者乃以此或限之則知人生所
遇猶有未偶者乎雖然啓沃君
心輔養台德惟近侍得專其能
又豈與封疆之吏布德宣惠爭
能于尺寸者比哉執此以求會

公則其所恃以不朽者或自有
在而不在此也然非余所知也
豐陽故多儒碩惟公與羅文毅
公先後狀元及第今兩公之集
余皆竝刻以傳盖欲存此邦之
文獻庶幾哉不朽云爾後之繼

西野集

序

五

兩公而作者仰止前脩惟所願
學尚圖所以不朽者哉 昔
萬曆辛卯歲季秋望後二日知
永豐縣事德清吳期炤頓首書



祭文

宣德七年歲次壬子

皇帝遣禮部右侍郎章敝諭祭于故詹事府少詹事兼翰林院侍讀學士追贈嘉議大夫禮部左侍郎曾祭爾以敏瞻之才該博之學進士第一列官翰林事我皇祖皇考暨于朕躬凡三十年小心端確講論謬述效績良多方將重用而遽以疾告命醫往視曾不幾日訃音來聞惻焉于心篤念不已茲特贈爾嘉議大夫禮部左侍郎以寵爾終以慰再於冥冥爾靈不昧尚克享之欽哉

西墅集

祭文

十

陳陳三

西墅曾公神道碑

榮祿大夫少傅兵部尚書兼

華蓋殿大學士同罷楊士奇撰

天之生才甚難也然而高明疆毅私博奇偉智能勇畧之士世未嘗乏用惟文章者不易得夫探造化之闕微帝王之法通古今之賾滄濶融會而後出邇上焉者發揮性道脩正人紀此聖賢之事不可幾及次焉者推明義理紀述功德時為風雅以鳴國家之盛司馬遷相如楊雄班固至于韓柳歐蘇作者之事然亦代不數人焉

國家自洪武以來有文之士其可以嗣遷固者蓋有之

太宗皇帝御天下慨然欲作新人才興起斯文而龍飛第一科進士第一人曾君

西墅集

碑文

一

子榮傑然其特出焉君名榮既登第授
翰脩撰承務郎無幾簡進士明秀通敏
者二十八人就文淵閣盡出中秘書俾
進所業朝暮太官供膳月給內帑鈔為
膏燭費蓋期之於古人子榮其首也書
夜淬礪文與學俱進

上時召試子榮迅筆千百言立就不費思
索而理致文采皆到其苦思力索者有
西墅集 碑文 二

不能及

上屢舉群書中隱僻事以驗所學靡不悉
對以是深見獎重遂名聞天下明年脩
永樂大典為副總裁五年陞侍講授承直
郎七年
扈車駕巡幸北京數侍燕閒應制賦詩並
荷褒嘉後有薦文士於
上必問得如曾榮否卒之考其能未有庶

及者陞承德郎預脩

太祖高皇帝實錄十一年復扈從巡北京
十二年考北京鄉試十三年

廷試充讀卷官實錄成賜鈔襲衣文錦十
六年考禮部會試陞侍讀學士授奉訓
大夫修天下郡志為副總裁二十二年
考禮部會試

仁宗皇帝祠位陞左春坊大學士仍兼侍

西墅集 碑文 三

讀學士兩俸俱支日以經史進講

文華殿從

皇上之南京還預脩

太宗皇帝 仁宗皇帝實錄宣德二年考

禮部會試五年充 廷試讀卷官兩朝

實錄成賜金織襲衣銀幣加厚陞詹事

府少詹事仍兼翰林院侍讀學士賜寶

帶子榮為文章如源泉渙沛然亦放

一瀉千里又如園林得春群芳奮發組
繡爛然而部分整飭賦詠之體必律唐
人興之所至筆不停揮狀寫之工極其
天趣他人不足已恒有餘四方求者無
間貴賤日集庭下靡不酬應一時文人
所作碑碣記序表贊傳銘詩賦流布遠
邇蓋未有子祭之富者尤工書法草書
雄放有晉人風致自解大紳胡光大後

西墅集

碑文

四

獨步當世儀貌魁偉襟度坦夷而神情
洒落善談論簡而有味良辰清景擇勝
而遊未嘗以事廢其天性孝友慈厚善
獎拔士類交際有始終之義急人之急
無論識與不識平生以及人為心使之
臨民必大有所濟惜其仕三十年恒以
文學在侍近其所及者未廣也素有痰
疾一日侍朝疾作遽引退

上還見之勅亮常朝宣德六年冬疾大作
上命太醫視療明年正月廿一日卒訃聞
上為悼惜贈嘉議大夫禮部左侍郎遣侍
郎章敞賜祭命有司營塋給舟還其喪
朝臣自公侯尚書以下皆赴臨奠春秋
六十有一嗚呼人才之難成一代之文
如子璧何可多得而今已矣蓋上下悼
惜之無間言云曾氏世家吉之永豐其

西墅集

碑文

五

高祖晞顏宋兵部侍郎江西湖南安撫
使元贈武城郡伯妣蕭氏曾祖巽申元
應奉翰林文字同知制誥燕國史
院編脩官與其兄翰直學士德裕皆有
盛名于世妣胡氏祖如珪元集賢院司
直妣周氏考叔用洪熙初以子啓貴贈
奉議大夫左春坊大學士兼翰林院侍
讀學士而贈其妣張氏宜人配鍾氏封

宜人子男三秬務學力文有志繼述甫
冠而卒縉紳咸惜之次積次种女五劉
敦會鍾公鉉周秀夫胡頴勉高欽夫其
婿也公之易簀也以身後事屬少傳建
安楊公及子楊公既為著塋銘予為書
墓石而係以詩曰

鄣出有夏少康裔曲烈啓封國為氏去
邑為曾適魯仕邠國聖學述傳義親承

西墅集

碑文

木

素王道統系後十餘葉新莽際爰以闔
宗徙南避宅盱與吉心洙泗章逢蟬聯
如櫛比歐陽之鄉吉之委宋元連綿起
祿位天啓文運赫昭晰公奮而興屬隆
世天經煌煌表人瑞影纓垂組侍庭陞
操觚含毫應

帝制岷江茫洋萬里勢春空澄明雲錦羅
重瞳回矚天容霽紀功述德封金匱操

原缺

西墅曾公墓誌銘

榮祿大夫少傳工部尚書兼 謨身殿

大學士 國史總裁建安楊榮撰

宣德七年春正月辛巳詹事府少詹事

兼翰林侍讀學士曾公卒于北京之官

舍予與少傳楊公往哭之士大夫皆往

會哭翊日子二人以聞

皇上悼歎即命賜祭贈嘉議大夫禮部左

西墅集

墓誌

侍郎命工部治墳塋給舟歸其喪將行

其季子种謁予拜且泣曰种父未卒前

二日屬春坊庶子周公狀其事行命种

請誌於先生先生幸賜以慰先人於地

下予聞而益悲予與公交好三十年而

今已矣奚可銘辭公諱榮字子榮吉之

永豐人其先世出自武城西漢末十四

代孫諱據者避王莽之亂率族人南遷

散居南豐廬陵諸郡至宋兵部侍郎江西湖南安撫使贈武城伯諱晞顏者公之高祖也元翰林直學士諱德裕者公之伯祖翰林編脩知制誥諱巽申者公之祖也考諱叔用妣張氏公幼穎敏端重言笑不易五歲盡識象棋字七歲從學伯父兩舉十五以其所學訓族人子弟十七出教新金胡氏塾已有名時儒者鄒仲熙鄒幼亨輩皆忘年與之交二十充邑庠生教諭戴正心文學老成尤重公既作詩勵之復為龍說期其大用永樂元年中江西鄉試_{年明}禮部會試中選者四百七十人公在第八廷試遂中第一賜進士及第

太宗皇帝奇其才親批所對策褒美之賜冠帶朝服授翰林脩撰承務郎未幾詔

選進士二十八人俾進學文淵閣公為之首

上嘗召問典故公素對如響每應制詩文皆立就由是深沐

寵眷纂永樂大典命為副總裁授儒林郎五年陞侍講授承直郎丁內艱

大駕巡狩北京起復扈從同邑有坐奸黨事逮公人以為危

太宗特原之謂曰朕惜爾才也公所居西長安門外家人不戒火延及禁垣上亦以公故置不問嘗與諸才俊賦天馬海青歌於

上前公獨先成詞氣豪磊

太宗深加歎賞陞承德郎秩滿陞侍講學士預脩

太祖高皇帝實錄書成重沐賜資丁父憂

復起就職

仁宗皇帝嗣位 皇上正為儲宮陞在春

坊大學士仍兼侍讀學士授奉議大夫

賜誥命贈其父為奉議大夫左春坊大

學士兼翰林侍讀學士母為宜人洪熙

初元侍

皇上監國南京宣德改元兩朝實錄書成

賜金織襲衣白金文綺進詹事府少詹

西墅集

墓誌

四

事賜寶帶日直文淵閣歲時屢拜御酒

珍饌白金鈔幣之賜

恩意隆洽一日趨朝以欬嗽遽引退

上遙見之詔免朝叅公益敬慎弗懈踰年

疾復作

上遣命醫往視公知不可起自為讚遺相

知者訣別云當瘞不小運週不天我固

足多人以為少易簣蓋棺此外焉求雲

白山青樂我歸休遂卒公生洪武壬子

八月戊戌享年六十有一既卒公侯六

卿以下皆往哭奠而士君子咸悼惜以

為斯人不可復得矣配鍾氏有賢行封

宜人子男三長桓先卒次積次种女五

劉毅會鍾公鉉周秀夫胡顯勉高欽夫

其婿也公安貌魁偉襟度夷曠孝友志

實出乎天性而才氣志行尤超卓不群

西墅集

墓誌

五

兩京鄉試禮部會試屢典文衡去取率

公平素獎勵後進以為已務宗嫺鄉黨

有急難靡不用情善飲酒與賓朋觴詠

談笑傾倒意豁如也為文章才思滂沛

頃刻千百言不待思索工書而草書尤

精得晉人風致四方慕而求之者足相

躡於其門至於商確古今講論政治無

不切當其葬以某年某月某日 銘曰

偉哉曾公卓犖瑰奇少處鄉邑才已不
羈永樂初科首賜及第玉質金聲為
國令器居官翰苑克慎克勤文行之懿
遠近著聞歷事

三朝竭心贊翊

寵眷殊深屢進清臈弗究厥施遽止於斯
恩命之隆生榮死哀惟茲鄉邑山盤水繞
銘諸其藏千古有耀

西野集

墓誌

六

廷試策

皇帝制曰朕聞聖人之治天下明於天之
經察於地之義周於萬物之務其道貫

西野集

卷一

一

古今而不易也是故黃帝堯舜統承先
聖垂裳而治神化宜民朕惟欲探其精
微之蘊曆象禹貢洪範載於書大衍河
圖洛書著於易古今異說朕惟欲致其
合一之歸興學有法立賢無方而古今
異制朕惟欲通其所以教育衆其所以
明揚古者禮樂皆有書今儀禮曲禮周
禮僅存而樂書闕焉朕惟欲考三禮

德清吳期炤選輯

南昌譚文隆

靖安徐肯播全校

信豐黃燿

文補樂書之缺定黃鍾之律極制作之盛皆人治道所當論也咨爾多方多士承朕

考聖神文武欽明啓運雋德成功統天大孝高皇帝作新餘四十年必知務明體適用之學敷納于篇朕親考焉

御批貫通經史識達天人有講習之學有忠愛之誠擢魁天下昭我文明尚資啓

西聖集

卷一

二

沃惟良顯哉

臣對臣聞之中庸之書曰大哉聖人之道洋洋乎發育萬物峻極于天優優大哉禮儀三百威儀三千待其人而後行至哉言乎斯道之全體大用實有待於聖人乎臣嘗稽之於古揆之於今自皇帝堯舜以來未有不由斯道者也恭惟皇上受天明命居聖人之位得聖人之時

進臣愚於

廷與論聖人之治是真有志於聖人之學也故既統言聖人所以明於天之道察於地之義周於萬物之務而又析而言之始之欲探夫聖學精微之蘊中之欲會夫易書同異之說參夫明揚教育之方終之欲極夫禮樂制作之盛且以明體適用之學望於臣策臣愚知

西聖集

卷一

三

皇上之心即黃帝堯舜之心也先黃帝堯舜而聖者此心也後黃帝堯舜而聖者亦此心也

太祖聖神文武欽明啓運俊德成功統天大孝高皇帝實同此心也

皇上所以善繼人之志善述人之事也斯世斯民何其幸歟

臣以明體適用之學望於臣愚知

人全體大用之學臣愚敢不以為

皇上勸哉夫皇帝堯舜統承庖犧神農垂裳而治得聖人之時者也

皇上統承

太祖之鴻業以大有為之資當大有為之日豈酬聖人之時者乎是故時乘六龍以御天也雲行雨施天下平也黃帝堯舜之通變神化在

西聖集

卷一

四

皇上此心一轉移之間耳中庸之道又豈有甚高難行之事乎臣請得而悉陳之自伏羲神農黃帝堯舜繼天立極而道統之傳有自來矣易所謂窮理盡性以至於命也剛健中正純粹精也聰明睿智神武而不殺也書之所謂安汝止惟幾惟康也勅天之命惟時惟幾也惟精惟一執厥中也中庸所謂尊德性而

道問學也致中和天地位萬物育也非所謂聖道精微之蘊乎

皇上勿求之茫昧勿求之泛雜勿求之艱深既探而得之願服膺而守之也三辰迭運而有常所以為天之經五土分利而有宜所以為地之義天地之道可言而盡也亦曰求之於心而已矣書曰欽若昊天曆象日月星辰敬授人時曆

西聖集

卷一

五

所以紀數之書象所以觀天之器曰欽曰敬此曆象之統宗也是故曆法周天三百六十五度四分度之一天左旋於地一晝夜其行一周而又過一度日月皆右行於天一晝夜則日行一度月行十三度十九分度之七故日一歲一周天月二十九日有奇而一周天又逐及於日而與之會歲十二會一會則月光

都盡而為晦已會則月光復蘇而為朔
晦後朔前各十五日日月相對則月光
正滿而為望晦朔及望而日月之合對
同度同道則為交蝕失序嘗取其說以
傳詩之十月之交矣至蔡沉本其父季
通之說以為日行少遲於天一日亦繞
地一周而比天為不及一度積三百六
十五日九百四十分日之二百三十五

西墅集

卷一

六

而與天一會月行尤遲一日常不及天
十三度十九分度之七積二十九日九
百四十分日之五百九十二而與日一
會天歲與日一會而多五日九百四十
分日之二百三十五者為氣盈月歲與
日十二會而少五日九百四十分日之
五百九十二者為朔虛合氣盈朔虛之
數而置七閏於十有九歲之間則氣朔

分齊是為一章朱子又嘗與門弟子
書而稱此說分明矣是故若有不同者
然臣嘗考之天無體以二十八宿為體
天無度自其行過處為度歲有十二月
月有三十日日有十二時時刻皆八而
子午卯酉加二焉天度所歷則所謂至
角至婁至井至奎某舍某度也地面所
經則所謂出卯入酉出寅入戌某時某

西墅集

卷一

七

刻也以九百四十分為一日而復為四
分之日以周天分十二次次三十度而
復為四分之度所以筭也氣盈者歲二
十四氣之日有餘朔虛者歲六小盡之
月日之不足也一歲率多十日有奇二
歲多二十一日有奇三歲多三十二日
有奇四歲多四十三日有奇五歲多五
十四日有奇是五歲再閏而猶不足以

備兩月必十有九歲七閏而七閏之數均焉餘分之積亦終不得而齊也其說何嘗有不同哉但日者陽之精豈有遲於月之理蓋順而數之則見其進而與天俱左旋逆而數之則見其退而若右轉曆家以進數闊遠為難度也故以其退數而紀之則去度近而易耳是故自地面而觀其運行則皆左旋自天度而

西墅集

卷一

八

考其次舍則日月五星以漸而東其行不及天而次舍日以退也然次舍雖退其行未嘗不進也退雖逆而進未嘗不順也左旋右轉之說其實何以異哉至其論交蝕則皆曰王者脩德行政用賢去奸使陽盛足以制陰則日常當蝕而不蝕若國無政不用善小人陵君子陽微不足以制陰則日常蝕而必蝕是亦

未嘗不同也世之言天體者三家一曰周髀二曰宣夜三曰渾天宣夜以為天無形望之蒼然蓋積氣也日月星辰舉無根繫荒忽闊遠近於異端先儒嘗謂其不可考矣周髀之術以為天似覆釜蓋以斗極為中中高而四邊下日月旁行統之日近而見之為晝日遠而不見為夜即所謂天如倚蓋而世傳以為蓋

西墅集

卷一

九

天家者蔡邕謂其考驗天象多所遺失矣獨渾天之說以為天半覆地上半在地下其天居地上見者一百八十二度半強地下亦然北極出地上三十六度南極入地下亦三十六度而嵩高正當天之中極南五十五度當嵩高之上又其南十二度為夏至之日道又其南二十四度為春秋分之日道又其南二十

四度為冬至之日道又南下去地三十一度而已是夏至日北去極六十七度春秋分去極九十一度冬至去極一百一十五度其南北極特其兩端其天與日月星辰斜而回轉此必古有其法遭秦而滅至漢武帝時洛下閎姑於地中為渾象以定時節而作太初之曆東漢延熹中張衡又為銅儀於密室具內外

西墅集

卷一

十

規而以漏水轉之吳王藩制儀立論宋錢樂因之後魏造鐵儀唐李淳風作渾儀七年而成表裏三重曰六合曰三辰曰四游太宗稱善置之凝暉閣至開元時一行改治新曆而太史無黃道儀梁令瓚以木為之一行是之而更鑄以銅鐵以木櫃為地平上置木偶各施輪軸鈎鍵關鎖機變若神至宋太平興國初

張思訓亦為銅儀三重比唐制加密永代水寒暑不惑大中祥符中有韓顯符元祿中有蘇頌元初有許衡王恂郭守敬劉秉忠簡儀渾儀之作極人事之巧璿璣玉衡之法其度幾矣然臣愚所取者南考中星北察斗建宅四方四隅以定候審二分二至以測景隨時脩政以與天合聖人復起必不拘拘於有跡之粗以為無形之妙其所以察之齊之在於聖人心術之微必不專倚於器數之末也臣謂

西墅集

卷一

十

皇上及今必求如古之名儒而後可與論曆象之說欽若昊天固非區區市廛下肆星術之流所能辨也昔者鯀堙洪水汨陳五行禹乃嗣興順其性而治之濬鑿之功則由下以及上故始於巢穴以

治河濟之下流浹及青揚以治江淮之
下流下流既殺漸治其上故次荆次豫
次梁而雍地最高水患最少施功獨後
此濟鑿之序也其疏導之功則自上以
達下故禹貢言導山者四導水者九皆
自西北極于東南順其就下之勢自源
徂流而無壅遏之患此疏導之序也於
是因山川之形便以別州域因土地之
生殖以定貢賦詳於治內畧於治外規
模素定經緯有條以至禽獸夷狄遐方
異類皆得其所行其所無事仁之至而
義之盡也然自平成以來今數千載充
錄之間水多潰決昔之九河竭石今已
淪于海昔之河趨任降今乃南合清淮
滎波已難指實而濟漯亦非其故道江
沱潛漢出井一所九江滙澤名實異同

或以台朕為堯舜或以錫圭為錫禹雜
出之說或以為歲有豐凶或以為戶有
增減或以為地力有年分之不同臣愚
的然以九江為洞庭以滙澤為彭蠡以
台朕錫圭皆指禹言之蓋古者君臣一
體非若後世之有嫌疑形迹於其間也
雜出諸說皆當以蔡沉為當焉洪範者
治天下之大法其類有九初一曰五行
而不言用蓋無適而非用也五曰建用
皇極而不言數非可以數明也五事曰
敬所以誠身參五行天人之合也八
政曰農所以厚生見人之所以因乎天
五紀曰協所以合天見天之所以示乎
人三德曰乂所以治民撫世酬物之權
也稽疑曰明所以辨惑以人而聽於天
也庶徵曰驗所以省驗推天而徵之人

也五福曰嚮所以勸六極曰威所以懲其重則在於皇極也前四者極之所以建後四者極之所以行大禹叙之箕子陳之武王受之孔子刪而存之此即周之大訓也至於河圖之文亦載於書著於易前此諸儒皆以河圖授羲洛書錫禹朱子蔡氏亦各因之然洪範即彝倫也彝倫數則洪範不界彝倫叙則洪範

西墅集

卷一

十四

乃錫其數其錫豈天與帝真有物象予之而集之哉易大傳言河出圖洛出書聖人則之者即所謂仰觀天文俯察地理近取諸身遠取諸物作易之事耳豈有所謂龍馬有所謂神龜也哉後世封禪之說天書之事未必不由此啓之也臣愚嘗為之三歎於斯焉伏羲之畫卦也見陰陽有奇耦之象畫奇以象陽

畫一耦以象陰而數肇於此矣是雖取於河圖未必盡出於河圖也至謂洪範本於洛書則洪範篇中無洛書之文不知先儒何自而過信之以起後世之惑大衍之數大傳亦明言天一地二天三地四天五地六天七地八天九地十即陰陽奇耦之數耳奇耦生成理之自然故又曰天數五地數五五位相得而各有合天數二十有五地數三十其月地之數五十有五大衍之數五十其月四十有九分而為二以象兩掛一以象三揲之以四以象四時歸奇於扚以象閏五歲再閏故再扚而後掛參伍以變錯綜其數通其變遂成天地之文極其數遂定天下之象此言象數之原而陰陽五行之往來消長對待之定體流行

西墅集

卷一

十五

妙用揆之萬物萬事百家衆說之
兼統貫通無適而不遇其合橫斜曲直
無往而不通同此數則同此理故非但
曰天以一生水而地以六成之地以二
生火而天以七成之天以三生木而地
以八成之地以四生金而天以九成之
天以五生土而地以十成之生出之次
始東次南次中次西次北左旋一周而
又始于東生數則陽下左而陰上右成
數則陰下左而陽上右洛書陽數首北
次東次中次西次南陰數首西南次東
南次西北次東北合而言之首北而究
于南其運行則水克火火克金金克木
木克土右旋一周而土復克水者與大
傳所言昭合而無間不知復之作此圖
者因易書有河圖洛書之名大傳有對

待流行之義遂倣倣而爲之故雖
甲子參同運行之說亦無不昭合者一
陰陽之理天下之變也所謂圖者經未
嘗言有馬負之所謂書者經亦未言有
龜戴之自歐陽永叔司馬君實皆力詆
其怪誕者良以此也臣愚謂易書之文
古今異說欲致其合一之歸但求之於
聖經而明辨其理揆之於聖人而遠宗
其道則渙然而水釋怡然而理順知衆
說有異而至道則同又何致疑於其間
哉古者學校所以教育人才之法舜之
命后夔者至矣王制春秋冬夏之異教
文王世子之篇謂春誦夏絃之類燕義
授之車甲之文臣恐其皆未盡然漢儒
之所附也周禮師氏三德保氏六儀大
司樂成均之法樂師之小舞大司徒之

教象以鄉三物賓興之大胥掌士之版
合射以考其藝旅師黨正州長鄉大夫
書之論秀而升之論定而後官之任官
而後爵之其教之若是其備進之若是
其難而學校無不脩矣而明揚詢訪未
嘗缺焉四岳之所舉非熊之所兆審象
而旁求者亦皆非學校之所養也况乎
後世學校之政不脩明揚之法不立閒

西墅集

卷一

十八

暇無事之時不思所以養士緩急有為
之際則常患於乏才曷不參之古之人
手械樸之人才至於濟濟之多卷阿之
吉士而有藹藹之盛皆本於人君克知
灼見迪知忱恂非一日也周宣之中興
則有若張仲彥之於左右山甫垂武於
百辟有申甫為南國之式也有召虎致
四方之平也漢高顛倒駕馭而得三傑

孝武崇儒重道而得仲舒孝宣招選茂
異而得丙魏之倫光武推心任人而得
寇鄧之佐蜀魏及吳亦各有人才魏之
荀賈筭無遺策吳之周魯腹心爪牙蜀
有孔明王佐之才西晉之世無聞東晉
僅有王謝寥寥已矣至唐而後太宗大
召名儒得房杜王魏之流以成貞觀之
盛開元以來科舉取士得張九齡韓休

西墅集

卷一

十九

裴度韓愈之徒宋興太宗尤篤意儒學
始有韓范富歐陽以至周程張朱黼黻
大猷闡明斯道而皆僅見於明揚之一
得而皆非教育之所致蓋所養非所用
所用非所養俗吏以文法繩下恬退者
耻而不進奔競者趨而不顧升黜之異
視之一言一事之間而決之立談之頃
烏在其為明揚之法哉學校不過徒設

多卑汚闢茸之人考課專事於虛文進退不由於德否克貢之人而遣行後固不知小學之方為何說亦不知大學之教為何事烏在其為教育之道哉規模節目踈密詳畧既與古人不同而躬行心得精粗誠偽又與聖人迥異臣愚以為明揚教育之法惟三代以上可以參而通之漢唐以下明揚之法或有所得

西墅集

卷一

三

而教育之效槩乎未之聞者臣不欲為皇上陳之也

皇上但求之聖人之心不假於後世之法而後能合於聖人之道耳

皇上欲考三禮之文則經禮曲禮儀禮戰國諸侯惡其害已而去其籍孔子之時已有文獻不足徵之歎至秦大壞漢興高堂生得古禮十七篇河間王所得五

十六篇亦文同而字異後以其所叙皆禮之儀因名之曰儀禮畧舉其首篇而謂所傳皆士禮者非也又謂儀禮非高堂生所傳而篇數偶同亦非也今之儀禮即古禮也始士冠禮士婚禮士相見禮鄉飲酒禮鄉射禮燕禮大射禮聘禮公食大夫禮覲禮喪服禮士喪禮既夕禮士虞禮特牲饋食禮有司徹禮而郊

西墅集

卷一

四

祀明堂廟制大典多闕使後世如聚訟焉承訛襲舛可勝歎哉於是朱子晚而條理之挈儀禮正經以提其綱輯周禮禮記諸經有及於禮者以補其闕釐為家鄉邦國王朝之目自天子至於庶人之禮謂之儀禮經傳通解而亦未及精詳乃以屬之門人黃榦而榦復為通解續焉至其晚年祭禮尚未脫索又以授

之楊復復始研精覃思經傳積
餘年以特牲饋食少牢饋食為王經而
冠之祭禮之首篇蒐輯周禮禮記諸書
分為經傳以補其闕綜之以通禮首之
以天神次之以地祇次之以宗廟次之
以百神次之以因祭次之以祭物次之
以祭統有變禮有殺禮有失禮並見之
篇終郊祀明堂廟制皆折衷論定以類

西墅集

卷一

廿二

相從各歸條貫使畔散不屬者悉入於
倫理疵雜不經者咸歸於至當而始得
為全書西山真德秀嘗稱為千載不刊
之典矣後又因朱子之意取儀禮十七
篇悉為之圖制度名物粲然畢備以圖
考書如指諸掌庶幾集其大成者焉近
世臨川吳澄又取小戴禮而叙次之取
諸儒之說集為纂言既屢易稿而自謂

升令檀弓尤為精密其諸儒之中科
櫛剔以類相從上下相承文義聯屬至
其篇義次第則大學中庸既為程朱所
表章與論語孟子並為四書固不容復
次於禮篇投壺奔喪禮之正經亦不容雜
之於記冠婚鄉飲燕射聘義正釋儀禮
別輯為傳以附於經此外猶三十六篇
曰通禮者九曲禮內則少儀玉藻通記

西墅集

卷一

廿三

小大儀文而深衣附焉月令王制專記
國家制度而文王世子明堂位附焉曰
喪禮十有一則喪之義也曰祭禮者四
則祭之義也曰通論者十有二禮運禮
器經解為一類哀公問仲尼燕居閒居
為一類坊記表記緇衣為一類儒行自
為一類學記樂記其文雅馴非諸篇之
比故以為是書之終焉自謂篇章文句

秩然有倫先後終始頗為精審考禮記
之文亦庶幾矣若夫周禮朱子嘗謂其
廣大精微周家法度盡在此書而蘇穎
濱以為秦漢諸儒以意損益之者衆矣
非周公之完書也誠哉是言周之西都
今之關中短長相補不過千里古今一
也而今周禮王畿四方相距千里則其
畿內遠近諸法皆空言也孟子曰天子

西墅集

卷一

廿四

之制地方千里公侯百里而今周禮諸
公地方五百里諸侯四百里鄭氏謂周
公斥大九州始皆益之尤謬論也公邑
必井鄉遂必溝是立法以強人也五峯
胡氏謂今周禮五官之外更有治典劉
歆之妄也天官有宰夫考都鄙縣失財
者誅長財者賞此劉歆歆使上下交征
也天官甸師喪事代王受青楚昭宋景

之所不為也官正比官中之官府去其
奇柔之民是簾陛不嚴矣士庶子衛王
官示人不廣矣內宰建國左右立市豈
王后之職后有好事於四方則受用君
矣以隱官刑餘近日月之側內祝掌官
中樞之事此亂亡之事甚矣歆之誣
周公也九嬪世婦內政女功后夫人之
職也而王安石以為統於冢宰恃理莫

西墅集

卷一

廿五

其焉王者以天下為家乃有王之金玉
良貨賄之藏四方之獻共王之好賜是
以桓靈之事罔成王而詆周公也司喪
有九官膳夫有見官醫師有五官皂隸
之作亦置五官皆執技以事上役於人
者而以為冢宰進退百官之屬夫豈周
公之制哉蓋其為書一壞於歆再壞於
蘇綽又再辱於安石之手其間改易舊

文者多矣其所載之禮皆當有所定正而後可也幸而中經朱子楊氏吳氏之所考訂今亦庶幾焉他如杜祐之書與唐開元禮曲臺禮宋之開寶通禮賈昌朝太常新禮蘇洵太常因革禮伊洛遺禮陳祥道禮書朱子亦嘗喜其精博者皆當取以輔翼二書而立之學官傳之天下可以爲萬世之法矣若夫定黃鍾

西墅集

卷一

廿六

之律尤本於

皇上之一心致中而天地自位致和而萬物自育所謂心正而天地之心正氣順而天地之氣亦順天地之和順應而候氣之法可用氣正而尺度均尺度均而中聲得可以製黃鍾之律而黃鍾之律其長九寸中分釐毫絲忽皆以九爲度故九寸八十一分七百二十九釐六

千五百六十一毫五萬九千四百九十九絲五十三萬一千四百四十一忽者黃鍾一律之長也又置一而三乘之得十七萬七千一百四十七之全數三分損益以生十一律而各得其管之長短由是彼之以五聲爲十六調又使其不相凌犯也用正律正半律變律變律亦三分損益以生徵商羽角變宮變徵均之

西墅集

卷一

廿七

爲八十四調則清濁高下相濟而庶幾八音克諧此固制作之生務尤在

皇上以和致和也若秦漢以來尺牘陳廢中聲不定或求之累黍而有圓摺之殊或求之指尺而有短長之異代變新樂議論紛紜皆徒事其末而不求其本求之外而不求之內安能定黃鍾之律以極制作之盛哉若夫樂書之闕則樂紀

一篇可以爲樂經而宋太常博士陳暘所撰樂書亦可刪繁蕪以附其後若宋之景祐大樂皇祐樂記蜀人房庶之樂書補已蔡元定之律呂新書吳仁傑之樂舞新書皆可考正輔翼之以追咸英韶濩於千載之上以熙天地民萬物於泰和之中以明聖賢道學於千萬世之下者實在於

西野集

卷一

廿八

皇上之一心也且漢文帝有其質而謙讓未遑也唐太宗有其才而功利害之也宋太宗有其志而泥於言語文字之末真宗溺於誇詐仁宗偷於燕安數千年之機會非有待於今日歟然

皇上所以策臣者皆禮樂之文也禮樂之本臣實深有望於

皇上也心中斯頌下和不樂而鄙詐之心

入之矣外貌斯頌不莊不敬而慢易之心入之矣既人主一心萬化之原萬事之榦萬物之休戚所由關萬幾之治忽所由係千萬年聖人道統之所由繼中兩間而立爲三才之主宰可不以聖人全體大用之道任之於身而力行之歟請因

西野集

卷一

三十九

聖問所及者統而論之則論黃帝堯舜之道而探其精微之蘊者聖學之全體也明於天之經察於地之義周於萬物之務者聖學之大用也非聖人之道不足以爲學非聖人之學又何以明斯道也哉又因

聖問所及析而言之亦各有體用焉明於天之經曰欽曰敬爲體而器數之屬爲用焉察於地之義曰祗曰德爲體而政

治之事為用焉周於萬物之務曰中曰
極為之體而三德八政為用焉興學校
必以躬行心得為體而以教育之方為
用焉作禮樂必以和敬為體而儀文度
數為用焉聖道之體用固無不在矣然
必在知之至而行之焉而後體之具而
用之全必其時與學俱進德與位俱隆
而後先黃帝堯舜而聖者質之此心而
西野集 卷一 三十一
無愧後黃帝堯舜而聖者揆之此道而
無異推之四海而準傳之萬世而信窮
天地亘古今四三皇六五帝而不失天
下之顯名也惟
皇上其留意焉臣謹對

曾西野先生集卷一終

刻曾西野先生集卷二

德清吳期炤題

南昌譚文隆

靖安徐肯播全校

信豐黃耀

應制百詠詩

古梅

猗猗傳種自何年得地于今孰敢先三
兩箇花春尚在百千歲樹老彌堅幹排

西野集

卷二

雪雨蛟龍折枝歷風霜節序遠題品直

逢林杜草峰名高出漢唐前

早梅

歲寒零落見孤芳花占先魁獨擅場大
度地雖緯幾點羅浮山坪未成行南枝
向暖春回臘北隴衝寒暑載陽誰遣天
邊消息轉黃昏有月暗浮春

庭梅

闌干圍護淡烟籠嫩蕊嬌姿怯曉風墻
角花留殘臘景簷牙枝過去年叢趁時
賞翫無塵到特地尋芳有路通幾度日
光閑白晝又看踈影轉簾櫳

官梅

東閣外條玉作葩揚州詩興重堪誇驛
墻蔽穎枝低結公館盤根土半遮臺古
凌風來蝶使觀高却月隱蜂衙隴頭能

西墅集

卷二

二

念青雲客折寄逢人莫歎嗟

江梅

幾樹橫斜楚水濱波澄清瘦月黃昏花
分水鑑青鸞影柯印珊瑚碧樹痕濕透
雲衣仙子去香沾玉雪太真存臨流每
有尋春約憶看湘娥入夢魂

子集

發秀詠

月浴無邊水

花落影臨溪峽雪點流萍暎遠天雲
屏開粧曉鏡水晶簾捲碧紗烟青年才
子歡遊賞折取繁葩載酒船

嶺梅

大庾東風拂樹頭孤根回暖百花先氣
融空谷水難合影透高林日易穿驛路
松陰香共遠蠻溪柳葉暗相連枝分南
北殊開落東面陽和地自偏

西墅集

卷三

三

野梅

遺核生來得自由托根泉壤更清幽梨
雲落實堪同夢松月昏藏似隱憂詩詠
難逢和靖識壺開願逐晉公投久知此
味宜調鼎烟雨青黃實結不

清梅

曾見花顏映碧湍水流晴暖暮天寒莫
教老笛吹殘屋忍聽胡琴拂玉鞍惆悵

翠禽成夢寐信憑青鳥問平安托根寒
石冰清潔萬紫千紅總不干

夢梅

美人意態動幽思傍舍相逢酒一卮月
色穿簾明素服雪花照席發清辭綠衣
童往心猶醉翠羽禽鳴恨莫追睡醒東
方看已白臨風無語立多時

尋梅

西聖集

卷二

四

步履行經野水橋迢迢徑路不知遙冰
凝遠樹花難辨霜落空山葉盡凋獨怪
谷風偏解凍却疑林雪未全消歸來門
巷多情思惹得餘香滿袖香

問梅

新春何日過西湖開到東風第幾株杜
甫巡簷曾笑否林逋踏雪再來乎若教
止渴行軍遠還解和羹作相無獨得哉

坤清氣早操持要比聖賢徒

探梅

花神何處卜佳期籬落溪橋破臘時寄
傲歲寒冰是骨侵凌風雪玉人姿金蘭
交契將誰就鼎鬲調羹待爾為春到江
南纔幾許遊蜂粉蝶未應知

索梅

西聖集

卷二

五

見說村居遠近隣幾枝破玉歲華新纖
塵不染宜超俗素壤相資豈厭貧藜杖
雪中來故老縞衣月下見佳人竹籬茅
舍甘同守特被風霜潔此身

觀梅

當時人物見才難誰識蛟龍暫蟄蟠根
本深長通地脉形容清瘦帶霜寒隔窓
有意新垂顧對面無情淺就歡自此心
腸堅鐵石不愁白眼冷相看

友梅

芳杜歌風自厚顏
天桃咲日孰為歡
操持松竹同盟久
類別荆榛合志難
地步憂期超館閣
交情長是倚闌干
人生氣味宜相似
出入隣居奈歲寒

寄梅

欲問春還絕信音
迢迢江岸雪霜深
憑將柳色垂青眼
付與花神豁素襟
陸凱詩詞傳往昔
謫仙消息報來今
不須鴈帶天邊字
庾嶺雲飛一片心

評梅

范村寄物舊情投
名品難應譜盡收
花似白蓮人共賞
蒂如綠萼孰堪儔
葉分上苑千層露
榦老成都幾百秋
擢秀數榮冰玉色
一枝高出狀元頭

歌梅

別梅

鄂雪和陽春傳到江南使
坐金鞍成雅調催殘玉柳搖芳
蝶拍花間影一曲鶯簧物外形
醉豈同嬌艷態
桃唇杏臉錦為屏

分手孤山路渺漫
羅浮月落曉風寒
美人長坐花容杳
仙客空歸鶴影單
隔岸有情留客住
辭枝無語怨春殘
來年再

識東君面先遣南枝早報安

惜梅

英標清絕壓芳塵
為愛凭欄日可親
早起看花鶯喚友
時來撫樹蝶窺人
砌培根本移寬地
牆護枝柯避近隣
回首只憐幽獨處
賞心孤負幾番春

折梅

尋芳踏破頭雲陡
覺霜葩暗吐分到

手新條誠可愛拂衣香氣已先聞未逢
驛使憑誰寄曾託騷人把韻分大地春
深留客住膽瓶從此謝東君

剪梅

燕尾雙刀取巧裁不教花信看莓苔水
晶簾動香生紫碧玉盤盛色淨埃鳥睂
鉛華粧窈窕蝶隨縞袂舞遲回誰知點
染翻成綵拈到姮娥手裏來

西野集

卷二

八

浴梅

蛾眉淡掃曉粧勻一洗冰姿倍有神肌
骨已看澆白璧襟懷猶恐汚香塵溫泉
初潤凝脂滑銘器方沾沐澤新物欲纔
昏須浣滌清心玉映達天人

浸梅

甕盆新養折來枝旋汲清泉向小池色
樣婢娟瓊作佩光酬詩約玉爲

入片超凡骨仙子凌波撒素幃不消金
盤佳實薦再沾恩澤際明時

簪梅

韶華滿眼景偏幽載酒芳園是勝遊折
得花梢春可把摘來珠蕊露初收龍山
不落秋風帽剡水空移夜月舟絕勝瓊
林恩宴早宮花榮插貴人頭

粧梅

容顏冷淡見天真新貼花鈿別有春少
女風光生意態含章雪色助精神露臺
半濕香腮粉月鏡全消玉匣塵却笑柳
腰空嫵媚愁看終日爲誰顰

鑄梅

嬌蕊芳姿改樣新強將智力圖青春機
關恰似回腸曲條理難求尺管仲屈鐵
交柯堅

西野集

卷十

九

有神明力矜看清高壓俗人

接梅

本幹蕭條奈老何將移別樹恐蹉跎連
皮封植重膠固透骨全通一氣和異種
安排成異菓新枝剝換長新柯爪膚勿
爲生粘驗管取春風發育多

補梅

搔首妨賢蔽楚詞石湖存譜范公知清

西墅集

卷三

十

移根本當超衆讓作花魁更有誰松竹
歲寒添益友芝蘭庭砌託交期一從識
得林和靖才子詩人自不遺

苔梅

冰臘玉骨跨青鸞風雪飄飄息羽翰香
霧空濛朝掩袖斗光影暎夜窺闌立當
馬跡痕初印點破霜華露未乾疑似楊
妃時出浴翠裙半脫怕春寒

杏梅

繁枝出外吐微紅千點爛斑色不同姑
射酒酣頰臉露阿嬌睡覺絳帷通當壇
誤想琴音在收拾因知虎跡空又似武
陵溪路遠桃開隱約彩霞中

蠟梅

玉蕊檀心別樣粧蜜脾綴色錦包囊口
含星響臨風媚色帶金鍾浥露芳題到

西墅集

卷三

十一

一簡齋宜興絕名高挺秀豈詩狂穠香目
一下多佳品錯認茶蘼半染黃

竹梅

吳下高風不浪浮溪邊六逸重交游清
姿迥出無塵地雅操堅持絕俗流翠袖
天寒未共倚霓裳月下舞難休北牕
賞傳歌曲香泛芳樽破客愁

雪梅

誰剪瓊花滿樹新
天孫開巧費精神
桃妬色將含咲嫩
柳羞眉只效顰
半濕粉粧香頰潤
輕飄仙袂玉容真
臘前已喜兼三白
兆應豐年報早春

月梅

黃昏院落色濛濛
疎影橫窗半淡濃
和靖工吟知巧句
謫仙邀賞羨才雄
乘鸞素女綃裳薄
曉鏡佳人綵黛空
但願花

西野集

卷二

七

開良夜永清光常得照
薦櫳

風梅

芳客生怕急風吹
飄素摧索蝶豈知
磨洛漫勞何遜惜
捲沙空載廣平辭
塵埃撲地花辭樹
烟雨飛林予帶枝
欲使花中渾不動
宜從天畔問封姨

烟梅

陰霾盡散氣鴻蒙
玉樹琪花渺漠中
翠

袖紗沾飛鷺
曉青鈿額抹壽陽宮
芙蓉照水粧還淡
郁李穿林影更重
帷幄輕遮肌骨體
暗香猶自透簾櫳

孤梅

天資高潔異凡群
非類那堪共卜隣
誰識曹公存智畧
更推雲子會精神
蜚英獨出鷄群鶴
脫俗猶超馬足塵
圖像當時何處覓
傳巖版兼有賢人

西野集

卷二

十三

移梅

霜根旋斲舍傍栽
荷鍾披烟破綠苔
雨洗皺鱗龍啓蟄
風傳香粉蝶隨來
芳心巧奪陽和力
原本深資地氣培
月落參橫人醉醒
松林劃見一枝梅

疎梅

名花只見兩三枝
冷蕊玲瓏分外奇
錯落殘星斗宿橫
斜影間竹松籬梢頭

幾點多春色林下孤根抱野姿最是黃
昏清淺處一聯先入老逋詩

老梅

枯梢冷蕊靜中開跡絕紛華半點埃
欹幹龍顛纏蔓棘皺皮龜折綴莓苔幾經
搖落芳林後多歷炎涼古岸隈真道字
酸無用處商家寵命看重來

新梅

西聖集

卷二

十四

絕品移來第一家東風吹動始萌芽柔
條漸長回春色嫩蕊先開破臘花欲避
隣烟將竈塞因防俗客作籬遮夜窻對
此渾忘倦坐看疎枝月影斜

矮梅

材質無勞較短長托根偏得近橫牆枝
低張薄懷高志德比裴公擅遠香摧折
風霜登鼎萬盤迴盤石結心腸侏儒何

處瞻顏色落月猶疑在屋梁

遠梅

春光浩蕩嶺南風隔斷塵埃路不通
處處無香傳野蝶誰家有信寄冥鴻西
湖遙望知何許東閣高懷想未逢好把
孤根移近地芬芳亞雪播瑤空

落梅

短笛吹風透骨涼紛紛撩亂慘衷腸玉

西聖集

卷二

十五

龍蛻骨飛鱗甲皓鶴摧翎脫陣行半腿
粉綃春欲睡新沾宮額晚成粧綠珠金
谷樓頭墜飄散英魂滿地香

瘦梅

風雪侵肌玉削膚致身山澤自清癯精
神憔悴惟高士骨格稜層豈腐儒多病
官嫌犀帶重休糧僧似鶴形孤桃紅李
白春容艷若比水姿總俗徒

宮梅

脫跡山林百卉中
發生禁苑彼仁風
異根隔絕塵埃氣
奇品資成造化功
雨露恩榮霑聖澤
水霜節操蘊臣忠
廟堂咫尺先登用
多少凡材孰可同

簾梅

屋前種樹歲將淹
春到衡門色更添
掩映冰花開甕牖
交加雪幹隱湘簾
襯粧尚想含章卧
索笑何如杜甫篇
仰面九重天咫尺
新承朝露渥恩沾

寒梅

地凍冰凝萬木僵
特陳素豔有奇芳
孤高壯士當穹壤
潔白佳人勝雪霜
松柏後凋堪與伍
菊荷先瘁謾生香
色辭軟媚何曾吐
鐵作貞心石作腸

明梅

雪花冰蕊競爭芳
嚼蕊含香入我囊
子噙檀心獨苦
鄰生掉舌龍吟
幾度清風吹不散
雋永含英馥風味
回清嚼實酸不
人誇意氣杯酣
秋菊佩紉蘭

賞梅

閑來林下發長吟
詞吐天葩酒滿斟
素豔且供殘臘
詵芳姿宜樂少年
心樹英縱飲乘
高興倚樹酣歌
奏雅音醉後恍
宜明月夜美人
一笑值千金

盆梅

根培瓦器潔冰壺
小幹卑枝豈一株
繞檻曉分香霧氣
汲泉時灌濁泥污
筆端妙贊親賢士
簾額低垂遠俗夫
昨夜牕前多月色
畫屏清影半模糊

紅梅

胭脂新染闌干
非丹臉朱顏破
冷感生

苑尋桃何處是北人疑杏此時非詩記
絕唱推方子酒暈凝酣想薛妃幾陣狂
風吹不醒嬌容猶帶紫霞飛

粉梅

紫府靈丹煉玉砂豔分璫樹發天葩神
仙珂珮多遺跡仙女肌膚絕點瑕色淨
允鉛和露洗香凝素袂被霜遮烟塵不
染清貞操獨向林泉傲物華

西墅集

卷三

十九

青梅

百果林中有苦甘兔園此品獨多酸和
烟暗結如珠小帶兩低垂比彈圓咀嚼
味歸齏軟宴酣清透酒腸寬曾聞魏
武行軍略不使眉峰馬上攢

黃梅

葉籠碧玉子初圓枝綴金丸顆盡懸
和酸鹹餘外別舌回滋味此中全調羹

宰輔身膺命止渴將軍口吐涎獨愛江
南初夏景滿林肥熟雨時天

鹽梅

五行造化物宜均鹹與酸和世所珍金
彈資成求變美水精滋助為更新傳巖
特命勞賢主商鼎金資作宰臣政化若
開寬猛喻民間何必問甘辛

千葉梅

西墅集

卷三

十九

枝柯重覆翠含滋異品同春豈有私層
疊碧雲堆玉屑高低珠露濕香幃色身
變見觀音相苞影分華青女身獨出花
房雙結實瑰奇誰似盛開時

鴛鴦梅

雙花一蒂竝聯芳對影猶疑色滿塘霜
瓦有痕多伴宿雨荷無蓋為遮藏翠禽
韻切空惆悵錦字書沉歎渺茫但使連

枝春意笛聲吹散果何傷

綠萼梅

羅郁仙姿得道佳
京師堂接九疑賒
曾因太白遊名寺
恰遇高僧獻異葩
霧拂芳容勻翠黛
烟披嬌態抹青紗
誤疑金谷園猶在
不墜樓頭一樹花

臘脂梅

紛紛羅綺豔成叢
誰識冰姿帶粉紅
素

西墅集

卷二

三

臉半酣生醉態
絳唇微笑轉醒容
粧成色染巫陽雨
質媚香傳少女風
只恐枝頭貪結子
花顏彫謝錦幃空

西湖梅

太陽玉樹出瑤林
是處繁華足賞心
霽月光風傳自昔
暗香疎影見如今
遊觀步逐黃金勒
歌吹聲和綠綺琴
十里蘇

堤多士女畫船載酒樂芳心

求閣梅

宮舍英姿占早春
冰肌玉骨雪精神
暫居洛下時相憶
久在揚州宿所親
工部雅懷成古調
水曹高興遇今人
長材若更留題品
猶見詩家立意新

清江梅

寒碧澄澄蘸玉枝
霜華片片漾玻璃
臨風倚岫形偏瘦
帶月凌波影自隨
冷浸

西墅集

卷二

二

難消水骨格清流
長洗雪容儀
酒家曾說寬如屋
數十人看別坐時

孤山梅

盧公贊後世相傳
逋老吟成去上仙
荒隴斷碑春寂寂
淡烟芳草暮芊芊
風光隔岸飄瓊佩
雪幹臨流映畫船
千里文章傳勝事
從教物色換流年

一瓣紅梅

山留殘雪映孤村酒肆微明月在門
遇美人留宿好意諧佳偶若春溫淡粧
素服娛芳席媚色清詞對綠樽醉寐醒
來歌舞散青綾坐擁詠冰魂

漢宮梅

麗質天生在未央見承雨露倚新粧上
林堅守冰霜操內苑榮依日月光夜近
殿庭香可挹實升廟廟味先嘗心懷輔

西野集

卷三

廿二

相居商鼎肯使葵傾獨向陽

解舍梅

楊州宦轍跡偏陳寓舍猶懷物候新公
館才華超地步法曹意味見天真詩吟
東閣饒添興景畫西湖妙入神却月臨
風臺觀在花開花謝幾經春

書牕梅

坐對花開講學時
威寒相伴却相知

分楊子談經處影落蒼苔之流墨迹亦枯
雪車題好句天葩風韻吐清詞吾伊聲
徹春光滿秀發儒林玉一枝

琴臺梅

簾櫳花影小亭深三弄悠然契宿心歌
徹綠衣情已遠啼殘紅頰思難禁暗香
先動林逋興綠綺曾因李白吟月夜玉
壺清賞處高山流水托知音

西野集

卷三

廿三

棋墅梅

上林琪樹映楸枰仙客乘機樂趣清止
渴行軍談已智復官辭洛竟誰爭瓊英
點綴猶排陣玉子縱橫若散兵絕色人
間誇第一倘教解語必傾城

釣磯梅

報道春從渭上來一枝先向水邊開風
梢拂岸堆漁艇雪片隨波灑石臺烟雨

結成商鼎實水霜催老禹梁材客星托
跡江湖遠有象分明映上台

懶徑梅

路入幽林石磴通疎花遠近間芳叢枝
柯擔老青雲客棋局敲殘白髮翁玉子
林逋仙跡似買臣傳說宦情同棟梁棟
取聲廊廟猶勝當年版築功

僧舍梅

俗塵不染善根枝物性先參趙老機識
破宿緣空即色任教閑事是和非虛花
覆地消殘雪幻影叢珠竟落暉祇謝園
中功果滿讀來師祖幾傳衣

道院梅

瘦骨真容學老仙王恭鶴髮影踰籬
疎月葉應殊俗野草閒花散開先羽化
林風靜寂寂塵禪香雪竅玄玄鸞笙吹

落花梢月白玉雙童下碧天

柳營梅

屯兵別戟振英風粉黛蠻腰玉帳中清
氣結林烟霧合肅威鎮衛寧霜封實垂
金彈飛禽避花撲雕鞍獵騎從止渴若
非嚴號令行軍誰復奏奇功

茅舍梅

草屋三間野外堂疎籬暗透玉生香歲
寒操厲幽偏境泉石盟堅寂寞鄉雞唱
林間宵石月笛吹花蕩曉簾霜衆芳一
任榮枯改不向春城鬪艷陽

蔬圃梅

數畝寬閑雪滿林葱裾玉佩滌塵襟露
滋土壤朝同暮味助兵農古復今不有
豐人將幕蔽寧無陶令涉園尋備經咬
嚼知酸苦百事忙為在一心

藥明物

橘井泉通灌圃場杏林花發共傳香
神仙託寄壺中跡醫術兼全肘後方
味濟君臣膺寵命功同佐使啟膏肓
藉神農力甘苦酸醎孰解嘗

前村梅

郭外風霜物色新孤芳先報舍南春
田家已占豐年兆錦里相依易俗民
桃李門牆知宋杜竹松林塢契雷陳
樵夫問處來沽酒花下香分勒馬人

照水梅

清淺波涵白玉堆橫江皓鶴勢徘徊
寒光靜暎朱簾揭春色新粧匣鏡開
沐浴湯盤加澡雪調和商鼎絕氛埃
東風吹散梨雲夢漏泄精神月是媒

山中梅

白雲堆裡守清貞木石同居少四隣
微晚林泉淹歲月隔離城市遠置塵
水霜操古香偏淡澗谷名高俗更淳
好鳥遷喬知有自年年花裏慶長春

城頭梅

將軍志操獨堅剛百萬師臨灌雪湯
秀發陽和回殺氣高擎天柱近榮光
樓臺影落空林月鼓角聲殘滿樹霜
蔓棘剪

西墅集

卷二

廿六

除威令肅由來邊境有關防

水竹梅

霜落瀟湘月滿林貞姿勁節冷同禁
冰清玉潤寒光暎袖薄衣單濕氣侵
三益暫離松澗友二難長伴錦江禽
澄空湛徹無邊影照見忠臣烈女心

水月梅

江涵兔影雪晴時
冰花兩得宜

鏡光分鈿貼額鳳簫聲徹玉橫枝雪霜
弄影參差見露粉調香淡薄施一別姮
娥猶獨宿風流今有老仙知

檐上梅

社陵詩客賞春歸將帶西湖玉一枝行
李豈無琴作伴到家還有蝶相隨錦囊
得句中書寫甕牖偷光俗眼窺袖惹餘
香猶自惜臨風三嗅意遲遲

西野集

卷一

廿

杖頭梅

手携瘦竹步西湖臘盡分枝酒滿壺綠
玉艷披鳩諦羽青藜香透臂囊更搔頭
恐惹霜侵髮策杖堪憐雪作膚歸路黃
昏林月皎隨人花影自相扶

隔簾梅

青樓珠箔隱群仙消息無因與客傳繡
戶紋窻籠晚色碧紗素暖聞春妍玉人

跨鶴迷蓬島秦女乘鸞向霧烟望
山溪路遠浮雲流水淨娟娟

照鏡梅

新開寶匣色光寒清秀香簾曉色攢粉
傅粧臺勻面拭花藏眉宇正容觀青鸞
影對仙姿媚碧玉花懸素手搏一似佳
人勞念遠舍情無語靜中看

十月梅

西野集

卷一

廿

一元塊北轉天機催動寒梢發育時始
及小春霜露降未經殘臘雪風吹一枝
斜影橫松塢幾點疎花間竹籬黃菊紫
萸皆冷淡群芳頭上獨先推

二月梅

早占韶光衆所知花開春半意何遲兵
機自有神明運造化非因巧力爲桃李
獨誇粗俗能芳蘭同發成明時丈人筆

今猶客年少相親莫敢欺

未開梅

二十重甲厚似羞顏
雪壓霜摧只守閒
不是陽和關九地祇緣寒凍鎖孤山
精神欲露芳心歛
蹤跡猶藏賞思慳
寄語東君休介帶春光
早遣向南還

乍開梅

少陽初動物華新
忽見寒凝又報春
纔

西墅集

卷二

三十一

綴冰梢柔更嫩
漸舒芳蕊屈方伸
淡容越女將施粉
皓齒虞姬止露唇
恍見西施真面目
捧心猶自蹙眉顰

半開梅

一氣回冰樹未全
勻不盡芳容更待春
曾為雪霜添意態
尚求風月助精神
賀臣顯晦猶親見
逋老榮枯只獨巡
描入綃綃難辨識
本根真個是非真

全開梅

素質清姿霜雪分
滿腔春意屬天君
蝶蜂競得繁華戲
車馬交馳賞翫遲
日移時爭豔麗
暖風到處播芳馨
花因結子纔彫謝
綠暗新梢幾片雲

水墨梅

使君意氣獨堅剛
直筆威嚴六月霜
勁操貞姿無軟媚
巧言令色豈端莊
裁綃

西墅集

卷二

三十一

濕透佳人室
染翰香生畫史房
共說當時詞賦艷
誰知原有鐵心腸

畫紅梅

瑤池宴集景模糊
王母蟠桃出帝都
絳臉初勻呈嫵媚
朱唇劇飲縱歡呼
影搖歌舞身先醉
色染胭脂目可娛
此日丹青成勾漏
洩醺顏不老寫真圖

玉笛梅

火輪飛出日枯焦雲管輕吹片雪飄嘈
雜翠禽聲更切踰颺白鶴勢難招孤山
仙去楸梧暗度嶺人歸道路迢腸斷春
江成遠別曲中哀怨幾時消

紙帳梅

試裁雲鬢護冬溫夢入羅浮欲斷魂別
意每懷山下路歸心猶戀水邊村鴛鴦
每睡花香透翡翠幽棲墨跡存淡影疎

西墅集

卷二

三

枝長是伴幾看梁月照黃昏

刻曾西墅先生集卷二終

刻曾西墅先生集卷三

德清吳期炤選輯

南昌譚文隆

靖安徐肯播全校

信豐黃燿

瑞應圖八篇

黃河清賦有序

臣祭伏見

西墅集

卷三

一

皇帝陛下即位以來凡有所建動合天心
郊祀禘告神靈歡悅民安物阜中外晏
然四方蠻夷之國罔不賓服重譯而來
者肩背相望繇是休祥駢臻諸福畢至
乃永樂二年十二月乙酉黃河清始蒲
州洎韓城延數百里瑩然洞徹可鑑毫
髮河津之民戴白之叟垂髫之童莫不
奔走聚觀以為盛世之徵符三年正月

癸卯吏民具以上聞百官奉表稱賀

皇上雖深自謙抑而群臣作為歌詩形之贊詠者自不能已臣聞京房傳曰河水清天下平王子年拾遺記曰黃河千年一清聖之大瑞也今茲之應實由

皇上聖德感孚天休滋至自關關以來未有盛於今日者也臣輒不量愚陋撰為河清賦一通謹拜手稽首以獻其詞

西野集

卷三

三

曰

歲在闕逢涖灘璇杓建丑壁宿橫昏金莖瀉露銀浦流雲客有覽西極遊崑崙甜禹門之巨磧沂河水之靈源乃慨然而思曰在昔黃流沃日洪波拍空方積石之既導豁龍門之遂通巨靈睢以鼎負底柱吃其字崇劃兩崖之盤束瀉千里之奔衝漢昭回橫一絲於天末陰

西野集

卷三

三

風噴薄聞萬雷於地中然後拂華陰而下委跨洛汭而爭雄迤大陸以奔流匯滄海而朝宗是則昔之困於懷襄者胥為降丘宅土之域今之安於衽席者就匪手胼足胝之功也哉爾其天一以生地六以成名列四瀆位冠五行象中央之色孕玄冥之精是則水之所以為德而河之所以得名也若乃嘉祥臻惠潤溥祕宣房闢靈府著羲畫於馬圖廓人文於邃古黃龍見彩於重華白魚徵瑞于姬武茲河水之効靈稽往牒而莫數俟千歲而一清乃聖作而物覩然則當文明之嘉會瑞應之旁午而河清之祥豈獨寥寥而難遇也是夜肅然萬籟俱寂霧歛烟消天空月白肝蠶潛孚精靈剡若若有神人告于河伯曰方今海宇

清寧

聖人在位明茲乎日月德合乎天地精誠
通於神明資稟原於聖知恒翼翼以爲
心尤孜孜而圖治溥萬姓以咸和茂群
生而暢遂囿八表以同風萃諸福而畢
至是宜茲水之澄清予以昭盛世之嘉
瑞河伯於是張雲旂馳電檄昭萬靈超
百役蜚庶霽威川石受職馮夷爲之効

西墅集

卷三

四

奇象固爲之歛跡鮫人收泣以歡忻淵
客流躬而悅懌俄而衝波既息微瀾不
興乍紆乍徐若瀦若渟濁者自汰渾者
自澄瀾漫滉漾委蛇迴縈引白虹之迤
邐浮素練而晶瑩碧嶼沉星轉丹砂於
流永寒潭沁月烟玉鑑於清水寓行雲
之落影度飛鳥以流形湛長空於一碧
涵萬象於虛明茲非千載之奇遇而爲

原缺第五葉

泚中山之兔頰鋪張乎鴻圖贊詠乎

神聖誇希世之奇逢昭太平之瑞應是豈
徒效雕蟲之篆刻蓋天將和其聲而以
鳴

國家之盛

神龜詩

爾古有大寶龜其神號玄武其族隸
玄冥左晴象日右象月上圓法天下地

西墅集

卷三

六

平介蟲三百六十爾爲長所以配乎羽
毛鱗類居四靈昔者聖人以之鑽灼立
卜筮用爾守國紹天明正逢九江納錫
後神禹治水功告成上帝命爾出河洛
背上有數羅列如明星九一居上下三
七布左右二四爲肩六八足陰陽奇耦
縱復橫九疇次第著洪範聖人因之叙
彝倫以之立皇極至今大法存遺經自

從負書以後不復出千歲始一息呼
元氣食精英不知何年天遣八土化為
石必待

聖人御世為休徵我

皇膺寶曆垂衣在東京

聖德重華協

太祖五風十雨民安寧東夷與西戎南蠻

暨北狄梯山航海俱來庭玄厓在靈囿

西墅集

卷三

上

騶虞降嵩嶽野蠶作蠶嘉禾生仰思

高皇神功聖德邁三五巍巍蕩蕩不可名

便教盡涅南山竹細書郊溪藤尚恐瑤

編玉牒紀未盡不如穹碑文字萬古垂

鐫銘峩幕府山九疊摩空青山南得石

數文許玉色金輝愜

聖情誕求厥跡久未得萬姓奔走窺崖瞰

谷緣崢嶸龍潭之山開翠屏祥光瑞霽

一派霞顏萬夫聖山靈龜百靈躬經

効順千巖雲霧楓迴紫恍如神官叱六

其下有巨石深根穹窿蟠厚地旁有石

龜先露呈茲介發金采紫嵌含光晶昂

首曳尾如欲行不彫亦不琢渾然天賦

形眾工環視喜且驚想當伊昔變化時

川石孕其魄玄靈降其精龍君涵煦體

質具海伯呼吸神氣凝得非造化之制

西墅集

卷三

八

作母乃泰和之薰蒸天教紹奇韞秀於

此久賒伏後千百年為我

皇上一出昭孝誠群工進之當大冠金爐

薰香玉几盛於是貯之白玉甌重以黃

金滕若曰神龜兆趺石

聖靈感格由

太祖宜以此龜藏孝陵聖人達孝通天地

嘉瑞駢臻福所憑乃知神物不易出石

以比貞堅龜以徵

萬壽上天用此揚德馨

聖心謙抑或滿盈小臣歌頌傳歡聲但祝

皇圖鞏固宗社似磐石

聖壽天齊億萬齡

白象賦

有序

臣聞天生瑞物以協休徵遠人嚮化

實由有德乃永樂二年夏六月安南

西墅集

卷三

九

來獻白象萬姓同觀百僚交慶臣叨

居館職得觀奇祥敢不鋪張揚厲以

昭盛世之宏休以流鴻績於無窮哉

謹拜手稽首而獻賦曰

維我

高皇奄有萬方南踰丹徼東薄扶桑西被

流沙北窮幽荒圉幅員之至廣肇基業

於無疆混壹書於冊教禮樂於明堂

於是玄菟黑濮青狄赤羗鳩密象胥譯

鳥言而獻款雕題在衽泛鯨海以來王

馳宛駒之蹀躞矯龍馬之騰驤大貝墳

珠屢作充庭之寶南金美玉率為天府

之藏所以功高於湯武德合於虞唐致

治與前古而比隆垂休亘萬世而彌彰

者也

聖鑒嗣興聰明天縱守

西墅集

卷三

十

太祖之宏規紹百王之大統奠宗社以廓

清拔俊良而登用聲教翕乎風行號令

煥乎雷動際窮髮之遐荒咸奔走而來

貢維時蟾影向曙烏輪未升薰風微涼

纖塵不驚

天顏肅穆御于紫清銚韶鈞以間作耀天

仗而晶熒肅衣冠於百辟遙鵷鷺於群

英講論至治之要敷陳聖道之精所以

逌千年之景運而開萬世之隆平者也
曰有南文世居海甸貢巨獸以來庭色
純白而罕見爾其浮游海濱出沒山谷
天馴其心地擾其足齒感雷以成文膽
隨月而附肉藉茂草之豐茸蔭長林之
樸樾嗟衆狀之不殊何潔白而爾獨豈
非中國之嘉應而適見於南粵之荒服
也若乃素質浮霜脩牙削玉感瑤宿以
儲精合金氣而孕毓眠沙而寒暄雪山
浴海而晴飈銀屋天吳仰以睢盱陽侯
俯而縮瑟雖上國之匪求豈蠻邦之敢
畜整金轡以前驅絡璫瑰而相屬遠南
海之炎囂挹中州之清泚瞻
玉殿以奔趨進瑤階而俯伏紛雪毳而
低垂對瓊樓而駭矚暎皎月以同輝承
湛露而載沐色逾漢室之兔質勝周王

之廠至若氣凌百獸力雄萬夫將震
於育育顧失智於蒼舒焉獲旁觀而踏
蹶蜚廉却走而欬歔迨夫服金輅參玉
輿負重寶聯明珠衛虎闕而竝立導龍
駕而群趨既馴擾之足尚亦安重而有
餘飽青芻於靈囿扈仙蹕於天衢蓋將
協嘉祥於麟趾媲美厚於騶虞者歟緊
聖皇之一德乃漸被於八垠昭日月以宣
朗溥天地之至仁顧卷髮之異狀屢稽
首而稱臣于以知明王之慎德而有以
致四夷咸賓也在昔成周有越裳氏乃
涉滄溟以獻白雉垂簡策之休光躋王
會之盛世維我
聖朝威德遠被不征而庭不召而至茲交
趾之炎荒實越裳之苗裔歸仁効順在
太祖之初年納款稱藩

往降以來十載于茲奇祥異瑞駢臻水
至

聖德神功巍然煥然度越千古無與倫比

乃永樂十年冬十月戊辰

車駕狩于陽山甘露降松栢之上侍從

之臣採取以進是月丁丑

車駕狩于武岡甘露復降於是群臣皆

頌首稱賀

西墅集

卷三

十四

皇帝若曰朕嗣承

皇考太祖高皇帝之業夙夜兢惕惟欲輯

寧兆民以底于治符瑞之應其曷克臻

茲爾尚悉乃心力嚴恭祗懼以承

天休毋怠毋逸臣嘗考之周禮中冬教大

閱遂以狩田致禽饗獸于郊入獻禽以

享丞蓋所以講武事奉

宗廟也今茲

乘輿冬狩順時合禮符瑞之應厥有所
由竊惟陰陽之氣和而為雨露凝而為
霜雪而露者霜之始也今天時寒沍而
和氣充溢甘露屢臻實由

皇帝一心之和通乎天地是以鑾輿所次
天休震動漢儒有言心和則氣和氣和
則形和形和則天地之和應故斯露之
為祥也不布於春陽之候而發於冬寒

西墅集

卷三

十五

之節不施於閑暇之日而零於四狩之
時是皆卓然奇異前代之所未有且古
者甘露之祥或曠世而一遇必謹書之
以為非常之瑞况茲旬日之間甘露屢
降是豈偶然之應哉誠宜作為歌詩薦
之

郊廟以昭答上天之靈貺以贊揚

聖德之鴻休使天下萬世皆有以詠歌

皇明之功德赫赫煌煌震耀無極輒不自
揆謏猥撰為甘露頌一篇以獻頌曰

帝德如天仁覆函夏靡殫弗蘇靡驚弗化
聲教所暨罔不率從玉帛剋裳萬國來

同瑞應駢臻樹湧雲萃

袞冕煌煌垂拱而治粵稽古典有畋三

驅乃飭將士乃簡車徒孟冬其時維日

之戌玉盾雕戈從

西墅集

卷三

十六

帝于狩于狩孔宜我農既閑爰有甘露降

于陽山陽山崔崔有松有栢法條綴柯

有芳其液太和垓圯遍覆旁敷有醇者

齊既漸既濡吉日維丁亦孟之月

鑾輅龍旂載狩載閱武岡裁裁有栢有

松凝梢布葉如酎之醲至和綢繆流行

發育有沛其津載沾載沐亦既甘矣如

飴亦既瑩矣如珠如璣有蕤其英有粲

其質曷云弗晞亦既承日為荃為藿

醴為酥如肪斯潔如膏斯腴滑滑瀼瀼

厭厭浥浥維德之馨如露斯集晶晶密

密晶晶熒熒匪露之積維道之凝於茲

貞符用昭

帝德兼興所臨誕布膏澤維

帝謙讓抑滿戒盈厥祥奚自維日兢兢維

帝溫恭重華克協斯應謂何于時業業

西墅集

卷三

十七

天鑒

帝德顯命是膺

聖子神孫萬世其承於

皇聖徽維和所嘉臣榮作詩以薦

清廟

嘉禾賦

臣榮伏惟

聖天子尊臨大寶光昭宇宙聲教洋溢

氣薰蒸毓為休祥諸福之物莫不
自生民以來未之有也今茲嘉禾復產
于龍興之地凡在朝野莫不稱慶以為
聖天子仁覆六合涵煦兆民故天錫仁卉
以彰至和之應與古昔帝王之臻斯瑞
者匹休媲美實為過之不可無述作以
示萬世乃為賦曰

秋雲欽空萬里一碧銀河漸低玉露猶

西墅集

卷三

十八

滴烟璇星之耀芒澹曉月之澄白於斯
時也鼓鍾雷殷旌麾雲萃鸞輅宵嚴虎
賁宿衛九門洞開百辟環侍瞻

龍鳳之姿遙鵠鷺之序陪金馬石渠之英
參

玉皇香案之吏俄而初暘載升神飈微吹
佳氣鬱葱靈光輝媚爰有奇卉芳鮮郁
麗盛以寶函陳于丹陛豈至和之所鍾

而瑞物之皆至者歟觀其匪菽匪粟如
稌如杭連莖擢秀疊穗揚英稂聯金錯
粒粲珠明燁燁煜煜晶晶熒熒凝輝燭
乎絳闕流彩絢乎彤庭恍靈芝以奪色
黯瑤草之韜榮蘭若歛其秀質荃蕙匿
其幽馨豈所謂五穀之長而盛德之精
者歟於是正襟端笏肅容諦視凝神靜
思乃審厥瑞傍有問者曰是祥也其神

西墅集

卷三

十九

農教民耒耜之嘉應乎抑陶唐乘木而
王之休徵乎其生夫夏殷之時以叶禹
湯之聖者乎抑得之唐封之國以昭文
王之德之盛乎豈盈車充箱兆越裳之
重譯乎將力勤十頃來因祗之効職乎
若永平元和聯芳毓秀於漢唐之世乎
將如宋之邯鄲蓬萊隔隴而合穗乎其
丹雀啗之而載榮者乎將祥麟食之而

後生者乎米孰後孰先何祥何相
魏魏莫之能名臣應之曰子之言猗歟
休哉博聞強記舉載籍之貞符悉帝王
之異瑞若鍾叩而鑑懸如燭照而數計
然泥於古不足以通今知其一不能識
其二是徒誦往牒之陳言又烏足以論
當今之盛治也於赫

皇德配天地六合同春四海一視妙神

山聖集

卷三

化於群生罔至和於萬彙由是嘉祥屢
興天休滋至神龜昭達孝之誠騶虞顯
同氣之誼黃河載清不足殫其祥白象
屢臻莫能盡其瑞此上天重以嘉禾之
應而特見於

皇上龍興之地然則是禾也生自佳壤育
丁大藩天降其種地培其根甸人受職
載師告勤勾芒獻奇后稷効珍不種不

種以質以文詎人力之播殖寔玄化之
陶鈞方其土脉動春陽溫翠烟羃歷玄
霧紛緼洒之以甘雨覆之以祥雲造化
之所孕毓元氣之所胪脾農官不足以
知其異田祖亦莫能測其神已而芄芄
其苗穰穰其後嘉穎揚芬脩葉含碧叶
氣薰蒸榮光赫奕螭騰為之潛蹤好蚡
為之屏跡沐湛露之清華漑醴泉之靈

兩聖集

卷三

廿

液春苗蕤蕤翻翠浪於平曠秋實垂垂
滂黃雲於長陌迺野叟奔告于
王嘉禾實生粵為禎祥
王乃馳驛騎函封章獻之
天子登于明堂樂農事之告成慶年穀之
豐穰仰

帝德之旁洽迺寶祚之靈長
天子曰噫予臨萬方恒兢兢業以自度願宵

之聲遵念民生之未昇何上天之降
康然則豈乎一人之福蓋為農夫之慶
者歟乃命薦

清廟告歲功用昭德於

祖考爰受釐於

昊穹惟休祥之駢集諒

聖情之謙冲是宜道德益盛治化益隆神

人叶依靈陌率從來玉帛於萬國垂衣

西墅集

卷三

廿二

裳於九重昭鴻猷以宣朗渥車書而會

同綿本文於萬禩莫海嶽於無窮豈徒

尚多士之濟濟而著歌頌之颯颯也哉

問者唯唯朝退而去臣本鯁生忝職瓊

署觀間世之奇祥寔有生之希遇承

天眷之寵光罄愚蒙之思慮於是滌端溪

之石拂剡藤之素揮銀管之霜毫泚金

莖之曉露鋪張乎太平瑞應之徵因以

白鹿賦

繫走獸之殊類均稟氣於兩儀何白鹿
之特異挺皎然之素姿諒太和之毓秀
竄造化之鍾奇蓋嘗觀其類也厥牡惟
麋厥牝惟麀匪麋匪麀匪麀匪麀麋麋
其子鹿麋其群呦呦在野牲牲于原濯
濯攸伏技技斯奔跡麋麋以決驟性麋

西墅集

卷三

廿三

麋而甚馴茲尋常之品彙寧瑰奇之足

珍若乃冰玉其軀雪霜其色鉛華被膚

縞素橫臆豈嘗閱寒暑之一千而更涉

春秋之五百者歟尔其太白孕質金氣

儲珍生自渤海育于上申稟西方之正

色含太素之真純嚙醴泉之玉液茹瑤

草之靈芬角懷瓊以璀璨毳凝霜而璘

彪翠巘春遊恍未消之殘雪蒼崖曉伏

訪遊落之片雲若夫黑齒來賓鯢丘致
祝醜泉靈啓扶風瑞毓導王母以先驅
從老聃而載育循唐訟之墓廬陰丁茂
之宰木洞門深窈隱廬阜之晴嵐草屋
荒涼卧湘波之曉綠伊歆紀斯瑞於前
聞抑豈能詳書而備錄也哉彼其形變
青銅腰帶紫石夾轂臨准駕車斛薛載
蘇軾而上仙斬王翊而脫厄雲臺石室

西墅集

卷三

二十四

葛中道通野草荒陂綉裳飄忽采薇值
而家數獲蕉歸而夢惕認角際之銅鐫
駭鏡中之錦纈華山羽士操古琴以化
淳菴小兒從高僧而悟佛是徒夸誕
漫於陳言而侈荒唐於往牒者也丙戌
之秋已酉之日夕陽半規涼空一碧蘭
麝雲蒸或矛電激

夫子方恢鴻圖建皇極宵衣載興日昃

食集四海之儒紳搜萬代之簡籍乃磨
武弁進逢掖

天顏粹溫

聖情悅懌命白鹿以為賦極留神於翰墨
於是近丹陛趨玉除披山海之經考瑞
應之圖驗扶餘之素產記北海之曾輸
然則是康為希世之瑞而

聖德乃感應之樞故仁政敷則嘉祥以協

西墅集

卷三

二十五

孝道備則靈貺斯符臣祭乃拜手稽首
颺言曰斯康也稽之載籍寔為仙獸素
鵬于是而奪鮮皓鶴以之而匿秀廣寒
之兔不可以同羣空谷之駒不可以為
偶其清貞宜冠乎上林其馴擾宜備乎
靈囿其明潔可以疑

天德之純其遐筭可以祝無疆之壽言已
百工相和而歌曰白鹿之白兮色乳純

外脩潔兮內實馴發月華兮飲玉露
花祭兮雲滿身

聖人端拱兮御昌辰嶽降祥兮川效珍
康來兮嘉應臻彰達孝兮昭至仁徵
聖壽兮億萬春

騶虞歌

永樂癸巳六月辛亥山東曹縣得騶虞
以進群臣皆奉表賀臣祭乃為歌詩一

篇以獻其詩曰

臣聞騶虞不世出白質黑章相炳蔚
奇迥覺靈物殊馴擾不與毛群匹由來
瑞應天所鍾含輝藏彩韜其蹤迴旋解
使百獸伏出入常教兩虎從昔者河南
曾現瑞貢來遠自鈞州至今年又報出
山東嶽后坤靈發珍秘山虞未識神物
奇但見非虎仍非麋文章彪炳旭

毛骨颯爽靈颺吹山東父老爭來集吁
嗟神物那能繫乃知仁獸可馴致攬身
自向雕闌入皆云此獸非尋常請以進
獻登

明堂帟軀猊首綯文采綺䟽赤檻何輝
煌雙瞳夾鏡懸秋水縞毳毵毵安脩尾
幾片玄雲凝不飛散落瑤臺雪花裏向
采逸足風雲生倏忽千里無留行一朝

倪伏向

金闕收收穆穆渾不驚群臣萬呼皆稽
首稚耄傾城競奔走昔聞曠世不一逢
兩度呈祥古無有我

皇恩澤周八垠包含煦育能平均太和網
一縕塞天地孕此奇獸心純仁黃熊赤豹
一紛騰突傷殘物類曾何恤天生仁獸獨
超群不踐生芻食生物鵲巢之應古所

陳詩人託此寧真識琅琊壁山豈足道
縱或一見誰馴

聖皇大德如天覆物類感之總仁厚馴維
祥麟出近郊白象玄犀集靈囿

聖皇至德格昊天

聖壽天齊億萬年小臣作詩歌

帝德再拜頌繼周南篇

麒麟歌

西墅集

卷三

八

永樂十二年九月丁丑榜葛剌國王表
獻麒麟群臣交慶以為希世之大瑞莫
不播之聲頌以昭示方來臣榮謹為歌
詩一章以進其詞曰

四靈之物古所珍獨有上瑞為麒麟周
南想像託歌詠千載誰復觀其真

聖皇垂衣御寶曆霈澤仁恩覆八垠北窮
冰天南徠壤東極暘谷西崑崙熙然

神化治九有日月所照皆陽春跋行寥

息自生遂奇祥異瑞相駢臻西南有國

居海島自昔稱賴稱藩臣梯航絡繹遠

相屬玉帛交錯紛來賓一朝祥麟出其

土萬里入貢趨

楓宸天生瑞自有異龍顧鳳頸屬其身

背為龜文紫錦臆雲霞五采光璘璘目

如飛電耳雙聳馬足颯沓騰風雲步趨

西墅集

卷三

廿九

周旋中規矩音韻彷彿諧韶鈞角端有
肉不以觸生草弗踐能安馴軒然仰首
向

丹宸丈有八尺高嶙峋

聖皇當亨重臨觀百辟抃舞同歡欣羽蟲

鱗分雖有畏未若此獸超其群想當造

化初孕育玄朽吐耀堊蒼曼指麾百靈

助神異嗟吸二氣成胚腓至和調溫重

涵煦大塊玦玠加陶甄乃知

聖人在中國產此瑞物何其神遐方絕域
不敢畜侑以百寶俱前陳傳言昨者涉
滄海颶母不動波鱗鱗川祗嶽后歛氛
翳雨師風伯駢埃塵神靈撓訶百怪伏
洗滌萬象增鮮新水行魚龍隨雜遝陸
走鸞鳳叅繽紛熊羆犀豹象帟兕先後
僵躋來追拜祥烟縈迴護其體卿雲繚
繞彰其文神行電邁恍莫測倏忽已見
登

西墅集

卷三

三十一

天闢只今翺翔在

靈囿瑞物自幸逢

昌辰醴泉甘露為之飲金芝瑤草為之

飴嬉游瓊林適閒暇嚙嗽玉燭含真醇

老翁白髮盡種種小兒黃口方斷斷皆

云生長未曾識扶藜僂僂填城闔古來

間世或有此無乃載籍多空言成周郊

藪旣茫昧炎漢雍時徒湮淪我

皇至德自仁厚所以物類咸振振况茲瑞

物不世出

聖化所感非凡倫昔人傳聞尚為異何幸

目覩身相親願為樂章薦

清廟播之萬古歌

皇仁

西墅集

卷三

三十一

刻曾西墅先生集卷三終

荆曾西墅先生集卷四

德清吳期炳選輯

南昌譚文隆

靖安徐肯播分校

信豐黃燿

扈從律詩

駕發南京

金輿玉輦出都城萬里山河壯兩京閣

西墅集

卷四

道回看雙闕遠御堤遙接九衢平雲隨

僊仗旌旗影風度龍鑾警蹕聲不似長

卿能獻賦空慚載筆被恩榮

駕至北京

宿衛先陳鹵簿儀千官劔佩並彤墀教

坊合樂迎鑾處禮部開函進表時止闕

曉光明鳳宸西山秀色上鸞旌退朝緩

步歸西掖行在從容只賦詩

春日扈從幸北京和胡學士韻

蹕宵嚴向北巡龍與行處布陽春

陪載筆同隨輦不比乘槎問遠津鶯囀

上林催淑氣馬嘶馳道蹴香塵一官華

忝詞垣職才薄羞稱獻納臣

和胡學士廣駐蹕鳳陽

山河鬱鬱近雕梁寢殿行厨帶夕陽千

古園陵佳氣在兩京輦輅御堤長當時

西墅集

卷四

稼穡同周室此日粉榆似沛鄉聖主時

巡頻駐蹕五雲深處競龍光

駕次涿鹿

香飄黃幄奏鈞天獻賦從容近御筵涿

水遠從前殿遶房山高與北京連幔滅

夜宿千帷月野飯晨炊萬竈烟共喜斯

民免租稅手持御勅更傳宣

駕次汶上

曾聞閔子昔辭官汶上孤臣此際看征
馬屢嘶驚日晚黃塵乍起覺風寒遠陪
玉輦行時令不用金人捧露盤昭代崇
文恩數厚謫才無補愧儒冠

駕次桃山

大駕時巡不憚勞曙光遙映赭黃袍朱
旗盡鼓軍容盛水殿雲廊御座高
平臨惟有柳山名空在已無桃蹊慵忝

西墅集

卷四

備詞垣列愧乏江淹五采毫

德州大宴

日高行殿駐鳴鑾翠幄深沉宴百官桑
落滿傾銀甕暖蔗漿倒瀉玉杯寒鴻臚
點檢朝儀肅行在從容禮數寬聖代巡
遊遵聖典明良千載

登德州

慢城初解向朝曦霜冷重裘曉未溫小

邑有城皆累土荒原無徑可通村郭
過客頻詢跡昨屋遷民久下屯此去是
陽州不遠建牙鳴鼓是營門

駕次池河驛

爐烟乍起敞金扉行在千官拜璫關日
照龍光通御氣雲門雉扇近天威春旗
簇仗宮車過夜火連山獵騎歸總為從
臣文物盛相如詞賦未應稀

西墅集

卷四

四

駕次江心驛

青蹕初傳日未西鴻臚將引唱班齊營
門風暖千旗動輦道春香萬馬嘶草綠
野塘都是水雨乾沙路不成泥忽傳四
鼓駕輿發時喚家童候曉雞

駕次利國監驛

直北山河入壯觀龍輿行處萬人懽慢
城盡向山前達輅馬常從仗裡看行略

退朝回玉輦御厨餉食進金盤周鼎夜
直軍聲靜還聽傳宣近侍官

至大店驛跟駕不及

鳳輦曉來過別殿行營還有御香浮
空瑞氣迎仙仗一路青山對冕旒
自慚承寵渥迂疎還許奉宸遊從官歸
騎多相候衛士連催到宿樓

出黃河東岸驛同金諭德幼牧諸

西墅集

卷四

五

公山下折取梅花吟弄候駕至

旌旗十萬遶山迴倚馬山南候駕來鄉
思遠隨千里樹春光猶戀一枝梅山河
王氣迎雕輦奎壁文光燭上台遙想兩
京文物盛只今惟羨子雲才

車駕渡江

朱棋畫戟擁堤沙錦纜牙樯起白鴉佳
氣迥浮江北樹曉光晴綯海東霞雲中

鸞鳳扶雕輦水底魚龍識翠華不用臨
流嘆天塹只今四海盡為家

駕謁固陵

遠傳清蹕度重岡路入皇陵禁禦長
地山河鍾王氣穹碑文字發幽光自知
誕聖興王業宜有遺靈食帝鄉孝祀禮
成歸騎遠寢園松柏正蒼蒼

和胡學士過隋堤

西墅集

卷四

六

煬皇曾此築長堤歌舞淹留意轉迷翠
輦幾回經院落朱顏千古付塵泥垂楊
夾路今何在野鳥知春謾自啼芳草不
知人世換年來年去只萋萋

居庸關

重關深鎖白雲收天際諸峰黛色流北
枕龍沙通絕漠南臨鳳闕壯神州烟生
睥睨千巖曉露濕芙蓉萬壑秋王氣自

應成五采龍文長傍日光浮

戊子正月十二日大祀南郊扈從
分獻

天子南郊祀昊穹瑤壇齋祓謹升中簫
韶合奏聲容備矣克臨禮意崇銀燭
光寒明瑞雪金爐烟細度香風微臣裸
獻慚無補但願著禋集聖躬

正月十四日扈從幸鍾山觀靈谷

西墅集

卷四

七

寺塔影因命讀朝鮮國陪臣所和
聖製塔影詩并賜觀臣啓和韻之

作

寶塔呈祥變現奇驚輿臨幸早春時雲
霞絢綵常交映闌檻回光盡倒垂方外
靜觀諸佛相御前遍讀遠夷詩賡歌已
得經宸覽才薄慚無絕妙詞

扈從幸天壽山

祥雲五彩護長陵地志深符郭璞經千
澗盡通滄海白諸峰遙入薊門青星臨
僊仗知天近雲擁鸞輿識地靈此處經
營時駐輦幾回清蹕到巖扃

萬歲山

萬歲仙山枕碧濤廣寒宮闕倚雲高盡
橋御路遙通鵲滄海神峰盡戴鰲風裡
飛花隨綵仗巖前深樹隱宮袍昔人都

西墅集

卷四

八

此誠佳境留得宸遊醉碧桃

海子橋

鯨海遙通一水長滄波深處石為梁乎
鋪碧甃連馳道倒瀉銀河入苑牆晴綠
乍添垂柳色春流時泛落花香微茫迥
隔蓬萊島不放飛塵入建章

二月初十日車駕北征送至德勝
門外還守北京

逡巡沙漠聖躬勞十萬然熊膽累豪日
上金臺兵氣遠天回玉壘御營高漢家
有道方全盛胡命無生竟莫逃早晚龍
庭歸奏凱還迎仙仗候神皋

六月十四日讀平胡詔

駕輿初駐幹南河虜騎驚奔自倒戈胡
運却從今日盡封疆遠過古時多千年
虎穴消氛後六月龍沙奏凱歌不獨

西聖集

卷四

九

朝廷功業盛三邊從此沐恩波

庚寅十月駕發北京

儒仗霄嚴出九關止來巡幸復南還省
方制度稽三代破虜天威振八寰鳳輦
龍輿辭上苑牙旗玉帳照西山承恩特
賜天閑馬又得從容侍聖顏

夜宿任丘

殿前金鼓夜無聲野外星沙遠莫城燭

遊浮宮扇動月華偏傍御進明
騎士還分隊直漏鷄人又報更卧起只
應隨鳳蹕何須計日間嚴程

冬日扈從獵山同遊牛首山佛窟

寺和胡學士韻

松下禪扉畫不關垂蘿應許世人攀黃
龍說法諸天在白馬馱經幾日還近午
泉聲晴雪後隔林僧影夕陽間不須久

西聖集

卷四

十

住烟霞樂暫得寺幽即是關

又

數聲清磬遠微微始覺塵踪到此稀僧
向定時聞葉落客從坐處見雲歸佛居
華藏那管密心會真乘即悟機賜得這
袍新製錦未應還羨五銖衣

又

入禪宮殿影斜紺園林樹拂雲霞

嘶曙月遙飛，靴雕落寒雲。乍試子甘露，
洒珠凝樹白。獵圍燃火遶，山紅從臣詞。
氣相如在，敢效長揚擬薦雄。

扈從校獵武岡和胡學士韻

武岡山色勢岩嶮，仗裏看來未覺遙。萬
里控弦衝曉霧，六龍移蹕近晴霄。行隨
玉帳珠旗擁歸賜，金蓮寶炬燒清漏。初
傳霜月白天香，滿袖聽鳴鑣。

西墅集

卷四

十二

笳鼓連山起獵塵，天臨寒谷盡回春。謾
陳械櫜陪多士，能賦長楊屬近臣。琴奏
五絃歌聖德，網疎三面屬深仁。致禽豈
爲蒐田樂，郊數于今有鳳麟。

二月十七日車駕北巡沙漠送至

德勝門外

聖主戎衣總六師，帳前飛將盡熊羆。風

雲陣勢隨金鉞，日月光華動繡旗。殺氣
蒼蒼連萬幕，天威赫赫震三陲。龍沙早
晚回鸞馭，清穆長歌吉甫詩。

交趾削竹黏紙為摺扇，以充貢乙。
未夏，命中書舍人寫傳格言于其
上，以賜百官。

棲霧舒霞疊水紋，中官擎出御前分。溪
藤蕭颯裁新樣，汗竹參差綴古文。爽氣

西墅集

卷四

十三

尚含鮫室雨，墨香偏染鳳池雲。極知當
暑清肌骨，願播仁風答聖君。

丁酉五月朔駕至北京御西內新

殿朝賀

五衛旌旗簇九霄，新宮駐蹕萬方朝。西
山雲氣通仙苑，太液虹光出御橋。龍影
六飛騰寶輅，鶯聲百轉和蕭韶。共欣洛
下方經始，追趨輦路遠。

晨至早朝

龍燁萬燭絢朝衣鳳闕鐘餘曉漏微
彤管書雲占瑞色靈臺賓日候晴暉
仙韶九奏迴鸞馭聖壽三呼徹禁闈
總講明良陽道泰明良相遇古來稀

賀華文淵閣

宸旒端拱重儒紳朝罷從容顧問頻
風引御香回鳳蹕日臨仙仗繞龍鱗
九霄

西墅集

卷四

十四

奎壁昭文運一代衣冠荷聖仁
自古風雲欣盛遇此生何幸際昌辰

駕再幸文淵閣賜酒饌

館閣清嚴禁禦深退朝奎馭喜重臨
杯傳仙醴分金甕衣惹爐香捧玉音
五色榮光通御府千年勝事播儒林
斯文遭際何多幸青史流傳照古今

已丑正月旦日朝賀後賦

鐘鼓聲餘徹九關雲開仙仗識龍顏
羣夷並進朝元表冠蓋還從陪侍班
海色晴分雙闕下山呼歡動五雲間
退朝漸覺鳴鑾遠携得天香滿袖還

元日早朝寄所知和楊庶士相韻

新年且莫歎殊方行在朝元侍聖皇
曙色迥分宮扇影暖風吹散御爐香
兩京冠佩趨金闕九奏簫韶度玉房
遙想故人朝罷早陽春白雪自成章

西墅集

卷四

十五

又

萬歲山頭曉日開還從太液望蓬萊
諸蕃入貢呈方物百戲登筵進壽杯
寒氣已隨殘臘盡陽和偏逐早春回
兩京才俊多如雨淺薄空慚扈從來

已丑春將有扈從之行寄龍虎山

張真人字初

曾陪巾舄坐容臺有約尋仙踏雪來欲
候青牛度函谷又承丹詔上蓬萊京華
冠蓋從龍去閬苑音書附鶴回遙想春
歸煉丹處東風千樹碧桃開

深定諸郡野蚕成繭父老採取以
進賦詩紀之

獻巧呈祥奪化機天生靈種在巖扉滿
山飛雨翻成浴遍野尋春足療飢作繭

西野集

卷四

十六

自應篇樹檢繅絲應得奉仙闈染成五
色宜增重願繡山龍補舜衣

白雉進應制

喜從行在遠朝天白雉飛來進御蓮素
色迥浮朱檻外雪衣微映玉階前越裳
不用勞重譯牧犢何須歎蒼年聖主臨
軒抑祥瑞百官親聽玉音傳

端午侍宴奉天門賜扇五色壽絲

菖蒲如玉泛金危正是彤庭賜宴時三
殿香烟隨鳳蹕九門曙色絢龍旗近臣
對御分金扇中使傳宣賜絲絲共荷恩
榮同拜舞華封還祝萬年期

五月朔進實錄呈同事諸公

鼎湖龍去泣遺弓三十餘年政治隆洛
水有書昭盛德泰山無石刻神功關西
捧進登墀內端冕躬迎拜殿中愧乏三

西野集

卷四

十七

長膺黼黻遠慚班馬擅才雄

五月六日賜觀西湖

玉珂龍影出長楸詔許西湖攬轡遊雲
氣連山常帶雨風聲度壑迥疑秋榭含
飛翠沾衣濕泉作垂虹遶澗流中使淹
留歸向晚水紋輕漾採蓮舟

端午日宴集得陰字詔

珠簾半捲玉堂深十二門鎖綠陰花

落流年看又過蒲香佳節喜登臨
獨對金樽綠紫陌稀聞畫漏
不用獨醒違世俗醉來還得共清吟

花晨

去年佳節在南京今歲從龍正北行
每爲年華悲往事幸叨寵渥愧浮名
宮壺賜酒偏多醉客路看山總是情
夜值歸來渾不寐月華如水漫行營

西野集

卷四

十八

上巳日王脩撰宅宴分韻得風字

苑外晴絲墜碧空掖垣西面夕陽紅
萬方歌管鶯花裏三月樓臺錦繡中
載筆久爲燕地客流觴遙憶晉人風
不須對景憐陳迹古往今來樂事同

九日登高陪宴

原上霜清宿霧收正逢佳節從宸遊
雲開碧岫羅天仗露浥黃花對冕旒
徧挿

茱萸當此日初登禾黍及高秋
太平宴樂同京鎬願播歌詩頌有周

元夕午門觀燈侍宴和鄒侍講韻

官筵合樂戲魚龍此夕承恩在禁中
鰲戴神山來絳闕鸞隨仙馭下瑤宮
星河影轉千門曙羅綺光搖萬燭紅
願奉宸遊歌在鎬長陪歡宴樂無窮

乙酉正月元夕黃庚子宅賦牡丹

西野集

卷四

十九

燈

魏紫姚黃剪綠成銀缸點處綴繁英
根荻不假陽春發光彩常從午夜明
撲燄素蛾飛不到尋芳粉蝶誤還驚
何勞羯鼓相催促此夕韶華過洛城

賜五色菊於文淵閣應制

造化栽培冠百花一株如錦淨無瑕
獨從丹禁呈秋色特與青春競物華
開向

九重深雨露生成五彩粲雲霞拜官作
荷皇恩厚歌咏須令四海誇

蓮花燈和胡庶子韻

絳蠟爭燒夜景新芙蓉何事獨先春恍
疑金炬初歸院不借清漣已絕塵光映
若耶溪上女影隨太華井頭人若教真
有浮波葉太乙真人便脫巾

七月四日奉天門勅賜楊梅

西墅集

卷四

二十

武當僊果進金盞曉殿傳宣賜百官露
葉帶香分翠枕星丸流彩落雕盤世傳
仙種孤根異兆應豐年萬國歡幸忝鵷
行霑聖澤詠歌無補媿儒官

元夕觀燈午門

天臨黼展動龍光三島新移值建章燈
火萬枝縣寶炬綺羅十隊出紅粧觚稜
月轉留仙鐸禁署風回散御香歌舞不

知清漏永官筵還進紫霞觴

同宋侍郎本善暨同才諸公登崇
文閣

崔魏飛閣出簷宮此日憑高思不窮九
市笙歌留夕照萬家烟樹拂秋空北瞻
關塞居庸險東望滄溟碣石雄一覽似
能周八極虛勞雲夢託心胸

初夏崇真萬壽宮觀閑閑吳真人

西墅集

卷四

廿一

手種五花薔薇

何年羽客種薔薇五色花開晃曙暉一
片彩雲遮瑞萼滿庭香露濕朝衣虛疑
神女遺霞佩還訝天孫墮錦機應有神
僊憐絕艷夜深騎鶴月中歸

禁中對雪

禁城飛雪向嚴冬積素凝華約九重上
苑龍蔥瓊作樹西山酋萃玉為峯光連

紫陌迷朝騎色晃彤樓促曙鍾喜報豐
年歌白雪郢中詞客可能容

東華門內新館初成入直有作

東華樓觀鬱岩甍高閣新成抗碧霄祕
府書圖金作匱御溝流水玉為橋柳分
翠色承殷輅鳥弄歌聲和舜韶直待幾
回清坐久絲毫頻煮御香飄

承天門外御橋東蓮花盛開陪鄒

西墅集

卷四

廿二

侍講同面賦此

玉泉舊繞禁城流菡萏開時滿御溝翠
蓋拂波常帶雨紅衣照水未逢秋風翻
涼影鴛鴦落露洗寒香翡翠愁此處已
看花似錦何須遠泛鏡湖舟

新館內直

華館深沉直禁闌彩霓丹碧煥翬飛上
林萬樹連西掖北極諸星拱太微繞觀

龍香裁詔罷隔簾鶯語退朝歸應知幾
度青綾夜日轉金莖露滿衣

已丑入館作

二聖龍輿返太清兩朝彤管事垂成堯
光四表天同大舜德重華日合明風引
御香飄紫閣雲隨仙仗簇霓旌微臣忝
與操觚列愧乏三長荅聖情

西域晚睡

西墅集

卷四

廿三

薊門燕樹起薰風繚繞川原四望通雲
氣迥連滄海上人家還住舊城中獨尋
芳草行應遠閑對遙山思不窮歸到玉
堂猶待月隔窻涼影落疎桐

正月十五夜院中齋宿

向夕歸鴉集上林清齋夜直玉堂深九
重將展郊天禮百辟長懷捧日心紫禁
清風傳刻漏盡聞明月轉陰慶成有

迴仙蹕願頌思文播德音

殿試罷作

曉開三殿降絲綸
衣冕臨軒策小臣
紅燭影催金闕曙
紫霞香泛玉壺春
雲霄九萬扶搖近
禮樂三千製作新
淺薄未能宣聖德
願歌棧櫟播皇仁

中秋試院和鄒侍講

棘園深傍碧池開
應詔唯需賈董才
多

西墅集

卷四

廿四

士路槐天上集
幾人攀桂月中來
照車喜得隋珠出
入手頻將蜀錦裁
却愛高堂銀燭夜
西風涼氣滿樓臺

己亥元日雪

三殿爐香疊彩烟
紫微瑞雪慶新年
新看積素連馳道
轉覺飛花近御筵
清鑒暗隨僊佩集
曙光偏促禁鍾傳
朝元預喜占豐歲
願叶賡歌播管絃

新居二首在世祖廟南城隍廟東

花牆西面地幽偏
卜築新成喜遂遷
翠黛半橫窻裏岫
玉虹斜落枕邊泉
閉門風雨如村巷
繞屋桑麻似野田
此處宛疑朝市隔
何須還詠浣花篇

又

金城方外御溝西
沙路無塵水接堤
臘蟻且拚花裏醉
夏鶯多傍柳陰啼
晨趨

西墅集

卷四

廿五

紫禁天應近
夕夢青綾月未低
綠野豈須誇勝槩
至今空羨輞川題

陪同院諸公入謁孟子祠次余脩撰韻

郊原霽色藹青陽
鄒國遺靈肅廟堂
驛路正通官舍近
觚稜斜帶嶧山蒼
細摩斷藓看碑碣
更酌寒泉薦野芳
誰謂空言竟無補
至今遺統有輝光

關羽廟

三國山河鼎峙中橫行千里獨英雄當時自失吞吳計終古難成復漢功敗壁荒苔封積雨空堦老樹起悲風至今廟食遺靈在楚水湘雲恨不窮

宿河間郡祠

兵餘廟貌有遺基新構茅堂奉祭儀韻舞尚存虞帝樂御書猶在漢宮碑草生

西墅集

卷四

五

礎石連廊廡水遶瀛臺落泮池昭代只今崇聖學規模行見似前時

謁文丞相廟

國事艱危屬秉鈞平生慷慨竟捐身百年社稷歸元主萬古祠堂表宋臣已見高名垂宇宙還瞻遺像肅冠紳當時碧血生芳草留得清芬歲歲春

謁劉先主廟

遙知天意祚炎劉又見真人起涿州三國英雄空割據千載正統繫春秋舠稜雲氣浮金爵寢殿香烟傍冕旒猶有葆桑遺跡在行人駐馬暫淹留

謁王彥章廟

一軍如虎獨當關梁晉山河百戰間豹死有皮遺語在馬亡無革裹屍還鐵鎗冷卧苔痕澁粉壁寒侵樹色閒應有忠

西墅集

卷四

五

魂遊地下假疑相見復何顏

項羽廟

百戰休論盖世功鴻門宴罷霸圖空震歌慷慨孤燈下楚業銷沉一炬中露濕古牆秋蘚碧霜含老樹夕陽紅英魂若到彭城踞忍聽高臺唱大風

維揚懷古和胡祭酒韻

廣陵城裏昔繁華煬帝行宮接大梁

樹歌殘猶有調錦帆歸去已無家樓臺
處處惟荒草風雨年年自落花古往今
來多少恨只將哀怨付啼鴉

遊慶壽寺

岩堯古剎傍城陰畫倚禪扉聽梵音風
度曇花隨處落雨餘樹色望中深老僧
相見開方丈逸客因過契賞心爲喜官
閑居止近退朝時得共幽尋

西墅集

卷四

廿九

夏日留坐行忠上人房

白石蒼苔一逕通閑尋遊處到禪宮上
方鶴唳風聲外古鉢龍藏雨氣中仙梵
隱時初出定天花落處坐談空相逢即
是白蓮社不必廬山問遠公

遊崇真萬壽宮因訪葛太常

蓬萊宮闕禁城東舊主真人向此中鳳
去緱山虛夜月鶴歸華表怨秋風飛花

入戶丹房靜古木香蘿碧殿空此處
逢勾漏令欲因暇日問參同

同李允周司諫携琴遊天界寺和
鄒侍講韻

獨愛山居在上方深幽渾似遠公房客
留丈室同揮麈僧飯胡麻獨據床貝葉
經翻頻說偈蓮花漏滴靜焚香何時更
約携琴去閑對青松坐晚涼

西墅集

卷四

廿九

過慶壽寺訪忠上人故居

白雲寂寂鎖禪關鐘磬依然古殿間
巖嶺深人獨去虎溪松老客重攀塵侵
舊榻殘經在苔翳空塔丈室閒若道三
生真有石瞿塘烟棹幾時還

春日同王脩撰時彥錢檢討習禮
遊海寧寺

琉璃寶地煥晴光曉騎乘春到上方仙

癸午聞清俗慮胡僧多住在禪房山
空翠籠金剎水泛飛花出石梁坐文臥
窮方外趣禁城烟樹晚蒼蒼

重遊白雲觀

僊人羽化白雲鄉臺殿玲瓏鎖夕陽望
氣幾回逢尹喜看花前度識劉郎丹房
龍虎蟠金鼎石洞烟霞護玉床誇說仙
家多勝事藍橋何處覓瓊漿

西野集

卷四

三十

訪竺臺琇上人故居

琇師沒後已經年古殿陰廊亦悄然西
去竺天還不遠南來衣鉢竟誰傳風幡
不動空中影塵榻曾經醉裏禪歸客豈
堪愁絕處西風黃葉寺門前

經扁鵲墓

當時客舍過長桑千載從容得禁方無
藥可攻秦刺客有碑空載漢文章藹藹

邊塞塵沙暗落日郊原草樹荒欲向墳
頭酹樽酒上池無水到泉鄉

經故妻婁氏墓

宿草寒烟一徑微孤墳三尺對斜暉多
情已逐行雲斷薄命先隨落葉飛燕寢
香消人未老龍門選罷客初歸塚頭多
是無花樹縱有春魂何處依

過陽勇偉孫墳

壬午年中哭汝時至今回首轉堪悲探
環往事誰能問埋玉重泉恨未遺澗裏
雲寒松竅寂墻陰露白草離離傷心千
里南歸客泣向西風淚雨兼

同倪庶吉士登河間城次韻

宦遊歲月易蹉跎一上高樓思轉多城
郭未開新第宅輿圖不改舊山河千千
酒價愁邊醉一半春光客裡過莫謂秋

西野集

卷四

三十

懷無處寫故人詩句比陰何

開平懷古

塞垣城闕擬中華未久藩墉屬漢家禁苑有墟屯戍卒天魔無地舞宮娃碧空雲淡橫秋雁古木風疎噪暮鴉猶有受降城上月照人清淚落胡笳

刻曾西墅先生集卷四終

西墅集

卷四

三十一

刻曾西墅先生集卷五

德清吳期紹選輯

南昌譚文隆

靖安徐肯播全校

信豐黃燿

七言古詩

車駕北征

寒雲慘淡邊城黑虜氣憑陵在東北天

西墅集

卷五

一

兵帶甲八十萬千里長驅如霹靂平胡下詔親出征二月龍輿發北京東風關塞旌旗影落日沙場擊鼓聲知君文采金閨彥扈從恩榮總堪羨龍泉寶帶黑貂裘虎帳雕弓白羽箭帳前獻俘報捷歸帳中草檄筆若飛狼烟乍起雪載路羌笛橫吹霜滿衣妖星夜墮氣蕭索塵埃空大漠橫行絕域拓封疆直過

窮荒收邵落歸來意氣橫，雄凱歌聲
進明光宮豈知拆衝在帷幄世上空聞
衛霍功

藍子芳夢萱堂

憶昔樹萱在北堂紅簾綠幕生輝光堂
中慈母多壽考坐對北萱憂已忘承歡
豈謂長如此寧知一夕悲風起烏啼月
冷萱亦摧霜落淒涼滿蒿里只今遊宦

西野集

卷五

二

在天涯嗚哀飲泣空咨嗟孤蹤落落久
爲客清夢悠悠時到家昨看扁舟泊淮
浦夢裡見萱還見母調饌方驚白髮垂
升堂更着班衣舞覺來枕席非故園念
母已亡萱豈存乃知哀慟切心骨從此
憂思勞夢魂莊周蝴蝶空栩栩蕉鹿黃
梁竟何補不如夢見北堂萱留得聲名
播千古

望廬山

平生不識匡廬山九疊芙蓉堆翠巒
頭五老知幾壽自從上古爲蒼顏晴光
上摩碧天外黛色倒浸蒼波間香爐雲
氣豈明滅浮嵐暖翠相迴還雲松結巢
在何處須有去路無由攀春江雨歇湖
水長洪濤巨浪驚揚濤瀾謫仙一去歐陽
死于年萬古詩債慳豈無匡廬好山在

西野集

卷五

三

惟有通客稱才難我欲乘雲扣人關舟
行到此空長嘆欲窮絕頂看飛瀑須待
一當年畫錦還

望瑯琊山懷醉翁所作

平生夢想環滁好恨不一造瑯琊間今
辰危蹕忽過此馬上看盡西南山迴巒
疊嶂不可極但見蒼蒼倚雲碧醉翁文
猶今尚存時吐虹光照崖壁我本醉翁

世有先後心相親
嗟叨侍
前哲那得文章追
後塵其欲幽尋至山
下行在趨陪未能暇
賜酒平分銀甕春
周廬夜值醺城夜
醉翁不醉元自醒
千古空餘川上亭
我生若作滁州守
大醉却看諸峯青

題指揮孫忠所藏鷺鷥圖

群鷺翩翩翻素翼
雪花點破秋空儘一

西野集

卷五

四

鷺沙邊行且窺水
光粼粼魚未識飛來
一鷺向何處雙鷺鳴
憂蒼烟去中間三
鷺迥不同頂絲裊裊
吹清風相依相傍
當中立一足獨奉如
老翁草上幽棲惟
一鷺夢醒回頭却驚
顧柳陰一鷺更軒
昂引頸長時睇八荒
雄心肯向滄江老
勁翮欲奮高松翔乃
知粉墨妙無比寫
入君家畫圖裏但見
羣居香竊間一色

長江接秋水君不見
太平鷺鷥何
文纓武弁高嵯峨
不必林塘增價重飛
來飛去足恩波

林侍講風木圖

悲風颯颯幽林秋
歲云暮矣風不休
山中老子心欲折
起視秋聲大有憂
人生養親貴及早
翻思昔日高堂好
菽水深期百歲歡
年華未覺雙親老
一朝長逝

西野集

卷五

五

將柰何空餘體魄
藏山阿夜雲黯慘
天地窅萬里淒涼
霜露多竭來得祿
承恩澤堂上無由
奉顏色綠衣不博
三金養黃壤空嗟
九原隔伊誰邈得
純孝誠足素中含
萬古情坐對新圖
淚如瀉長似山中
風木聲

題墨竹

九龍山人墨翁
平生畫竹如畫龍
蜿蜒

蟻乍見起平陸天矯便欲攀高空左擁
右攫驚恍惚雷雨白晝飛濛濛初疑軒
轅世有此十二筩製成律呂叶黃鍾冊
山之鳳一一鳴鳴雄碧玉之管節節合
商宮鏗然九奏蕭韶曲敲金戛玉相玲
瓏又疑古英皇縹緲水雪容宛在蒼梧
迤南洞庭東湘水上接天溶溶霓旌玉
節分來從含靈凝睇望不極血流迸落

西墅集

卷五

六

班班紅九疑山深僻野死此女哀怨何
時終乃知山人千竹萬竹藏心胸槎牙
肝腑吐奇崛似與篋蓄之谷遙相通脰
腫蝟蟻隱蛇蚶其勢可以摩蒼穹豪來
呼酒飲一斗解衣盤礴心神融揮毫妙
草不必工忽然睥睨竹滿瞳長繚闊紙
不停手兔起鶻落無留縱天機變化有
莫識但覺六合生清風嗟哉山人有

此力幹造化窺天功有客來自玕山中
金臺旅舍時相逢山人為寫烟雨歌何
須青琅玕不用金錯刀持此贈之情更
濃虛心勁節兩奇絕歲寒終始期相同
我欲從六龍南巡過海東臨行邀我賦
長句倚馬自愧何匆匆雖無文采爛雲
錦尚有氣焰凌烟虹請君珍藏當愛惜
此詩此竹垂無窮

西墅集

卷五

七

題九松圖

君家庭前九松樹危柯磊砢根盤踞清
秋蕭瑟振波濤白日陰森起烟霧自從
種來今幾春貞姿勁節高嶙峋斷雲曉
依皓鶴影殘雨夜洗蒼龍鱗我昔還鄉
到城郭訪舊松間似林壑香山諸老真
足壽柴桑三徑渾如昨當時徘徊憩綠
陰頓覺爽氣清煩襟輕花滿地落金粉

遠響度澗揮瑤琴別來幾時應更
知傲睨風霜候靈臺慈竹久齊芳玉樹
芝蘭與同秀茲晨忽覩九松圖彷彿如
在恩江隅皮膚半帶枯蘇軾字蹟迥拂
寒窻虛知君有才為世用廊廟真堪備
梁棟相期慎保歲寒姿不似丁公訊占
夢

北京送從兄復先還遼東戍役

西野集

卷五

八

從兄少小辭鄉縣二十五年纔一見只
今已是四十餘平生歷涉艱難通憶初
伯父送君行千里擎舟同入京長安道
上不忍別臨岐飲泣仍吞聲別來幾時
伯父死祖業盡荒遺二姊大姊有家仲
姊亡一門骨肉今能幾兄去從軍良苦
辛漂泊天涯惟此身拜送折腰事官長
顧盼回頭無室人去時同行多隊伍馳

亡猶半丁男補十五邊頭始開婚有子
讀書今十五營中無事但研鋤輸官豈
復求贏餘地寬買牛多種粟路遠念家
難寄書弟來北京已二載東去關山近
遼海都門邂逅不相識鄉音漸變容顏
改塞上風沙散凋裘說着故園雙淚流
排燈細論征戍苦酌酒漸消離別愁匆
匆相見何曾久明日官橋又分手朔雪

西野集

卷五

九

還連玉塞雲東風未發金臺柳莫言碌
碌軍籍中丈夫詎肯悲途窮不見謝楊
起微賤唐史猶傳第一功

贈筆者陸繼翁

吳興筆工陸文寶製作不與常人同自
然入手造神妙所以舉世稱良工有時
盤礴坐軒中石盤水清如鏡空山中老
兔脫毛骨間拔精銳披蒙茸平原霜氣

在毫末水回猶覺吹秋風製成進入蓬
萊宮紫花瓊管飛晴虹九重清宴管宸
翰五綵絢爛皆成龍國初以來稱絕藝
光價自此垂無窮惜哉文寶久已死尚
有家法傳繼翁我時得之一揮洒落紙
欲判詞場鋒棗心蘭蓋動光彩栗尾雞
距爭奇雄竭來得此扈仙蹕欲補造化
難為功夢中無人授五色安得錦綉繡

西聖集

卷五

十

心胸閑來書空不成字縱有篆刻慚雕
虫幸今太平重文學玉堂金馬多奇逢
莫言盛世少知己為我寄謝管城公

和劉愈憲士皆草書韻歌

吾聞作書有苗裔鳥跡微茫知幾世篆
籀流傳到八分變化縱橫出奇勢山鏡
石刻深且幽撫心嘔血搜源流自從抱
贗上山頭木石盡黑心不休蘭亭已沒

洛神賦飄零斷者蕪殘素萬古昭陵千
匣空烟霞散落蛟龍怒從來懷素草書
歌至今人誦金鑿坡誰知此語甚不似
世間贗本何其多徒言張顛不足道張
顛老死誰言草當時狂叫真有神群兒
碌碌終難到筆陣由來說右軍智永相
傳七世孫禪關深鎖鐵門限門外車馬
如雲屯劉郎好書心獨苦身冠繡衣偉

西聖集

卷五

十一

風度臨池盤礴知幾年遐披遠覽窮千
古興來載筆萬里行法帖為重黃金輕
他年翰墨遍天下始知志士非虛名

樂琴軒詩

蕭君雅性真好琴恬然樂此相知深不
圖妙曲入人耳喜有至理契我心宮聲
冷冷別鶴舞商籟瑟瑟孤鶩吟何當相

京國與子共奏蓬萊音

天廐神馬歌

永樂二年春二月余以扈從北巡
賜內廐兔色馬一疋蓋朝鮮所貢也
神俊超越異於凡馬經數千里若有
餘力予聞古良馬有赤兔之名故作
神馬歌以贊之

天廐龍馬不易得鳳臆龍鬣秋兔色
官廐養十載餘云昔來自朝鮮國想當

西野集

卷五

十二

此馬初生時蛟龍降精雷雨乘房星夜
墮水盡赤雲霧下繞靈風吹雄姿逸態
真神俊蹤促蹄高雙耳煥目光夾鏡炯
方瞳汗血流珠臆紅暈朝鮮得此不敢
騎覆以黃氊獻赤墀迺知天廐盡龍種
如此萬疋皆權奇今晨鞬出迥殊絕
從鑾輿自超越朝趨遼東交河水夕秣
驂將前月若不日亦多

者不一試將奈何駉駘無力枉蹠蹠
馬有肉空差我平生憐爾獨遭遇繡勒
金鞍照瓊署相期慎保不凡姿萬里長
隨六龍馭

送胡學士扈從北京

朔風吹塵起騷屑天子親征仗黃鉞
甲胄光搖玉壘雲旌旗影度榆關月
知君此日承寵恩扈駕乘春出塞垣
銀鞍錦

西野集

卷五

十三

韞耀白日馬上坐擁貂裘溫時時召對
咨詢久折衝籌策君能有載筆多裁羽
檄文傳宣屢賜官壺酒胡沙漠漠黃入
天鳴笳疊鼓過祈連雕戈畫明瀚海雪
鐵騎夜走狼山烟天兵奮迅清大漠龍
光照見旄頭落帳外交馳猛士歸輦前
迭獻戎酋縛邊頭雨露回陽春一洗萬
國無纖塵歸來定草平胡詔須是玉堂

第一人

望嶽歌

崔平早行烟雲四歛曙色熹微忽見
泰山屹立青天中故作歌紀之

我欲登泰山憑高望八極浪迹二十年
蹉跎竟難得今晨馬上忽見之屹立東
南半空碧想當洪濛時二氣相蟠鬱大
塊藏黃土莫能識其端圓靈降崔嵬方

西野集

卷五

十四

坤孕峯巒一朝天地劃開闢但見千丈
萬丈高嶺屹乃知造化神設此奠坤軸
巨靈枕其顛六齋戴其足愚公不能移
長房不能縮天公經營鬼斧鑿削出千
峯百峰青立玉自從上古來南風吹不
平日月吐華采星宿揚光晶寒崖積氷
雪陰壑馳風霆雲霞絢明晦草木發精
英上浮金銀氣下潜鬼魅形巖巖實

瞻作鎮朝百靈秦皇漢武巡遊遍玉

金函重封禪風雨莓苔往日碑烟霞松

栢當時殿由來五嶽秩三公况爾巨鎮

山之宗鍾靈毓秀杳莫測磅礴下土專

其雄我皇御天生有聖德廣彰仁化誕

布恩澤一舉平安南再舉清漠北車駕

時巡過泰山望祭築壇陳玉帛小臣幸

此奉宸遊一覽茲山慶山色雖無涓埃

西野集

卷五

十五

補河嶽頗有詞氣洒胸臆他年載筆頌
神功刻盡泰山之上石

銅爵瓦硯歌

臨江郡守得銅爵瓦硯以遺中書舍

人吳君仲平吳君邀予賦之因成長

歌以記其事云

征西將軍蓋世雄睥睨漢鼎驕成功建

安天子在掌握車駕之從輟轅東策勳

定爵分茅土赤舄煌煌輝袞黼
爵起高臺繡戶珠房貯歌舞繁絃急管
鳴未終葛汁啖盡金樽空分香膏履恩
愛畢西陵落日生悲風三方鼎峙霸圖
熄玉輦金輿已無迹冷雨寒烟滿鄴中
惟見銅駝卧荆棘誰憐地老天亦荒宮
瓦散落猶深藏千年劫火煉不化至今
出土生輝光草根纏繞苔蘚蝕鄴中野

西野集

卷五

十六

人初未識臨江太守欣得之此物不應
同瓦礫慙慙拂拭重磨礪制作豈讓端
州工鳳池先生真好古寶此乃與瓊瑰
同先生自昔稱才俊忽見珍奇豁方寸
一龍香麝臍益光妍玉質金輝發清潤翻
一思淪埋塵土鄉此日還登君子堂奇矣
曾識奸雄面清玩宜親翰墨場君不見
漢家諸陵在荒野玉魚金龜無遺者星

情思民盜

端

東家先生富文學十載從容侍帷幄平
生襟度何洒落官舍清幽自林壑地偏
沃饒匪境埆南軒藝菊東籬若是時九
月秋蕭索瑟瑟商飈振寒廓寒芳歲
花嫩清紫白紅黃相間錯露華為洗姿
容灼霜力昂藏枝幹弱中有奇株秀且

西野集

卷五

十七

嬈一蒂翹然擬天華天工巧將金玉琢
花神細蹙紅綃薄初疑亭亭立雙鶴駢
頂丹砂將倪啄又疑粉蝶爭拂掠捲翅
竝棲如可捉飄飄英皇在遐邇絲羅霓
旌動輝耀翩翩韓舞雙綽約翠袖輕盈
露珠爆燁如宓妃出河洛皎如魏姬降
衡嶽護以祥烟籠綠幕飲以沆霞臉逾
暉檀心膩臘黃畧鑠寶鴨煉丹真永耀

璫雲不隨真鴛鴦五色輝輝射
芳不用誇芳藹傾日寧須羨葵藿芙蓉
牡丹與芍藥空詫重樓爭灼爍何如秋
芳甘淡薄毓瑞呈祥契冲漠二儀和氣
互磅礴品彙胚臍人未覺先生才氣真
美璞至寶溫然質純確胸中素蘊經濟
畧日與夔龍相唯諾論思獻納能騫謬
象笏朱衣並荷榮優游詞林膺顯爵一

西墅集

卷五

十八

門具慶和且樂乃知造化意有托乎此
奇葩迥超卓一時盛事傳館閣錦筵置
酒花前酌酒酣興至觥籌數坐彈瑤瑟
捲珠箔紫蠟壁釐霜繪斫醉來弄花香
滿握雅頌風賦協韶樂繡珠璣粲聯
絡詞鋒燁燁雄相角寶匣龍泉拂雙鐸
出規入矩謝繩削治世之音本淳朴嗟
予後至事前約引領音蹤空踏躩汗顏

血指不善瑣細雕蟲之宏博斐然
貂追衆作留取卷中寶一噓

和姚少師廣孝近體雪詩韻禁不
用縞皓白物及正月黎悔鍊絮此
擬

壬辰季冬天大雪寒氣剽膚嚴寒烈隨
風歷亂覺輕飄過眼縱橫驚屢瞥填深
欲遣地俱平塞險疑將路橫截初看著

西墅集

卷五

十九

濕半沾泥漸見綠高遂成垓城郭朝昏
杳莫分川原遠近那能別豪士方欣鶴
髦披貧翁只嘆鶉衣結九衢車馬市聲
稀四野漁樵踪跡絕硯池滴水凍已凝
冰柱挿簷堅不折鳥雀歸來失舊林孤
兔悲號迷故穴難群悞曉頻咿嚶鴈字
書空就漫滅湯泉陡覺氣凝凝凍井何
由味清冽袁安僵卧仍閉門誰復清談

雅音獨慚瓦缶微吹呖

陳員郎奉使西城周寺副席中道

別長句

漢家郎官頭未白
扈從初為兩京客
忽逢天邊五色書
萬里翩翩向西域
腰間寶劍七星文
連旌大旆何繽紛
紆解鞍夜卧營中
月攬轡朝看隴上雲
黃沙斷磧千迴轉
玉關漸近長安遠
輪臺霜重角

聲寒蒲海風高弓力軟
茲行騎從歷諸蕃
羶帳依微絕漠間
殘烟古樹羗夷聚
遠火荒原獵騎還
蒼酋出迎通漢語
穹廬蒲萄酒如乳
舞女爭呈于闐舞
歌辭盡協龜茲譜
當筵半醉看吳鉤
上馬便着金貂裘
山川遙認月支窟
部落能知博望侯
草上風沙亂騷屑
邊頭日暮悲笳咽
行窮天盡始回轅
坐對雪深還仗節
歸來雜還宛馬群
立談可以收奇勳
却笑古來征戰苦
邊人空說李將軍

劒圖歌為胡學士作

楚俗蒼蠅競譏毀
伍奢欲恨忠臣死
慷慨誰家報此讎
東走西關幾千里
長江怒濤雪山立
追騎如飛忽相及
倉皇豈料逢老翁
獨棹扁舟濟危急
腰間寶劒光陸離
持以贈翁翁
莫疑丈夫困厄古

來有我得汝劍將奚為楚人有粟五萬
石一劍寧論百金直嗟我老翁今已亡
此意畫者應不識

題趙松雪三十九馬圖

吾聞天馬生水中房星夜墮波光紅虎
文鳳臆真異狀一日千里能追風平原
草綠春波湧雄姿逸態人皆竦騰騫磊
落如有神三十九匹皆龍種風駿霧鬣

西野集

卷五

三

擲長雲五花鄰簇錦紋就中一匹獨
奇絕驕嘶似欲超其群前年從征破強
虜踏碎陰山力如虎尾絲牽地逐流星
汗血疑珠散紅雨今年北去掃殘胡駿
馬驍騰絕世無追奔已窮沙漠盡渴飲
能令瀚海枯騏驎驕驕古所惜况此驅
一馳樹勳績君不見穆王八駿空爾奇弄
影瑤池竟何益

楊諭德所藏王孟端墨竹歌

王郎畫竹何神奇落筆便覺清風吹
龍怒奔雷雨泣滄溟倒捲雲淋漓有時
半酣索紙墨兔起鶻落誰能測縱橫滿
眼金錯刀四座陰森冰霜雪九疑峯高
青入天洞庭水與三峰連霓旌翠羽半
明滅至今睽拂蒼梧烟玉堂之居迫蕭
爽誰與此君同一賞關西公子襟抱清

西野集

卷五

廿

對此翛然絕塵想我亦平生愛竹流乘
興欲作瀟湘游何時濯足弄明月推蓬
却聽江南秋

題所翁十四龍圖

神龍靈變不可測昔者所翁親見之豪
來落筆縱揮洒飛騰夭矯真雄奇忽然
破石海水立馮夷震駭蛟人泣頭角軒
雷雨垂爪甲淋漓西野集

勢轉雄怒氣欲捲滄溟空銀濤洶湧逐
奔電白日慘澹生長風左轡右攬驚恍
忽驪珠射波光盪潏鼓浪遙摧蛟蜃宮
乘潮屢撼龜窟乃知所翁藝絕倫不
必見之乂更真蜿蜒十四各異狀揮霍
變化何其神請君深藏當愛惜展卷猶
疑驚霹靂嗟哉所翁今已亡人間自此
無真跡

西墅集

卷五

廿四

姚少師所藏八駿圖歌

周家八駿如飛電夙昔傳聞今所見銳
耳雙分秋竹批拳毛一片桃花旋肉駿
疊聳高崔巍權奇知此真龍媒霜蹄試
踏層氷裂駿尾欲掉長颺回瑶池宴罷
歸來早絳月羈金照京鎬紫韉飛時逐
落花雕鞍解時眠芳草由來駿骨健且
馴美影驕嘶不動塵有時渴飲天津水

一五花照見波粼粼閑官騎來難久駐正
在春流最深處珠珎寶勒不敢疏直恐
飛騰化龍去古來善畫韋與韓此畫豈
同凡馬看人間造次不可得首宿秋深
烟雲寒

題楊太僕所藏趙松雪春牧圖

吳興趙公善畫馬昔有韓幹空得名偶
然寫此數十匹縞衣漠漠長風生奔騰
蹄齧各有態權奇不比馱駘輩在野真
令凡馬空浴川或與神龍會背為虎文
照白沙黑雲滿身散作花玉驄連錢映
白雪汗溝走血蒸紅霞迺知駿骨皆殊
絕逐電追風自超越蘭筋颯爽千里姿
伏櫪焉能度受羈唐家封禪事虛文四
十萬疋空如雲只今內廐馬無數馬跡
所至成奇勳吁嗟太僕豈看畫問國之

西墅集

卷五

廿五

富貴數馬

楊學士所藏王子孟端古松流水老

檜蒼崖二圖歌

古來畫松稱絕藝畢宏常偃俱擅名豈知王郎亦畫此醉墨淋漓人始驚時時酒酣拂絹素意底經營有神助霞雨懸崖虎豹蹲雷霆破石蛟龍怒松根泉流響琮琤千巖萬壑皆秋聲高堂六月不

西野集

卷五

廿六

知暑對此恍覺形神清偶然揮洒造神妙肯與畢常論老少謾想巢邊白鶴歸虛疑葉底清猿嘯斯人平生少畫松乃有此圖奇且雄嗟哉死矣不復得徂徠寂寞生悲風王郎工畫妙入神平生強項世取嗔有時興至自盤礴睥睨已若旁無人忽然放筆作古檜白日烟雲倏冥晦淋漓盡帶雷雨垂慘澹長疑鬼神

會古藤纏絡枝相膠屈鐵礫砢騰蛟龍左拿右攫飛不去崖石欲裂山精愁王郎一生何不遇五十得官嗟已暮胸中時吐氣崢嶸半落蒼崖化為樹知君愛此長蕭森藏之願比雙南金秋來恐有乘槎客泛入天河無處尋

薊門老婦歌

薊門老婦歌且行一曲斷腸多苦聲時

西野集

卷五

廿七

時掩面向人泣泣罷從前道姓名自言少小顏如玉金縷羅襦闊粧束先朝丞相重驕歌教得新翻太平曲雕房繡闥高嵯峨五侯七貴時經過就中艷色亦無數俛首低鬟聽我歌行雲斷絕梁起塵滿座停杯驚且喜當筵一擲千黃金翻思管絃徒聒耳只言懽樂度青春豈識人間賤與貧向來風景一朝異翠綰

散落隨埃塵况逢衰世轉蕭索惟有蒼
廬傍西郭向來空唱舊時歌不覺一聲
雙淚落人生豈得長少年一貧一富皆
自然銅山鑄錢終餓死古往今來何足
憐

題松雪十駿圖為貝宗魯作

最前二馬浮波裏首如渴鳥身在水就
中一疋連錢驄軒然却立何其雄傍有

西墅集

卷五

廿八

一疋色殊絕粲如桃花點白雪風驟霧
鬣獨超騰鳳臆龍髻驚半沒後有四疋
飲且行毛骨總是房之精霜蹄踏波碧
玉滑駿尾蕭梢如有聲奚官驕騎白鼻
騮黑雲滿身飛墨花最後驂驕不肯渡
似恐蘭觔趁流去老髯回盼控青絲至
今却立沙堤路迺知松雪筆入神點染
此則松雪題也忽然見馬不知畫五花照

耀波鄰鄰君不見穆王八駿遊天下
家十駿何為者曾記西遊駿不行空對
妖環泪如瀉

李晉王射鴈圖

金沙南山多部曲一種沙陀稱貴族
葉傳來獨眼龍有此奇兒堪付屬早從
征戰氣桓桓一朝報政來長安唐家天
子錫恩賞灘鴻杯連翡翠盤那知轉瞬

西墅集

卷五

廿九

登宸極自謂英雄世無敵高枕宮闈樂
宴閑從此般遊恣安逸綵毬聚鞠新塲
開王莽河邊射鴈來奎輿屢垂大臣宅
幾度榭房同載回珠歌翠舞紛雜還數
十伶人相戲狎卒然禍起肘腋間戰血
淋漓濺黃甲絳霄殿深通杳冥聚樂夜
焚龍氣腥錦囊三矢竟安在空有遺恨
傳丹青摩挲圖畫看不足此意分明我

車覆千載君王幸細觀不用當時金鑑錄

春暉堂

扶桑瞳曉春正早照見君家絲衣好淑氣偏榮連理枝陽和先着忘憂草羨君兄弟奉慈親絕勝荀龍少一人風光滿堂歲歲樂海色入戶朝朝新承歡只恨年華疾長繩欲繫西飛日葵花當陽傾

西墅集

卷五

三十一

嚮深華萼聯揮情意密堂前慈竹影三竿壽觴奉進慈顏懽水魚切繪出雕俎冬笋入饌登金盤誰憐寸草真微物每遇青陽敷德澤生育如同慈母恩心欲報之那可得愛君蘭玉映階除霽色長綯潘與璆要使淳風被桑梓力挽倒景迴郊墟馳光易邁親難報但願慈親多壽考鶴髮行看沐寵恩賢郎正典迴鑾

錄

題王孟端墨竹贈人南歸

十年官舍長安陌歆種簣當地猶窄軒前有此八九竿蒼然一片瀟湘色九龍山人思不群胸襟磊落如此君筆端颯颯起風雨紙上漠漠生烟雲幾迴看竹稱奇絕為寫琅玕照冰雪恍如古貌得香翁冷面相看見高節縱橫屈鐵金錯

西墅集

卷五

三十一

刀滿堂便覺秋蕭騷神蛟乍騰雷雨泣健鶻欲落霜空高周郎到京忽相過平生愛竹能如我興來每就畫中看醉後時尋竹邊坐我生疎懶無所為但與江海同襟期喜君愛竹有如此便以此圖持贈之丹楓白水江南路歸帆直向湖中度慎莫提携過葛陂恐化群龍上天去

侍從東花觀擊毬射柳應制

聖皇御天運神化膏雨仁風遍夷夏九
圍寧謐際昇平萬乘時巡樂清暇是時
駐蹕宮城東射柳擊毬帝苑中雪霜動
色戈甲白日月絢彩旌旗紅御筵玉帳
凌空起金作蛟龍蟠黼服繡服聯朋左
右分綵門對御中央峙場中一望如砥
平四面闐闐伐鼓聲千官雜遝儼在列

西墅集

卷五

三十三

萬騎驍驍馴不驚諸王貴戚先馳擊繡
勒錦韉輝赫奕驪珠應若馬上飛一聲
驚起轟霹靂兩明神駿俱驕驪曲折步
驟隨低昂側身眩轉恍欲墮飛電掣影
星流光迴旋衝擊勢尤壯揮霍變化真
萬狀金鉦一扣衆樂停得雋更籌已三
唱羽林少年驛角弓力挽兩石何其雄
飛颺過耳白羽落百步已試穿楊

呼雷動戰聲沸兩傍觀者稱絕藝天威
懔懔加寵恩酌以宮壺錫金幣古來習
戰毬馬場訓練將士皆鷹揚雄姿勁氣
有如此橫行四海勢莫當

聖皇宵衣臨寶位不以宴闕忘武備天
地清寧宗廟好聖子皇孫千萬世

應制賦平胡樂

聖皇統六合萬國俱來庭重華麗日月

西墅集

卷五

三十三

朔令驅風霆冰天之陲醜虜所宅胡運
永終有此遺孽烽火動邊警妖氛亘穹
廬皇仁覆四海弗忍加天誅豺狼無厭
肯馴服出沒跳梁恣所欲拘囚使者逞
兇殘鈔略邊民多殺戮聖皇赫震怒我
師遂親征玉帛薦穹昊車駕發神京旌
旗蔽空陣橫野御以六龍驂萬馬玉盾
雕戈耀日明白旄黃鉞從天下烈烈號

虎士猛氣如雲雷投鞭瀚海枯伐鼓陰
山摧六軍敵愾皆奮勇百靈盼響紛來
從每見連雲瑞雪飄頻看駐蹕甘泉湧
白日照左肅黃雲擁前旌朝涉臚胸河
暮趨幹難營一戰覆巢穴醜虜失所憑
天兵奮迅勢無敵胡騎崩奔驚霹靂星
散狼山獵火飛風卷龍沙虜塵息胡命
危一髮懸之破竹中弯弓射天漠孤鼠

西野集

卷五

十五

無遺蹤盡收馳馬郡部落為之空窮荒
和氣回枯槁盪滌腥羶已如掃鑾馭要
從萬里迴鳳詔旋頒兩京早秋風奏凱
入都城饒歌沸天萬樂鳴翠華飄翩從
雲駟金宮玉闕耀紫青衮衣端拱臨鎬
京沙漠平武功成挽天河洗甲兵胡無
人天下寧天下寧頌聲作飲至論功錫
封爵蓋世奇勳資廟畧小臣拜獻平胡

樂萬歲千秋歌永樂

西域哈烈國王所貢獅子歌

獅子來出金天西雄姿猛態名狻猊橫
行絕域騁驍捷搏噬虎豹吞熊羆西行
得之總驚異此物何由在荒裔萬里遙
瞻閭闔來一朝徑度流沙至九門峨峨
臨碧空

聖皇端拱居其中剡來猛獸獻丹陛鋸牙

西野集

卷五

十五

鈎爪真奇雄銅為頭顱鍔為額筋骨稜
稜比金石晴雲驛地毛色黃飛電流空
目光赤尾端柔毳盤錦茸勁氣直欲摩
蒼穹帖然睥睨不敢動但覺六合生雄
風想當咆哮出巖谷震雷破山風拔木
聖皇威德如遠方如此猛獸皆馴服由來
盛世多休徵此物何幸沾光榮願隨龍
駕西京路長與麒麟作伴行

瑞星歌有序

皇上聖德達孝格于昊穹粵自涖阼以來
至于今嘉祥之應駢臻叠至乃宣德庚
戌冬十二月丁亥之夕含譽星現色正
黃白光彩異常已經信宿益加明潤考
之占書以為人君施孝德興禮樂萬民
和悅四夷咸賓則含譽星見欽惟

皇上仁聖之德致茲嘉應昭然其明斯實

西墅集

卷五

五

國家萬世太平之徵非偶然也且際叨
居侍從以文學為職不可無所紀述以
昭示將來謹賦七言古詩一章拜手頓
首以獻

由來

聖德景星現在昔傳聞今見之惟茲季冬
日丁亥俄看景入當昏時九游之旁黃
道側有星朗然呈瑞色光華明潤實非

常但見輝輝黃復白初看炫爛映空金
忽訝晶瑩輝紫微正當霄漢發華彩頗
覺列宿皆藏輝從來感召由和氣我
皇達孝通天地萬姓咸和四海安致此景
星為上瑞皆云舜世歌百工瑞應實與
當時同仰惟重華叶

聖德播之歌詠垂無窮

題劉氏沙村江樓

西墅集

卷五

五

沙村微茫風景好沙暖春深得春早君
家伯氏襟抱清別築高樓瞰江島樓前
水流知幾曲樓外群山削蒼玉興來倚
檻登長嘯仰視雲霄豁心目有時醉眠
百尺高意氣不減元龍豪和風撼屋吹
欲醒但覺萬壑鳴秋濤有時憑虛躡天
梯手摘星辰近紫微雲邊或見仙人舄
雲裡時聞織女機蒼波粼粼漾碧瓦萬

頃玻瓈接天瀉八窻洞徹無纖塵四座
衣冠盡儒雅流光荏苒駒過隙伯氏仙
遊杳無跡卷中猶有職方詩林下空餘
謝公屐只今令弟才且賢重構新樓凌
紫烟雕甍畫棟宛如舊芝蘭玉樹嬌春
妍我亦平生慕蕭散甚欲相從舒望眼
登高作賦會有時直待懸車未為晚

西野集

卷五

刻曾西野先生集卷五終

刻曾西野先生集卷六

德清吳期紹選輯

南昌譚文隆

靖安徐肯攝金校

信豐黃耀

五言古詩

丙申卧病荅羅脩撰四韻

長夏積陰兩端居思頗寧蕭然守環堵

西野集

卷六

白日恒閉門荒苔沒平砌芳草翳彌垣

天道本玄嘿歎息復何言

又

悵望東城門嘉會信所難旬日不一晤

何由深結歡鍊石補天漏功成諒惟難

女禍去已久懷思起長嘆

又

沉疴遂纏綿伏枕度日夕念茲羸病軀

爲此羈旅客厄處正罹憂畏途方歛迹
巫咸不復生何由寫胸臆

又

抱病北窻下一榻常晝眠蕭蕭風雨聲
簷溜如鳴泉老屋補還漏踈籬敗仍編
客居敢求安焉用論歲年

北斗篇

昔我住江南有斗維北懸及茲正幽薊

西墅集

卷六

二

如在北斗邊地理雖異域象緯寧有遷
感此夜無寐起行望青天仰視北斗光
珠璣粲相聯伊誰柄斯揭從容居帝前
元氣妙斟酌調和不容徧四時皆順序
萬物安自然躊躇風露下中情曷由宣
天道本幽默誰能問穹玄

涼風篇

涼風日夕至商候淒以清逶迤起原

散漫薄簷楹噫氣忽奮激呼喚相鬪爭
捲地馮奔濤撼空轟怒霆如馳昆陽騎
若潰淮肥兵雲霧爲之晦山嶽爲之傾
豈伊長養節遂與肅殺并草木自黃落
鴻鴈復南征顧茲動植微感觸如有情
起坐待明月援琴寫秋聲

已丑重九日北京官舍宴會分韻
得落字

西墅集

卷六

三

朝廷重巡狩車駕省方嶽舊封屬堯典
一新邑擬周洛壯夫備干城髦士侍帷幄
幸因退朝暇聊遂盍簪樂維時肅霜露
一涼氣滿郊郭書蠅息紛擾宵蠍斂毒蠹
一高梧振脫葉叢菊破新華蓀收御金候
一姑射司律籥九日屬六至群公方會醕
一朝紳扶初筵官署上華灼嶺山果梨栗
一與閒實茨剝庖霜饌繪登翻雪饌燂斫

抽黃橙滿案佩紫萸盈握累觴通獻酬
促席縱歡譚探竒窮贖奧搜古騁雄博
氣岸豁騰騫詞鋒交倚角驪珠吐光燄
龍劒露鐔鏐摛章富文采攄抱謝表襮
歲綈爛晴雲浩蕩瀉秋壑塞予比櫟櫟
厠跡登館閣趨朝聯玉珂待漏聽金鑰
優游地清嚴黼黻才謏薄踪跡隨轉蓬
悃悃誓傾藿幸叨扈從榮苦乏經濟略

宦途愧鵬奮羈轡漸鮒涸彙征遭盛時
旅進沐優渥况茲值佳節相與共芳酌
寧期白衣來任此烏帽落秦陪席上珍
細和郢中作毋徒陋孱顏持以藉壟斷
扈從還南京隨駕出麗正門馬上
作

朝隨六龍駕遠別黃金臺
乘出都門
旭日淨浮埃翠華正飛揚
土華從東

羽林羅猛士夾道馬雲雷回首望上京
城闕何壯哉海水向東流西山鬱崔巍
上有五色雲垂輝映蓬萊壯遊悵同覽
欲去仍遲徊策馬天仗間宿昔長追陪
古來詞翰臣豈但鄒與枚至今百世後
聲譽揚九垓

歌風臺

秦皇失其鹿咸陽為飛灰沐猴萬人敵

叱咤生風雷堂堂龍雉翁仗劍起蒿萊
天威動四海願指群雄控垂衣坐關中
黃屋高崔巍一朝念鄉土萬乘思歸來
酒酣發浩歌意氣何壯哉大風撼粉榆
白日照尊壘馬知天運移炎祚倏已頽
淒涼千載後秋草翳荒臺流景能幾時
昆明起塵埃飄飄芒碭雲飛散不復回
至今中易里側念古人哀

次下邳圯上

韓祀中覆絕子房憤其讎千金購力士
慷慨發奇謀潛行博浪沙勇氣橫海陬
副車奮一擊大索窮九州羸祚遂不振
祖龍死沙丘歸來風塵際聊作圯上遊
忽逢黃石公取履能包羞授以一篇書
庶持報秦仇翩然佐漢祖運此帷幄籌
功成不受賞所願今已酬拂衣從赤松

西墅集

卷六

六

富貴若雲浮至今豐沛間遺跡尚可求
明哲善保身萬古垂芳猷

癸巳三月十三日扈從之北來舟

發石城門外賦呈同行諸公

石城天設險虎踞壯皇州策馬出都城
駕言從豫遊萬乘宿嚴駕先期戒行舟
龍驤載圖籍虎士羅戈矛日出蕭鼓鳴
中流發棹謳兩京何巍巍山川鬱相攸

陝雲邁炎漢洛卜媿成周龍飛符景運
龜食叶神謀煌煌萬世業寶曆承天休
顧慚樗散姿廁跡英俊流獻替諒無補
愧茲恩寵優鳴鑾濟汾水聯佩上瀛洲
永言葵藿心庶以揚徽猷

呂梁洪

洪流昔懷襄區城信茫昧斯民靡寧居
嬰此昏墊害神哉夏先后敷理乘四載

西墅集

卷六

七

呂梁塞其衝滔天亦橫潰巨靈擘山骨
地軸為之碎兩岸東驚湍咫尺一何隘
怒霆閭鏗訇飛瀑瀉澎湃沛然向東注
下與百川會造化有設險惟此乃其最
扁舟沂奔流涉歷今已再水師身手捷
徑渡良足快緬懷胼胝勞遺跡遠猶在
倖茲疏鑿功萬世終永賴

三月二十日舟次開河同胡祭酒

鄒侍講登岸散步長林曠野中桑
麻翦然因至田家各賦一詩

芳晨靄新霽弭楫長河曲
睠茲丘園趣
褰裳涉平陸郊原渺空曠
佇望舒遠目
村中夜來雨土脉高且沃
茅廬雞犬靜
日出烟樹綠牛羊放四野
隔水見樵牧
麥深雉初雛桑柔蚕已浴
老農多歡顏
生事亦云足偶茲一留憇
幽境愜所歆

西墅集

卷六

八

僕夫戒前征迤邐出林麓
緬懷塵外踪
於焉恣遊矚

惡蠅

蒼蠅爾甚微終日何所營
紛紛飛且止
擾擾縱復橫或散入襟袖
或翔集冠纓
或棲遂緣睫或墜忽投羹
屢揮不能却
將寐還復驚况茲卧病軀
遭此聒耳鳴
日暮尚未息頻頻向天明
蜂蠆毒可防

蚊蠅害為輕蟻穴底居蛇
虺草中蟻
觸之乃肆害及不如爾憎
止棘比諸
汚壁喧謗聲所以歐陽子
作賦窮尔情
安得奮劍逐坐遣形神清

惡蠅

壁蠅本惡類滋息乃其常
鬚鬚足多
連蜷一尾長宛宛隙間伏
蠕蠕土中藏
潛形固深匿搖毒終自防
乘間恣一螫

西墅集

卷六

九

號呼徹穹蒼螽斯美嗣續
蟬蜩韻官商
蟬蟀秋正吟熠燿夜有光
微物咸可嘉
爾獨性匪良我來客幽薊
恒恐為尔殃
晨興視我履夕寐拂我床
如聞綠枕席
攬衣起傍徨已思尋善藥
去尔庸何傷
吾將告軒岐逐尔出八荒

春日同鄒侍講梁贊善二王脩撰

周主事遊長春官遺址以蓬萊山

在何處六字為韻六首

彤霞出滄海白日照高空烟草忽已綠
黃鳥鳴春風古城宜西郊在昔奇且雄
峩峨藍珠闕璇題映雕櫳羽蓋耀雲日
飈車躡星虹云有丘真人高步振其宗
毛骨久已脫神遊青天中焉知百年內
斷礎朽寒蓬

又

西墅集

卷六

十一

浮雲蔽緹嶺滄浪隔蓬萊樓船不復返
吹笙何時回所以古仙人求之信艱哉
麻姑貌如花霜髮颯已摧况彼彭與晡
安能久徘徊扶桑半為薪流景倏西頽
焉得乘雲騎汗漫凌九垓不如飲美酒
長笑天風來

又

晉者阮與劉采藥天台山忽逢西嶽人

雪膚綠雲鬟嫣然發皓齒艷色誠可餐
綢繆結歡好燕宛多歡顏被以紫霞裳
餌以黃金丹伉儷豈不樂胡為念塵寰
歸來復再往仙駕不可攀但見桃花下
綠水鳴潺湲

又

西墅集

卷六

十一

吾聞安期生逍遙住東海飛步凌紫氛
一往成千載容顏宛如昨玄髮殊未改
仙巖有瓊藥路遠不得採俯視三神仙
茫茫隔烟靄洪波相瀆激六鰲今安在
不知繁華子擾擾何所待誰能學魯陽
揮戈駐光彩

又

子房有仙骨夙志在烟蘿長揖龍準翁
拂衣向巖阿招遙亦松子羽駕時相過
蟬蛻已無迹雲山空嗟我我欲往從之

來去恐蹉跎芳顏豈長好白髮亦已多
落葉不返枝逝水無迴波仰望不可極
歎息終奈何

又

夜夢一僊人羽衣空中度手持白玉屑
和以金盤露欣然勸我餐誓令紅顏駐
覺來真異人聞不知處餘香尚在口
自謂精魄固寤能幾時容華遽云暮

西墅集

卷六

十一

回看鏡中髮一半已垂素仙道諒未然
誰能識其故

送楊稷分韻得夜涼二字

東里少師之子

四郊肅秋氣一葉忽飛下詞臣退直初
蓮炬照清夜彩衣稱壽觴承歡樂餘暇
諄諄義方訓漏徹殊未罷明發當告歸
雲帆曉初掛鄉人見阿蒙玉樹重光價

涼

晨起別京邑南歸戒征艫依依戀嚴親
惻惻懷故鄉父子出真性況茲道路長
膝下來忍離而隔天一方經時秋候至
清飈散微涼去去不可留悠悠情自傷

雜詩

鉅都信佳麗甲第起高雲九衢若沅水
飛蓋持雕輪日出市聲動百貨列奇珍
絲管喧晝夜餘響四邊聞婦女絕世無

西墅集

卷六

十一

艷色嬌青春穠粧馬上咲茜羅繡衣裙
青樓臨路側珠帳疊錦茵揚眉發皓齒
吐氣若蘭芬所欣諧夙願燕婉情相親
不惜金尊盡唯憂白日曛娛樂豈有極
秉燭恒達晨戚戚里中女效顰長苦辛

賦時雨送陳司業

城闕朝來雨蕭蕭送早涼入秋宜浙瀝
沸瑤自飄揚雜雨清禁隨風

乍燕僊珮響偏引御爐香北闕承恩
南京坐講堂肯辭新雨露詎惜濕行裝
教育功同化分携思共長偕行有難弟
正此念連床

題戴氏琴趣樓

高樓何巍巍闌檻俯長林憑虛縱遐覽
愛此孤桐琴南薰既寥邈調古趣亦深
懷哉有虞世傾耳想餘音奈何後來者

西墅集

卷六

十四

靡然尚哇淫熟識樓中趣悠悠千載心

題趙御史純青雲亭

志士在遠大所思浩漫漫凭軒睇青雲
八極縱遐觀扶搖九萬里欲展凌風翰
一朝遂騰騫高步青雲端天梯既云踞
僊桂亦已攀煌煌龍虎榜我峨峨獬豸冠
英聲連四海清芬播芝蘭夙願幸已酬
令名既久刊卓哉此高軒永矣垂兩間

題蕭氏淡交

聞說論交處靈臺自沈寥盍簪情更逸
飲水與偏饒范質垂名訓莊周喻久要
取甘羞若醴忘味喜聞韶自分簞瓢樂
寧思鼎鼎調醇醪應自醉金石詎能銷
淡薄情尤篤縱橫俗已澆相期慎操守
奕世仰清標

樂府

西墅集

卷六

十五

楮窩曲

剡溪老龍多蛻骨蜿蜒飛入瓊瑤幄墨
雲壓溪凝不流腥風怪雨啼高秋湘城
踏破裁碧玉野老綠雲聽桑穀鼎上春
霞半夜紅石髓摘花幾回綠翠簾十二
搖水光水風颯颯飛秋霜天孫寶刀未
曾試剪碎銀雲墮平地粉署沉沉迫覺
秋一片寒光淨如洗鮫綃飛塵絕

雲母屏開漾明月醉眼摩挲混沌初還
對鴻荒古時雪冰蚕吐絲繭成甕素練
平鋪影搖動水晶隔座八窗涼壁間玉
葉參差光會稽先生面如誓長伴瑤京
玉堂客一枕梨花夢未醒半空清露梅
花白

沛中行

祖龍父載輶輶車海上腥風吹鮑魚劍
西聖集 卷六 十

鋒洒血白帝死其人崛起中陽里當時
誰識隆準公碭山雲氣皆成龍一朝草
昧英雄起指揮壯士如雲從西破強秦
南滅楚手握乾符登九五功成治定思
沛豐萬乘歸來到鄉土酒酣擊筑歌大
風父老相看淚如雨長陵塚土築未成
宮中嗚嗚人薊聲元功十八竟何在赤
子虜弄潢池兵貂裘烏帽江南客駐馬

荒村吊陳迹但見連天春草生一歲東
風一四碧

邯鄲曲

邯鄲女兒貌如花手挽雙鬟盤作鴉
襟小袖巧粧束盡得秀眉雙黛綠娉
嫋十五餘自矜嬌態誰得如春眠不
穩翠衾薄起向東風惜花落誰家寶帶
綉鴛鴦何處金屏開孔雀邯鄲城中多
西聖集 卷六 十七

西聖集

卷六

十七

貴遊投金宴璧紛相求父憐母惜嫁時
早比目連枝願終好芙蓉帳深紅錦幔
烹饋炮羊列華饌生來不識機杼聲身
上羅襦幾回換翻憐隣女嫁田家朝出
採桑夜績麻年年辛苦事織作嫁時衣
棠老還着

寒夜曲

銅山泣露宮苑咽魚鑰金寒烟微月十

二樓臺凝冷光青蛾踏天作飛雪
鑿冰出海底海澗冰堅愁墮怕風力剪
斷朔雲飛萬戶沉沉一泓水初來無暖
紅燭滅八尺青綾已如鐵蘭膏香銷冷
畫屏夢破秦樓肌玉裂龍鱗左差清水
繞銀床無聲金井悄睥睨鴉啼曙色分
起聽瓊籤報天曉

出塞行送楊庶子

西墅集

卷六

十八

祈連山前雪花落胡雛崛起好氣作昨
日邊頭得報書旄越煌煌向沙漠帳前
猛士擁貔貅長驅擊胡胡為秋鷗旄夜
度燕山月飲馬朝枯瀚海流美君又處
詞垣職早有才華聲籍籍侍從多陳帷
幄籌傳宣并草輅門檄萬里龍沙北到
天前營後部遙相連寒聲蕭蕭起刀斗
殺氣莽蒼連烽烟攬鎗墮也元頭滅劍

鋒已滅單于血部落全歸大漠空一洗
腥膻掃殘孽六軍凱歌大駕還迴鞭却
度居庸開歸來絲筆紀青史不用勒石
燕然山

燉煌曲

唐憲宗時吐蕃使其中書令尚騎心
兒攻燉煌刺史周鼎嬰城固守鼎請
救回鶻踰年不至都知兵馬闊朝殺

西墅集

卷六

十九

鼎自領州事守城者八年出綏一段
換麥一斗存者甚衆朝喜曰可以死
守又二年糧械皆盡登城譁曰母為
徙他境請以城降騎心兒許諾於是
出降自攻城至是十一年州人皆服
臣虜歲時祀祖父衣中國之服號慟
而藏之

吐蕃健兒面如赭走入河湟放胡馬

開蕭索少人行白骨戰場縱復橫燧煌
將士抱戈泣四面胡笳聲轉急烽烟斷
絕鳥不飛十一年來不解圍傳檄長安終
不到借兵回紇何曾歸愁雲慘淡連荒
漠捲地北風吹雲落將軍錦韉暮還控
壯士鐵衣夜猶着城中尺綫換斗寒決
戰寧甘死鋒鏑一朝胡虜忽登城城上
蕭蕭羌笛聲當時左袵從胡俗至今藏
敵捷

西墅集

卷六

二十

龍支行

唐穆宗時遣大理卿劉文鼎出使吐
蕃道成紀武川以至龍支城耆老千
人拜且泣問天子安否言頃從軍戰
敗于此今子孫未忘唐服朝廷尚念

之乎兵何日來言已皆嗚咽密問之
豐州之人也

龍支城頭暮吹角黃雲蔽天沙草薄虎
髯使者長安來持麾擁蓋還塵開城門
盡是胡兵守城外老人多白首拜云使
者雙淚流問云天子今安否自言家世
豐州住少小辭家隸軍戍吐蕃昨者犯
蕭關胡騎長驅涇隴間將軍戰敗鼓聲
絕棄戈遺鏃填丘山自從陷沒身為虜
五十年來在邊土依棲部落作蕃人生
長兒童盡胡語朝看烽火望中原夜聽
鳴笳思故園頽垣破屋誰家宅斷磧荒
谿何處村奉使還時報天子早遣官軍
復清水假令老身歸即死已免遊魂作
胡鬼

酒壚行

西墅集

卷六

三

東家酒壚大道中。百尺酒旗垂暮風。少年兩姬何窈窕。當壚一笑顏花紅。道傍過者頻回首。駐馬停車便呼酒。壚頭酒薄渾不知。笑勸相歡坐來久。西家酒壚相向開。雕盤綺饌連金壘。門前寂寞少行迹。堦面夜雨生青苔。由來酒徒多重色。愛此紅顏在壚側。暫時過眼寧盡歡。囊中有錢應不惜。誰將此意報西隣。坐亦無呼酒人。

西野集

卷六

廿二

春來曲

人逢春來喜。我逢春來悲。春來春去催人老。百歲光陰能幾時。去年當春髮似漆。今歲逢春髮若絲。春來萬物生顏色。惟我逢春頭愈白。一片飄蕭似雪垂。縱有春風消不得。憶我初年十四五。

春來狂欲盡讀書。目數行下。醉後觴不知數。一朝辭家入京國。正是鶯花二三月。東風滿路馬蹄輕。一日走過長安陌。是時紅顏方少年。灞洲步武如飛。長臨鵷墜。捧清蹕。時拂龍箋近御筵。自從衰病嬰懷抱。一迴見春一迴老。趨朝上馬要人扶。形態龍鍾貌枯槁。尋常白雨又愁風。白日看花如霧中。酒腸不慣易成疾。詩句懶題難得工。昔何勇銳今如此。始信蹉跎今老矣。不須覽鏡重欷歔。萬事悠悠一杯水。嗟哉天運本自然。寒暑閭闔忽相推。人生老少一常事。何用傷春空自憐。老瞀彭祖竟安在。瑤池弱水皆虛傳。便當為春飲一斗。醉後起舞舞春風前。眼中豈無同志者。相與擊節和我春篇。

西野集

卷六

廿三

車遥遥

車遥遥向何去耳邊猶聞聲
飛塵不知處妾獨在空閨
唯有一寸心萬里隨車輪
車輪生四角不願歸時金
歸貧亦樂

刻曾西野先生集卷六終

西野先生集

南昌譚文隆

靖安徐肯播全校

信豐黃燿

五言律詩

胡氏山居八景

芙蓉疊翠

西野集

卷七

造化鍾靈秀諸峰玉削
松壑度風聲岫轉蒼烟合
中疑五老雲錦半空橫

墨潭澄碧

百尺深無底汪洋自四時
應近右軍池澗物資玄化
涵空漾綠漪
風雨夕黑處有潛鯢

天際孤峰出岩堯勢轉雄曙光分絕頂
秀色入遙空石磴嵐陰滿陽波泚氣融
曾聞有居士話此意無窮

濠嶺寒泉

山勢凌空起平坡景自幽靈根通地脈
石罅瀉泉流素色孤峰曉寒聲六月秋
年年長不涸灌溉足西疇

石井春畊

西墅集

卷七

二

農士偏堪樂原田入望平一犁春雨足
半疇夕陽明饁罷飛鳥散耕閑牧犢鳴
公家租稅畢擊壤聽歌聲

楓林夜讀

楓林多野趣瀟灑稱幽居紅葉留題字
青燈照讀書涼聲來雨後秋色入霜餘
幾度聞蕭瑟寒窻夜月虛

鍾岫晴雲

黛色蒼茫處山形似覆鍾天迴青嶂發
雲鎖翠微重恍訝鯨音發翻疑蜃氣攻
僧歸多向晚錯認最高峰

砂山霽雪

連山多積雪霽景曉初分野色林端見
樵歌谷口聞千巖寒隱霧孤嶂翠凌雲
對此疑圖畫遙看日又曛

贈戴給事中并省親歸浮梁

西墅集

卷七

三

侍從登青瑣恩榮世所稀抗章通禁闕
簪筆向仙闈御苑初傳鐸爐香乍染衣
儒冠逢聖代宦業自光輝

題戴給事中有慶堂

積善由先世綿綿福澤深探源從往古
流慶到于今閱閱存餘德詩書契夙心
青瑣貴光價重儒林

送進士游和歸豐城

金殿傳臚後瓊林錫宴餘拜辭天日
歸望斗牛墟地產雙龍劍今看駟馬車
慈顏應更喜綵服照階除

送苗參議

藩省新承命儀曹舊著聲一官膺重祿
八祀仰高名紅樹多臨路青山直到城
旬宣須盡職庶以荅皇情

過劉伶宅

舊宅無人住荒墟有路歧一生渾是醉
萬古復何悲白石甔杯處青山荷插時
最憐獨醒者高塚亦纍纍

鄒縣

鄒本古邾國名邦愜素聞楸梧孟子廟
松栢魯王墳怪石多臨水危峯盡入雲
欲因窮勝跡客思正紛紛

望嶽

昔誦少陵詩今觀岱嶽奇青連齊魯迥
勢壓華嵩危雲霧通三島乾坤統四陲
何時上高頂細讀漢唐碑

銅城

野燒荒原外寒雲大澤中馬嘶知近驛
駝吼欲生風碧草沙堤出紅橋澗水通
遙看行殿近旗影夕陽紅

春日陪駕遊萬歲山和胡學士韻

鳳輦宸遊處龍旂絢日紅風烟連禁苑
花木隱仙宮逕轉翻疑盡波澄迥若空
忽聞歌吹發聲度彩雲中

又

臺殿烟霞裏瞳矐杳未分甲光明綠水
歌曲遏行雲石蘚深含潤巖花暗吐芬
此中即瀛島應不是傳聞

又

巖谷多幽絕經行到處奇引泉深鑿石
隔樹細通岐風暖聞蹄鳥天晴看墮絲
清遊歡不極興適自忘疲

又

鳴鑾遙度柳飛蓋漸移花清夏疑天近
盤迴覺路賒雲霞飄瑞氣日月動光華
別殿承恩賜龍團內品茶

又

西墅集

卷七

六

雲濕西山雨池香太液春鶯花三月景
冠蓋兩京人汗漫尋仙島從容奉帝綸
群生均發育天地本同仁

又

瓊島通幽處憑虛玉作臺鳥隨仙仗過
花拂御筵來日影千旗動池光一鏡開
追趨隨鳳輦佳境暫徘徊

又

紫殿笙歌迫清時足豫遊松花金粉落
澗水玉虹流竹覆苔逾淨巖迴路轉幽
廣寒丹桂樹只在殿東頭

又

古洞浮青靄輕飈振綠簾好花渾勝錦
落絮迫疑霜仙謁移金澗清歌度玉房
興闌驚日晚宮樹帶烟蒼

又

西墅集

卷七

七

石磴緣雲上飛甍出樹高池波通碧海
山勢壓金鰲曲度金筵樂香分內甕醪
幽尋殊未畢攀涉豈知勞

又

物情馴狎久應不畏虞羅水檻聞歌鳥
筠籠出賜鶯勝遊今日遍樂事盛時多
歸路鑾聲遠天香滿澗阿

送僧歸日本

南遊歸舊國東去海冥冥積水天邊白
連山島外青春帆向日去夜梵有龍聽
有霜知何處踈鍾隔遠汀

庚寅元夕午門侍宴觀燈

紫禁疏魚鑰彤庭結綺樓星河臨太液
歌吹繞皇州皓月明仙仗華燈映綵旒
清時多樂事長得奉宸遊

牡丹燈

西墅集

卷七

八

剪綵製姚黃根株異洛陽銀燈添國色
寶篆借天香富貴同金谷光輝到玉堂
不須勞羯鼓爛熳冠年方

鍾山

鍾山望不極空翠鬱崔嵬樹色千峯合
江流一面迴香分鳩鵲觀高出鳳凰臺
矚目青天外登臨亦快哉

阜城道中

曉渡滹沱水旌旗夾路長風喧疑作雨
霧重不成霜仙樂隨行輦宮袍惹御香
謏才叨扈從謾擬賦長楊

廿一日早發汶上

因病辭天仗行尋寶殿開六龍扶輦去
五馬駕車來燕井多因酒沿流欲渡杯
承恩方瘳疾候吏莫相催

西墅集

卷七

九

肩輿登古剎寒日照東城羈宇雙旌至
林僧一衲迎病來塵慮少坐久妙香清
已息驅馳念身閑氣自平

又

寒歷孤城外高樓成鼓鳴葉聲霜後落
僧影月中行一榻禪房靜孤燈客思清
踈鍾一百八猶似上陽聲

壬寅元夕觀燈午門應制

雙闕開黃道三山聳翠鰲月臨仙雲擁御進高燈焰搖蓮炬香烟上錦袍年年陪宴賞長得醉蒲萄

又

魚鑰開金瑣鰲山壯玉京峯巒三島迴燈火萬星明柳外青歌轉花間綵隊行不須浮海去此處即蓬瀛

又

絳闕芙蓉苑金花玳瑁筵衣明黼黻仙樂奏官懸百戲魚龍合千官綢佩聯清平初入調此夕滿城傳

又

清漏傳金殿新粧艷綺羅傾城來士女夾路擁笙歌火樹驚鴉散銀燈候輦過官壺頻賜酒歡宴太平多

過石灰山和胡祭酒韻

少年多勇氣通籍羽林中寶甲黃金鑰青絲白玉驄弓彎淮海月旗摩廣陵風曉上高樓醉壚頭酒正濃

淮陰逢回御史

烟水雙城外柳邊逢故人暖風蘭棹晚晴日繡衣春霜氣臨淮甸潮聲近海濱一樽勞饒別驄馬自通津

清河晚泊

泊舟臨水驛月出看潮生烟樹迷村塢春流遶縣城渚禽驚後起岸火滅還明官舫南回少多應向北行

舟中雜興和王脩撰時彥韻

聖主巡遊日詞臣扈從榮畫船天上望綠水鏡中行遠樹千重色新鶯百轉聲長楊能賦者誰復擅時名

又

帆轉東風暖旗翻晴日紅圖書金匱裏
簫鼓畫船中烟樹遠平楚春流接遠空
從臣文物盛枚馬並才雄

又

水國春烟曉沙堤碧草春錦帆青雀舫
珠珮玉堂人銀甕頻分蟻雕盤旋鱸鱗
同舟有仙侶觴詠見情親

又

蘭棹乘流去蒲帆帶雨行千門楊柳色
幾處管絃聲魚戲霜鱗細鷗飛雪羽輕
春流應不淺岸畔綠波平

又

野迥霏微霽川長澹落暉犢浮水過
鷗狎近人飛暝色迎官舫春寒到客衣
時看林下叟荷蓀月中歸

又

西墅集

卷七

十三

西墅集

卷七

十四

直沽

皇華千里外何意此相逢水郭春光早
郵亭柳色濃偶回牛渚棹來聽虎溪鍾
明發孤舟別相思隔幾重

宿賦此贈別

靜海逢刑部主事侯福留觀音寺

星槎遙入漢桂檝近浮天
春流汗漫中水烟紫渚白野夷照雲紅
何處歌聲起漁舟隔嶼通

近海嚴烽戍孤城雉堞雄河源千里合
舟楫萬方通島嶼鯨波外樓臺蜃氣中
春來何似景烟綠曉霞紅

元日退朝和王脩撰時彥韻

玉殿傳清蹕金爐裊瑞煙御筵稱壽酒
仙樂促繁絃衮冕臨雙闕華夷祝萬年
朝來風景好泚氣似南天

又

鍾聲樓外靜仙仗御前看銀燭開三
形墀擁百官星河低闕曙珂珮帶霜寒
猶有新春宴駝峯薦玉盤

新秋有懷和時彥韻

天外涼風起浮雲似水流銀河初轉夕
珠斗迥移秋凱奏胡塵淨寒驚旅客愁
人情同社燕休戀異鄉樓

西墅集

卷七

十五

又

何處秋聲早蕭蕭遠樹風草衰朝露白
山曛夕陽紅為客他鄉久平胡大漠空
年華應共惜去處與君同

舟次淮安

淮海雙城戍行人及暮秋渚雲將鴈宿
霜葉與波流殘燭明官舫踈鍾出郡樓
水鄉寒正早九月

稼軒

田野如春及躬耕力自勤芄芄初過雨
翼翼半垂雲釀秫年多稔驅牛日又曛
時時具雞黍荷篠與同群

送教授之任重慶

都亭尊酒別迢遞向西川鵬雲離京路
春風上峽船儒官萬里去經術幾人傳
莫歎官猶冷才名數鄭虔

西墅集

卷七

十六

送俞憲使之任山東

楊柳東門路持觴此送君鍊冠裁豸角
錦誥動龍文騎從燕城別弦歌魯地聞
相思定何處泰嶽鎖晴雲

挽翰林王艮甫

二十八人中君才蓋世雄詞華今代少
行誼古人同玉署名初著金閨籍久通
只今千載恨丹旄夕陽紅

夢底清心骨揮扇却黃香

繩床

結繩存太櫟斷木自直淳曲折不礙地
欽舒宜使人常時隨出宿此日從時巡
未許管寧坐翻令懷素親

錫鬚

幸借陶鎔出磨礱自應規含泓如有德
樸素本無疵龜曝臨流處鯨吞濟渴時

西野集

卷七

十八

青絲隨去馬未許暫相離

鑪鍋

鍊金增重價輕薄利煎烹貯水鉢形大
探湯鱗眼生未能齊鼎鼐終不愧瓶罍
敢謂庖厨遠相隨萬里行

椰杯

椰子來南海剗中納酒漿流霞含內美
嘉賓帶餘香貴重同金掌輕浮勝羽觴

素來鯨吸處李白任清狂

柳斗

折柳編為斗輕圓代轆轤及時自鱗漏
買處恐條疎續梗防深井去泥憂遠途
常時曝曬日應是晚炊餘

布槽

速道無槽櫪裁縫用布為幸因機杼出
偏與豈芻宜夕林休鞋處宵眠繫榜時

西野集

卷七

十九

輕便任舒捲一騎鎮相隨

駕發臨城

雞鳴寒漏徹車駕發臨城殘月千山曙
浮沙一路平雲香隨鳳輦露氣濕霓旌
馬上頻回首猶看燈火明

駕次睢陽

草綠東風軟沙暄淑景和雨從江上少
山到宿城多金殿平原裏紅橋曲間阿

通看樓馬處馳道接鳴珂

駕次東葛城

東葛無城府茅堂有石橋泥深多沒馬
日晏免趨朝風物春駘蕩星河夜寂寥
周廬宿中野乘月坐清宵

早發阜城

霜薄曉寒輕揮鞭出阜城金吾收後隊
驕騎布前營夾道天香散連村火炬明

西墅集

卷七

二十

塵沙隨處起奈此朔風行

彭城

人家連翠巖樓觀俯黃流風雨懷坡顙
山川識項劉年華空冉冉塵道轉悠悠
戲馬臺前路春來總是愁

滕國

昔為滕國小今作縣城寬睥睨連雲暗
靡蕪惜雨乾行營初駐轡詞客未休鞍

正有相如渴何因賜露盤

荏平

地旱空多井林疎遠見樓平山通縣界
漂水入河流過客詢張鎬鄉人說馬周
北來多古蹟那得更淹留

恩縣

馬上詢前路孤城夕照曛榆林多蔽野
草徑遠通村風急塵初起泉枯石屢昏

西墅集

卷七

三

長途用僮僕獨立候營門

駕次黃河驛

遙聞金鼓聲鳳輦駐行營地勢平如砥
河流曲遠城草香嘶去馬風暖轉新鶯
道路相觀者應知侍從榮

宿江浦驛

春來連月雨大地盡成泥縣舍偏依水
人家白繞堤解鞍初歇馬欹枕乍聞雞

爲喜趨朝近羶房直殿西

自高唐早發日晏至傳舍無水甚

渴

漏盡營皆徹喜微半曙星望塵隨去輦
計驛數郵亭古塔穿林白垂楊夾路青
渴心思一沃何處汲清冷

二月十八日大雨夜霜宿固鎮傳

舍

西墅集

卷七

三十一

驚蟄已無雨今朝霜正寒乘輿臨殿上
飛騎入雲端泥滑愁難進衣沾濕未乾
郵亭一夜宿不寐想和鸞

新城觀獵後作

猛士如雲擁千山四合圍犬雞驚日落
鷹隼厲雲飛雜遝鳴鞞去歡呼得雋歸
滿分賜酒罷歌馬解戎衣

將至東阿大風沙驟起

驛地揚沙石今晨值烈風官僚自相失

僮僕豈能從有者獨行處濛濛四望中

恩波隨處有不必歎途窮

駕次鄒嶧孔顏孟三氏子孫來謁
詔賜酒食諭勞而遣之惟武城曾
氏西漢末邾國公十四世孫據避
莽之亂舉國南遷據家吉陽廬陵
徙永豐先曾大父亦邦先生在至

西墅集

卷七

三十二

大延祐中爲顯官嘗訪山東並無
曾姓以言于朝謂曾子傳道有功
聖門最大今孔顏孟三氏子孫得
設教授武城書院如三氏故事兵
火之餘書院遂廢而吾族至今數
百人皆讀書不失爲士棨雖沾一
命之榮叨陪危從觀於三氏子孫
章縫濟濟親沐寵光不一慨然於

先邨公獨無後於山東追陪三氏
以拜屬車之塵而承綸詔之褒為
至幸也遂此以紀其事云

聖賢流澤遠鄒魯見諸孫徒步隨行在
義冠謁至尊三家遺業在千古舊風存
邨國南遷久飄零愧後昆

徐王廟廟在宿遷閔子鄉孝慈高
皇后馬公墓所在

西墅集

卷七

三十四

平蕪連鉅野重櫟暎雕牆單父留清鑒
塗山應運昌地靈宜誕后廟祀舊封王
正值時巡日龍輿薦玉觴

彭祖墓

錢鏗墳最古春草幾回青每羨多年壽
應能養性靈豈食仙侶藥疑是老人星
恨不同生世煩君子百齡

閔子墓宿舊道傍閔子店民家一

婦人亦能道閔子事甚悉且言墓
與模板所在

山水鍾靈秀宜生閔子賢高賢詞客吊
孝行婦人傳遶樹殘烟外長山落照邊
荒村無舊業墟里有人烟

汶陽道中

漏聲花裡盡曙色望中分征騎入雲去
雞鳴隔曉聞浮屠前代寺翁仲昔人墳

西墅集

卷七

三十五

猶有殘碑在摩挲石刻文

和彭脩撰汝器景州道中

客路風霜裏那知物候春荒原惟白草
遠道畫黃塵謫戍新遷客能官舊榜人

官遊踪跡近飄泊愧吾身

涿鹿道中

遠樹孤城出高原四望遙山從平地起
雪到暮春消細草承離露垂楊拂御橋

遙憐易水上風色正蕭蕭。

光祿食馳騫

肉氣蒙恩賜庖人出紫駝豹胎寧是並
熊掌豈能過味薦金盤冷香分翠釜多
素餐無寸補慚愧在鑾坡

同倪庶吉士維哲登古臺次韻

臨眺古層臺宦遊亦壯哉河流天際落
曙色海邊來斷礎埋烟草虛簷積雨苔

西墅集

卷七

二十六

客懷空有感那許重徘徊

三月十七日大霜

北來天氣冷三月尚嚴霜粉素迷瓊闕
鉛華愧慢房寒光通紫塞殺氣薄青陽
共喜麥與過春輝被八荒

和庶吉士京華除夕

都城春到早臘盡動微和乍覺星霜換
空驚歲月過燕臺還對酒楚俗意驅離

頗媿文園客憂來病更多

又

聞說通州路層冰盡塞川關河懷遠道
風雪過殘年律轉知春早寒多覺地偏
猶聞歌大雅高出建安前

夏月食四果

桃

佳果因時薦新桃送酒杯露華凝翠葉

西墅集

卷七

廿七

霞暈注丹腮宛在瑤池宴翻疑玉洞來
玄都何處是空想後人栽

杏

冀北偏多杏垂垂似彈丸驟珠明照席
瑤瑤爛堆盤旋摘梢尤濕初嘗味不酸
誰家能賣殼應作董林看

瓜

新雨足佳實摘柔莖剖處流瓊液

水晶寒生肌骨爽香沁齒牙清
青門道誰能繼邵平

李

朱實蘄炎夏垂垂味正甘金丸凝露重
火薺帶霞酣近井疑蠶食沉波訝蚌含
遠嫌鑽核者此意孰能堪

復習車駕簡韻

駕部聲名舊端居粉署閑薰風庭草綠

西墅集

卷七

廿八

積雨石苔班宰縣卓太傅能詩元次山
時清公牘少翰墨自怡顏

劉友蒼雪有葛溪蒼屋予固知其
盛為賦四時詩以寄之

溪上風光暖沙頭鴨色明鳥啼當戶近
花落點苔輕綠水連螢泮紅塵隔縣城
懸知無俗事惟有讀書聲

又

地僻人稀到幽居愛日長石闌行載酒
水檻坐焚香細雨牙籤潤薰風羽扇涼
晚來多逸興高詠遶方塘

又

竹逕消殘暑芸窗忽早秋天青黃葉下
溪迥白雲留疎箔朝還捲遺篇晚未收
隨閑課子姓戮力繼前脩

又

西墅集

卷十

廿九

寂寂江天外花飛六出奇梅邊携酒處
窻下映書時呵凍詩頻寫迎暉夕更移
遙應幽絕境清意少人知

五言排律

雲門樂

八風開橐籥一氣轉鴻濛黃屋尊堯德
玄圭錫禹功千羽三苗格車書萬國同
醴泉從此去甘澤與天通電繞星樞北

春回壽域中雲門齊奏曲彤管記時

五言絕句

春曲

春風度山閣凭軒望江路簾動時有光
不見花開處

雨後即事

片片白鷗鳥看人隊隊飛沙頭莫相認
與爾必忘機

西墅集

卷七

三十

刻曾西墅先生集卷七終

刻曾西墅先生集卷八

德清吳期炤選輯

南昌譚文隆

靖安徐肯播全校
信豐黃耀

景蹟律詩

北京八景

居庸疊翠

西墅集

卷八

一

重關深鎖白雲收天際諸峰黛色流北
枕龍沙通絕漠南臨鳳闕壯神州烟生
睥睨千巖晚露濕芙蓉萬壑秋王氣自
應成五彩龍文長傍日邊浮

玉泉垂虹

跳珠濺玉出巖多盡日寒聲洒碧蘿秋
影涵空翻雪練曉光橫野落銀河潯
驚綠芙蓉殿深潭之通六液波更待西

湖春浪濶蘭橈來聽濯纓歌

太液晴波

靈沼溶溶潞氣回玉泉初暖碧如苔風
回鰲背山光動日照龍鱗鏡影開飛鳥
慣隨仙仗過遊魚偏識翠華來願傾池
水成春酒添進南山萬壽盃

瓊島春雲

自是蓬萊第一峯彩雲千疊映芙蓉隔
窻暝鎖花枝濕繞殿晴添柳色濃影度
仙巖常帶雨光浮御苑盡成龍網緼不
獨隨天仗更共祥烟護九重

薊門煙樹

東風綠樹繞郊畿散烟景蒼茫靄曙暉夾
道清陰停遠騎滿林空翠濕征衣城邊
隱隱行人度雲際翩翩宿鳥歸為報春
來宜騁望恐經霜後華草飛

西山雪霽

岩崑遠岫倚蒼冥積素纔消擁畫屏
影高連千嶂白日華光映數峰青林藏
王氣樵人識冰雜泉流野客聽正欲登
臨窮絕巖餘寒猶恐在巖扃

盧溝曉月

渺渺平沙接遠堤一川殘月石梁西光
連古戍迷鴻影寒逐清霜入馬蹄雲淡
漸隨銀漢沒烟空微映玉繩低經過曾
此踣仙蹕兩度停驂聽曉雞

金臺夕照

昭王曾此築高臺日落城邊霽景開尚
想百金求駿骨終知千里得龍媒樹連
平野烟光合鳥帶遙空暝色回總謂招
賢從隗始只今誰數樂生才

江西八景

西山積翠

城外青山爽氣浮重巒
嶂擁南州四時秀色含雲霧
萬壑寒光逼斗牛
野樹迥連空翠合
澗泉長繞畫屏流
由來此處多僊境
那得飈車汗漫遊

南浦飛雲

悠悠片影楚江涯
漠漠輕陰傍釣家
乍逐渚烟籠草色
還隨灘月隱蘆花
風吹

西野集

卷八

四

暝靄收殘雨
日絢晴暉帶落霞
幾度雁歸迷宿處
數聲嘹唳隔寒沙

徐亭烟樹

東湖老樹拂晴雲
樹裡空亭識聘君
鶯囀綠陰初過雨
鴉啼涼影半斜暉
誰懸木榻延高士
空致生芻吊古墳
千載高風遺像在
令人懷仰挹清芬

滕閣秋風

客登高閣出洪州
佩玉鳴銮帝子遊
護有文章傳勝事
更無賓客宴清秋
綺羅香逐浮雲散
絃管聲隨逝水流
莫向畫圖看蛟蜃
夢來何處問莊周

鐵柱仙蹤

冶金爲柱出神功
長鎖蛟螭在此中
迥壓鴻龐消蜃氣
直臨滄澥鎮龍宮
江波噴浪掀鼉鼓
地脉勾連八索雄
萬古旌

西野集

卷八

五

陽遺跡在蓋珠樓
觀勢凌空

洪崖丹井

聞道堯時一老僊
燒丹鑿井不知年
長因洗藥浮香氣
偶爲開爐泛瑞烟
靈液晝凝封寶鼎
神光夜發照寒泉
誰能嚙漱通僊術
凡骨飄飄比蠅蟬

章江曉渡

月落西山歇曙天
渡頭人語古城邊
鐘

一聲香霧隔江成
帆影參差隔浦船
幾度
蘼蕪深夕露
萬家楊柳
晴烟年年過
客頻來往
誰復東流嘆逝川

龍沙夕照

晴沙如雪照斜暉
一望川原夕靄微
霜落空林秋葉下
天連遠水暮帆歸
殘烟漢漢孤城閉
極浦蒼蒼一雁飛
自是江南多勝槩
此中風景世應稀

西墅集

卷八

六

南昌古蹟十詠

瀟臺墓

聞道南遊竟不回
城門題字有瀟臺
楚鄉耆舊知遺跡
魯國衣冠識雋才
廟貌千年存俎豆
孫墳三尺翳蒿萊
斬蛟毀壁真奇事
青簡流傳莫謾猜

灌嬰城

章江南面有荒城
千載猶傳漢將名
狐

宿斷垣春草合
鴉啼古堞暮烟生
風雲暗想精靈聚
茅土長垂竹帛榮
獨有離離霜後樹
還如赤幟繞行營

梅真觀

金鐵為飛事不虛
遠臣憂國意何如
丹心誓歆扶宗社
青史空令錄諫書
蕊殿曉開仙尉宅
鸞輪夜集羽人居
吳門蹤跡應難候
華表秋風鶴夢餘

西墅集

卷八

七

葛仙壇

片石空餘斷蘚青
何年飛佩入蒼冥
巖前花發春長在
澗底泉流洞不扃
寶鼎虹光藏秘藥
玉床龍氣護仙經
懸知此地修真者
時掃寒雲夜禮星

投書渚

爭傳皂蓋赴皇州
錦字泥緘托去舟
懶與世人通契闊
任隨流水自沉浮
萬金

杳杳淪波底一棹翩翩出石頭却笑
函猶自達當時誰作置書郵

寫韻軒

暫拋金錄別群僊還結人間伉儷緣
瑤草忽迷溪上跡碧桃空發洞中天
綺疏絢日通琳館彩筆含雲拂錦牋
一夜月明聞虎嘯不知清佩隔風烟

繩金塔

西墅集

卷八

八

地藏舍利隱金繩百尺浮屠試一憑
雲裏高標驚過客月中孤影伴殘僧
風傳鈴鐸和朝梵星繞闌干雜夜燈
向夕始知臨眺久蒼蒼烟樹入鍾陵

浴仙池

不向瑤池醉錦筵却從下界戲清漣
水壺影浸芙蓉露玉鏡香涵翡翠烟
白鶴已隨仙骨化青娥長得世人憐
春來水

西浮萍發猶似靈風墜翠鈿

陳陶宅

亂藤高竹翠交加此地曾聞處士家
萬古詩名華宇宙一函清骨闕烟霞
荒山寂寂啼寒鳥遠樹蒼蒼集暮鴉
惟羨當時心似鐵行雲空自擁蓮花

蘇公園

西墅集

卷八

九

門巷蕭條碧草生楚鄉何處可逃名
灌園久已忘機事賣履寧慚混俗情
豈爲故人居鼎鼐謾勞使者扣柴扉
明朝更擬移家去回首浮雲脫展輕

儲湘八景

儲湘烟樹

洲南湘北樹青青往日吾伊樹裡聽
黛色繞簾吟正寵綠陰满地醉初醒
黃鸝隔葉藏金羽白鳥眠沙映雪翎
最是春

來疑好半空飛翠曉冥冥

江墅寒泉

曾聞先世此懸車別業幽閑樂有餘雲
氣連山常帶雨泉聲隔竹自通渠春隨
泱泱穿花早晚汲清冷淪茗初此日尚
存當代勝平泉草木遂成虛

龍潭晚釣

崆峒山下瀉清流長繞幽居足釣游暮

西墅集

卷八

十

雨半竿橫蜃氣夕陽孤棹入龍湫數聲
欸乃天光暝一曲滄浪鏡影秋兩世一
門俱顯宦虛疑此地有羊裘

吳興記吳春望

席塘烟霧水色山光入眼迷樹
密或通盤谷路花深疑接武陵溪一番
細雨聞鶯語幾度輕風散馬蹄堤上至
今喬木在有人通籍向金闕

中陵晚翠

中峯巒翠數峰連黛色空濛正曉天幾
疊芙蓉深滴露萬株松栢遠含烟勢凌
嵩嶽晨光迫氣接扶桑霽景鮮畫錦幾
回榮故里料應挂笏思悠然

雙壠筠陰

種得篔簹舊滿林四時秀色迫蕭森窻
含雨氣琅玕潤路入烟光翡翠深蒼雪
墮時秋渺渺綠陰飛處晝沉沉後凋底
用論松栢惟有水霜識此心

墨沼晴波

池頭春水綠成文幾度臨池憶右軍雨
過平沙窺鳥跡雪翻驚浪起鷺群天光
倒浸三竿日鑑影長涵一片雲料得乘
閑情興發鸞牋揮洒對斜曛

西墅集

卷八

十一

諸峯層疊倚層臺
穴尚餘銀錯落林巒相映玉玲瓏
山家寂寞門還掩樵客依微路漸通
莫道灞橋詩思好此中清絕意無窮

一 泰和山八景

天柱凌雲

岩堯大嶽最高峰屹若擎天一柱雄
氣接金莖分夕露勢同玉笋插晴空
危峯

西野集

卷八

十二

半出星辰上絕頂孤撐霧靄中
不用鸞輪周八極憑虛一覽思無窮

玉虛環翠

玉虛樓觀隱仙靈四面峯巒擁畫屏
松逕晚陰山霧黑芝田春暖野烟青
瑤臺鶴去風聲遠石洞龍歸雨氣腥
遙想雲車來往處碧霄涼冷夜冥冥

龍披霧

五龍宮闕鎮天湫往日龍君此處遊
捧祥雲通北極還為甘雨沃西疇
蜿蜒尚想隨鸞馭慘澹猶疑結蜃樓
神物化時何處問滿山涼葉亂吟秋

九渡鳴泉

派出仙源徹底清寒裳九渡聽波聲
紫巖乍覺跳珠亂濺石長疑碎玉鳴
鴨綠微茫通漢沔虹流滉漾接蓬瀛
幾迴欲

西野集

卷八

十三

逐漁舟去恐有胡麻泛水輕

南巖峭壁

南巖屹立勢崢嶸萬仞凌空玉削成
翠壁潤含蒼蘚合畫屏晴落白雲輕
飛來鴻鵠應難過欲度猿猱謾自驚
料得直仙時到此月明碧落有歌聲

紫霄層巒

紫霄宮闕枕危巒露濕芙蓉黛色寒
萬

浮嵐通窈窕半空峭壁聳巔巔雲霞
多向中峯出星斗疑從下界看定有飛
僊凌絕頂洞簫聲裏夜乘鸞

雷動發春

青陽振蟄暖初回殷殷遙聞洞裏雷霹
靂自知隨候應砵訇長是被春催推車
暗覺驅雲去振鼓旋驚挾雨來欲訪靈
湫何處百幾回不敢傷嚴隈

西野集

卷八

十四

瓊臺霽曉

縹緲瑤臺絕點塵憑高霽色望中新扶
桑影動半峰曙瑤草香生幾洞春松露
滴殘驚鶴夢海霞飛散見烏輪懸知夜
禮星辰後長聽金雞又報晨

香閣十詠

黛色顰眉

閑情千種在眉頭長蹙雙蛾倚畫樓細

柳帶烟含暝色遠山凝翠鎖春愁
隣里偏嫌醜畫就閨房強忍羞誰似孟
光長舉素鏡中八字謾風流

玉頰啼痕

春來長是惜年光泣向東風淚兩行半
濕胭脂霞作暈微沾殘粉雪生香每看
應粧應先墜閑捻絞綃只預防幾度梨
花春雨夜暗隨殘漏滴更長

西野集

卷八

五

粧奩寶月

樓頭新月照銀潢重整殘粧出洞房珠
箔暫開瞻素魄金蓮移步近清光水沉
香冷知風細雲母屏空怯露涼再拜階
前還細語何時出鏡照鵲凰

倚檻折花

朝來梳翠綠雲鬟行傍花邊意態閑
滴銀香沾翠袖月照嬌羞紅顏

嫩蕊偏憐摘細認高枝
襟尤未歇隔簾時意蝶飛還

金錢問卜

鱗鴻杳杳隔天涯
偷擲金錢掩綉閣
遠信莫勞占喜鵲
佳期須是卜靈龜
含羞祇恐傍人見
細祝尤防侍女知
爻象分明開吉兆
芙蓉花發定歸期

粧樓乞巧

姍姍新月照蛾眉
海上流酥五色垂
謾把蜘蛛占喜事
却驚烏鵲赴佳期
露侵寶鼎浮烟細
風裊金鍼度線遲
巧性從頭煩乞與
此生百事總相宜

金盆浴髮

翠鬟漸解近粧臺
洗髮金盆映玉腮
翠霧泛漪絲影動
綠雲沉水素紋開
乍疑洛浦凌波去
還訝巫陽作雨回
重挹金

鴉勻粉黛背人臨鏡又徘徊

碧窻春夢

碧紗如夢掩香閨
萬恨千愁意自迷
乍逐行雲經楚峽
還隨明月到遼西
翠衾香冷成蝴蝶
玉漏聲殘怯曉雞
覺後忽驚鴛帳悄
枕邊空有數行啼

綉屏凝思

蹙綵盤金奪眼明
倚牀無語不勝情
紋隨別意千迴轉
線逐愁腸九曲縈
羅帕淚沾青袖濕
翠絨香透碧紗輕
停鍼何事添惆悵
惟恨鴛鴦綉不成

寶鏡勻粧

繡奩開處動清光
拭粉調朱倚象床
齒落映波紅臉潤
薔薇和露髮香不教眉黛勞
京兆還許花鈿學
畫陽金雀翠翹都插遍
却移蓮步出妝房

停梭就枕

春宵苦短日偏長拋擲金梭入洞房一點芳心迷蛺蝶萬般離思逐鴛鴦雲鬟輕襯珊瑚枕粉汗濃沾玳瑁床只恐黃鸝聲喚醒夢魂不得到遼陽

春思

鶯啼燕語畫樓東簾日輕雲護綺櫳香篆暖飄烟縷碧花房晴滴露珠紅纏綿

西墅集

卷八

十八

客思王孫草搖蕩春光少女風暗想多情惟落絮時時飛入翠簾中

鞋山

重湖深處露嶙峋弓樣裁成一曲勻沙草翠鋪羅襪潤野花紅襯綉紋新圮橋墮處偏臨水葉縣飛來不染塵若是浪珠頻濺石更疑上客在春申

清陵臺

玉顏播泣向羅帏夫婿恩深不敢違琥珀枕寒春夢斷鴛鴦被冷夜魂飛千年老樹空連理百尺荒臺自落暉却憶女墳胡上路可憐韓重亦同歸

戲馬臺

繞堤春樹翠重重項籍遺都有舊蹤城外高臺空戲馬沛中佳氣已成龍英魂割據青山在霸業銷沉碧蘚封此日經

西墅集

卷八

十九

過倍惆悵亂鴉啼散晚烟濃

燕子樓

樓外雙旌去未歸樓中寂寞減容輝合歡枕冷愁長在織錦機寒恨永違青鏡自嗟鴛鴦獨舞畫梁無復燕雙飛只今艷骨成塵土空有行人吊落暉

奉和胡祭酒雪竹之作

雪深庭竹曙光寒覆葉凝梢凍不乾清

響入林樵玉佩素花飄徑照琅玕
鶴望扶筇去已勝龍沙仗節看莫向尊
前栽玉笛梅花吹落滿長安

半竹軒

瀟洒軒居足自安半鋪碧玉半琅玕
分霧氣驚鶯合門掩秋聲翳翠寒銅雀
覆雲生筆下玉龍噴雨落雲端幾從前
席瞻淇澳絕勝黃州往日看

西聖集

卷八

三十一

蘭桂雙清為蕭璋璣連璧題

幽居瀟洒足吟情蘭桂聯芳日向榮金
粟夜香通月窟翠蕤春色上雲屏廣寒
有路疑天近楚畹無人識地靈遙想捲
簾秋似水填麝長奏挹雙清

又

乾坤一氣本同清巖桂庭開擬德馨滿
室春風香澹淡一枝秋色露泠泠絕勝

紉佩遊湘浦渾似乘鵩到廣庭六一橋
西洋水北相期長駕友于情

題劉郡博陟思樓

百尺闌干倚碧天高樓一望思悽然四
時蘋藻傷春雨十里松楸鎖暮烟肯構
祇應懷舊德憑高長是泣新阡幾回臨
眺空惆悵矯首西風落照前

讀周氏兩賢傳

西聖集

卷八

三十二

汝南人物盛才華孝義爭傳第一家夜
雨不飄丹素子春風重發紫荊花鴈行
分散天應遠鵬鳥飛來日已斜不用招
魂吟楚些鳳毛五色總堪誇

又

骨肉情深誓不違一身嬰難鐵為衣不
辭萬里投荒戍終見孤墳對落暉義膽
肯隨沙草化英魂長傍野雲歸殷勤莫

致生芻蕘江海茫茫只雁飛

鴻臚寺楊卿思親堂卷

自是難酬罔極恩獨憐事死若生存庭
闈寂寞違三釜霜露淒涼隔九原曉殿
總看簪紱貴夜臺應想漆鐙昏詞人正
此歌遺德奕世餘波及後昆

題士偕分祿養親卷

外臺風彩羨能官遠道雙親欲養難幸

西野集

卷八

三

際聖明崇孝理許分祿米奉餘懽觴浮
蟻蟻開銀甕繪縷冰鱗薦玉盤却嘆仲
由親在日負來百里給晨飧

華萼集與弟憲副鼎詩十五首

舊業青氍闥閱崇科名幸爾亢吾宗譜
傳東魯先賢後家住南唐舊社中一曲
驪駒愁對酒九秋鵬鶚盡橫空觀風正
好詢遺跡百二河自古雄

又

都門祖餞歲將闌把酒臨岐不盡歡馬
首去逢燕雪霽鴈行飛度隴雲寒兩京
夜雨連床久一道秋霜攬轡難若到春
來池草綠日邊有客夢長安

又

一官曾歷古咸京宦道分携謾自驚春
草池塘勞遠夢夜床風雨憶離情田園

西野集

卷八

三

荒落成何事江海驅馳愧此生回首白
雲家尚遠心隨片影亦孤征

又

相見星霜六換餘江南風景近何如松
楸已遠猶供祀宗族多貧尚讀書久別
鬢毛侵暮景乍逢骨肉慰離居對床未
盡鄉園事禁漏催朝五鼓初

又

宦路東西會面稀
都城相見復相違
持憲鄴辭天去獨
挂征帆帶雨飛為
客
豈堪千里別
夢家應向故園歸
秋來何處遙相憶
鴻鴈聲中月滿衣

又

外臺佐憲屬重遷
昔別那知又五年
共荷萊蕪遺舊德
敢將華萼廁時賢
慣騎驄馬朝天路
忍聽猿聲上峽船
賴有清

西聖集

卷八

廿四

名兄獨信至今未識益州箋

又

半月纔過便覺衰
每因離別益堪悲
正當官路重逢日
况是親喪未盡時
舊業幸聯龍席榜
新愁忍誦鶴鴒詩
明朝把袂都亭後
回首雲山總是思

又

遠持憲節上京畿
忽報承恩見下

路久經枚乘宅
過家還著老萊衣
每為聞猿斷鄉信
多因見鴈稀
想到鰲塘秋正晚
西風輕颺布帆飛

又

宦轍駟馳會面稀
可堪又送錦城歸
門日出驪歌促
劔閣雲深鳥道微
桑梓共憐先業在
頻繁遥惜故鄉違
秋來轉覺離情切
萬里心隨一鴈飛

西聖集

卷八

廿五

又

別離易久思依依
况是秋來見鴈稀
自歎萍蓬多浪跡
誰云華萼有光輝
玉堂金馬承恩舊
冬笋冰魚與願違
還憶去時分手處
蕭蕭風雨暗郊畿

又

一望西川萬里情
可堪衰病客咸京
翻思往日連枝會
忍聽清霜落葉聲
天際

雲空在望鏡中華髮自堪
少池塘夢應解隨風到錦城

又

別來荏苒幾霜餘此日重逢在客居楊
柳烟深新暑後菱荷風澹乍晴初且揅
聽雨傾銀甕共喜朝天拜玉除衰老乞
身須及早擬尋舊業結茅廬

又

莫向尊前唱渭城老來離別最傷情江
南渺渺孤舟夢嶺外迢迢萬里程驄馬
曉嘶霜氣肅鱈魚夜徙海潮平到時應
及春初候先報京華白髮兄

又

都亭涼葉顫秋風相送臨分思不窮別
跡且須停曉騎離絃不忍寄秋鴻梅花
夾道臨關外柳葉連山到粵中嶺海澄

清應有待襟期當與古人同

又

泥滑征夫未得行鵲鵲歌罷動離聲誰
知風雨重城外便隔巴江萬里程

燭

曾於鴻寶識神方長送清輝入洞房心
到成灰辭綺席花如吐艷妬紅粧盡屏
掩月兼秋冷紫陌朝天襍曙光幾度似

應憐遠別向人深夜淚成行

蘆花被

展絮披綿淺水潯摺來輕暖襯為衾夢
迴疑帶行雲濕醉後寧知積雪深綈榻
寒香波渺渺滿腔春意夜沉沉清貧不
學公孫詐惟有漁翁識此心

鏡中燈影

寶炬星垂灤影圓晚粧勻黛未成眠

暖沁金爐永綠水清涵玉井蓮誤遣
蛾尋紅焰撲長疑犀向碧灤燃冰輪澗
漾晴光動翻訝驪珠未出淵

鶴骨笛

華表雲歸晚獨留裁成玉管韻悠悠數
聲去罷青田曉一曲吹殘赤壁秋律呂
乍調驚羽化宮儀遙度想仙遊揚州去
後知音少且共桓伊更倚樓

西野集

卷八

廿八

禁中聞鶯

枝上金衣絢絳霞好音曾似惜年華千
門聽徹春皆徧百轉聲餘晝不詳睨睨
每依長樂樹綿蠻多傍上林花物情自
解遷喬意願和蕭韶入帝家

觀內廐馬

繡勒珠璣百寶裝夫閑十二見飛黃行
驂驚輅陪仙仗漸過龍樓識御香玉轡

按時經細柳錦絲控處獵長楊虎文
臆真無匹浪說周家八駿良

玄兔

傳聞三穴久儲精日啖玄霜異質成八
竅總含蒼露濕一身斜軀黑雲輕行來
青瑣應難覓立向瑤階却盡驚自是太
平多瑞物願隨毛穎詠干城

白燕

西野集

卷八

廿九

烏衣何以表衣鮮月落空梁愁自憐柳
絮池塘棲更穩梅花院落語空傳舞回
掌上珠流彩飛倦人共妍還想佳
人裁錦罷一雙銀

睡燕

啣泥飛倦往來頻消息雕梁不動塵寤
寐只憐巢未就呢喃無復語相親魂驚
猶恐吳宮火夢斷荒涼幾度春

衣非故國幾隨莊蝶問歸津

玄兔二首

月華星彩毓珍奇兩度西來貢玉墀八
竅總含蒼霧濕一身渾帶黑雲垂吐生
定是從玄圃渴處多應向墨池頻首天
階欣快覩宛同神禹錫圭時

又

中山衣褐舊知名西夏今看瑞質呈墨

西墅集

卷八

三十

色未應恣月孕玄文真是出天成獻時
黑玉充庭異行處烏雲點地輕幸觀嘉
祥無寸補願揮毛穎頌昇平

蟬

性潔應知飲露清翠綃為翼蛻來輕高
槐殘雨淒清韻踈柳斜陽斷續聲逐鬢
巧添歌女媚製冠偏助上官榮長吟不
獨能驚夢更恐秋來動旅情

蝶

粉白檀黃染翅妍尋芳多在早春天留
連草色雙飛過貪戀花心幾度穿莊子
夢中時栩栩滕王筆下更翩翩晚晴擬
逐園蜂去又被鶯梢到柳邊

螢

輝輝無焰復無煙腐草逢秋火獨然金
井露寒光不滅盡簾風靜影頻穿隋王

西墅集

卷八

三十

苑裡明珠翠車衛囊中映簡編何事却
驚羅扇撲夜涼飛過玉階前

立春日忽憶兩京梅發時分韻得

梅字

九重佳氣藹蓬萊一夜春從禁裏回御
苑綠幡金作柄內筵瓊醴玉為盃寶爐
香散陽和動銀燭光分曙色開共喜迎
新沾聖澤况逢吟興足鹽梅

頻夢

異果曾因釋老知
喜看佳實出京師
芳腴絕勝千林杏
甘脆全過大谷梨
黃帝遺書慚未錄
長卿多病獨相宜
由來南土無人識
那得靈根此處移

七夕

年年織女渡銀河
烏鵲橋邊此夕過
天上莫云懽會少
人間更是別離多
清光

西墅集

卷八

三十三

漸滿金臺月
涼氣初澄太液波
瓜果庭前呈盛事
綵樓乞巧夜如何

中秋分韻得多字

乘月歸來散玉珂
又經佳節客中過
清光初上金鑾殿
素影先澄太液波
萬里關河秋氣迥
九霄風露夜涼多
廣寒有路知天近
曾聽霓裳第一歌

冬至喜暖
和梁贊善韻

灰浮改管一陽生
殘雪初消節後晴
日添長宜刺繡仙
韶迎暖漸調笙喜
載筆歸東觀更欲移家住北京
應是來天氣暖隔牆絃管送春聲

巳丑除夕作

年年客裏逢除夕
此夕金臺歲又除
爆竹屢喧清坐久
梅花初獻半酣餘
春回北看新曆家在江南憶遠書
奏賦未

西墅集

卷八

三十三

能叨扈蹕獨憐多病似相如

除夜有感

幾載京華度歲除
每因時節念鄉閭
身依北闕追趨久
親在西山定省疎
臘酒漸澆鄉思苦
夜燈相對客愁孤
眼前兒女供歡笑
說着庭闈解憶無

七言絕句

雄縣

雲開遠見七雄山策馬微吟度古關
說三臺今盡廢連天芳草夕陽殘

江北作

幔房初下解征驂迎駕從容輦轡南中
使殿頭宣聖旨百官戎服許朝參

過河間

迢遞孤城接大荒斷烟芳草半淒涼要
知禮樂遺風在故老逢人說獻王

聖集

卷八

五

小時曾讀河間傳今日親從此地過莫
怪道邊頻駐馬欲詢民俗近如何

又

滿城霜草白紛紛婦女蓬頭繫布裙自
是唐時風俗薄至今傳說柳州文
將至符離馬上作

日暖風甜雨乍晴野塘隨處有蛙聲沙
乾馬足多輕快望見黃茅又一程

城遙隔片雲間烟草微茫落照殘馬
上忽看青一髮行人云是宿烟山

渡淮

龍輿乘月渡淮河向北風沙覺漸多野
市日高初驛起不知車駕曉來過

又

畫船紅板造為梁兩岸沙堤御路長望

入五雲行在近乘輿今夜幸王莊

渡薄沱河

河水未合水溶溶漢騎臨流計已窮自
是中興天已定不須王霸更論功

又

新築沙堤輦路遙晚隨仙仗度河橋漢
家不用論水合翠輦春凍自消

過任丘漢平遣將軍任丘築城於

此遂名邑城南有石曰一沙門
白至寺中曰為之流血乃止

舊說山城隸莫州邑人能道漢任丘當
年石曰多神異纔見沙門血迸流

又

腰褭頻嘶輦路風黃旗朱戟慢城中日
斜仗外宮車過行殿西頭看掛弓

滌陽

西墅集

卷八

三六

長堤烟柳接平蕪山遶孤城水遶渠欲
與滁人詢往事不知能道醉翁無

又

翠華冉冉度崇河夾路燒香候輦過父
老出迎呼萬歲駕輿巡幸太平多

夾溝

東風吹暖柳絲柔十里青山繞夾溝馬
上逢人相借問計程兩驛到徐州

高塘

會稽縣女在高唐此地名同似楚鄉欲
賦成空想像獨憐宋玉擅詞章

又

人煙城市半蕭疎猶有風流似昔無借
問清歌誰第一細聽父老說縣駒

自恩縣曉發僅一舍許道傍村民
十餘家結屋榆林中路逕幽邃風

西墅集

卷八

三七

沙絕而井水清冽門外杏花盛開
間有桃李蓋自江北以來僅見此
境疑非人世為之徘徊留騎而去

黃沙如霧撲征衫却望人家亦解驂忽
見杏花紅滿樹令人回首憶江南

又

佳境渾疑隔世塵土垣茅屋接比隣自
知過客非崔護只見桃紅少見人

又

一樹梨花間杏花却疑殘雪映彤霞北
來何處尋春色得似村居有幾家

又

花底移床傍石闌呼童飲馬解征鞍居
人不敢詢名姓知是南來扈從官

鳳陽道中

皇朝陵墓枕山河太祖常時翠輦過歎

西墅集

卷八

三十八

問當年王業在里中父老亦無多

又

東南瑞氣靄氤氲盡是龍成五采文此
地從來多王氣驚興行處擁祥雲

瀛臺

河間名郡古瀛洲百尺荒臺枕碧流每
為廢興多感慨不因爲客有窮愁

又

捲荒城一曲迴波心照見古瀛洲

人行樂風流盡春兩年年長綠苔

江亭勝覽

開來拂石坐亭陰碧水澄澄見我心一
曲滄浪一杯酒笑看明月上疎林

望芒碭山

馬上看山客路遙眼中芒碭巒嵒堯賞
時雲氣都消盡萬里山河屬聖朝

西墅集

卷八

三十九

望嶧山

登山刻石是秦時當代文章說李斯未
得登臨最處摩挲苔蘚讀殘碑

又

嶧山東望正蒼蒼遠樹荒烟接渺茫石
上孤桐隨處有行人空愧蔡中郎

劉曾西墅先生集卷八終

曾西墅先生集卷九

德清吳期炤編輯

南昌譚文隆

靖安徐肯播全校

信豐黃燿

贈送律詩

喜蕭時中狀元及第

鄉交曾掄宋殿魁廬陵文運喜初回九

西墅集

卷九

重天上承恩渥八十人中識俊才
蠹簡幾年窺夜雪龍門一日震春雷
行人若向青原望定有虹光燭上台

和姚少師廣孝見寄

名在公孤第一人烏紗白髮照青春
平生詩格劉公幹晚節風流賀季真
袍賜麒麟紅錦麗詰頒鸞鵲紫泥新
身閑燕坐清如水始覺靈臺絕點塵

胡祭酒宅飲葡萄酒席上作

蒲萄新釀出涼州對此還思博望侯
馬乳香分銀甕暖驪珠光瀉玉壺秋
綺筵夜醉頻燒燭錦帳春生罷擁裘
翻笑老農耕作苦年年種秫滿西疇

贈邊將

龍驤新拜漢將軍破敵威名塞外聞
夜襲虜營衝雨雪曉占兵氣候風雲
珠旗映暖千山色玉帳晴連萬馬群
自古幾人通將畧只今衛霍有功勲

西墅集

卷九

房憲使于靖蒙恩得釋見過賦此
奉呈

九重恩詔出黃麻殷網疏時兩髮華
漫道蒼蠅污碧玉終今白露老蕪葭
宦遊幾度承驄馬旅食重城聽曙鴉
舊佐藩維還有待不教歸種邵平瓜

九月十八日同襄城伯李公先

南京舟中表簡

曾於玉帳識先公此日乘舟李郭同兩
葉金貂承雨露三秋畫鷁駕天風謝玄
膽氣終摧敵班前軍聲屢破戎自是將
門多俊傑坐談經畧滿胸中

得周編脩書兼東東西兩京諸同

年

西豐集

卷九

三

別離易久覺情跡旅舍幽閑嘆索居遠
客每勞千里夢故人初寄一行書滿城
山色晴雲外近海潮聲過雨餘禁裏昔
年同學者班楊子八字竟何如

早秋寄鄭紀善孟宣兼呈

王中美先生

昔年相見二毛初此日星星鬢已疎官
舍每看臨法帖
廷還校進呈書兼葭

白露經霜後沙草黃雲落照餘聞說

時王太使好官新拜曳長裾

張真人宇清別後於舟中作山水

小景見寄賦此奉酬

仙舟杳杳去乘風遠道緘書附五童乍
見烟雲生眼底懸知丘壑出胸中兔毫
染處水侵硯鸞毫拔時雪掩蓬南望洞
天應不遠石房丹氣出林紅

西豐集

卷九

四

贈戴司訓昇實授謝恩還嘉興

爐煙輕颺染朝衫新授儒官舊署衙遠
謝天恩趨禁闥還辭日表促歸帆孤鴻
欲奏難為別雙鳳齊鸞自不凡想到泮
池清興足綠芹香滴水如藍

懷王檢討備時從英國公南征

牙旅玉帳去翩翩籌策今今美獨
夜三堂通小掖路似銅駝入校

未說張油樂破賊頻看草檄傳早晚
荒氛侵息鎮夷關外凱歌旋

和劉僉事乃父却綿

親老無懷喜懼年外臺先致禦寒綿絕
勝蠻俗惟縫罽肯學貧翁獨荷種夢覺
恍看晴雪墮醉來疑擁白雲眠不將口
體污清官却笑何人食萬錢

訪宿州太守不遇次王脩撰時彥

西墅集

卷九

五

韻

繞堤官柳拂時沙步入孤城日已斜
上六龍初駐輦郡中五馬未歸家興闌
猶對芳樽酒坐久頻燒夜燭花自嘆江
南羈旅客醉來忘却去程賒

訪趙司業話舊

曾隨鳬舫下青冥晚向成均校一經六
館生徒沾化雨兩京人士識文星河陽

舊日花皆滿薊北逢春草又青樽酒
論相慰籍莫將踪跡嘆浮萍

和胡祭酒新居之作韻

移居近向幽偏處雪繭霜毫得句新門
對西山添爽氣地連上苑隔鶯塵晴明
舊見堂繡集美化曾聞邑雉馴莫謂客
懷多寂寞東風桃李滿門春

寄紀善仲隆江先生

西墅集

卷九

六

遠承王輦奉宸遊喜得音書自潞州白
首去家成遠別丹心報國故多憂山從
寧晉連天起水向汾河入海流莫謂宦
途千里隔時時尺牘慰離愁

寄習郎中

昔年遊宦滯炎荒晚歲承恩鬢已蒼葉
縣飛鳬懷茂宰漢宮題柱憶仙郎春城
貫酒看花遍曉殿趨朝聽漏長未得過

從常款語相思咫尺愧同鄉

寄趙公復

江上梅花映酒卮別來還憶十年時
銀床碧水陳遵轄玉筍青山謝朓詩
湖海舊遊心尚在風霜暮景髻先衰
兩京迢遞書難寄况未逢秋鴈到遲

寄黃少保

錦袍玉帶照鄉閭還見庭中彩服趨兩

西墅集

卷九

十

世官階同一品四朝人物共三孤
鳳城依約牽魂夢鴈蕩微茫入畫圖
試問香山蕪洛社有誰父子似公無

贈張子貽

張公一生襟抱清遺我新圖無俗情
雲消雨止山色淨木落江空波面平
誰家茅屋孤村遠何處漁舟一葉輕
我欲投簪從此住還結滄洲鷗鷺盟

早秋寄李一夔

丹書遠召別林立白首為儒歎滯留
未綰銅章渙寸祿還持玉節到諸州
楚天虹影收殘雨吳苑蛩聲報早秋
莫調鷹隼周終不遇且將孤劍客諸侯

寄杜觀

癸未塲中最少年只今相見重相憐
宦遊濟上三千里家住城南咫尺天
經學

西墅集

卷九

八

一早魁鄉貢榜才名不負廣文瓊
長楊有賦終能奏早晚雲霄看著鞭

和畦樂梁先生病中示子

相思遠隔楚天隅習隱澄江舊卜居
祿養也知隨處好愛閒頗覺到城隸
能詩對酒才應健扶老加飡病已除
令子玉堂懷觀省兩京傳錄寄來書

又

過遍天涯憶問安開緘頓覺旅秋寬柳
依門徑看猶在筍熟隣家醉亦食快閣
暮鍾江上起薊門春樹雨中寒報書早
晚還家日白髮高堂自把看

月下有感

一門骨肉總關情萬里飄蓬愧此生翁
撫諸孫留故土妻孥弱女滯南京一身
無定同雲影三處相思對月明欲寫鄉

西墅集

卷九

九

書空忍淚臨風沾洒易如傾

輓胡學士

海內儒魁仰俊髦平生文采映東曹張
依楓陸天顏近暗想花輓日影高鳳閣
每驚鈴索動龍沙曾從屬車勞青綾臺
斷天風冷塵滿盤鵬舊賜袍

又

內相曾推陸贄賢瀛

步領群仙上

書玉闕多焚草退直金鑾獨賜蓮一代
文章歸彩筆九重綸綍賁黃泉朝來旅
觀都門道忍聽西風雄露篇

挽黃通政

早登青瑣美才賢四牡驅馳屬壯年萬
里又為銅柱史九原竟作玉樓仙宦情
已付槐柯夢哀此空歌薤露篇自是銀
臺分職重好將遺德表新阡

西墅集

卷九

十

挽周友直

鶴書徵起自英年忽負奇疴竟不痊曲
突無恩人共惜蓋棺有恨世空憐薊門
夢草經春兩文水松楸積暮烟莫嘆為
儒無寸祿至今清譽幾人傳

輓李士文

憐君三卜擅醫名處處人家識宋清聞
闕天高虎薦刺龍沙雪滿信歸旌知

丹杏裁能遍豈料黃芽養未成多少負
病皆缺望聞歌蒿里盡落纓

哭鄭博士孟宣

宦遊江海髮成霜晚歲聲華動帝鄉分
職共推秦博士能書不愧漢中郎家臨
閩海關山遠賦就梁園翰墨香猶恨旅
魂招不得九京霜露轉淒涼

挽袁柳莊

西野集

卷九

十一

早從滄海卧烟蘿晚向金門振佩珂鶴
怨援驚為客久虎頭燕領關人多懸車
祇想蒲輪寵執紼俄聞薤露歌猶有承
家賢令子鳳凰池上沐恩波

悼亡女

少小相携歷兩京還家喜見長初成嫁
時未暇論豐儉別後那知隔死生萬里
關山空入夢百年骨肉最鍾情誰憐父

母肝腸斷老淚縱橫似雨傾

送陳大參赴任

湖湘諸郡屬雄藩此去重臨衆所尊薇
省盛名從昔著棠陰遺愛至今存關河
不憚風霜苦霄漢長懷雨露恩白首相
知憐遠別滿襟離思豈堪論

送赴南臺

昨夜西風到薊門繡衣南去獨承恩喜

西野集

卷九

十二

看獬豸裁冠冕還詠離駒對酒樽桓典
盛名應復振江淹別恨豈堪論朝來欲
賸無瓊玖惆悵臨岐愧贈言

送高陽令呂蓋宗

闕下逢君屬暮春明朝又是別愁新金
臺晴日雙鳬影紫陌東風疋馬塵楊柳
半青遙送客蘼蕪初綠重懷人高陽還
似中牟好滿地桑陰野雉馴

送張元懋歸江南

知爾新來自故鄉，都城相見醉壺觴。
遠遊薊北瞻天闕，歸向溪南問草堂。
金臺芳柳綠雲開，巫峽碧天長。
到家從祖應相問，煩道灤陽似渭陽。

送鄒永恒

遠客金臺憶故園，別情羈思不堪論。
清江碧嶂家千里，細雨紅亭酒一樽。
燕谷

西墅集

卷九

十三

陽和先德在吳塘，文獻舊書存鄉人。
若見詢京國多士，如雲集禁垣。

送醫者劉宗祐歸永豐

遠從天仗出時巡，行在朝朝拜紫宸。
飄泊正憐遊宦客，別離况值故園人。
杏花開遍江南雨，榆莢花殘冀北春。
遙想燒丹尋舊處，壺中樓閣寄閑身。

送大學生鄭力父歸鄭為狀元母

舅

一望三山去路賒，新年歸旅照梅花。
柳條青處初辭闕，荔子黃時定到家。
春雨九京詢舊壠，夜燈六館夢京華。
渭陽一曲勞相送，林氏諸甥此最佳。

送聶大年使永昌自陝西使回至行在復還南京

秦關百二古山河，使節應從幾處過。
喜

西墅集

卷九

十四

賦皇華歸鳳闕，還開湘席唱驪歌。
檣帆杳杳趨京遠，風雨蕭蕭入夏多。
若見鄉人應借問，兩都詞賦屬鑾坡。

送呂僉事赴山西

昔年持斧豫章城，總謂乘驄衣繡榮。
江右諸生歸妙選，部中黎庶識清名。
風霜搖落丹心在，湖海飄零白髮生。
西去大行官舍近，栢臺還似舊時清。

送彭巡檢子韶赴關清兼示先

舍弟

送君南去片帆歸五月薰風白紵衣路
繞閩山征騎遠月明蠻徼邏兵稀桄榔
綠暗經殘雨荔子紅垂映落暉小弟彬
關煩寄語客心長伴鵲鵲飛

送陳司封使哈烈

旌旄翩翩拂曉霞遠傳天語度流沙據

西墅集

卷九

十五

鞍馬援心猶壯拔筆班超鬚未華路出
玉關朝仗節水通銀漢夜乘槎西行正
直蒲萄熟醉卧涼州第幾家

又

星軺此去遠人欲新賜雕裘不畏寒萬
國喜通周譯史諸藩爭識漢郎官南天
音信憑鴻寄西域山可駐馬看聖代遐
方同輦轂臨分莫歎路漫漫

送張真人宇清

龍虎真人翠霧衣爐香滿袖雪中歸曾
叅寶籙丹丘去會輾飈輪白日飛方丈
神仙歸路杳上清福地世應稀茅盈兄
弟俱仙骨何得相從悟道機

送潛御史

繡衣南去獨乘驄五月霜飛道路中頭
戴豸冠簪白筆口含雞舌到青宮御溝

西墅集

卷九

十六

影漾金鋪日花樹涼生玉殿風自是兩
京人物盛才華獨說馬周雄

送鄭御史幹致仕

白髮霜臺聽樹烏封章初上遂懸車九
重鳳闕霑宮宴五色龍光降璽書朔雪
曉鍾辭禁樹東風畫錦動鄉閭到家散
盡黃金後不調當時有二疏

送陶給事中德潤入閩

青瑣仙郎屬近臣朝朝簪筆侍楓宸
持符節辭雙闕口奉絲綸到八閩
兵衛幾回嚴簡閱皇華隨處重咨詢
海隅民俗知何事早晚封章入奏頻

送劉給事中子偉使雲南

御函黃勅紫泥香
晚帶爐烟出建章
邊徼諸軍迎使節
蠻夷六詔識仙郎
青山晚映滇池近
碧樹晴連楚甸長
莫道西

西墅集

卷九

南真萬里長安日近少冰霜

送進士傅王良玉潤南歸舉嫻

薊門晴雪照離觴
河水西流去棹長
華萼春深多向日
蕪葭歲晚獨禁霜
遠傳喜信占烏鵲
預卜佳期叶鳳凰
歸去只疑雙桂發
不知滿袖帶天香

送兵部尚書陳公叔遠出鎮交趾

南交獻凱正論功
司馬新承寵眷隆
三

受虎符參閭外兩持龍節鎮蠻中
蕭何經國會供餉裴度臨邊暫總戎
我已喜夷人歸版籍伏波銅柱謾爭雄

送胡敬方下第還南京大學

百戰詞場白髮生日華五色世空驚
老來梁灝還登第歸去劉蕡久擅名
柳外烟深籠馬色花邊風暖度鶯聲
青雲浩蕩非難遇天遣奇才獨晚成

西墅集

卷九

十八

王格先生從大軍鎮交趾賦此贈別

紫殿朝辭拜袞龍
佐戎南去荷恩濃
地連瘴海雲千疊
山繞蠻州路幾重
馬援樹荒輕漢業
高駢塔古記唐封
遐方久矣安民俗
道上壺漿幾處逢

送廖自勤

五馬翩翩錦帶垂
喜從大將鎮南夷

中草檄揮毫處座上論兵按劍時烟火
依微新井邑山川縹緲舊城池歸時暮
府才名盛幾曲鏡歌獻玉墀

送僧還天台

赤城霞彩動晨暉海上千峰合翠微身
逐片雲飛錫去心隨流水泛杯歸經翻
貝葉龍能聽松偃珠林鶴自飛想得蒲
團趺坐處天花散落五銖衣

西聖集

卷九

十九

送陳郎中重使西域六首

曾驂宛馬入神京拜命重為萬里行河
隴壺漿還出候伊西部蕩總知名天連
白草寒沙遠踰遶黃雲古蹟平却憶漢
家勞戰伐道傍空築受降城

又

龍紋御勅紫泥封玉節光華出九重三
譯慣諳胡語熟諸蕃爭荷聖恩濃雪消

烟火青海月照寒沙繞白龍此去定
知葱嶺路馬頭遙指最高峰

又

雕輪華轂擁鳴騶幾欲停鞭記舊遊赤
嶺晚雲連雪積黃河春水帶冰流旌麾
行處羅諸部金帛頒時列衆酋却笑虎
頭班定遠身親百戰覓封侯

又

西聖集

卷九

二十

玉關迢遞塞雲黃西涉流沙道路長山
遠高昌遺碣在草遮姑默廢城荒閑聽
羌笛多乘月暗捲戎衣半帶霜不用嚴
勅通譯語相逢總是舊蕃王

又

重宣恩詔向窮邊蕃落依稀似昔年酋
長拜迎張繡幌羌姬歌舞散金錢蒲萄
夜醉醺醺月驪裘晨嘶首宿烟百寶裝

珠飾鞞部人

又

西戎城郭枕遐荒一望平川百里長溪
使旌旗千騎擁蕃兒冠佩萬金裝錦幃
燦焰芙蓉毯寶石玲瓏翡翠房歸日更
陳西域記千年國史有輝光

送道士歸桃源

霞佩何年別翠岑迢迢歸路武陵深種

西墅集

卷九

三

來白石皆成玉煉就丹砂已化金陰洞
靈符應尚在仙房瑞檢得重尋桃花開
遍無人到風滿衣裳露滿簪

送進士王佑還鄉

新題虎榜墨猶香又喜承恩到故鄉禁
闕疎鍾催別袂都亭殘月照離觴家
水國吳天遠路繞鄱湖楚澤長想得
到時拜家慶輝煌綵服照高堂

送錢述兄弟之僉事任

早有聲名動帝傍照人雙壁擅文場九
重日月瞻龍袞兩道風霜見鴈行碑碣
細詢秦代客弦歌應識魯人鄉懸知驄
馬春行處雞犬聲中萬樹霜

送人下第

歷山深處昔曾遊棗樹重重澗水流
日故人身盡沒近時群季學多優春闈

西墅集

卷九

三

誤落三場卷秋雨空歸一葉舟石鼓交
游如見問為言華髮照瀛洲

送楊政之河南副使任

虎榜新題墨未乾少年文采動朝端忽
傳天語承恩重便覺霜威滿面寒身著
繡衣千里去手持玉節萬人驚此時送
客多清景蠟雪梅花照

送劉長史歸城中

早登樓夜燃藜晚向梁園賦品題
學已為今代重才名當與古人齊帆隨
烟雨離淮浦路繞雲山入會稽遙想蘭
亭脩禊後酒船長繫鑑湖堤

送段仲勉監官

鶚刺橫飛到玉京一官獨向嶺南行要
知便道辭家去絕似還鄉衣錦榮慣識
鰲波凝雪色長因近海聽潮聲懸知到

西墅集

卷九

三十三

日逢炎暑柳葉陰陰綠繞城

送黃尚書

履聲初聽出明光畫錦翩翩望故鄉
誥推恩頒絳闕龍文煥彩照玄堂榮名
不獨連滄海遺愛應知在越裳當代即
吟資舊德早思鳴佩遙駕行

送公叙編脩

上林春曉日初升騎發彭門雜景登望

秩遠稽虞二典祝辭遙致宋諸陵行
洛浦神飈度歸過嵩山秀色凝料得壯
遊窮勝覽綵毫揮處氣填膺

送弘濟學士

新賜雕盤銀作衣玉堂人物畫簾歸
坡暫輟青綾直官舫連催畫鷁飛寶軸
金籠盤紫詰雲冠珠翟照懸閣恩榮如
此真難遇盛事流傳古亦稀

西墅集

卷九

三十四

送段侍郎之南京

永樂年來對策時青春玉樹照彤墀翻
思往日心猶壯莫歎流年鬢早衰媿我
謬膺臺閣選羨君偏與廟廊宜南京此
去多清暇拄笏鍾山好詠詩

送人從征交趾

官亭送別把離杯此去南交幾日回上
將三軍圖不誤一人一騎發金臺建營

細柳蠻烟淨路入分茅瘴雨開
人能贊畫知君草檄更多才

送伍鳳江陵縣丞

五色天書下玉墀一官佐縣共稱宜
村中蚕老三眠後陌上鶯嬌百轉時
折柳暫爲今日別哦松定與古人期
江陵民吏應相待願播仁風慰所思

送仁儉還家畢姻

西聖集

卷九

五

名家玉樹綠爲衣遠別嚴親日下歸
鄉信屢占烏鵲喜佳期應叶鳳凰飛
關河細雨孤舟遠水驛長烟一鳥微
料得倚門凝望切早將消息報慈闈

送趙僉憲純進表還河南

外臺人物舊知名奉表朝元到玉京
臘雲尚迷鳩鵲觀春風先入鳳凰城
洛中黎庶迎歸旆北交特惜去程應

威隨憲節豸冠行處待冰清

送羅貴赴南陽推官

早辭丹陛出承明捧檄爭傳佐郡榮
高柳青烟隋苑路荒村白水漢鄉名
心持三尺無冤獄德被群黎有頌聲
郭外行春頻借問卧龍舊業有誰耕

寄贈蕭仲璉兄弟

家臨花縣郭西偏往日交游二十

西聖集

卷九

五

雨細論徐孺榻春雲長染薛濤牋
瓊簫鳳下疑雙璧銀漢烏飛記八
輒早晚南天鴻北鄉陽春應有寄來篇

送鍾徽鄉進士掌教衡陽

長樂鍾餘玉漏催儒官南去育英才
馬分曙色臨岐路鶯送啼聲勸酒杯
霜落洞庭秋水涸天回衡嶽暝雲開
臯比講罷書頻寄莫謂峰前鴈又回

送里嫺鍾弘彰下第

羨爾青年志不群，遠因鸚鵡薦君佳。
懷已足三冬學，老眼空迷五色文。
暫向祖筵歌白雪，還期官路躡青雲。
自憐親故難為別，駐馬金臺日又曛。

送舉人陳玘復業南雍

鵬鴉橫飛向碧空，獨憐垂翅附冥鴻。
肯甘振鐸淹賢泮，且復携書住辟雍。
草色

西墅集

卷九

廿七

千門燕地兩柳花，兩岸潞河風。
他年霄漢承恩日，還看扶搖萬里中。

贈舉人陳力萃之梓桐教諭

楊柳青青對別筵，儒官迢遞問西川。
城頭鵲散朝分袂，峽口猿蹄夜泊船。
客至但教樽有酒，官清不厭坐無氍。
春秋自是承家學，從此諸生得正傳。

七言絕句

題張妙祥墨梅

新試鉛華濕未乾，水肌玉骨最禁寒。
春來便覺花心動，不用南枝仔細看。

題孔妙香梅花圖

冰為標格雪為肌，長愛相逢索笑時。
一種嬌嬈香到骨，尋常蜂蝶不曾知。

寄俞侍講正安二首

一自投簪遠世氛，紅塵車馬不相聞。
誰

西墅集

卷九

廿八

將竹杖扶殘醉，五老峯前看白雲。

又

九疊芙蓉鎖翠微，湖光潋灩入柴扉。
接籬倒著黃昏後，知是陶公廟裡歸。

夏日即事十首

茅亭瀟灑樹陰中，曲曲疎櫺面面風。
樹色如烟花似火，石榴開遍幾枝紅。

又

雙鶴長鳴出柳陰
傍人飛舞稱閑心
養來毛骨今應換
試看丹砂驗淺深

又

鵲聲日日繞簷枝
正是營巢哺子時
且莫江南輕報喜
客鄉猶未定歸期

又

房櫳如水午陰清
六月涼生白紵輕
院落畫閒人語靜
萬條垂柳一蟬鳴

西墅集

卷九

三九

又

幽齋寂寂一塵無
架有琴書壁有圖
風動隔窻疑劍舞
石盆新水巨菖蒲

又

崔嵬怪石疊爲峰
峯後峰前草樹重
謾道蓬萊還隔海
此中那得有塵踪

又

雨田烟蕊綠交加
瓠葉低垂荳着花
日

晚呼童開後圃
旋旋畦草種秋瓜

又

碁局邊頭置一壺
興來何必病全蘇
莫言陋巷無賓主
不是詩朋定酒徒

又

水繞西城漾玉虹
綠楊門巷馬嘶風
幾迴東望朝天路
一片青雲捧日紅

題魚

西墅集

卷九

三九

流藻參差漾碧漪
修鱗相戲亦相隨
東風三月桃花浪
又是龍門變化時

歲寒三友

偃蹇虬枝翠蓋圓
疎花的皪映琅玕
若非勁操孤高節
那得相看共歲寒

題畫

峯後峰前雲不開
舍南舍北水縈迴
山深自是無塵跡
滿地松陰鎖綠苔

藥房閒詠

紅娘何事怨韶光故紙裁書遠寄將一
自別來經半夏眼穿腸斷為桎梏

又

亂髮慵梳鞦韆翠鬟懶調輕粉浣容顏半
年空帶宜男草遠客當歸竟不還

又

洞前竹葉間桃花洞裏菖蒲雜麥芽欲

西墅集

卷九

三十一

覓仙方無稿來不知誰解鍊丹砂

又

萱蔻稍頭減却春茜根紅袖為誰新假
令百合天花粉難遣容顏白玉勻

又

兔髓誰將補骨脂乳香消盡見青皮只
今血竭無勛力縱有神方沒藥醫

又

兔絲川練金鈴雲母空青嵌翠屏

向牽牛觀織女天河西畔望南星

又

牡丹芍藥闌韶華旋復開花又落花不
識道傍千里馬逢人空問紫荷車

又

澤蘭憔悴菊花黃紫苑蕭蕭百草霜料
得合懽臨睡後還燒安息和沉香

西墅集

卷九

三十一

又

機上流黃錦軸空真珠簾箔夜防風金
藤不繫相思夢飛去飛來續斷中

又

寄生擾擾伴塵緣苦在心中似石蓮欲
學天仙蟬蛻法常山青黛隔風烟

又

繡幙防風蘭麝香江離採遍怨攢柳發

動預卜當歸日甘菊花開百草衰

又

黃精釀熟鬱金香瑪瑙杯深琥珀光笑
殺紅娘無遠志獨傾竹葉向蓮房

又

隨風步月聽金鈴防已須妨女伴行病
頰瘦來無賴隨空餘雞骨兩三稜

又

西野集

卷九

三

金箔銀屏蘇合香茱萸錦帶繡盤囊春
光半逐桃花水那得鴛膠續斷腸

又

槐花應是到秋黃舉子先須半夏忙借
問花非甘遂落還須重侍挂枝芳

又

寶枕雕成琥珀光綠羅衣帶鬱金香韶
華冉冉紅娘老難把阿膠續斷腸

又

夢來夜合覺來非何事當歸竟不歸芍
藥花殘春又晚懶將青黛畫蛾眉

薊門秋夜四首

睥睨鴉兒散暑暉香烟滿袖退朝歸西
園只許清風到不放紅塵半點飛

又

瑣意珠箔暖雲低雪色屏風盡竹枝對

西野集

卷九

三

客不知天向夕幾回燒燭了殘棋

又

彩毫銀管墨花香鎮紙後猊紫石光歆
試新來銅雀硯臨池壩得十三行

又

清漏遲遲夕轉廊博山消盡水沉香重
城不鎖還家夢昨夜分明到故鄉

螺窩十景

白富文峰

鋒鋌涵青倒插空
群山低合見孤峰
西當太白堂堂在
仰挹奎光應此中

黃牛金洞

何年仙洞爾登臨
南畝曾畊霧雨深
讀我古書觀望處
却疑蜀武放桃林

雙江遊魚

流水迴斜燕尾分
鱗鱗迴浪碧中涵
姜

西墅集

卷九

三五

侯設鱸嚴冬後
如此風光又屬君

長陵抱城

岡勢盤迴只摩青
茫茫今古有殊名
因思內史山陰事
也學黃庭一寫經

筆林石筍

曉氣搖空鳳羽寒
老龍拖雨濕纔乾
相看簾戶清如水
點染丹青畫亦難

松澗泉琴

天矯虬龍百尺橫
潺湲寒玉九迴清
分

明天作冰絃操洗耳風前月下聲

城嶺牌門

截立天城萬馬營
無邊秀氣拱門庭
當前一掬山光在
美玉千年翠玉屏

寶華衛宅

橫截峨嵋萬仞峯
青天碧玉秀芙蓉
此山不似周顒樣
道是南陽更臥龍

西墅集

卷九

三六

烏石龍角

巍然奇石壯坤垠
下有潛龍蟄未伸
特地自今掀一角
風雷一鼓變全身

若蘭圖

燭殘香冷鬢雲偏
不是嫺緣亦可憐
明日樽前歌此曲
郵亭何處覓神仙

彭脩撰失馬買驢以代步戲作二

絕

賜馬牽來內廐中橫行千里驥群空那
知一夕追風去謾有高懷似塞翁

又

驕嘶渾欲倚天河半夜驚聞掣電過應
是近來吟思苦要從驢背得詩多

題小川山水

一髮青山是海邊曉來霞氣滿晴天不
因愛盡聰明到誰識羅家有小川

西墅集

卷九

三十七

又

海波淡接水天流暝氣空濛紫翠浮却
望蓬萊天咫尺不知身世在瀛洲

飛鳴宿食

天末飛來翅欲揚一聲呼破水雲鄉蘆
汀月冷難成夢啄盡江頭五夜霜

又

洞庭風急影橫斜帶得秋聲落淺沙蘆

葦蕭蕭眠不得水雲深處啄苔花

諸友

和周編脩述寄兄仲舉兼懷北

鍾山南望鬱嵒龍往日趨朝拜舞同遙
想春來山更好翠光如滴露華濃

又

幾年京國接隣居遊宦雖同迹已殊自
是故人情不薄別來音信未曾踈

西墅集

卷九

三十八

又

客舍蕭條轍迹稀客鄉多病欲何依春
來未信陽和早兩度東風見雪飛

又

速客金臺萬里思桑乾原上草離離音
書欲寄逢人少莫向天涯怪鶴遲

又

盛世才名見二難池塘春草夢初閒勞

君遠寄陽春曲不似人家巷裡看

又

寒燈春雨夜安淒孤館懷君思欲遠忽
憶舊時踪跡近朝朝相見苑牆西

刻曾西墅先生集卷九終

西墅集

卷九終

三

刻曾西墅先生集卷十

德清吳期炤選

南昌譚文隆

靖安徐肯播全校

信豐黃燿

記

重脩永豐儒學大成殿記

國家混一海內首建大學詔四方郡縣

西墅集

卷十

皆設學校於是自

京師以至海隅徼塞之地莫不薰涵於

詩書禮樂之教藹然唐虞三代之風也

何其至哉

今上皇帝嗣承大統銳意文治即位之初

親幸大學令諸儒講說經義錫宴賜衣

恩禮隆洽繼命儒臣纂脩性理大全之

書頒行天下

嘉惠學者德至厚也由

是居師之益思有以盡其職為弟子者益思有以成其學嗚呼盛矣哉永豐之學在縣治之西南臨乎恩注其地亢爽而清瞻學舍整飾獨夫子廟隘狹且歲久圯壞今教諭清源張仲賓訓導分陽葉餘忠既職教事顧瞻殿庭輒慨然曰廟圯且陋何以稱

朝廷興學意哉此吾黨責也即相與白

西野集

卷十

三

之縣令太原吳公將叶謀而新之僉言既同龜筮畢協而諸生陳頌夏英輩與邑賢達士亦莫不輸貲効力以贊其成經營圖為弗克就緒未幾金華朱公來蒞茲土首謁廟學視其獎壞退而嘆曰吾受任出宰百里蓋為治斯民也而治民之本實自吾夫子出今夫子廟頽若此何以勝治民之寄乎乃訪之師儒

與前合於是市材鳩工悉撤其舊易之以美材甃之以堅甃卑者竦之隘者擴之像設有嚴筵几有秩丹漆照耀煥乎一新誠鄉邑之盛美儒林之偉觀也經始永樂辛丑秋九月九日落成於十月初二日既畢工乃礮石請書其事將刻之惟學校王政之所先故古之言治者必曰謹庠序之教洪惟

西野集

卷十

三

聖朝右文崇道益脩學校之政而永豐故詩書鄒魯之邦民多文秀而好學矧今復得良有司賢師範以敬承上之所以敦教勵學之意相與振起而作興之永豐之士又何其幸歟雖然士之游於此者必將求夫聖賢大道之要明於日用彝倫之理乃所以為學若徒矜其記誦銜其文辭以汲汲焉於仕進之塗抑未

耳予世家於此且嘗游學其間則於其
請也烏得不具盡其實而樂道其成焉

重修浮雲道院記

浮雲道院者吾邑鷺溪劉氏之所建也
劉氏故名家簪纓聯世躋其美楚奇
先生當元之盛以清才奧學遇知于時
始由汴省檄掌教河南三書院屢遷至
廣東憲副主閫帥拜江西叅政其平生

西華集

卷十

四

事業炳烺天地至今在人耳目何其盛
哉其仕學官時嘗于其居闢園五畝雜
樹花果之品以百計桑柘茶橘之株以
千計築室聚書其間經史百氏之卷帙
以萬計而扁其室曰浮雲道院蓋取諸
孔子不義而富且貴於我如浮雲之意
也于時揭文安公虞文靖公歐陽楚文
公祭酒皆為紀述而歌詠之既而

復改道院為書院割田待庠以贍其衆

人子弟而教之春誦夏絃之音洋洋盈
耳則知先生飯蔬飲水之樂養於中者
有素而詩書禮樂之教及於人者甚厚
操存涵養貽謀燕翼之善又孰有過於
是哉免李兵燹燔蕩無遺其曾孫公鐸
以明經領鄉薦大懼無以繼先志嘗承
父命所居之偏以程以樹數年之間翁

西華集

卷十

五

然陰翳不減其舊仍築室以浮雲揭之
圖書翰墨之娛壺觴俎豆之樂無愧昔
不嗟乎先生以儒發身敷歷華要顯榮
終始則其處富貴之中久矣惟能視不
義之富貴輕如浮雲然後處乎富貴之
地若固有之先生蓋深有得於孔子之
意比其末路崎嶇夷險一節而終有以
傳於天下後世也公鐸種學績文砥節

勵行常謙以自牧耻躁進以微名而惟
倦倦於肯構可謂能安於義命而善於
繼述者也于是知聖人之教入於人
者深君子之澤垂於後者遠劉氏之後
其有文乎公鐸徵予言為記惟浮雲之
義文安公發明備矣顧予何人豈敢妄
為之說以貽續貂効顰之譏而予於公
鐸有同門之好不可辭也用書此以識

西墅集

卷十

六

歲月云

竹所先生記

鍾氏家閬溪之濱有竹所焉溪流盤如
脩竹娟如其大如椽其密如簣繁陰四
布仰不見天綠雲下垂蒼雪交墮清風
時至雖然若鳶翔翥翥低回欲下而鳴
聲噦噦也鏘然如鉦鉦鉦野鈞天合奏
明堂清廟肅韶九成翩然如翠翹雲

西墅集

卷十

七

猶飛揚騰霄而影墜於石空也炯然如璆
琳瑯玕震撼疊擊而萬玉森映也余嘗
過之徑造竹所俄頃之間秋籟迫發爽
氣流動肌骨灑然如玉壺清冰之相映
金莖涼露之乍澄也恍然如瓊汚濁凌
氛埃而入乎清虛寥曠之境也每脫巾
嘯咏其下徘徊而不能去既而列官于
朝又五六年倦遊而歸重過竹所大正
請曰昔先太父立迂以竹所自號前進
士成菴劉先生嘗為記之今吾灌溉培
植于茲幸而不失其所子可以無言余
於大正為姻戚弗敢辭嗟乎草木雖微
物而人事之得失家道之盛衰係焉故
紫荊復合而同氣之義敦丹柰不落而
孝子之情見至於子植三槐而豫知子
孫之必盛若此者比如是孰謂草莽

之無情乎大正祖孫相承幾將百年而
所植之竹益久益繁福澤之殷蓋未艾
也余觀其一門群從森如竹立聰明俊
偉克世其家將見飛騰變化莫測涯涘
亦猶是竹以之為竿可以掣巨鰲以之
為簫可以致鳴鳳以之為杖可以化蛟
龍豈能居久其所與凡草木同腐哉余
知竹所將有聞於天下後世姑書此為
記以驗於他日云

西野集

卷十

八

守靜軒記

鍾君大正其所居閬溪之上有園池竹
樹迴環森蔚之勝平居閒暇門巷蕭然
而世俗囂塵紛擾之雜蓋無自而至也
於是作一室于其居之偏而題之曰守
靜軒間以書來徵余文以記之或者以
謂大正君自少穎異負奇氣周覽四方

以交游英俊魁偉之士涉海深而更事
多及其既壯而歸則於人情物理與夫
當時之務蓋以察之精而處之熟於是
屏黜紛華斥遠聲利澹然不以一毫外
物累其心而獨守夫靜也或又謂大正
君於其宗族鄉隣之爭仗義執言是是
非非毅然無所阿徇衆雖心服其公而
其間自私媚疾之徒率多惡其直甚者

西野集

卷十

九

至於詆訾而憤怒之大正因自歎其直
道之不容於人如此遂杜門不出謝絕
時事凡承家幹蠱之為悉以委之諸弟
而惟守夫靜也是一者予雖未能深知
其果然與否然嘗竊謂人惟靜而後得
其樂而又能有以守之則此心湛然而
常虛凝然而不動舉凡世之利欲縱橫
駭惑者皆不足以搖其中所謂天君泰

體從今者其樂可勝言哉苟惟不知所守而無操存涵養之功則方寸之間膠膠擾擾馳騁於名勢之途冥然而罔覺肆然而弗止則將汲汲焉無一息之暇抑烏能有其樂哉故靜之一言為聖賢心學之要夫豈可以淺近而窺也若徒以其區區於出處事為之際而有所為焉則亦非所以知大正君者也姑書此記之他日幸獲過茲軒道故舊尚相與論焉

西墅集

卷十

十

積善堂記

天下之物未有不由於積而後成者是故四海之大而至於滔天沃日之雄者細流之所積也泰山之高而至於凌雲摩空之壯者上壤之所積也世有祖宗之盛而至於子孫之善繼其家道日殷

人徒見其祥慶之畢臻福澤之薦致而不知其由於先世之積乎吾邑之雙源袁氏世為詩禮名家積善行義以承厥家今其裔俊英與其弟俊美俊瓊俊瑩皆克雍睦怡然友愛家庭之間略無間言嘗相謂曰吾兄弟幸際

西墅集

卷十

十一

國家重熙累洽之世得相安於田野以為太平之民何幸如之然此實先世積善之所致吾兄弟其又可忘耶乃名其所居之堂曰積善蓋所以表先德訓後嗣也今宣德辛亥春因其子方智來京命求予文以為記予惟存諸心者無一念之或惡措諸事者無一行之弗泚豈非所謂善乎然一念之善未足以為多一事之善未足以為美必也存之於中無一念之不善見之於行無一事之不善

此豈非善之所積乎至於一人積之其善或弗彰一世積之其善或弗揚故凡善之積也必祖孫之相承父作而子述一世積之累世積之弗已則其慶澤之流行洋溢不及於一世無窮難窺涯涘乎俊英深知乎此既弗敢忘又必垂訓於其子孫則其為善之心將有不能自已非特為觀美而已也易曰積善之家必有餘慶其此之謂歟是可以記也遂記之

陳氏孝友堂記

邑西下市陳氏為水豐著姓而亨夫兄弟又其尤彥秀者會失所怙克自樹立今昆玉聯芳競爽以弗墜其先緒迺相與叶謀築堂以奉其母而顏之曰孝友凡可以娛悅其親者無所不用其心而

於友愛之誼又能各極其至休暇之日必相率上堂華萼輝暎鴈行先後綵衣怡愉塤箎遞發壽觴載舉慈顏洽和有雍睦愉婉之容無拂逆悖慢之意蓋其孝友出於天性非有矯揉而為之也余家居時與其兄弟游而亨夫之弟謙夫且為同學故相親為父相知為深也余既忝科目濫官于

朝數年矣夙夜祗懼顧無以鋪張

鴻猷黻至治實足以貽素餐之誚而亨

夫適以事來京師且徵余言以記其所

謂孝友堂者余弗獲辭則為之言曰詩

書所稱孝友者張仲君陳而已明白俊

偉昭昭不誣真可以垂法於天下後世

矣自時厥後或以孝稱或以友著求二

一之兼備者百無一二焉何古今上下

數千年而罕見其人也抑或有之而簡冊逸之歟抑湮沒間巷而未之見歟不然何若是之寥寥耶嗟夫世固有之矣能養者或失於敬能直義者或少溫潤之色田氏之荆復合而骨肉之義已虧一牛私之牛既死而其弟之惡則著烏在其為孝友哉余觀夫世之人有承順其父母者或視兄弟為仇讐能友愛於同

西墅集

卷十

十四

氣者或比其親於塗人何其悖戾若是執乎夫昆弟尚其永言孝思益念天顯心迹無間終始惟一將見至和之氣薰蒸融液於陳氏之堂結而為並頭之花舒而為連理之木以彰其孝友之實斯有以繼詩書所稱而無媿矣寧俾張仲君陳專美於前哉享夫家居奉親好文而善學謙夫出游鄉校識廣而聞多其

於張仲君陳之事講之熟矣奚以余言為哉姑書此俾歸而刻于堂之壁

劉氏葛溪書屋記

永豐距邑治西北十餘里曰陽山磅礴秀拔世傳仙翁葛玄嘗煉藥于山中有泉焉泓渟涵蓄潏然下流引而為溪經縣城之西南入于恩江溪之名蓋以仙翁而得也其西則劉氏之族居之劉氏

西墅集

卷十

十五

為吾邑衣冠之望宋之世有雅臣者以明經舉進士聲譽赫然自時厥後詩書相承彌遠彌盛今其裔孫韞韶聰敏淳厚自少有志于學好聚書購之不計其貲積久充牣迺築室於所居之旁而名之曰葛溪書屋其東北雖密邇闌閤而高甍盡棟出氛埃而凌風雨輪蹄喧囂之雜邈乎其不相聞也西南深池淵淵

況漾天光雲影浮動几席夫子之牆相
去咫尺絃歌之聲旦暮相接韞韶日藏
脩游息其間賓朋過從輒相與絃琴賦
詩以為樂優游怡愉泊然無所係累蓋
不惟有以自適與之游者亦未有不喜
其勝而樂之也今年予以

扈從還韞韶謁予徵文以為記惟昔在
鄉校時與其伯仲交游相好間嘗一造

西墅集

卷十

七

其居必為之徘徊留憩愛其地幽而境
勝可相資以成學矧韞韶久處于茲窮
烟景之奇觀探簡冊之奧義以涵泳乎
仁風化日之時者宜其樂之不厭而倦
憊焉思有以誌之也雖然古之人藏書
有樓讀書有臺他如精舍山房之類不
可勝數然皆因其人而後顯由是觀之
葛溪書屋其將待韞韶而顯乎姑記之

繼志堂記

宣德己酉歲當大比吾永豐滑溪艾氏
之彥名敬字曰肅者以禮經登南京鄉
闈魁選明年春試于禮部謁予官舍再
拜請曰敬竊念先世自宋元以來簪纓
科第代有聞人故自幼勵志于學期克
紹先志以不墜其家聲嘗揭繼志名所
居之堂以自警賴先生一言以記之予與

西墅集

卷十

七

艾有通家之好且嘗為文以序其譜按
其先世有十萬君者自隴西遷居于滑
溪之陽治產至十萬世人以陶朱猗頓比
之至今鄉里兒童父老猶稱道之如相
識然其後有曰君瑜者登進士仕至鄂
州司戶曰安民仕至大同罷守安民子
原康紹興中入為翰林直學士原康孫
養浩官司戶參軍養浩子思孟初典鄂

州教改宣州從政郎元季思孟孫庭秀
又登鄉貢進士至於同宗異派名登仕
籍者難以枚舉是曰肅之高明祖父後
先相望顯榮於前者代有其人矣予昔遊
邑庠及宦途往還嘗與曰肅諸父兄交
游若某某輩皆文雅篤誠傑然足以世其
家今曰肅以遶秀從孫又能繼述先志
從予宗弟復鉉授經業勦於問學工於文

西墅集

卷十

又十七

詞將以恢廓其志量砥礪其節槩立身
揚名以顯揚先德而降其志述事之孝
豈徒事乎有體無用之學而但以為徼
聲名釣利祿計哉行將奏捷春官對揚
大廷以敷陳所蘊登名天榜而列職要近
其尚以平昔之所志所學者施於有政
見諸行事揚英舒翹以趾美前人之休
光則繼述之志於是乎有成而名堂之

義庶幾為無愧矣曰肅其勉之

古市坊記

永豐縣治之西有下市焉其地在西坪
坊之南什善坊之北其中則有梯雲登
瀛叢桂皆相望而樹市上下不出千數
百武間間輻輳室屋鱗比街衢端豁直
如引繩雖無奇珍百貨以列於市相街
鬻而四時之間弦歌之聲相聞何其盛

西墅集

卷十

十七

哉中有鉅族蕭氏世居焉其先諱大成
擢宋寶祐進士官大理評事今裔孫曰
仲璋樂善好義嘗慨然曰下市古之市
也不可以不識迺捐貲購材建坊於其
所居之近而題曰古市焉庶後之人得
有所考也且徵予文將刻諸石夫以邑
治所在其為市非一而獨古市之地其
人皆敦尚詩書崇飾禮義無貨遷賈售

之雜有幽偏閑靜之樂此為足尚而仲
璋與弟仲璉又能惓惓焉於地理之舊
而思有以表之使道路之人仰瞻其題
俯視其刻即有以知古市之在乎矧蕭
氏之門以文獻相傳其子孫彬彬文質
而將出為時用矣然則是坊之作又豈
徒為觀美而已哉

樂琴軒記

西野集

卷十

十八

昔人有言凡物皆有可觀皆有可樂而
五音六律足乎人之耳而養人之性情
又可樂之尤者也五音六律不能盡傳
而獨琴傳於世有以禁人之邪心養其
中和之性宜夫君子之好而樂之也雖
然寓於物者得其樂溺於物者非惟樂
之不至且足以惑焉試以琴言之雍門
周鼓之而孟嘗君隨以雪涕穉康好之

而以廣陵散不傳為恨伯牙絕
世無知音戴逵忿不能為王門伶人
數子者又烏能得其樂哉古市蕭君
璉好彈琴闢軒而題其扁曰樂琴予與
姁聯嘗過之必焚香飲茗欣然為余鼓
宮聲數引如松風撼屋飛泉濺石洪濤
乍興也如寒江落鴻以爭棲九臯獨鶴
而長鳴也予意仲璉必將胸懷開朗心

西野集

卷十

十九

曠神怡灑然若沉疴去體遠旅之赴家
久瘖而能言也若拘囚怨苦之得釋父
兄久別而相遭也予從旁而聽之且以
為樂况仲璉之契於中者歟蓋將得古
人之不能得者矣予亦喜琴欲學之而
未暇及來京師得交四方能琴之士休
暇之朝齋宿之夜必携琴相聚迭操而
更撫之予竊聽而深喜以忘其羈旅之

思況仲璉家居好學不倦聲利澆然其樂蓋可知矣仲璉嘗求余記而弗果為今年春其姁家編脩劉君貞白致政南歸為之請不置迴書而以記于軒之壁云

慈侍堂記

永豐治西蕭氏為邑著姓其裔仲琛環偉而穎異嘗為縣學諸生不幸遇疾而

西墅集

卷十

三十

沒沒時其子曰求尚幼曰慶方在孩提之際瑣瑣相顧孤苦特甚獨賴其母嚴氏撫育訓誨以至成立今曰求兄弟既皆克承慈愛知所奮發以繼其先志保其先業慨嚴親之蚤世幸慈母之尚在雖不能無風木之感而猶可以盡菽水之歡焉迺相與築堂以奉其母而名之曰慈侍今年遠來北京謁余求文以

西墅集

卷十

三十一

記夫為人子者莫不願其親之俱存康寧壽考以得致甘旨之養盡愛日之誠然此實繫於天有不可以力致於是始有不能全其所樂而得以偏侍其親者猶以為幸焉若曰求兄弟者是已方其幼也知其親之當愛而未知能養也忽嚴親之既逝悵音容之莫覩而猶荷母之慈愛辛勤保養以遂底于成劬勞之

恩欲報無所父弗逮養九京不可得而作矣幸而有母在堂優游暮景烏得不致其孝於偏慈乎故其於斯堂也定省之以時溫清之有節金昆玉季郁乎其相映伯埴仲篴鏘乎其相鳴燁燁乎華萼之交輝雖雖乎鴻鴈之在列綵衣粲具更戲壽觴泛而迭舉雍容怡愉日在膝下然則母之所以慈愛於其子者固

如此而曰求兄弟所以侍養於其母
又無不至焉斯堂之所以有取也嗟夫
顯親揚名為孝之大曰求兄弟尚將益
自勉力以見於有為庶幾為斯堂之榮
以焜燿無窮夫豈特承顏奉歡以致孝
於一時而已因其請遂特為之記焉

遜齋記

蕭氏仲琳其所居縣治之西而平生不

西墅集

卷十

廿二

慕聲利樂幽閑而厭紛擾故雖處闌閨
之中而輪蹄喧囂之雜無自至焉好讀
書嘗闢一室以為藏脩之所而顏之曰
遜齋間來徵余言以為記夫遜者退避
之義故遜之為卦艮下乾上陽雖當避
然九五當位而下有六二之應若猶可
以有為而二陰浸長於下則其勢不可
以不遜則雖身退而道亨也而遂有嘉

遜肥遜之義焉夫仲琳居於城市之中
游於衣冠文物之會而適以是名齋其
所謂惡影而逃日者乎且於其生也得
際夫

聖朝太平之世群賢在官俊乂登庸正君
子連茹彙征之時仲琳抱負材器將有
志自效於當世其取青紫若拾芥耳亦
何為而有取於遜乎是皆不可不知也

西墅集

卷十

廿三

仲琳之志予固知之矣迹溷於流俗之
中心游乎塵埃之表不為翕翕之熱不
為皓皓之白不馳驚於高虛不溺汨於
污濁飄飄乎若不可羈濯濯乎若不可
狎此其所以為遜然則仲琳之志亦可
以見矣仲琳二子長曰輔善琴次曰觀
皆好學克承其家云

學書軒記

蕭氏曰賓家邑城之西年少而喜書嘗
闢一軒盡取晉唐以來諸家法帖藏其
中并置筆墨臨寫之而顏之曰學書來
徵予言以為記惟晉唐以書名家者不
可勝計雖體制不同而規矩繩墨初不
異也近時學者徒見其已然之蹟臨鍾
王者曰我師晉臨歐虞者曰我師唐非
惟學者偃然當之見之者亦從而曰彼

西墅集

卷十

王四

誠晉也誠唐也噫是徒彷彿其體制之
似而不求其規矩繩墨良可歎哉大抵
一作書須結體平正下筆有源然後伸之
以變化鼓之以奇崛則任心隨意皆合
規矩矣且夫書法之妙非可言傳昔人
有見擔夫爭道聞鼓吹觀舞劍而造神
妙以至聽江聲見蛇鬥而筆法進者此
豈拘拘於臨寫之勤哉曰賓學專而志

銳必能究其規矩繩墨而不徒尚其已
然之蹟而已也曰賓尚勉之哉遂為記
序

一樂堂詩序

天下之事其可樂者多矣然皆可以力
致之故世之有力者皆足以得其樂獨
孟氏謂君子有三樂而以父母俱存兄
弟無故為一樂者蓋以是樂也實出於

西墅集

卷十

王五

天有非人力所能致人力不能以致之
而遂以有其樂非得於天者厚能若是
乎吉水之東方徐居正其二親偕老康
強眉壽居正與弟希麟竭力奉養孝敬
克盡而友愛彌篤佳時吉日升堂拜慶
親顏怡悅鶴髮相照金昆玉季捧觴稱
壽埙篪迭奏綵衣屢舞然則古今天下
之樂又豈復有過於此哉雖然世之為

人子者或幸而有得於此能知其不
以力致而樂之者蓋鮮矣不知其出於
天於是供養德色取第許語與夫闕牆
終臂之流相繼而作則將戚戚焉終其
身憂憤憤而弗暇夫豈有一餉之樂哉
居正兄弟篤於孝友其事親也能得其
懽心而伯仲之間益克和協父子子
兄兄弟弟居常欣欣然無不得其樂其
名堂之意豈不稱乎余於居正雖不及
識之而進士陳篤學以其所得一樂之
詩請余序故序之

郭氏族譜序

古者有大宗小宗之法以統天下之氏
族故苗裔有據源流有辨尊卑昭睦不
夫其序以致親睦之意以興孝弟之心
雖百世猶一日也

西聖集

卷十

世六

西聖集

卷十

世七

漢清或賜以冒紛然雜出
源之義幾乎熄矣然而世家大族始自
為譜牒以推原其先世之系緒庶幾尊
祖敬宗者尚有賴焉吾邑層山郭氏其
先有曰德基者仕唐為南昌令黃巢陷
洪州德基死焉南唐之世德基之後曰
伯宜為監軍使守恩江鎮伯宜二子長
安功從監軍援金陵暨後主歸宋同入
汴都次定功贊鎮之吳氏避亂層山遂
留居焉宋至和中析吉之恩江鎮置永
豐而郭氏之占籍茲邑迄今又數百餘
年矣科甲相繼世弗乏賢蔚然為鄉邦
鉅族其裔曰某者間以其舊譜一編謁
予為之序夫譜牒之作貴於明校不可
妄引華腴擯斥貧賤以棄祖宗而誣後
世今觀是編闕其所疑詳其可考長

厥繁然必備然則使其子孫惇叙和睦於悠遠而弗替者其在於此乎某之用心可謂厚矣語云膏之沃者光必輝源之深者流必長是斯譜之謂歟凡爲郭氏之後者可不思所以善繼而善述之哉遂爲之序

鷺溪劉氏族譜序

永豐鷺溪劉氏其先出於汝南節王之

西墅集

卷十

三八

後居蜀之明月峽唐季有諱慶霖公以宦途徙渝州十二世至琰爲臨江知錄復遷柳州琰八世孫夢說再徙于今之鷺溪說三世孫叔正升正四子皆蕃盛於是居鷺溪蓋三百餘年矣舊譜所載最明覈無妄引強附之謬其裔孫敬慶重加脩輯來請予言以弁其端惟族之有譜尚矣粵自宗法旣廢氏族無統於

是士大夫家始各自爲譜以推明苗裔所自庶幾得以致其尊祖敬宗之意且彼爲子孫者有以相親相睦於無窮其所繫蓋甚重也然而歷世旣遠兵燹存臻求能保其先世譜牒久存而弗廢者鮮矣於是閔後子騫而郭拜汾陽者遂情不知恥良可慨哉劉氏自唐五季歷宋暨元以至于今詩書相承簪纓相望

西墅集

卷十

三九

此非其先世積德之厚後人繼述之美能若是乎語云源深者流長本盛者末蕃觀劉氏之譜可見敬與其弟慶茲皆以科目登宦途其顯揚震耀又復有光於後矣則劉氏之善繼善述者不在茲乎是爲

味

族譜序

衡背

宜邑巨族居于廓者累世矣

其家稱富饒業書史不以浮華為慕與世族類者予嘗樂與為之遊而陳公丕緒丕時與予篤斷金之利其弟仲斐君又以其子妻於予子光耀則予於陳氏不惟式相好矣而且締之姻焉永樂丁酉歆新厥譜持與予序誼不得而辭者乃颺言曰君歆知而譜蓋知萬物本乎天人本乎祖乎夫萬物本乎天則凡

西墅集

卷十

三十

物之以生以育以長以成皆歸於大造之賜矧伊人之生而且靈於物者而可不知其所自耶欲知其所自則當於其祖焉思之何以當思乎祖也蓋祖者吾先代之所自出而後人之所由傳者也由一本而十百由十百而千萬皆自此而散殊也知一本散殊之義則當思是譜以為尊祖敬宗之器時其孝思焉時

其祭祀焉敬其所尊焉愛其所親焉而後能知人本乎祖之道為之子孫者又必脩身慎行進德脩業以繩其祖武而不負乎祖宗生我之意然後能盡尊祖敬宗之實也今諸君能脩譜是能敬宗能敬宗是能尊祖可謂能思一本者矣假令諸君徒延今日之盛而遂忘乎厥初則何以知脩是譜而致孝思也哉且

西墅集

卷十

三十一

譜之脩貴於明核不可妄引華腴擯斥貧賤棄祖宗而誣後世今觀其始原則祖乎近闕其所可疑詳其所可考自本以及末邇源而窮流長幼親疎悉無遺遺則是譜之脩不徒為文飾之具而且足以傳後世垂永鑒也譜告成諸君鋪筵几陳樽俎備禮樂肅賓客而樂之予忝嫻之上賓而加其能有成也故樂與

爲之序

種德堂序

龍潭西彭氏相傳其先自廬陵山口成居實唐吉州刺史訐之後至貴德者通書經而尤精於醫煉丹藥能濟人之急嘗築一堂而名之曰種德今貴德墓木且拱矣而其子景忠孫升敏皆能繼其業治人之疾多所全活乃重立其堂而

西野集

卷十

冬三十一

翰林學士解公縉紳復書其額今春其曾孫勗來京師謁予士大夫皆爲之賦詩以歌其種德之美復請予言以序之予聞古之醫有種橘者矣而未有種德者焉豈不以杏橘易種培之以沃壤澆之以甘泉數歲之間枝葉敷而花實蕃其用力少而收效速可以惠濟于人人而德則受於天而具於心渾然在中不

西野集

卷十

冬三十二

見其迹樹藝之無所灌溉之無窮往往終其身而其德不能以及人此德之所以難種也而彭氏舍其易而種其難何哉意必曰杏橘雖易種而速成而董奉蘇耽一旦僂去滄桑陵谷之餘漠然徒見山高而井深欲求其遺迹且不可得矧望其濟人也哉夫德也者根於方寸之間壤之以性植之以禮而全之以天勿撓以形氣勿搖以利欲培其本而達其枝則其本立而仁道生生不窮推以及人又豈有涯哉宜其種之難而成之不易也彭氏若貴德者播種耘耨於前若叔敏父子栽培封植於後其用力久而惠施溥德之效果愈於杏橘矣乎予知彭氏非惟世其德又將世食其德矣爲子孫者無弗治其方寸而俾德

之鳥穢

蕭氏澹交堂契會序

永樂戊子余因翰林歸過故舊而蕭君仲璋仲璉相與設宴於其家孟冬維時天氣和煦親朋既至群季在列酒半仲璋謂余與鄧君時俊皆宦游而歸高汝璉劉公鐸鍾大儀黃希仲傅仲球張行恕劉秉琮皆將赴春官魏汝平黃用先

西墅集

卷十

三

陳秉亨劉貞固余弟曾鼎皆縣庠之秀者而其兄弟又皆幸際昇平得相與雍容揖讓於樽俎之間以盡一餉之歡豈非至幸烏可無述以紀之乎迺取昔人一年好景君須記正是橙黃橘綠時為韻分而賦之得詩凡十四首且謂余宜序之嗟夫古今宴會之盛若金屏繡褥雕盤綺饌絲匏沸騰鍾鼓間作

揚聲

筑歌呼淋漓非不樂且適會不轉瞬而聲沉影寂漸盡泯滅於無聞此何異飄風之過耳哉求其若蘭亭之會香山之宴清風逸氣至于今灑然六合之間者未易多得余與鄧君俱獲致用於時今茲復得覽申桑梓之敬而諸君之蜚聲詞場惡樂泮水與夫仲璋兄弟克享安富之福以與貴游宴樂於此者豈非遭

西墅集

卷十

三十三

逢國家雍熙無事之世而然歟使今之作果能有傳於後則亦安知其不與蘭亭香山相為照映於無窮殆非徒取適於一時而已也

贈武昌張侯渙章復任序

吾邑張君渙章以洪武丁卯由邑庠貢大學日有名又六年余方入鄉校未獲

識荆然於常所交游熟聞其爲人心愛
敬之時君方蒞戎幕未幾以憂家居始
得相見厚重簡默不事表襮詞氣溫溫
余益信所聞而深敬之又四年丁丑君
以勞陞帥府幕長蓋有聲譽又四年辛
巳改授武昌同知得歸省丘墓相遇於
學宮藹然如初見時又四年爲永樂乙
酉君以考滿來京師而余亦濫官于

西墅集

卷十

三十四

朝得周旋於寓舍觴詠譚笑惓然如再
見時余深知君爲恒德君子矣君再任
武昌朋游皆賦詩送之而屬余叙余聞
武昌爲三楚之首邇吳楚巴蜀之衝舟
車冠蓋之會藩憲之所臨奔趨期會之
煩簿書發召之冗爲政於此者率皆大
窘而君治之一以簡靜無赫赫之威無
峻急之政而民皆安之故語曰鳳麟之

爲瑞也不驚不獐而飛走之類爲之後
先其即渙章君政以寬平樂易而民化
者歟是行也遡長淮浮清湘登黃鶴之
磯武昌之人士必引領而望曰張公之
復來也吾徒有所依歸矣其父老童穉
必迎拜於道左曰吾徒有所倚庇而爲
生也則君之譽日彰業日著登庸廟廊
高步寥廓可坐而策也豈特武昌之民

西墅集

卷十

三十五

稱頌倚需已哉

贈張君渙章之任兩湖鹽運同知
序

鹽之貢見於禹書至齊管仲實倚之富
國漢時始置官以典其務自唐宋元皆
因之

國朝兩淮兩浙河東福建河間則設都轉
運而廣東海北雲南四川諸井則有提

舉之司而轉運司之職有運使同知運判以統益牢之政准漕辦為劇地然兩漕所統三十六場皆設官監夫以戶計者五萬四千五百四十有七以丁計者七萬二千九百五十有二歲收鹽課以引計者二十二萬二千三百八十有奇漕鹵之地大熬波之利溥故運司之政益繁且劇非有通才鉅能練習之士以

西墅集

卷十

三六

居其任則不至於麗茸紛紜而弗治者幾希吾友張君渙章沉默而端莊寬厚而慈惠洪武丁卯由庠序以明經貢禮部補大學生即有能聲用選上吏部三歷在京衛幕甲兵之政脩而簡牘之事舉大得世譽陞佐武昌郡事再調徽州蒞官字民克稱職任九年秩滿上行在遂拜兩漕都轉運監使司同知將赴官

士大夫皆賦詩榮之而中書舍人陸訓謂余宜為之序夫煮海之利以佐國家之用蓋從古如斯而當是職者尚寬厚則並緣侵漁以積奸蠹之弊任明察則煩苛瑣細以成掊剋之政故桑弘羊之徒雖以是得名而不見稱美於後世者良以是歟渙章君才能夙著剔歷中外其於是任必能上副

西墅集

卷十

三七

朝廷任官之意謹斥鹵之政收衍贏之利去奸剔蠹綜理明覈以無愧其任則其一顯榮光大又豈如是已哉因書于群玉之首

古縣張氏文譜叙

自古故家大族莫不有譜以明夫宗派之系以辨夫昭穆之序以別夫親疎之等以定夫長幼之分以興夫忠孝之心

惟是譜系之存故雖在數十代隔越數
千里不待論列而知某為某之昭某為
某之穆某為某之堂祖父某為某之堂
伯叔某為某之堂兄弟某為某之堂子
孫自高祖而雲仍上下遠近雖有不同
竄吾祖一體魄之分也彼其肅貧寒弗
克自存者在吾則當賑恤而存之有微
賤弗克自振者在吾則當導翊而振之
蓋親疎雖殊而祖蔭子孫之心一也是
以故家子孫心祖宗之心者而譜系脩
續可緩乎哉古縣張君孔鉞系出曲江
文獻之胄以鄉貢進士起家歷官地官
職方郎恐其所傳譜牒久而遂湮載輯
舊編之譜錄先賢之序及先祖遺文作
家乘一通以貽來裔請余序其端余觀
之曲江文獻公八世孫弘海者

人俱官于洪因散居江右而孔鉞出弘
海裔也弘海居邑蟾塘海孫佑登南唐
進士僉判潭州實遷古縣均上傳數世
而著衍盛大宋室全盛子孫往往登科
第拜官而孔鉞又自古縣占籍長沙况
宦遊萍逢相去千里外相隔數世餘使
此譜不作何以叙一本昭穆哉此蘇老
泉深惜由一人而至途人也噫孔鉞之
用心可謂厚矣為其子孫嗣其譜者尚
勉旃於余言

誌銘

明朝列大夫兩浙都轉運鹽使司
同知張君渙章墓誌銘

永樂乙未五月廿四日兩浙都轉運鹽
使司同知張君渙章卒于官卒之日享
年五十九歲以某年月葬于里之松峽

附先塋之次其孤嘉謨迺奉漢州知事劉君公潛所述君之行實謁予泣拜請銘公潛與余皆君之友也故不可以辭按狀君諱某字渙章其先曲江文獻公之裔有弘海者兄弟五人俱官于洪因散居江右故永豐張祖曲江而渙章實弘海之後也曾祖以介祖泰亨父吾任連世皆有隱德君生而奇偉廣穎豐

西墅集

卷十

四十

下愀然王立性端重寡言語以選為縣庠生從前進士退脩劉先生受學先生深器重之及升大學益加淬礪之功由是學業大進六館之士卒以為不可及初授湖廣漢陽衛知事復改荊州右護衛時洪武庚午歲也明年以父喪去官服除改平涼中護衛

朝之制軍衛皆武人掌之而一切政

則委任幕司而責成焉君凡三為此皆恢恢乎若有餘裕士卒為之感悅丙子超陞本衛經歷始得賜還鄉以展松楸之敬人皆榮之秩滿奉

恩封贈父母如其官尋陞武昌同知其為政簡易而臨事精審官廩嘗失火君恐累無辜即赴京師自陳遂蒙

恩赦免衆皆感激未幾當路有薦君可膺

西墅集

卷十

四十一

重任者而君適急於繕工之務詣闕後期於是復循常調以拜今官君亦未嘗以是芥意焉君平生不為表襮與人無町畦崖岬詞意詢然謙卑自下略無毫忽矜持之意人尤以此賢之至是終士大夫皆嗟悼焉配劉氏有淵德子男一人嘉謨謹慤而篤實克世其家嗚呼余居南京時君間歲以事入

親相見必握手盡惟豁如也其後

扈從留寓北京君自徽州考滿以來而
官舍相隣朝夕相與道舊藹然甚懽既
有兩淞塩司之命始與君別又踰年而
君卒矣嗚呼方其時意君才器宏達敷
歷既久必將優游暮年以享榮名厚祿
於太平之世孰謂去余而遂死耶嗚呼
其命矣夫乃銘之 銘曰

西墅集

卷十

四十二

其質之厚兮其才孔良蜚聲宦牒兮
遐邇流芳黃金橫帶兮袍芴煌煌榮
祿未終兮溘爾云亡白雲悠悠兮松
峽蒼蒼有石斯新兮金薤琳瑯於萬
斯年兮耿其有光

故蕭母張氏墓誌銘

永樂庚寅三月十八日蕭母張氏孺人
以疾終于家得年七十有二是冬余忝

扈從還自北京明年辛卯其孫曰賓迺
奉編修貞白所述孺人行實泣而請曰
先大母懿德淑行著于閨門顯于閭里
今將以辛卯十月廿五日合葬于二十
一都祖塋側無文以誌諸幽恐先德終
以弗傳於後幸賜之銘庶幾永世有賴
余弗獲辭按狀孺人諱彬淑貞其字世
爲永豐古縣人曾祖幼道隱德弗葦祖

西墅集

卷十

四十三

震可元時以明經典教撫之崇仁諄暇
時嘗從臨川吳文正公游煒然有聲譽
孺人以至正丙子七月廿四日生幼聰
慧習家庭之訓動止皆以禮法稍長工
女紅剪制紉縫織紵之事皆極精緻故
特爲父母所鍾愛年及笄爲擇所宜嫁
有言城西蕭氏子九成才且賢遂歸蕭
氏既入門調食飲膳羞以養舅姑必致

甘美具酒漿穀核以供賓客必致豐盛
修邊豆罍爵以佐先祀必致精潔處宗
族姻戚內外長幼咸適其宜御減獲賤
隸嚴而有恩九成弟九德蚤世孺人撫
其遺孤如已出既又為之婚娶築穴割
田以給之九成好學工詩而尤喜交游
四方士大夫過從無虛日或連日夜置
酒高會盡其歡孺人皆樂然響應略無

西墅集

卷十

四四

厭倦之色善教子嘗訓之曰為學必在
求師自古聖賢未有舍師而能成者汝
其勉之迺遣從翰林典籍戴伯寧先生
學厚贄幣以見焉九成既沒孺人專掌
家政綜理區畫皆有條緒閭閻之內為
之肅然姑獨存加意奉養且戒諸子曰
汝父未亡時不敢一毫傷母意汝等當
承父志助吾致養姑年九十而終故里

巷之間稱事姑相夫教子皆以孺人為
法子男三人仲璋仲璉同乳其狀貌情
性文學皆酷肖也仲琛先卒女一人適
濠梁宋原中孫男七人曰賓初求高慶
佐常孫女五人嗚呼古者閨門女婦之
教必有師傅保姆以成之詩書圖史以
訓之而又有珩璜琬琰之節以禁之故
當是時婦人女子德性之美若出自然

西墅集

卷十

四十五

閨闈之間罔有違德世降而下陰教不
行若孺人天姿粹美溫柔慈惠藹然一
出於正是豈必如古者之教而後成宜
有銘誌以告來裔 銘曰

坤從恒貞婦之正母德克全孝以敬
閨壺肅雍家道盛懿惠慈柔本天性
配良胤賢協嘉應瑚璉珪璋燁相映
孫曾綿綿承祚並後百年鴻慶

陳母黃孺人墓誌銘

永樂己亥五月八日永豐陳氏母黃孺人以疾終將以臘月卜葬于都芙蓉峽之原其孤丕緒以進士陳誠所述其母孺人行實請予為銘予弗獲辭按狀孺人姓黃氏世家縣城西而為鉅族祖父皆隱德弗耀孺人生元至正乙亥自幼聰慧稍長習女工皆極精緻有不待姆

西聖集

卷十

四十六

教而能者故父母甚愛之年二十以城北陳氏子乎先為賢遂以妻之既歸自長幼之禮以至處嫺族內外疎戚之間咸適其宜陳氏家故豐裕而乎先獨喜賓客四方賢士大夫咸樂與之遊至則輒相與傾倒盡其歡有古人投轄之意孺人為治酒食靡不豐潔而乎先未嘗一經於心故得與賓客輸寫歡洽而意

氣豁然弗少愠者內助之力為多

先終其治喪葬祭無違禮訓其子俾從師受學常戒飭之母為驕縱之習以辱親事姑余氏孝敬得其歡心姑嘗語所親曰吾兒雖蚤世吾婦事吾甚謹心常安焉凡為婦者如吾婦可矣姑年八十餘而終孺人哀痛弗自勝尤盡葬祭之禮平生勤儉弗事侈靡常服布素且曰

西聖集

卷十

四十七

昔漢文帝富有四海所幸慎夫人衣不曳地天下後世至於今稱焉近時民家婦人女子往往飾金珠綺繡以相矜銜此豈得為賢哉鄉鄰閨門之間多取以為法至是終享年六十有一子男三人長即丕緒次仲斐次丕時皆克承其女一適王時子孫男某某惟古者皆有師傳保姆以成女婦之德故閨門懿行往

注有傳焉後世教衣知德者鮮而孺人
獨能孝敬儉約以重其姑以相其夫以
成其子為鄉族之所仰慕此豈非其天
性之美而然歟是宜為銘俾後之人得
有考也銘曰

孝以事其姑敬以相其夫慈以成其
孤母儀婦道其可以無愧寃安既安

山迴川衍勒石埋幽永世弗譖

西墅集

卷十

四八

列曾西墅先生集卷十終

西墅集十卷

浙江朱葵尊家
曝書亭藏本

明曾榮撰榮字子榮永豐人永樂甲申進士第一
官至少詹事榮文章捷敏信筆千百言立就劉昌
懸笥瑣探稱成祖嘗御試天馬歌榮文先成詞旨
瀏亮成祖賜以瑪瑙帶其思速可見然集中一題
百首往往才氣用事而按切肌理不耐推敲是亦
速成之過也此本乃萬厯中永豐知縣德清吳期
炤所選錄雖頗為簡汰而菁華終鮮鄭瑗并觀瑣
言曰曾子榮詩佳處不減崑體曹安調言長語亦
曰曾學士榮蛟睫集絕似唐人殆未確焉

明永樂甲申會魁禮部左侍
郎會稽質菴章公詩文集
不分卷附錄一卷

〔明〕章敞撰

浙江圖書館藏清鈔本

附《四庫全書總目·質菴文集》
無卷數》提要

質菴章先生文集序
辛未余上春官年友章崐峯
君為予道其曾大父質菴先
生甚詳以余蒞浙中蒞士大
夫渡時、慕說章公不衰予
時已獲領質菴先生集云先
生堅秉一心逮事四聖兩使
南馭歷于部郎秘館臺閣之
間勛猷鴻苞子姓赫奕列諸二
楊先生傳贊之所抽揚具悉
矣茲集文也以文論並稱洪
永之際士質以元氣之在渾

濛其文厚重淵弘沉郁邃深
絕無浮靡儇淺之態今以先
生文閱之又其傑然者邪先
生集凡四十卷茲摘十之二
三而韻句盈帙多余時取而
翫之坦夷嚴肅與人行事
相類讀柳梅詩瑞麥賦及迺
魯相孔子頌頌之虜忠愛旨
也勸諷參焉異夫事靡麗以
阿主上者乎蓋先生不朽大其
則匡濟諸巨業立身之精則
在校讎纂集詩集未足以

詠先生宏蘊而宏蘊處于此
云全集原刻于家已一二散亡
至是范刻章君先生之書簡
也來式是邦慨然有世德作
求之思而重梓于泉以表簪
綬之遺風君丰度端凝渾然
不失世守是集也君蓋志美
墻焉其又令吾泉人士金石
而簪蔡之以景仰先生於不
替也夫奚待予言於其請
也姑序之若此
賜進士第中憲大夫巡撫雲南

建昌畢節等處地方贊理軍
務兼督川貴兵餉都察院右
僉都御史前河南道監察御
史兼提督學校侍
經筵官陳用賓拜謨



重刻質庵章公文集

明永樂壬午經魁甲申會魁禮部左侍郎奉

勅兩使安南

賜一品服預脩四書五經性理大全兼脩

國史前翰林院庶吉士會稽質庵章啟著

正統丙辰進士禮部右侍郎兵科都給事男

正統丁卯制科進士都察院右僉都御史男

景泰甲戌進士太僕寺少卿

天順庚辰進士南京湖廣道監察御史

成化戊戌進士雲南曲靖軍民府知府

正德戊辰進士四川夔州府知府

嘉靖辛丑進士河南按察司僉事

嘉靖辛丑進士南京工部都水司郎中

隆慶戊辰進士江西布政使司左叅議

隆慶辛未進士廣東潮州府推官

萬曆癸未進士廣東布政使司左叅政

萬曆甲辰進士刑部福建司主事



孫 忱 曾孫 燦 玄孫 美中 玄孫 禮 雲孫 如鈺 玄孫 守誠 雲孫 若昌

鄉科

景泰丙子鄉進士山東高唐州知州

天順壬午鄉進士

弘治乙卯鄉進士

正德丙子鄉進士

正德丙子鄉進士

嘉靖壬午鄉進士湖廣襄府左長史

嘉靖乙酉鄉進士河南衛輝府同知

嘉靖甲午鄉進士江西寧州知州

嘉靖乙卯鄉進士

萬曆丙子鄉進士

萬曆己卯鄉進士

萬曆壬午鄉進士湖廣承天府通判

萬曆壬午鄉進士廣西北流縣知縣

萬曆乙酉鄉進士河南舞陽縣知縣

萬曆庚子鄉進士福建興化府同知

萬曆庚子舉人

萬曆壬子舉人

選貢

侄 以誠 宣德己酉貢士

孫 幹 正德庚申貢士太僕寺丞

曾孫 柔 成化丁亥貢士南京陝西道監察御史

玄孫 元紀 成化乙未貢士福建汀州府通判

玄孫 浩 弘治辛亥貢士雲南五井提舉司提舉

曾孫 李 弘治丙辰貢士江西鄱陽縣學司訓

玄孫 大綱 弘治戊午貢士國子監學錄

玄孫 秉中 正德丁卯貢士

雲孫 如鉉 正德己巳貢士直隸來安縣學司訓

雲孫 延鼎 正德庚午貢士直隸祁門縣學司訓

玄孫 守誼 正德癸酉貢士湖廣珣府紀善

玄孫 允升 正德丙子貢士

雲孫 為漢 嘉靖戊子貢士直隸海州學司訓

雲孫 維寧 嘉靖甲午貢士直隸桐城縣學司訓

玄孫 守讓 嘉靖丙申貢士江西寧州同知

雲孫 志仲 嘉靖辛丑貢士

雲孫 志任 嘉靖丁巳貢士江西布政使司正理問

弟 敬

男 珙

孫 愷

孫 惟

孫 輝

曾孫 材

曾孫 槐

曾孫 卓

曾孫 檀

孫 慈

曾孫 尚和

曾孫 文奎

曾孫 守道

玄孫 元純

玄孫 元蒸

玄孫 乾

玄孫 元綸

嘉靖己未貢士西城兵馬司副兵馬

雲孫弘仁

嘉靖甲子儒士河南歸德府通判

雲孫如鉞

嘉靖癸亥貢士福建泉州府學司訓

玄孫允和

嘉靖甲子儒士尚寶司少卿加四品俸服雲孫伯輝

嘉靖癸亥貢士江西上高縣學司訓

玄孫元組

嘉靖丙寅儒士武英殿中書舍人

雲孫良瑜

隆慶丁卯貢士直隸寧國縣縣丞

玄孫元杰

隆慶庚午貢士江西按察司知事

雲孫廷爵

隆慶辛未貢士福建布政使司正理問

雲孫弘孝

萬曆戊午春三月

六世孫庠生志清 全梓

萬曆丙戌貢士直隸陸安州州判

雲孫繼省

七世孫庠生 重

萬曆辛卯貢士

雲孫夢說

武科

嘉靖乙卯武舉生廣東高州左叅將

雲孫延康

萬曆己丑武進士南京漕運把總

雲孫程

萬曆壬辰武進士浙江統兵把總

雲孫成

萬曆丁未武進士浙江統兵把總

雲孫仁

萬曆癸丑武進士江西湖口守備

雲孫敬身

萬曆丙辰武進士

雲孫明幹

中書科

嘉靖甲午儒士山東布政使司右叅議

雲孫子誼

嘉靖壬戌例貢制勅房中書舍人

雲孫仲京

明永樂甲申會魁禮部左侍郎會稽質庵章

送吏部考功郎中章公尚文歸省

山陰劉真吏部

我朝自

太祖皇帝設科取士以來我紹興鄉校弟子負由舉

子業致身顯融者比比而是或內而為侍從近臣

有喉舌之寄秉黜陟之權借論忠之職任胷子之

師莫不依日月之光華以取重於當世外而膺方

面之重臬司之任與夫為郡為縣者又莫不有民

人焉有社稷焉一皆叨享祿位顯祖宗懽父母榮

妻子為鄉黨之寵光至于今人稱道之不衰然未

有若我天官考功郎中章公尚文及秋官主事王

暹氏者之於親尤顯顯者也暹之父翁振宗親受

勅封郎官以歸于鄉而吾尚文之先親適安先生永

樂中恒以其子為翰林庶吉士與二十八人之選

入

文淵閣纂脩大典及四書五經性理大全等書迎致

南京就祿為養且得見其子拜秋官主事陞負外

即郎中歸凡數年卒尚文以宅憂去服闋還京師

太宗皇帝謂其問學洽博擢為考功郎中在職廉考

課之法無阿比之私是以公道開布而倖門杜塞

百官群吏未嘗敢有非之者寔亦難能也耶

仁宗皇帝嗣位

詔在朝文臣更事有年者咸錫以

綸語馳恩父母且俾之得以歸省為榮焉於是尚文

之父

欽贈之曰奉議大夫吏部考功清吏司郎中母楊氏

封太宜人今

皇帝大統尚文以歸省燎黃為請

皇上允其志願復賜楮幣二千緡為道里費尚文感

恩竦荷拜辭以行其僚寮以予與公既同為官又同

鄉同道而同進者又知公為最深求為贈言予

聞詩有之崧高維嶽峻極于天維嶽降神生甫及

戎會稽之山為東南巨鎮

列聖祀事孔明敷著靈既由是賢才之出其間必有

鍾毓秀氣者焉今尚文之歸掃適安先大夫之墓

也其於燎黃之頃光被松楸武昭泉壤先大夫其必欽承之死猶不死也既而捧戴綸章升堂為壽母受封典吾又知宗姻里閭交相奉賀其樂不可云喻然則尚文之於父母其豈不為鄉校弟子負顯榮之冠者耶雖然予亦鄉校之出也今老矣更期子為漢之鄭太尉弘唐虞永興公世南宋杜祁公衍諸鄉先德重望而無媿斯可耳幸毋以予言為迂又

池陽余可才

縣封郎中官至憲政

士君子以有為之才際遇

聖明膺

寵擢登顯仕得以展乎致君澤民之術以盡乎顯親揚名之通其榮幸為何如哉若吾吏部考功郎中會稽章公尚文以聰明特達之資明體適用之學登甲科居翰苑日與鴻儒闡明聖典宏文藻思馳驟駢儷揚確古今經綸治道學益富志益優奉旨稱擬二十八宿既而為秋官主政屬理刑名尋擢郎中持法律剖詞訟必存欽恤獄多平反迨其丁

外難起復家宰卿知其有學識多才藝器宇之宏堪居華要於是薦之于

上遂拜考功郎中其居是職也嚴考課之法明黜陟之典品題多士進退百官務合至公久懽輿論時余承乏司封叨忝同寅得以接殷勤咨啓迪至若商確政務斟酌可否悉中機度靡與毫釐察案莫不欽服去年春承

恩渥給

誥命褒揚寵異以及先代父贈奉政大夫母封為太宜人今年冬接省親之例得請于朝所錫府庫財為道里費榮幸奚加凡金陵交遊寮案咸設祖帳餞別都門外屬予言以華其行余惟公之學問文章若是設施鼓舞若是令問廣譽又若是豈待予言之軒輊哉夫人之常情孰不願親存以致孝養誰不欲子貴以繼志事今尚文公上有白髮慈親方切倚門之望下有青春令子早登世美之科斯歸也其樂又何如雖然詩不云乎豈不懷歸王事靡盬釋者謂懷歸私恩也靡盬者公義也無私恩

非孝子無公義非忠臣君子不以私害公不以家

事辭王事公得以盡私恩尚當式造其來展其所

慈整其設施黼黻

皇猷望鏞帝道俾恩義兼盡忠孝兩全卓然為

昭代名臣而與古之忠良同光于史冊可也於是乎

書

介壽頌

三衢金寔衡府左長史

天官長六卿之治而考功郎中進退天下士大夫
自非識達絕人大公至正者不足以當之孔子曰
惟仁者能好人能惡人苟非某人好惡未必皆當
而人未必咸宜之也然位僅五品爵為下大夫而
其所職崇重弘博非他簿書期會錢穀甲兵者可
得而倫擬也

聖明有天下六十年于茲

列聖紹隆至治脩明政教而充黻課之法黜陟殿最
一本主公以協輿論會稽質庵章公以環偉之器
濟之以弘博之學其心寬厚其行平恕秉筆以進
退天下士大夫惟其所進退賢者以留不肖者以
去而老者以休是非予奪各得分碩而無怨尤非
孔子所謂能好人能惡人者歟公行年五十是歲
冬十一月十有四日為始生之旦進士番陽徐亮
三衢徐達虞公門下感君之教請文為壽永樂癸
未公魁浙試甲申魁會試登進士第進翰林績學

中秘閣子亦備負翰林朝夕相與遊處忽焉二十載
顧德不如脩日以衰棄若予者誠無足道而得行
其志於治

朝若公者豈有不足稱者哉乃因二子之志為君頌
曰考功之官如持鑑衡惟明斯照惟權斯精思平
切是明與權度實出自我而物之妍媸輕重由彼
而形是故失者吾不知其辱而得者吾不知其榮
得失榮辱既無我預則德我怨我何從而生猗歎
質庵行年五十命大夫服官政為邦家之禎祝爾

壽考屹如崗陵而福而祿以至日增以居輔轄以
列台鼎將自今始歷階而陞

安成李時勉侍講學

考功郎中會稽章公質庵壽誕其子瑾侍養

京師求諸公作壽椿堂詩將於是日歌以獻壽
於膝下不鄙余謂與公交厚不宜默默且求子
排律雖居愁鬱之中辭不足以達意然春惟故
舊之情不能復却勉為拙句以道餘懷

靈椿高聳欲參天閱歷春秋不記年厚地托根深

而露喬林挺秀出雲烟潤涵石砌凝芝草翠拂雲
總護簡編五柳門前清興杳三槐庭院綠陰連高
柯日暖迎棲鳳華屋春融燕列仙南極老人星彩
煥天曹即署樂聲傳香分醴醕浮瑤觴光絢爛斑
駁綺筵神素見嘗知幾度蟠桃香摘又三千舞筵
萊子方調膳朝退三公正注銓珠履難容今接迹
彤墀還憶舊隨肩思深環樹青霄外心切金蘭白
日前莫致南山延壽祝謾將裏曲寄華箋

慶壽序

羊城陳璉通政使

禮部侍郎會稽質庵章公今年冬十一月十有四
日適逢壽且其嗣冠帶舉人用欽預求縉紳大夫
之作至期揮觴獻壽俾子弟敬之侑樽俎而成軸
珠玉繁然間至京徵文為叙予惟人子之於親莫
不欲其享遐齡介景福然壽出於天非人所能故
舉五福之首是以古之詩人善頌善禱者必以壽
為先人而有壽頌而祝之不亦可乎公生德門遭
逢

咸世始以明經登永樂甲申進士第時

又

太宗皇帝方崇文教遂選為庶吉士績學翰林肄習

四明陳敬宗甲申進士司業侍講

文藝期以遠大自後荐歷郎署聲光燁然今

上嗣登大寶宵旰治思用舊臣公遂拜是命以經

濟之才為春卿之貳勲業益茂聲譽益隆今年壽

介五十有九康強不少衰耳目殊聰明日從容廟

堂佐理庶政禮樂明備神人以和簡在

宸衷寵春日盛名位壽祉益未艾也他年耆英之會

舍公而誰哉昔王元之壽域碑又謂人之壽夭係

於君之政教洪惟

皇上嗣無疆大歷服仁恩誕布海宇同春舉天下臣

民咸躋壽域幼者茁茁壯者怡怡老者熙熙不啻

如葛天無懷氏之時矧公今為

贊其陶鑄之功又嘗而

天子近臣入侍朝廷猶登春臺薰于太和神怡氣清使南交矣而人仰其專對之才歷事

其膺福祉固宜此縉紳大夫之作所以極乎形容三朝荷蒙

而無讓於古之詩人也予夙受公知他時倘預壽聖上厚恩擢貳秩宗贊治神人協和上下夙夜在公

筵之末當采玉芝屑瓊蔬酌霞觴以為壽公能以

酌我以太白乎因用欽之請姑書此以俟

惟寅惟清位愈隆而志愈謙任愈重而行益謹玉璫黃流威德壽考固自足以臻此况其子瑾又克

知年愛日廣求難老之章載集延齡之詠所以心
祈誠禱益將無所不用其極理有感通福慶攸萃
是宜耄耄之歸方隆而弗替無疑也壽觴必馨寶
筵秩旅載咲載言式燕且喜于斯之時吾知公霜
髯配顏絳袍金帶情怡氣充睎如神人若將與有
道者遊于蓬壺瀛島之上不自知其壽齡增算也
猗歟盛哉予與公交好甚篤職守所羈深以不奉
卮酒為愧因瑾之有請也書此以為之叙云

駙馬都尉沐昕清樂道人

昨夜傳聞嶽降神朝來應誕甫和申蟠桃子結三
千歲松老脂冬幾百春黃髮碧瞳增鶴算金樽綠
蟻介眉辰懸知賢嗣稱觴後燁燁門闌喜氣新

裏城伯李隆

薌菊佳氣藹門庭光嶽鐘靈毓俊英翰苑文章齊
永叔經綸事業擬阿衡

恩頒紫誥褒三伐秩進春官亞六卿更喜賢郎新及
第稱觴戲綵慶長生

東萊黃福戶部尚書兼
唐事

少宗伯子正青春不為功名廢簡編拜

闕北來天咫尺掛帆南去路三千束芻禮展焚黃後
卮酒心酬上壽前自古忠臣由孝子賢郎於此要
拳拳

邢臺張瑛禮部尚書華
蓋殿大學士

春卿此日逢華誕綺席弘開喜氣浮海上蟠桃今
已熟人間甲子又將周故家文獻原來盛

昭代功勲老更優何限朝紳來獻壽衣冠濟濟總名
流

海隅吳訥都察院右僉
都御史

早歲登瀛被

寵光累朝敷歷鬢蒼蒼天開子月陽初復節屆生辰
日漸長三品上卿司禮樂五花官誥煥文章世科
有子能繩繼笑舞翩翩舉壽觴

廬陵同忱工部右侍郎

衣冠濟濟集郡英齊向高堂祝禮卿直節舊同松
栢助雅懷嘗共雪霜清臯陶事業推先達班馬文
章屬老成天署從容魯著蹟容臺超擢更馳名宣

恩萬里綏蠻貊僖爵三朝荷

聖明南極光生逢勝會北辰星拱際昇平暮齡進秩

令子南還彩服新眉間喜氣動津津秩宗自古超群彥典禮于今屬舊臣豈謂文章重史冊要觀事業展經綸壽星煜煜呈南極準擬高年引繒紳

鈞衡重令子登科祿養榮壽比喬松應不老年尊酒慶長生

富陽趙新 吏部尚書

秀毓東南夙有徵茲辰初度慶遐齡一陽始復春方兆百祿齊增鬢未星世族叩叩魁列派中朝濟濟上春卿兒孫如玉稱觴處引滿寧辭酒滿壺

蕭山魏驥 吏部尚書

絳燭輝輝酒滿甌充庭賀客總瀛州聲名天下方三品甲子塵中始一週阿母蟠桃分席上賢郎金榜擬鰲頭童顏鶴髮春長在海屋從添無限籌

鹽城成均 戶部侍郎

南極星光燭上台分明流彩照容臺已知華誕初陽復正值清明壽域開綺席歡生仙樂合

博山香裊瑞烟迴遙知此日稱觴處應有黃封

御賜來

東吳張洪 翰林脩撰

三桂堂記

禮部侍郎章君尚文作堂於會稽山之陰其鄉士大夫相與名之曰三桂之堂堂之前植桂固多矣而以三云者何自晉却生對策有桂林一枝之喻歷唐宋來遂以艷科目之得雋者曰招桂章氏由宋迄今舉進士者凡三人故有取於是也尚文世家於越高大父諱斌宋景定間鄉舉第一人值末運仕弗大顯傳三世俱以隱德重鄉邦大父暨父以尚文貴皆贈嘉議大夫禮部右侍郎尚文登永樂甲申進士第入翰林典即署累遷至今官子瑾宣德丙午領鄉薦正統紀元遂擢進士高科此堂之所以名也堂峙湖山之間其北為偃山：枕大海出雲氣而吐光景朝夕不窮南為稷山一名齋臺則越王勾踐祭天之所所在焉又其南天姥秦巒諸峯凌霄漢而隱烟霏鬱然相向蛾江耶溪之水環繞其左右而唐所賜賀知章鑑湖一曲者寔相屬焉波光山色竹樹映帶奇舒秀卷不一可名此居之勝而得其地也夫綿世澤而盛者人之賢鍾川岳而秀者地之靈人以地靈地因人勝章

氏之桂不特一世有之傳世愈遠而得之者凡三焉是豈偶然之故哉雖然推厥所由亦惟本諸德而已耳姑以桂譬之玉幹瓊枝植之良也密葉繁陰積之茂也金粟天香華聞之盛也傲歷風霜志操之堅也故君子有取於桂者不徒擬其榮又將賢以比德焉尚文之高大父名魁多士大父而下雖未達而均膺寵贈德可徵矣尚文以高才碩望顯于朝三十餘年而瑾又克繼濟美振揚於今雖本世德之遺亦以尚文承藉啓迪之致也繼茲以往因其植之良而積愈茂因其華聞之盛而志操愈堅吾見德厚而慶延他日後之人於斯桂高攀旁折也不可以數計矣然則斯堂之揭得不為之攬輿乎是為記
正統元年歲次丙辰叁月貳拾捌日甲午榮祿大夫少傅工部尚書兼
謹身殿大學士知
制誥國史總裁建安楊榮書

三桂堂賦有序

三桂堂者今春官二卿章公之世居也章氏代濟文獻於越自公之高祖至公及公之子五世而三擢危科邑大夫表其里曰三桂公困用以石其堂蓋不忘世澤示訓於子孫也堂在越之山陰且盡得會稽山水之勝予因想像為賦用勉其後人承休緝慶於綿、云

滌越江之滔、兮弭予棹乎江之澍、偃稽山之礪、硎兮遙揖乎秦望與天姚、齋臺截巢以前、聳兮稱峯鬱其後、負枕渤澥之湯、兮沃日月而吞吐曹江委蛇以激港兮、挾鏡波而東注、思前人之不可見兮、悵衷衷而不能去、瞻林壑之深秀兮、步容與乎山陰、厥華堂之翼、兮藹芳樹之成林、濯三秀於階除兮、同本根之一氣象、喬梓之頽、邛兮儼森、其有序承上天之雨露兮、滋厚地之靈液、葉沃若以屯雲兮、陰輪困而蔽日、既含章於九夏兮、又蘊美乎三春、當衆芳之搖落兮、獨超然而逸、群葩離、而璀璨兮、若鏐金之在冶、氣方冽以悠揚兮、類萬斛之傾瀉、屬西灝之澄

清兮、素魄縣于中夜、湛金波而見影兮、忽婆娑而在下、果青碧之無跲兮、事竟成於有志者、昔厥祖之好脩兮、先多士而獨步、躡青雲以折枝兮、竟踟躕於末踞、羌時命之不常兮、曾弗蔽其大猷、將造物之故恠兮、用貽厥於孫謀、食累葉之餘慶兮、鍾光岳之間氣、步雍容於岩廊兮、鏘璫琚與玉珮、驚產於丹穴兮、向朝陽而載鳴、絢九苞之文彩兮、麗丹青而蜚聲、何邦君之好賢兮、用表厥其宅里、肯構聿其告成兮、揭嘉名以勸美、祐手植而善培兮、旦得之為三公、鈞邁種而厚滋兮、五子卒用之以奮庸、遺子孫以積善兮、若符勝之不爽、望德門之渠、兮庶邦人之景仰、乃謂曰、樹團、兮花爛熳兮、仁為根兮、義為幹兮、善以培之兮、澤溉灌兮、以滋以長兮、夜而旦兮、勉、循、兮無間、斷兮一生二兮、二生三兮、將後來者繩、兮而無算兮、

正統元年丙辰秋玖月望奉議大夫衛府左長史
三衢金寔謨

三桂堂詩序

三桂堂詩若干首士大夫為禮部侍郎章君作也章君居越之會稽高祖斌宋景定中鄉舉第一人至君復以詩經與予同登永樂甲申進士第宣德初北京行部卿試君次子瑾又以詩經中其科縣令丞表厥里曰三桂坊鄉人老長皆以為榮於是又以三桂名其堂士大夫聞而誦詠之章君不能止也既成卷矣乃以屬予序昔晉武帝策士東堂卻說射策居第一嘗對帝說曰臣對策如桂林一枝昆山片玉由是擢第者皆取喻於折桂見於前人詩多矣夫科舉者行道之士所由以入之途也然能世濟厥美者鮮矣道非不足以延其世蓋有違道以墮遏之者是故勃然而興混而而莫之繼者此是也惟謹於仁義之君子既以善其身又以善其後人後之人皆勉而承之是以能相續於無窮於乎其可多得乎哉章氏故以儒名家既大顯於景定積之、久則又顯於君永冠赫奕前後暉映君之清才懿行既足以為邦家之光閭里之榮今瑾文試進士駁：通顯矣其前人之所

以善身與後之善繼皆可知也則以三桂名堂而詠之豈非宜哉抑予聞之桂芳烈之物也古之君子以善自治每託意於桂且當寒沍之際而有後凋之節君子之守道不變者似之以之為樂可以已疾而延年君子施澤於民使享樂利於悠久者似之章君其兼體焉則章氏之桂與五氏之槐等矣蘇子所謂德之符者又於此見之繼君者尚益勉焉則豈特三桂而已哉蓋累而三之未見其止也姑序其詩以俟正統元年四月望日中憲大夫詹事府少詹事兼翰林侍讀學士脩國史泰和王直序

林侍讀學士脩國史泰和王直序

三桂堂銘有序

會稽山陰有名家章氏焉宋理宗景定間斌舉於鄉為第一人其後中禮部會試者國朝永樂二年敝第四人正統元年瑾第七人敝曾孫瑾之父也自斌至瑾五世而三人者名顯科目鄉邑因扁其里曰三桂里其堂曰三桂堂古者有善則以表厥宅里示勸此之謂也至於和氏一枝實氏五桂又皆以其一喻一人之美章氏宅里有名與所以名之表有自來者如此嗟乎一枝已足說矣而况三乎出於一時已足貴矣而況於世出乎厥值宋運衰去隱約而止敝父子遭遇聖明皆得賜進士出身以顯敝字尚文今累官禮部左侍郎有譽望於天下暨瑾俱駸然遠大之域未可量也一桂奚足為之說哉然嘗求之桂雖微物然其根培之厚則發為幹也大幹大則其枝從而茂此自然之理也君子植德於始有同其根德厚則慶之流於遠亦如幹與枝之大且茂矣宋王氏之三槐可徵則章氏之三桂豈真無足說耶侍郎公自與予同脩

五經性理大全諸書至今相好最久瑾又予考礼部試所取士故公屬予以銘：曰

會稽於起如岱在魯曰援曰偁前瞻後顧鑑湖蛾江秦望天姥周覽於堂昔在階户堂開觀：而高臨清挹奇據勝毓秀鍾靈有書在牖有桂在庭祖孫相授本枝同榮猗歟三桂惟德所就根幹枝葉匪德弗茂千歲四時德乃可久恆德或懈栽培徒厚偉哉章公再世顯庸既茂且久與桂俱榮雖肇自昔實脩于躬我銘有徵未繼何窮

正統元年肆月甲子前翰林侍講武英殿太學士燕脩國史經筵官廬陵陳循撰

翠微樓記



會稽章適安先生構樓于所居之後以四面皆湖山名之曰翠微之樓先生既終于壽考而先生之子天官卿尚文氏屬予為之記且曰此先大夫遺志也子可無言乎尚文嘗與予同官翰林迎先生訖養于

京師因得詢其所謂翠微之勝先生曰吾之所以樂此者可以備遊觀之美也鑑湖之淵渟滯于四俛山之崖聳峙其北逶迤而東則舜江也其流浩渺遠達于海不可窮極而其近之可挹者南有稷山為奇秀深窈亘數十里而與禹鎮天姥諸峰低昂迴伏若萬馬之騰驟劍戟之排擻朝夕晦冥雲雨出奇烟霧變態卉木呈祥蒼蔚之氣與湖光掩映至于鳬鷗之出沒品物之流形極乎遠而不可見者吾嘗憑欄縱目一覽而盡得之於是意有所愜凡吾目之所寓者其中超然有以自足者吾將歸而佚老于此子其為我賦之余謝以不敏孰知先生竟不可見矣嗟夫先生之雅致如是抑豈不可

重者耶常人之情有百金之資則自務以驕侈有百畝之產則自安於逸樂獲鼎食之養者則自矜以尊貴由是厭巖壑而慕朝市悅膏粱而喜文綉欲誇大於一時者余往、見之先生為省元之孫繼述承家產業之厚祿養之榮而心則未嘗有羨乎此獨於斯樓有所樂焉歐陽子之所謂志在山水之間者唯先生有焉其異於人遠矣尚文方顯揚於時雖去家日遠然而思昔之侍先生菜絲于茲晨昏定省侍膳左右今不可得矣其孝思寧有既耶夫心有所思而不能忘者斯足以繼前人之志尚文其能之則樓之勝景先生之高風雖歷千百世而不泯也余因是而重有感焉庸書其實俾登茲樓者非徒覽觀山川風物之美且知先生之志趣而尚文足以繼述之也

永樂十六年春正月望日甲申進士吏部尚書泉坡王英書

明通議大夫禮部左侍郎質庵章先生文集序

余聞有鄉先達禮部左侍郎質庵章先生登永樂甲申會魁歷洪熙宣德正統

四聖之朝文章政事表建明時赫赫爲學士大夫所仰思見其人考其行事無從也此五世孫江右理問元綸小兒萬里之夫人也應觀來京間出先生詩稿請爲序其首云夫國家之興必有魁人碩士抱才而負猷者奮庸而起其在史館則敷張神翰潤色洪謨以文章耀聖世之精華其在臺閣則羽翹廟廊贊襄密勿以政事理天下之大平若迺佩綸音持使節賦政遐方也則又敷專對之才大撫綏之猷予以尊中國鎮四夷揚聲靈於要荒之表蓋雲蒸而風生龍吟而虎嘯勢固然也若質庵先生其人歟先生應昌期萃東越山川之秀星華鳳彩班情馬思翹然首舉始登甲第奉

睿選校書中秘應二十八宿纂脩大典及五經四書性理諸書大全

文皇帝時幸秘館或召便殿質以子史百家之學致

蒙校尉駙從之寵遷刑部郎中朝內外服其平及再遷考功秉黜陟進退之權扶植正類使天下陰受其福

章皇帝簡拔耆舊晉禮部左侍郎時禮樂脩明神人協和會遣使安南擇老成重望素鎮蠻夷者以在凡兩屬先生諸所餽獻金幣悉麾却之至今安南有卻金亭蓋使要荒絕域知天朝之大中國之賢世効順而不敢携貳其心詩曰既見君子爲龍爲光此非朝廷之柱石社稷之英華以身係當代重輕者哉先生往矣揚子雲有言存則人亡則書觀斯集而人益信也嗟先生翰苑之秀台鼎之望藻思鴻筆當有黻黼皇猷爲世用者所著質庵稿四十卷迺嗣禮部侍郎素庵瑾都御史畏庵璠刻于家夷擾散失茲迺魯孫襄藩左長史海崖李懼先德之或湮也搜訪一二命男江右理問元綸手錄校正冀得全集續梓也先生事功聞望元輔名宗贊美于前而傳休于後矣奚俟余言哉

萬曆癸酉歲元日

賜進士及第通議大夫吏部右侍郎兼翰林院學士
經筵 日講官

國史副總裁山陰南明諸大綬撰

禮部左侍郎質庵章先生傳

先生章氏諱敞字尚文遠祖巖兵部尚書守泉州廉
州刺史及遷浦城太傅仔鈞娶練氏有全城功後彥
武自浦城遷會稽子孫遂爲會稽人高祖斌宋景定
甲子博學宏詞科鄉舉第一人曾祖復賜祖君采父
昇世有隱德先生穎敏有智畧初補郡庠弟子負日
以讀書攻文辭爲事服食之需不計其有無壬午以
詩經魁鄉試永樂甲申魁會試選庶吉士入翰林同
狀元曾榮而下二十九人績學文淵閣預脩永樂大
典授刑部江西司主事先生究心理斷訖無冤滯奉
詔復入翰林纂輯五經四書性理大全書成受重賚
時山西有盜掠人財詔有司亟捕之逮至數百人先
生適當其事上官督之甚急先生曰殺人重事豈宜
率易徧鞠之皆有辭一人辭色獨異先生収其辭色
異者餘悉疏之俾明日復來明日亦如之衆皆如約
勘其爲盜者果一人衆始爲先生危終乃深服之有
何千戶者商數輩莫宿其家被劫商疑何何訴之官
恐不能自明乃縊死事聞詔巡捕者三日弗獲抵死

既三日不獲則拘隣佑者二十餘家別楮幣證其為盜先生詰之曰商遠來而楮幣約皆新何也捕盜者不能隱遂首伏二十餘家皆得釋未幾陞本部員外郎授奉訓大夫復陞本部郎中丁外艱歸起復行在吏部考功郎中洪熙改元賜誥命授奉議大夫推恩父母丁母夫人憂服除轉驗封郎中尋陞行在禮部右侍郎進階嘉議大夫加封父母及祖父母如制奉詔往安南命首黎利權署國事先生宣威德讐服利郊迎拜使者堂下利令所親給事左右數進甘言誘以聲色先生正色遏絕之及還賂以金珠異物多方致之先生堅却不受及利死朝廷以其子麟權署國事復命先生往諭之關吏曰此天使前却金者再來矣以還麟所贐皆却之不敢更進平陽王復封晉而恭王昔所有田土及護衛官軍房舍有司莫能處分王以爲言詔遣先生往理之至則勘其田土悉歸王府房舍驗所有軍士給之餘悉以居民王樂從之復遷左侍郎與胡尚書濬協謀國家典禮前後損益不同吏無所據或緣奸乃取國初以來所行條格籍

記之於是司屬遂有所持循太醫院醫士妄舉鄉人爲醫以復私怨時爲積弊奏革之僧道請度謀者歲以千計奸偽日滋請遵洪武中例循舊額三歲一給其有舉任僧道官者不許越州郡由是奸偽者漸息會同館四夷朝貢者日給廩餼往爲監臨侵剋乃嚴爲關防以副懷柔之意先生爲人尚詼氣調卹朋友曲盡其道不以患難死生爲輕重平居簡靜遇朋友談笑戲謔襟度豁如然絕口不道政事及臨事井然有條爲文簡潔所著有質庵稿四十卷藏于家壽六十二歲諸子瑾正統丙辰進士後官至禮部侍郎璠正統丁卯制科進士後官至都御史瑄景泰甲戌進士後官太僕寺少卿克世其家云論曰士君子抱負才氣脩志山林無聞於世者何限哉先生際明時爲顯官處順安常克諧所事蔚然有聲稱書曰時人斯其惟皇之極有以哉

榮祿大夫少保禮部尚書兼武英殿大學士石首楊漣頓首拜撰

章質庵先生圖贊

光祿大夫柱國少師工部尚書兼謹身殿大學士建
安楊榮撰

此禮部左侍郎質庵章公行樂之圖謂其身居廟廊
也則興似適乎林壑之間謂其髮垂斑白也則心實
存乎補報之冊擢賢科遊翰苑文章蔚然而可觀掌
邦禮專使命政績偉然而莫攀顯榮三世煥恩封於
龍誥教成諸子接步武於鵷班宜其事 四聖而振
英稱於海內行將正八座而作良弼於 朝端也

明永樂甲申會魁禮部左侍郎會稽質庵章公文集

河清賦

混沌既分二儀肇位夫何一氣周流天地浩：湯：
莫測其際旱焦土而不竭奔昼夜而不止爰綱絡乎
衆流實超異乎群水其濁也流波成漭渥泥作渾天
光爲昧日景爲昏沮如汨：汚不知其所分其清也
玉潔其色珠涵其光淨澄江之素練瀉天漢之銀潢
冰清黛碧實有異乎尋常然而濁則屢見清必以時
一清一濁匪人能爲于今獲觀其清而不知其爲何
瑞敢請之詹尹以質其疑詹尹曰此夫潛跡于闕而
肇源崑崙者歟導流積石而噴薄龍門者歟配靈漢
於蒼穹者歟冠四瀆以稱尊者歟濁者其常清則爲
貴清濁之感惟德是視彼涼德之世洪流汎溢厥浪
驚濤變恠百出方隄防之不暇實橫潰之可恤繫歟
子之興歎肇見于漢室惟治道之脩明乃効順而符
德沙之汰之化濁爲清如雲開而日耀如塵去而鑑
明千載一期實爲休徵是以貞觀之世亦嘗僅觀於
斯應矧哉

皇上躬堯舜之盛德乃握乾而闡坤一心運量與化
彌綸仁聲義聞昭布八垠文恬武熙萬國來臣天之
大端胡寧弗臻所以川后獻勤河伯効珍汚者以潔
濁者以澄啓

聖德之嘉應肇萬世之太平昭貞符於千古莫

宗社之永寧惟此之故彰我

皇明倚美哉夫是之謂河清

鍾山龍蟠賦

客有攬青雲以遐搜挾冷風以遨遊邇震澤而西上

過龍河而臧舟顧而樂之曰偉哉此鍾山也蜿蜒
蜿蜒而復聯迴迴抱紆徐連蜷是誠孔明所謂天
府之國而勢爲龍蟠者爲於是騁遐踪躡龍從捫垂
蘿而直上坐白石以從容遊心神於天際豁望遠之
雙瞳覽茲山之秀異鬱佳氣之葱蒨跨荆揚之衆廓
枕大江之冲融摩憂霄漢勢歷華嵩環群峰以羅立
屹偃蹇而當中繫若列宿北辰是拱臨汴堆亭出其
左衡陽大城連其東雲屯武岡綿亘相從又有天印
石攬雁門青龍竹堂聚寶天關梓桐森乎朝揖有若

來同咸大矯而奔趨或爭奇而獻雄訝頭角之崢嶸
肖形體之躡蹠羗以爲延津之劍化也胡騰驤而不
飛以爲榮水之出圖也又巢穴而岢峙豈神物之變
化與五嶽而爭奇耶抑東方之辰曜乃孕精於斯耶
無亦天下文明而見龍在田耶何乃蜘蛛差哉婉嫵
嶺岢繞宮城以如抱紫

皇都而若盤儼長虹之四垂與階虬之出淵也信造
化之所爲固元氣之攸鍾雖賦質之坯煇實肖形之
惟龍宜地靈之斯萃爲萬世

帝王之宮也方將北瞰玄武南撫秦淮尋猿驚鶴怨
之幽谷度峭壁桂嶺之崔嵬倏焉長風捲陰天日舒
明松聲鼓濤萬壑雷鳴恍警鬣之振搖勢將挾飛雲
而上征爾乃下陽麓倚雲屏瞻蓬萊於中天見
宮闕之峻嶒輝燿焜煌赫々明々且忻且感載思載
評何六朝之閨位亦茲山之是據蓋王氣之久閱自
有俟夫真主欽惟

太祖聖神文武誕膺

天命奮飛九五掃妖氛而蕩六合扇

皇風而濕甘雨眷東顧而佐京擎

皇基之永固是以混萬國於一統壯京畿於千古

皇上嗣興重華協

帝不恃險以為固乃益脩於仁義蘇閭閻之瘼痼起
巖穴之幽滯由是攀鱗而附翼者莫不際風雲之會
而景從雍熙之治直將躋漢唐而追三代矣賦已乃
歌曰鍾山巍々兮王氣綢繆勢維龍蟠兮迴拱紫宸
固我邦基兮地祇孔神九鼎永鎮兮垂裕千春

大江繞金陵賦

三光明兮乾清河海晏兮坤寧樂余生兮及時挾冷
風兮遐征快觀光兮

上國登高丘兮舒情覽長江兮天塹壯湯池兮金城

蓋天造而地設實有待乎我

皇明之任京也徘徊容與顧瞻憑凌爰有一客揖余

而言曰子今衣逢掖冠章甫足躡雲衢名登

天府弄翰操觚文章為業稽形勝於輿圖考地理於

往牒一物不知君子耻焉帝王建都必依山川景毫

豈鎬商周固然茲金陵為天下之都會而大江環繞

乎其前子亦嘗沿其流而溯其源乎余曰唯々嘗聞

之矣是江也濫觴岷山經始洛汭觸江津而澎湃出

岷峽而噴薄囊括沮漳并吞沅澧晶滌瀾漫而不知

其幾千萬里爾乃網絡百川合流東會奔流激湍既

洪既駛効朝宗於畿甸勢迤邐而盤委迴天關以右

馳挾秦淮而北匯繞

宮城之萬雉莫閭闔於中央激虎踞而走龍盤作

神州之保障伊彼洛水曾不足比景負維河差可儼

羨觀其鼓洪濤於盧龍揚雪浪於石城光涵幕府之

翠影倒三山之顰混瀚灝渙渙混渙渙如瀉天漢如

飛玉虹辟雍同其折旋滎河曾何足以並其雄其潮

也若轉天輪其汐也若旋地軸餘艘綿絡帆檣蔽目

通貢賦於萬國來玉帛於九服樓閣重々影浸寒綠

清風欲起微瀾如簇放田漁於江皋散馬牛於沙陸

貨財所資人以富足其勢控荆揚其上蔭女宿固茲

形勝王氣攸蓄此其為東南之奧區而戒

朝所以據上流而立國也客聞而喜曰子之言固詳

矣然與其誇言辭之藻麗孰若縱遊觀之遐躅者乎

於是與客下層巔挾飛僊騎長鯨驟蜿蜒朝吾道兮
金焦夕余憩兮龍川仰鍾山之巍我瞻蓬萊於九天
驚依兮銀渚雁落兮紫烟驅馮夷兮來御塵湘妃兮
鼓絃濯滄浪兮浩歌感汎濫於當年顧而謂客曰九
江未蕩平成曷期開萬世之宏功匪神禹其伊誰允
吾後世得不為魚鼈以遂其有生之樂者寧不感念
於斯也耶雖然奠我民居維昔神禹紹禹之績維
皇太祖當元氏之用夷曷禮義之能行彼人心之決
蝕甚洪水之襄陵幸而

帝命有歸

太祖龍興天戈一麾四海底寧辨方正位相是作京
發倉廩以賑貧之挽長江而洗甲兵制禮作樂以文
太早垂四十年翼翼承承肇宏基於萬世昭貽謀於
遐齡

聖皇嗣服繼體重明仁昭義宣萬國來庭然而不自
滿假益慎益兢謂仁義為足尚謂險固不足憑大啓
明堂登崇俊英保合太和丕揚德聲遂致文恬而武
熙治定而功成吾今與子幸生

盛時以邀以遊優游以休安居 食而不知
帝力之何有不亦幸哉客笑而起乃歌曰大江湯湯
環 帝鄉兮

聖皇御極統萬方兮民物熙熙歌樂東兮祝
皇之禧如大江兮於千萬年保茲家邦兮

瑞麥賦有序

永樂三年夏六月陝西西安鳳翔二府各進瑞麥于
廷有一莖三穗四穗至六穗者群臣稱賀咸謂
盛世之嘉禎也 臣敬謹載拜而獻賦曰

乾坤闢闢榮光四塞萬方和會百神受職乃有勾芒
之屬舍福之靈孕決北之氣儲造化之精
皇風為之煦育化雨為之陶成萃奇釀美毓秀敷英
三岐並稌五穗聯莖實穎實粟載欣載榮此來牟之
為瑞所以昭

盛世之休徵也爾其洛天乳晞朝陽光光懔懔漸漸
穰穰纖芒耀金翠葉揚芳當西成之未至乃首夏而
登場實舍驪珠之淨粃團玉雪之香可以為瑚璉之
采可以為

宗廟之享故爾雅稱其繼絕周頌贊曰於皇然而兩岐之歌僅鬼漢之漁陽載之史冊猶以爲祥矧今六

穰實爲非常蓋根之碩者所以表

國本之隆盛穰之衆者又以見

文庶之蕃昌是豈非泰運亨嘉而貞符自彰也哉於是守臣弗私厥誠是將載馳載驅獻于明堂稽首拜手舞蹈掄揚若曰聖皇御極六合同春

睿德潛通植物知仁故茲來牟發祥効珍匪黑壤之

能致實至和之兆臻茲

帝命之率育所以康濟乎兆民者也况五穀之登國之大願

聖德昭假臣敢以獻時

帝當宁周行是諏百辟承事協贊

皇猷觀燁燁之靈貺咸進拜于

冕旒

皇帝曰咨來汝臣鄰天休之應格于有仁偉茲嘉瑞朕德曷臻矧諸福之物惟年豐爲大瑞蓋稼穡之重

民命是寄故八政先於慎食七月重於民事惟茲祥之來固有以協朕重農之志然遇祥知戒朕弗此恃

勅爾臣工益加勵焉命爾田畯職維身先載履南畝載觀大田凡厥百穀播植維徧率爾父子迺詠迺宣盡耕耨之方無失時之愆勿荒勿怠益填益虔若是則不特受來牟之祥於今日又將迺用於有年乃歌曰來牟登芳

天休徽芳百辟敬承芳群臣進而廣歌曰我

皇聖芳

天休應芳兆民之慶芳

帝廣載歌曰百辟良芳

天休彰兮四海永康兮群臣載拜翼翼而退愚臣述事以陳辭願進獻于

丹陛

明永樂甲申會魁禮部左侍郎會稽質庵章公詩集

辟廱詩有序

太祖高皇帝受天命為天子建太學於雞籠山陽以興天下之賢以敦教化之本且以時

臨幸凡三代養老尊賢大射乞言之禮咸舉弗

遠迄今賢才不乏化行俗美厥有由然我

皇上繩其祖武作新學校文教誕布覃及方外故

雖蠻夷之國不遠數萬里皆遣子就學治化隆

盛光昭前烈詩曰錫京辟廱無思不服此之謂

矣臣敬幸際文明私竊自慶因忘其燕陋作為

歌詩以宣昭盛美云詩曰

猗歟國學風化之原詢厥古初孰作其先成均米廩

左學東庠克崇厥教曰虞夏商繼商之緒實維姬周

文武齊聖禮備樂脩廼建辟廱其流湜湜用以明和

厥制孔碩炎劉奮跡唐宋繼興辟廱載廓式崇其名

比于有元淳風日漓素戒典則蠱戒民彝皇矣

上天眷茲下土作之君師篤生

太祖

太祖受

命悉臣萬邦洗滌癥垢挈我宏綱廼召司空廼董徒

役廼作辟廱為民之極廼經其始廼度其址兆民攻

之其來如水辟廱作止清廟維崇六館翬飛多士雲

從藹藹多士百千其負鼓箏踵堂曳裾連連有德有

造

邦國之基涵洽

聖化魚躍為飛

皇興庠止有赫其儀維蘋及藻舍奠且宜廼進多士

多士翼翼

帝告汝訓忠孝是力士拜稽首

帝命是式祝

皇之壽正于萬國萬國以正五典維惇神化旁達施

于無垠戒

皇神聖克承丕緒武偃文脩式蹈

前矩大射行禮養老尊賢緝之熙之光昭于

先維彼四夷雕題黑齒聞風慕義遣子學禮

皇風輯穆四海入寧奕奕辟廱永表于

京小臣作詩式揚休聲用刻貞珉垂耀千齡

榔梅詩有序

永樂三年六月十二日襄陽府武當山道士以榔梅四百顆來獻其言曰昔玄武學道道未就因折梅挿榔誓曰吾道如有成則梅實卒如其言後人因之以驗歲之豐歉歲豐則花繁而實歲歉則雖花不實具昏明驗今年實繁誠年豐之兆也用是以獻

皇帝於是命儒臣考之啓聖錄其事有徵咸謂西

成可必此

聖德昭假天下蒼生之福也羣臣遂稱賀而退臣敬按周自后稷躬稼穡公劉厚民事文王即田功武王重民食積功累仁世世相承故海內富足治化隆盛而有嘉禾之祥我

太祖高皇帝起自臨濠克知小人之依既宅

帝位允東作之興必躬耕籍田以先天下今

皇上嗣承丕緒率由舊章敦本抑末惟以養民為

務實與成周同一務農重穀之意是以

天心協順貞符先見而榔梅呈寶也

天之降康豈偶然哉臣觀茲瑞應不勝欣躍謹附

嘉禾紀書之義作四言詩一篇以彰厥美

詩曰

繁彼榔梅二木同榮天降奇產鬱勃所凝歲在旃蒙
發祥效靈載欣載毓有聚厥英既繁而實豐穰之徵
其徵維何百穀用成爰詢厥美曷以致之我

皇太祖克知民依躬耕籍田勤於三推

皇上嗣服率行

先志務農重穀有緝弗替

聖德昭假雨暘時至天斯降康榔梅呈瑞維昔后稷

農事開基公劉文武世篤弗違嘉禾紀書有燁其輝

今我

聖皇與周同德粒我烝民咸歸于極榔梅之祥寶

天之錫天錫

聖皇厥類維彰既庶既富四海樂康於千萬年

皇圖永昌

懷克平弟

白露瀼、衰老茫、我思君子在天一方欲注泫之
弱水無梁永言思之寤寐不忘

白露為霜我行遠方比美君子如珪如璋我不爾思
我心難忘爾無我思、我心傷

右白露二章、八句

頌類

擬漢高祖過魯以太牢祠孔子頌有序

惟十二年冬十二月皇帝由沛過魯將有事
於孔子乃集群臣而告之曰嬴秦無道焚滅

書籍以愚黔首以鞭朴待天下之人天下之
人咸弗自保皇天眷佑下民俾我有漢克定
三秦收群雄誅項氏肅爾萬方有衆無敢有
肆厥志朕猶不敢荒寧以自貽於匪彝商書
曰惟皇上帝降衷于下民若有恒性克綏厥
猷惟后朕式遵古訓以嘉靖萬邦深惟先聖
孔子生民之軌範萬世帝王之師也朕頃以
兵革之故尊崇之典未施今四方平定顧惟
治道莫先於崇儒崇儒無踰於孔子爾有司

獻頌曰

具太牢禮朕其躬親祠之百辟奉詔惟謹越
翼日皇帝備法駕服袞冕御闕里以行祀事
載拜俯伏執爵獻幣允協儀度群臣顯相弗
懈益虔禮成詔臣某刻石紀績以示崇重斯
文之意俾後世知所勸云臣謹載拜稽首而
煌、有漢應天順人戡定禍亂圉于至仁惟昔強秦
肆威佐愚刑戮是逞召怒四國我皇受命奮興豐沛
提三尺劍汎掃區內既屈群策四方底平功成治定
禮制樂興尊崇先聖祀以太牢鞠躬俯伏靡憚厥勞
惟昔先聖人倫之極刪述六經與世作式惟皇祀之
禮尊于先駿奔對越于胥乾乾豆籩靜嘉鍾鼓煌、
神來享之于廟于堂祀事孔修人神具和我皇蒞之
降福孔多惟昔斯文既墜于地不有崇之曷昭于世
惟皇仁聖萬方之主載述載續先聖之緒惟昔先聖
道德隆盛惟我皇帝實與之並大祀既成頌聲斯舉
請勒貞珉垂耀千古

明永樂甲申會魁禮部左侍郎會稽質庵章公詩集

玉堂對雪分得想字

首春氣獨肅彤雲連蒼莽
須臾密霰零淅瀝綠簷響
寒吹忽西來急雪分上下
散亂集空階飄、近書幌
璫樓明素輝玉署涵虛朗
淒迷灞上踪婉孌郢中唱
盡簪總時英才華極豪蕩
對景發長吟憑高恣清賞
言念剡曲遊眷焉起遐想

清白堂爲楊東里賦

魏、關西公伏策扶炎綱
謀盡嘉猷匡翊慎明駁

東志尚貞潔厲行婉秋霜
裕後匪金玉啓迪崇義方
高風不可扳千載流聲光
善積諒有徵慶衍久彌昌
夫子紹先澤立身文翰場
矢心遵令謨兢、恒自將
明水湛澄徹可以薦明堂
荆璞謝瑕類可以備珎璫
操持絲綸地黼黻雲漢章
寵承明主恩令譽隨風揚
退食東館餘於焉日徜徉
爲樂只在茲撫志無怠荒
仰瞻既無忤貽謀一何良
爲謝後來者肯構無或忘

宿齋南宮懷遺安兄

老去便安靜漸與人事疎
吏散即掩關陶然遂閑居

理性猶未足烏能事詩書
偶此值齋沐跡遠心與俱

止心湛無波明日照窓虛
忽念平生親遠來東海隅
鹿門擬同調有莘乃其徒
但知耕釣樂不惜年歲徂
何當爲合并一寫心煩紆
上以榮國恩下以敦友于
此志竟以乖引領空躊躇

臥病懷克平弟

客行經多旬來至娥江曲
親朋俱在眼爲樂良未足
歸來始七日妻孥欣滿屋
飲食豈不時寒氣忽攻腹
鼓胸若鳴雷攪腸同沸粥
晨興怯衣單午食却葷肉
酌酒徒冒煩飲湯等焦沃
眷軟困偃僂腿寒倦拳局
望遠目屢眩倚床氣猶縮
甲子踰五旬老景會見促
况茲病相尋烏能全五福
誰言服官政行當佐鈞軸
沙汰極冗食甄陶盡良牧
空懷少年志寧知雙鬢秃
聞君富良劑回生在瞬目
願施一匕功怯戒二豎毒
枯枿長新梯寒谷回春燠
談笑罄餘懽登臨窮水陸
欲布酬君懷不覺書滿幅
俚言污清聽瑣、寧非瀆

贈士淳弟常州貳守

楚、吾宗彥英、賢大夫掉鞅出文場
蜚聲滿皇都

荐承民社寄屢見惠澤敷及茲述所職飄然賦歸歟
行、出畿甸去、迺桑榆素榆渺何許乃在稽山隅
天姥秀可攬沃洲雲可娛山水足游衍閑情逐樵漁
時歌太平謠擊壤同康衢故舊亦來集慶賞多歡愉
貪榮非所貴知止良可圖嗟予信何似潢潦映清渠
重念同宗好氣象敦友于共趨鹿鳴宴出處彼此俱
執手一朝別寧不增煩紆他年遂歸情來訪山中居

感遇

對案忽不食飛思入胡天胡天千萬里沙漠多腥羶

茲物古難馴况復居中原豺狼性不常狡獪多變遷
恩義不足柔激憤挺戈鋌雲擾事可矜履霜防未然
處置宜有漸散居在三邊為衆既云寡遠道勢無援
茲理甚昭晰化機恒幹旋寄語當路者吾今非誕言
豈此楚人倚無事憂蒼天

匪我軒為王內敬賦

藝苗望有秋種竹期成林竹萎苗不實徒勞若人心
父母生子日教養勤規箴願為梁棟材聲價比南金
詎知今長大材困無所任學業廢勉旃歲月徒侵尋

何異階下莪荒穢日以深微賤此蘿蒿委棄周道陰
於烏一太息淚下沾衣襟

賦得石鍾山送楊勉仁歸省

彭蠡渺空濶石鍾鬱差我衝波激礫石音韻紛相和
涵澹蕩輕颺噌吰激幽遐緬懷東坡翁良夜忽來過
放舟遊絕壁逸興誠何多覽勝忻有得著文垂不磨
清風慨已遠寂寞青山阿幽谷照明月危磴懸垂蘿
天空聞遺響水落流餘波君行弔陳迹所感宜如何
絮酒酌芳渚徘徊發浩歌

送宋長史文瑩之懷府

皇明啟昌運四海咸熙、分封重藩屏輔翼資令儀
夫子昭代彥忠義風所持恩命於焉承駕言佐藩維
董相播芳塵賈傳揚清輝儼休信不遠遭際良在茲
過車出京國祖餞臨長遠維時歲云暮河海凍無漪
朔風捲征旆零散沾裳衣負笈匪由從立雪諒已違
望、去塵遙悽、動遐思願言勤訓育庶以慰睽離
送周編脩孟簡還南京

念與君結交十年在金閨所志在文翰歲暮同襟期

詎云有乖闕相逢在天涯
日夕恒相過有酒共持
懼愛良未已君行欲何之
去去返初服迢迢出京畿
霜清塞草黃長河急流漸
霸懷自無已况與君別離
浮雲起天除翹首長相思

送兵部陳尚書洽出鎮交趾

將軍承朝命仗鉞鎮南土
使君美才華參陪得嘉侶
謀謨允諧協英賢隨指顧
遂令炎海壩居民盡安堵
功成朝鳳闕恩命崇寵過
柔遠心獨勤分閭復歸路
孟夏辭薊門涼秋過銅柱
皇仁在播宣瘡痍勤字撫
行看桂林上盡藝甘棠樹

送劉御史保歸閩迎養

挾策遊辟水投書登石渠
結交瀛州侶出入文翰俱
意氣重然諾聲華滿皇都
才高荷殊眷功成拜清除
在朝沐寵恩南歸奉潘與
舅冠橫清霜輝光照鄉閭
昼錦良足榮皇恩寧敢奉
命駕早來旋擬看陳訐謨

送朱仲雅赴京

大夫四方志詎事日棲遲
况此簪纓宵長才富文辭
薦剡起江左交結盡英奇
揮金同冀土氣象輕陳雷

送林憲副之江西

鷹隼慕遠擊驍騁難羈脫
穎一朝見承恩在彤墀
民社信有寄節義期無虧
政理有餘暇好寄停雲詩
姍姍綠楊樹迢遞秦淮流
繫馬垂楊枝餞別淮上頭
揚舠遡迴波按節歸南州
緋衣照晴昊白簡橫素秋
爵秩信已崇皇恩諒難酬
居民仰新澤觀風慎咨諏
所冀在激揚攬轡金前修

送鄒仲熙歸省

客從天上來身襲御爐香
問客將何之畫錦還故鄉
朋舊惜分手都門重飛觴
綠樹暗官渡流鶯隔林塘
春江浩如許寧比離思長

送劉同年子欽謫戍

凍雨苦連朝泥深馬蹄滑
出門行路難跬步嘆乖闕
今朝兩新霽頗覺風景豁
送客過河梁蕩舟遡流沫
朝聲天外聞歸雁雲遙沒
迴風水增波落日坐超忽

送吾同年紳父仲廣歸三衢

旅遊愜所願指途駕歸輶
離亭擁冠蓋餞筵薦蘭肴
酒行情眷眷旆舉風飄飄
京國豈不好祿養寵光昭

須慰倚閭念詎辭歸路遙行塵望中極陟岵心徒勞

送劉同年嵩之湖南

請君膝上琴彈作陽關音二彈玄鶴舞再彈蒼龍吟
調促曲未終霜葉飛滿林須

送余同年學夔還江右

執手謾踟躕送別臨古道道遠多芳樹春來花總好
如何心中人取別傷懷抱酒盡恨悠悠潮平風浩浩
極浦一帆懸離情亂春草

送許茂昌還浙三首

念與君結交俯仰三十秋採芹過泮水挾策登神州
出處諒已同氣誼媿前修胡能一朝異使我生遠愁
君昨負奇策掉鞅文翰場浩氣吐虹霓散爲五采章
經濟信多術得失非可量拂衣歸故里耶用順行藏
送君都門道酌我杯中樽朋遊盡來集冠蓋如雲屯
君行拜嘉慶千以展宸眷追趨恨難及望望愴心寬

臨江農舍爲石門梁孟敬父題四首

習隱在田里卜築臨江皋江皋足曠壤腴沃宜稻苗
讀書有餘暇耒耜還自操甘心事力作此外非所要

行藏順所識進退誠翼翼興來復何爲獨詠康衢謠
節序屆清陽東作行及期忽聞布谷鳴感此田事遲
駕言戒晨興舉趾向東菑道傍逢隣吏談笑忽移時
臨別各致言勉旃事鋤犁但得禾黍長辛苦何足辭
朝日照東林桑榆藹暗旭呼童治田疇驅牛過平陸
偃息衡門下有酒會隣曲酒酣登高丘曠望騁遐矚
雲際見歸帆天邊落孤鷺倦翮知投林賴鱗喜潛伏
既非瑚璉資庶用養幽獨

種田百餘畝種桑三十株下以給妻子上以供官輸
兩賜苟不愆衣食恒有餘方春事稼穡冬月還畝漁
里胥寡追索窮巷得安居耕鑿既云遂帝力知何如
惟應效邠俗萬壽歌黃虞

送錢本道歸山陰錢同年常久

家學宋翰林云是錢王孫聲華著當代流風被來昆
相傳二百載舊語今猶存淋漓墨痕濕燦爛雲錦翻
先生重世澤携來邀我觀其言烈祖遺藏之良獨艱
意將媿河圖詎惟陋璣璫徵言昭至德令名垂不刊
孰期城門災俄共珥珥焚痛惜竟無及扼腕復何言

得失有常理成敗無定端咸陽古宮殿須刻髮郊原
仲尼重刪述秦焰無能完古今事若斯奚用嗟煩冤
行行出京國去去逐鄉園迢迢歸路遙翳翳桑梓繁
親戚近來逐酌酒共開顏堂上列樽俎堦前產芝蘭
去就兩無累旦暮多餘懽况復有賢子曳裾紹前聞
向來回祿殃往哉無復論

送馮醫士歸越

悠悠關山路戚戚離別顏別離不足惜重此故交懽
君有濟世術聲價比璵璠我昔事文翰于今忝秋官

一別經十載夢魂常往還孰知邂逅餘相見五雲端
引觴萬慮息論舊百感攢君行拜嘉慶喜氣溢門闌
我憶親在堂無由問平安聊因送君去翹首淚沈瀾

贈李士文醫士

昔有東垣翁傳術長桑君三靈藏玄秘六脉妙有神
斯人久寂寞道編猶足珍聞孫紹遠執奮迹揚清塵
雙眸炯秋水飄若僊中人高風抗薄俗芳譽流儒紳
願食紫河車共說壺中春

同曾子欣遊清涼寺分韻得日字

晨策訪招 緩步還故術樞衣躡屨陀捫蘿陟岸岸
霧轉川光 消遠山出遠遙過西崦迢遞入禪室
境幽人迹稀 深市鶯絕撫松暢盤桓牽芳襲芬苾
覽物感彌深吊古心徒結紛更迭閤位亨嘉欽盛烈
探幽諧風賞闌題愧材劣勝會良足嘉重遊復何日
題詩慰別離那知情轉怛臨觴苦不飲江梅為誰發

春日宴李祭酒古廬宅分韻得戶字

休沐值良辰清幽得佳侶如何軒居幽咫尺異城府
碧澗遶前流白雲在窓戶砌古石苔斑林深谷禽語
漱齒挹爽泉臥芳謝幽杜清興自無極皓月正東吐
作詩紀嘉逢泚筆久延佇

友古軒為李方伯昌拱賦

我生千古後常懷千古人古人不見末路嘆迷津
獨坐一室內經史羅前陳周孔我所思顏曾我所親
切磨欣獨得兀然成主賓坐覺心神怡蘭芬襲衣巾
出門謝流俗勢利徒紛紛

壺中春意為胡若思題

吾聞壺道叟學僊藏玄秘神功斡元化妙術究無始

丹田伏靈火，陽光燭幽邃。和風散氤氲，動息欣自遂。
靈境無寒暑，云何有憔悴。願約浮丘生，逍遙謝塵世。
弱水渺難即，蒼馬發長喟。

鄉山園為魏仲房題

積山際東溟，層巒儼天設。陽林耀青葩，陰崖餘積雪。
原田莽迢遞，烟霞互明滅。時菊萎舊裳，蒼苔閱行輒。
雲谷杳難尋，澗芳那可掇。懷故念易盈，覽物齊彌結。
遊目愜心賞，幽期緬乖缺。一為莊鳥吟，浩歌徒激烈。

望雲卷為羅同年汝敬題

憶自離故鄉，星霜屢更易。逢時幸奮身，拜命郎官職。
公義固所重，內顧寧不惕。甘旨念久違，庭闈冀今白。
觸目心易傷，望雲淚沾臆。雲來思轉深，雲散愁愈劇。
已嗟道里遙，何能生羽翼。退食獨凝思，展卷三太息。

岵思卷為楊同年之宜題

悠悠圓象運，冉冉時運更。撫躬發遐想，緬馬契深情。
念彼罔極恩，中心鬱以冲。駕言陟崔嵬，睇眇久屏營。
悲風為我起，林鳥向我鳴。江山渺雲霧，玄泉阻重冥。
無復聆聲歎，詎由覲儀刑。樹德期永固，積慶已莫徵。

理也將奈何，有淚緣纓零。願言敦永慕，操履慎所矜。
申章媿白華，勗哉貽令名。

榮桂軒為周崇述題

陰陽信無朕，有開良必先。人物分固殊，感召理弗愆。
睠茲庭中樹，胡為枯復妍。諒有造化為，兆茲世祚綿。
願言慎封植，千載期並傳。

一樂堂為王時彥題

天倫有五樂，味者恒不知。借鋤慮得色，閱牆興訕譏。
嗟哉此流俗，誰能返其漓。主君邦家彥，勉敦天彝。

連枝念同氣，寸草懷春暉。斯願既云遂，我心寧不怡。
尼父有遺訓，為政慎在茲。我言雖非工，聊以婉銘詩。

善安堂為劉貞白父題

吾聞劉徵士，習隱在田里。燕翼得嘉謀，遺安慎操履。
還知世澤長，源深流未已。芝蘭遠階綠，堂構凌雲起。
旭日照綵衣，回風散霞綺。積善云有慶，信哉大易旨。
咲謝行險徒，紛紛欲何以。

挹清樓為李古廉題

誅茅啟寮閤，結構凌翠巘。境幽蹊絕踪，風清簾自捲。

文水檻前流螺峰望中見與氣襲衣襟嵐光落琴硯
時和淵明詩悠然塵慮遣

樂貧爲趙尚書雲翰題

舉世慕榮達孰知重與輕既得還慮失苟苟復營營
焉知達人心與物一無競履泰非有加處困恒若亨
所以陋巷愚千古高其名矢心遵令謨庶不媿此生

率齋爲牛尚書仕良題

性本好疎散不能事屈伸閑居寡所營脫畧任天真
屢空無戚顏有酒會比隣酒酣意自適長歌徹秋旻

嘆謝孝毗人無爲徒苦辛

永思堂爲宋編脩伯賢題

萬物俱有托大化無停機人生天地間渺然一物微
誰云寸草心獨懷三春輝君看白華什千古流清輝

守義堂爲學士張志道題

青青嶺上松冷冷澗中水青松無改色澗水清見底
誰云節婦操艱難亘終始比石石可磷比山山可毀
惟有一片心千年長不昧可憐楊柳花隨風無定止

挽張司業

聖人啟文運賢才咸奮志擬梓雜瑰瑀列職登顯位

偉哉南軒曹長才富文藝幼年遊四方此志一何銳

尋師靡辭遠求道竟忘瘁讀書過五車深夜不違寐

勵行景前修摘辭媿雕綴及壯司教鐸陵夷一來莅

訓迪飭規範絃歌起洙泗遂用知已薦拜官立丹陛

南宮亮直清秉筆領儀制令聞益昭宣成均獲參貳

清晨坐講堂多士儼環侍讀經達閭奧解惑藏幽秘

乃俾六館七共成廊廟器造就一何多寵渥亦云至

去歲帝臨雍斯文重光賁先生講六經昭晰無遺義

天顏載怡悅講罷促行賜珍羞來內厨紉綺出宮筭

方期懋厥職熙此文明治誰知鵬人令哲人遽云逝

朝端失老成後學竟何恃淒淒橋門道悠悠都人思

旅櫬發龍江丹旌著芳謚執紼總諸生潛然俱下淚

南歸故里遙關山莽迢遞穹碑高嵯嵯大史勤銘誌

今名傳千載遺澤在來裔題詩寫幽抱撫卷一長喟

挽余脩撰正安父知州文秩

明府生廬岳蔚為昭代彥鼓篋早有聞讀書逾萬卷

學究天人際分嚴王伯辨摘章金風騷逸氣凌雲漢

研幾恣探討已集衆善還同錐處囊又似金百鍊

挽宣宗奉聖夫人李氏

元政日陵替兵戈起鄉縣侍親來轅幕贊畫才少見

人莫不有生富貴非人爲人莫不有死哀榮諒難期

時此復養晦道在羞自銜皇明放昌祚頽風從一變

於焉獨無歎舉世誠所稀嗟哉李氏母生逢全盛時

側席念民依明揚及踈賤公時膺詔起進謁承明殿

遴選起田園出入登宮闈保翊効勤蹟錫賚荷恩私

擢職丞章丘牛刀初小割三年政化成百里仁風扇

寵祿覃後裔榮光賁門楣方當享嘉慶云胡一朝摧

民心喜有依公職復遷轉赤子去慈母詎不生悲戀

寧隨昂湖遠去去竟難追徒令孝子心千載興哀思

皇命城朔方公來戡營繕勞徕心載勤刑措功獨先

挽湯如川

精誠格虎虓下車崇釋奠歸朝承恩命臥轍行復殿

疊疊圓象運冉冉芳歲徂逝者去不返我心將焉如

及茲分漢竹居民愜深愿流亡盡來歸頌聲接遙甸

念與君結交金石良弗淪鳴珂共遊衍步武登石渠

淮陽績非著潁川美難擅奏最名始上鵬入病莫問

芳潤咨涵淑娛樂忌居諸誓將酌主恩歷膽陳訐謨

魂返匡廬青鶴去遼天遠寥落甘棠樹寂寞循良傳

獻聲明光宮縱駕青雲衢如何志未伸玉樹光凋枯

文采見遺孤家聲繼詞翰扶輿返故丘媿負萬里餞

水流赴大壑鳥飛還故居感物易悽惻寧不重嗟吁

懷賢思自深悲來淚如賤累詞備觀風庶爲來者勸

屋梁寒月墮蕙帳青燈孤悲來泣泗零起望空躊躇

挽楊尚書寧父教授

挽鄒知縣

鐸鳴無遺響時雨有餘滋念昔施教日講道坐皐比

修短有常理今昔皆若斯全歸即長暮於焉復何悲

載濬洙泗源共詠伊洛涯絃歌迷絕學桃李競芳菲

詎惟甘棠樹獨永千載思顏陽有旦辰逝水無還期

豈無三鱣祥竟爲二豎危徒令負笈者空懷立雪期

臨風一長嘆白日無光輝

德豐壽不充天道誠難知庶幾仁者報嗣德揚光輝

挽梁畦樂

日夕遊西園園蔬自青青念昔灌畦人卷忽在九冥
林泉邀陳迹草木含餘情有生豈不化君有千載名
生葛遠莫致幽袍徒自盈

挽張志道兄醫士志仁

閩南有奇士磊落人寡識高義薄層雲長才富經畫
讀書萬卷餘研覃破幽蹟采芹過泮宮時雨沛陽宅
歸來白社村逍遙岸巾幘揚舠邈遠波耕雲種靈藥
共羨樂懸車誰知驚化鶴我栽馬鬣封香杳泉臺客
詩禮遠猶存音容竟難作墓道草馥青穹碑危石鑿

難弟太史銘清風振寥廓

宣德辛亥使安南過嘉魚

舟經嘉魚驛不識嘉魚味草草昔已動浩浩今豈易
編氓水中居沉寃及童稚禾黍委川澤卒歲諒無計
聖皇務勤恤燮理匪虛位陰陽無愆和胡為致斯殄
疇一民不得所昔賢尚懷媿况敢崇嗜好忍使為德
累駕言急行舟臨風一長喟

醴陵道中

滔滔湘江水上有萬木林枝葉相蒙蔽白晝成晦陰

上承雨露滋下兌牛羊侵托根信得所歲月鬱以深
匠石不我顧枯朽委江潯如何牛山水斧斤日相尋
樵採及萌拊徒傷生物心物理安所遇詎徒微在今

左江書懷

思明地方

左江氣候別瘴霧晝不開草木饒冬花石山如笋排
孔雀飛滿林玄猿聲嘯哀時當肅霜候氣煖如春回
單袂不掛體蚊簾屢倦揮觸目皆異觀撫時獨興懷
火德信炳曜陰陽一何乖安得造化公寒煖無嫌猜
朔地兌凍裂炎方絕時灾南北有定位此意誠愚哉

紀事遂成章嗟嗟聊自裁

寄韓生弼

弼客中相見以詩問之

韓生會稽人我本會稽士雖為同鄉親未識聞與里
豈知萬里外相親得吾子依依鄉曲情勤勤未能已
前程問所需行裝為吾理故舊責不遺生今乃能爾
先聖畏後生勉旃在經史斯言苟無負相期五雲裏

過東阿懷貝東雲

我行萬里途南出東阿道沃壤千里平山迴水盤繞
縣治何寥修庭槐列深杳民風比鄰魯提携無老少

素麻棲近郊更等亦分曉借問縣令賢皆云見君好
君昔蒞茲土為政亦無擾植莖同藝禾除奸如薙草
言笑若春融聲名同日皦歷茲歲月深民淳絕佻巧
後人自循襲休聲頗能紹維君德澤深淪肌更無了
語畢輒嗚咽悲聲起寒篠嗟君我同鄉經書共探討
維時氣正銳計偕春官考甲第喜聯登襟懷每傾倒
我官郎署久君居民社早借寇屢經年彈琴竟忘老
予才信無似清渠映潢潦忝職貳春卿宣恩過南徼
道傍撫遺民能不傷懷抱嘗聞積善人受報恒不小
如何君早逝妻子亦枯槁此理信茫茫安能詰穹昊
撫劍一長吁含情向江表

泊榕港聞棹歌

戕歌皇華詩再使安南國十月過銅陵千林凍如束
寒月映中流波光盪人目焚回聞棹歌款乃聲相續
前聲羽調沉後聲商調促孤鴻起遠汀潛虬舞深谷
王命一何崇戎懷殊未足聽此一悽然因之亂心曲
翹首五雲深天南望天北

同安舟中書夢

結髮誓偕老此志良不易矧茲筮仕初苦辛嘗備歷
自赴秋官召分飛遂乖隔君病歸江東我官留蜀北
江山邈脩阻那能問醫藥迤危竟莫支嗚呼就寔安
兒女在孩提不復更憐惜星霜歲屢遷音容杳難即
豈謂萬里途惠然一來覲彷彿見儀容渾疑接顏色
言詞儼可聞分明似疇昔諒非精神通誰能憐遠客
緝辭遂成章含悲一沾臆攬衣起徬徨推蓬江月白

過金川銘子欽佐教詩以代簡

離別倏已久會晤良獨難昨宵過金川相去一水間
意面見丰儀一寫心稍煩寧知時夜半風正帆可懸
舟人向予說前途多漫灘不乘風力便河途事盤桓
萬言聖所采適已非所安解纜發江浙放舟踰遠端
薄贈致微慙愧非青琅玕歸程亮不遠會在鶯花繁
飄然下陳榻酌酒盡君歡為言須有待毋徒興浩然

梧州贈醫尹慶

尹君桂林士貌古神亦臞醫業傳三世傳意不傳書
我來桂林郡一見心意孚發問扣其源汨汨流清渠
隨行逾九旬眠食恒與俱我意子先得我疾子與扶

出使萬里道賴保一弱軀今茲當遠別款報無璠琚
把酒蒼梧亭為君立斯須征帆望中遠翹首虛踟蹰

潯州歌為都指揮田真賦

潯州城頭擊刀斗更折相連徹昏曉滿天夜雨落空
江一夜春蛙鳴近沼將軍號令明於霜蠻徭帖息屈
民原他日功成歸廟堂麒麟閣上名流芳

烏蠻灘歌

古來行路未為難聽我一曲摧朱顏南來水陸萬餘
里未若烏蠻江上灘石如狼牙水如箭舟行石竇如
流轉湏臾江北復江南終向東行又西面蒲帆十幅
已難張百夫牽江那可行水手柁工相叫應長篙短
楫常縱橫勢若救焚并拯溺寧論顛倒及衣裳乍脫
湊渦猶戰慄偶經暗石復倉皇况有蠻人多出沒不
問黃昏并白日前年驛吏已經傷近日巡司新被劫
舟人告予力已憊總然有力、難施俯首殷勤向渠
說爾供官役毋相推若道茲江取為險豈勝瞿唐灘
瀕堆爾能送我向官驛有酒飲汝當淋漓歡然應聲
皆下水推挽爭先行未已日暗前灘夜氣昏月出東
山瘴烟起長風破浪定有期直掛雲帆還帝畿滿堂
親戚盡來賀却話今朝行路時

遊徧山記

永樂辛丑春正月癸未條風散陰天日開明余叔父以敬與表兄主君出仕既久今皆家居而獲會於鄉也於是命殺酒合內外賓客凡得六人而自稱山之遊焉山在居北五里始駕小舟由南麓而登行約二百步至普家山力已微倦倚樹而休目一覽已盡得江山之勝矣又行二百步至鮑柳二姑祠祠在南峰上其勢最高俯見田疇若布棋局雲烟竹樹開闔掩映山迴水聚帶繞民居而興廢之迹皆可指論南

望齋臺則知越王勾踐之祀天東望城江則傷孝女曹娥之自沈北俯巨海西臨鑑湖一碧萬頃其畔際天子之精忠知章之流韻邈焉陳迹徒見山高水清耳人循祠北行二十步其地多石巉岬擺列可坐可凭則選其高者以為几平者以為座命觴陳肴列坐而酌之酒方數行適見海潮從西北來浙江東上其声如雷波濤衝激起伏萬變奇觀異態近呈几下若相與之遊觀者咸起而嘆曰是豈有約而至哉客唯王君不識潮獨坐石注視撫掌大笑者久之於是

復命幼子瑾執筆行令洗盞更酌擊鼓行籌分韻賦詩而飲酒樂甚懽笑之声振動林木風雲為之低迴禽鳥為之翔舞當此之時自以為蘭亭赤壁之遊不足以及過之已而循北領西行其地頗峻坡披荆捫蘿緣附而升意之所適蓋不知力之既倦也行約二里許至尼姑尖此山之絕頂處四視二姑祠得山之半鳥憑虛遠覽目極千里海風吹衣塵襟洒然真若羽化而登仙者乃遵山左旋訪禪隱遺墟吊之問故迹吟風弄泉遂至於稱心寺索紙以書所得之詩詩以

澗水流來落花為韻各一首而叔父則命敵以為之記敵因作而言曰夫士之未遇也則安於早退而無事乎宏達之觀及其既仕而限以職守亦何有於閑曠之適哉今吾六人者幸生太平盛時進無簿書之責退無追呼之擾優游暇裕以得從事於斯騁宏達之觀則登高望遠而盡得夫江山之勝致閑曠之適則陰長松坐盤石而極夫詩酒之娛夫豈易得哉此天也况吾六人者壯者有時而老仕者有時而去聚散盛衰萬有不齊則追惟今日之會固將徘徊俯仰

而有不可復得之嘆矣世之人其於邂逅一會尚有足惜而况如茲遊者乎於是不可以無傳也後之君子有覽於予之文以躡予六人之故迹而知茲遊之不易則可以興不可復得之嘆豈不有甚於吾六人者哉因執筆而書之以啓後之好遊者觀焉是日賜進士出身嘉議大夫禮部左侍郎翰林院庶吉士全脩經書大全侍

經筵日講官西使南
賜一品服食二品俸
會稽章敬記

明永樂甲申會魁禮部左侍郎會稽質庵章公詩集

端午賜內苑觀擊毬射柳應制三首

嘉節開東苑宸遊閱虎繞馬飛驚鳥過毬擊訝星馳
瑞藹分瑤席恩光上柳枝材官爭獻藝誰得主君知
伏外千官列花間萬騎屯芳彎明月滿旗掣彩雲翻
中使傳宣急宮壺錫予繁太平烽警息何以答君恩
草色映宮牆花明禁禦長人喧爭得錦箭發屢穿楊
輦過瞻龍袞風迴識御香自慚材力薄也得沐清光

送楊主事端儀歸南京

綠樹鶯啼曉芳塘野水流岸花隨去旆江月載行舟
客夢金臺北鄉心楚水頭別離無限意相逐到皇州

送友人赴吏部二首

鄉里論交誼天涯送別心詩章勞往復山水憶登臨
已喜青雲遂寧嗟白髮侵承恩知有日無惜寄華音
一賦陽關調相思日幾迴秋曹聞令譽藻鑑得清才
紅葉隨風墮黃花冒雨開離筵當落日酒盡更徘徊

送鄒叅政之廣東

拜命辭雙闕之官向五羊砧聲江浦月楓葉楚天霜

方岳新恩寵儀曾舊典章雲山千里思愁見雁南翔草色迎征旆江花對酒樽不知東海郡棠樹幾株存

東廡晴嵐

送陳教諭之新安

前岩新雨霽微霽弄朝曦潤浥琴樽淨光涵竹樹滋東書何處去領教入新安祖帳歌聲緩行旌曉色寒
隨風過石壁團露上蛛絲舊業知何處山深長紫芝野花明古渡飛絮點征鞍共是京華客誰知別更難

山水圖

送王教諭之香河

禾黍散鷄豚千山過雨痕商人投遠市樵唱隱秋村客路經河朔鄉心隔楚雲移舟驚漸遠歸雁不堪聞
水落沙洲出雲歸樹色昏相過無憚遠咫尺到柴門野店烟光暝荒城曙色分如何爲客日此地復離羣

方壺小景

送周編脩父訪族歸武寧分韻得離字

古木臨江畔懸崖帶夕陰小橋流水遠孤嶼野烟深旅館承歡日都門送別時絲衣游子念黃橘故園思

雁陣迷寒浦鐘聲隔遠岑白雲長在望何處是家林振袂辭親舊長歌出鳳池獨憐豪尚在未覺志全衰

送陳知縣之廣東

送劉侍郎仲康歸武昌

薊北同爲客之官獨遠行浮雲連海嶠細雨暗山城伏劍燕關道行舟楚水湄客情蓬底日行色卷中詩
驛路黃花發江津侯吏迎別離無限意目極野烟生浦樹雲來黑江天鴈去遲應知懷闕意愁見草離離

送人南還

送董侍郎安常致仕

久客愁無盡秋深復送行斷橋流水遠古渡夕陽明貝川三畝宅素柘半成林身外無閑慮囊中有素琴
衰草長亭路黃花故國情到家秋尚在濁酒薦香橙野塘流水漫古渡落花深別路金臺北相看思不禁

送儲布政瑄從征還山東

送毛術士歸常州

白馬映銀鞍飛翮入塞垣異勲開絕域清譽重名藩方承恩詔起又喜賜歸田名重江湖上微深象易先

野花明祖席江樹帶平川懷關心常在臨岐更惘然

送紀上人還江南

釋子歸何處青原舊梵宮錫飛凌倒影孟渡若乘空
虞水行程遠烟蘿小逕通東林歸去後從此謝塵踪

吉陽書樓

書樓高百尺棟架盡牙籤曉日生危棟晴雲宿畫簷
讀書宵秉燭望野晝開簾手澤千年在雲仍謹護緘

送史教諭之望江

柳色都門路鶯聲上苑春潮回沙岸潤酒盡客愁新

白髮從教長青穗不厭貧送行無可贈唯有一沾巾

送楊吉士父歸吳中

淮水通吳甸鄉心隔楚天移家驚歲晚解纜及春前
祖帳連冠冕歌聲雜管絃酒闌行客散潮漲片帆懸
驛路春山外歸心落照邊野花晴挹露江樹淨含烟
舊業餘三逕幽居只數椽莫辭生計在還擬重來旋

送葉中書省弟還浙江

客路青山外行舟綠水湄迎朝路重帆逗夕陽遲
衰草迷長望寒花發故枝欲知傷別意頻賦鶴鴒詩

送人致仕

考績朝京國承恩獨賜歸江花迎客棹秋日上羅衣
揚子潮聲遠匡廬樹影微自憐懷魏闕無奈寸心違

送李秀才歸和州守制

東閣馳名日詞垣灑翰時正期三釜養忽動九京悲
夜雨烏啼近春山馬去遲堂封新塚上腸斷草離離

勉男瑾

立身毋自棄篤志務高扳學究天人際名流宇宙間
詩書勤有得歲月去無還年少誠堪畏吾今愧老顏

春日遊僊山次克平弟韻

溪迴青嶂合路斷白雲深野茗供新酌山花伴醉吟
斑荆成款坐採藥遂幽尋不謂忘軒冕江鷗識此心

遊仙姑祠

久有烟霞想能無俗慮牽爰投僧寺歇懶向酒家眠
解綬思陶令登山憶謝安古來賢達士適意在林泉

寄克平弟三首

憶別長安道經年不見書人情雖屢換心跡未應疎
秋菊霜前種春畦雨後鋤吟窩多樂事寧不念離居

同舟纔半日分携經五載會少別時多能無容髮改
縮地苦無由含情空有待

公庭人吏散坐對菊花秋座襟一蕭散詩思兩悠々
却憶林居子閑情更轉幽

使安南過湘潭懷張知縣景安

我愛湘潭令交情久愈敦去年初別我今日遽招魂
望斷吳天杳愁深楚澤昏更憐慈母在垂老對諸孫

寄韓生弼

韓生佳子弟爲別屢經年丰采知如舊文章擬勝前

數奇長缺在名就短繁指誰道吾儒事生涯在硯田

夜宿武清寺

予爲主事時習儀慶壽寺
曾與僧有舊詩以贈之

款段持僧寺風高日易昏幽人知敬客迎我出柴門
掃室延賓坐呼童具酒樽語遠知有舊不覺笑顏溫

同安失道

此十一月廿四日蓋自是月十九
日龍江登舟至此雲霧已六日矣

艤棹依江岸不知何處村水天連上下雲霧失朝昏
歌枕聽鷄唱推蓬候日瞰窮途非阮籍未免一消魂

過藤江

無迎接之礼
正月二日也

重上藤江驛庭虛室尚存數峰新拱翠一水舊當門

節在人皆醉方殊俗未敦欲留心事懶艤棹泊前村

過廣西次天寧寺水閣爲默上人賦四首

結屋臨無地開窓喜見山水涵千佛潤雲伴一僧閑
畫壁生烟霧風鈴響珮環不因南使便那得扣禪關

初使安南作此詩書以贈默上人後復使見其懸

於壁更作此三首以記其韻

曲徑通城廓幽居比雪山鳥啼春澗靜花落曉窓閑
貝葉金爲字架梁玉作環年來迎送少長日掩松關
上人幽隱處門對好江山雲影當窓見漁歌盡日閑

自憐淹卓錫無復夢連環却嘆爭名者鷄鳴曉度關

再來遊寶地行盡萬重山未解塵中意寧知物外閑
禪心隨斷梗僧臘任循環誰道南交使明朝又入關

不博道中懷舍弟克平

前使時曾賦
白露詩寄之

芳草天涯路池塘夢更親去年懷白露今日感芳春
燦、荊花茂噤、鴈叫頻感懷非一事回首亦沾巾

環碧軒

誅茅依絕巘風物似丹丘山色當窓見溪聲入座流
潤涵嵐歆暝綠淨雨初收遙憶凭欄處閑情共白鷗

和水蘄兄元旦韻

瑞雪皓凝華豐年兆最嘉且須浮栢葉謾擬賦椒花
春色回堤柳暗光動海霞閑居貧亦樂何必五侯家

壽吳處士六十二首

高士幽棲處翛然與俗違水流將意遠花落識春歸
涉澗尋瑤草臨流坐石磯欲知宜壽考南極有光輝
春色滿華堂蘭階襲遠芳靈椿長不老仙果又堪嘗
舞影迴瑤席歌聲殷畫梁獨憐遊子意望斷越山蒼

贈湯醫士

賣藥城南市幽居遠俗塵已聞名獨著應識藝無倫
月白壺天曉花明杏樹春文園憐病久從此願爲隣

贈董醫士

薦剡騰霄漢移家近帝居雨晴丹火伏月白夜牕虛
學究軒岐術門停長者車屋頭紅杏樹人說似匡廬
挽柳同知鄞縣人

鄉邦耆舊盡塵世轉飄零花縣多遺愛黃堂有典刑
鶴歸遼海遠魂逐越山青腸斷山陽笛淒涼不忍聽
挽陳處士

別業西風外行踪野逕遙鳥啼春自好
宿草迷寒雨哀楊起暮烟可憐遊子恨
叙類

贈余彥初叙

余彥初者乃予鄉之善醫者也其爲人敦篤謙慎
寡言語於儒書無所不讀而尤邃於岐黃之學其
爲醫也以有恒之心施廣濟之術不矜其能不先
其利人有迎之者雖風雨寒暑無不往於藥視所
宜用初不以寶重吝惜惟欲求疾之愈爲耳然未
嘗有望於人之我報也故人無問遠邇皆崇走余
氏之門昔予居鄉時已獲交彥初凡有疾病惟彥
初是賴及携妻子來金陵於水土初不相習故病
者常相半焉又越一載舉室皆患痢一子既喪而
餘尤甚焉求於四方醫士食不相識又未能相信
焉且不敢以既危之疾而託於未試之七故益思
彥初之德而每興不可見之嘆蓋凡人之情未危
而能安則不知其功利之博及一旦之履患難至
於不可救然後知其惠澤之多而興感之至有不

特予言矣其後二年彥初亦被

召至京籍名大醫乃得與之聯薨而居卒獲所賴因
竊自嘆以為事固不由人為者此豈天假之耶
洎今已三年若少與長蒙彥初得脫於疾者屢矣
然未知所以為報也彥初雖以為簡予獸能無
報乎竊嘗求之古之至人若扁鵲倉公與宋清之
流其術業之精念慮之篤固足以垂無窮然非太
史公柳子厚之文章有以發揮之亦何能之使必
傳如是也今彥初視教君子固將無媿焉而所與
知者則若予之不肖何敢以望其卒有傳耶雖然
傳不傳於彥初何損况名實相湏固自有不可掩
者焉天下後世將必有知彥初者矣余感之深既
求時作者為文若詩以表章其實因復摭其事而
書之庶以見區、之情也彥初以為何如時永樂
八年夏四月三日

天下東南山之佳古稱會稽而會稽東之佳者則
在於上虞也予從先生長者乘舟自鑑水過上虞
曹娥江溯流而登謝安石高卧之東山幽曼殊絕

觀其勢由天姥南下蜿蜒若龍驟蛇行回旋其間
又連巒接岫聯落北之僅一舍許磅礴不去隆而
為麓衍而為原群峰羅列如拱如扈中有湖曰南
湖泉井土腴氣勢萃蓄若有所待於是巨室龔子
作為堂室以專其勝而世居焉乃知上虞佳之尤
者又在於斯矣余後游學郡庠試藝所司躋輔巖
廊間公餘出郭遊觀其南塘之景未嘗不往來于
懷何時可復登臨也一日例歸省覲重過是地時
則龔子希敏暨弟希憲以予有葭莩之好邀延入
室見夫湖光瑩如山色爛如交映于席几之上則
奚異於神仙之居哉私喜得償所願是以詩酒相
歡竟日忘返明發而別已逾十餘年矣今秋適有
客持龔子環秀堂卷來

京徵序于予以龔子之堂昔嘗宴樂而諸君子之詩
文皆發之且祥故不辭而謂之曰世之人有樂夫
山水之秀者駕舟楫觸鯨波不憚深沉之險緣崖
木衝虎穴不懼峻拔之危得以飽其瀕洞杳冥之
氣殆若經行四達之衢見其奇貨異寶旁午目前

心歆意艷歸室四視整然自失則向之抱挹者奚
啻鳥獸音之過耳豈若堂之得其天造地設之秀
朝夕環遶而不以襟安得履危險而後觀覽亦不
為有力者奪之也可謂樂道之所契抑聞山川清
淑之氣磅礴鬱結而必鍾秀於人不然何龔子家
世饒裕而子孫之多賢也耶由是知龔子福蓋未
艾也乃作歌以美而歸之歌曰

湖之鍾美兮黛瀟清渟山之獻奇兮翠巖層仁知
所樂兮動靜有恒天雲徘徊兮鳶魚鑑明隱居兮

依憑秀氣兮充盈烟霞灼爛兮花柳生林泉幽雅
兮荷茨馨芙蓉浸碧兮風月清梅萼照波兮霜雪
晴四時兮迭更人傑兮地靈源泉本深兮流無停
土木之豐兮枝愈榮永矢弗諼兮保茲康寧引而
弗替兮子孫繩、噫湖山之秀兮秀有徵湖山之
秀兮秀有徵

湖山環秀堂記

上虞龔姓族右詩禮世居南塘湖之濱湖距縣治
半舍許四周皆山也延迤起伏勢若丁飲若來降

若拱若挹若擁從侍立狀呈奇獻秀真色之勝龔
姓有子希敏希憲希安俊爽遠浮華愛瀟灑築室
居以藏脩焉見山光水色之掩映扁曰湖山環秀
往來館于斯憇于斯以故騷人韻士多為之歌咏
堂遭回祿而重邁高廣逾前希敏亦既物故厥似
廷賓輩昆仲慮墮世業益樹先德復求縉紳以識
湖山環秀之扁於不朽過余請記之勤用弗工於
文謝焉請益堅無已因為之言曰夫作于前者每
恐繼之惟艱述于后者恒思創之不易前後相須
之殷若不是之疎也廷賓輩年方壯氣方銳相接
事可喜可慕在所欲為有不難致茲因是為之孜
孜以發揮先人堂扁為事可謂知所尚而繼述有
道者矣若人者不謂之孝可乎雖然抑余有說焉
扁不徒設也言不徒文也古昔之人託之自脩因
之自勵成湯之盤銘衛武之抑戒是以湖山之秀
環于四周題扁之揭諸楹豈徒然哉目觸而感示
警惕於身心皆可進脩焉示逝者如斯則湖水之
流淌、汨、流而不息可以道體之本然譬如為

山積高九仞功虧一簣可以鑒為學之進止矧山
上有水為漸之象水中涵景有清之量而其體則
水常動而山常靜孔子曰知者樂水仁者樂山日
處堂居據湖山之勝畫有為而宵有養動有省而
靜有存安知而翁志不在于斯乎廷賓尚志而翁
志意可也若曰湖山環秀足以適居高廣足以宴
省有不暇記何予言損益也耶

詩類

六言絕句

畫為王時彥題

幾陣風來動竹夢回春草閑吟不知扣門剥啄時聞
憂玉聲音 右風竹

沉飲唐朝六逸疎狂晉室七賢總為此君高節至今
遺事流傳 右晴竹

微雨一天覺暝清光滿地先秋要使錦裯稚子爭看
玉笋斑頭 右雨竹

粉節香風細、翠梢珠露團、筆底霎時清思山中
一段高寒 右露竹

畫為楊東里題

杜陵未歸野老白頭猶作拾遺沽酒不妨行樂典衣
須及春時 右杜甫

折腰便辭彭澤攢眉不入東林自傳門前五柳無絃
膝上孤琴 右陶潛

明月洞簫赤壁西風殘菊黃州不是先生曠世才名
却為時憂 右蘇軾

我愛孤山處士高情不競繁華獵：北風捲地忍寒來訪梅花

客却呼兒女早烹茶

使回至大平夢先大夫慰勞之以法賦記

林逋

詩

七言絕句

舟經泰和寄同年余侍講因贈以曆

行盡清溪不見人岸花汀草自成春五雲回首知何

相過兩度不逢君引領徒勞一愴神誰道山中無甲

處愁倚東風淚滿巾

子聊因鄉使報新春

浚陽峽上紫薇花盛開

過壽康驛

綠樹龍蔥花復殷倚逢貪看欲忘還却思玉陛曾親

初度當年抵壽康人言佳讖壽宜昌于今果得重來

見鰲背金蓮擁翠鬟

此無補空慚歲月長

英德道中瓶中紫薇花開賞之聊爲解顏

歲除感懷是日立春

扁舟昨夜泊蒼梧正值三陽律轉初自是客懷禁不

醉不知身世在殊方

得隔隣猶唱泣離居

烏蠻驛憶璠璣二兒

後璠任都察院左僉都御史

北去京師路十千忽聞時節換新年朝來馬上曾親

朝、無賴肆頑癡送別灤河淚亦垂今日天涯吾憶

見盡向桃符掛紙錢

汝淚垂還似送行時

天使館偶成

紀夢

自承恩命泛星槎物候俄驚換歲華夢覺不知還是江平湖山外山江山一夜夢中還分明記得承

處綠柳紅花暎醉顏

七月初六日次采石大淑人誕辰

良辰嘉會憶當年此日江亭思惘然總有私心同寸草劬勞何處答埃涓

同安寄潛山教諭鄧宗經

別來不覺鬢星、相見應知失舊形驛使舟中無可贈數番箋紙寄深情

長沙懷周長史孟簡

長沙形勝控南邦賈傳寸名世罕雙讀罷招魂腸欲

斷一蓬烟雨過湘江

衡山水急易站船

拍、江聲撼客舟鷓鴣啼斷暝烟收夢回風雨知何處兩岸寒聲萬樹秋

過南嶽

南嶽靈神鎮巨區明祈默禱應須臾我來風雨連朝夕猷愧昌黎得感孚

食左江魚

南行始食左江魚絕勝吳淞巨口鱸憶得橙黃葦正

好不堪秋興滿江湖

龍舟喜雨

官船已喜次龍遊行極天南水盡頭一雨盡將殘瘴洗山靈知我下炎州

出坡壘閩謝饋送

炎風吹雨下南荒朔雪飄寒上帝鄉誰謂南交多寶物使回只帶舊醫方

次橫州憶司封手植菊九月八日

窓外黃花手自栽重陽節近盡能開我行萬里空追

憶應有同官為舉杯

抵憑祥驛

昔來桂嶺愁如結今到憑祥一解顏憂喜未應全有別南行已出鬼門關

過廣西大平府

扁舟東下疾於馳歸思匆匆只恁遲稚子候門知已久到家寧似別家時

英德道中

英德山川似廣西石山如笋與雲齊鷓鴣啼處心將

折風雨來時望欲迷

新正題畫

天邊雲色浩漫漫，溪上繁英玉作團。縱喜春光四更
早，雪花飛處勢龍寒。

右雪梅

東風吹雨半山陰，水滿溪橋雲滿林。啼鳥數聲人不
見，一庭芳草落花深。

右雪山

荏平道中

水陸兼行十里程，寒風匹馬過荏平。聖朝言路平如
掌，還愧常何薦馬生。

魯橋驛乘舟

躍馬翩翩，逐旆旌魯橋南下。喜河平扁舟便，假回風
便上國春深。擬聽鶯。

別余侍講正安盧主事邦臣

見君無奈別君何，綠水青山引興多。便欲乞身歸鑑
曲，烟波深處理漁蓑。

五婆城

茫、雲水接天低陣，寒風約浪齊。夢斷吳天千萬
里，隔江猶有杜鵑啼。

對牡丹有感

每憶先人手自栽，慙慙培養長新枝。如今花發渾如
舊，吟對東風低淚垂。

惜花

香房綠萼破新紅，雨濕嬌姿怯曉風。只恐夜深花睡
重，故將脩竹倚芳叢。

送花

可憐春老莫相猜，花落庭前錦作堆。自信光陰不相
負，明年有意看花來。

賞牡丹和韻

香霞煖覆石闌干，絕勝姮娥鏡裏看。莫遣紅芳遞消
歇，明朝更擬畫餘歡。

詩類

七言古體

畫馬爲陳汝同祭酒題

憶從長楊較獵蹄天閑十二皆龍媒就中青驄更奇
絕氣吐紅霓汗流血奚官有詔不敢騎繫向平原楊
柳枝銀鞍乍卸玉花濕金羈不控青絲飾晴牕見畫
三大息立伏鳴鑾幾追憶世無伯樂誰能識啞草嘶
風自朝夕摩挲蛟綃逸態同凜凜生氣回長風只今
傳聞市駿骨胡不拂衣早獻明光宮

諭俗

昨日一花開今日一花落見花初開心欲浮見花落
地心始覺人生天地間百年能幾何青春一去不復
過眼看日月如流梭始聞塘宮折桂人皆從牕下工
夫多朝從酒裏游暮向花間宿一寸蕩心空碌碌焉
知歲序相催促食人食服人服當自強無自足從今
收拾游蕩心還向芸牕把書讀

禮部侍郎質庵章先生詩終

明永樂甲申會魁禮部左侍郎會稽質庵章公詩集

元夕觀燈應制

鰲背金蓮映翠巒恩當元夕賜同懽鑒與初幸瞻天
近劇樂新呈隔座看風送異香來輦路味傳佳果出
金盤侍臣宴罷重回首五色祥雲遶殿端

禁中對雪分韻得融字

東風吹雪下瑤空寶殿瓊樓四望同禁柳千條珠瑤
瑤宮梅萬樹玉玲瓏亂飄瑤砌光初合密積觚櫺凍
未融三白兆和宜有贈分題賡唱愧非工

和曾侍講除夜韻

侍講承恩拜美除葱葱佳氣藹門閭文章用世君稱
最學術匡時我獨疎親老每憐鄉思切官閑誰說宦
情孤明朝相約朝元去獻頌還知有與無

宣德辛亥使安南次灤河

曉承恩命捧丹書南去炎荒萬里途已愧疎庸蒙寵
擢可堪衰老事馳驅心摧桂嶺秋風後夢落娥江夜
雨餘喜有皇恩同履載謳歌到處起來蘇

過湘陰懷夏尚書原吉

南行此日過湘陰倚棹江亭思不禁已見嘉謨傳太
史豈無遺教淑人心湖南班竹留遺恨剡北甘棠頌
德音愧我曾非知己士懷賢空有淚沾襟

發臨湘夜遇風雨四顧悄然

湘江風景昔曾聞此日停舟慘別魂百里驚波逢斷
港一蓬秋雨共黃昏疎燈照水風開闔宿鳥驚林浪
吐吞自古忠臣同一慨賈生何用吊湘文

將入永州界即事次河洲驛書八月初二日

南行不覺過秋深散水看山入桂林萬里青雲隨
足千巖綠樹引孤斟豈無野蔌供朝饌亦有山花伴
醉吟欲問詩情何處好猿啼落日半江陰

過湘口似徐通政良玉

汀洲一水合瀟湘候吏趨迎拜跪忙客路忽驚荒服
外桂花還似故園香蠻音聒耳難全辨土簞供盤不
慣嘗使節南還知不遠眉間喜氣已全黃驛吏曾思中以土簞

來奉故詩及之

九日橫州江上

携壺獨負登高興倚棹遙看江上山鄉思謾隨黃葉

亂羈心那似白雲閑伏波偉績知難繼陶令高風未
敢扳獨媿無才持使節重宣恩詔過南蠻

安南道中不憚地即事

南交風物異吾唐十月終旬始見霜髮剪鬚鬆寧有
髻衣穿卑袂總無棠山嵐為瘴雲全黑野草經霜色
漸黃何處騎牛千里守相迎先勸喫檳榔

潯陽晚眺

山遠孤城水遠川東吳風景尚依然霜前黃葉餘殘
照戍外更樓起暮烟簫鼓暫忘南徼路綺羅還憶鑑
湖船衡陽過後無來鴈目斷音書若箇邊

挽潯州劉通判毅

曾煩回日附家書誰料吾回子已殂言在尚能成所
托悲來不忍弔遺孤平反佳績憐朋舊撫字多思泣
控奴我有旅懷何處寫片帆東下一長吁

過繁昌官吏皆逃

繁昌民物不宜秋空負征帆半日留鄉夢不堪傷往
事塞鴻何事近扁舟淵淵月色當窓見隱隱江聲入
夜流蘄北江南千萬里宦情羈思兩悠悠

晉陽道中

殘暑乘輶過晉疆歸途猶見菊花黃一溪亂石通行
轍兩岸楓林帶夕陽犬吠空村人語靜星臨茅店客
歸忙功名事業知何在足跡徒慚似子長

宣德甲寅再使安南度徐通政良玉壽

官船載酒樂聲喧盡說蘭臺起壽筵
菊菊乍開三兩日蟠桃已熟幾千年
杯傾竹葉歌謳轉帽壓金花舞袖翩
天意故隨人意遠壽星光與月華連

元旦書懷

年：此日侍仙班玉陛承宣觀聖顏
瑞氣曉迎宮錦重綠花斜映鬢毫斑
醍醐味重人先醉雨露恩深宴未闌
今日天南望天北蓬萊遙隔萬里山

正月初九日卜隣

安南驛站名枕上述懷

松濤帶雨過前山枕上歸家夢正閑
鴉噪屋頭驚曙曉早風來溪上覺
衣單星槎事業傳青史銅柱威名著
百蠻獨有壯懷輕萬鎰明時不負寸心丹

男璠帶回

平居常自嘆睽離况復南宮卧病時
思積千重家漸

遠年逾半百意多違把盃離館難為繼
携手溪山尚可期八景題成爭有賦
好將秋興入新詩

歲暮雨中述懷

移家十載住長安節序驚心腸又殘
鄉夢不知歸路遠雨聲偏到客牕寒
簾前旭日開猶惜篋底殘經人倦看
朝退也知無別事白雲飛處獨凭闌

和洪吉士順秋日見招韻

獨憐知己似君稀却憶論交在禮闈
家住寒塘臨別浦路分南陌過烏衣
江亭遠市人來少渠柳迎秋葉盡飛
醉後也知詩興好數峰殘日澹清輝

稽山讀書圖為王景陽題

故園東望思依依况復山川似會稽
玉簡金書籠幽穴蘭橈盡樂憶耶溪
洲邊夜雨兼葭響瀨上秋風擺極齊
尚想讀書茅屋底朝歌枕聽晨鷄

雲山圖為胡尚書源潔題

雲山迢遞望中分古木依稀帶遠村
江上鷗波閒釣艇龍頭禾黍散鷄豚
僧歸野寺烟光暝鹿過前溪水色渾
鏡曲風流無賀老落花啼鳥自黃昏

拱秀樓為陳汝同題

危樓高倚白雲層，四面青山對翠屏。
林霽隨風露曲，几嵐光迎日上虛櫺。
幽篁每許憑欄看，好鳥何妨隔樹聽。
聞說仲宣詩興在，何當携酒一來登。

城南親舍為李知縣題

三年遊宦客天涯，長日思親嘆別離。
雙淚謾將流水遠，寸心長共白雲馳。
萱庭調膳嗟無日，花縣彈琴只暫怡。
禁水吳山千萬里，春風秋月總堪悲。

送曾侍講扈從北京

聖主時巡出九重，千官扈蹕喜從龍。
虎臣夜直周虛外，鳳輦朝移雉尾中。
經濟未應誇董子，文章知是數揚雄。
鑒輿載筆多清暇，知有新書誦治隆。

送王行儉弟行敏歸太和

梧桐葉下雁初飛，遊子懷鄉賦式微。
為客謾憐淹歲日，到家還戲著萊衣。
月明江浦潮聲急，霜落都門樹影稀。
欲寫離情增感慨，停雲無那思依依。

送同年貝秉彝任東阿縣知縣

相逢閣下思依依，却憶蜚聲在棘闈。
為別忽驚雙鬢改，相逢閣下思依依。

改論交還惜故人，稀彈琴善政聞鄒魯。
借魁才名滿帝畿，知是循良傳汗簡。
故鄉猶得藉餘輝。

送陳汝同謫湖南安陸

三陞朝承明主恩，扁舟八月下荆門。
斷烟斜日荒山路，野水寒鴉獨樹村。
江浦潮聲天外遠，衡陽秋色望中昏。
鷓鴣聲裏湘江暮，莫賦離騷恐斷魂。

送陳中書歸天台

紫宸朝退送君行，草綠江南萬里程。
揚子潮聲通海岱，赤城霞氣接蓬瀛。
學期韓柳同承詔，字擬鍾王獨擅名。
此日乞身蒙賜老，何人不羨錦衣榮。

送孫太守叔誠之肇昌

曾向朝端識老成，九重新喜拜專城。
地連西塞寒應早，馬出漳關路漸平。
信有丹心懷魏闕，豈無恩惠及蒼生。
潁川勲業今猶昔，好使芳名照汗青。

送汪處敬省兄歸衢州

故園東望雁南飛，迢遞寒山客去稀。
花萼庭前冬日薄，鵲鴒原上暮烟微。
帆開楊子潮通浦，酒盡都門淚滿衣。
別後相思何處是，池塘春草雨霏霏。

送李教授 之廬州

由來先達似君稀京國相逢顧不違舊學已聞鳴泮
水新恩重見出彤闈淮山迢遞通畿甸浦樹蒼涼帶
夕暉歲暮自憐為客久送君應有淚沾衣

送曹生省父還海寧

歲宴江城樹影稀天寒遊子憶庭闈都門祖帳吳天
曉楊子歸帆夕照微詩禮家聲須有繼燈總事業慎
無違遙知到得高堂日還捧椒觴戲彩衣

送陳進之還莆陽

相逢黃閣如論交辛似匆匆已振去鏡折柳龍河水未
泮觀梅驛路雪初消九重錫宴蒙恩龍千里南歸去
路遙到得莆陽春色晚趣裝還擬早來朝

送許吉士瑤養病歸閩中

絲看省觀上皇都又見承恩歸故廬自是有才侔賈
誼未應多病似相如夜寒江浦潮聲急露落吳天樹
影疎莫道閩闈無驛使雁來猶得為傳書

送王知府復任之杭州

憶自當年贈鹿鳴却從藩府識儀刑七年渤海推能

治而考朝端羨老成芳草亭邊春冉冉陽江上雨
漠漠臨安郭外西湖畔應有兒童竹馬迎

送鄭知縣復海寧任

風雨瀟瀟已近麥秋不堪江上送行舟長亭綠柳連畿
甸流水飛花接御溝澤國鄉心渾漠漠海天離思謾
悠悠相逢未盡知心話風送征帆過石頭

送李時勉无時傑南還

東風池館雨漠漠客邸驚看草復青淮浦潮來通遠
渚匡廬山色帶長汀臨歧未忍聞鴻雁把酒還憐賦
鶴鶴想到所園春又半綠陰無數護前庭

送刑部于司務任南京

薊門飛雪浩漫漫立馬都門送別難詩句獨隨寒力
健離情絕勝酒盃寬更樓曉閣愁中聽驛路梅花醉
裏看想到金陵清案牘剩將聲譽動秋官

送鄭知縣過敕還湖南

若雨初晴鶯亂啼送君獨過薊門西九重日月懸霄
漢千里關山入馬蹄草色暗連吳樹曉湖光遙接楚
天低舊聞花縣多遺愛知是甘棠長欲齊

送張河泊之廣東

曉承恩詔出明光
南去羊城道路長
已喜才名通仕籍
可無歸夢到江鄉
山連大庾巖烟淨
地接南溟海氣涼
榕葉滿庭公事簡
漁舟泊處謾征商

送黃知縣還漢陽

春雲漠漠雨霏霏
楊柳風和乳燕飛
送客獨驚江上別
承恩還喜日邊歸
馬前草色迎征旆
花外山光落繡衣
誰謂只今無卓魯
循良應識似君稀

曾一善醫士隨禮部潘郎中出使日本

曉陪使節一青霄
萬里樓船駕海潮
蓬島風清蛟鱗遠
扶桑日出障煙消
衣冠久矣通殊俗
夷服由來款聖朝
豈獨乘槎誇遠覽
海天來去更過之

疊鼓鳴笳逐颶風
飄飄來去若乘空
神山半出鯨波外
曉日迴看蜃氣中
絕域人烟孤島近
清朝雨露萬方同
若逢龍伯傳奇術
願學長生附葛洪

挽禮部尚書兼大學士張公瑛

昔從紫禁識儀形
喜見春曹拜列卿
侍從當年勤啓沃
全歸此日備哀榮
鶴飛遼海人何在
月落空梁夢

不成多少門生懷舊德
至今哀怨未能平

挽劉侍郎

曾見蜚聲動士林
泉臺一去夜沉沉
湘沅不洗羈臣恨
風木徒憐孝子心
尚有遺文留館閣
已無歸夢到山陰
鄉邦後學斯文契
讀罷銘章淚滿襟

挽洪翰林順父二首

青山何處覓玄暉
落日荒涼畫掩扉
別墅草長遺客恨
空庭花落怨春歸
行傳太史名長在
夢入華胥事已非
想見二山千萬里
懷賢空有淚沾衣

楚些歌殘已點然
草堂人去薜蘿懸
山中徒憶留徐劍
雪後空迴訪戴船
獨鶴下時秋月白
哀猿啼處暮雲連
天涯遊子多遺恨
有淚何因到九泉

挽香山彭縣丞

終讀銘文思惘然
哦松誰復似君賢
香公父老懷恩渥
泮水諸生罷管絃
老去辭朝真足羨
年來無命獨憐文
江咫尺堂封在
荒草哀揚起暮烟

挽梅屋陳處士

幽情雅意托林逋
種得梅花繞故居
老去讀漁詩債

在豪來寧慮客囊虛已驚獨鶴歸華表猶有芳名昭
里閭執筆擬為高士傳臨文徒爾媿才疎

余乃學圃人乎時種三十日夕帶經鋤十紫殊可拾
摘鮮美可茹味淡本天真魚肉喉欲餒自甘藜藿人

清溪驛值雨二首

途愁自劇况復雨連朝有意隨黃鵠無人問寂寥
清溪清見底萬丈未為深借問清溪上何人識此心

鵬目感懷

無嗟知己少自是結交疎今日天涯路空令恨有餘

墨竹為金雪崖賦五首

虚心空處老節慣風霜白日清陰裏相看引興長

蛭、令、三、條、翻翠羽不見故人來時聞打牕戶

氣凌御史霜節懷君子操欲等十萬侯蚤聽平安報
辰日種來茂巴人歌處愁渭天新雨後洗出一天秋
山人一畫竹近派出彭城昨夜三更月驪珠葉上明

梅花

臥山殘月夜晴影照寒梅開門成佇立此有故人來

早梅

東君亦崇儉賦物肯繁華為修梅花韻慳開一兩花

菜二首

質菴文集

無卷數 浙江汪啟淑家藏本

明章敞撰敞字尙文會稽人永樂甲申進士由庶吉士授刑部主事官至禮部侍郎嘗與修永樂大典及五經四書性理大全事迹具明史本傳其集本四十卷其子瑾等所編因倭亂失散茲編所存不及十之二三乃其裔孫元綸所蒐輯也凡賦四篇詩百餘首文僅三篇一篇爲記一篇爲叙又一篇併不標題皆錯雜於詩中殊無倫次又明詩綜載敞長安雪夜歸興絕句集中無之則舛漏亦殊不少未附錄祝壽詩一卷亦非古法也

南齋先生魏文靖公摘稿十卷

〔明〕魏驥撰

北京圖書館藏明弘治十一年洪鐘刻

本

附《四庫全書總目·南齋摘稿十卷》提要

南齋先生魏文靖公摘稿叙

人品不同文體亦異故有典則之文有富麗之文有清峻之文鋪張道德裨益風化粹然而純正暢然而明達此典則之文有德者之言也新奇雄贍膾炙人口沛若江河決蔚若蛟龍翔鏘若金石鳴以富麗之文才人之言也崇志節尚恬淡塵視軒冕猥視聲利孤高峻拔有脫塵離俗之態此清峻之文抱道守正者之所為也是三者皆世之所尚而不可無者然究其極則亦有不同者焉南齋魏先生文靖公始由乙科進士尋授松江即有

南齋摘稿序一

大志以作興人材為己任其設教也務先德行而后文藝日每坐齋與諸生同講習益得以肆力於文學夜必再詣校舍二鼓間有書聲者則遺以一茶至三鼓不輟者更遺之以粥由先生徒感奮勉於進脩人材咸出若大學士錢公溥大

序二

司馬張公鑒輩皆其門人也用大臣薦入為太常博士清慎一節五遷而至南京吏部尚書年七十餘四疏請老始獲致仕家居十數年復蒙恩詔進階一品榮祿大夫又越數年耄及期頤矍鑠如壯事聞于上特遣行人賁

勅存問制有曰尚書魏驥壽及百齡兼有德望朕深嘉悅之褒寔異典也逮公薨有司具

聞上深悼惜特謚文靖並賜塋祭公仲子寧國令完遵公遺言詣闕懇辭得免管塋時郡縣適饑有司得存工價以賑卹鄉民又感公

序三

身後之惠云公為文一本諸性情所發而根於理道初不事雕刻務奇巧千言下筆立就無不合程度文名與德望並隆致人之求之者屢接戶外殆無虛日公亦不辭每樂應之積累歲月篇章甚富姑蘇葉文莊公誌其墓有云公文宇

山刊板刻幾遍天下信然也其稿
具存皆云親書寧國君嘗編次成
帙將圖梓行賁志而沒鍾泰館甥
幸獲拜觀而徧閱之起而嘆曰惟
公知才正學充諸內而形于言粹
然道德之敷陳真典則之文有非
工富麗尚清峻者之所能及也其

序四

可以不傳乎但其簡帙浩繁未易
徧刻迺再閱原稿凡題上有點註
者皆云墨蹟玩其詞意其有補于
事者也因摘取以刻諸梓蓋六千
百中纔什一耳名之曰南齋先生
魏文靖公摘稿夫是稿也固不足
為云重輕使四方後覺聞云名而

不知者得此而觀之未必不因其
言以求其中之所存則庶幾知公
之所以居大位享大名而成德業
者有由然也因之感發興起而知
所効慕亦進德之一助則是稿不
為徒刻且以畢吾外舅寧國君之
志於鍾公得少盡夫景仰之萬一

序五

云爾敬偕存其篇端如此云名驥
字仲房南齋其號也紹興蕭山人
年九十八無疾而薨別有遺事錄
傳于世云

弘治十一年歲在戊午三月吉旦
賜進士出身通奉大夫福建布政
司左布政使錢塘洪鍾再拜謹書

南齊先生魏文靖公摘稿目錄

前集此兩京居官時之作

第一卷

序五首

記十三首

第二卷

字說四首

題跋十六首

傳四首

第三卷

墓志銘二首

墓表四首

墓碣銘三首

祭文六首

贊八首

箴一首

第四卷

五言古詩十一首

六言詩一首

七言古詩五首

律詩一百十八首

後集此歸田時自景泰辛未至成化辛卯之作

第五卷

序十八首

譜序七首

第六卷

記二十首

第七卷

碑文三首

墓志銘八首

墓表三首

傳五首

題跋六首

第八卷

祭文七首

贊十七首

箴四首

銘三首

五言古詩二十五首

六言絕句三首

七言古詩八首

五言排律三首

五言絕句十一首

五言律詩六十首

七言絕句一百十三首

第九卷

律詩一百八十三首

第十卷

律詩二百十二首

南齋稿目錄

三

南齋先生魏文靖公摘稿目錄終

南齋先生魏文靖公摘稿卷之一 前集

寧國縣知縣前纂修國史鴻臚寺序班男完編次

通奉大夫福建布政使司左布政使孫壻洪鍾校摘

序

贈鄒宗盛赴會試序

正統三年秋八月時維大比應天府遵 成憲合圻內
十有三郡之士如例試以三場既撤棘其文得合主司
程度者凡八十人而予交餘杭鄒縣宗盛名在上列其
相知者既成爲宗盛榮之已復以上春官有日微予言
爲贈夫宗盛蓋前左春坊左庶子名濟字用舟贈太子

南齋稿卷一

一

少保謚文敏者之子也惟宗盛當文敏公沒時年尚幼
且值家徒四壁惻然獨於純綺少年中攻苦澁淡以
經史是務雖祁寒暑雨亦不少懈致鄉之人莫不曰文
敏公有子矣暨蒙 朝廷以文敏公敏歷之久勞績居
多既爲其立祠墓左俾有司春秋祀以少牢復憫其後
因而宗盛得廩餼爲弟子員講肄於應天府庠蓋亦期
其有成以紹文敏公之後耳今而宗盛一旦卽以所學
占名科目以嚮于用然果非宗盛能不以純綺爲事而
致於學則曷能以有今日哉予因是知天之生人其
材之成者世固不乏其人而材之成者尤係乎人之克

自樹立以致之也若宗盛者其殆是也夫矧朝廷之所需在乎實材而學者之應需貴乎實學茲宗盛之得於科目誠非如他之養養之子務苟得於簾窺壁聽之得也可知矣行將赴春闈對大廷有不惟取諸甲第為榮焉殆至見諸行事之日其吐胃中之耿必有大過於人者在焉則其為朝廷之光文敏公之光可卜矣因其相知者之請予故書此以致云

風帆得意圖序

今年秋八月應天府選明詔設科取士既撤棘而予友吳門金潤伯玉與焉以戒行上春官對大廷賓友

南齋稿卷一 二

咸集錢之于龍江之上維時涼雨初霽長江一碧而伯玉之舟帆張風飽有瞬息千里之象眾賓咸為伯玉喜而宜興蔣君子成以善繪遂換筆即其事作風帆得意圖為伯玉贈仍請予序其意於上夫伯玉自少負才器鼓篋庠序間所讀者聖賢之書所習者聖賢之事期于有成已應時需蓋無一息而不得其意者有矣矧今聖皇嗣太歷眼勵精圖治而所急者賢才伯玉適當其會發身科目行將登天子之庭次公卿之列以行其所學而遂其所志值茲風帆之便宜乎意之又得致眾賓之喜而予成為圖識之以贈之也孰曰非稱情也哉

雖然蘇子有曰樂莫樂於得意憂莫慘於不得意抑孰知君子有不得意為難而惟恐於得意之日致謹之不及為難焉譬茲舟也泛乎中流浪息風恬雖浮巨海濟大河則孰不以為無虞視之為易然也又乎陽侯攸怒天吳忽驚搖傾舵折險出須臾當此之時舟中之人又靡不魂銷魄褫叫號神明甚而至於手足無所措者亦有焉是則視昔之得意今則以為何如也耶故知君子之防危於未然者果不致謹於得意之時乎惟伯玉為學士也余知其意雖無時而不得行則無時而不謹由茲謹行以保茲得意則其任重而道遠蓋有無適而

南齋稿卷一 三

不可者在焉若止曰風帆得意瞬息千里又豈足以盡識伯玉之喜哉是為序

送山東布政使黃公致仕詩序

七十致仕禮也未七十而遽倦以自引退者獨非禮乎哉然朝廷祿秩所以尊榮乎人為人之之所慕戀人不得而易釋者也惟人於未七十能不難於自屈以決於勇退則豈不為既合於禮而又賢於人者之士也耶山東布政使黃公叔志其先四明人實宋尚書黃公應麟之裔以尊人宦遊湖之歸安遂家焉公讀書篤於行俾人識不識皆知其為君子嘗為吏部之稽覈主事

陞考功郎中以歷年之久聲稱之隆膺大臣薦授今職拜命之日彼不知者或曰公之政恐閑於內而不閑於外或者以其言質之公笑曰吾豈敢於今職輒自必其能否惟可自必者能於此心求無愧於所存以無間於內外或庶幾焉耳致知者聞之則莫不以公之言爲長者追蒞職以所蘊蓄見之於施設俾山東大小之屬凡百有餘所咸曰賢哉黃公我方伯也匪特百有餘所之屬之民亦莫不咸曰賢哉黃公我方伯也夫棟樑之隆仕至于方伯且聲譽之著無間於人茲當獻績公乃遽以年老而決勇退於年未七十之期則其知止知

南齊書卷一

足謂之不合於禮不賢於人得乎余與公皆浙人又嘗爲同僚其生年又同而生月則公差長故余以兄視之辱公之不鄙夷而加敬愛也殊多顧公之去而余則尚戀於棨戟而未之釋則未知公以余爲何如也耶冀旦夕能承後塵則將挈舟訪公於蒼雪之上當撫掌一笑以叙其疇昔則庶乎遂所願也公還今已踰歲余竊懷之不置屬友人考功主事夏君公瑾會梓朝之縉紳大夫士送公之詩凡若干首以秩成徵序首簡竊揆禮有前經乘常先之故不揣無陋以僭書于群玉之首

金長史挽詩序

衛府長史三衢金先生以正統四年五月二十日卒于北京之里第朝之縉紳大夫士既弔哭之至形之于歌詩以挽之其子統嘗哀輯成帙將以附之於家乘仍請余序之烏乎先生子鄉先達也性疏爽才行超踔當永樂初以敷陳王道應詔廷對二策其所以鋪張王道者殊至太宗文皇帝甚嘉納之即授以翰林典籍修高廟實錄洎修永樂大典爲講官於東宮尋陞左春坊左司直郎授衛王經未幾陞長史先生自是年漸高學愈富而日以考圖史通古今爲務暇則寄興於杯酒間休然則未嘗以功名利達爲較至以文章擅名于

南齊書卷一

時致求之者戶外之屨無虛日先生亦不辭乃樂爲之以肆志於其間雖祁寒暑雨不少輟也與人交無町畦故一時縉紳君子多樂與之游然不屑權貴人謂其自視太高先生則曰吾儒者當如爾也人亦不以爲簡余辱先生知廿餘年情好篤始終猶一日以先生之得於余則先生之得於人也可知矣今先生已矣而念先生之才之學不忘者至形之於詩也夫豈歟乎哉而或者又謂以先生之才知而其學又如此使得置之於大有爲之間其設施必有異於人者惜其卒止於此豈非其命也夫此哀之詩又不容於不作也雖然君子疾

沒世而名不稱以諸作者觀之則先生之譽已彰：於人笑矧復有子如統者勤學好問以克世其家至褒輯是詩以圖親於不朽是則先生又可謂之不死矣詩凡若干首予姑序之於其端云

送孫教授序

吉文孫君宜鉉以江浦教諭秩滿考最陞松江教授也江浦知縣嚴君迪輩微予言以質別懷且曰宜鉉學純行懿典教江浦者九年於諸生則循：善誘必先之以行檢而後之以文藝嘗曰今之庠序非英俊不獲與不惠文藝之不能惟患踐履之不篤誠能使即其耳目之

南齊編 卷一 六

所及真知而實踐之盈科而進成章而達則庶幾其可也又曰余聞古之爲師者言行而身化之道在我矣視夫不與道合者約之使歸於道焉爾彼專以文藝脅：誘之以希進取者何其末哉其用心也如是故不惟成德達材之士屢出其門甚而閭巷之士庶聞其風稍有踰於禮度者亦知所警備焉其視彼呻其佔畢資口耳失躬行而遽曰我師也我師也者誠有間矣用是迪輩與耆老諸生咸上章乞留以終惠斯邑孰意茲有松江教授之陞豈某輩之言不足見信耶抑江浦不足以淹宜鉉耶余應之曰余固嘗知宜鉉之爲人者及觀都御

文熊公學士李公所著脩建江浦學記尤知宜鉉之爲人加詳由是而推則迪輩之欲乞留宜鉉也良不爲過惟 朝廷豈不曰江浦宜鉉之化已行矣宜鉉之績已著矣矧九載黜陟著爲令典且松江大郡久缺其師其郡之望得師寧不尤愈於江浦之望得師乎茲 朝廷以宜鉉陞教授松江也亦豈偶然哉幸宜鉉以善教江浦者教松江松江士子以善學聖賢者學宜鉉俾他日松江德行文藝之士彬：輩出有加於江浦則又豈不爲 朝廷之光諸君之光哉迪輩聞余言釋然曰願請筆爲送行序於是乎書

南齊編 卷一 七

記

六安州修廟學記

學校王政之本也自三代而降有國家者莫不以此爲先務誠以非此而務則風俗何由而厚人材何由而興哉然有學必有廟故廟所以安安乎先聖學所以棲息乎師生凡此苟一之不具不美則士子於何所仰冀獻以報其本於何所隆授受以成其業哉六安舊有學自宋迄今數百年其廟與學也率風凌雨震致欲倒敝滿殆不能支久矣邇年前守西蜀樂君彬嘗有志於脩葺不幸將事以疾而沒適今守游君來蒞是州既視篆首

謁廟學顧茲傾圯乃愀然曰是非吾之責乎弗亟圖之不可未幾即首捐已俸以爲倡於是僚佐暨凡好義之家聞之咸出資以相其役君乃不徒葺其舊觀易其臺更其朽而已復拓地廣楹經營締構至廟之禮殿兩廡學之論堂齋舍之類屋以間計者若干迨夫像設祭器不周歲爲之一新卒俾州之人士過者罔不嘖嘖稱嘆以謂非君之力則莫能致是役也實經始於宣德十年之十月訖工於正統元年之七月余忝職太常其學正程吉訓導李奇馮微暨生員王賢康拯等絕江寓書於余交國子生張頌以紀其績余以不文辭者固已不敷

南齊稿卷一

八

日張復介余僚友寺丞王君宗諤請之者甚勤勉爲之言曰惟王制諸侯之學曰泮宮昔者魯侯脩泮宮詩人誦之而春秋不書蓋脩學常事也故春秋不書焉雖然以公之是役不可以常事目之而不書也何者以今民牧觀之廩者則謹於矜持能者則勤於徵辦貪者則戒理窮欲積其貲則不過爲己之官室之謀妻子之計而已皆孰肯致意於學校哉是則若君之達大體而急先務於是役也可不書之以爲是州後來爲民牧者之勸乎惟六安之士子來游來歌者尚當以君作新學校之心爲心而惟忠惟孝以自勗在必人爲時之聞人則

庶幾於君是役爲不忝焉君建寧人名璧字景琰由國子生掌守沅州滁州至爲今守云

廬州府學五賢祠記

古者有道有德之士歿則祭于瞽宗故後世學校之有先賢祠者亦其遺制也廬州府合肥縣學舊祀宋孝肅包公忠肅馬公定肅王公餘則未之祀焉若夫漢文翁實郡之舒城人爲蜀郡興學於成都爲天下先元忠宣余公亦郡之合肥人一門死節於元季是皆有關於風化者則郡又不知考而與三賢合祀之茲又非闕典歟乃者盱江揭君緒由名進士以清才碩學拜監察御史

南齊稿卷一

九

復膺簡畀來守是邦鞠躬盡瘁以興廢舉墜爲已任既首以郡之學宮傾圯不足以培養士子請之于朝徵材庀工撤知事吳敏董其役上自講堂齋舍下至射圃庖廩致靡不煥然爲之一新已復於大成殿之戟門西偏構祠一區即併縣學昔祀之三賢合今增之二賢以中爲尊以世爲序中則漢蜀郡守文翁左則宋孝肅包公左則宋忠肅馬公又左則宋定肅王公又右則元忠宣余公各以其姓氏爵謚準式爲室而奉安之室皆東向合而名之曰五賢祠殆足郡之未備以係邦之人士之思也意尊本崇德固儒者事然非君達治體敦教

本則雖儒者亦視此事為贅疣者多矣君其賢於人矣乎矧五賢之在當時言行政事表於人其風聲氣澤垂之千百世雖天下之人猶企慕之而不已况五賢有或生於其斯者有或過化於其斯者則郡之人士宜又何如其企慕之也邪雖社而稷之尸而祝之則孰曰不宜此君於五賢之祠不容於不建者抑又非因民之情而有以致之也歟大抵善為治者莫先於興教故教興則治美而教之為教其切於人者莫大於忠與孝焉五賢之行忠孝備矣惟是邦之考俊歲時登茲五賢之祠仰瞻列室尤有不徒惟致其敬者在焉宜思其平日之

南齊稿卷一

十一

所以忠所以孝以盡為人子為人臣之職期不忝為人於兩間者則有不逮夫旁求遠訪而學有餘師矣若然則郡之風俗其有不厚人材其有不興治道其有不美者邪詩曰高山仰止景行止慎毋忘公建祠興教之心哉學之脩實肇工於正統二年之正月訖工於明年之二月學脩而祠亦隨之故學成而祠亦成是役也君之力固多若與其力者同知邵宗通判李讓史均勤推官趙敬張鏞經歷閔珪沈達照磨李祐檢校丘恭教授陳孟旦訓導李清彭填江昭亦不可不牽聯而書之也因公寓書托鄉貢進士李誼抵余徵記其興作由以不

得辭故歷言之特君之為郡紀綱號令其達之於善政善教俾民改視易聽者尤夥以其不關於建祠則畧而不贅

忠節堂記

宣德二年春交趾之叛也蠻賊黎利寇諒山府知府易公死之事聞上嘉念之贈廣西布政使司叅政仍為文勅禮部遣進士張純諭祭之洎復其家鄉之人慕公之為人不可作伏覩哀公之諾其辭有曰忠義人臣之大節遂顏公平日所居之堂曰忠節其倩今戶部主事甘君霖徵予記之公名先自太初湖廣之湘陰人由太學生膺推擇授諒山府知府能子育其民致民愛之如父母既九載當獻蹟民挽留之不可得時今少保戶部尚書東萊黃公鎮撫交趾以民之情上于朝拜命復職當黎利之叛其勢甚猖獗交趾郡縣多被陷沒獨公於諒山效死守者數月賊增眾攻城城中食盡矢絕能奮弱為強誓于眾曰吾奉命授一郡之寄脫有不測郡亡吾與俱亡義不可污賊手敢有異心者即死又踰月終無一人降者後以賊攻之愈急而援之者不至度不可支即自經死嗟夫人之所以異於禽獸者以其有禮義也然舍生取義惟正人君子斯能任之何

南齊稿卷一

十一

也由其涵養有素篤信不回是以捐軀就義而時死猶歸如公之樹立如此固所以植綱常而厚風化抑豈非真有所自而能然耶其視棄城圖存擁疆兵坐觀成敗若都督蔡福輩卒不逃於國典致貽誚無窮者果何人哉今公不可作也其忠義之聞在天地間有不啻若烈日秋霜其耿不磨豈徒一鄉之人慕之雖四海之人亦慕之豈徒四海之人慕之載之竹帛殆千百載之人亦胥慕之矣噫公何負於為人臣哉公何負於為人臣哉余不佞不腆之解庸揭之堂壁以慰夫鄉人之思云

嘉興縣脩建記

南齊稿卷一 十三

古者列國失政史必譏之若宮室川梁脩治之不時亦係焉今之縣猶古之列國而司之者奚可於所治視之猶傳舍而漫不加省哉宣德六年某月貴溪傅霖時佐以才選授丞嘉興政教既臻重惟邑治歷歲滋久歌不傾圯惕然于衷謂夫今弗葺必積久益壞且無以昭等威肅民庶也亟欲撤而新之尤慮僚友弗協即謀及之而僚友亦闔辭異乃首捐已俸為興作倡由是僚友及邑民之好義者亦從而樂為之助若夫朝程夕督於木石諸費則惟時佐是司焉經始於時佐蒞政之又明年某月落成於經始之明年某月屋以間計若干其弘

敞嚴遠規制合度則視昔有加誠不啻若泰山巖之華稱具瞻也然嘉興實浙水西壯邑要衝叢劇素號難理故官於是者恒以閑佚徵辦為急其於官府之葺治不暇也久矣是役也費不出於公力不勞於民一旦俾其堂室門無輪焉矣焉於舊一新此固由時佐視官猶家而無所私以誠立事而無所憚用克底于有成抑非僚友之盡已讓能邑民之好義循禮則時佐亦烏得畢志殫慮以致其效如斯哉是皆可書也茲同邑丞夏某以斯舉之善不可沒徵記於予：故樂為之書若時佐之於政於教而贊於邑固多有可稱者以無關於脩建則畧而不贅

南齊稿卷一 十三

揚州府儒學重脩記

自司徒典樂之官設而學校之制興其風俗之厚人材之盛實本於是故有國家者未有不以此為天理之大防焉然興廢無常而振舉之任不可不屬之於人若揚之有學建自于宋數百年來殿堂齋室歟不敝漏日就弗支率無以其為政之所宜究者時三山陳君真寶守是郡顧茲傾頽乃慨然曰學校守令先務吾弗亟圖孰之責也即謀脩葺會監察御史真南張君謙以按部至君遂以斯舉白之君曰獨非吾之責乎由是二君各首

捐已俸鳩材僱工追諫吉就事而官僚之好義者若衛
指揮使姚麟府同知姜文通通判推官孫景銘輩聞之
咸感奮亦出資樂為之助材于是而益善工于是而益
良乃易其已壞補其未備首作大成之殿繼以明倫堂
藏書樓下暨齋序門廡倉庫庖廡經營締構以間計者
凡七十又三財不費於公力不勞於民俾棟宇之崇麗
貌象之顯嚴應規合制視昔有加餘資則又錄祭器之
未備者範鐵以足之經始於宣德七年之春訖工於明
年之夏茲教授某僉謂斯舉於學之所宜有者已無一
之不具不可無述以示久遠爰具實遺其徒盛某絕江

南齊稿卷一 十

而來囑予記之洪惟 天朝聖相承丕顯人文於學
校之政尤切加意誠欲陶斯世斯民以躋於唐虞三
代之盛既有官有師矣復以提調勉勵之責歸之於任
守任司風紀者焉觀二君於茲學葺治之勤如是可謂
知大體而祗奉 德音克盡其責者歟矧楊為淮海輿
區密邇畿甸民素有養而知教是則後之來游來歌之
士其可不益懋所學而惟忠惟孝以期上無負於
朝廷下無忤於二君哉

高處士壽藏記

處士姓高氏名宗漸字叔胥別號松琴山陰人年僅周

甲子即營家墳於邑之梅山之陽一日不遠千里涉滄
江詣太常言曰吾聞人之於世生其寄死其歸故知人
生而死猶晝而夜必然理也不知理者諱之吾則不然
今已預為其地以俟其歸尤望執事願述吾平生之槩
鏤石以記其上幸勿辭敢請余聞高氏自太尉府君於
宋自汴徙居山陰之梅山子孫蔓延遂為邑之望族田
園甲於編戶詩禮聞于一鄉若處士亦其族之傑然者
也惟處士遭家不造僅五歲喪父諸兄被逮產業悉蕩
析無遺獨遺母氏與居及成童乃奮然曰吾家夙昔田
則連丘接隴屋則切漢干雲今吾何卓錫之地且無顧

南齊稿卷一 十五

吾母托何而養吾身托何而遂哉復謂人曰吾他日苟
不能為人以大吾先世之大非高氏子孫即蚤夜業農
與商有贏則銖積銖累期底于豐居無幾何則家業果
由漸而至大焉既而復曰利固足以資吾之生苟不讀
書則何以知禮義從而為人哉遂創書屋積書數千卷
於其中稍暇則耽玩之不少怠時侍讀華居唐先生助
教橋樂張先生浮沉里中輒延館于其家有疑則從而
質之以啓其不逮至為萬石長凡於飛輓之勞有命卒
不辭每為鄉人之所先人有負不平赴愬於其門者則
以大義折之致人罔不帖信服而去晚年樂施予設

義塾延師以教鄉之子弟有貧不給者生則以食周之
死則以權歛之自里之錢清抵郡西郭相距六十里凡
橋道之傾圯者則脩葺以時恒以為已任一曰人竊其
牛牧豎踪跡之已得其人問之為誰曰某甲也處士嘿
然久之曰勿再言勿再言人察察之為何益其故人子
也致知者既高其義又高其量焉處士生平英邁倜儻
遇事有為且於成敗能預燭幾故致家業之復興門望
之不墜者豈偶然哉若茲當強健之年而預營家墳以
備全歸抑又非達生知命能之耶惟仁者必有壽然中
壽八十下壽六十人享之固皆謂之壽特高壽百年人
享之者鮮以處士之存心在於仁者過人殆見上壽之
不歸處士而誰歸哉若茲家墳誠預為之也因其請余
姑記之俾歸以饗其上

通州重修廟學記

維揚通州之重修廟學也既訖工州之守番陽劉復告
予曰復奉 命忝守于通初至首詣學行謁先師禮暨
登明倫堂視師生講肄顧其廟與學皆頽圯弗支殊失
具瞻輒與僚友同知梁埴判官牟仲川陳賜謀欲撤而
新之以徵翰事殷卒未就緒適州士陳志學以貴州憲
禽致仕來歸聞之曰斯廟學者吾夙蒙教養地也獨不

南齊稿卷一 十六

可助之乎即奮然捐資為首倡既而守禦千戶陳璫聞
之其助也亦不減於俞憲於是復等以二公之義而於
始謀乃需材徵匠於廟作大成殿兩廡戟門靈星門於
學作明倫堂三齋觀德亭凡所宜有者視昔日有加煥
然一新俾來游來歌者罔不嘖嘖稱善工於宣德七
年七月十二日訖工於明年二月十五日然復等雖亦
預力其間向非二公之倡其何能濟願為文以紀其績
敢請予聞通之廟學宋初在州城東其堂其構者守曾
環也後遭兵燹遷於州城西復其規制者守康淵也嗣
是若試兵部尚書印應雷守楊布通判劉雲翼至 聖

南齊稿卷一 十七

朝守熊春皆克留意以經營之焉以是觀之前作後述
當有其人茲舉也固作州者分內之常事耳然較之不
知當務之為急而漫不加省坐致鞠為草莽者復其亦
賢於人矣且今美輪奐與不自有其功而歸功於仗助
之者其又不賢於人能之乎是則諸公之功皆可書也
竊惟廟以奉先師以崇教事其為風俗人材之所繫自
古有國家者無不以為重况 聖朝致嚴廟學視前代
又為過之故賢而有民社寄者亦未嘗不體之以用其
心矧通為圻內之地尤有風俗人才在所當先所重之
繫者乎繼自今尚幸膺其寄者知急其所務能如復之

心為心則通之廟學其有不常存風俗其有不常美人
才其有不常盛哉予姑以是答復之請俾歸刻之非特
紀諸公之績而且以勸其來者云

雲南府學題名記

洪惟 聖朝文德誕敷雖極天所履極地所載罔不丕
冒孰曰雲南去 天萬里遠在一方而有所未暨哉矧
其地自入職方有今黔國沐公之祖父黔寧王暨父忠
簡王叔父都督公世奉 朝命鎮守其地至若布政使
陝西張公統參政河南王公純輩相繼臨蒞悉能上遵
著令崇學校重師儒俾詩書禮樂之教輒能與中州等

南齊書卷一

率致其仕亦各因之爭自磨濯其於有用願為 帝臣
者彬二輩出迨今七八十年有加不替荷歟感哉一日
予友監察御史張淑子善蓋由其庠序而登進士第者
願以鄉之士若進士若貢士自學校而出者咸題名于
石殆不惟榮其已出之賢亦將風厲其後來之者請予
記其首登夫子善之用心誠與人為善仁人君子之心
也是則獲則名于是者必能知其所自榮其榮而益勉
力於顯融矣繼自今其來者則又曷可不思步武前烈
以彰 朝廷文德之美與方岳重臣之所以相成而必
圖其所報稱哉

浙江按察司副使陶公死事記

浙江按察司副使陶公之死於處寇之難也其同寅食
事陳公以金華蘭溪之民感公捍禦之德之功之請欲
昭公之死於不朽具事之始末以狀來徵予記按狀公
成字孔思廣西之鬱林人膺鄉薦升太學累官至大理
評事用廷臣薦拜浙江按察司僉事當正統戊辰冬處
之寇起於麗水剽掠鄉里殺害軍民 上聞命將討之
公與都指揮僉事崔源領兵分鎮金華之武義據賊出
沒之衝以木為砦竭心殫力晝夜守禦民賴以安者久
之後賊首陶得二大驛招徠率眾將攻公砦公獨運謀

南齊書卷一

出兵殺其眾最驍勇者數百人并生擒者百餘人撫其
未降者又三千餘人得二乃懼率其餘黨遠遁深山事
聞以功陞公副使又明年五月庚申得二復率眾來攻
公亦出兵與戰時賊勢大張或有勸公稍却以避其鋒
者公毅然不從乃嚙齒厲聲以誓眾曰彼寇蟻蟻耳孤
狸耳乃敢於我為抗吾授 上命禦寇以安民吾將與
爾眾與殲滅此賊決於今日今我稍却寇豈不以我為
怯耶今既至此吾誓不與寇俱生倘萬一不利而 天
兵駐于金華者聞之必登境而來吾亦當為厲鬼助
天兵以盡粉此賊於無噍類也誓畢乃麾兵極力與戰

自知至賈勝負未決不意塔中火起我衆遂潰公竟與都指揮僉事崔源俱死之實正統己巳之七月某日也嗚呼忠義天下之大閤也世能知之者雖有求其能以身而臨難不避視死如歸者能幾何人耶若公之死于其所事明白正大與烈日爭光不負朝廷付畀之重豈不謂之大丈夫哉孰知公死未幾得二等即就天兵之擒以明正其典刑焉故人咸謂得二之威則公誓言為有驗矣亦有以見公英靈之不死耶今公之死雖死於武義而蘭谿之民不忘公者蓋以寇之初起時公先屯鎮蘭谿能致寇不敢犯民獲以安故蘭谿之民於是記

溧陽縣學科貢題名記

士有題名以表著於羣序者其來尚矣蓋將以褒已往而勵將來也此溧陽知縣古筠鄔公璠於邑科貢題名之所由立也歟惟溧陽為畿內壯縣涵濡聖化其出固屢有其人然知縣事者於學校有提調之

責故每當獻績之時吏部必稽其科貢得人與不得人以第其殿最焉此鄔公汲之於是者其亦激勵之一機必歆期盡其責以體朝廷注意賢才於學校也其心不既盛矣乎一日遣其子某介國子生邑人羅振請予記其由夫士生聖世欲得其名以効其用者人孰無是心特有是心而無是學則又不足以致之也學之道無他其則不遠亦惟視諸先達之所以學以得其名以効諸用耳雖然進取之學人皆可能惟有志之士既學矣或得其名在必競焉恐名浮其實思實足以稱其名而後可庶幾也苟徒惟弄紙筆以獵利祿其於真知實踐則漠然無一得之於已而規之於虛名是尚則又豈得謂之士乎孔子曰後生可畏諸士子敢不勉諸鄔公字其讀書惇行嘗為斯邑丞有善政既九載民留之上允其請陞今職云

汝寧府重修廟學記

汝寧府古蔡州也元至元癸巳始陞為府其府學即舊州學金皇統間所建者知府耶律文謙以湫隘弗稱且遭焚蕩惟禮殿僅存遂改為汝陽縣學別構府學于府治之巽隅今學是也皇慶改元知府張昇又以其規制簡率復脩飾之茲學至是始克就緒垂今二百載風凌

兩震其間梁木則未免頽毀黜聖則未免漫漶斃則未免缺落致過之者莫不爲之咨嗟惋惜病其未有注意於此者焉正統三年春保定李公敏以知府事來蒞是邦政事之餘乃愀然曰斯學之傾圯獨非吾之責耶惟役殷費廣顧力寡不能獨勝乃謀之於守禦千戶倪公誠等暨邦人之篤於斯文者咸唯唯以樂助之公即首捐已俸爲倡不踰月得所助白金以兩計者凡四百有奇公悉屬教授紀振掌之既而召匠度材肇工於正統四年之二月記工於明年之秋八月殿堂室廡規舊奐然一新規制且尤加弘敞既落成公復以學之師生

南齊稿卷一 三

出入之塗卑狹沮洳又以他地易軍民所居之地闢爲大道撈其綽楔曰興賢致邦之人士若老若穉無不改觀易視而稱嘆嘖嘖焉未幾公以膺召陞尹南京之應天府嗣其任者若知府李公秉同知張公健皆豈弟君子也親茲成績謂公之興建與千戶公等之欣助不可無述以示後之來者乃徵記於予夫學校爲美教化育人才之所實王政之所當先者也學之宜有若殿廡以崇奉聖賢堂室所以棲止師生是則殿廡堂室皆一日不可無者苟有興墜以郡守有提調之責奚可置之以爲度外事耶若公夙由庠序登太學嘗佐郡鳳陽以賢

以能聲聞日著膺薦陞茲郡守下車之初固宜汲汲視之以爲先務然其殫心竭慮經之營之俾其克底于成良亦難矣茲李公張公念公之興建與千戶公等之義助能不沒人之善求文以表章之是亦厚德之事皆可書也且聞公於是學締構垂成之頃所乏者堅勸之材以足棟桷之需忽一夕大風拔木於近地得所拔槐榆合度者數十本以足其用或謂公之是念與神明通而神明茲有以相其成也故併及之以爲記

太和縣重修廟學記

郡邑必有學必有廟以奉先師學以育賢才廟學

南齊稿卷一 三

之制其來尚矣太和爲今鳳陽支邑而廟興學在邑治之南自宋肇建來以多歷年所其棟宇垣墉頽圯殊甚柰於興廢舉墜久無有爲其意者正統五年夏長沙張侯處仁自曹監釋褐來知縣事展謁之餘乃愀然曰吾拜朝廷命以忝今斯邑而職所當先者莫先於風化風化之興必由於學校顧茲風化所係之地而上兩旁風弗稱具瞻者如是吾奚可不於此以用其情哉即首捐已俸爲興作計既而以役殷費浩慮所捐不足以副所需復謀諸僚佐謀諸邑之好義之家一時有或以財有或以力者咸樂欣助之不啻若雲集而川匯焉處仁

於是乃鳩材僱工撤而新之於廟作大成殿作兩廡於學作明倫堂作兩齋下至庫廩庖廐之所靡不畢具屋以間計者凡若干俾一旦輪焉奐焉致人無不嘖稱笑改觀而易視焉始事於正統某年之春訖工於正統某年之夏既落成學之教諭某訓導某謂處仁之績不可不紀以示將來遣其徒王環請予記之夫學校正政之本也洪惟聖朝聖相承視之前代崇尚惟盛既設師儒以專其教已復責乎令以提調之勅憲臣以激厲之誠欲風化矣而賢才興其注意於學校者非一日刻太和實圻內風化所當先之地任其任者宜其奉承一德音莫敢或後是以處仁下車之初不暇他及而沒於此以用其情斯又非知所先後賢於人者能之乎嗟夫興學校固為長民者之首務然則來游來學之士又何可不知學者於學之所當務者耶且學者學夫聖賢在必心聖賢之心行聖賢之行真知而實踐善也吾從不善也吾避停本抑未崇雅熟浮蚤夜孜孜思所以仰答朝廷之所需而不負出於學校可也若夫昧其遠者大者惟簾窺弊聽徒弄紙筆計釣科名微利祿以為身家之榮則未矣于是知處仁今日之是舉豈口尚虛文觀美哉予因紀其興作之由而得併記之以

南齊稿卷二

王

為學者勸云

番陽重建忠烈廟記

番陽郡城之內魁輔坊之東有廟曰忠烈創自有宋迄今幾五百年邇以居民不戒於火廟併燬之郡之人士感神之惠有素謂神不可無廟以烟其祀咸捐已財力諏吉築為之重建焉既成其郡人華亭二尹張君鳳應馳書告予曰吾郡有神廟曰忠烈俗傳為忠烈王廟凡郡民歲時有所焉報焉告成事焉者則項背相望悉神是賴而神既屢昭如響斯應已非一日近燬于火民懷建之其神之安靈人之裡祀不改猶昔願執事文以紀其興作之由用登于石以示後之來者按郡志神蓋宋高陽關都部署康姓保裔其名真宗時契丹入寇戰死于瀛忠臣也祭法曰有功於民則祀之能捍大患禦大災則祀之若神之死事死于瀛宜廟于瀛祀於瀛禮也今而廟于番陽莫知所据或曰宋以神之死詔天下皆立廟以表其忠義何今天下郡縣皆無其廟獨番陽有之耶抑予聞昔人有寓於其地以土之神奉之及還私奉其歸以奉如吾浙之宋相史浩使宣城以祠山之神有靈遂奉以歸至今四明有祠山廟是也意神在當時必有廟亦豈非番陽之人有或仕或商于瀛者奉歸

南齊稿卷二

王

以祀之此廟之所由立也歟夫禮以義起有不容於不辦惟神廟于番陽有年神必福其民也彌深故民之事神也彌篤不然今廟既燬而民復樂捐財力以重建之致輪焉與焉俾神有所棲人遠所仰有如是耶繼自今吾知神之靈洋洋在上必監民之奉之誠其數佑番陽之民也必又愈於前日矣廟自殿堂以及門廡之類屋以間計者大小凡若干始事於正統某年之春訖工於正統某年之夏其有或以財或以力欣助以成其廟者郡之人士黃振宗輩於此不及悉書則別列姓氏于碑陰云

南齊稿卷二 王本

南齊先生魏文靖公摘稿卷之二



寧國縣知縣前纂修 國史鴻臚寺序班男允編次

通奉大夫福建布政使司左布政使孫燾洪鍾校摘

字說

周茂景和字說

錢唐周茂景和其友武平文學孫仲五氏過余言曰茂之以景和為字交游者代其名呼之矣或者謂其名之与字其義弗協願於執事實之以釋其說敢請予惟萬類之物無疵無厲之謂茂一元之氣無戾無乖謂之和故盈天地間和氣充塞則萬物資之以茂茂條達也

南齊稿卷二 十

必矣由是言之物之茂所以資夫和而和之用所以育夫物是則二者蓋有交相成而不相悖之道矣今茂以茂名之而以景和字之孰曰其義弗協也欤雖然人之字為友者固所以重其名而以字代之也抑亦豈非欲因其義以協其德乎惟人之生得乎天地其七情之具而大本達道無所不全特其壞於人物而乖戾生焉故人不可不有學問之功也茲茂誠能於不見不聞之頃防其乖而絕其戾則大本達道無之不全殆必不徒茂其德於一身則必自身而家自家而人無所不和則孝弟忠信之用行其德得不由茲而茂歟景和勉乎哉

徐鉉時用字說

古者男子始生父名之既冠而賓字之禮也後世有先生長者又必因其字而釋其義以為之說蓋相與其祝之辭以責其成人抑豈非禮乎哉錢唐徐鉉今兵部侍郎徐公之長胤自幼端重慎默親經史殊與儕輩執綺兒異子甚愛之及冠而禮部侍郎羊城陳先生為賓嘗即其名而字之曰時用噫先生之期於鉉也豈淺哉一日鉉視余為執友復請予為之說夫鉉田器也樹藝五穀固非器為用則不足以成樹藝之功苟非其時而用之則亦何所益哉此先生於鉉而字之曰時用者

南齊書卷二

其以是夫惟鉉嘗用力於學者蓋必以器而耕夫仁義矣以器而耨夫詩書矣然學既有得用必隨之待時而動鉉其有焉方今聖皇臨御所用者賢才雖耕莘釣渭之徒亦將乘時出而樂為之用矣獨鉉可不因時而為用哉行見鉉也抱負其器薦之于鄉上春官以對大廷接軫而翁次公卿之列以為時用良有日矣鉉尚勉之予曰望之

陶元素字希文說

吳門陶元素者嘗從予遊予喜其進學有序將俾與之遊者改其名而字之曰希文一日其友鄒縣宗盛輩以

其字請說予將以為希文贈予惟文不可以苟求欲求之者不可不有其素也姑以其近而喻之彼繪畫也欲施五采以成其文果可無其粉素之地乎此文必貴乎有其素而後可以求其文也尚矣然希文學者也惟今之學者所求之文記誦而已矣辭章而已矣記誦以誇其辯博辭章以矜其聰麗釣聲譽以鉤利祿此果謂學者有素之文哉學者之文要不要於義理使義理日以精篤於操守使操守日以謹一言一動非規矩不由一出一處非準繩不踐近可以儀表家邦遠可以垂範後世斯於文也或幾矣彼為人而不為己喻利而不

南齊書卷二

喻義之文曾可與學者道乎惟希文風姿凝重且生長詩禮家循雅飭其文蔚然予喜其文由於有素非淺淺學者之文也因其求說故不辭而規之而又為之頌云

輿齋說

輿齋者今兵部主事余友錢唐鄭君良載之別號也徵余為之說夫輿車揔名也車底也以車言勝重致遠者車也傳曰士不可以不弘毅故惟弘斯可以勝其重故毅斯可以致其遠其勝重致遠之任何任哉曰仁而已士而非仁則不足以為士顧名思義良載其能然夫以

底言祇也木有祇則幹焉枝焉花焉實焉斯有所附車
無底則輪焉輻焉籍焉軾焉之類何所托哉故造車者
必自輿始傳曰先立乎其大者則小者弗能奪假彼喻
此良載其能然夫惟良載詳禮家子名進士也有寬廣
強忍之具故致於用已政猶輿也其為杆為伴為巢為
政為載十二旒以廟以郊維其時也殆無適而不宜者
余深有望於良載焉

題跋

跋沈學士所書先賢格言後

此蓋翰林學士雲間民則沈先生書宋南軒張先生之

金齋稿卷二

四

言為予南京太常少卿行時贈者也因憶先君子知上
高縣事時亦嘗搦朱文公書是言刻于瑞州府學者示
而且屬之曰學者能服膺是言體而行之則不患不為
賢人君子故謹識之不忘已今學士公復書此以為贈
則予安得不重惟先君子之遺訓而感學士之所愛以
茲佩服先賢之格言哉

書鐵崖楊先生墓誌銘後

右會稽鐵崖楊先生墓誌銘一通蓋太史金華宋公所
撰去今六十又五年其族孫宗義徵驥一言附其後驥
憶自弱冠時聞先輩云先生當元時年未三十而文名

已馳南北虞文靖公稱曰李白天才會時脩遼金宋三
史朝廷議論未決先生有三史正統辨歐陽文公見之
嘆曰百年後公論當定於此矣今宋太史謂其文中之
雄夫豈不信惟先生不尚峻絕之行且於時事直言無
諱故人多忌之或目之為狂用是卒不得大用然君子
之所貴者宜係於用不用於厲元季世與曲江錢先生
於松江蓋寓公也後二先生相繼而沒知府林孟善為
卜其地合墓于華亭縣干山之陽予官遊松江時以先
君子上高令嘗遊二先生之門特拜謁其墓欲摩挲先
生是石已不可得及物色誌中所載其子航孫泰來問
諸故老皆莫知所之令人不勝悽然於夕陽衰草間者
久之今何幸見有宗義而以是表裸哉是則先生亦可
謂之不死矣宗義讀書飭行其來殆未艾尚幸為先生
推其昭穆宜嗣者擇而嗣之則又盛德事也故併及之

書碧落碑後

余嘗聞學篆書非難而欲知其偏旁為難其偏旁如音
十為章而此帖中章字之類多与偏旁不協不知何也
雖然秦漢唐宋間名人篆書石刻以歷歲滋久磨滅者
多其搨本存世者有日減無日增其為難得也審矣况
此碧落碑又素為難得者哉此本蓋太常丞馮公所蓄

者因以示予、故書此于後以銘觀者

書黃賢母傳後

純乎天成乎性不假以力極亨壤貫古今者曩倫也惟賢者存之愚者昧之故君子之善其善也於賢者於賢者則必立言以旌之焉其旌之也豈徒然哉蓋為世道勸也若是卷自長史鄭公以下或傳或頌或序以紀述其鄉深溪黃氏母之賢是也觀母之為女事父母為婦事舅姑迨夫沒而又能以冰蘩自持綱維家政至教子皆底于成立其善雖皆不出乎彝倫之外然世之為女為婦能盡此德此道者能幾人哉是則若母者可不謂

南齊稿卷二

之賢也夫傳曰一家仁一國興仁一家讓一國興讓余於母之賢尤有望於人焉

書敬器圖後

古之人盤盂几杖皆有銘所以勗其德也有曰敬器者其猶是歟昔孔子觀于魯桓公之廟命弟子以水注之則知虛則欹中則正滿則覆遂嘆曰鳥有滿而不覆者哉大抵中者無過不及之謂聖賢之道惟中係焉彼虛敬滿覆者得非有過與不及之患歟然滿尤為聖人之所戒故曰聰明聖智守之以愚功被天下守之以讓勇力撫世守之以怯富有四海守之以謙能是則挹而損

之於中也其庶幾焉臨江謝學源氏讀書尚禮家素饒富嘗挾貲以取贏湖海間晚得是圖有契於心遂欣然以歸乃隱跡山林圖終壽考噫學源之即事興懷而遽底於知止知足之地非識微之君子曷能然耶一日命其子公訓持是圖來京介余友刑部郎中劉君謙請識之余遂書諸左方

書尊經閣中秋說月倡和詩卷後

廬陵中溪劉先生宣德十年秋應聘為京闈同考官既撤棘持詩一帙過余閱之蓋八月之望先生與主文春坊庶子周公翰林侍讀苗公等凡九人登尊經閣玩

南齊稿卷二

月之作詩凡一十八首序則庶子公所著者也鏗金鳴玉使人讀之想像其趣則先生於斯之時與諸公有不異置身於方壺員嶠間者已何者凡人生燕集蓋將以樂其樂也樂其所樂貴必得其類得其時得其地而後得而樂也苟一之不具則亦不過勉同強合而已今先生之會以其類皆縉紳大夫士也以其時則中秋也以其地則尊經閣也是則先生之樂與諸公之樂宜其無涯也既樂之宜其無倡而不和也噫凡今之交今之會不知能又有如先生與諸公者否乎先生嘗為江西解元賜進士出身入翰林為庶吉士擢刑部主事今為

新淦貳教才行卓、有聲于時且胸次灑然雖雲翻川
鱗有不足以喻其通者名子欽中溪其別號云

書宋元名賢翰墨後

庸菴太常馮公好古博雅君子也凡有古及今法書名
畫或重其藝或重其人必俱收並蓄裝褫而什襲之誠
欲使其流芳於不泯亦盛德事也此帙自歐陽公而下
凡十有八幅況其藝其人皆足為世之重者耶余故謹
識于右以歸公之典籤

書熊都御史寄大理卿湯公詩後

太學生永嘉湯沐時新以今行在都察院右都御史江

南齋稿卷二

八

右熊公為大理卿時寄其先君子大理卿七言近體一
律裝潢成軸請予識之惟時新先君子雖與公同為大
理卿而公則專奉使巡撫浙西此詩蓋公必自浙西回
京師同寅諸公往訪公寄以申謝者按其序有謂曰昨
風雨中辱蒙枉顧及蕪簡少卿呂先生寺丞鄭先生之
說是作必在洪熙元年後五年為宣德五年公巡撫事
竣始陞今官復今姓不然何以稱湯公為長官詩尾題
胡姓乎嗟夫諸公斯時斯會距今僅十年而湯公已矣
呂公遂休致之請歸於山陰而熊公居北京鄭公居南
京俯仰生死睽離雖欲復如前日之會何可得哉此時

新於先君子以公是詩亦不能不有感焉雖然昔柳子
厚記父侍御君之友於侍御君墓碑之陰誠欲使後世
知父之所交皆一時之名士今時新表公是詩於父大
理卿既沒之後亦豈非欲後世知父所交而有若公哉
時新不賢能如是乎

書燉煌郡侯洪公墓誌銘後

右元贈嘉議大夫紹興路總管上輕車都尉追封燉煌
郡侯天台洪公墓誌銘一通前鄉貢進士承務郎江浙
行中書省檢校官徐翔所撰者也後有自元迄今諸名
士所題詠今公四世孫大理寺副益中屬余識其末簡

南齋稿卷二

九

按公於世故泊如其所贈所封蓋以子縉翁者貴所致
生平勤力於為善故為善之迹見於誌銘者甚悉使人
觀之固無愧於後之人起敬而起慕也審矣然此稿去
今百有餘年其不泯猶一日此非公善行之積之厚則
烏能致有賢子孫保守之不啻若拱壁哉自此而往子
子孫、勿替引之雖百世可知也矧益中為其諸孫學
純行固自中書舍人至今官經事三朝幾三十年中外
大夫士知之者孰不推重其為人殆見承公之珪襲公
之組其功名之來有未艾者豈曰特保其世澤於此紙
哉庸併書于左方以俟

書思親堂卷後

思親堂者濠梁湯萬仲昭於二親既沒作以寓其朝夕之思也夫人子不幸死其親蓋有終身之戚此思其親者庸能一頃刻而少已乎蓋必思其居處思其笑語思其所樂思其所嗜者焉故詩曰綏我思成孔子曰以時思之其是之謂歟仲昭有見於此可謂之不死其親而善於為人子者矣雖然仲昭實東甌襲武王之孫惟襲武之輔翊龍興以建大明萬世太平之鴻業功烈之大時其能幾然篤忠貞子孫之責在仲昭宜必于是而推於言必思忠於事必思敬於色必思溫於貌必思恭

南齊書卷二

書幽風圖後

嗚呼國以民為本而四民之中其至勞苦者莫農若也昔周家以農事開國故周公陳幽風七月之詩於成王以明小民稼穡之艱難自于耜而舉趾自播穀而滌場以至上入執宮功莫不纖息備具俾瞽矇朝夕誦之其所以欲歆動乎王心者果何如哉蓋欲成王以勤居逸

而不以逸居逸焉耳厥後成王果為有周之令主以迄蒼姬之錄至於八百者孰曰非成王知稼穡之艱難而由於周公教戒之力歟甚矣周公之心為國為民之心也及宋儒臣西山真德秀嘗慨反覆以是詩進講復即是詩繪農夫紅女之勞之狀非惟欲揭之宮掖而且欲頒之貴戚近屬使其衣食之所自來則其用心又寧非周公之心歟是圖不知作者其誰蓋實本諸西山之心而為之者也意匠之到似嘗闕吳興趙松雪之門庭得非淮南張叔厚之筆歟今為華亭二尹巴陵邵君時用之所玩噫時用投牧民之寄者能不質他物而

南齊書卷二

實是圖則必知農之艱苦而華亭之民得其所也可知矣抑予聞宋復有於潛令樓璣以高宗有重農之詔繪耕織圖以進農事自浸種至登廩凡二十有一蠶事自浴種至剪帛凡二十有四各繫五言八句詩于左以曉祈其勞苦之意其臨本尚有流落人間者時用倘能求之併與是圖朝夕披覽則又未必不為知農艱苦之助云

書時苗留犢圖後

先正有云人非堯舜安能每事盡善故知君子未嘗無過惟君子有過其善待君子者必當於其有過中求其

無過可也苟於無過中而欲求其有過其可乎哉若昔
時苗為壽春令當去官時以駕車牛來時無犢今適有
犢遂留犢而去後人遂繡之為圖蓋將與人為善亦以
警夫居官無恥而黷其貨者而作也圖若善矣孰知又
有指其圖而議之者曰使犢可留來時無子今適有子
亦果可留否乎此政所謂無過中求其有過有君子之
心而待君子者豈如是哉此說若然則人率必以苗留
犢為非而殆俾有官於其地者必不以孝為獨取規利
為恥抑豈不至於垂橐而來捆載而返者乎且周官計
吏有六蓋必以廉為先故居官者亦必當以廉為本故

東齊稿卷二 上

曰苟一毫之點污為終身之玷缺予則謂苗得非有得
於此而過於謹者歟蘇州府知府况君寶參是圖蓋必
又得苗之心者也因以示予故書以歸之

書潛山葛氏家範後

監察御史潛山葛君延崇以其尊人銘哲甫所編家範
一帙示余一閱之其大要則趾美夫浦江義門鄭氏而
為之者也延崇請余識其後余聞先正有云家難而天
下易蓋人欲齊其家而以治天下之法而裁理之則父
子兄弟間其何不至於虧恩傷義哉故善齊其家必自
因其所固有而有以維持調護之也大抵身脩則家齊

東齊稿卷二 上

余聞葛氏自觀察府君而下迄今同居共爨者已八世
其代為家之長者無他惟能以孝義躬行以率之耳故
其一門之內尊卑長幼習於見聞自不得不入於矩矱
之內此父之所以為父子之所以為子兄之所以為兄
弟之所以為弟而家之所以由齊也欽茲銘哲甫尤慮人
情久而不能不變至又立為綱紀以約束之名曰家範
則其篤於齊家而欲先於前振於後也又何如哉雖然
立法非難而守之為難繼自今為銘哲甫之子孫誠能
以銘哲甫之心為心於是範恪守而奉之則葛氏孝義
之聞雖數十百世抑豈有絕極者邪以今觀之若延崇

書兵部右侍郎天台徐公墓表後

余憶年少時先生嘗往來余邑過庠序間而余師草庭
周先生亦磊落不羈士也見先生與之論議上下古今
靡不不倦雖移日不已蓋皆不外乎立身行己尊主庇
民之切務也余時頗有知識聞之亦甚偉其為人焉未
幾先生自臧郎師位至兵部右侍郎其數歷中外而所
負之文章政事見之於設施者尤稔聞之若墓表中之

所載歷：猶前日事故嘗竊嘆曰使先生不死尚當行其所長則所為所致果將如之何邪惜乎竟止於斯悲哉雖然君子書盡其在我者而已彼莫之致而致者又將委之於天焉君子得乎天以底乎正幾若先生者其亦可以無憾也夫其亦可以無憾也夫

書玩齋尚書貢公送原功謝先生文後

嗚呼士貴伸於知己不遇則終焉而已矣然得之者又非有知人之明則曷能真得其士哉余嘗讀有元玩齋尚書貢公送上虞原功謝先生之文則知先生之遇玩齋可謂之伸於知己矣而玩齋之得先生寧非謂之有

南齋稿卷二

知人之明而得先生乎何者負個儒不羈之才抱淵壑難偶之學當元季世嘗抱經術試于有司不利即去已既而復以偃兵息民之策于當道又不遇於丞相則又去焉幸而獲察薦於御史執政者与之辯論又不合此先生之決意於東歸其志果何憚於終焉而已矣也邪未幾聞玩齋能折節下士以篤淵壑於釣唐之吳山先生被褐見之一見先生與語即合遂自先生為奇士遂携而至於海上盤桓者久之想其心乎意契之二人也又何啻若良玉之遇卞和良馬之遇伯樂哉于是以知先生平昔之不遇一旦獲遇於玩齋則其商確古今出

入經史與欲得其所遇孰多抑不知玩齋之下天下士其所得之士復有如先生者能幾人邪雖然玩齋固知先生矣曷為而不為之先生乎殊不知非不用也屬時不可為也雖用之有不足以盡先生之才也此送先生之文所由作也觀其一篇之中以昔君疇務光伊尹太公望之事業屢致意於先生則玩齋之期待先生於他日者又槩可見矣迨入聖朝先生應聘與考禮樂及作縣山西其所為所致果皆卓卓有聲縉紳間暮年復拜遷僉福建按察司事若與憲使四明陶公虛仲扞核布政使薛大昉所為貪淫卒致一方稱快至今八閩政

南齋稿卷二

老猶能道之特惜才未盡而身先殞其亦係於命也夫是文今其從孫刑部郎中時與懼其父湮沒不傳復繕寫而裝潢之蓋將以垂示于子子孫焉時與由進士入官清慎端恪蓋克世其家者也先生系出晉太傅名肅原功其字別號密菴有文集行于世曰密菴文稿云

書黃氏先訓卷後

今吏部尚書豐城損齋黃公某念自挹公光範迄今幾二十年觀公之一言一行未始或越乎矩度之外且聞公言每於踐履之得必懇々推本於先子為已先生焉於是某不特慕公之為人而於為已先生願聆其警效

而不可得適者公以平日所得先生之書彙輯為一卷
題曰先訓某獲聞之惟先生貞慤純正其言皆本之於
躬行心得之餘其有資於人猶布帛菽粟不可一日而
無者也豈直為一家言哉雖然垂其訓者父也承其訓
者子也苟父訓之子悖之其為父者亦將如之何邪若
公於先生之訓有不止於終身行之而不替且將什襲
以垂示子孫於無窮焉是則公為人之子其賢於
人也遠矣噫以先生之為公父之所以垂訓而公為先
生之子之所以承訓可不謂之有是父有是子乎况公
經事五朝數歷中外幾五十年今位至尚書致榮拜

南齊稿卷二 十六

雲漢之章奎壁之畫以贈及於九泉是則公果何負於
先生之訓哉覽畢故謹識於左方

題戶部尚書兼詹事府詹事黃公訓子帖

右教儀一通今戶部尚書兼詹事府詹事東萊黃公為
訓其子琮而作也余閱之公大要教其子以讀書為本
然人教其子以讀書則其教也至矣何者六經子史皆
謂之書而書之所載聖賢之心術寓焉立身行己之大
旨具焉特媿不能讀之耳人而讀書能知其理以踐其
實殆為人臣為人子也夫何歉乎玆矧公亦以讀書決
科為名進士至敷歷中外經事四朝鑒乎言行政

事四海之人識不識孰不慕其為人蓋所謂以身教者
矣善學之者又豈直在諄諄言語中求哉且琮沉毅謙
抑有讀書之資者余計他日行遠升高夫豈不係于此
余辱公半面之雅亦願學公者三復之餘姑識末簡惟
琮其慎承之

題戴婦吳氏貞節傳後

天理之在人心民彝之在天下其不可泯而不可易者
萬古猶一日也特人昧之而不能知不能行耳苟人能
有於利害倉卒之頃知之明而行之力者君子焉得不
表揚之以為世道勸哉此翰林待詔吳門滕先生戴婦

南齊稿卷二 十七

吳氏貞節傳所由作也余閱之蓋以吳夫死年少不再
嫁能孝事舅姑撫教其子至於有成固為婦人所難能
者已然死生於人所係甚大若其夫均用代父之刑以
底于死其所以徵天理民彝之在人心天下不泯不易
者則又孰若其事之為尤烈哉惜均用之事何無傳之
者而止附見於此邪抑別有戴孝子傳余偶未之見邪
夫子為父而死其孝婦為夫而守其節孝子節婦其所
冀者自靖而已自靖也者心之所安也初何計夫名玆
惟君子則以其教為可成名為可榮故列其事焉若吳
氏夫婦之行其果可使之不傳以風厲乎人哉

傳

陳克昭傳

君名晟字克昭世為揚之寶應人曾祖某祖某父某母某氏君自幼穎敏刻志經史而尤長於書律洪武中膺能書薦入中書與蹇忠定公同與諸敎事既而被推擇擢五軍斷事官時獄訟繁興犯者率多大家鉅族君一執於法不少假借有都督某者犯法當死迨廷審太祖高皇帝念其有功欲釋之君以所犯畫一以奏復原其情執以有決不可釋之理上怒君復從容奏曰願天威息震容臣再鞠上弗聽命少保兵部尚書

南齊稿卷二 十八

始常劾實之及茹復旨與君初鞠不異上乃悅一日當奏獄上收其奏牘令君背陳君條對如流尤明白簡當殊與牘同上曰汝年少朕特試汝於獄用心否也太宗文皇帝入正宸極陞湖廣按察司僉事使日本及回有廷臣以宿憾發君用私錢於彼易馬謫君居山東既而上悟曰彼以已物易馬罪何預焉即驛召赴京擢通政司經歷未幾丁內艱服闋值蹇忠定公典選法奏君為吏部考功主事九載獻績循例宜膺峻擢君以年耄辭當道者憐之留之不果遂歸君性剛果在官於政無頃刻少怠稍暇於經史則手不釋卷遇有

發策之言合於已者即手筆以識至老不倦平生不飲酒治家嚴而有禮內外數百指肅然一以教令是從實交游於知已相接必直言正色無少迎合及謝事居鄉足跡未嘗涉城府惟日率子孫躬稼穡於東阡西陌之上其志泊如若與編氓無異焉者致知者多高之惟君在考功時與予為同僚君長予二十年予視之猶兄辱君不鄙夷廢迪不逮者居多邇來君以書抵予曰舊交落落猶晨星然況予今年八十又四君寧弗知乎以其孫某來訪予官舍予固知君之福未艾姑錄君之治行一二以遺之旦俾來者知寶應之有斯人也論曰食

南齊稿卷二 十九

上之祿者孰匪官也求能盡其職者固鮮間有能盡其職者求其知進退以禮義者為尤鮮若君之居官與進退可不謂之能得其道者邪

顧允昭傳

處士姑蘇人顧其姓允昭其名彥章其字也予作校官松江時嘗因其友而知其為人未幾彥章邀遊松江之上訪予於學宮遂定交焉昔所謂白頭如新傾蓋如故彥章於予於茲二十年誠有之矣今年春彥章遣其子璣拜予於太常之署申舊故已將還告於予曰知家君之為人者惟執事惟深璣欲圖其可傳者俾子孫之

弗忘是賴非執事不可然子久重孝章之為人况有子如是子奚可辭孝章自幼資朴茂不類鄉里兒父曰是兒佳不可不令讀書乃延名師於家塾教之學殆就緒一日告其父曰讀書在明理明理在力行絳章繡句吾不願也况吾家素力農惟書策是親不幾於忘本父聞而避之孝章自是沾體塗足之勞亦所不憚稍暇於經史則吾伊之聲旦暮不少輟父喜曰古人云朝出耕暮歸讀書人書今吾兒其近之矣性至孝事二親甚得其歡心迨親歿哀毀幾於無生教子孫以力農為本而輔之以讀書尤急於為義鄉有貧不能葬者聞之必為之

南齊書卷二

塋不能娶者聞之必為之娶有為不道者必誅之開諭必俟其得所向方而後止歲計有贏凡穀粟茹菜之類遇飢饉者必周之而不靳所居曰聚鳩並太湖之上間歲風濤驟作往來舟楫多罹其害孝章又為設方畧曲為疏導致其害遂息此其尤彰者也雅好結納朝野名勝若少師姚公壽椿長史錢公仲並學士王公達差員善王公汝玉檢討陳公嗣初徵君張基孟輩或師之或友之孝章致其尊禮始終不倦故諸公亦樂為之往還焉晚年悉以家務屬之子孫幅巾杖屨逍遙於清泉茂樹間乃復自號曰閱清示遠世慮也今年七十餘

耳聰目明猶強健不減少壯云

論曰士之行不可不脩則身立身立則家國天下特舉而措之耳故古者以三物取士而六行居一若孝章之行較之古人良為無缺使生當時必在所錄况於今乎况於今乎惜其所施近止於一家一鄉而已也噫世固有斯人哉

徐賢母傳

母姓徐氏名素英世為吳門人元平江路常熟州醫學教授亨甫之女同郡李仲仁之配也母生六歲見諸母剪髮即知向方稍攻雖素善其事者弗如也尤喜讀書

南齊書卷二

至通孝經論語列女傳諸醫方論終日侍父母側恂然恭謹未之或情致父母曰嫁女必量其才而求配是以不可不慎擇其人以配之既笄乃得仲仁以館於家云一日父母以垂老無子將昇其產挾以歸李氏母曰承先祀者承先業禮也願大人擇徐氏昭穆相當之賢者嗣之俾承其貴產為宜女苟圖利以承嗣女終外姓豈禮也哉父母雖其言即擇其宗人之子曰穀者承之母於貴產毫髮無所與母素精醫有女婦踵門求療者無虛日於人未嘗有貧富貴賤之較而貳其心計所活者母慮數十百人病垂殒囑以二子慎勿令其失所母

泣而諾之既歿即卷屏膏沐撫其遺孤大慟曰我之未從尔父亡者以尔輩無所托也尔輩他日能成則不惟尔父猶不死而且我亦得以盡為人婦為人母之萬一焉時二子尚幼稍長即擇師教之且自程督抵夜不至漏下數刻不已率以為常用是二子長曰文瀚次曰士文底有學行可稱後文瀚以事謫戍桂林士文膺醫召扈從居北京母挾女婢往來道途供餽調護者數四文瀚士文咸白母曰兒安願母勞尊體為兒如尔也母曰我豈不知也尔二子倘有一失其所我異日何以見尔父以復臨終之囑乎聞者莫不曰賢哉李氏母也賢

南樓稿卷二 三

我李氏母也不幸二子皆歿於外止遺一孫甫成童孺然可憫母復大慟曰天乎天乎李氏之責顧我老矣何可勝焉乃勤、懶、又教其孫不減於教子致其孫粗循、雅飭讀書續文名隱、起公卿間母令八十餘猶康強無恙動輒不怠以規矩自防云

論曰利無間於男女人之所欲也而母能却父母之遺貲請立賢嗣以承之世孰有如母之重義輕財者乎良人之歿所囑二子既教有成間關於外復重遺言撫摩百至世孰有如母之敬夫愛子者乎人於立身承家患難相仍付之末如之何者人之恒事世孰有如母之又

教其孫蓋謹其身者乎嗚呼若母者可不謂之賢矣乎若母者可不謂之賢矣乎

趙婦呂氏節孝傳

純乎天而具乎人者曩倫也曩倫克盡則為忠必忠為子必孝為婦必貞特人有不能果於行故不能必之耳苟有能之則何可不表見於世以風厲乎人、我余嘗觀今國子祭酒陳公所撰節孝堂記則知姑蘇趙環妻呂氏妙貞之為人己既而其呂之姻家余友人伊宗訓復為余言其詳請為之傳焉惟呂年十七歸趙環二十環歿子俊甫三歲母憐其寡微風之以觀其志呂泣

南樓稿卷二 三

曰吾聞婦人伏於人者也一與之齊終身不改吾今惟知有死而已其未死者以有趙氏孤兒與垂白之舅姑足已不終養舅姑不孝不撫孤兒不義不孝不義雖他適有生何異無生且異日何面目見吾夫於地下邪母知其志之篤即止之一日姑忽患痺疾憂形于色供奉湯藥寢食不安者數月每旦復焚香籲天願乞以身代姑疾果愈鄉里罔不以孝感所致幸子長成晝夜督以治生產致家日益裕由是舅姑暮年熙熙然以資其奉養猶不喪其子者多呂之力也雖然余聞呂之父曰志善舅曰廷珪皆恂、雅飭篤行士也是則呂之所以

知彙倫之不可泯而篤於必行以全其孝與義與節者
抑豈非其素有所聞積有所習而然歟

論曰大義之在人心固天下億兆之所固有者也世率
曰烈丈夫惟能盡之今乃見之於閨門之秀若呂者何
於殊不知義尤無間於男女惟臨利害之際確乎不可
拔義乎不可回故呂雖女婦行之能果則自有以得之
矣噫為士君子者詎可徒歆豔之而不知所勉哉

南齊先生魏文靖公摘稿卷之三

南齊先生魏文靖公摘稿卷之三

南齊先生魏文靖公摘稿卷之三

圖

寧國縣知縣前纂修二國史鴻臚寺序班男完編次
通奉大夫福建布政使司左布政使孫壻洪鍾校摘

墓誌銘

故資善大夫工部尚書致仕魏公墓誌銘

正統二年正月十又七日工部尚書致仕魏公卒于南
京之官舍禮部以

間上勅工部營墳仍遣官諭祭之其子昱將以是年

某月某日奉柩塋于宛平縣南祖塋之次先期昱奉徽
銘以納諸幽驥辭之者再以弗獲念昔作校松江時公

南齊先生魏文靖公摘稿卷之三

為府之知府已去官聞士民頌公為政之賢者籍上治
脩員太常與公官舍其家適故朝夕得接公之顏範知
公治行之一二辭乎哉序曰公諱庸字定理世北京人
祖文卿祖妣孫氏考仕賢妣吳氏以公貴祖考考皆贈
資善大夫工部尚書祖妣七皆贈夫人公自幼穎異膺
推擇為庠序弟子負甫冠以春秋領鄉薦入太學未幾
擢授戶部主事端專詳慎有政致名卿大夫多折節與
之諮議秩滿陞松江府知府松江賦繁訟夥素號難理
公處之裕如於政於教具有條理至今人猶稱之不置
後兩考以注誤遷右軍都督府經歷時謹風憲膺少傳

戶部尚書夏忠靖薦拜監察御史按治廣西令行禁止
茲邪屏息驛召陞工部右侍郎尋陞尚書公性凝重不
喜為赫名言若不出口而治職甚有為真老成人也
故歷四朝幾五十年踐職中外至蒙仁廟錫誥褒
之有曰和厚而有立靖恭而能勤又曰廉靜有守勞績
茂著人皆榮之頃因足疾奉勅不煩以政俾致仕優
游鄉里撫子孫樂餘年既拜命即杜門養病深有古
人去官息交絕游之風識者又莫不高之方期如
勅返權以尚羊孰意遽止於是哀哉享年七十配施氏
封夫人子男四曰昱國子生即求銘者曰旻蚤卒曰昂

東嶽稿卷三

三

曰晟女二一適蕭成一未行孫男四福祿梓椿女二銘
曰荷歟公也朝之大臣才猷茂著密勿經綸毀譽
不動得失若一所守靖恭所持正直世謂長者公其有
之如圭如璧夫復何疵天不憖遺今其亡矣不亡者存
銘詩是視

故資善大夫南京禮部尚書王公墓誌銘

資善大夫南京禮部尚書王公年七十又五以景泰元
年五月十七日卒于位卜以是年某月某日葬于金谿
縣梅坊之原先期其子祐樞舉然義麻踏予門以翰林
侍講學士周叙所為行實請銘其墓予以不文辭者再

而祐樞請之愈力乃念予兄與公為同年子與公禮部
又為同僚相知頗深誼若不可固辭於是勉為序而銘
之公諱英字時彥別號泉坡先世大原有遠祖諱宗達
者宋迪功郎仕于臨川因居臨川後徙金谿子孫遂為
金谿人曾祖順貞元時以書經魁江右祖子大父脩本
皆讀書有行誼俱以公貴累贈通議大夫禮部左侍郎
祖母某氏贈淑人母魯氏封太淑人公幼失怙賴母淑
人教育以成甫冠為邑庠弟子員永樂癸未膺鄉薦明
年甲申登進士第尋以才行膺推擇改庶吉士翰林讀
書與狀元曾榮等二十八人之列未幾又以能書

東嶽稿卷三

三

閣預典機密事丁亥推翰林脩撰扈駕巡狩北京丙
申陞翰林侍講士寅朔冠犯邊上親征公扈駕至關樂
兒海班師抵威虜即古李陵城也師已過城四十里
上以城有碑記謂學士楊榮曰著秀才善記臆者去尋
見來說榮奏侍講王英足任其事膺召黃惟語其故
乃命營官與錦衣衛士二十人隨行公抵城北門有石
出土尺餘即掘視之頽曰李陵臺驛令諭君德政之碑
其文略可讀其陰刻達魯花赤等官姓名明日復命且
備誦其文略可見者上曰正是此碑復命再往擊碎
用火燬之沉之於河及還奏上曰爾豈知之碑不足

碎第錫鞬姓名在上他日虜見之必以此地為已物
碎之蓋絕其爭端也復謂公曰秀才二十八人讀書
者朕需爾為用正好宣力勿憚勞苦其見期待於
上也如此一日上論兵事謂公曰朕率師伐虜爾試
言成功如何公叩頭前曰臣無識然虜侵掠邊境獲罪
于天討之必不能逃生但虜聞天兵之來必遠走漠北
幸毋入險窮追臣之願也上笑曰秀才之言惟不欲
朕窮兵黷武耳又命九軍中動靜或語言之類爾即來
密奏仍諭太監孟麟曰這秀才有事奏即令入見不可
阻就賜以球果上駐驂安平鎮公奏云立功官軍以

南齊書卷三

四

有過犯於其從征故不與口糧然路遠糧盡臣見其悲
哭自謂必死臣以此輩皆精壯之士若與之糧必能得
其死力上悅明日命兵部尚書李慶人給口糧又載
衣甲驢一頭其見信任於上也又如此甲辰上復
親征還次榆木川晏駕皇太子監國命尚書襄義
夏原吉學士楊士奇楊榮侍講王直定喪禮議國事公
實預焉仁宗皇帝即位加恩効勞之臣賜公白金綵
幣陞侍講學士皇太子正位東宮上御思善門選
宮臣擢公為右春坊大學士兼侍講學士兩俸兼支既
而公以母老乞歸省養之賜鈔二千緡命馳驛以歸

宣宗皇帝即位拜賜養尤厚又嘗召入便殿謂曰吾父
皇權汝清高之職今日汝當講經史陳道義以啓沃朕
心朕所望也所作詩文及草書暇則以進就賜內醞及
鈔千緡暨命入內閣參預中秘書脩太宗仁宗實
錄既成拜賜白金綵幣襲衣陞詹府少詹事兼翰林侍
講學士是年復拜賜金相琥珀麒麟花帶太淑人曾氏
卒上命禮部具祭工部造墳及奔喪還家遣中使阮
重護行喪事畢奪情起復供事太上皇帝即位拜賜
白金綵幣命為經筵講官為總裁脩宣宗皇帝實錄
既成拜賜白金綵幣鞍馬陞禮部左侍郎兼翰林侍講

南齊書卷三

五

學士時浙江紹興等府疫癘上聞遣公祀南鎮且其
地又旱公至紹興之日大雨水深二尺既祀雨止明日
又大兩人皆喜曰此侍郎雨也則其克荷上命以誠
感神也又如此公常以年老乞致仕者再不許諭年奉
特旨陞南京禮部尚書陞辭之日上命中官傳
旨曰以卿久任先朝多効勤勞陞秩南京俾得遂其安
佚仍賜以酒饌而行既行朝之縉紳大夫士送之者塞
道或謂公榮寵駢蕃誠出異數人鮮儷焉信矣配林氏
累封淑人次室龔氏程氏余氏子男五曰裕由進士山
東按察司副使曰祐蘇州府長洲縣儒學教諭曰祺福

建將樂縣儒學訓導林氏出也曰楨曰瑞金谿縣醫學訓科程氏出也文一適黃鍾余氏出也孫男二十一人述造連璈遠懋起憲帥逢遵政富鋼鉗璣迪寶欽珪女十三人曾孫男一惟賢才之生世非偶然者必於豐亨豫泰之時而後顯若公之出於永樂之初殆其是歟且公之文章政事不負所生克暴白于時者幾五十年之久不徐不亟以全其聲光之大及死之日孰不嗟惋其為人可不謂之生榮而死哀者已平生所為詩文甚夥有泉坡集凡若干卷藏于家銘曰 皇明天啓文運誕興公生于時式副豐亨公之文章入經出史公之政事

南齊稿卷三

六

迫規蹈矩為國著龜為人繼衡仕歷五朝名重兩京或登秘閣或侍行在載筆以從蔚焉文彩逮入經筵發潛聞幽天子是聽以資 皇猷晚拜尚書大膺寵渥皓首龐眉尊榮鈔若公茲沒矣不沒者存名昭竹帛千古其聞梅坊之原卜藏于此勒銘幽堂異垂無已

墓表

故監察御史王公子倫墓表

監察御史南海王公子倫以巡按雲南卒于治所也鎮守雲南右軍都督府左都督沐公以其柩歸于其鄉將塋其子載水浮陸走不遠七千里持狀來京師泣謂余

曰載罪逆深重禍延先考其幽堂之銘嘗忍死求諸鄉先達禮部侍郎陳公為之矣惟墓道之石尚未有刻辭願丐執事不吝畀之歸以登載其上庶幾先考之治行得暴白於無窮也敢請公諱綱子倫其字別號古愚其先廬陵莊塘人以四世祖某仕元南雄路幕官既受子孫留南雄元季徙南海遂定居為南海人曾祖某祖某父某母某氏公生甫七歲失怙鞠于祖母與母年十二三即能屬聲律迨壯為文沛然有奇氣致鄉之耆碩若黎楨輩咸折節與之交且勇於為義遇顛連困頓者必極力拯援之而不辭一口其友潭寬者新會人寄白

南齊稿卷三

七

百兩於公所寬病卒其子英來乃謂其中表高祖原者曰昔其父臨終時有寄物於我當取之以歸其子弗信亮祖顧索之即出還之封識具在其行踐履之篤多類此由是聲赫日益隆洪熙改元膺巡按廣東監察御史何善薦既抵京時少師吏部尚書議忠定公典選法余居考功公謂余曰王子倫其人宜居清要遂以公名聞父之不報公曰濡滯顛望殊非學者體即懇懇請隨例入常選乃膺攸縣丞之命攸素土瘠民好訟者夥相知者咸為公慮公曰仕孰不顧美地彼不美之地終屬之何人耶既蒞職一以平易近民卒致訟息而民安

值天父早禱之則雨應虎當人驅之則虎去毀潰禮不經之祠活誣服為盜之民致民敬之如神明愛之如父母焉迄獻績以通政使陳公薦陞江陰知縣江陰規攸其邑為尤劇公治之一如治收較其治效則又過之譽徽京師會重風紀之選有監察御史陳耘者江陰人知公為政之詳即又薦之遂轉行在貴州道監察御史公正色立朝凜乎風裁致知之者咸曰風紀得人時憲長都御史咸寧陳公嚴毅剛方且於人甚慎許可者視公所請則於公極口稱道之不置若少師兵部尚書燕華蓋殿大學士盧陵楊公贊公之像有曰其言行有誠

東陽縣志 卷三

其文學有稱膺民社也躬撫字之為勞職風憲也不擊搏以為能于周行之夕蹈于大體之克明是則公之見重於大人君子者如此而其為人又槩可知矣嗚呼公也文足以潤身行足以用世惜其早歲沉疴立堅而未

故康士鄧伯脩墓表

國家置風憲所以糾慝繩違肅清政紀而弼成治功任得其人則公道明而為善者舒不善者斂任非其人則私意勝為善者鬱而不善者肆風憲所係豈細故哉皇上嗣大寶之初重書數下戒飭憲臣而振起之時中執憲者久於其位怠心既萌欲心不復自制由是其屬靡然從風於下矣雖其間挺特卓卓不變者未嘗無人然既不合於其長則亦不能以信其志焉 聖明洞鑒乾綱奮斷廢斥不肖簡陞賢良於是太康顧公奉命都御史周歷所屬獨其獨揚其清不旬月而耳目

東陽縣志 卷三

九

紀之地煥然一新凡所遺御史出按郡縣皆能振風裁舉職事以不忝任使而蘇松諸郡所理尤繁劇前之巡按者多尚威治至是御史鄧榮獨用寬平而敬廉公吏畏民懷譽日振凡巡按歲滿則代榮將代其吏民謄奏乞留 詔從之無幾榮以父喪歸而蘇松諸郡之人皆有不忍其去之意榮可謂賢矣亦必有所自於其家乎榮介翰林檢討陳嗣初求文表父之墓余前未曾識榮而嘗聞其賢於顧公矣故不復辭按吏部主事黃振宗所述其父事其父諱順字伯脩鄧氏世建昌人以儒暨名家伯脩大父濟遠父信可母徐氏伯脩蚤孤能持身

務學事母及兄以孝友稱居鄉有君子長者之行平居
儉約澹然無慕於外獨以教子為要事子既仕歲時書
問猶憶々善訓嗟夫此祭之所繇成也伯脩生於吳元
年丁未二月十二日卒於宣德辛亥十一月二十九日
享年六十有五配鄭氏子男三長即祭由進士擢廣東
道監察御史次德為伯兄某後次文為仲兄某後文一
婦江士熙孫男四璋珮環昔孔子論子賤曰魯無君
子斯焉取斯伯脩克成其子以克 國用固足表勵於
世而 朝廷用人明決故祭輩得以彙升蓋幽遠之人
未必盡知而余又欲勵祭之敬事 君父而永終不備

南齊補卷三

也故因表而具見焉

故林教諭墓表

士貴乎有諸已而無待於外彼遇不遇有命係焉況遇
而用有未盡其於身存身亡抑又何憾士能達此隨遇
而安者予於蕭田林先生有焉先生世蕭田人名品字
曾瞻別號萬菊德厚而行惇學博而文瞻自幼刻志於
學讀書不煩師資日以數千言為限雖初寒暑雨不少
輟所專者蔡氏書比長兼通諸經旁及子史用是資以
為文尤工真草書深得古人筆意領永樂乙酉鄉薦明
年試春官以進士乙榜授蘇州府學訓導恒語諸生曰

是為范文正公生長之鄉胡安定先生教授之地為師
者不師安定非所以為教為弟子者不求如文正公非
所以為學蚤夜孜孜訓飭不怠雖時抱病執經問難者
戶外之屨恒滿頃刻不肯以病辭其勤於教人又如是
九載秩滿諸生願卒業者慮無所歸詣 闕懇留

上許之復任又九載陞廣東之程鄉縣學教諭丁外艱
服闋調仁化未幾移疾歸遂杜門不出惟日以經授鄉
之子弟為事致從之者彌衆先生平昔尚儉簡衣冬一
裘夏一葛食飯一盂蔬一盤而已於紛華勢利泊然不
屬於意其清白之操凜猶冰雪雖弟子業成或有以金

南齊補卷三

上

幣為束脩奉者亦毅然不受曰是我職當然也祿入之
餘惟急於奉父母賜弟兄朋友居官幾四十年一室蕭
然人多以為為不堪處而先生處之裕如無幾微不足意
以是其學其行遠近著聞每歲偁大比以文衡廷致者
幣聘交至々則多卻之不就間詣而赴者彼必以得人
為賀為詩文有古作者風值求者必得其人則不靳既
諾則伸卷濡墨即書大篇短章畧不經意構思以是多
無遺彙晚年注意於易嘗屢以書托予徧求邵子易說
蓋其家有是書惟缺泰卦然也其志殆欲參訂互考以
發先儒之所未發惜未及就而卒唐殿中侍御史藻之

裔宋尚書大鼎之十世孫也曾祖某元潞山書院山長
祖某父克齊母黃氏其生也洪武甲寅七月十日其卒
也正統壬戌九月七日享年六十又九卒之明年某月
某日塋于邑之某山之原娶鄭氏有賢行子男四曰祥
麟曰祥鳳山東鄆城縣學教諭曰祥文曰祥蕃孫男六
孫女祥鳳茲以扶柩膺選入都察院鞠刑其叙進又可
期也惟先生與予生同歲又同月時差長予六日又同
為校官同為同考官者再交游三十年其間不見則已
見輒以文行相砥礪而先生有益於予居多今先生已
矣聞訃方為之泣然其子祥鳳門生顧孟喬以翰林脩

南齊稿 卷三

三

撰林君文所為狀徵表其墓嗟夫先生樂天知命士也
執德信道不自以為高傳物洽聞不自以為足恒謙
焉一校官安於所遇以終其身視彼淺之之士馳騁聲
利樹鬻華藻惟日不足者相去果何如耶先生不可作
矣後生何所仰賴乎予故不敢以不文辭遂次第其狀
為之表庶俾蕭田後之來者知有先生云

資政大夫南京刑部尚書施公墓表

資政大夫南京刑部尚書東安施公卒實正統十年六
月十有四日也先是其子戶部主事紳以公務自北京
至凡在侍者三閱月至是將扶公柩北還塋于東安縣

某鄉之原乃表麻踏予門再拜出執交南京刑部右侍
郎鄭公狀徵表其墓予以不文辭者再紳泣而又再拜
曰執事之求先君子屬纊時命也紳曷敢違乃不獲固
辭而為之表曰公諱禮字仲節曾祖某不仕祖翁祖父
伯誠俱以公貴贈資政大夫刑部尚書祖妣蕭氏妣張
氏李氏夫人其先蓋鎮江之丹徒人由父伯誠公以父
翁祖公元任鎮江元帥府萬戶代赴北都請其告身值
特釋登道梗不得歸燕東安風土淳美遂定居焉由是
子孫今為東安人公長身廣額自幼才識過人鄉長者
聲奇之曰此子異日廊廟器也父母聞知即遣為邑庠

南齊稿 卷三

三

弟子員讀書為文不煩師資削行尤迥出輩流未幾以
詩經領鄉薦登進士第擢行人司副陞河南布政司參
議坐事免尋起任淮安府知府後以事免膺 召拜監
察御史九載陞大理寺丞少卿至署行在刑部陞行在
刑部右侍郎九載陞行在刑部尚書調南京刑部尚書
凡三拜 詔命至有廉慎寬惠之褒龍章綬赫而封贈
至及於祖父母父母妻室焉娶馮氏封夫人先卒有賢
行側室鄭氏馮氏子男五曰綸早卒曰縉曰紳戶部主
事曰純曰純女二一適林貴一適賈新孫男五曰志曰
惠曰意曰愈曰憲女七俱幼惟公性度寬平慎威儀寡

言笑犯而不校恒以謙退自處遇事無鉅細則不動聲氣而剖決如流且未有不得其理者焉予嘗聞公為御史時有言曰吾於此職不敢以訐為直以察為明惟忠實持已不欺公不玩法耳致識者已謂公有大臣體自是揚歷中外經事五朝垂五十年始終一致於一動一靜鮮不由於禮義雍容廊廟于以崇尚名節于以保完正氣有不可以一言一事盡盡其為人者一代重臣夫後何愧噫公不可作矣庸書其槩表諸墓以圖不朽云

墓碣銘

南齊稿卷三 古

故范先生墓碣銘

先生姓范諱昂字文鉉別號桂樓松江之華亭人正統二年九月八日卒于正寢享年七十七十二月十八日塋邑之干山之陰祖塋之次嗚呼先生淳正士也生平練衣糲食刻志于學所居密邇關市終日端坐一小樓彼憧憧之契之務者皆不足以易其志事父兄極於孝敬人鮮如之讀書味聖賢之言必期於心体而力行不徒挹其膏馥以為約聲譽取榮寵而已過人有患難不知則已知則必盡力為之拯援力苟不迫則終日又為之營：不樂諾人一言卒未能復雖歲更月改必俟復之

乃已家雖貧以教授為業而座上之客無虛日禮意藹然終始不少怠且善屬詩文書則法鍾王致人求之者踵接于門晚年覃思於易深底其奧休休閑居或勸之仕則曰丈夫生世仕執不頭特吾非致用才也故人知其志之有在亦不之強後以能書薦薦預修

太宗文皇帝實錄書成例將授以官及賚以白金又獨憮：以疾辭而歸既歸年彌高而德彌劬由是致人：以矜佩之所共尊鄉黨之所同慕者即其稱而稱之咸曰先生云其先則自宋文正公十一世孫安由蘇之槐里徙居華亭是為先生六世祖也曾大父某大父昇父

南齊稿卷三 古

昭母某氏昆季三人行登次父以弟後無子命先生後焉娶許氏子男三準勉獲廬訓導復吉女二張澤儲希陽其婿也孫男五性同性全性會性命性某女二曾孫男四元祥元祐元禧元禮女一惟雲間齊才俊區若今列中朝而位方岳者代有其人於先生皆前後輩東西家也夫何先生獨抱所負退藏於密登易俟命而終老於常布此先生所以為先生也耶聯念與先生交素厚雖惟宦靡定方期投老之日擊舟與先生盤桓九峯三湘間以叙夙昔好今先生已矣悲曷可勝竊願以一言自托於先生不可得適其家嗣準以翰林編備揚珙所

為狀托松江府學教授孫昂書析銘墓上石驥果能於先生忘其情乎輟因狀而論次之系之以銘曰荷嗟先生行則孔多被褐懷玉靡羨其他詩書是耽道誼是植所負曷量寔人之特有常者數其復在周說之嗣必膺其酬于山之陰有墳截墓過者式之尚視茲碣

故隱耕陳處士墓碣銘

松江陳處士之卒也其孤純不遠數百里踰湖涉江特翰林編脩楊珙所為狀介其鄉先達張敬初來請銘以碣諸墓余憶作校官松江時其里人余交陸宗道其為

南齊稿卷三 十六

人之賢每以未之一識為歉今其已矣矧編脩狀其善行甚悉而宗純又勤懇直欲不腆之辭以揚親於不朽銘余其可拒乎惟處士諱世昌字孟言別號隱耕割直疏爽讀書通大義條章綉句不胥為也初先世實蘇之婁江鉅室以元季兵燹徙崑山未幾又徙今松江之古塘居焉入聖朝處士嘆曰昔遭亂離吾家葬寧由力莫可制也茲屬承平吾其可玩歲愒月而不復舊觀乎即不憚寒暑課童僕以樹藝為事雖親沾手塗足亦所不辭卒致家日饒裕嚴家庭祭祀禮延名師以訓飭子孫矧貧賤匱不吝所儲過鰥寡不能自存者收召

以衣食之死則給櫬與地以塋之有貨不能償者不數其本輒舉其券焚之皆不以為德好結納朝野名勝士士過之者必留連觴詠匪彌月則竟日隨其意之所如禮意愈久則愈虔尋膺推擇為稅之萬石長於飛輓之勞必率先而往語人曰給公上者民庶職也况為萬石長少緩將何以矜式細民乎致一鄉事輯而民不擾者處士之力居多焉既克有子而又有孫方將優游泉石以迨暮齒孰意一疾而逝悲哉其主也洪武甲寅十月廿五日卒也宣德甲寅四月廿五日春秋六十又一曾祖德南元杭州路儒學錄事父琦母朱氏娶金氏子男五人宗純宗義宗禮宗智宗信女二人一適殷忠一適陸某孫男五人復先後復遠復善復初復咸文三人一適蔡元善餘在室曾孫男一金童是年月日宗純等遵治命塋于鄉之屯浦之原去家二里許嗚呼踐履純至人之所難自非卓然有所樹立不為巖險所摧挫者不易用其力若處士遭家不造甫即承平能致力以興復先緒致振厥家且於禮義之為無或少愆究其可至可不謂生無愧死無怍之篤行者歟故狀云其沒也上而郡邑大夫下而鄉鄰士友罔不惋惜夫豈不信第余文不足發潛廓幽姑按狀直書而系之以銘曰

南齊稿卷三 十七

克勤克謹以振厥家贏躬裕後非賢也耶說：詩禮子孫象賢銘以揭美受樹新所

楊處士墓碣銘

無錫有處士曰楊淵字宗源者卒塋于邑之安陽山永思原幾十年矣其子鄉貢進士璿以前給事中閩陽陳君玘呀為狀徵余銘揭諸墓夫陳君端人也其言可信矧璿欲暴白其親之潛德情甚慳：余故不辭乃披狀序而銘之惟處士世為無錫人曾祖澗祖咸父原振母張氏處士自幼警敏不類鄉里兒讀書過目輒成誦既長從耐軒王學士錦樹錢備撰游自是德器大有呀造

南齊稿 卷三 文

就永樂初鄉以處資甲編戶推為稅之萬石長時漕方興民甚難之處士曰民難是役蓋由貧富易置遠近不均而致之耳在吾宜思其難而圖其易可也處士即擇富者遠漕而貧者近輸率致一境之內無有不懽忻帖服而往之者且平生急於賑貧恤匱至罄已之所存亦不少斯蚤喪父事母甚孝兄弟五人而處士居長於友諸弟其情尤甚篤至作家慶圖題辭其上示子孫頌世：效之勿輕分異其他於禮於義之所當為者多類此晚年頗厭紛華將以家事悉委諸弟而寓意蕭散以樂其所樂孰意遽至於此嗚呼惜哉卒之日語不及他但

曰吾母老矣願諸弟善事之善事之語畢條然而逝宣德己酉正月二十二日也春秋五十又四配朱氏有賢行子男四曰珪曰瑤曰璿鄉貢進士即持狀求銘者曰珪女一適秦公霽孫男四曰綸曰組曰綬曰纓曉夫士備於家蓋必有崇教範俗之具在焉若處士者殆其人矣乎奈何僅克施于一家之政而不得有位以盡其呀長雖然其顯也既不于其身則必于其子孫若茲璿也青雲伊始非為處士子孫顯之：兆也歟銘曰厥才之良厥行之倫奚厄於命弗獲一試爰有令子說：孔嘉其報在斯匪由遺耶有贊屹然安陽之麓體魄永藏千古其卜

南齊稿 卷三 十九

祭文

祭太常卿姚公文

惟公負卓犖之才抱剛正之氣不苟於其人志特立於其世敷歷五朝屢受上知竭忠敬而不懈謹名節以自持俯仰無愧動靜有儀何者德之論方端而大限之臨遽期雲樹相望痛其已矣惟人之死乃理之常得正而斃其亦奚傷特其等莫不獲以臨棺聊緘情於千里冀洋：乎來歆庶表吾僚友之義嗚呼尚享

祭禮部尚書姚公文

維公材負環傑時遭 聖明觀 天光於上國觀 日
角於大廷攀附龍鳳優渥 寵榮篤忠敬而不懈履盛
滿而不矜滔 敬歷恭 軒騰名為 四朝之貴將成
千古之名夫何厭世遽爾長征嗚呼哀哉胡既得其時
也非偶李獨享其壽也未盈茲焉旅櫬往即佳城迨
遠道搖 舟旌當載馳而載馳願勿怖而勿驚有牲斯
潔有酒斯清式陳祖奠用表交情尚享

祭凌都御史文

惟公學行淵源風馳令聞拜 上之知聿登 禁近糾
愆絕繆激濁揚清不大聲色政日以成人咸羨公不負

南齊書 卷三 三

所學媲美前脩無愧無忤訃音忽至孰不傷懷謂天弗
憖殞此良才千里誠情薦此觴豆析靈來歆斯文是脩
尚享

祭亡男端承文

維正統元年三月二十九日父太常寺少卿以酒殺致
奠于亡男端承之靈曰人生壽夭固係乎命汝夫而死
我為汝父寧不痛耶况汝純厚足以進德聰明足以脩
業科名孰不期汝而可頸忠孝孰不期汝而可全昌大
吾門吾實有望於汝也憶汝自前歲之秋我遣汝還家
省母暨畢姚氏姻汝連日依 不忍舍我而去汝不飲

酒我姑慰之以酒勉以勿悲俟畢姻後仍來依我以竟
爾心蒼天蒼天汝今至此使我失望豈汝志於學無
家務所繫而致然耶抑我之德涼祿厚而禍及於汝耶
今我應 召自北還官聞汝之訃於途且知汝母不俟
我命不數日即厝汝於西山之麓今我不益為之痛耶
我今年齒日邁將圖東歸以營丘首之計倘如所願必
遷汝骨於我宅兆之內汝未有子俟汝弟有子必立汝
後以延汝祀茲以今辰為位哭汝告汝汝其知也耶不
知也耶尚享

祭兵部尚書兼掌戶部事張公文

東齊書 卷三 三

維公挺生東魯剛毅端嚴方古英特太山巖嶺執德不
回允矣君子弼亮 四朝始終一致屢秉大政懋著嘉
猷房壯期匹韓范期儔雙鐔稀年弗替厥服以贊以襄
老而彌篤是以膺 帝心之簡在而倍沐 寵榮是以
致士論之攸歸而不泯佳聲死猶不死千古可徵茲惟
歸塋奠以寫哀着茲具在魂其歸來尚享

吏部郎尚書祭蹇司水

嗚呼以子之聰明足以出入乎經史以子之淳良足以
紹承其家世步已列乎彛龍名已聞於朝著燁燁冠纓
雍：動履豫大豐亨實期於子蓋呀謂將為合抱而已

喜其拱把將成頌栗而已羨其方垂今而至此豈非命邪我等仰尊大夫之聲光辱諸昆季之往返其情其義骨肉無間予今已矣孰不傷悲臨輒一奠訣以此辭

贊

吏部尚書捐齋黃公像贊

制外養中而從容乎聖賢之域者是其素行陞華陟要而沉酣乎富貴之區者非其素心求用行含藏之義具窮守達施之忱鑿乎政事郁乎文章歷五朝而無玷勵一節以自強是宜位日愈崇而望日愈養年日愈高而德日愈碩以優游乎福壽之域而為人之不可

南齊稿卷三

又也邪

宋包孝肅公像贊

不以逆鱗而懼於君而竭者忠不以特好為榮於親而盡者孝其蘊也去官而絕可畧之私其明也決獄而辨難理之盜姑舉其類可推其餘鍾天地之間氣挺豪傑之雄姿遺像斯在凜乎英風千載而下孰不敬恭

羅侍即先生像贊

襟度半儀文章政事蔚乎良符允矣不器表星鳳於賢科居廟廊於盛世兩使南交屢鎮西鄙勞則不見其所辭效則輒就其所試嚴疆弘施厥績茂著位愈崇而

不驕祿愈豐而不侈壽日以臻仕方以致樂暮景之優游沐聖恩之汪濊林壑深花竹茂抑又非猶司馬歸而士民豈無懷望其為霖雨者耶

陳祭酒像贊名敬宗

研覃百氏陶冶羣英信詩書之淵藪是人物之儀刑歷四朝而聲光愈著將百歲而壽祉彌增入其室者非賢則皆出其門者匪公則卿惟恭惟敬雍驕驕矧茲對天顏於咫尺敢不益致戰兢如臨履乎淵冰也耶

元嘉興路總管戴公遺像

服當時之服心古人之心官居郡守名重士林碑換下

南齊稿卷三

之仁愛竭事上之忠忱准陽黃霸河內寇恂時雖云異迹可比倫仙逝已遠令聞猶存意睹茲像懷斯人孰知其垂裕而有哉豈冠之令孫也耶

宋贈金紫光祿大夫開府儀同三司述古殿大

學士石先生遺像贊

扶輿秀特閎闕儀刑懋昭家學卓拔科名富而好施貴而不盈至理是究大猷足經館其塾者頃德若出其門者台輔阿衡遺像斯在肅乎冠纓生氣不泯凜乎英靈越山同高越水同清載徵厥德濟雲仍

禮部右侍郎陳公像贊名璉

荷歟先生東廣之英毓才序事馳俊聲仕籍迫登郎
東教鐸桂林遠郡賢才速作考績九載褒典是膺佐教
胄子亦克有成燁燁文章名播遐邇豈徒文章綽有政
事名彰跡顯上徹九重專城寄之澤被瘼痼存陟典
憲赫叢之域三尺謹持藁薦允革喉舌之司莫重銀臺
帝後陟之優游劇裁祭酒成均多士者師先生兼主化
雨旁燄晚涉春官為卿之亞禮明樂備爰臻大雅偉哉
先生才德並腴夷考厥歷傳其可如堂：茲像儀表後
生贊以揭華尚祝遐齡

宋趙清獻公像今兵部侍郎鄭文樞徵予贊

南齋稿卷三

氣純到正志粹公忠韓范是企伊周是宗國爾忘家勞
爾匪躬淫無纖滓和不苟同行既篤其量尤洪一琴
一鶴千古清風

箴

師善堂箴

緊夫生人萬善率昇惟倫取善人斯為貴與生俱生罔
或昧之欲其不急丁善是師或忠於君或孝於親我則
主之幸師其人日進高明寔基于此尚慎服膺聖賢斯
企

南齋先生魏文靖公摘稿卷之三

南齋先生魏文靖公摘稿卷之四

南齋

寧國縣知縣前纂修國史鴻臚寺序班男完編次
通奉大夫福建布政使司左布政使孫增洪鍾校摘

五言古詩

貞節堂為主事同仁祖母節婦賦

二十失所天遺孤甫懷抱雖云有舅姑栖亦垂老嗟
哉節婦心明月同皎孤燈與敗帟并此家不造每誦
栢舟詩服膺繼昏曉雖死不二天視死極小孰知關
中柔丈夫可同調卒使千鈞危一線屬所保教兒有
成教孫亦好水漿良自持壽社乃天報雖作泉下人

南齋稿卷四

清風薄穹吳我歌貞節篇重彼金石操

唐婦封股療夫

婦以夫為天無夫欲何倚封股療夫疾醫構傷能似昭
昭孝子心烈丈夫志俾夫猶平生精誠動天地薄俗
挽悖靡淳風振頹靡愧彼梟獍徒忘親虧大義聲詩矣
足多行將書太史

幽篁古木圖

幽篁何脩々凌空倚脩碧抱節根轉深長年倚盤石篔
金擬月留結實期鳳食啗彼擁腫姿當春祗僵立擗散
不自媿瞠焉侍其側

梅花圖

朔雪殊紛上萬彙凍欲折爾美得春多不畏寒凜冽
祭孤山傍保茲貞與絮清香迥不凡素艷尤可悅商鼎
尚有賴花殘子堪頌

九日燕集分韻得客字

良辰際高秋公暇興頗適偶值同心人開軒布華席幽
菊散餘芳清尊澆瓊液暢此賓主懷陶然匪脩飾飛觴
隨所之浩飲有初敵分題費嚶嚶詩成捻元白俯念百
歲中流光駒過隙矧茲萍梗踪此會豈易得留連趣彌
深於焉竟朝夕嘅彼嵇阮徒沈酣號狂客

東齋稿卷四

二

九月十二日舟次直沽尚書黃公具酒舟中余
既不勝舉酒以謝公曰我固不辭此杯明日午
當以詩二十韻荅我故賦此塞責

拜命辭丹闕偕行辱上卿忘年承款洽接席拜儀刑
碧水方舟穩周原並轡輕雲寒迷鴈影樹老落秋聲渺
渺金天肅盈灝氣清看山同倚櫂乘月共趨程弭節
行人避鳴騶候吏迎新題揮彩筆臘蟻泛銀瓶盞米沽
頭市魚蝦灘上罾土風懷已識地理憶曾經世泰烽塵
息年豐黍稷登昇平昭聖德熙皞與情曠土村
聞炊烟處上增丹心懸北斗白髮向南京挾挹風綽便

掀蓬雨乍晴優游當暮景感激荷皇明咫尺逾揚子
須臾到石城帝圖魏赫王氣盡層層又喜仍觀國
何殊昔步瀛額持金石操觚勉竭平生

秋日燕集少保戶部尚書東萊公為餞侍即成

公而設分韻得見字

南天秋已高草木尚葱蒨堂上大司徒撫景列清宴爰
餞同心人適此諧繼繼幽菊吐疎籬脩篁摧崇幹仰睇
天宇寬嘯歌從汗漫遽且既靖嘉永冠總英彥豈徒事
留連周行有懲勸杯深更分題嚶嚶極鏤鍊慚子泥席
珍申章乏聞見

南齋稿卷四

三

次順菴胡祭酒所寄韻

涼颼動林木撫序當高秋圓穹淨無滓餘暑亦盡收時
清簡書靜殊足延清幽特我負揮散未釋中心憂云胡
昧矜式故學日漸偷眷茲道莫致詎敢崇逸游所思在
前哲引領西江舟可望不可即坐令成白頭川塗何渺
渺歲月良悠行當踵後塵庶遂平生求

題畫菜

我無食肉相食肉殊未安獨與此味合嗜之無厭願所
以當公餘肆藝青氈上採摘自珍惜僅足充三食如何
厚味者饕餮方無饕

三月二十六日清明循例分往

長陵獻陵景陵陪祭二十四日

陛辭出京途中以虞劭菴春遊詩暖雲將雨少塵
沙之句爲韻興到即賦用記歲月云

兩字

攢峯擁神阜蒼翠鬱蒼蒼雄峙泰華尊橋陵屹中據我
行值佳辰駿奔屬陪祀東風颭芳塵輦路平如砥永懷
三聖恩潛然淡如雨

少字

肩輿日將午道長行未了少憩即村深茅堂頗幽悄下

南齋稿卷四

四

榻恣高眠却喜逢迎少

六言絕句

沙字 詳見五言古詩下

緋殿溪頭僧寺綠楊山口人家縹緲閑雲遠岫羊綿芳
草平沙

七言古詩

題雲山圖用陳祭酒韻

林紆谷轉山復山夫容城郭非人間金堂石室謁烟霧
車馬不到門長閑白雲時或衝風起來往窓前若流水
山人愛山不出山最愛前峯巧於蠡木麻蔽野春雨深

一邨桑梓允聯陰比隣酒熟共斟酌抱琴不見來知音
嗟哉人生樂生處回首予嚮已遲暮安得重過昔所經
布襪青鞋往來去

青山白雲圖爲馮太常賦

鸞臺先生清畫開文章立就須臾間虛中此圖亦偶尔
逼真更比高房山層巒疊嶂倚空碧圓嶠方壺繞咫尺
清溪過雨流正深喬木飛嵐翠長滴林坳疑是仙人家
春來滿樹挑蒸霞原頭日暖散雞犬谷口土沃饒桑麻
庸庵天上歸來日此圖忽向鸞臺得羅牕竹戶藉盤桓
茗椀爐熏陪擘擷趨來把卷徵我詩展玩坐覺心神怡
斯人斯畫足珍惜揮毫愧乏瓊瑤辭

南齋稿卷四

五

坐雨太常呈徐太卿

新年又過一十日捉筆齋居寫胸臆辛勤門戶在讀書
功業誰知頭已白寸念不虧惟素心瘦腰却愧圖黃金
公私無補白晝靜坐看歲月馳驟昨日書來自鄉土
喜報癡兒得新婦子孫田園恙頗無生長昇平宜虛度
架有書芳爐有香出無拘兮入無妨長歌短咏適吾興
不枉矩範循天常同堂況有同心士肝膽相孚湛秋水
年華已是千百過晚節惟期更堅礪明年考績當朝
天龍江父駕蘇都船倘蒙賜老從賀監此樂殊喜尤安

便

題黃孝子卷

干戈汗漫當元季孝子生年纔五歲母氏飄零竟莫知
此身徒在乾坤內天南天北何所求三十八度經春秋
荒山或探猛虎穴洪波幾涉滄江流天地茫茫白日短
誓不見母身不返千思萬想夢寐間客邸時上淚如線
誰期踪跡入汝州母子尚未分是不子身昔哺今壯齒
母髮昔黑今白頭母兮貌兒初顏面子兮詢母舊鄉鄰
乃知骨肉非路人母子窮途喜相見南城即日奉母歸
就中更製爛班衣升堂拜祝母眉壽頤使里閭爭光輝

南齊書卷四

六

母子團圓真盛事自非純孝那能致信上臬鏡良可悲
至行千年著青史

暖字

詳見五言古詩下

織上出土蒲茅短東風尚峭寒非淺下車問酒思欲沽
遙睇橋陵淚如霰登臨有興非少年猶幸驅馳足雙健
山房少愁微清宵戀却紅煤炕殊暖

律詩

題楊少卿梅竹雙清圖

競爽冰霜風有情相看長喜慙幽盟香侵翠袖春當席
影雜霓裳月滿庭結實更期來彩鳳調元尤擬作和羹

平生此約休輕負好春 先天雨露榮

思養堂

雙親欲報閑存沒悲喜交并不自持斜日孤墳凝望處
高堂華髮奉歡時儀容最苦重泉隔井音寧嫌淑景遲
死贈生封當 盛世 天恩有日遂深期

次陳通政壽後樂黃尚書韻

師資眼底欲何之白首論心有一夔終歲屢空徒所好
寸心無歉只天知櫛忠為國非求悅講道於人欲解頤
初度今辰容賀客南山頌禱媿燕辭

送蹇讓歸四川少師姪也

南齊書卷四

七

師相嘉言抵萬金送君歸自五雲深 明時已遂觀光
願節屋長懷報 國心鴈入楚天舒遠望猿啼巫峽動
清驗到家正值春初候應樂昇平酒滿斟
珊瑚文采溢春溫共羨才華迥出羣純喜征帆來 闕
下又陪離席向江濱猿聲漸聽經巫峽鴈影遙看入楚
雲料得到家中定省壽觴高舉說 皇恩

次大理柴少卿得

詰命南還途中述懷之作

煌煌鸞鶴紫泥新更喜地 恩及二親囊裏黃金後教
薄鏡中白髮任添頻充庭賀客真為樂消室虹光豈是
貧指日焚 黃向茗雲錦衣歸棹又乘春

新正用駙馬都尉沐公見寄詩韻述懷

老去官清適分宜
閑門誰辨是和非
草青階下知春到
風暖天邊覺鴈歸
對鏡不堪雙鬢短
論心殊怪故人稀
白雲縹緲家山遠
凝思投林鳥倦飛

暇日因閱慶府殿下所贈之作謹用韻次之

自愧衣冠出峻寒
敢言栖迹在金鑾
逢時久愧承恩重
秉節從知奉使難
晴雨奔馳忘燥濕
山川經歷少平寬
河間優禮憑何報
願祝封疆永莫安

哭少師吏部尚書廖公

天門黃甲起
明時五十餘年侍
玉墀率土賢豪後

南齋稿卷四

九

品藻累朝聲譽重
華夷士林共詫亡元老
卹典何慚贈太師
我念非才忝即署
可無雙淚托遐思

進香北京宿遷塗中偶成寫似同行諸公

一棹長河共可人
客途風景足怡神
魚盜兩岸俱成市
桃李千家總是春
泛泛狎鷗迎過客
絲絲新柳曳斜曛
辨香遙把心殊切
目極紅雲是紫宸

過張湫以不得往奠尚書師公墓而作

夕陽芳草正黃昏
爲憶風儀欲斷魂
公論共嗟殂大器
英聲不減在斯文
無儲一室空懸壺
種德諸郎迥出羣
愧我官程苦縻繫
徘徊無計奠孤墳

自京南歸途中書事

春回原野候融和
況是南歸得便風
滿目牛羊無夜警
綠村叢豈有春農
一年撙指過三月
千里凝睇望九重
重我愧非才叨祿
食只歌天保頌時雍

五月一日都督沐公邀飲時在座琴軒通政陳

公與余及公賓主三人既歸賦此以謝

薰風甲第蒔餘春
喬木亭臺絕點塵
終夕笑談無一事
清筵賓主只三人
安邊李牧朝中傑
草檄陳琳席上珍
肯許砭砭長混玉
往來誰憚數相親

次琴軒通政陪祀鍾山韻

南齋稿卷四

九

攀崖陟磴總冠裳
裡祀追陪屬亢陽
列炬流輝隨步屨
幽泉遠韻禱鳴璫
神欽鼎俎龍光紫
月轉松篁露氣涼
雨意滿空緣有感
豈堪端擬遍遐方

題曹楊讀曹娥碑圖

征鞍解却駐江濱
苔刻摩挲向夕曛
一女捐軀能有父
丈夫爲國可無君
清風凜凜揚千載
大義昭昭著八垠
孤嫗欺孤獨何事
忍教王室至三分

青雲書樓爲晏御史賦

憑虛百尺倚穹旻
面軒窓絕點氛
山色芳春林杪見
書聲清夜月中聞
捲簾自可攀牛斗
充棟何妨積典墳

今日致身霄漢表丹梯猶憶上層雲

思親堂

踟地呼天痛莫支鶴歸華表竟無期
昔甘那復生前奉笑語徒與別後思
立馬長途雲白更挑燈孤館夢回時
春來秋去終身慕此恨絲絲欲訴誰

用祭酒陳先生韻送彭助教

落才華世所稀雲霄曾已奮雄飛
傳經壁水名尤著授老香山願不違
短棹江頭千里別西風林下一人歸
餘年且盡昇平樂不較塵中是與非

送禮部侍郎吳公歸省閩中

南齋稿卷四十一

優詔新承自玉墀閩南千里觀庭闈
推恩寵葉雙龍誥獻壽香裁五色衣
客路漸驚丹闕遠鄉心先傍白雲飛
腰金正及親強健更喜榮歸願不違

送隨州楊判官杞材之京

一官江海二毛侵乞得歸田抵萬金
立壑釣游無別主桑榆朋舊有同心
鍾陵取道秋方肅淮浦揚帆雨正深
好謝聖恩天廣大逍遙初服遂冲襟

題柳塘春霽卷

淑氣融融雨漸收風光誰似柳塘幽
神霄白鷺輕烟外曄巧黃鸝碧樹頭
儘可怡情消白晝何當携酒作清游

濡毫今日題詩處興落新圖咏永休

題濠梁書舍卷

掉竿牙籤富典墳吾伊終日斷塵氛
松窓潤襲研硃露渠几香浮辟蠹苦勤
苦不辭當蚤歲文章直欲繼前聞
磨穿鐵硯吾心事金榜明時要策勲

登吳越兩山亭次任先生韻

兩山紅葉受霜初蠻觸爭雄威霸圖
僅喜卧薪方報越誰知掌膳又吞吳
荒臺麋鹿西風老古堞牛羊夕照孤
屈指于今已千載登臨容我酒頻沽

挽禮部史郎中安以征交趾而卒

南齋稿卷四十二

青年才藻際昇平敍歷中朝謫俊聲
虎榜不孤登上第天戈宜擁向南征
致身一死無遺憾流譽十年有令名
嗟我平生忝知己楚招歌罷淚如傾

題畫

桑梓陰連屋數椽可人佳致自無邊
白雲綈綈羅松逕碧澗冷冷遶石田
後散草青新雨後詩成門掩落花前
叫囂不到微科少皓首何慚過百年

雪景

遙天一色訝雲同六出紛紛感化工
杜酒誰家留客醉江梅隨處被寒封
清溪流澁冰絲合矮屋春回火漸紅

大地昇平元有象田家允許十年豐

孝思堂

幽明永隔思違々聲歎羹牆十二時
兩淚每與風木憾
挑燈長誦慕義詩晨昏猶憑誰奉霜露烝嘗只自悲
願得鸞封昭顯贈歸來重樹墓前碑

次江古邨先生七夕夜坐述懷韻

一番疎雨一番涼殊覺今宵興味長
絃管餘音風滿帶
梧桐清影月過牆黃簾的々銀缸暈玉露溥々桂子香
老我不須重乞巧却宜濡筆和新章

次平江伯九日讌集韻

金匱稿卷四 十一

節屆明時感 聖皇開尊欣在五雲鄉
朱絃曲度涼颼
迥黃菊花簪湛露香秋老晴林楓炫日天空絕漠鴈啼
霜賓酬主酢雍客裏不學山公醉後狂

十一月廿六日陪吏部尚書黃公登報恩塔

巖崑由來不易登茲辰平步陟青冥
山川雄固窮滄海
樓閣金銀盡 王京東興且須憑健足神霄何必假脩
翎褰衣况逐尚書履直躡丹梯上々層

送吳思菴陞僉都御史

父持風紀重朝紳又拜超遷出 紫宸行古於時由直
道心清無地著纖塵綉衣玉斧趨南服畫舫青帘下折

津擬見姦邪俱膽落都臺佳譽更從新

送焦可欲還雲間

望々親闈話別離如駒還索送行詩
臘殘京國春回日
梅吐官橋雪霽時經史少年宜更勉功名他日定堪期
雲間儒碩多吾舊好為教勤道所思

錢唐懷古

荒薺春深綠又齊六朝魂魄竟何之
寢園已燼浮空塔
宮樹猶存不朽枝萬馬北來成底事雙龍南去有餘悲
何如 泰運當 昭代萬歲千秋無盡期

三月十一日自北京回至景州道中得宗兒計

金匱稿卷四 主

音二首

昌大吾門望爾為耿蘭消息是耶非
莫嫌造化於人拙
自是聰明壽者稀掉鞅可孤登桂籍承歡遽忍擲萊衣
老夫况作天涯客有淚無言對夕暉

青年有志續前脩一疾誰期竟弗瘳
汝因消搖長夜暝
我含悽惻幾時休於人淳謹聲尤著與世科名志莫酬
歌竟招魂々不返天涯惟只淚長流

挽工部主事唐先生吉祥

嗟我衰年哭子時聞君凶計益凄
淒其福淫禍善元難定
壽筵殤類若可疑洒淚客窓天漠々招魂何所恨離々

楚辭歌罷情無限
眼底論心更許誰

寄王修撰詩

消息鱗鴻嘆渺茫
年來應是鬢蒼蒼
風霜自合凋蒲柳
巖壑誰期老棟梁
天上玉堂踪迹遠
關中太史姓名香
懸知詩債兼文債
賸有工夫取次償

題林居圖

茅堂一壘枕清溪
風物於人段段奇
雨歇山腰雲白處
花開林下客來時
綠尊漱澗新篳酒
彩筆縱橫旋賦詩
今日置身霄漢上
不須回首思遲遲

題湘江烟雨圖

南齊稿卷四 十四
林上斜日楚江濤
記得停舟入望深
血淚未銷湘女恨
客愁先動鷓鴣吟
雪霜凌轡堅貞操
烟雨淒迷訪暮陰
今日披圖猶彷彿
令人回首思沉沉

寄致仕王少卿時典教餘杭

黃金為帶錦為衣
予告歸來世所稀
鶴髮鬢官春浩浩
虹光南極夜輝輝
高車駟馬心無繫
茂樹清泉願不違
更喜賢郎能養志
霞觴日奉庭闈

題鄭侍郎畫梅

水玉亭中表令儀
堅貞於我敢相知
凌寒已羨開花日
調鼎還期獻實時
香度吟邊風裊裊
影移窓外月遲遲

近來又得春消息
穩探東南第一枝

題遊赤壁圖

良夜中流任所之
蘭橈桂楫漾晴漪
綠尊漱澗寧無酒
彩筆縱橫更有詩
木落江空秋肅爽
山高月小露涼時
披圖彷彿當年事
千古風流復讓誰

送鴻臚劉寺丞考績詩

紅亭綠酒灑離觴
絲絲鷓鴣衝寒客
路長十載鴻臚官
似水一心丹闕旁
如霜日高黃道雲霄近
雪盡都城草木香
莫謂功名嫌潦倒
高岡鳴鳳正朝陽

送考功余郎中進表

金輿絳節絢前旌
夾道千官擁去程
春色都門花正暖
離歌江館雪初晴
一心向闕馳霄漢
萬壽齊天祝聖明
廊廟況當交薦日
臨流誰不羨登瀛

仰高樓

一區瀟灑絕塵囂
萬疊巖巒南塘倚
次寥明月半空看
木末白雲千里見
秋聲麗譙井幹難
同調秋色南山可並高
偏倚闌干吟嘯處
置身如已在層霄

徽廟盛鬻圖

怪石枯槎便殿西
嗟嗟飛返夕陽低
呼晴繞樹聲綿已
報喜衝風翼又齊
銀漢只期長可變
龍沙誰道不堪棲

畫圖可嘆成陳迹掩卷令人不忍題

三月二十三日承 命祭天妃之神過宮之西

清方丈獲親太常丞庸菴所作遂用其韻

金碧樓臺畫閣開特承 恩命降香來瑤空珠樹排雲
出瀛海仙人跨鶴回點點飛花綠砌柳青垂豆陽牆
梅碧紗籠處庸菴句細詠何須更舉杯

挽平江伯

才華文武寄藩維誰道蒼生不憐遺技淚忍看埋玉處
論心猶記識荆時華勛好爵諸郎紹義膽忠肝 聖主
知一表琅 陳屬續金勝千古去無期

南齊稿卷四 七

秋山行樂為禮部尚書張公賦

畫省公餘愜勝遊琴尊隨處足冥搜白雲過雨千山曉
紅葉啼霜萬壑秋常曲乘春情不減輞川棲迹與同幽
茅堂咫尺仙家近欲覓丹砂肯許不

懷王侍詔內敬

離雲樹越山前屈指歸休又十年老去詩名當世重
貧來隱操讓誰堅花明蠟展雲門寺水綠荷衣鑑曲船
自分優游老畊鑿不知元是玉堂仙

題江山遠趣圖

注七禹迹亘寰區萬里昇平極海隅匝地桑麻皆沃壤

緣村籬落盡康衢江心釣艇魚堪買沙際旗亭酒可需
不限江南與江北謳歌隨處樂唐虞

二月十三日

皇上雪中耕籍驥忝九卿之列行九推之禮賦以

紀其盛

萬乘勤民翊治平春泥和雪先農耕歡聲動地來倪耄
瑞氣迎鸞溢旆旌無逸已瞻隆 聖治有年還卜遂蒼
生非才自揆當終畝却荷 深恩齒列卿

元旦試筆

爐有清香燭有輝嬉兒女繞庭闈一身頗健官如舊

南齊稿卷四 七

七袞將臨老未歸慈族辛盤來壽酒篋開宮錦整朝衣
克年碩効嵩呼祝只候鍾聲入紫微

新正部堂開印

銀華朱彩煥重柯滿握重臺歲又新篆滌穢文明舊刻
封開金鑰試佳辰端嚴共仰規模大方正誰知氣象真
願翊銓衡來俊乂永昌文運日津

太廟陪春享

喜預名禋享閭閻情文昭備洽春融九天瑞日開黃道
六廟英靈下碧空玉陛旌旗環虎豹銜珎環珮肅瓊
慶成共仰登三獻萬福應知集 聖躬

獨坐偶懷

矮室蕭蕭。坐掩門。一心如水。自朝昏不嫌白髮添衰。只恐才疎負。聖恩撫。又看新歲月。思家還憶舊田園。晚來燈火。噉。慶曆把塵編教子孫。

早朝偶成

秋寒貂帽五更寒。日。趙朝髻轉班。才劣可堪猶任重。恩深寧許即投閑。雲移雉尾臨仙仗。日上鸞頭識聖顏。次第玉階敷奏處。夢寐龍聯武珮珊。

哭少保兼戶部尚書東萊黃公二首

五朝敍歷寵恩多。政事文章髻已皤。較昔英豪元不忝。

南齊稿卷四

七

推今著舊更誰過。勲名難泯昭青史。劍氣猶存凜太阿。念我竟孤山斗仰。傷心空有淚懸河。

圓嶠方壺萬里遙。貞魂一去竟難招。聲光已擬垂千古。勲業何慚重五朝。楚。松筠遺雅操。魏。萬華揭高標。公餘詩酒叨知己。無復相逢慰寂寥。

送少師楊公還建安

四朝斯夕典。樞機優。詔茲辰。許暫歸。雨露九天深。龍渥江山千里頓。增輝顯融共。誰。今誰。正勲業爭。亦締先隴此行修。歲事丹心還只在。彤閣。

次陳祭酒見寄韻

相望雲樹屢經春。進憶交游屬可人。一代師模名久重。

千年詞藻思逾新。高堂經史陶諸彦。暇日琴尊適令辰。閱歷昇平頭已白。此生端不愧朝紳。

送吳侍郎致仕

優詔榮承雨露鮮。朱衣象簡雪盈顛。故園歸老當今日。黃榜題名記昔年。尊酒洛中應入杜。片帆江上苦登仙。懸知戀闕心長在。好待蒲輪下九天。

送吳侍郎

詔許還官出禁林。南行殊覺興與。一帆客路東風軟。兩袖天香聖澤深。更喜佳兒能弄彩。不嫌華髮。

南齊稿卷四

九

鮮盈簪。豪吟獨念。清光遠。曠寫無窮戀。關心。

題同寅侍郎洪公所藏畫梅

溪頭宿植老槎枒。三百年來屬故家。雅操慣。調鼎實清標。還着先春花。香凝皓雪。浮清夜。影襲寒蟾。逗碧紗。更喜孫枝尤振拔。肯同桃李競紛華。

五月四日小酌吏部後堂次同寅侍郎洪公韻

佳節清時樂未央。盤飧為侑只家常。錦葵香吐花纔折。寶篆烟消日正長。興到不嫌羞草具。朝來須擬醉天漿。載歌載舞薰風裏。寂喜詩成笑語傍。

挽詹通判

儒術清時登被徵名邦為倖若登瀛金辭暮夜心何歉
惠洽羣黎任獨勝至行不孤銘太史全歸何忝即玄扃
旅櫬欲啓陵為公痛劇終天孝子情

送劉郎中

才賢推擇為民生舊典重興出 聖明要使授封無歎
歲不敷溝壑有飢氓多方須達經權術萬口期符惠愛
稱困積倉盈知可望未容專羨漢常平

送金少卿還姑蘇焚黃

天恩寵沐世應稀橋梓翩翩閣下歸拱壁龍章森鉅軸
登仙官舫漾晴暉秋田白飯杭初熟曉箔紅膏蠟正肥

南齋稿卷四 二十

先隴焚黃知早畢寸心還傍五雲飛

挽陳叔剛御史

三門春浪躍龍按金榜巍占甲科已羨為堂殿履歷
更誇黃閣事編摩修翎忍鍛飛騰疾掾筆嗟遺著述多
賦就招魂不返傷心空有淚懸河

次周侍郎宿廣濟寺見寄韻

宣旬難遣客中懷暫憇僧房月滿塔覓句思猶沾落絮
憂民心比陟顛崖瞻銷茗碗依禪定目極江天苦夜癡
此地重過定何日不辭清味紀寒齋

正統五年除夕述懷

煌煌絳蠟燭爐薰又喜昇平節序新小酌不辭今夕酒
白頭還是舊年人 時臻泰運當熙世候啓青陽屬早春
春獨規衰逢叨厚祿消埃無以吝 堯仁

陪享大廟書事

年上何幸預清班咫尺金根近 聖顏 玉陛風和
春正早 瑞階塵淨雪初乾翔空 御氣彌 三殿拂
袖 天香溢九關願祝 皇躬千萬歲叨 恩長在五
雲間

雲字 詳見五言古詩下

燕語鶯啼屬令辰偶隨清興出都門時光正喜將三月

南齋稿卷四 三

春色誰嗟過二分紺宇岩巉山口寺青帘搖曳杏花村
却懷先壘三十里目極松楸入暮雲

送熊都御史赴南京

柱石才名簡 帝衷新除南去又乘駟范滂不數居前
輩桓典從知立下風霖雨應時蘇檣擎冰霜隨處肅效
雄 皇恩更擬褒崇日獻績明年謁 九重

六月三日早候朝左掖偶成

茂樹清泉禁掖東雨香雲淡納薰風祥烟拂曙來三殿
瑞氣侵人過 六龍筆底書恩期對 命松根凝坐候
鳴鍾人生只說神仙境始信蓬萊亦易通

送禮部章侍郎使交趾名狀

瘴雨蠻烟萬里程 天書遣捧出蓬瀛要令大羸尊中
國悉化衣冠款上京一片丹心明燬日百年豪氣吐平
生富良江上還朝日銅柱重標不朽名

送徐通政使交趾名詩

玉節金符出 帝州桂棹銀漢與悠々不殊焉接膺綸
綍直似張騫犯斗牛恩渥 聖皇夷獠服風行炎海瘴
烟收坐令側貳歸 天漢千古功名愜壯猷

送中允吳餘慶還鄉焚黃

龍袞朝辭出 禁林西風歸騎獨馳々光榮已遂焚黃

南嶺稿卷四 主

願感別難忘 鄢 國心客路漸驚 丹闕迥鄉山遙指
白雲深摘詞行見瀧岡上屹々穹坻紀孝忱

至日早朝

王帛衣冠候曉鐘一陽時節共朝宗祥書太史占雲物
壽祝 天王擬華嵩春滿璇霄儀彩鳳日臨黃道觀
飛龍太平全盛歸 昭代盡說人生不易逢

寄雲間周怡遠

一棹歸來海上村菟裘仍葺舊田園江山自覺添風采
丘壑誰云無子孫雲徑尋梅晴引鶴花時留客夜開尊
有懷千里人如玉春樹離々隔暮雲

野趣軒

筆床茶竈絕寰氛山遶蘆蘆水遶村葵茁小園和露折
琴彈清夜隔花聞夢裏隨步詩千首綺席陶情酒一尊
自喜此身天地闊了無車馬過衙門

夜坐述懷

匡床不寐夜遲々坐久偏驚燭換枝感舊已成今日夢
觀書無復少年時風淒露下霜凝砌天淨雲開月近帷
祿食正期伸補報可堪衰朽髩絲々

送曾侍讀還鄉省親

萬里江南 闕下歸 皇恩深沐觀慈闈鸞迴 璽勅

南嶺稿卷四 主

真天龍金織 宮袍即彩衣画舫官河明夕漲紅亭祖
席澹晴暉殷勤好記臨岐贈 當宁經筵莫久違

二月一日夜坐偶成

兀坐虛堂頗自便青燈的々對無眠兒童笑語公餘處
簡冊吟哦夜半天老去只宜人事簡忙來却苦留情牽
故鄉東越三千里風景時々入夢邊

挽潘省中

宇宙孤忠屬海涯不堪魑魅混中華自期諸葛真王佐
誰料公孫是井蛙韜畧當時歸徃事文章終古自成家
尾盧首鼠紛々者宜付先生一嘆嗟

早朝道中書所見

塵輕風軟屬春和景物熙熙入望多
黃屋彩雲搏御氣綠潯金水灋晴波
南荒重譯來馴象北狄連城進紫駝
禹跡泮泮民按堵六街隨處有笙歌

送洪主事從羅侍郎出鎮甘肅寧夏

冠蓋煌煌擁使車春風二月遠辭家
虎符玉節懷偏壯樓嶺重岡路轉賒
仙掌拂雲看華嶽黃塵隨馬度龍沙
遠覃恩命邊民悅應逐朝端衆所誇

送車給事中

龍衣朝辭出建章天恩煒煒豔行裝
宮袍金織春羅

重刊稿卷四 三

燦燦教鸞過御墨香畫鶴衝風過
汶水瑤花如雪看維揚白頭舅氏子
先輩願托相思一寄將

挽黃少保父

朱衣象簡際高年林屋承恩自九天
一品身榮南極下三孤名重北辰邊
馳情閣閣辭明主觀化蓬萊次列仙
潛德瀛岡表千載宵垠賢胤筆如楊

次鄔先生見寄韻

造化於人竟若何壯懷隨處托高歌
伊周事業寧無志遷固文章未足多
老馬不忘馳峻坂陽春今喜到岩阿
功名况值昇平日肯慕風流晉永和

題黃孝子卷

叔世干戈競擾攘慈親飄泊果何方
艱難自信心如石辛苦應知髮已霜
海闊揚帆天渺渺山空繭足路茫茫
相逢春店全恩愛信是純誠格上蒼

得月樓

傑構凌虛夜午天一奩驚起淨娟娟
遙從滄海經飛棟漸度疎檣逼綺筵
大地山河同皎潔闔門兒女共團圓
太平樂土憑消遣願得相看過百年

覃恩堂爲祝憲副賦

四朝敝歷到于今誰似湛恩海樣深
奏績自天將轉

重刊稿卷四 三

秩引年承詔又接簪宵蟠綉夢輝官
錦囊足青鞵滋賜金萬歲嵩呼知感
慶凝香燕寢堂沉

八月十三日辱少師兼吏部尚書塞公行在吏

部尚書郭公侍郎鄭公禮部尚書胡公戶部

侍郎王公兵部侍郎王公柴公刑部侍郎

郎施公行在都察院右都御史顧公行在大

理卿徐公太僕寺卿李公薦蒙

恩陞授南京太常寺少卿吏部趣明早謝

恩感而賦此

聖主求賢詔屢垂非才叨預近臣知封章密奏通宸

極 御札親陞自 三輝 恩沐汪洋催早謝職當清
要愧難支容臺到日知無事只乘丹衷爲祝釐

八月二十七日早入 陛辭

掖垣門啓五更時象簡緋袍展 陛辭雙闕暫離非分
薄太常重入拜 恩私徘徊輦路青霄上瞻對 宸旒
王殿隨自愧超遷叨薦剡菲才何以報相知

舟泊潞河候家兄不至明日將行時兄自兗州

文學同考順天鄉試

艤棹通州留十日同歸消息轉無期青燈照壁惟憐影
濁酒盈尊欲勸誰極目可堪鴻渺々打蓬偏怪雨離々

南齋稿卷四

三

官程有限遲明發河水涵々不盡思

途中呈同行少保黃尚書公福

遠銜 恩命下青霄簡在 宸衷沐寵饒匡濟昔年周
與旦謀謨今日漢蕭曹賢勞已著春秋筆德政難磨士
庶謠却愧同行非有道願休光霽接征輶

九月九日泊舟張家灣辱尚書黃公具酒賞菊

清時佳節遇天涯白髮長途興轉賒綺席清尊浮臘蟻
蓬牕黃菊對秋花休官栗里嗟元亮落帽龍山憶孟嘉
共說茲辰拚一醉此身誰復道無家

過張湫以不及往東阿拜尚書師公墓

芊々宿草夕陽低憶著高情淚即揮竟夕論心勞設醴
禦寒留別荷遺衣四朝匡濟人何議百辟儀刑事已非
欲致生芻莫負眠風帆催客與心違

途中懷吏部同寅諸公

粉署聯銜第與兄別來無處不關情青山挂頰看雲白
深夜移舟對月明矯首南門遠 北闕絕江揚子是南
京相思無限西風裏轉覺蕭々兩鬢星

途中有懷次尚書黃公韻

龍盤虎踞 帝王州共拜 深恩作勝遊山色凌空迎
瑞節江光隨浪挾仙舟秋高王氣瞻鍾阜夜半潮聲聽

南齋稿卷四

三

石頭佳致已看形彩筆肯將行藁盡傳不

渡揚子寫懷呈黃尚書

畫舫凌波泛々鷗一帆風便到神州只慚涼薄生 昭
代誰計超遷到白頭風月盈襟消客思江山如畫豁吟
眸偕行況值文章伯短調長歌足倡酬

舟抵龍江寫懷用前韻

昭代興王古帝州承 恩何幸得重遊江山總是曾來
日身世渾如不繫舟樹色石城深慙外潮聲揚子大江
頭故鄉妻子當今夕應向燈前說到不

郊祀齋宿感懷

賓僚肅肅共清庭夜向中來漏正傳萬籟無聲人不寐
一心如水月當天燈銷絳蠟輝紅焰香燄金爐裊篆烟
却憶去年從法駕珮環珮玉階前

寄何運使

白首斯文共表儀盈一水限相思賸收青簡心千古
不愛黃金謹四知晉刻日長摸定武瓊花春暎看繁禧
南軒有約還相過細吐幽懷坐夜遲

送王僉都御史綱

渠菴老蠹肅英風又屬需才入九重廊廟峻嶒登柱
石雲霄高步接夔龍蕭行李無他舊歷民情有密

南齋稿卷四

三

封想觀天顏承顧問好憶忠赤對從容

送禮部陳侍郎

酒盡都亭北上遙長江如練發蘭橈衣冠共羨趨
雙闕光價元曾重五朝為國百年心耿々趁幾千里
興飄々南宮有待歸來早飽沐天家雨露饒

次黃少保九日宴集韻

詩書奕世自萊陽昭代敷名更擅場一品元僚崇晚
節百年還算毓穹蒼經邦肯負華夷重鎮俗寧容咲語
狂籬菊正香真率會衣冠如堵接榮光

稅劉僉事

朝經暮史二毛侵落才華衆所欽得祿已昭先世積
陳詩曾啓聖皇心共誇勲業符時望誰料儀刑遽陸
沉喜有賢郎能接武聲光遐邇重儒林

余通政招飲不及赴

勝日華堂綺席開羣公聞召樂追陪纔迎師相當庭坐
又報元戎跨馬來蕭散不殊雲外集醺醺寧憚日斜回
慚予抱疾妨嚴命馳謝惟知把句裁

實授行在吏部左侍郎

金殿當頭玉象前早朝塔下忽承宣誰期特旨加
新秩又拜殊恩錫綺筵樛樛豈勝歸聖鑒忭懽何

南齋稿卷四

三

幸戴堯天餘生犬馬當圖報先効嵩呼祝萬年

送吳都御史致仕

華髮蕭々出紫宸皇恩乞得遂開身莫猶不失湖山
舊沾漉偏多雨露新玉斧朱衣三品秩清風高節五朝
人香山擬入耆英社念我何時踵後塵

送刑部施尚書復任南京

環珮珊珊下日邊尚書考又三年玉音特拜雲霄迥
珎饌殊叨雨露偏水漲綠波催去棹柳拖金縷拂吟鞦
從容南上芳春好更喜康疆雪滿顛

三月一日早午門迎詔頒示天下

綸綍皇七出九重陰靈如洗日輪紅祥光煜燁來丹臺
生意氤氲下碧空蕩滌有生蒙雨露調和無忝屬夔龍
昇平又拜恩如海轉覺謳歌四海同

閏三月二十二日風雨待漏直房書事

擣散於時威 聖明新詩聊寫近來情遷官殊覲三
品穩睡難容到五更簪纓有塵蒙坐榻爐寒無火沽茶
鑄踏踟躕數東華漏却怪風聲雜雨聲

寄吏部黃尚書用洪侍郎韻

襟期千古 五朝人誰忍睽離又一春經濟於時茂嘉
績聲華何媿重儒紳好期佐 辟猶公旦未許歸耕若

南齋稿 卷四 三

子真最念生平蒙啓迪客窓惟只仰清塵

購居

購得行窩僅一區庭容旋馬逕紆徐高牙大纛期誰過
霄月光風得自如偈亥敢云卿士宅蕭條還勝野人居
更誇退食從容處爐有清香案有書

朝房待漏

重入金闈鬢已蒼 恩深難却老來忙直廬待漏占斜
月輦路呼燈踏曉霜自喜昇平逢 聖主誰嗟孤子住
他鄉同官賴有同心老長日相看趣轉長

直廬候洪侍郎不至

兀坐懷人思轉賒馬蹄無事枉誰家銅鑪火煖茶將熟
銀燭光寒月漸斜無限世情空悵悵快滿懷心事獨咨嗟
何當一笑東華道聯轡清談踏軟沙

次洪侍郎預太祀韻

瑞笏垂紳肅 御壇承 恩陪享列崇班 天威咫尺

青霄上舜樂鏗鉤玉陛間三獻已登神馭復九重齊仰
聖躬還旌旗煜燁東風裏老稚欣 總笑顏

碧天如水夜迢迢 聖主明禋格絳霄萬里祥飈來鶴

馭九成德樂薦簫韶春回宇宙謳歌洽澤沛華夷雨露
饒最喜太平重有兆天長地久祝 神光

南齋稿 卷四 三

送禮部陳侍郎致仕

田園歸自 九重天象簡朱衣雪滿顛清秩已躋三品
貴高風還繼二疏賢難豚入社娛桑梓林壑怡情托簡
編握手不須惆悵別馬船南上即登仙

南齋先生魏文靖公摘稿卷之四

南齋先生魏文靖公摘稿卷之五

後集

寧國縣知縣前纂修 國史鴻臚寺序班男完編次
通奉大夫福建布政使司左布政使孫壻洪鍾校摘

序

自得齋詩文集序

自得齋詩文集者錢唐葉盛維新集其祖元浙江儒學
提舉公之所著也惟葉初括蒼之松陽人以維新之十
六世祖銀青府君居元祐黨籍持節濟江遂為抗人後遷
嘉禾其子孫青紫蟬聯儒術相業在宋盛時人鮮與儔
公生於其族實宋吏部尚書贈開府儀同三司南陽郡

南齋稿 卷五

公謚文康之六世孫夷考文康以積學從政正色垂朝
若居臺閣而擊韓侂冑之姦任侍從而定建儲之策述
禮經會元以明周公建邦立極敷禮崇樂之要且文章
政事誠表上偉於當時者也公承其家學於書無所
不讀其所長者春秋與時之名士曲江惟善錢公嚴陵
道原魯公暨陽廬夫楊公皆以是經名重浙水東西若
公之詩文尤春容浩瀚其理致體裁究其所至殆追古
之作者惜乎歷年滋久中經變故散佚不存者多今維
新所集蓋不過千百而什一也然物之貴者不在乎多
與其多而不足為人所貴是亦徒多也是集而觀其

所存者皆精金美玉值識之者必自以為貴有不在以
多為尚也茲維新將鐫諸梓以垂後傳遠請予序其端
予念先君子上高令實授經於公門者嘗命予刻公先
世之禮經會元以資後學迨今未能應命方日以為歎
遺維新以是集請序故不敢以不文辭夫大家世族之
子孫豈皆能以承珪襲組之為尚其所尚者要不使祖
宗之風聲氣澤不與海桑俱化斯可矣若維新讀書敦
行具謙上君子之風而又能勤上懇上收拾乃祖之詩
之文於散逸之餘將以昭之於無窮予於是可卜葉氏
珪組之復興不在維新而在維新之子孫也誠兆於此

南齋稿 卷五

而提舉公可謂之不死矣是集之傳萬水之者當自得
之有不待予言之贅公名廣居字居仲別號自得故集
以自得名云

孫尚書文集序

文章固為儒者之一藝然其言能本諸聖賢之道足以
扶世立教化今傳後者則不可無也是集者今鎮守浙
江兵部尚書番陽孫公之所著公嘗自題曰歲寒拙稿
者是也公自少游庠序進德之餘於經史子集無所不
讀以其蘊蓄之富發之為文章其安驟率多出入韓柳
歐蘇不立異以倍道不騁奇以銜倍溫厚和平明白正

大悉於仁義道德是歸俾真諸今作者之林有不知孰為先孰為後者此公之文也殊不知公自膺卿薦為進士為郎署出臨藩閫為大然為方伯入為大司馬至妙膺簡畀累鎮方岳敷歷中外將五十年之久於忠於義始終一心其間若雍容廟堂垂紳正笏以綜理大政衝冒矢石料敵制勝以除大慝暨運大議定大策上致聖德日敷下致生民日遂與古昔大臣有猷有為名垂竹帛者殆不多讓是知文章特又為公之餘事耳由是而觀則公可不謂之立德立功立言三者純備以為一代豪傑之士哉欲求公之為人者要不可專以文章為

市橋稿 卷五 三

足以盡公之才也是集也予得之於其同門前福建提刑按察使方公載道所健羨之頃念與公為斯文交者非一日且相知惟深故不揣燕陋始僭為之序云公名某字原貞以字行番陽之德興人

陳祭酒文集序

一代之興必有一代之文章故士之文章其有出言正論華國體而開風教足以範後人者則不可不傳也然惟聖朝自興運以來士以文自任力追古作以鳴一代之盛而不忝於宣金石昭汗簡者幾有其人焉若今國子祭酒致仕四明陳公亦其人也公名徽宗字光世

別號澹然出自名族幼席家庭詩禮之訓甫冠游庠序荐以文行之懿膺鄉薦登永樂初科進士第入翰林為庶吉士時太宗文皇帝入正宸極急於養賢以圖至治於庶吉士中拔其文行之尤者得曾榮等二十八人號曰二十八宿公其一也日給大官饌讀書禁林冀其大有所造就以備超擢由是公以夙負之學暨感上之策勵蚤夜孜孜沉潛於經史百氏之中况所講貫者多鴻儒碩士致學之進有不啻若山之增高水之增深而致能文之名已昭灼于兩京矣不數年上慮其少不更事俾主事刑部綜理之餘謹上初意於學之所

市橋稿 卷五 四

當務者若文若詩攻之尤不敢少輟未幾值修性理大全等書樓膺召入翰林預編纂書成拜白金文綺之賜轉翰林侍講轉國子司業陞祭酒故公於文章愈得專力其間躋其間與有非偶然者也於是朝廷有大著述公必是預至四方有求文者亦必多之公焉蓋公之文以學為主以氣為輔動中繩墨與道不相背馳即其奧眇而觀譬之江河奔騰蕩瀾或揚或激波瀾彌布浩且漫且有源有委能使人可驚而可喜誠一代之至文也維時秉制作之柄者若廬陵楊文貞公士奇子聞極口稱道其才不置公知之惟日益進其學益養其氣

殆不追古之作者不止是則公之文今而至此宜一暴
十寒而欲求精者之可及哉則人又不可不知也茲公
休老于家其邑令重慶賈公與名進士也有為有守政
事之餘所尚者文得公平日所著之詩之文之稿重之
猶拱璧不忍其不傳鑒為若干卷題曰陳祭酒文集將
鈔梓以行于世不遠數百里屬予序其端予念與公同
朝有年知公頗深且辱賢令愧之請不敢以不知言
辭姑序其槩於右惟公平生所負之學於人鮮所推讓且
剛正介潔蓋撓之不亂澄之愈清正人君子也經事
五朝幾五十年若居翰林居刑部居太學其所為所致

陳御史詩集序

五

本之以忠貞施之以嚴毅終始若一人到于今稱之文
特其一事耳觀公之文者則豈可專以文重公之為人
哉

陳御史詩集序

詩本情性該物理三百篇之作非徒作也有訓誡之存
是以可興可觀可群可怨使人誦之一倡三嘆而有餘
音焉漢魏而降以及唐宋作者非一雖大名家之所賦
亦不免有流連光景模寫物像為可議由是而知詩豈
可易言者邪故後之作非曰於三百篇不可及求其
音響能步履唐人者亦鮮江陰陳君德軒自少負才氣

讀書之暇用工于詩又釋褐為監察御史為憲僉政事
之餘尤無時無處而不在於詩其所賦也浩乎其不啻
告長江大河其流沛然而莫之可遏且其間有典有則
不外唐人者殊多誠如韓子所謂引物連類窮情盡變
寂寥乎短章春容乎大篇者於君實有焉故其葩華光
彩晃耀人目蓋有不可得而掩者矧有子曰某明經多
學能收拾君之遺稿將別梓以傳諸人上持以過予求
序其端予憶嘗交君兩京間風晨月夕觀君於稠人廣
座中不談政事則談文章君卿疊上奪席不肯少屈人
下人亦未嘗不以君為一代豪邁之士也是知君之所

興觀集序

六

負其才其氣世復能有幾人哉惜其僅得中壽而致觀
是集者要不可獨以詩取長於君也使天假之以年則
君之所建所立抑豈不又有在詩之外其長為可傳者
哉

興觀集序

興觀集者錢唐瞿迎以其弟進集卿先達仇山村瞿存
齋二先生所著七言近體詩凡八十八首迎持以質之
予同邑翰林修撰布範王先生先生徧閱之已以傳曰
詩可以興可以觀援筆於集首大書二字曰興觀於是
迎遂以其集名興觀集云夫山村名遠字仁近宋咸淳

名士宋亡落魄江湖間予知其為人得之於元太史金華黃文獻公所寄詩稱道其學其行不置其詩三十八首蓋遲得之於外家彭宗海之所藏在當時書以贈其同志盛元仁者而存齋名佑字宗吉實迎之叔父當洪武永樂中累官中外既開太師英國張公延之為西席師名在兩京縉紳間識不識皆知為老成多才多學之士其詩五十首蓋在北京將南歸時書以貽遲為手澤者然二先生之出處雖不同則其學問要皆歸之於博見廣識有不可優劣論者也今觀其詩求其音節與悲思逸樂之趣未免有所不同誠以一在宋亡之季世一在當今文運亨嘉之日良由其時有古今盛衰之異而然耳抑可不均謂之詞林中之傑作者耶嗟夫世之有志於斯者固為學者之餘事以其所好亦未嘗不勞神苦思無晝夜呻其佔畢間已及密成則其作隨入而亡有不啻若漸盡地滅者何限今二先生之作而得二昆仲以表彰之於既沒之後則其作也可謂之不徒作也噫二昆仲不其賢矣哉茲又將鐫梓以傳諸人七介予文何窮賓請序其由顧予後學何敢於二先生之前贊無陋之辭以贗知者之觀持重二昆仲有不沒人之善之美亦義舉也始強言以弁其端

南齊稿 卷五

七

講餘集序

講餘集者雲間錢君復亨之所作也復亨讀盡擅岐黃術以清曠自命奉母甚孝母病差劇有古黔婁之風致國子助教曲江張先生為傳其事善評品人物有不如其意者輒與之絕交不啻貸賞為子邑蕭山校官門下之士有能與之相長者則愛之猶骨肉課講之餘以吟咏至忘寢食一篇之作非推敲數日則不出其用功之深如是與予友人工部郎中朱君仲實為內外兄弟無子沒已有年今朱君之子某由進士拜監察御史調餘杭知縣慮其集他日無有所承傳者乃徵予序其由

南齊稿 卷五

八

殆欲藏之篋笥以篤親之仁夫詩人之詩貴平易而不貴奇怪必在本之以性情充之以問學發之以士氣擴之以思致此之謂詩觀之三百篇與漢魏而下諸大家之作可見已惟人之才力有高下故其所作有純駁若復亨之詩清而不枯華而不艷不泛不刻亦可謂得其趣得其體以闢其門戶者矣是集也所惜者無後而不能什襲以為一家之傳耳茲今尹於復亨為內姪徵序而珍藏之實盛德事也令尹其賢矣哉予亦托交於復亨者因其請可忘情乎故序以冠諸篇端云

宋學士文集序

今浙藩左叅政黃公以 聖朝翰林學士宋公平生所著述有曰潛溪前集潛溪後集潛溪續集潛溪文粹等集皆一時門人故舊各出已見集者其間若 朝廷大論撰與應酬公卿大夫士庶之碑銘序記之類公病其不能各以其類而會粹之乃於政事之餘於各集之所載者抉擇之俾各類從以歸于一既成易其各集之名而題之曰宋學士文集將綴梓以廣其傳微予序其由顧予何人而敢序公之文以徵之不置姑為之言曰公名濂字景濂別號潛溪金華之浦江人天姿粹美六歲入小學日可記二千餘言九歲能屬詩文脫口有奇語

俞樾稿卷五 九

鄉長老即以豪俊目之比長出游柳待制文肅公道傳黃侍講文獻公潛卿之門於文既得二公之傳即大肆其力積之已久知者謂其文有兼二公之所長浩乎其莫窺其際源也乎莫知其窮之美肆致二公深相器重之不少緩又若當時翰林學士承旨歐陽元功亦評公之文曰如淮陰出師百戰百勝志不少懈又曰若列子馭風翻乎不沾塵土由是公之文名日著應薦授將仕佐郎翰林國史院編脩官以親老辭且知元運將否堅卧不起原其心則未嘗不欲行其所學於世特世未能用之者耳恭惟 太祖高皇帝龍飛定鼎金陵公

拜書幣之徵乃曰大亂已極 真主出矣維其時也遂幡然一出既出奉 旨授 皇太子經既入惟惺惺論為治之道推明用入之法立官府修典章參酌古今於古孰為今可法孰為今不可法咸與其議至於大論撰則又出於公手者居多致拜 玉音獎諭之曰宋濂學足以明道文足以垂世之重由是而觀則公之文可不謂之一代之文雄也耶宜叅政公獲公之集不啻猶拱璧且必抉擇其著述各以類從不惟免學者東搜西索之勞殆欲其集與韓柳歐蘇之集並傳於世抑又豈不欲天下之人知 聖朝文運之興而有公之文如是

俞樾稿卷五 十

足以追配乎古人蓋其盛舉也叅政公名譽宇廷永甫田人由閩藩解元登進士第拜監察御史累官至今職云

夏方伯封事稿序

廣西左布政使錢唐夏公既致仕其家嗣某會粹其在官時凡所建白于 上之稿為一帙藏于家友人何舜賓見之以其言炳如烺如而有源有委本乎忠誠切於政教足為世之為仕者之鑒顏其題曰夏方伯封事稿以予與公有相知之好持以過予求序其端欽惟 聖朝之制凡國家之利害毋事繁文許人得以直言無隱

其言之當者行之不當者亦不加之罪甚盛典也由是下情得以上達利由之而興害由之而除所以致治隆虞周而措天下於泰山磐石之安於萬年也矧公以進士發身敝歷中外三四十年於軍民利害無不周知故所刑于言者無所不當致拜 俞允以見之於行殊無有不矜於軍民者也噫若公可不謂之不負所學盡心所職以荅千載非常之過者哉雖然士君子之言莫貴乎關世教切時務今觀公之所言於世教時務誠有之矣其視彼徒弄紙筆以馳騁無益之言者於公寧無媿乎予故於公是稿樂為之序而不辭公名時字以正

南齋稿卷五

由進士拜給事中遷僉事恭議恭政至今官云

恩榮歸老詩集序

天順五年五月五日維時端陽予友人錢唐夏公以正以廣西左布政使拜 恩歸老于家獨茲令辰觀一統之昇平萬物之生遂謂實千載之所遇歡 聿啓乃具肴核酒醕于所居會鄉邦之同道咸以老而致其事者若某凡十又八人復敦延郡太守胡公貳守李公半刺張公閻公節推崔公同與其席舊好則白頭如新新知則傾蓋如故穆乎清風會于一堂之上列坐則隨所讓或藹或爵交談則從所長或禮或詩衣冠偉如禮

度翁如觴酌斯舉飲者必隨其量而盡醉不飲者亦不強其所不能既和且樂竟夕一由乎雅則復必各隨其趣或詩或賦寫以紀其盛篇什既成公乃彙粹成集徵序其端予念茲會辱公邀赴者甚懇以年登九十且限以一水艱於動止方以弗克如約為歉序以見屬又何可以不文辭惟夫人之生世孰不有類各有情必有其會以樂其所樂然會而樂也貴必得其地得其時得其旅以相成之斯得成其會以成其樂焉苟或紛擾漫焉而施地非其地時非其時旅非其旅惟酒食是圖聲色是耽至滅棄禮法流連光景斯會而樂者果

南齋稿卷五

得謂之會而樂邪否若公之茲會于家林佳山佳水之間有竹可問有松可撫謂非得其地乎會于良辰荷天之寵錫老而歸無所事謂非得其時乎與其會者又皆出詩入禮冠冕佩玉之流謂非得其旅乎故既會而樂也而人無有不得其所有誠謂之會誠謂之樂也較之唐宋諸賢之會曰蒼英曰九老曰真率曰同年之會之樂夫何間然邪于是則知公之斯會也非徒取其樂也誠足以興禮讓而厚風俗者也繼自今惟祈諸公年彌高而德彌邵凡會必以唐宋諸賢之會為法時而會也而樂也以樂其當然之樂伴同垂芳百世

於不泯而後可母曰古今人不相及若然予雖老則尚當盡力以與焉詩賦凡若干篇皆隋珠下璧也覽者必自得之此為之序役系之以詩云衣冠楚楚邁凡儔解組歸來共白頭和氣一團成雅集清風千古效前脩詩篇信筆懷從寫酒量從人醉即休此樂端由天所錫街恩何以荅宸旒

出使紀行序

出使紀行者今通政使司左叅議陳君嘉猷為給事中時奉璽書使朝鮮滿刺迦二國往返道塗之所作也其季嘉瑞彙粹成集持以過予求序其端惟嘉猷實予

南齋稿卷五 十三

邵餘姚望族之裔予與念興其家交自其祖性善父惟誠叔父惟璧嘉猷有三世之久以是知其一門皆讀書惇行俱以科目而升位至通顯性善為吏部為州守為戶部惟誠為庠序師為翰林為方岳為太常惟為庠序師為縣令嘉猷為禮科刑科給事中至今官閭門之榮青紫蟬聯有不讓夫萬石君者自非由於家世之積與諸公實踐實履之至則不能致况嘉猷年方壯氣方銳步玉登金日近清光居公卿之列才日以充器日以大蹇上諤人咸期其德業有不止於此之美今觀是集奉使二國涉風濤歷險巇往來數萬里不以為難

如履平地而復從容自得寄興吟咏於耳目之所及者若長篇若短章得風人之體裁麗而則和而平有微睨八極呼吸風雷之壯其視膏肓泉石以朝風咏月與持被入直三省叮嚀顧婢子語刺不能休者相去何如邪雖然此特為嘉猷胸中抱負之餘事耳欲窺其遠者大者則又豈係於此哉是則嘉瑞之集是集也予知其不徒傳諸湖海以膾炙人口直欲附之家乘垂之子孫由此以重夫家世風聲氣澤之來以思承傳嘉猷之遠者大者之德行事業於無窮云

哀頌序

南齋稿卷五 十四

傳曰君子疾沒世而名不稱焉予觀今人之沒不啻與草木同腐者多矣何者由其立心行已之不至於凡所為多齷齪汚下事於其生也幸而免耳至於其死欲其有聞於人胡可得哉若浙江憲副崑山張公和者於家食時予嘗知其為人端懿貞慤於書無所不讀又得其文觀之豐縉優贍出入經史殊有作者之風迨釋褐為進士觀政予吏部於其一言一動尤與流輩異間以所負之長扣之大扣之則大應小扣之則小應否則默以規矩是守迨為郎刑部不徒有為而又有守父之以聲實之著膺近臣薦以拜今職而所專者學校之務良

以公文行蒞備足為人之儀表而致之也公既蒞職知近之學者多溺於偷惰欲一旦革其故習為難乃設為教條既精且密因其才質徐而導之期欲咸歸於高明正大之域由是致浙之十一郡庠序之士無一不心悅誠服以循其教焉故於其沒感其化者無遠邇大小其惋惜之者至形之歌詩以伸其有餘不盡之情焉由是而觀非公之學之行德及人之深則何能致人感之之深如是耶雖然予嘗見世之都高位食厚祿者稍有小善人輒奉揚之不置及其去位有詈之毀之者焉良由其為善之不力也致之孰若公於在位去位而

南齊稿 卷五 十五

人慕之愛之及其沒也而人又哀之頌之如是之至噫若公也非惟雖死猶不死而視彼為善不力者果何如邪茲吾郡邑諸生既各為詩以哀之已復恐他作至於散佚非彙粹之不足以昭公之善於無窮既成集請予序之則是諸生忠厚之心尤可重焉竊喜吾郡後進之有人也故不辭而序以歸之云

送浙江憲僉辛君詩序

士君子欲特立獨行自重以達夫遠大者非務其實則不能致能務其實則外誘不能奪則學斯實矣學得其實則心由是而正身由是而脩殆見措諸行事未有不

得其理者乎是故君子之學不可不務其實也予平生寡陋無似嘗取友四方必求其務實之士以為之資既得之則未嘗不敬之慕之而不忘焉若吾浙憲僉辛君昉亦其一也公河南襄城人出自官門予嘗知其諸父禮部郎中泰元城教諭昉所為所致皆卓卓有聲故君之學得之家教自進士拜監察御史久之陞今職確乎其有守而又有為歷之有年終始一致予嘗以其按部騁車蒞止在而觀叱止送迎聲威不假冰檠之甘港乎猶玉壺之注秋水其心惓惓焉惟在訟得其理民得其安為所事是致識者不特載諸口碑而且尊之仰之猶

南齊稿 卷五 十五

神明父母然求其所獲良由其學有其實而然也是則君之為人其可不又為予敬之慕之者哉尚卜其他日所至之遠大當不止於是而止也茲以秩滿將奏績于朝憲使魯公侃之乎於人甚慎許可者以書達予謂諸僚友咸有詩為贈屬序首簡予觀諸公之詩燦乎若編貝情文交致有頌有規忠告善道其美有焉尚何言哉竊願君之是行登于上之考寵沐天恩載秣吾馬載膏吾車式邁南還不異時昔與諸公同德同心以毗輔聖治與相成其友道焉耳舍此他無言者是為之序

可軒吟藁序

可軒吟藁者莆田陳先生之所著其家嗣會稽教諭華玉之所彙粹門人吏部考功主事楊璿氏之所校正者也教諭君一日持以示予屬序其端夫詩自三百篇後歷漢魏數千年來以至于今其體裁節奏蓋不知其幾變矣中間求其如三百篇之作有美有刺有勸有懲者能幾人哉且古人之詩貴平易而不貴奇怪惟在發乎情性而歸乎理義使人可與可觀可群可怨被之邦國鄉人孝敬以之而成人倫以之而厚教化以之而美風俗以之而移斯足謂之詩也後世不務出此而所尚者鮮

南齊稿卷五 七

有不事乎風雲月露禽魚草木之類驅才駕氣以騁其所負之豪宕競其此纖彼疵為能而已甚而反以臻夫理道者為庸腐以巧於雕鏤者為神俊良由其才力有等差與時之所尚不同耳若先生之詩也簡雅而峻潔該博而淳正清而不枯華而不艷斥奇怪而遵平易深得詩人之旨趣善雋永者則自知其味與凡品不同也自非先生涵養有素學問之文才氣之盛其奚能臻於是邪惜乎匪瑾瑜惟栖於林下不及一出以鳴國家太平之盛以盡其所負耳宜乎其子與門人發其瑛玉溫之美將刻梓以俟夫知者亦可謂之不徒作

也

送浙江右布政使謝公致仕詩序

浙江布政使司右布政使臨川謝公廷輔致其事去歸其鄉也車馬有行色矣其同寅若參政春陵雷公復輩各分韻賦詩以舉其行詩既登軸邀予序諸首簡惟公予舊知也憶嘗序其家譜知其系出於宋康樂公靈運公自少知家世之重惟以詩書是好膺推擇為邑庠弟子貢業成領鄉薦上春帟子時為會試同考官已識其為人於文字間又登進士第拜官禮部主事九載考最陞吏部考功郎中夫考功劇司也多難其人公為之則

南齊稿卷五 八

若易也然予時忝居堂上則又檢知其所為所守迥異於人故為之敬之重之已迨膺近臣薦陞浙藩參政至陞今職公尤坐鎮雍容於承流宣化者有年自始至終殊得其體致一方士論之歸重無異辭夫何良由其學行有素隨所在而著其聲實且歷事五朝幾四十年之久歷考無纖毫疵類之可指此宜淺之為仕者之所可企及耶且平居善教諸子致諸子之成皆由科目賤揚中外以嗣其枹笏則世之如公者又能幾人耶是行也全名全節予知其觀青山之嶠岫白雲之縹緲不日抵家免昔日之朋舊與釣遊之所於佳山佳水間載登

載眺歌吾之好咏吾之真無適而不得其所俾鄉之人
又執不指之為神仙中人乎于是知諸公之詩於公之
行以華之者非諛也宜矣惜予亦致仕之老念與公相
知非一日今年九十又三矣是別也第以未知與公復
會於何時為懷云

送照磨王君造完陡門還官序

蕭山為紹興屬邑地臨江海自昔年穀多不獲有秋蓋
以為民上者無禦旱潦之術也迨宋政和間有大儒龜
山楊文靖公來為令憫民之患乃出卓識奇見相田之
高者去其稅糧周圍凡八十里築陡以蓄洩其水名曰

南齊稿卷五 十九

相湖其陡俗呼曰湖塘塘有穴十有六所遇潦則閉以
蓄其水遇旱則啓之以洩其水以利於田九鄉均得其
利水高於田名其穴曰陡門皆以石為之夫何年久
提督之者乏人致陡門皆廢民以土塞之遇旱潦於啓
閉之勞民甚苦焉通年有鄉老賞真賈本原者以石岩
陡門開鑿甚大計本縣近有借民買辦軍需米一百九
十石與民之有知者議頌以其米易格石先復石岩之
陡門奈有溺於苟且者經三年之久弗克就緒於是二
老乃以其情陳之於巡按監察御史布政司按察司蒙
上官咸以其言為是乃委本府照磨王君專董其役

君至計本縣以米所易之格石不敷其用乃又勸得水
利之家多者以足之興工於成化元年之十一月畢工
於明年之三月致民咸謂君能成積年之所廢於一日
財不費於公帑力不動於小民為利非小無有不歡忻
而鼓舞之者茲君事竣將還石長賀惠曹大德張
文輩相率求言以華其行予謂是役也固雖上官是二
老之言以為之然非君之有能為則亦不能以副上
官之托而成之也且予亦得其利者因其請姑序此以
復之

亦菴文集序

南齊稿卷五 二十

吉安之泰和素為文士之淵藪予姑以同朝相知者言
之若少師楊文貞公士奇吏部尚書王公行儉翰林學
士陳公德遵曾公鶴齡祭酒肅公孟勤之數公也雖出
有先後皆能以文鳴中朝其所以望鑄治道黼黻
皇猷至備至盛其名之昭灼聞於天下人矣其繼而
興者尤有其人若今浙江按察使曾公亦其一也公不
惟嘗游於諸公之門而實又為學士公之嫡胤故其學
也傳之也精授之也確有源有委加以天分甚高故其
形之於言者必本之以六經參之以子史而又出入乎
錦柳歐蘇諸大家之作巖々乎不啻商敦周彝之不凡

也。自七乎不啻黃鐘大呂之相宣也。殆欲與前之所陳諸公之作齊驅並駕為不忝矣。噫。何泰和之多賢而公又續其遺響如是哉。雖然。士之為學必貴乎明體而適用。夫文章在於明道。所以立其體。政事在於及物。所以致其用。是故士之學必在乎文章政事之兼備。而後可特世之能全之者幾人哉。若公也。自登甲科為監察御史。僉憲外臺。恭政方岳。以至今職。二三十年間。其見於政事者。其明效大驗。又為中外之所重。由是而觀。豈不以文章為公之餘事乎。觀之是集者。要當求公於是集之外。之所得斯足謂之善求公者也。公名簡字蒙簡齊

南齊稿卷五 主

卷其別號云

天言錄序

天言錄者。今禮部左侍郎崑山葉公盛為都察院僉都御史時。巡撫廣東欽奉英宗睿皇帝之敕。公謹錄成。編其題其錄曰。天言者。尊之也。是錄。驥獲焚香拜觀。不釋手者連日。既而拜手稽首。颺言曰。大哉。皇言乎。一哉。皇心乎。雖唐虞三代之聖。君漢唐宋之英君。諷辟之聖謨。神斷亦不是。過其致。冠於民史者。豈偶然哉。雖然。廟筭之良。如天之運。高地之運。厚神妙固莫能測。自非公之弘才廣識。則亦不能副。簡界之重。以致其

效也。驥切念叨。祿兩京。寡陋無似。樂與四方賢大夫士。交以資所不逮。其始也。知公之在庠序。之為人。有學有行。得之於提督學校之監察御史彭公勗。孫公鼎。及登進士第。為兵科都給事中。得之於少保兵部尚書于公謙。吏部尚書王公直。禮部尚書胡公濙。都察院左都御史陳公鑑。暨吏部郎中戴公瑞。輩無不道公之所猷所為。之於政事。達大體。不矯激。不詭隨。應正副。方迥出人表。由是獲與之相知者。有年。嗣是。驥以衰憊。屏迹林下。跡雖疎。心則未嘗不相親也。今觀是錄。知公自都給事中。陞山西叅政。居制于家。簡在聖心。奪情起復。陞僉都御

南齊稿卷五 主

史。巡撫廣東。以靖蠻寇。累年拜聖謨。神斷形之於教者。至不一而足。公克鞠躬盡瘁。競亡焉。無敢或違。雖於出謀制勝。不枉費者。錢穀不枉勞者。甲兵強暴除而禍亂弭。良善以之獲安。方面以之獲靖。有馬援之平。徵側。徵貳。裝度之擒。吳元濟。狄青之平。儂智高之績。為邦家之光。斯文之光者。公固足以當之。然究其所致。非由聖謨。神斷之良。其是能然耶。書曰。元首明。股肱良。哉。庶事康。哉。夫豈不信茲公膺大拜。典邦禮。格神人和。上下垂紳正芴於廟廊之上。以輔今聖上萬年太平之治。其來未艾。必又自今日始也。是錄也有不特傳之

為公家子孫之寶殆必收之金匱為聖朝聖子神孫持盈守成仕官制治之國寶也謹序

送運副胡君獻績北上序

兩浙都轉運鹽使司副使胡君宗美九年秩滿將獻績大廷行有日矣客有數輩以留不可得過予言曰胡公之佐吾輩之兩浙雖司也學端行敏才瞻識良剛而不虐柔而不縱不為勢所撓不為利所疚九年于茲始終猶一日朝斯夕斯冰檠固守且化及妻子妻子亦樂與之同苦辛辛俾所接者豪商豪商不敢有所干所部者豪龜豪龜不敢有所肆亭民之貧者得以安其從弱者得

會稽稿卷五 三

以吐其氣其賢其能載之口碑盈溢道塗如出一口今茲行矣留莫可得遺愛在人其何可忘執事以為何如予聞而嘆曰至公者人之心故好惡得其當者亦君子之事以爾客之言紀胡君之善果不虛譽是則君可不謂之不負勿而學之壯而行之者乎予念跼伏林下雖杜門不出於為政之善者未始無聞知君之所為所守不惟不負其所學而實為邦家之光斯文之光視彼玉表而石中鳳鳴而鸞悍者有間竊識之也又茲聞客言甚悉於予為尤信以胡君是行也挾素有之學抱可稽之績殆見必考居上最從而以膺不次之擢或居中

以羽儀廟朝或補外以鎮綏方岳以展其遠者大者有不特僅止于區區一方者在諸客欲留恐不足以淹其神霄之翼與躡雲之足也客聞予言曰執事之期胡公者如是吾輩鄙人烏得知之願如所言足以慰吾輩拳拳於胡公也言既適其僚友運使張君遂同知崔君富判官袁君紹經歷朱瑄知事李華暨天使李奉輩求言以華其行于姑即與客問答之言以塞其請尚期欲知胡君之為人有考於斯君名琳字宗美南昌人

譜序

秦和桂林曾氏族譜序

會稽稿卷五 四

秦和之桂林曾氏其先本姓實夏后氏少康封于曲烈于鄭春秋時莒滅鄆太子巫居曾之武城嘆曰國滅矣宜去邑為魯此曾得姓始也若孔門之高弟曾參元西皆其系焉自是代有聞人至漢郡鄉侯十一世孫闡內侯據雁王莽之亂避地江南據六世孫畧始定居于吉之廬陵吉陽鄉睦陂又有分居撫州者畧之子唐金紫光祿大夫檢校司空洪立又遷南豐是為南豐始祖也四傳有曰致堯者當宋太宗時直史館生真生吉州軍事判官生生秘書佐郎銳又家廬陵生新淦主簿中行又遷秦和之南岡長洲於今為秦和之始祖也

中行生伯祺伯祺生永堅永堅生元植元植生仁發仁
發生清淑清淑生國英國英以長洲居址湫隘似難聚
族復自長洲遷泰和之北門命子孫自為一譜以親其
所親詳其所詳焉今曰泰和桂林曾氏族譜是也其曰
桂林者鄉以曾氏世尚詩禮科第不乏故題其坊曰桂
林譜因是得名以別他族焉今曾氏之賢胤曰本俊者
讀書知禮實英之六世孫以其季本宣佐教予邑因與
之往來以是譜求序其端夫古有大宗小宗之法先王
所以叙天倫係人心明教原敦正本而設也後世宗法
廢故知禮者於族有譜予以系聯派屬予以明辨親疎

南嶺稿卷五 主事

由一世而百世殆俾派屬不紊親疏不踰其慎之至也
如是自非知禮之君子有孝子慈孫尊祖敬宗之心者
其能與於斯若曾氏自得姓來去今二千餘年其風聲
氣澤不與海桑俱化者誠非世有賢子孫以振作之其
何能致之邪若本俊昆季倦於斯譜是續是守從可
知矣予念嘗納交曾氏之宗人姑舉一二言之若翰林
學士鶴齡德安知府士弘監察御史本清輩知其貴盛
德之君子誠有光於是譜者為今曾氏之右人可不以
其門地自重於族之顯之遠者姑置之於族之顯之近
者如學士知府御史輩其所為所致炳々煥々于時者

可不則而象之儀而刑之以匹休其大乎若然則曾氏
之族其昌且大而有光是譜曷有紀極哉且詩書所稱
一則曰聿脩厥德一則曰追配前人予敢以斯言為本
俊昆季誦頌以勗諸子孫由是益亢其宗也

蕭山任氏家乘序

蕭山任氏蓋邑之舊家也子孫繁衍以譜考之自宋迄
今十有五世矣其第一世曰鑰者初不詳何許人仕宋
建中初任司言以言事忤權貴落職建炎中令山陰卒
于官其子种遂卜居山陰之桑盆里至第五世定翁實
為鑰之玄孫樂蕭山之土地饒沃乃自桑盆徙而家焉

蕭山任氏家乘序 主事

世以讀書積善聞至元有曰文昌曰子仁者鄉稱長者
當元季兵戈繹歷之日而其里為吳越要衝大夫士抱
所謂顧瞻四方蹙蹙靡所逞之憂者一時名公若吏部
尚書劉公謙侍郎聶公子初錄事董公朝宗提學劉公
伯溫判官邁公善卿文學王公子允輩至則必必致于
家至於越月至於踰時至於卒歲而館之穀之其情其
意始終靡之或倦下至其子其孫若伯謙若伯厚若源若
衡輩守以為家法日以經史是務於死不克葬者則給
槨以葬之於饑不得食者則推食以濟之凡於義之所
當為者輒不少靳而亦未嘗以為德焉以是而觀則其

祖宗所積之厚而其子孫其有不昌大者乎今其遠孫
曰瑗曰純曰昇曰瑾曰琛以其先世所輯之譜併彙梓
其家所得名公巨卿銘誌之類通為一集題曰蕭山任
氏家乘來請序於予而所重者譜也夫士大夫家之有
譜蓋為尊祖敬宗而設所繫非小為子孫者其可輕視
之耶苟無譜則親疏何由而辨昭穆何由而叙同姓異
姓庶姓何由而別豈徒原支派之有遠近取閱閱之有
高下哉在必重祖宗之一氣於所 子孫無貴無賤必
俱收而並錄之欲使其近而合也有敦睦之情遠而聯
也無乖離之患焉耳今考斯譜實出瑗輩之先世曰

蕭山任氏家譜序

曰瑗曰漱之所輯是則三君子之用心可謂之有仁人
孝子之心而有望於後之人繼之繩之謹於收族而續
之以至于百世無窮之心有焉今瑗輩是舉是蓋能繼
其志要不在以能續是譜不失為舊家之裔以夸耀其
鄉黨在必能繼其先世之讀書積善謹其持守大其門
戶于以光前于以振後而後可不然則與庸鄙者
無異而忝於先世其可乎哉因瑗輩以家乘請序併以
是說歸之非直為任氏子孫勉而且以凡為舊家之子
孫勉云

蕭山道源戴氏家譜序

予邑蕭山去邑治一里許里曰道源有戴氏世居焉戴
氏其先剡人晉處士遠之後遠有代序自中軍司馬端
僧靜者徙居蕭山始世以詩禮相承至有曰文字滅之
者敦重儒雅為於積善若患鄉之旱潦不時民艱於耕
耨乃相地高下創開小江之上於春雨水溢則泄之於
夏旱水涸則堵之開工之費不貲皆出一已民甚賴之
至於恤貧周困恒以為已任逮沒民感其功德奉安其
主以配食於土神之祠至今不絕予二曰壽字伯仁曰
恭字直夫昆季一心勇於為義不減父風致誠之而下
孫曾同居共燭者四世月朔旦望聚子孫詣祠堂深衣

蕭山道源戴氏家譜序

大帶禮畢男女異序跪則誠不敢私其田廬不敢私其
貨財不敢私其服御家雖富饒亦不敢華衣美食以矜
驕鄉里壽無子以湯氏父兄之子曰優為後恭五子曰
潛曰淵曰淵曰洙曰澄曰從而下皆能文章尤備之然
以服習家庭之訓為謹恭字工精諸靜心也八日元海
道萬戶明易著有五行冠制化論有音功各親師取
務於凡生理門戶皆不勞其昆弟子子孫各親師取
友以進其學成其名家素延納文章大家如尚書貢公
師恭誠意伯劉公伯溫翰林待制王公子充衡郡博士
明公仲中翰林應奉唐公處敬翰林編脩蘇公伯衡輩

館之穀之不間歲月聽其去留其禮其義則靡敢或怠
故於其家之所謂家範專閣聖養生堂書院讀書樓竹
林書屋靜心草舍梅友軒賓竹軒尚本齋於墓所謂松
雲菴慈善亭永思亭墓銘墓表致諸公皆有著述序其
家世之源委詩禮之承傳甚悉其備俾子孫有所考質
而履之力居多也奈其年日高力莫能支且值元季變
故昆季子孫未免日離月析而其故家之流風餘韻尚
幸不泯若予及見者其子孫曰果曰朴曰權曰植輩猶
彬々詩禮在鄉里人上足人之起敬起慕謂非予一邑
之詩禮舊家得乎是譜也彙歲予以老婦自天官時有

南齊書卷五 王元

曰良者以子實其家三十八代孫洪武初科進士宿遷
知縣謙之子婿持其舊冊請予脩之予諾之因於老德
未克如其所願今良之猶子融托其姻家葭州學正代
予成之予深感學正成人之美如此既成融仍侍以過
予求叙其端嗚呼道源戴氏誠吾邑積善詩禮之家也
不幸中罹變故而其家雖不及前日之盛今觀其子孫
猶不暇千數百指其中翹楚特達者宜無其人未敢謂
之衰也况衰而復盛天之道也慎母曰君子之澤五世
而斬苟能力於悖德向善則於祖宗之澤繼數百世亦
打綿延而不替為可期也若融今日之脩是譜以盡其

尊祖敬宗之心者推之宜非克尤其宗之賢子孫哉尚
冀語族入必以祖宗之所為所致為念而後可不然則
是譜亦文具而已其勉之哉

錢唐柴氏家譜序

杭有鉅族柴氏居錢唐之義谿子七孫七其來蓋不知
代幾易矣入 聖朝其族之裔有曰望字宗禮別號芝
樞者讀書尚義其所履履其載當代之名大夫士之傳
記贊咏題曰柴氏義事錄有板行于世子車字叔與以
春秋應進士科登鄉薦上春官不利入太學膺推擇累
官至兵部尚書階資善大夫歷事 五朝幾五十年其

南齊書卷五 王元

文章政事尤為人之所稱道如少保禮部尚書楊文
公所著神道碑是也一日其族孫郡庠生寅持家譜一
帙過予告曰是譜實先祖芝樞翁之所脩至先叔祖尚
書翁又手錄子孫傳緒之繫命寅叔父其續之不幸叔
父早沒今譜乃寅父某其繼命而續之也敢求執事序
以一言為後人勗予授而閱之其端有序蓋芝樞翁初
脩譜時所著槩云其家以歷世之遠登譜謀懼於兵燹
莫考其世之所從來方以為慮有所素相知者為考其
源至欲援柴世宗以為之祖焉者翁則不然恐疑以傳
疑以起後人之清議即斷以已意直敘其父安公不祖

刺史味道而惟以詳其所可詳親其所可親者收之乃以曾祖八三府君為第一世之祖而次第其傳緒以成其譜焉意之為譜可謂之得作譜之要者乎今觀其之所續既本諸芝塢翁所脩之實又遵諸尚書翁所錄之詳本縣支屬昭穆明而親疎辯有緣有委祖其祖宗其宗父子兄弟不啻猶指諸掌俾子孫視之則其孝弟之心必油然而生不至視至親如塗人也必矣是則某也又可不謂之某氏之善繼善述之賢子孫乎雖然世族大家之子孫不惟在善繼其世譜尤必在善述其世德而後可善繼其譜則譜固足以考其世次

鳳陽牛氏家譜序

以篤其親之仁苟不世德以傳子家則又焉得為世族大家之子孫哉予念先君子上高令與芝塢翁為莫逆交而予又與尚書公少同志長同朝有得相告有失相規其相與之情猶骨肉然今獲觀是譜則知其子孫咸不墜其祖德寧不為之喜邪矧寅明經飭行其進也譬猶水湧山出殆見他日名登甲科踐揚中外子以顯其祖子以揚其宗則世其譜世其德之責未豈不有望于寅哉以寅請序其譜敢併以是為言寅勉乎哉

鳳陽牛氏家譜序

牛氏本微子之後公子牛父為周司寇子孫因以王父

字為氏若鳳陽壽州牛氏亦其裔也今其胤子浙江都指揮使司都指揮僉事名鐸字文振者公暇持其家譜示予且曰吾牛氏自受氏來已千數百年子孫播遷南北其端緒固不可考矣矧居鳳陽之壽州一沐其譜連元季之兵火不幸亦不可考今吾乃以所可知者徵歐陽氏世經人綿例循存緯以成編題曰鳳陽牛氏家譜此者是也顧執事不靳一言序其端以不獲辭受而閱之其譜則始贈昭遠將軍某衛指揮僉事諱旺者鐸之高祖也生一子興當天朝啓運從太祖高皇帝龍興淮南征北討以有功烈官至昭勇將軍揚州左衛

鳳陽牛氏家譜序

指揮僉事鐸之曾祖也生二子恕諱恕武德將軍錦衣衛千戶鐸之伯祖也諱鎮國將軍都指揮僉事鐸之祖也生二子通連通鎮國將軍都指揮僉事鐸之父也生二子長即鐸次欽鐸生二子洪濟蓋知譜自諱旺者而來至鐸之子洪濟其可考者凡六世可俾後之子孫由此綿而續之矣既明且簡昭昭其實視彼駕虛凌空以証其宗統者有間鐸其賢美哉夫家之有譜由周官以小史掌奠世系辨昭穆定邦國之志者因其法廢故後世大人君子之家不可不自立譜以收其族苟無其譜宗族日繁則子孫無以知其本之所由來支之所由

分孰為昭孰為穆孰為親孰為疏其流之弊殆不至視至親如塗人者幾希此家譜之所以不容於不作也雖然為人之子孫固不可不思謹先世之譜牒尤不可不思嗣先世之功德予觀鐸之先人以都指揮僉事沒鐸例襲指揮僉事孰意鐸於既襲能以智勇敵王所懷肅清邊寇尋獲論功拜陞亦如先人之職可不謂之克謹先世之譜牒克嗣先世之功德者哉且公雖出武弁讀書尚禮綽有祭征虜之風既武且文其來尚有未艾以光其先者牛氏後之子孫其必篤念而敬承之哉予故書以為牛氏家譜序

金鄉高氏族譜序

三

今浙藩亞參金鄉高公名崇字 有為有守賢方面也與予有斯文之契一日過予林下以所緝族譜授予請存其端予閱之則知其先出自今北京在金時為右北平郡附郡之邑曰富庶而高氏實富庶上西莊之鉅族世以武弁是襲迨亞參之三世祖元東平路管民總管接與其弟總帥拯總領擴以父元帥左監軍顯與金將劉鐵鞭戰於棗陽陣亡稿塋于彼莫知其所以乃於金鄉別業陽山之原卜地按禮以衣冠招魂塋焉子孫遂遷居而居占籍金鄉此金鄉之有高氏也始其詳具載

東平路行軍萬戶府經歷杜 傑中大夫濟寧路總管東路諸軍總管胡祗通二公之所撰墓碑今亞參以先世所脩族譜屢罹兵燹無存僅存者墓上石刻宗支又莫能詳乃以可知者以元帥左參軍顯之父皓為第一世下至其子士達士忠為第十世迥流而源由本而枝載稽載考卒致井乎其有條秩乎其有序昭穆以之而明戚疏以之而辨俾子孫觀之則知其孰為某派之所分孰為某枝之所出孰為某之祖孰為某之宗開卷盡在目睫間則孝弟之心豈不有油然而生不至視至親為塗人者乎雖然自周官九兩之法廢而士大夫家必

金鄉高氏族譜序

三

自修譜以收其族孰知傳之數世求其子孫能守其譜致祖宗之風聲氣澤不與海桑俱化者殊鮮於此則又知修其譜者非難而傳其譜者為難也若亞參者以譜之失獨於族屬中既能以學以行奮身科目為名進士為名黃門為名方面顯其祖揚其宗已而又汲焉以譜是修殆欲子子孫子嗣祖宗之芳猷於不墜則其為高氏之賢子孫也果何如邪且聞亞參善教子致二子士達士忠克遵其教皆已明經飭行將由科目而擢用于時也有日以是而推則知是譜之傳續之又續至于數百世無窮期者可卜矣詩曰孝子不匱永錫爾類又

曰子孫勿替引之子敢為高氏之子孫頃慎毋忘
亞參尊祖敬宗之心云

祁陽甯氏世譜序

昔者先王建國居民以有功德之臣謂其子孫歷世衆
多不可無維持之法必因其嫡庶親疏之分為大宗一
以重其本小宗四以聯其支俾其所以主祭祀以統宗
族立小史以掌之去古既遠代不之講者已久故後世
知禮大夫士之家必因之以自立其譜焉若今甯氏本
姬姓周康叔封衛之後其十一世孫季疊食采於甯遂
以國為氏其在甯者本原也是之謂大宗歷千百年來

南齋稿卷五 三

子孫支派散處不一者小宗也是則甯氏子孫之居祁
陽者小宗之譜何可以不作之耶然作譜之要貴得其
實在必詳其所可詳而缺其所不可詳斯可耳苟或援
貴以舍賤錄近而棄遠則豈得謂之尊祖敬宗以為收
族之孝子慈孫哉若今浙江左叅政祁陽甯公良之作
此譜其曰祁陽世譜者得之矣於得姓之祖則畧見之
以示不忘其本自其可考之高祖以至子孫自河南而
遷衡陽自衡陽而遷祁陽凡六世倣漢史年表例以世
為之經以人為之緯必詳書而備錄之有原焉有委焉
并乎其有條秩乎具不紊殆始子孫於冠昏喪祭近而

合也有敦睦之情遠而聯也無乖離之患其為世子
孫尊祖敬宗之法為其至意大叅公得不為甯氏之能
允其宗之賢子孫乎雖然昔韓魏公有曰人能謹家謀
而不忘其先者孝之大也特家之有譜未必人能設
也昧者不知所以修明者知所以修而不能保其不失
欲保其不失非世世知所積德則不能致茲大叅公發
身黃甲累歷華要以至方岳觀其承流宣化於所猷所
為一以仁厚為心而不少怠聞其家之子孫亦克讀書
惇行以祖武是繩是則斯譜必將子孫之續之又續
不惟不失俾傳百世之遠為可卜矣噫勿替引之甯氏

南齋稿卷五 三

後之人尚勉之哉

南齋先生魏文靖公摘稿卷之五

寧國縣知縣前纂修國史鴻臚寺序班男完編次
通奉大夫福建布政使司左布政使孫璿洪鍾校摘

記

清白泉記

清白泉者在紹興卧龍山下郡治內之西隅其初一廢井也景泰某年今郡守白公以公暇散步得之於灌莽之中用工浚滌而成之者夷究其自實宋寶元二年范文正公守郡時於政通人和之日亦以廢井而得公擇高年故吏詢其建置之由皆荅曰不知既浚滌之越三

南齋稿卷六

日而後汲視其泉清而且白試嘗之其味殊甘列可愛遂引嘉賓汲泉以烹日注之茶啜于泉上嘖嘖衆賓咸嘉之公遂名其泉曰清白以昔泉之傍有堂曰涼堂見其堂曰清白仍亭其上亦曰清白為文以記之冀登斯亭汲斯泉者無媿斯名也後東嘉王十朋來築郡幕作會稽賦有飲清白以自娛之句豈不由飲是泉而發歟自文正公之去其泉之廢不見知於人蓋不知其幾百年而今守白公乃又得之於既廢之餘夫豈偶然者哉予惟物之在天地間有顯有晦有通有塞然其顯其晦其通其塞固枯之於數要不可不知實係於人也若

白公之蒞茲郡自通判而陞今守已幾二十年其食冰

嚙磔之操終始由一日且於去茲剔蠹與利除害以

朝廷之心為心於民之要無一息不在於懷致一郡八

縣之民靡不仰之如神明戴之如父母今公之得是泉

抑非造物者將以彰公之操履而然也耶不然泉何

其文正公既以善政得之於前而公復善政而又得之

於後前後相望異世同符有如是邪雖然君子於物貴

比其德焉如是泉之清白白公足以儆之矣尚冀後之

來者欲斯泉之清白可不起其仰止之心以繼公之清

白溥惠一郡之民孰公名王字某漢中人由太學生入

仕云

南齋稿卷六

重修曹娥廟記

去紹興郡治四十里許曰曹娥江上之濱有廟曰曹娥廟娥上虞人曹盱女父溺死于江不得尸娥時年十四沿江慟哭晝夜不絕旬有七日遂投江而死經五日抱父屍而出實漢安二年五月也越九年莫之有表者元嘉元年邑令度尚始為文以誄之邯鄲淳文以碑之至宋熙寧十年十月詔許戴諸祀典命有司以時祭之後以曰朱娥者為配享娥亦上虞人朱回女也母亡養于祖母娥時年十歲里中朱顏與其祖母競持刀欲殺其

祖母一家驚潰獨娥號呼而前手挽顏刀曰寧殺我母
殺我祖母也祖母得脫娥竟遇害前治平二年郡守章
岷嘗以事聞賜其家粟帛已其後邑令董偕爲娥立像
于廟遂爲配享以至于今弗替焉夫何廟以多歷年所
風凌雨震殆至墮圯弗辨其瞻今郡守漢中白公聞之
曰是吾責也又曰方今 聖明在上聞民有孝有義者
必下令閱其綽楔以旌異之况娥之孝載之信史列之
祀典廟之久廢吾之不顧其可乎哉乃首捐已俸倡民
有嚮義能輸才薦力者聽經始於正統某年某月訖工
於某年某月民不知勞士無異論致輪馬與馬視舊尤

南齊書卷六

三

加宏壯俾瞻仰之者孰不嘖嘖爲之稱嘆公復謂廟新
矣欲其久存而不壞非有守之者則不可而守之者之
奉香火苟無資以贍之則何可以勝其責耶公方圖之
忽里中有老者告之曰廟舊有田若干畝今爲居民所
侵能令其民歸之則廟不患無所資也遂令其民悉歸
其田而田歲有稅糧則責之守者以時代其輸焉由是
致識者謂公不徒新其廟貌於一時且又歸其田以資
香火于永久至怪其無知之民以俗所謂潮神者土木
其像列于廟之西傍公曰民不知禮義至于如此爲長
民者誰可視之而不革使淫祠而混諸祀典之正神哉

悉取其像投之江水中是尤可見公之爲人燭理明信
道篤其有關於名教不苟也有如是夫嗚呼民之秉彝
孝爲至行故自昔聖帝明王必重之以理天下而郡邑
之長民者必因之道民以成其化若二娥之孝足以植
彝倫厚風俗其廟貌之久廢爲長民者果可視之若贅
疣而不之顧哉公之於是役可不謂之見義有勇而
知所輕重者邪是可紀也公名王字瑩中漢中人蒞茲
郡自通判陞今守釐二十年持廉守介抑豪縱惠下窮
奉法循理其善政善教有不可盡書者于此則姑紀公
於是廟之興作將以示後之來者勿替其績嗣而葺之

以勸民之孝云

錢塘縣重修廟學記

自司徒典樂之官設而學校之制興降及後世在在絃
誦之地有學必有廟焉故廟以奉先師學以育賢才苟
有學而無奉先師之所是忘其本有廟而無學則又於
何所以萃賢才申先師之教以育賢才也由是廟學並
立而不偏廢其所由來也遠矣欽惟 聖朝聖相承
崇重學校既責郡縣以提調之而又命憲司以綱紀之
其良法美意視古爲益盛故爲所司者罔不遵承上意
於凡廟學遇有未備必謹於脩飭思以盡其所責之大

馬杭州府錢塘縣於按察司甚為密邇而廟學創自前代其毀燬堂齋率由風凌雨震弗稱具瞻一日按察使鳳陽陳公某過之嘆曰是邑廟學之廢如斯且在吾目之所親觀吾其可視之而不顧哉歸與同寅若副使寶坻王公某南昌羅公某僉事某公某議僉曰是吾輩責也復詢之郡邑士民皆無異議復承鎮守內臣阮公某都督李公某暨布政使司布政李公某白公某聞之咸以為然乃首督郡縣以修飭為事而諸公皆協心力以為之資焉肇工於景泰某年某月其制猶舊惟扶顛持危於材木既斲去其敝易其新而已不徐不亟財不費

南齊稿卷六

五

於公帑工不勞於民力皆出於公與諸公率之以義而致垂成僉憲鄭公謂廟之靈坐門柱楣仍皆舊木且亦不可以瓦覆蔽風日不若於柱於楣皆易之以石為愈乃捐已俸資命工鑿石於山陰之柯山越明年材成興致于學至又明年某月而門又成蓋經之營之者凡三載誠不可視之為易也然也公將立石以示後來時監祭御史鄭公某巡按適至公言及之曰是舉盛事也公乃馳書於予曰錢塘縣之廟學今之重修固出吾之所自亦賴吾同寅協心力之所致者然於肇工訖工之歲不可不紀以為後之來者勸于辭不獲乃曰凡天地

間物其與其廢率不可無惟於興廢事要之於數者非也要不可不知皆係於人焉若茲廟學固廢已苟無公以為之倡諸公為之贊其何能致若是之輪奐若舊哉予以是知錢塘縣廟學既廢而復興果不係於公與諸公之為人耶夫春秋之義常事不書若茲廟學實風化之所係故公與諸公興之續書之良不為過尚冀後之來者毋視之為傳舍必嗣而葺之不負公與諸公今日之用心其庶幾也若郡縣興學之官吏與有力者則刻之碑陰云

嘉興府海鹽縣重修捍海塘記

南齊稿卷六

六

浙江按察司按察使鳳陽陳公某具其海鹽縣重修捍海塘興作之始末而以書遺予願有以紀之蓋大海去海鹽縣城東一里許而洪濤巨浪晝夜撞春非有塘以捍之則泛濫決溢其為患殆不止海鹽一邑而浙西諸郡縣皆被之則其為害豈淺也哉永樂初塘壞有司具其事上聞遣通政使陳水趙公居任統理其事修築僅完宣德中巡撫浙西工部侍郎周公忱復於塘東增土築厚五丈仍令嘉興等七縣每縣倩夫一百人共夫七百人分在塘分方守候遇有坍塌隨為修補正統九年七月以風潮大作塘被衝決水溢四境傷民禾稼及郡

縣倉報知府王懋後以其事上 聞命工部令浙江布政司按察司勘實重築新塘于時公屬余事泰和陳公求領其事而繼至者布政司右布政使南宮白公圭左叅政樂安謝公輔左叅議文江周公紀按察司僉事臨武鄺公彥譽咸秉至公曲盡良畫不期年而續用事成是役也肇工於景泰五年之四月訖工於景泰六年之二月其木石等費計銀三十九萬八千餘兩其銀不需公帑則悉出於官民有犯而贖其罪者民力則唯取諸糧里長之家細民無預焉塘長一十八里高一丈八尺廣十又二丈視昔堅固百倍其功誠足以障洪濤遏巨

南齊稿 卷六

七

浪殆時萬時億福利浙西庸有紀極者哉于惟凡賢智之士為其民捍災興利之作不患其難成唯患其易壞而患其易壞者患繼之者無其人則已成之功其有不至於隨廢者幾希此憲使公欲紀斯塘興作之詳以示諸後無他其慮唯在是而已卒繼自今凡為藩臬為郡縣者臨蒞茲土能存心不負朝廷今日愧為民之心與諸公勤其事之心憲使公紀其事以示後之心嗣而簞之則浙西一方豈有遺利之患哉若夫相是役始終不懈於用力者則有指揮徐鑑劉清經歷姚瀚鎮撫張翔夏宗陰陽正術姜雍典史李貴其人故不得不併言

以告後之人云

忠孝堂記

括之葉氏世居麗水之風門望族也其族有曰鉅字伯廣曰鏞字伯齊者昆仲二人璉篋迭奏聲應氣求而一門之內穆如春風且讀書尚義賓接賢士周卹困窮者以為分內事也非一日致人延譽之者久矣一日伯齊不遠數百里詣予言曰吾兄弟燕處之堂辱卿之知者願其楣曰忠孝吾初不敢究其所謂徐而思之則知吾郡曩歲有群不逞者將構不靖良善率被其害朝廷知之命將興師以殄其醜類於此之時而吾兄嘗

東齊稿 卷六

八

倡義率敢勇之士以助之追事平論功行賞而吾兄例得冠帶以榮其身而吾兄念身乃吾父母所生者今吾父雖沒吾忍獨享其榮哉於是陳情願移其榮以榮其已沒之親焉所司即為之 上聞獲拜 俞允致贈其父為巡檢而知者願其堂者莫非以此俾吾亦與其有榮也已特未有記其實者願執事不靳一言以昭吾兄之懿行而且得以忠孝垂範于子孫也予曰懿哉伯齊之同心也夫人之有身於兩間上棟下宇以安其居佩仁服義以遂其生孰不本於 君親之所致是故隨其所任於君於親而必盡其忠與孝者亦其分內事耳苟

不能然豈其人哉若伯廣於天兵敵愾之頃能倡義
順以除其強暴至旌其勞而又能移其榮以榮其已沒
之親是則忠也孝也伯廣誠有之矣忠孝名堂尋知者
之譽孰謂過哉然予聞伯廣先世自晉折衝將軍蒼梧
太守始遷于括迨其父巡檢公數十世來世每以忠孝
是推而見諸行事者非一予以是知伯廣今日之所致
夫豈無其自耶善乎伯齊強所求言以昭兄之懿行
而又欲因之以為範於子孫獨不觀歐陽子有曰為善
無不報殆見葉氏之子也孫也子孫也子孫也昌大其
門無有紀極者又自今日始也子故樂為之記而不辭

南齊書卷六

蕭山何氏復友于軒記

子友何宣仲昭讀書敦行士也一日過予南齋請曰昔
某父暨諸父昆弟凡六人皆循仁推訪善生座作業致
家日益饒裕兄也弟也友愛彌篤同居共場者蓋亦有
年當為大夫士之所歆豔辱題其軒曰交子以見其志
不幸遭家多故至某父與諸父又相繼淪沒奈群從子
弟因之而離散雖在閭里咫尺間迄不能復合視先世
之所謂友于者殊竊負愧今某有子一孫三曰某曰某
曰某天姿頗粹輒欲備世德復托友于之扁于軒冀其
兄弟有所警惕而紹述其先世之美焉願執事不辭一

言以策勵之敢請予惟人之大倫國有君臣鄉有長幼
家有父子夫婦昆弟是倫也具之於人萬古猶一日萬
人猶一心人必於是五者隨所在以盡其道在君臣盡
君臣之道在長幼盡長幼之道在父子夫婦昆弟盡父
子夫婦昆弟之道或不能然豈其人哉况昆弟為親之
枝形雖分而氣則同骨肉至親孰加於是其有不能相
容者無他由其彼此私其田廬私其貨賄私其妻子私
其服御至間之以婦言遂致友愛之義日虧乖爭之端
日起於是分門割戶患若賊讎率不能免尚何望其
謂友于者哉抑亦非由于不能各盡其道而然耶予聞

南齊書卷六

何氏錢唐入至元時曰友文者始居蕭山上世累葉仕
宋其名爵見其家印曆與杭州府志追今仲昭之從孫
舜賓明經飭行表也士林蓋詩禮家也夫兄弟之愛在
詩禮家尤不可不致其謹中衰既罹茲仲昭欲趾美乎
先世是又孝友之始良可慶也繼自今使諸孫能以祖
之心為心併以予言是勉殆見兄也弟也和氣一堂藉
然朝夕則不特先世之美頓復而且俾閭里之有兄弟
者亦將觀感而化矣於風俗豈小補哉仲昭聞之曰不
敢不以執事之言為諸孫告願筆之以記于堂之壁於
是乎書

蕭山沈氏祠堂記

沈氏世居蕭山之長巷沈族也在宋有曰某者仕至職方某部郎中墓今在其里之航塢山子孫世以讀書不事他生產舉族惟農是務謹徭役時租稅仰事俯畜之外必斥其餘以周恤窮困不少吝此其家規也家故有祠堂元季災于火永樂中某世孫原貞復建之景泰中又災于火今日宣字孟敷別號樂園者原貞子也嘆曰先祠已毀不圖復之咎將誰歸一日會其弟曰宜監察御史曰寅暨合族之子孫曰瑾輩曰先祠不幸既罹于災茲欲復之未知諸君以為何如衆咸曰吾門盛事

南齊書卷六 士

也敢不竭奔走之力而唯尊命是從於是孟敷命其子珪瑯琬即日需材召匠以經營之資悉已出力不他勞其制中為堂三間以奉四代之主外為門三間以限出入四周則繚之以垣視舊益加弘敞俾觀者無不嘖嘖稱嘆至有感發興起其孝者焉經始於天順元年月訖工於是年之月既成孟敷謂其子珪等曰祠堂完矣曷可無述俾後之子孫以盡其奉之守之之道哉珪等乃申父命於予求言以剴諸石予念與孟敷有姻家之好不敢以不文辭惟古知禮君子營宮室必先營祠室蓋先其所當先而不敢後者蓋先有祖宗也有事則

一遵朱子所定家禮而行其敬謹之至則恒若祖宗洋洋在其上在其左右焉後世此道不明雖朝廷著為定制俾之而行奈何貴者或青紫富者擬埒封但知有利而不知有禮於祠堂之制茫然而不之講者率多甚而以祖宗托之僧道巫祝歲時用其教以追薦之其俗已淪於肌膚決于骨髓良可嘆也若孟敷之不逐其流而篤意於此其不賢於人而能是乎惟沈氏素積善家也斯堂之建祖宗有感必應是則匪直歲時行夫奠薦灌獻之禮而已尤在子孫於平居日用思祖宗之所由來必蹈仁迪義以善繼善守其家規慎厥德無忝所生

南齊書卷六 士

而後可也不然則堂為虛設為美觀欲祖宗之歆享得乎孟敷讀書敦行古君子知言者也必以予言為然故書之以塞所請為沈氏子孫世世之勸云

崇德縣重修廟學記

自漢以來學校之制有學必有廟以尊聖人學以育賢才之學本於聖人故弟子入學必先行釋菜之禮於廟而後求聖人之道冀成其才為賢人君子以為天下國家之用焉故郡邑之廟學在者皆有而不可闕者此也崇德縣在昔州也素為文獻之邦其廟學姑考其宋元豐間創於縣南運河之西其創之者令吳伯

舉也後罹兵燹徙於縣東運河之南徙之者令黃楊也
尋以傾圮元至正間而重建之者知州王雍馬入

聖朝若巡撫大理卿胡堅嘉興府通判原佑知縣田慶
原焦寬則又繼修葺之焉迄今以歲月之久彫弊滋甚
乃景泰乙亥淄川郁公倫由進士來知縣事一日抵學
周視上下嘆曰學校王政之本矧聖朝崇重尤加於
昔今廟學之梁棟迫壓弗稱具瞻將若之何退而謀諸
丞簿輩暨師儒亟欲修葺之僉以其言為然公即首出
已俸為倡而丞簿與邑之好義之士或以財或以力伙
助之者不少斯公於是需材於山陶甃於治循其舊規

南齊書卷六 圭

撤而新之俾廟之大成後東西兩廡學之明倫堂東西
兩齋凡廟學中之所宜有者聖賢象設及庖廩什器則
又莫不煥然為之備具致來游求學之士觀之罔不噴
噴稱嘆以謂非公則不能如爾也肇工於景泰某年月
訖工於景泰某年月財不費於公帑工不勞於民力皆
出公之善於經營而致既落成而徵教王公正遣其徒
陳能鍾璘持書幣仍具書之願求米微記國不泯賢令
之績予不獲辭乃曰道在天地間任以行之者堯舜禹
湯文武是也及周之衰教化陵夷不有孔子者作而流
四方明其道以化其人以至刪訂書定禮樂贊周易修

春秋則人何知君臣之有義父子之有親夫婦長幼朋
友之有別有序有信中國之所當尊夷狄之所當外而
不論胥於禽獸之域者幾希以故後世立廟祀以報其
功設學育弟子負承其道冀成材以為之用若守令職
在承流宣化夫豈可以細故視之哉若公之是舉誠義
舉也非達大體知所重輕者其能然耶良可書也嗚呼
是學之士子抑又不可不因公之是舉感發興起要不
徒以記誦詞章之習為足在必於聖人之道求其遠者
大者如鄉之先賢陸贄范仲淹之所為所致以不負
聖朝期待之意與公今日之用心而後可也昔予徒錢

南齊書卷六 圭

浩李敬嘗典是學教為子言崇德士子嚮學者多矧今
逢賢令之作興如是則又知其明體適用之士出應時
需者必倖獲矣是不可不記

仁和縣改建儒學記

監察御史古繼閻公羅奉命之巡按浙江也識達大
體知所重輕而切上注意於學校以抗之仁和縣學居
址卑陋且東接按察司西連其司之園圃其訊考呼號
之聲接于學者無虛日公歎曰此豈可為崇禋廟肅絃
誦之所乎乃相地得郡城之西南黃院之舊址高亢明
爽蔽以已志欲移置之復謙不自任白之于欽差鎮

守太監盧某都督李某仍會左布政使梁某右布政使謝某按察使曾某詳議之俞以為然遂同詞具本謹請于上命下許之適監察御史某某亦奉命以事莅茲方面暨參政黃某鄭某揚某恭議史某張某高某副使沈某張某僉事馮某馮某鄭某具某陳某和某黃某聞之咸曰盛事也宜亟成之於是布政司專委檢校駱某以提督其工焉既而杭州府知府胡某又克承公意乃曰學校吾職提調者亦委仁和縣知縣周某往來以經營之其材悉本諸舊有朽腐之者則規畫其良者以易之其所作禮殿若干間兩廡若干間明倫堂若干間兩齋若干間下至戟門靈星門倉庫庖廂之類凡學之所宜有者無不備且費出於公而財不傷工出於備而民不擾事致鱗次輩飛輪焉其為化卑隘為宏敞非出公與諸公之協謀則奚能臻茲之盛肇工於天順三年之六月訖工於是年之十月既落成其學之教諭畢某訓導陳某謂公是舉也不可無述以垂示來者復請之于布政使察二司諸公既允其請仍具題奉命訓導陳某請記於予夫仁和縣學在宋元時實先賢和靖書院入聖朝洪武初大興學校不意守臣遂因陋就簡以之為縣學垂今七八十年未有能任改建之責者今幸

南齊稿 卷六 五

公有是舉又得諸重臣協相之則其底有成功也豈偶然者耶嗚呼學校實風化賢才之攸繫故歷代重之至聖朝視昔崇重之意愈加誠千載之一時然必允藉時有重臣以振作之也今學額公既一新矣為士子者處茲閑輝之地要不可徒資之以為觀美亦必當一新其志意去凡近進高明毋專事虛文以圖利祿而忘厥所重要一以古之名臣賢相自期待俟應時需展所素蘊必上不負聖朝崇重之意下不負公與諸重臣作興之美而後可不然則猶凡民耳惟仁和之士自昔秀而知學者多繼自今予知其益知所重愈自磨礪殆出而暴白儒者之效者又必有其人矣公其拭目以俟而愜所注意焉

南齊稿 卷六 五

湖州府重修廟學記

湖州府古吳興郡實浙之文獻邦也廟學之建其來久矣皇上光復帝位之元年簡昇賢能以熙庶政而祥符岳公膺由進士以監察御史來知府事識達大體知所先務下車之初首詣學宮謁先師孔子督勵諸生退而周視廟學以禮殿講堂之類悉獎壞弗稱乃慨然曰此非吾守之責乎遂與寮案暨學師儒議欲修葺之為然營度之頃會東魯高公崇亦由進士以給事

中來參議布政司事按部抵湖公以其事白之公曰亦
吾志也二公既協謀各首捐已俸為倡郡之寮屬與好
義之家聞之或以財或以力以助之者有不啻若川湧
雲蒸焉二公喜曰事可成也即擇學之諸生郊之耆老
敦實勤敏者凡四人司其貨賄之出納于以需材于以
倣工詎吉就事因故益新自廟之禮殿兩廡遠亘疊爵
學之講堂四齋庫庖庖及凡所宜整葺者不浮于度
不失其舊悉遵其制而作新之蓋無一之不備已復以
大成之樂久失肄習聲容有所未盡善美者又敦延太
常之事藝者規正之經始于天順三年之春而告成於

南齊稿卷六 七

是年之冬俾郡之士靡不曰是役也財不費於公帑
工不勞其民力非二公之規畫有道曷能臻茲之盛既
而教授梁能安與訓導其闕辭曰斯廟學也數十年之
傾圯今一旦輪焉奐焉以葺人之瞻仰知是誰之績歟
二公之績也其績不可不紀以為後來者之勸乃具修
葺之顛末加書幣不遠數百里屬予之契友友烏程縣
學訓導殷晉來徵文記之夫學校之教王政之大端其
教雖本諸伏羲神農黃帝堯舜禹湯文武以歷年之久
日漸凌夷非孔子者出明之以教人則人烏知有君臣
父子之倫中國之所當遵夷狄之所當外而人不陷於

異類者幾希由是自漢以來雖帝王之尊亦必尊之為
先師以其教不可一日而無也迨至我 聖朝尤極尊
獎一惟其教以教人故在上有廟有學以廟尊奉之而
嚴其祀事學以因其教以育賢才為之國家天下用夫
豈細故哉今二公之是舉也可不謂之達大體知所先
務而不負承流宣化之責者耶良可書也且湖為先賢
胡安定公過化之地其教尚存為可法繼自今以二公
之作興予知郡之人士以能益又磨濯致風俗之厚賢
才之興必倍蓰於前日矣若然則不惟遂
朝廷之所望而抑亦遂二公之所望云

南齊稿卷六 八

錢唐崇氏祠堂記

錢唐義溪崇氏故家也代有聞人予及見之者芝塢翁
名望字宗禮讀書飭行勇於為義致鄉之人以義士稱
之以子貴累贈嘉議大夫兵部侍郎子車字叔與少游
鄉校業成以春秋膺鄉薦上春官升太學膺推擇累官
至兵部尚書階資善大夫歷事 五朝幾五十年文章
政事朝野皆知其為人是父是子人以為難能父子平
生咸以尊祖敬宗為首務芝塢翁以家世之來譜謀數
罹兵燹莫考其詳乃自可考者以三八府君為第一世
始自序其端為之譜已追尚書公又以譜後之世次未

續及祠堂記未有記之者命子拯為之不幸尋沒今譜
五世孫曰崙曰崙如命續之已而祠堂記則崙命其弟
崙與其子寅向予求之噫尊祖敬宗之務父作子述殊
為故家大族子孫之至要今不替其承見之於崇氏若
崙崙與寅也可不為之賢子孫哉夫祠堂為子孫奉先
之所即古家廟之制也古者諸侯有國大夫有家皆得
立廟以奉其先降及後世大臣之家亦有可為而不為
者至於庶人則率莫之講也故宋文公朱先生有憫於
此因之而創為之制不曰家廟而曰祠堂使上下貴賤
皆得立之以奉安其神主歲時則出主於正寢以行祀

南齊書卷六 九

事其儀文品節皆載於書曰文公家禮士大夫家能遵
其書而行之者固有庶民之家則鮮克是遵甚至以祖
宗托之於師巫釋老歲時輒憑其所籍記親疎無倫遠
近莫辨繁為召請品節已無儀文蔑有敗禮傷義習以
為常牢不可變尚何望其有祠堂之制祀享之禮哉若
崇氏之有此舉誠千百中之什一者也雖然崇氏之祠
堂立矣祀先之禮本之家禮矣惟在世之子孫守其成
規繼之乎秉其一誠以祀以享以祈感格其神焉耳若
然則不惟獲遂芝塢翁與尚書公奉先垂裕之心則一
鄉之中夫豈不有觀感而化從其制以奉其先革其瀆

禮不經之俗則民德其有不歸於厚者哉矧此禮也我
太祖高皇帝亦嘗諄々申明以教其民者孝子慈孫可
慢之邪庸敢併以為崇氏祠堂記

懷恩堂記

江右之鉛山胡君潛字源齋者由進士累官禮工刑三
部主事既九載當 聖上光復帝位之元年膺近臣薦
陞杭州府知府視篆之又明年循例述所職于
朝其治行膺簡拔為天下知府之最拜 上敕諭宴于
禮部暨有襲衣寶楮之褒崇莫大焉公既拜 賜若不
能勝者退而頽其燕居之堂曰懷恩殆朝夕營于心目

南齊書卷六 二十

而不敢忘其 恩也一日其鄉友兩浙運鹽副南昌胡
君 蓋其廉其能亦君之同聲同氣者重君之為人請
子為之記夫君親師之恩一也以君有食之之恩親有
生之之恩師有教之之恩此為士之於其恩皆不可忘
者也今君既蒙 聖上養之其恩固不可忘矣孰意當
述職復拜便蕃之錫之厚如是則又豈不忘其恩也此
懷恩堂之所由作也歟惟子居與君治所僅一水之隔
聞其治下之民無老無稚頌君之善政善教者若出一
口心竊識之已今聞述職事致治行至達 天聰以拜
燕龍資則其榮也夫豈若他人偶然而致者邪大抵

聖上之錫賚於君者舉勸賢之典君之懷感戴於上者盡敬上之心上下交盡其道雖三代盛時君臣之相遇無踰於是矣然君以懷恩名堂者非徒懷其恩也蓋又將以報其恩也予竊念備員吏部時伏觀聖上宵衣旰食圖惟政理切以民生為重屢敕近臣於庶官中舉其才德出衆者以膺牧守之寄今君既稱所任而治行彰彰其寵賚之歸不歸君而誰歸茲君懷其恩又欲報其恩也無他在體聖上之心循前日有效之行而行之俾民愈安其生而不替是即所以報其恩也能是則他日增秩賜金之寵夫豈不又在於君乳

南齊書卷六

予老矣尚當拭目以俟

重建唐睢陽太守許公祠堂記

公唐忠臣也姓許氏杭州人名遠高宗時弘文館學士敬宗之曾孫寬厚長者明習吏治玄宗天寶末召拜睢陽太守安祿山反與貞源令南陽張巡守睢陽與賊大小四百餘戰斬將三百卒十餘萬障蔽江淮以阻賊勢至是食盡矢竭救兵不至城遂陷巡死之遠以主將被生致洛陽特後死耳史臣謂巡先死不為遽後死不為後二人死不十日救兵至而賊亡天以完節付二人俾其不待留生而後顯也當時巡遠立廟睢陽號曰

南齊書卷六

雙廟歲時命有司致祭斯祠也不知創於何時意謂鄉之人以其祖敬宗之墓在是慕其忠義遂依祖墓而創之者也其神最靈有禱輒應天順五年春三月今杭州邵守鉛山胡侯行部問民疾苦至新城時值久旱有妨農事士人徐恂者進曰古者遇旱則靡神不舉此邑有唐忠臣許遠祠民有祈焉禱焉者必於神是賴祠久毀不治侯曰乃我責也遂出俸資為倡自知縣而下洎邑中尚義之士咸樂助之以為營繕之費命醫學訓科方肅敦匠事將土木知縣張能以久旱為告迨梁方上雨靈如建瓴水未幾郡侯又至以蝗生告天又大雨蝗即滅若堂若廡若門共若干間輪焉奐焉足稱具瞻肇工於是年之三月訖工於是年之五月既落成其鄉耆袁璲等曰許公之祠已成遂吾民之所願矣惟吾邑今曰胡公渠者乃郡侯胡公以吾邑地近大溪集鄉之有識者曰前溪之水甚大曷不開渠道其流以濟缺水之田乎眾曰特限於大家之地耳侯復以其由勸諭其地之民若袁璲者首以地十畝獻于是其他皆爭獻之遂以其地鑿渠引水以接城河凡五里許致今民不憂旱之田五千畝但祠不特葺則圯渠不特浚則塞二事於民不為不重茲欲祠與渠久存而如今日非得文以刻之

石勸吾民於祠恒葺於渠恒濬乃可咸詣予以文為請
諺曰成功弗毀厚德之言也先生亦曰事有可繼者君
子即繼之不必肇於己而後為功也予聞新城之邑民
淳俗厚化之而必從夫豈不知祠必宜時而葺渠必宜
時而浚以為風化衣食之要勤且致力而不倦者乎若
然則祠之廢麗恒存渠之淵源不竭殆千百世而無虞
也可卜矣噫新城之士庶於此二事之葺之浚尚勗之
子孫也

新昌潘氏墓菴田記

新昌潘成佐孝友人也既葬其母翁氏於邑之蘇師山

南齊稿卷六 三

之原仍築菴以棲其神置田以供其祭菴凡七楹田凡
三十畝慮後之子孫於庵於田有守之而弗謹者不遠
數百里介其內凡周思立過予求記以警策之甚哉成
佐孝親之心慮之為至深且遠矣嘗聞先正謂墓之有
祭古所無有然亦不在所禁惟以既葬奉主以歸于廟
歲時則祭主於廟耳殊不知墓為先人體魄之所藏故
昔人有過丘壟則哀心生之說是則孝子肅然儼然之
意豈不有見於此乎於墓而祭以義而起夫何不可此
或位於母之墓築庵以棲其神置田以供其祭抑豈出
於私意而然耶惟成佐於庵於田慮其經久子孫有守

之而弗謹者求予記以勵之子則有說焉夫孝親之心
人孰無之苟有之則成佐之子孫於追遠之具殆必兢
兢焉以思保守之不暇尚何至於不謹哉矧潘氏為新
昌之望族其詩書禮義世為子孫之所素習尚者且成
佐之尊人維清翁一言一動為鄉邦之儀表子孫其有
不化者乎苟於是墓所築之庵所置之田一有所不謹
是不有其親也不有其親則豈足為潘氏之子孫哉予
知繼自今庵爾庵田爾田自成佐始延之於子孫上
而不墮也必矣為潘氏之子孫其尚勗之以慰成佐之
望云

南齊稿卷六 三

杭州府重建三賢祠記

抗郡之有三賢祠者由宋元時郡人以唐刺史白公居
易宋知州事蘇公軾之為郡有及民之善政處士林公
通有抗雲之高節足為人之儀表故立祠以奉之也祠
舊在孤山之麓後徙蘇堤之三橋元大德間順訪使徐
瑛復以抗為三賢過化之地創西湖書院在今按察司
之西置師曰山長以教育生徒立祠奉三賢於其中其
祠在蘇堤三橋者必自此遷而廢也入 聖朝罷書院
立府州縣學以書院為仁和縣學今仁和縣學又徙于
郭城之西隅而書院之址盡入于按察司故三賢之祠

寂無聞焉適者鉛山胡君以弘才與學來知郡事於政通人和之暇閱郡志始知有此祠乃曰書院雖罷而前賢有功德在人者其祠可泯乎於是物色得其孤山之址尚存欲仍建祠其上曰其費不甚鉅吾當一力為之即捐已俸而經營之中為堂屋以間計者三輔以兩翼兩廡以間計者六前為門咸廡之數三四圍繚以崇垣垣之東別構屋以間計者三畀守者王宗居之復置田十畝許宗收其田之所入為歲時香燈之費堂之中三賢之像與堂之後創亭一曰仰賢為有事於祠者憩息之所至若塗墍丹雘則士人某某為之也祠有出入

南齊書卷六 王主

之路自祠至段家橋凡若干丈皆用磚石甃砌則又某為之也不踰時而祠告成而郡之耆英以官而致其事者聞之而喜若太常少卿陳公贊廣西左布政使夏公時輩凡若干人相率詣祠行釋菜禮畢咸曰吾輩自垂髫時聞有此祠因廢而不獲拜今獲拜之何幸焉自非賢太守其何能臻茲賢守之功固不可泯願嗣之者亦如賢守之心為心則祠庶可得而長存也非得文勒諸石以為勸則不可咸又曰然僉以太常少卿陳公所具建祠之願末過予徵文為記夫君子之善為治者莫大教民以尚禮義民尚禮義則風俗日厚而治之成

也有不期然而然者矣矧三賢之祠在昔人以禮以義而起者今君因廢而復興之亦莫非因今人之有昔人以禮以義之心而為之耳不然何其致助之慶之者如雲之集如是是役也抑又非導民尚禮義之一機乎一祠之建固爾而於民俗所係為甚大噫君其賢矣哉由是而觀禮義之心人皆有之是祠也繼自今不患無如君之心之人嗣而葺之以永其祠於不墮以慰諸耆英之心也審矣是為之記若夫三賢之善政高風具載信史與郡志茲不復贅君名濬字源瀚名進士也自刑部郎官膺近臣薦陞今職云

南齊書卷六 王主

旌表錢泌妻孔氏貞節之門記

欽惟 天朝聖 相承其致治保邦必以美教化厚風俗為要故凡 詔令之出切 以孝子順孫義夫節婦為言誠以其事有開風教苟有其人必欲具實上聞將以旌異之以風勵其人 甚盛典也乃者金華縣耆民薛永相等以民人錢泌妻孔氏守節事上於縣縣核實之上于府 核實之上于布政司布政司又核之上于禮部 以其實 上聞欽奉 王音許如制旌異之有司奉行惟謹乃表其門曰旌表錢泌妻孔氏貞節之門實天順三年十二月廿七日也既成綽楔暨

飛榮光日麗一旦屹然樹於宅里之前俾一鄉之人無不改觀易視而知所自勵已茲節婦之子奎以其寵榮之被俯伏忻忭作而言曰奎一屢之氓踰伏草茅非上之恩母之德何以臻茲復曰上之恩母之德非文之以石則不足以垂不朽乃擔簪躡屨走數百里過手再拜勤懇以之為請復出其書懷中以申其情予閱之謂其母年甫笄歸其父止居十歲而父沒所遺奎暨二弟昇鼎奎僅省人事二弟惟唯膝下祖父母又皆岳白于堂一門所仰惟在於母時母年方二十又八第閨閫上奉舅姑養生送死舉無遺禮下育幼稚俾

東鄉稿卷六 主

誦詩讀書底於成人孤燈敗牒冰檠固守者幾四十年至知者老上其事謂奎曰吾為人妻夫沒幸而不死乃未亡人耳守其所當守乃分內之事爾其亟止之不果以至今日惟昭上之恩修親之德之圖幸執事於奎不靳則死生而骨肉也予閱之既嘆曰是母是子奎其賢矣哉予由是而知其母之所守固難能又知其所守豈欲人知而然哉朝廷以其實而旌異之其恩誠不可量然非母之所守之堅則又曷能致之哉茲奎欲文之於石以垂不朽而奎之至情亦可嘉也抑聞奎之父亦孝子也其卒以奉母病勞悴而致以之士人

嘗私謚之曰敦孝已若母之以節固守者又非有所自乎孝節一門宜併書之是為記

會稽縣儒學脩建記

自司徒典樂之官設而學校之制興故自古至今興國之廣在在有學為歷代之所重者誠以其有迪民彝育賢材之繁而然入天朝聖相承重之為尤至特任其責者有勤有怠故所在不免有興廢之殊若紹興之會稽縣學自創建來其規模卑隘不足以稱具瞻兼主之者恒乏人甚而其址為人所侵亦不之省遂致卑隘至斯愈甚於昔適年辛憲俞恭和陳君按臨至學詢知

東鄉稿卷六 主

其由亟命郡縣為之經理民猶躊躇不以地歸未幾今郡守五羊彭君誼下車問之知為職之所當重乃曰吾責也又可玩歲愒月視之為傳舍乎即與貳守漢陽李君輩議曰斯地為民所侵有年且多豎屋其上一旦俾其遷移亦民所難吾視城中隙地殊多吾欲以其隙者易之吾輩仍出俸餘為彼遷移費何若俞以為然翼日令民詣郡給費以遷民皆忻然而從地遂歸焉復曰地歸矣宜乘時以開學之卑陋可也又出私帑為倡致郡之為於為義者咸願出財出力以欣助之乃需材鳩工命郡司獄廣平張某敦匠事而規畫布置則咸出君焉

于是立表考宜疏剔蕪穢中峙明倫堂之左右為兩齋高亢明爽有踰其舊至學之所宜有者若倉庫若庖廩之類無不備具煥然一新屋大小凡若干間致來游來歌之士咸改觀易視嘖嘖曰匪賢郡守則曷能致如是弘敞完美耶事既竣適典教陳君華玉來莅學事觀其盛美感郡守之用心審所輕重任為已責不憚勞勩之所致其績不可不紀以為後來者勸懲言於予以為之記夫紹興素號文獻之邦賢材之生風俗之厚歷代而然其所以沉涵陶育以致之者實由於學顧茲學之隳弛其興舉之也寔宜是役也雖憲僉君肇其端而

南齊稿卷六 三

其完美實郡守之所致其績則不可不書或曰昔魯侯修泮宮詩人頌之而春秋不書其不書者蓋以其修學為常事乎予曰今郡守能為人之所不能為其於茲學數十年為人所侵之地一旦能復之數十年為人不省之學一旦能闢之且又出私帑以助為之要不可以常事論當知春秋書宣公於其國初稅畝作丘甲書其非常者擅變制書以示其懲今予之書郡守於斯學復侵牟闢卑隘書其非常者能合義書以示其勸懲後之來者於斯學曷可不以郡守今日之心為心孔守名誼少由鄉貢升太學累官至僉都御史調今職云

御書樓記

御書樓者江右貴溪吳大春氏之建于其家者也以其季山進士授主事陞浙江提刑按察司僉事拜上之所賜 誥命 勅命併家之舊所寶藏 列聖頒布中外者若大誥三編諸書皆會粹尊閣之於其中非惟示不敢褻而且於耕鑿之暇必焚香百拜率子孫諷之誦之求其旨趣以為家之無窮之寶此樓之所由建也既落成大春移書於季僉憲君求為之記夫自昔聖人之經賢人之傳皆書也其書之所寓皆聖賢精神心術之微人能尋繹之以致其知擴充之以達於行大用之則大

南齊稿卷六 三

效小用之則小效人何可一日而無書哉夫何元運之末人溺驕奢不知其所當務至知其所非知其所非行風俗頹弊有不可勝言者賴天生我 太祖高皇帝具上聖之資龍興淮甸叱風驅雲伏劒而起撥亂而反之正一統天下以大闡文教萬機之暇慮臣民之安於舊習乃循古昔聖賢經傳之懿著為簡冊至明至白諄諄以訓迪其臣民誠所謂闡乾坤於再造揭日月於中天也迨 聖以繼聖 列聖復宗之而不靳其見於書述千言萬語亦皆欲臣民會極歸極以臻夫至善之域而已鈞盛典也為臣民者其可不斯須於 列聖之訓

而奉之尊之以為保族宜家之至寶哉予聞大春實貴
溪名族世積善以古昔聖賢之書是藝者今又拜
列聖之書殊得以充其所務矧效隨獲致子孫之出仕
者奉職以安其祿位居家者甘分以樂其田園是則大
春於列聖之書奉之尊之兢一焉以盡一心之敬也
誠宜且君子之創制莫貴乎可法於後若大春之建斯
樓也一則得以伸敬上之心一則得以為裕後之本
其視彼干雲切漢之構聚歌舞延風月徒騁豪華者有
間矣予故樂為之記云

重修麗澤書院記

南齊稿卷六 三十一

宋元之制天下府州縣有學以教育其賢才已而又有
書院焉何也書院之設以當時有大儒如濂溪周子明
道伊川二程子晦菴朱子南軒張子之輩其地經其過
化人雖往失鄉之人慕其道德立祠祀之暨巡師聚徒
以講其道學其學焉者若金華之有麗澤書院以奉東
萊呂先生是也先生名祖謙字伯恭號曰東萊者本其
先世也其學以濂洛為宗以道自任初即其家為書堂
以教其鄉之人士晚年四方來從者眾若朱子張子亦
往來絡繹以互講明之後乃名其書堂曰麗澤取周易
兌象朋友有講習之益之義而然先生既沒鄉人慕之

即其書堂充拓其基構為祠以奉之仍具由請之于
朝蒙賜其額曰麗澤書院實宋嘉熙己亥也以多歷年
所書院日就傾圯欽惟 皇明今上皇帝嗣大歷服頒
布 明詔有先賢祠宇頽圯者許令修葺之條先是今
浙江憲俞辛君知其祠之久廢欲葺之而不敢專適奉
明詔乃曰遂吾之志維其時也即躬詣其地相度之得
其規制特祠傍之地呂氏子孫鬻於邑人章阜民所有
年矣公欲贖之阜民亦嘗出粟賑飢奉 勅旌之以義
者聞之曰此憲俞公義舉也阜民何敢以地各即不敢直
歸之公遂出已俸為倡由是郡守李君其縣令孫君其

南齊稿卷六 三十一

與老而致仕于鄉者若廣東按察使馮公其江西按察
僉憲王公其華暨鄉井士民咸樂助之公乃命郡貳守
牛君某以眾所助之資購材備工以即其事而公則往
來以綱維之也計為屋正堂三間東西兩廡各三間外
門三間繚以周垣樹以嘉木煥然一新殊足以稱人之
瞻仰將竣事或曰百步之外有曰四賢祠者亦發帑亦
葺之公問曰四賢為誰曰何北山王皆齋金仁山許白
雲也公曰四賢之學其道蓋亦出於東萊派者也葺其
故祠固所當然但慮力有所不及竊念書院昔人雖為
東萊之設朱張二先生亦嘗講道其地人亦蒙其化者

易若於今書院論其道必以朱呂張三先生之位設之居堂之中而併何王金許四先生之位設居其傍為配以享之何若衆咸曰禮貴適宜惟公之命是從於是如議以奉安其主釋菜以告其成焉既而郡中縣令與鄉之人士願以興作之由以紀其石庶使後之來者有所徵公然之乃訪予林下道其所以且曰子之學亦本諸先哲而來者願以記請予以荒蕪辭者再而公請之愈力乃為之記曰夫道在天地間為生民立命為萬世開太平者非人弘之則不可也故自伏羲神農黃帝堯舜禹湯文武周公任弘之責以為君為師以導其人致

南齊書卷六 主

人君上臣上父上子上夫上婦上世為雍熙泰和之世已及周之衰斯道或幾乎熄賴天生孔子孟子者出斥異端去邪說俾三綱正五典明免蠹亡蟲上之徒不流為夷狄禽獸者孔孟也其道降及後世間其傳之真得之正弘之以開後學者無逾於宋之濂溪周子明道伊川二程子龜山楊氏豫章羅氏延平李氏晦庵朱子東萊呂氏南軒張子者焉况古有入學釋奠先聖先師之禮茲金華之麗澤書院以祀夫朱呂張三先生昔何王金許四先生俾承其學者知有其自非過也宜也是舉也公固遵奉 明詔而作興之自非公有其學知所務

則不能致其有助於名教也豈淺上哉惟公念憲于所立已有年嚙齋食冰振肅風紀始終不渝一出於正亦宗其道者宜併記之公名訪字各道由進士拜監察御史至今官河南之襄城人

諸暨縣重修千溪橋記

千溪橋者在紹興諸暨縣千溪之上故名之曰千溪橋焉上通衢嚴下接寧紹實為要道在人往來不可一日無者去諸暨縣治六十里萬山之中冬夏之交湍潦泛溢萬山之水皆匯于溪以達于江其勢之來有懷山襄陵之盛故橋常為所壞少有完日妨於往來人甚病焉

南齊書卷六 主

通者郡之貢守黃侯道經其地周爰諮諏悉知其害乃召其邑耆老楊某輩謂曰是橋要道也壞至如是爾輩其可不留心乎某輩曰非不葺也以山水之勢殊猛其奈隨興隨廢何黃侯曰吾今為爾葺之橋昔二洞吾今欲增為之三洞昔洞高若干尺吾今欲增高若干尺昔洞闊若干尺吾今欲增闊總若干尺蓋昔橋之壞良由水勢之大水道之狹水急不及疏洩反為冰石所擁震盪撼激橋致弗支而底于壞吾今欲爾輩從吾之法以修葺之特未知爾輩以為何如衆咸曰然或又有告之者曰茲橋之葺侯之法固善已但經營之費無從而

出耳黃侯又即召其邑之有資有力之義民與大戶若駱某等告以其由而駱某首曰此某先祖父溪園翁志也以無主其事者卒莫能成今幸有侯以網維之則吾民出資出力以為所分內之事何勞而不從之耶侯聞其言喜曰斯橋成矣將與後適郡守洪侯由監察御史膺推擇奉命來莅郡事既視篆黃侯乃以葺橋之由白之洪侯曰此吾之事也吾嘗怪為官者於公務之當為而察友有不能同心以為之者殊有今公是舉合其義以利其民甚愜吾意公但為之吾當為之主以助之焉黃侯遂首出已俸為倡如駱某等亦皆以資力助其

南齊書 卷之六

米有不啻若川湧而雲蒸焉黃侯乃命耆老與義民駱某等掌其財賄召匠需材葺工於成化五年之月日而畢工於成化七年之月日既落成而耆老某等曰是橋也今賴二郡侯網維其事以成之矣而二郡侯之功與邑之義民之義助其資力者皆不可忘可不求記刻諸石以示後之人乎乃不遠百里來徵記於予予以老憊辭不獲乃為之言曰夫閩梁川塗自古為三政之一其責皆歸之於司其工者其廢其興以殿最其績焉恭惟聖朝自太祖高皇帝龍興以米聖上相承法古為治未嘗不以為先務告諭其所司以利其民惟為所司

者有勤怠智愚之不同於斯事也廢而能興者固有於廢而莫能興者不無若二侯之能體上心而於斯橋興以利其民豈不謂之賢於人者乎使後之來者能於斯橋遇壞而必時率其民以葺之則斯橋之永長存以利其民也可卜矣諸耆老聞予言曰願書以為記以為後來者之勸於是乎記洪侯名楷閩之莆田人黃侯名璧江右之浮梁人皆出自賢科觀其立心制行他日有不以此者

南齊書 卷之六

南齊先生魏文靖公摘稿卷之六

南齊先生魏文靖公摘稿卷之七

後集

寧國縣知縣前纂修 國史鴻臚寺序班男完編次
通奉大夫福建布政使司左布政使孫增洪鍾校捕

碑文

故中憲大夫南京大理寺左少卿呂公神道碑

嗚呼此中憲大夫南京大理寺左少卿呂公之墓公諱
某字某別號振鐸年九十以景泰五年十二月十五日
沒於正寢明年十二月十九日塋于此公先世山東之
歷城人宋丞相謚忠穆諱願浩之九世孫也代有聞人
曾祖某祖某父文著累贈奉政大夫脩政庶尹母陳氏

前集稿卷之七

累贈宜人其居紹興之山陰則自忠穆公賜第居始後
居今之諸暨則又自公之父始公生自幼莊重不凡甫
冠奉父命為郡庠弟子員時前春坊贊善天台王先生
俊華為郡庠教授公師事之於所學晝夜罔輟不煩師
資先生於人甚慎許可者見其篤於勤勵曰吾畏友也
異日不底于功業遠大則吾不信業成洪武中果膺鄉
薦明年中乙榜授溧陽教諭五載以近臣薦陞江西按
察司僉事召入修永樂大典書成拜賜賚甚厚以前官
調山西按察司丁父憂服闋復以前官調福建按察司
九載秩滿陞南京大理寺左少卿至兩為會試同考官

經事 五朝功烈聞望昭々於人至垂五十年之久惟

公之仕所至以教化為先而本之以躬行之實廉以持
已一豪不取於人公以蒞政一事不昧於理致人在
愛之畏之其愛之者曰呂夫子其畏之者曰呂闡羅且
樂獎進賢材若今太子太師吏部尚書吉安王公少保
禮部尚書臨江金公禮部侍郎廬陵錢公國子祭酒安
福李公輩公所薦進者凡致重於公所奉簡牘不赫曰
門生則曰侍生則公為人可知矣矧迹聞江西大夫士
今祀公於郡學先賢之祠此尤可見公之德政入人之
深又如此大抵公之所致實由推所素蘊行所實踐而

會稽稿卷之七

二

然使士君子皆如公之為人則學問其有不充政事其
有不成者哉予嘗憶先君子尹江西上高時公知先君
子之為人每按部不抵上高而謂其隣邑之僚屬因使
汝輩皆知魏尹之所為矣庸我至爾邑耶先君子亦謂
子曰今之為按察官如呂公所為一道風生者誠不多
見汝輩欲為人不可不以之為法及予入仕嘗獲請益
于門公甫之進遺之必以正理引之必以正行諄々然
有不一而足者嗚呼先正有云不有先覺孰開我後予
於公有焉今公不可作矣予亦衰老痛公不及見矣茲
公之子公愿持山西按察司按察使予友雲間俞本所

為公傳福建汀州府知府同邵予友俞僑所為公狀微
予紀其行實于麗牲之石予不敢以不文辭且至敬亦
不可以文姑述其槩俾歸刻之以為士君子勸若欲知
公履歷之詳則自有二俞交之傳之狀在子男一即公
愿嘗膺鄉薦中乙榜授山東鉅野縣儒學教諭今陞松
江府儒學教授所操所發速肖其父人謂其他日所至
殊有未易量者孫男六曰諲曰詵曰讓曰詳曰諧曰謐
詵今為郡庠生曾孫男二曰灝曰泓皆敦詩尚禮其
家兒故併及之

大明誥贈樂清章新民章文寶侍郎碑陰銘

東齊新 卷七

恭惟 天朝 聖：相承其仁如天弘敷激揚之典於
凡仕於朝有勞績顯著視其品秩咸有 誥敕以旌異
之至原其所自又推 恩以及其親若南京禮部右侍
郎樂清章君綸三品例得封贈二代于是綸之祖考新
民考文寶獲拜 誥命如其官皆贈通議大夫南京禮
部右侍郎實天順四年十二月某日也綸既焚黃獲謹
鑒石勒 誥命於二親之墓前謂 上之恩猶天也不
可不如是用情以昭之也既而曰二親之所以致此者
固出於 上恩亦未必不由二親平日之所積而能然
乃持監察御史范霖所為行狀少保戶部尚書黃文簡

公所製墓誌微驥銘刻于 誥命碑之陰非惟欲修二
親之德而且欲世：子孫知 上恩之及於二親者為
甚隆宜思何以為報也懇：馬不遠千里共書幣為之
請驥素重綸忠孝人也不敢以荒老辭遂序而銘諸惟
新民字因之讀書不為章句儒端慤貞豁明白坦蕩見
義勇為雖赴湯蹈火亦所不辭或遇偽言偽行者必疾
之如蛇蠍嘗為鄉之萬石長於飛揚挽栗竭盡心力視
他姓能不煩有司督促必率先以完致小民免有魚肉
鞭笞口誦心惟感其德者甚夥由是獲上官愛之重
於所行有不逮必就之以咨可否蓋以其有才有識

東齊新 卷七

耳鄉有某甲与某乙有怨欲盡滅乙兄弟三人公知之
即密与慰解致乙兄弟不至罹所害鄉井聞之者無老
推成林之曰長者長者云文寶字叔珍未冠失怙克自
樹立矣偉倜儻博通諸史与人談上下二千餘年事歷
歷猶指諸掌俾聽者無不厭服以為不可及事母甚孝
撫二幼弟文拱文洪友之愛之朝夕不欲其左右有勞
苦事必躬任之皆不令其預自洪武至宣德襲父之役
為萬石長凡二三十年於所徵歛未嘗毫髮愆于繩度
小民以其淳善至稱之曰章大佛宣德間歲歉盜賊竊
發官交緝捕公艱苦萬端有為諉者曰局鬻田產賂所

司以脫斯委艱然曰田產乃祖宗所遺鬻之可乎惟怯
避難而欲嫁禍於人可乎其人語塞而去或又曰某甲
某乙乃公怨家也當棄此以盜株連之職其身絕其孽
可也公曰仁者不為也仁者不為也舉凡於義所不當
為者毅然不為多類此于以見綸之二考其設心制行
殊過世之人遠甚誠不忝為一鄉之善士惜其所抱負
不及一出試而沒茲乃發之於后人致 宸章之褒炳
：琅：漏澤泉下有不可與僥倖獲者比書之於石孰
曰不宜以狀考之綸之章氏世居樂清之南閭實五季
時閩王太傅仔鈞第七子仁政派初居浦城仁政生貴

南齊書卷七

主

貴生務避亂遷樂清子孫遂為樂清人官至太尉自是
青紫蟬聯不絕至有曰希恩者元進義即為綸祖考通
議府君之曾祖考通議府君之高祖有曰開者元德清
縣典史本樂清北閭吳氏子進義無子立以為嗣為綸
祖考通議府君之祖考通議府君之曾祖也有曰性別
號默菴者為綸祖考通議府君之父考通議府君之祖
也傳次而來新氏實為綸之祖文寶為綸之父綸祖考
通議府君配夏氏贈淑人生子男三曰文寶文拱文洪
綸之父通議府君配邵氏卒繼配金氏俱贈淑人側室
陳氏生子男三曰對邵氏出曰欸陳氏出曰綸即侍郎

金氏出女三鮑宗瑞方永文陳明糾其婿也孫男十二
懋濠爵耽奇異俊特嘉清應會綸字大經初名嵩父命
也前郡守吏部尚書何文淵改今名由庠序生膺正統
戊午鄉薦明年登進士第名在第二甲第一任禮部主
客主事秩滿奉 敕贈考文寶承德郎禮部主事母邵
氏金氏皆安人景泰中陞儀制郎中建明修德弭災等
十四事內復儲一事有忤居園扉者三年天順元年蒙
恩陞禮部右侍郎調南京禮部右侍郎又調南京吏部
右侍郎易曰積善之家必有余慶若今綸之經行明修
登名黃甲官至亞卿有直諫之名聞天下至拜恩賜誥

南齊書卷七

主

榮及二親苟不由先世垂祥委祉則又奚能致我范文
正公曰自祖宗來積德百餘年而始發於吾以綸觀之
夫豈不信為章氏子孫者尚當益培其德而勿替引之
殆餘慶之來又有不止此者可卜矣故併及之以為勉
銘曰

荷欽名宗積善是崇延于二父培植愈豐和睦親戚周
恤困窮徭役閃避微歛惟公無怨無尤有忍有容靡間
父子不懈始終積必有發後豈當逢名登黃甲官拜
南宮忘家報 國篤志撫忠亞卿拜進 薦誥拜封琳
琅金龜大呂黃鐘澤及二代匪徒厥躬立石表

恩光流若虹子孫趾美百世無窮

重建廣東廣州府仰高祠之碑

廣東廣州府有祠曰仰高乃奉敕巡撫兩廣都察院右
僉都御史葉公之所重建也初廣州有祠曰十賢堂八
賢堂曰庶吏祠二獻祠奉晉唐宋元及國朝之名宦
與鄉之先賢其名宦若陶侃滕修吳隱之王維宋璟李
朝隱盧英李勉孔戣盧鈞葉傲潘美向敏中魏瓘邵暉
陳世卿陳從易張頡蘇軾楊長孺張弘範楊信民凡二
十二人鄉賢若余靖張九齡古誠之崔與之溫若春李
鼎英郭閻凡七人奈所奉之祠以多歷年所而所謂十

賢八賢庶吏二獻者有存否殊失具瞻公知之慨然
曰諸賢之祠昔人必以禮以義而起之者也名存實亡
其可乎哉今曷若萃諸賢之祠為一所庶責有所歸必
不底于廢弛公即會諸部使者與布政司按察司官僚
議僉以為然遂擇郡庠之巽隅高亢明爽之地為址構
祠準式為主於中居者名宦於左右居者鄉賢其位次
不以官爵之崇卑而以年代之先後設主以奉安之焉
祠易舊名取詩高山仰止之義名之曰仰高蓋欲人仰
諸賢之高風峻節云仍俾為郡者每歲春秋二上丁享
先聖先師禮畢擇日率僚屬諸生於祠以行釋菜之禮

著為約祠之成實天順己卯正月也明年知府沈琮至
於拜謁之餘重公斯舉得禮義之宜有繫於風教不遠
數千里致書於予求言以紀興作之由予石殆俾祠永
永勿壞夫名宦與鄉賢之祠通都大邑在在皆有誠以
其有功德及人而然雖祭法曰有功於人則祀之其祀
之也然非出於人秉彝好德之良心則亦莫之能致矧
廣州之名宦鄉賢如前所書者皆有功德以及人者且
祠以奉之其來非一日今忍廢之乎恭惟明皇殿宇以
聖繼聖正禮樂大興之日因其時而舉其廢也誠宜若
公是舉實有關於風教使非公識達大體知所重輕則
又奚能用心得於禮義至如是耶行見官於斯土者與
生於其鄉之士於祠登降裸獻之頃寧不有感發興起
思趾其美以如其人者乎此又不可不知葉公沈公建
祠求言之外有望於後人之盛心也葉公名盛字與中
由進士為吏科都給事中陞山西叅政至今官姑蘇之
昆山人沈公名琮字公禮亦由進士為兵部主事陞知
府前為夔州今為廣州嘉興之平湖人二公皆有守有
為之士歷官在在著聲所至當不止是者宜併書之

墓志銘

故理菴先生陸公墓誌銘

嗚呼公以揚州府知府去官而歸歿于家之正寢其子
麒等奉通政使司通政錢唐畢公昌狀徵銘墓上石以
圖其親之潛德於不朽惟予與公有姻家之好亦頗知
公者銘美可辭惟公諱儔字全理理菴其別號也先世
汴人有仕於宋者名瑋南渡始居會稽之鯉魚橋至七
世祖仲二府君者遷今上虞之通濟坊遂占籍為上虞
人公自幼穎敏讀書一目數行俱下年甫十二充邑庠
生論冠以能經領鄉薦會闈中乙榜授山東濟南府今
武定州學正州羅兵革廟學俱廢生徒皆道公既至竭
其心力於廟學則經營以完之於生徒則召誘以歸之

南齊書卷七

七

致 先聖有安靈之所賢才有進學之地至廣焉為
考湖廣鄉試官所得人才甚夥其選親族每夕焚香禱
于北長願以已壽益親之壽二親相繼歿葬祭一遵子
朱子家禮所費悉出已貲不勞昆弟服闋以前官調無
為州於所施設不減武定值 朝廷求賢膺少保禮部
尚書南都揚公薦陞行在都察院廣東道監察御史未
幾調南京都察院福建道監察御史禦平風裁舉正擊
邪殊得其體既九載獻績在途有 命自 天陞直隸
揚州府知府揚州路當南北要衝京號繁劇公處之裕
如吏民安之三載如一日忽以事例屬去官公怡然曰

士之生世所為貴無愧於心耳且其去其就有命存焉
矧吾年將耄得遂首丘之願足矣遂不白而歸殆青鞋
布襪經丘歷壑與故舊尋昔所釣遊處嘯傲烟霞消搖
泉石和擊壤歌樂太平之樂執意一旦竟以疾終惜我
曾祖均瑞祖原善父友仁嘗以公貴 勅贈文林郎南
京福建道監察御史母孔氏贈孺人配孔氏封孺人子
男三麒麟鳳文三葛耀徐操魏完其壻皆名族孫男四
諶韶震坦文一尚幼其生也洪武己卯四月初四日其
卒也景泰乙亥八月二十五日其塋之辰卒之明年十
二月二十日也塋之所邑之某山之陽也惟公屬家

南齊書卷七

七

其孝友蒞官竭其忠愛可謂之不規其為人矣或謂其
平生有不協於人者由其賦性剛方秉至不屈焉耳故
予於公亦云為之銘曰

其才也鉅其氣也剛自負甚重自力甚強狹邪是耻正
直是將奈何用弗克究身遽云亡惟窮通得喪命有廢
常君子安之厥德愈光遠矣斯立千古其裁冀爾後人
昌其未昌

故通奉大夫浙江左布政使李公墓誌銘

嗚呼公端人也質而有文朴而不華遇事則不坐不徐
為之必成底成績蓋任重道遠器也累任至浙江左布

政使以疾卒于官第之正寢其家嗣唐將奉柩歸塋故鄉以墓未有刻辭無以昭其不朽者先期奉其同門友廣西叅政武公達狀於予請銘既而其同寅叅政臨川謝公輔暨紹興知府白公玉重為之請況予亦素知公者不敢以鄙陋辭遂序而銘諸按狀公名彛字宗倫山西之渾源人世以積善鳴于鄉曾祖某祖某父仲亨贈文林郎河南道監察御史母史氏封太孺人用公貴也公昆季二人行居次自少端重不凡殊為文林公所鍾愛嘗指公謂人曰吾家世積者德吾視所發必在此子甫成童即遣入郡庠為弟子員公勤於講誦不領餽資

南齊書卷七

雖初寒暑雨手不釋卷至寇侵境避匿山谷間夜則燃松脂為明以業其業至達旦不少懈同匿者厭之公從他吁崇之愈篤難平以某經出應鄉薦居高第明年會試禮闈升太學應推擇拜河南道監察御史厚乎風裁綱修紀飭致先進不敢以後進易之踰年河南民被所司以狂籍為軍者來訴于京動以萬計上命公辦之公按其地審厥所以甲是乙非繫惟允民用以寧未幾開封有群不逞殺越人于貨者不治則滋蔓為生民害上復命公處治公至會三司設方畧擒獲殆盡有其情不得已而脅從者則釋之一方之害遂息又若南

京應元民被勢要家侵其田民畏其勢莫之敢訴

上聞之亟遣公往覈其實公廉得其情悉歸其田於民俾民捷遂所欲而豪右為之束手由是聲聞愈彰值江西按察司按察使員闕遂膺近臣交薦拜命而往公既蒞止辦貪庸明枉直一方清肅軍民稱快者殆九年以丁內艱居故里時渾源胡寇來侵公躬擐甲曹弓守禦官兵且戰且守致寇不敢近殺其酋十數人公与有功焉奉 上命驛召至京陞浙江布政使司左布政使夫浙江地大政繁每難其人公於承流宣化之餘於所庶務則不動聲氣處之有方事竣輯民安而上下交

南齊書卷七

慶焉今遠至此則孰不為之惋惜配夫人齊氏先公七年卒繼配楊氏皆端莊貞一為婦為母具得其道且治家恭儉或謂公之有為有守亦夫人贊助於內云公生於洪武癸酉二月初一日卒於景泰丙子六月廿五日夫人生於洪武乙亥三月十二日卒於景泰庚午七月初五日子男四曰唐曰庠郡庠生曰序曰庸女二一適同郡武清廣西叅政公之子一尚幼孫男一女二卜以某年月日与夫人合兆于鄉之某山祖塋之次焉銘曰人孰不仕公仕特優試無不宜辜副所求肅內臺公既理矣外臺堂公亦得體維藩藉茲政行化宣不動

聲氣若使而然云胡弗壽遽釋其位聲實具存夫復何愧故山哉：千古其藏過者宜式視此銘章

資政大夫南京兵部尚書徐公墓誌銘

景泰四年三月初四日徐公歿于南京私第之正寢上聞嗟悼遣南京禮部尚書張惠諭祭命工部營葬事卜明年某月某日葬于錢唐縣南山履泰鄉之原先期其子鑑袁麻奉進士蘭元素狀徵銘其墓嗚呼公其歿耶予往年致仕東歸時公凌晨追送予於三山門外挽予舟執予手曰我一二年亦必乞歸幸毋忘同朝同鄉之好尚當與公徘徊西湖之上以罄平生之歡也其言

中興稿卷七

七

猶在耳何遽與予有幽明之隔耶公諱琦字良王世錢唐縣之江頭人家素饒財以祖被徵累謫戍蒙梁再徙寧夏公生寧夏姿英毅自幼耽嗜經史時四方名儒達士流寓寧夏者多公從之特難疑質問至忘寢食要之釋然而後已致先生長者樂與之進而器重之至蒙慶王殿下亦知其為人召勉之曰吾封內讀書者少異日惟望汝出色為朝廷大器也公俯伏授教由是於學於行益加策勵而不敢少緩未幾以蔡氏書中陝西鄉試春闈中乙榜入太學卒業特祭酒胡公之門公愛之俾朝夕侍側聽所講授故學尤倍進再明年登進士第

人多榮之以寧夏之有進士者自公始也既第擢行人司行人授迪功郎奉使足跡幾半天下在：著米藥聲膺近臣薦陞刑部陝西清吏司員外郎改北京行部兵曹宣廟即位命兵部清理天下軍伍尚書張本委公專理其事大著勞績事竣調行在兵部職方清吏司賜誥授奉直大夫既而：上慎簡廷臣之有為有守者使安南黎利權署國事公與薦陞行在通政使司右通政以行既至利拜命畢遣人議相見禮公曰吾奉：上命至爾爾爾主能盡禮於使者即所以尊敬朝廷禮何庸議利聞即趨拜坐下坐所醜珎異毫髮無所受及

中興稿卷七

七

還命清理天下軍職貼黃陞兵部右侍郎賜誥授嘉議大夫：上復命公賞勅問黎利往年抗拒王師之罪定歲貢常例至則利死利子麟尤為險詐公宣布朝廷威德暨曉以禮義示以禍福辭旨英暢俾一國上下無有不俯首帖服者至咸議曰此天使有不可以勢屈不可以利動雖鬼神亦當信服况我輩乎由是麟即感戴：上恩乃鑄金人一以代躬謝仍備方物遣陪臣以進闕廷所醜珎異猶前毫髮不受還朝公奏臣有寧夏戎籍未除：上命兵部除之復命考察南直隸官吏公黜陟惟允：上論多之尋奉：勅參贊總兵官張瑄

李隆守備南京機務正統己巳胡虜犯邊上以南京根本重地特陞南京兵部尚書仍兼資總兵官豐城伯李賢守備南京機務京衛官軍悉聽節制降勅有清勤公正茂著才猷之褒金織襲衣白金之賜有一言往年分調官軍丁口之在南京者宜悉送北京朝廷欲行其策公即會六部議曰南京實國家根本九舉措不宜輕易今調昔者所調官軍遺下人口往往勤輒不下數萬其中安土重遷者多人心一搖恐事有不可測者乃即與六部上其議事遂沮拜勅有祇事國家勤勞茂著之褒白金文綺之賜壬申秋九月忽遘疾上親乞解印綬詔不允命太醫院擇醫調治賜藥授安政大夫命下之日猶能力疾行謝禮執意竟以是疾不起享年六十又八公端方重厚智慮周密蹈規矩謹繩墨人有非義干之者公亦不拒亦不答至於論是非則辭色毅然不合於公不止自領叅贊來凡所授勅書不下二百餘通於所委任無敢毫髮愆墮至不待有命凡職分之所宜為者又無不竭力盡心以為之若武學既建而師徒輒苟簡傲望以為講肄之所公嘆曰此豈足為朝廷教育賢才地哉即具奏擇京城西南高亢明爽之地一區以創其學材木既斲有所未備公即捐俸

以足之又曰有學必有廟古之制也今有其學廟可無乎即又首捐已俸為倡經營締構卒致有學而有廟焉且平生篤於孝友嘗以祖父歿皆寓葬寧夏未及返故鄉每念一至輒泣淚下曰吾老矣望他日成吾志必吾子也有姪三曰鑄曰銘曰鐸皆少孤公教之育之不異已出俾皆有室至皆有子愛其子尤不異已孫焉曾祖達之祖德富累贈資政大夫南京兵部尚書祖妣李氏累贈夫人父永恭累贈資政大夫南京兵部尚書妣李氏累贈夫人配于氏累贈夫人繼配于氏累封夫人子男一曰鑑即水銘者讀書惇行不凡器也女三一適劉瑄杭州右衛指揮僉事一適金吾後衛指揮同知繆純一尚幼孫男一曰遠公所交文章德行之士非不多也而臨終囑其子以銘見接蓋以予相知為最深耳故不敢以不文辭銘曰天佑皇明篤生英傑巖堂公與其列榮躋膺仕爰自甲科不剛不柔不偏不頗簡在帝心累升擢要敎歷中外勤輒有效曰鎮南京南京以寧曰使南交南交是懋由學之正由行之方赫々勲烈宜紀奉常經事五朝終始一致不沒者存慶鍾賢子南山之陽土厚泉源子以妥魄千古自今

故福建按察司副使前中憲大夫都察院左僉
都御史鄭公墓誌銘

嗚呼公以中憲大夫都察院左僉都御史調福建按察
司副使卒于官實天順元年十月廿七日也其子政等
將以明年四月某日塋于錢唐縣龍山之原先塋之次
先期致持其門生浙江布政使司左叅政樂安謝輔狀
介士人陳昂徵予銘其墓上石按狀公諱顯字士昂別
號思菴姓鄭氏其先榮陽人遠祖有曰元卿者仕宋四
廟都指揮使從高宗南渡遂為錢唐人高祖宏蘭草書
院山長曾祖啓先祖德名父惟忠號師善累贈中憲大

鄭公墓誌銘

夫都察院左僉都御史母張氏累封太恭人用公貴也
公夙志于學所居胥江之泮別築藏修之所曰胥江草
亭左圖右史日昃明師益友研訂其中學遂大進入郡
庠為弟子負宣德間膺鄉薦以蔡氏書中前列明年會
試中乙榜授江西撫州樂安縣儒學教諭黜華務實經
其指授成名者惟多廟學壞捐貲為倡創葺一新視舊
益加弘敞邑有無賴曾子良輩嘯聚大槩山郡縣錯愕
計無所出公率民兵出與賊抗賊潰邑賴以寧事
聞未報膺少師兵部尚書華蓋殿大學士楊文貞公薦
遷福建道監察御史按部京畿檣強禦糾姦貪聲譽歟

鄭公墓誌銘

文

起迨歷福建蘇松諸郡風紀尤振致士民歌詠其政績
者彰：九年書考居最陞雲南按察司副使時麓川思
機發不靖公調發軍資有方靖遠伯兵部尚書王公薦
以才畧過人宜膺重任奉 勅代侍郎侯璉參贊總兵
征南將軍沐公軍務苗賊攻圍貴州地方城堡移文告
急公曰唇亡則齒寒即與捻兵議調兵策應賊聞之宵
遁事遂平鳥撒畢節赤水永寧站路營堡被賊燒毀遣
指揮使楊濬率軍整葺猶舊騰衝與麓川接壤添設衛
所乃其草創軍士不寧厥居者多公區畫布置立營
居分田以耕復立市井俾其有無得以相易保障之
而固奉 勅陞大理寺少卿代侍郎羅琦督運糧餉丁
父憂襄事甫畢奪情起復拜 賜白金綵段陞右僉都
御史降以巡撫雲南關防叅贊如舊時思機發竄伏緬
甸 朝廷欲發兵征捕公與總兵奏以地勢不利恐勞
師喪財乞差人賁 勅緬甸諭以利害則思機發必有
可擒之勢 勅可其奏遂遣都指揮使等官往諭之緬
甸即出思機發之母及妻女械送 京師論功行賞
又拜白金綵段之賜仍勞以筵宴入 朝議事陞左僉
都御史賜宴及五經性理大全等書拜 誥命進階中
憲大夫獎諭甚至及還雲南水城圯屋壞米價騰踊公

為設法修葺照舊其地諸水皆趨滇池在昔為土堰以障其流屢修屢壞公易石以甃仍置牐視水大小而啓閉以時民甚利之天順改元調福建按察司副使復將有為無何按部屬郡以疾卒于建寧之分司其生永樂甲申六月廿八日享年五十又四配王氏累封恭人子男四曰玫瑰琦珣邵庠生女三一適何鈺一適霍景孫男四女二公賦性英邁有猷有為敍歷中外幾三十年所至猷為有聞致膺 眷注蒙寵賚者不一豈淺之為儒者之可比使天假之以年則其功業豈如是而已哉是宜銘之曰

南齊書卷之九

胥江之濱山明川麗雋生現傑公其是似 明時武選率膺任使棘寺烏臺文章政事勲績煌煌逾著南詔既文且武有條有要軍功克建軍機充料匪寬則猛以靖邊徼 褒嘉自 天重榮疊耀衣被昌勝感激奚報企古蓋臣畢智單慮惟忠惟勤惟仁惟恕調官八閩耳目之寄惕厲戰兢冀肅風紀盡除冤伸枉理惜施未究乃止於此龍山之原千古托體流譽無窮可謂不死朝請大夫贊治尹國子監祭酒致仕陳公墓誌

銘

天順三年五月二十日朝請大夫贊治尹國子祭酒致

仕四明陳公年八十又三卒于正寢將以是年十二月十二日塋于邑之某山之原先期其子國子學正培以主喪不敢離於殯側遣其弟塗持南京工部尚書兼大理卿前都察院右都御史王公某狀徵予銘其墓噫予與公老友也可忘情哉不敢以不文辭乃按狀序而銘之恭惟 太宗文皇帝臨御之初急於得賢以求樂初科所取之士四百餘人之中拔其尤者曾榮等二十八人俾入翰林盡啓中秘書畀讀之以期其文行不至於古之人之地不止若公亦其一也公名敬宗字光祖別號澹菴長身玉立丰姿洒然望之猶神仙中人自初

南齊書卷之九

襲家庭父兄詩禮之訓甫冠入邑庠為弟子負荐以詩經膺薦中鄉闈上春官對 大廷遂登進士第為庶吉士以復膺簡拔感 上策勵之重自入翰林不懈於用力致學之進若水湧山出聲名歛起乃預修永樂大典修 大宗文皇帝實錄事竣宴于禮部燕文綺寶鈔之賜選為刑部主事未幾 召修性理五經四書大全改翰林侍講修北京志書以母喪歸宣德改元驛召奪情修 仁宗皇帝實錄為會試同考官陞南京國子司業奉 敕獎諭詣 闕謝 恩志在整飭學規有沮抑奔競沙汰冗員等六事入奏皆拜 俞允回即嚴立教條

痛華諸弊日勵諸生刊落校棄培植根本致六館之士
從其化者翕然先聖殿學館暨諸生寓舍書籍禮器有
弊壞者悉整飭如新九載陞祭酒奉 詔命封贈父母
妻室仍 賜歸行焚黃禮後 賜寶鈔六百錠為祭奠
道里費存沒有先實出異數公為文章出經入史上於
應 制下及酬答四方之求不費構思下筆如流比迹
大家且工書法有晉人風度至若操執猶玉壺秋水抗
之不濁澄之則清愈徹其底也歷事 五朝幾五十子
無纖疵毫穎之可指景泰庚午以年七十乞致仕章凡
再上始得 請既歸閉門却掃優游家居者十年更其

南齊書 卷七

號曰休樂老人至是享有高壽而沒遠近聞之者無不
為之惋惜焉曾祖希曾祖德莊皆樂恬靜為鄉閭人父
抗德與知縣累贈朝議大夫國子祭酒妣伊氏累贈太
恭人配桂氏先卒繼配蔣氏俱封恭人側室劉氏子男
七場早卒培國子學正坊邑庠生垣奎長樂縣學教諭
埶周皆業儒女三一適桂怡湖廣按察司副使一適裴
平一適趙增皆名家子孫男十四女若干曾孫男若干
女若干平生著述有澹菴集行于世嗚呼天之生才何
代無之故出而造諸用者恒雖有其人然欲求其文行
始終一致者殊鮮若公之所負其文其行始終克副

上之所期待至享有全福而歸一世能幾人耶是宜銘
銘曰

士之文行必貴兼致文純行篤斯足為士維公之文出
經入史維公之行迪仁錫義載筆 兩京潤色
帝制作範六堂矜式諸子一代儒宗 五朝國器
邦家之光斯文之庇皓首而歸正寢而斃生榮死哀名
完實備鄉山之原千古托體餘慶之存尚佑來裔

誌銘

故正奉大夫浙江布政使司左布政使梁公墓

南齊書 卷七

正奉大夫浙江布政使司左布政使泰和梁公享年七
十卒于位將以是年某月日塋于邑之某山之原其壽
壽以主喪不敢離於殯則稟命於其祖執右布政使緣
郡秦公左叅政桂林陳公遺案牘能某越江持公交斷
江按察司按察使同邑曾公所為狀徵予銘其墓嗚呼
予與公之父兄素所往來者且識公之文字於鄉之秋
開知公為最深銘何可以不文辭但不忍為之也公名
蔡字叔車別號松軒而梁實泰和右族世以詩書禮義
是務子孫或顯或隱代有其人公自幼承家學之懿端
重不凡有相者見之指公謂其祖畦樂先生曰是兒他
日貴不可言宜善撫之與兄果習舉子業兄弟互為師

友業殊有進薦薦秋閣一掉執兄弟皆捷公尋中進士
第授刑部主事未幾陞員外郎時尚書魏源性嚴憚人
莫敢近獨公遇獄有疑者能与之辯不歸於至當不已
若蘇之民人倪阿雙坐同謀殺人稱寃在獄二十五年
經十三司皆不能決部特委公上取成案閱其所犯坐
咸得不死由是公名大著薦陞廣西按察司副使兩
考陞廣西布政司右布政使一日他听洞鑿入柳州界
劫掠人民男女官軍追及之以听掠男女悉殺之以要
功公知之謂其首帥曰今後官軍但得被掠男女一人
生者惟功一級自是男女得生者莫計其數田州土官

卷七

岑繼兄弟互相讎殺經年不解時都御史馬公鎮守其
地謂公曰此事非公往諭欲其二家帖服不能公遂行
既至公曉以大義洎申 朝廷之大法二人即叩首曰
不敢不奉公教二家即帖然服公還二家各以黃白金
其殺不鈔為謝公悉却之曰得尔兄弟和氣如初尊奉
朝廷即是我受惠也又一女土官梗化公与巡按監察
御史侯爵皆行處治侯以風紀律之其徒擁衆咆哮不
服公起叱之退徐以禮法曉之衆皆叩首曰唯公之
教是遵再不敢有犯違天憲侯曰公何以得其心如此
公昔入听謂小范老子胸中有幾萬甲兵者公其近之

矣又兩考陞今浙江布政司左布政使公至不動聲色
以平日之所存者惟廉惟謹正以率之卒致貪廉薄敦
利興害除俾一方面若老若幼無不仰之如神明尊之
如父母迨述听職拜 上旌異賜宴禮部及襲衣既歸
公以廣西与浙江听歷任歲月通理九載赴吏部併陳
年已七十乞致仕部以公年雖七十精力未衰以
聞上命復職至官感疾而卒高祖才可曾祖考卿祖不
移別號睦樂多才多學鄉里恒尊稱之曰睦樂先生父
用之別號泊菴累官翰林侍 講春坊贊善其平生著
作有泊菴集行於世母某氏有賢行夫沒慟哭哀毀不

卷七

食而卒配蕭氏德与之齊子男七曰翊早卒曰英湘鄉
訓導曰彦早卒曰萬霍立丞曰瑞曰光曰浙女二一適
高壠一適楊資孫男七壽宸寅寧宣魯孫男一政其
生也洪武壬申九月十七日其卒也天順五年八月初
十日嗚呼公之為政蓋多本之學問寬不失縱仁不失
宗威懷並著殊得為政之休之君子也狀謂其外和而
內剛方寸之間光輝明白信夫宜為之銘上曰
猗欤公也右族之裔志篤詩書名登科第始官秋曹水
漿是勵三尺惟謹必先仁恕逮陟方面宣化承流雍容
坐鎮厥職允修化貪与酷敦薄与瑜始終一致威德四

周述職于 天榮膺旌異欽以瓊漿服以文綺煒煜煌光昭青史今雖云亡可謂不死芝蘭玉樹有賢子孫其流斯清實由其源家山是端哉其墳揭芳振華勛此銘文

故端居廬先生墓誌銘

先生名楷字用端端居其別號也上虞人予聞上虞多詩禮故家名著其邑為最者曰盧傳管張而盧則又為四族之冠其出詩入禮之士代為不乏若先生亦盧氏之一也先生少負才雋洪武中膺明經薦初授丞山西之懷仁再授丞廣西之桂平所至興學校勸農桑除奸

會稽稿卷七 主

革弊卓已有聲致民愛之猶父母戴之猶神明坐墨誤謫成陝西之甘肅既至以書謁鎮守總兵西平侯宋公公聲威赫赫於人甚慎許可者與先生語特奇先生之為人即留帳下為子弟師父之公沒先生以子代成東歸未幾獲膺明經薦授直隸華亭訓導先生牖導有方致力外之發恒滿出其門者多成德達才之士九載獻績陞直隸祁門教諭而其為教不異華亭效亦如之又九載年未七十竟以老薨其於進退之義其明決也又如此既端優游林下以禮以義矜式鄉鄰者十有餘年享年七十又八以微疾而卒計聞鄉鄰孰不洒泣曰老

成人亡矣老成人亡矣考德問業而今而後從孰歸耶高祖某曾祖某祖某父某母某氏配某氏繼配某氏子男五伯遠伯深松江府學訓導伯時伯駿伯某皆讀書傳行不忝為先生之子孫男若干人先生學探孔孟燕天文律曆無所不通嘗誨其徒曰一事不知儒者所耻今汝輩惟於場屋文字是攻問之他則緘口無對猶木強人其可乎哉平生明白正大無所掩覆與人交篤於信義人有負之者畧不与之校長子年二十尋先生之教惟多當其婦也予時在考功執別之頃羨先生之乞身未老以不獲隨後塵為歉先生曰以子之年以子之

會稽稿卷七 主

精力此念之動須二十年後其殆庶幾乎其勉之子其勉之孰意其言果驗今先生已矣痛不又見矣予退休林下今年九十一矣以先生之子伯駿速銘先生墓上石予姑撮平日之所知技浹序而銘之銘曰猗欽先生有德有學既弘且深豈淺之若特厄於命道不大行使命不厄其效必弘無忤無媿靡尤靡怨惟以所抱誨人不倦正寢而斃不忘者存餘慶之昭子孫誥誥高墳載某祖光之側我銘揭芳過者宜式

故驃騎將軍上輕車尉前鎮守浙江左軍都督
俞事致仕奉 詔進階榮祿大夫張公墓誌

銘

成化七年七月初四日驃騎將軍上輕車尉前鎮守浙
江左軍都督府都督僉事致仕奉 詔進階榮祿大夫
張公年九十又四以疾終于正寢先是公遺言於其子
嵩曰人之生也猶晝夜然吾今年已近百命在旦夕平
生所交文士率多物故知我者在無如蕭山魏尚書公
者吾若瞑目尔輩當求其言以銘吾墓公既沒嵩奉柩
將以是年八月初三日塋于錢唐北山之原乃奉遺言
以告子併持四川布政司叅政錢唐兵君誠所為公狀
來請銘嗚呼公少予四歲托交二三十年中間彼此宦

南齊書卷七 主

轍雖有東西南北之異迹雖殊而心則親也無日不奉
奉然今公已矣千載不朽之托雖不言尤當為之况遺
言之脫亡乎故不辭即序而銘之按狀公諱真字以誠
周陽之五河人由 聖朝洪武中兄梓任彭城衛正千
戶公當 太宗文皇帝奉天靖難時公年二十以武臣
子弟膺推擇扈從以功授彭城衛正千戶尋陞指揮同
知事平論功行賞陞徐州衛指揮使進階昭勇將軍公
尤開誠心布公道以盡所當為致軍民按堵聲譽昭彰
永樂中以前職調浙江臨山衛 朝廷以臨山僻在海
隅為倭寇出沒之所非得其人以統馭之不可誠以公

陳達老成足以當之而然也久之宣德癸丑膺近臣薦

陞浙江都指揮使司僉事甲寅入 覲廷議以公才行
卓越足任藩翰陞公署左軍都督府都督僉事鎮守浙
江正統戊辰金華慶州寇盜竊發守臣莫之能禦公即
躬擐甲冒率師平之拜 上冊書褒嘉實授都督僉事
進驃騎將軍上輕車尉無掌浙江都指揮使司事時公
年已七十上馬猶矍鑠精力不衰尚可與強有力者決
所以乃嘆曰古者七十致仕禮也又曰知止斯不殆知
足斯不辱吾豈可不循禮以為之計邪即上章乞歸老
拜二上許之於是日唯優游錢唐南北兩山間以樂其

南齊書卷七 主

樂慕岳武穆王之忠過其祠每盤桓嗟久繼素餐賈似
道遺址則目不少視輒切齒嚙罵以惡其姦邪祖五
父得贈如其官祖母葉氏母姚氏妻侯氏俱贈夫人側
室趙氏李氏林氏子男四曰讓早卒曰智襲蘇州衛指
揮使亦卒曰嵩曰春奉勸分 詔公命出粟賑飢蒙賜
冠帶以榮終身女五孫男九曾孫男三惟公出自武弁
心君孝親本乎天性慕詩書尚禮義樂與賢士大夫游
雖位至極品其輕裘緩帶雍容和粹未嘗以賢智勢位
誇人方諸古賢將若祭征虜者一不忝也宜其備享福
壽茲令終世果有幾人知之哉銘曰

繫欽公也才兼文武恭承 聖皇授職禦侮或使于外
或居其中克殫忠勇詭著厥功 天寵懋加公日愈謹
位斯以崇祿斯以進知止知足勇退中流湖山是樂不
假外求有聲有譽有孫有子視世之人能如者幾北山
之原泉源土厚托体于茲千古其父

墓表

故奉直大夫吏部考功員外郎李公墓表

國家設科取士以其士之才足以致君澤民而取之也
故士之所學朝斯夕斯亦惟攷其致澤之術俟其需而
展之耳夫何士於既出輒昧所學不卑焉為勢力之

南齊書卷七

李

所屈則凝焉為貨賄之所移求其於所學不肯馳不
債事不僱辱不負 國家之盛意焉所學者誠不多得
予交李公茂弘字用受台之黃岩人自登進士時予已
知其名而未之識及聞太常少卿錢唐儀之王先生道
其學行之詳而喜其為人名不為虛得者一日過翰林
會東里建安南邵三楊學士先生談後輩人物之長而
建安歷陳用受為戶部主事時緝事閭藩有為有守之
賢而東里南邵亦得而嘆賞之不置故予因其交工部
主事李文定邀致之而與之會一見若故自是相與日
密始悉知學行之正操履之為竊愛科目之求而有斯

人我惟時求賢之 詔屢下建安欲薦之以居禁近或
曰惜用受鄉音未盡清謹之才用之自有其地姑止
未幾吏部考功主事負缺方難其人適用受自黃岩行
焚黃禮選少卿吏部尚書寔公遂奏改考功主事予時
為考功員外郎與之為同僚聲應氣求視昔裨益於予
為尤多匪特予得其裨益自尚書而下感慶以為得人
及予陞南京太常少卿執別之頃用受謂予曰某與執
事相見未如何日某之鄙陋惟是而已倘有未逮乞直
書見遺俾某始終得行其志幸也既別聞用受米藥之
操益厲予甚喜之且聞其主事書考例得序進正五品

南齊書卷七

李

吏部時無正五品缺奏留為考功員外郎視正五品反
卑一級有為用受父居即署不有峻擢為惜者用受固
之乃曰人豈不自知吾苟躡等而進其於吾才何安於
所遇又如此父之天假其緣予自南京驛召為吏部侍
郎又獲與之握手敘平生如故既而用受負外郎秩滿
予適奉 勅巡撫于外執意竟以疾辭廷臣知者咸留
之而不可得遂歸踰八載予亦謝事還山彼此方期抵
掌遨遊浙水東西以樂所樂無何用受屈疾至于不起
實景泰壬申正月十九日也享年七十又四嗚呼悲哉
上世閩人避亂徙黃岩初姓林氏以舅氏無後高祖天

麟奉父命為之後故子孫因循氏以李云祖元紳洪武
中齊明經薦選授知縣事戶部父長民以用受貴贈
承德郎北京行部戶曹主事妣茹氏楊氏皆贈安人配
丘氏封安人子男三曰讓鄉貢進士蘇州府學訓導孫
履廉正有父風以居父喪哀毀而卒孝子也曰讓先二
年卒曰恩讀書傳行恪守先志女一邵能納其婿也孫
男五女二其墓之所里之官鹽山之原也所著有金臺
蘇閣南徇東藩摘歸田集藏于家嗚呼用受教重貞懿
廉介沉毅不奔競不詭隨遇事不擇險夷為之無毫髮
或戾所學故凡三為主事一為員外郎皆劇司也經事

金華縣志

卷七

四朝幾四十年所為所中主潔水清始終一致其德被
卑上觀上有魏科目与平昔所學者不其大有遠矣耶
年雖已曠中壽惜位不逮德而所施未究其惠焉耳暨
我乎用受今其已矣安得應科目之求能人如用受
哉予念与用受相知非一日及為同僚彼此一心誠所
謂異姓骨肉也今而幽明遽隔歎臨總惟一慟而不
可得茲恩奉前翰林檢討江西按察僉事致仕陳先生
狀求予表其墓夫陳先生端士也為予素所敬慕者其
言尤可信其何可辭故按狀撮其平生自立自重所操
所存之大為表昇恩錫諸墓門之石黃岩固君子鄉也

尚使黃岩後來者知黃岩君子中之有斯人又後乎其
孝者也

故義民錢世淵墓表

金華錢義民既卒垂已五年矣其子達不遠數百里持
江西提刑按察司僉事王君迪狀介其宗人錢舜清徵
予表其墓上在邑之玉泉山下廟塘之原先塋之次按
祔義民諱澤字世淵後其指知者私謚之曰敦義上
世抗之臨安人實五代時吳越武穆王之裔有遠祖昭
聰系中曰昭聰者仕宋金吾上將軍歿前都指揮使出
鎮婺州娶即今之金華府卒塋葬之浦江縣鳳凰山曰

金華縣志

卷七

系中者仕宋贊文閣待制充福建兩浙安撫使卒塋葬
之金華縣赤松鄉王泉里子孫以二祖之墓在金華遠
定居焉稽其世次義民於武穆王為二十一世孫也會
祖壽元龍游縣主簿祖身父仲誠養晦林泉恬於進取
有至行鄉以長者称之義民自幼習家庭詩禮之訓讀
書尚義忠厚出於天性与扶人居扶人犯之者不較也
与鄉人處鄉人有忤之者不較也家素饒資於義有所
當為者不知則已知則輒斥其餘為之不少靳若邱庠
之明倫堂石橋石山縣庠之兩廡兩廡校官之廨宇俱
父廢蔑有舉之者皆出資以營建之且不以為已德述

歲時罹飢饉民不聊其生者多謂諸子曰歲事如斯吾家可獨飽耶即出穀一千二百石以助有司之賑濟民有素所逋負者較一千四百石召其民於前悉焚其券以示再不索償獲其濟者甚衆有司以其名聞拜聖書旌之為義民至勞以羊酒景泰初閩浙之交山民嘯聚不靖上聞命將出師討之復遣子達輸米四百石孫石輸銀二百兩於軍前以充調發事平論功行賞達拜賜冠帶以榮終身石邑庠生陞國子生以俟需月其急於為義者多類此平生自奉甚薄於凡紛華盛麗泊如也其待人接物一以至誠致人亦不敢一之或

歎生於洪武庚午五月初三日卒於天順戊寅五月廿六日享年六十又九配楊氏繼配童氏子男四曰谷曰達曰耳曰順女一適鄭宗理浦江義門子孫男九曰石曰不曰穆曰稜曰采曰枯曰馨曰馨曾孫男四女二嗟夫自昔隆平之世教化行而風俗美多本之於大家世族蓋大家世族為禮法之所在大家世族於所當為能以禮義是尚則凡鄉鄰自無不化之者若義民則素為今華巨室觀義民平日之躬行實踐悉以義禮是遵則俾鄉之人化之而咸歸禮義之域也必矣則豈不謂之有俾於世教之士哉子故於狀撮其有警於俗者而為

之表俾歸錦諸石於墓門非特為其子孫勸而且為其有志於禮義者勸云

故中憲大夫杭州府知府胡公墓表

中憲大夫杭州府知府胡君卒達于鄉之鉛山縣山之原其弟清與其子璜以太常少卿陳公狀所徵廣西左布政使夏公銘按禮納諸幽已仍礮石墓上請于杭郡貳守李君復以前狀於予求又刻于石以表之予念居林下於君治所雖有吳越之分僅不過限一水自居視募聞杭之民有過予者頌君為政之美無老稚若出一口竊嘆曰使天下之為郡者能體朝廷之心而皆

如君則天下之民其有不安者乎每念之不置今君已矣則其德善於君之表也其何可以不文雖公名澤宇源淵其先浙之江山人至曾祖始遷今江右之鉛山子孫遂以鉛山為定居焉曾祖宣祖某父某皆有隱德居于鄉君年十三膺推擇為邑庠弟子員性穎敏刻志于學甫冠以蔡氏書中江西鄉薦明年赴會闈名在乙榜例授校官以年少辭領卒業大學俟再科未幾登第二甲進士出身蒙授主事自刑部而禮部自禮部而工部凡歷三部所歷皆卓卓有聲至拜敕命旌之贈封及其父母妻室天順改元膺近臣薦陞今知府惟杭為浙

之劇郡人多難之而君之為也則從容不迫若固有之於庶務之來必審其緩急察其重輕不為威惕不為勢疚惟主之以公行之以恕在必期其有濟而已不半載致有事輯民安之效由是賢能之譽溢于遠邇若閩郡之民因不舉手加額愛之猶父母仰之猶神明焉父之躬行屬邑以察民之利病時值久旱行次新城見其田疇乏水灌溉者弥望君乃登山盤桓周視得其五里之外有水可引為濟特限於陸地不能致耳君曰地必有主特召其主諭以引水之由民咸懽然曰府公欲地開渠以濟吾民吾民其何敢吝其地不為府公開渠以濟

南齊書 卷七

三

吾民乎君即召民欲其利者於地開渠田遂得水未稼以蘇是歲致田大熟民感其惠名其渠曰胡公渠又次富陽其田乏水亦猶新城君相其地上可引山泉下可引江水乃召民致牌一所而時其蓄洩於旱不至于乾於澇不至于溢於農殊便民亦感其惠名其牌曰胡公牌至若新城有唐許遠忠臣之廟錢唐有唐刺史白居易宋知州蘇軾處士林通三賢之祠其祠廟歲久傾圯君聞之曰是有關於風化者吾之責也即出已俸為倡率僚友及好義之士伙助修建至于一新以聳士民之瞻仰郡有老姦宿蠹武斷鄉曲者悉禽擯而草薶之以

除其為民之害於是聲微 上聞當述職于朝蒙

錫宴禮部至有織金襲衣宝鈔之賜以 寵異之焉乎

生尤嚴子弟之教若其弟漢父沒之日命以教育之君

恪遵父命程督之頃必諄諄諭之曰尔才不成則我異

曰何顏以見我父於地下漢亦感其言致學之有成今

為邑庠生殆嚮用有日也且於敬老尊賢之意尤篤郡

有致仕之老若太僕卿王公布政使夏公太常少卿陳

公輩凡十餘人諸公於好天良日嘗設會曰恩榮以樂

其樂既會必延君以主其席君即欣然赴之未嘗以公

務辭亦未嘗以會而廢其公務也君間亦設席於三賢

祠之思賢亭以酬諸公之會燕樂之餘仍徵各賦一詩

以紀其盛刻之于石有不徒俾香山洛社諸賢專美于

前之志其高風雅致又如此故少卿公之狀謂公之才

之德之優方期進列方岳登庸廊廟以大厥施不但惠

及一郡而已不知司造化者既豐其才而乃齎其壽何

耶信夫嗚呼君其賢矣哉卒之日囊橐蕭然棺斂之具

皆賴僚僚交李君輩以伙助之以此尤足驗君平日之

為人也既卒葬已而又有賢僚友為其子弟求文以彰

其德善於不朽宜予樂為之表而不辭

傳

樂園處士傳

處士名宣字孟敷樂園其別號也世蕭山人邑志所載
宋名士沈即中墓在龕山者去處士家一里許即其
世祖也曾祖某祖某父某母某氏世為邑之名族子孫
以農為業暇則父子兄弟自為師友誦詩讀書以禮義
是尚故族之賢者能者代有其人處士兄弟四人行居
二以叔父原貞甫無嗣自少奉父命出繼其後原貞甫
讀書善治生有器局子弟鮮有能當其意者而處士克
繼其志於所歆為甚協其心致原貞甫悉以家事屬之
日惟優游於東門西陌之上達其所達者多處士之力

會集稿 卷七 三

也原貞甫每指處士為人曰吾家素尚清謹所慮者子
弟頑率奢傲以壞吾家法吾觀是子不為俗習所移動
必以規矩自防承吾宗者必此子他日吾可瞑目地下
矣又原貞甫沒處士於所持身日益謹於所治家日益
嚴秩上焉而所樹者皆振祖揚宗之蹟致宗族鄉鄰咸
嘖上與之曰原貞甫可謂之有子矣且意度閑雅善於
處人然見人有為不善者必避之畏之不啻猶蛇蝎然
終年足跡未嘗入城府樂與賢士大夫交禮度恂上不
諂不瀆終始一致故與之交者罔間親疎咸謂處士為
君子人由是邑大夫於鄉飲必欲延致之為賓輒擇不

美乎觀今浙江按察使鳳陽陳公之所存所致可不謂之器識文藝之士乎公名璇宇 其先江陰宦族洪

武中以祖某資產甲於編戶徙實鳳陽子孫遂為鳳陽人兄弟十人皆俊偉特公天資尤穎異甫冠充郡庠弟子貞蚤夜孜孜篤志於學不煩師資而日進之業倍人嘗與同輩曰吾輩為學當寬不止於綴科可也苟惟圖此以進身而不思其遠者大者豈足為報朝廷之作養乎迨登進士第拜監察御史凜乎風裁不察上而明不沒上而暗致知者以為得風憲體特從兄耘字德軒亦為監察御史其所學問亦不在公下予相友善

鳳陽陳公

間謂予曰某性褊迫然不若吾弟某之雍容寬裕喜怒不形他日遠到吾必不若嗣後公果膺敘遷陞雲南按察僉事一日鎮守雲南都督沐公訪予吏部公讀書善談論於人不輕許可予因詢其方面當其意者凡幾人公曰無如憲僉陳某其人予復詰之曰何以知其為人公曰其於憲體未嘗倚法以凌人亦未嘗廢法以貸人吾以是而知予竊識之迨膺薦陞今浙江憲使浙江地大事繁為憲使者百責所萃每難其人公自下車凜冰玉之操不動聲色於所設施間不容髮寬不失縱猛不失殘正大明白欲寬其見於行事者殆不可以偃數事

致方面肅清俾浙江之人無間遠邇靡不向風而懷德咸曰良憲使良憲使已逮書考都憲者謂公少擊搏風公曰法貴禁人不犯不從禁而罹於法者某亦何嘗少貸邪卒以公言達大體既旋軫值考察官者徇於偏聽於公頗不協公即日啓行赴 關聽進止而浙之軍民咸動容履頌如失父母者不啻數千人填衢塞巷率輒獻以挽留之至馬不能前公不得已姑徇民情暫駐於城之宗陽宮一宿黎明取間道而去孰意其耆老李恒等視公又先抵京陳公之政蹟近臣亦以得民心為言由是 朝廷仍令公還視事且公於進退喜愠尤無幾

鳳陽陳公

微見頽面故識者謂公之量誠非沾沾小智之比又歎此也惟公平生內貞外和學修行篤故於臨政雍容自若不樹不矜其心惟在於正人心厚風俗為要於是自始至終一以德意臨人不鉤距以求情不玩弄以壞法稍暇則游心經史與寄興詞翰以適其所適而已噫器識既備文藝亦修非公其人而何今公考績將行予念先是耆老李恒等徵予文欲昭公之政績于石予方以不文辭公知之亟命仁和教諭聶大年向予道其意故予於文辭之益固今公車馬有行色矣予忝知公者且李恒之請亦不可孤聊述公之所存所致之舉于篇將

欲使觀者不徒知公之為人抑亦足以起其歎慕而慶
聖明之朝曷嘗乏正人君子哉

鄭僉事傳

公姓鄭氏名建字弘中淡泊其別號也閩之福唐人自
幼敦重樸雅讀書日記二千餘言及長從前都察院右
副都御史洪公英學公以其天姿穎悟不凡師資而器
異之焉經明蔡氏書業習舉子業學成膺鄉薦秋闈一
揮輒而捷明年上春官登進士第載蒙簡授為庶吉士
讀書翰林一日上御文華殿召試諸葛孔明可與興
禮樂論考居第一拜賞鈔一百錠仍命讀書期以大成

南齊書卷七

未幾言忤當道熱為廣之南雄通判既抵任知郡民避
徭役逃竄者居多公即與郡守輩議曰一郡之民吾聞
逃者過半吾輩將何為以荅上之所命乎衆皆默然
無以為意者公獨不避險難徧歷屬邑以招徠之仍具
奏許免逋負不數月民悉歸之尋罹內艱將去職致民
遮道攀留咸曰公其活我者公其將去我將誰依躊躇
久之竟間道乃始得行服闋謁選天官時值閩浙之交
民盜銀礦致爭至有與官軍拒者上命處州專設通
判一員以莅其事公膺推擇以任其任焉既至於民諭
以禍福且首為平其力役民遂以寧銀課亦不勞而辦

南齊書卷七

倭聞寇鄰茂七嘯聚流民越界攻掠上命將出師擒
之公時分守龍泉公偕其子某躬擐甲胄率民兵與賊
抗者數月斬首五百餘級龍泉以平叅將尚書石公瑾
復委公除其餘孽公直抵其巢察其情皆良民不過被
寇執挾而烏合之者悉諭之以歸農得其被虜男婦二
千餘口以還其家蓋亦由公平昔有信有惠及民而致
然也值公秩滿將有述職之行鎮守太監尚書暨巡撫
御史統藩臬二司列奏留之陞同知復奏公有平寇功
又陞食三品俸廷議銀場非得人以綱紀其事則不可
改公浙江按察司僉事公除茲剔弊較昔尤詳夫何有
奸民不得逞其欲者乃搆辭以危公致被逮者再人
皆惜之顧朝廷之明即令復任既還公乃以老且病
為辭獲拜俞允以致其仕云公平生篤忠孝寡迎合
冰炭固守所至不以家累隨去官之日行李蕭然昔先
正有言不求人知而求天知勿求同俗而求同理公實
有焉抑公豈不得為一代豪傑之士哉今其婦矣枯蒼
之士民有好義而知公者請傳其事以為去思予故撫
其實書以歸之士民曰葉某曰某曰某曰某云

陳梅隱小傳

梅隱姓陳氏名昂字尚銘梅隱其別號也抗之仁和人

曾祖某祖某父某世居蘭其業匪商則賈追梅隱獨能
以詩書是務非賢大夫士不交非孝弟忠信不為由
是學日以進行日以修致閭里爭延之為弟子師循
善教至從之游者戶外之履恒滿蚤喪父事母極孝謹
日未嘗頃刻或離母側甘旨滫瀡務適其意而甚得母
之歡心母沒謀壻值家甚落有欲助之者則曰親喪固
所自盡者敢假人哉即竭所囊橐以塋焉俾識者又無
不謂其孝而合禮善唐人五七言詩於書若真若行以
及隸篆各能臻其家法名聞遠邇至求其書者無虛日
間有好事者以所得人文字假公卿之名以求其書輒
辨其偽辭曰吾苟書之心其可欺乎雖奉以千金卒莫
能易其志性好梅以可勵德當梅盛開終日盤桓其下
以為樂而不厭故人咸稱之曰梅隱云予嘗於兩京間
與其兄教諭愛菊交知其為人久及休致還與之往來
幾二十年觀其所操所履始終如一曰蓋有處富貴而
不驕處貧賤而不詘處患難而不變之善之可嘉其視
彼名為士而玉表石中鳳鳴鸞翰者相去遠甚故為予
之所愛重焉匪特為予之所愛重凡公卿大夫士知之
者亦無不為之愛重之焉惜其湮沒於下不遇振之者
以試其所長於時耳雖然梅隱之所負則又不可不知

其在此而不在彼也今年六十無子撫其猶子二為子
曰環曰瑛尤為人之所愛篤實善治生恂恂然能承順
其志意執謂其無子哉故述梅隱傳者將以遺二子俾
其知所勉以紹其清芬也

張孝廉小傳

孝廉姓張氏名貞字志確別號愛竹今而縉紳中人又
稱之曰孝廉蓋即其晚年學行之進而然也先世
人曾祖某仕元濟寧萬戶所萬戶元季棄官寓居濟寧
入聖朝祖某以間右徙實京師子孫今又為應天府
上元人父某母某氏孝廉自幼穎悟與凡兒異祖抱膝
上教之經史不數過輒成誦謂其父曰此兒他日必能
振吾家宜善撫教之又成童即遣入鄉學以業所業屬
對吟詩愛出輩流師亦異之迨長膺推擇充郡庠弟子
負習禮經舉業之精不煩師資人咸期其大有所造就
一日家之所儲失楮鏹二千貫詢察之乃知其為顧二
人某甲所竊其人亦自首伏問其物今何在曰在今江
口三汊河家內父命孝廉與之同取及至乃告曰我逃
軍也住址實無孝廉時未冠思之良久不釋無人之境
去家二十餘里必反為所害乃縱其自如婦以其情白
諸父曰其人何在曰縱之去矣乃曰吾兒之見良是

吾兒之見良是且其時匿逃軍之禁甚嚴乃曰吾有子
矣吾有子矣未幾女弟蒙選入內府孝廉與母行與之
俱居北京有年又回父亡家日就落孝廉人以其有學
延為弟子師教有規矩且學應之無窮致力外之獲日
滿取資以養其母甚得母之歡心冬溫夏清朝夕不敢
或離膝下母忽遽疾甚劇醫藥皆弗效乃付曰棺尚未
備為之奈何默告之祖宗暫出謀之及回母病已瘥八
九及棺成寄之於朝天宮廡下宮懼驚攸而棺則歸然
獨存人咸以為孝感所致凡鄉之人遇有死喪患難悉
赴其門以決其措置孝廉據以禮義令其行之俾得
善終

卷七 五十五

日者輩不得肆誑嘗謂人曰人貴乎有親戚朋友者
於其死喪患難有所濟耳苟視之不異秦越人則豈為
親戚朋友邪間有不給者則又與其弟極資力周濟之
未嘗以為德達官貴人每薦之出仕則搖首曰有命焉
仕非易為者卒堅辭之弗就平生善步驟唐人五七言
詩書則精晉人義獻法遇大比有司必薦之入簾內供
筆札事致諸廣文輩其敬愛之事竣而還觀其與諸老
麋偕送和者盈溢卷軸致人榮之遇好天良日則與平
日相知為詩社者若賀友菊輩邀遊於佳山佳水間以
樂其所樂每歲即舉行鄉飲必迨之以為宿麗眉顰髮

強捷猶少壯時致人不指之曰天相之吉人則曰神仙
中人也子一習舉業殆嚮用有日亦孝廉平日之所積
之所致也予素與孝廉交甚稔知其為人適其門人某
以其平日盛譽為狀求予傳其實故得以此筆以塞其
請掛一漏萬尚期知者補所遺云

題跋

致九歌圖

昔楚三閭大夫屈原名平字姓博聞強志明於治亂為
懷王左徒王甚任之有上官大夫者與之爭寵造其隙
而譖之於王王遂怒而疏平故平憂愁悲思作離騷以

卷七 五十六

明已志若九歌是也夫九歌者楚巫樂神之歌平以其
辭多鄙褻故易其辭且托其辭以寓其忠愛之心焉上
稱帝嚳下道齊桓中述湯武其於道德治亂明之於辭
甚約而甚微忠愛之心藹然溢於言表先儒謂其有國
風之不淫小雅之不亂誠如其所許也已夫何宋李伯
時以墨妙一世乃圖其歌之所事之神以傳於世故世
輒以伯時之墨妙而寶之也噫鬼神無形與聲其可以
想象而圖之者邪然世之好事者惟知伯時之墨妙之
為好又其可不詳平之文所寓之忠愛而好其九歌以
察其心哉予邑喬木故家陳氏多藏法書名畫是圖蓋

其所藏之一也茲其家曰竹逸處士者以是圖出示於予故予得識諸左方云

廣西左布政使夏公畫像題辭

中奉大夫廣西左布政使夏公名時字以正別號宗禹子明敏端潔由進士累官至今職時之名臣也其子宏義命工繪公之像蓋自弟子負而進士自進士而給事中自給事中而僉事自僉事而參議自參議而布政使其像凡六通為一卷一日宏義持以過予知公惟深請一言以識其端予聞昔子朱子每十年必作一像迨後世率有責顯之士每官一轉必作一像今宏義繪公之

畫像題辭

像累至於六者殆亦取法於是也雖然宏義繪其親之像豈徒然哉計必欲為子孫者於公百年之後見其像則起其思起其思則其居處忘意笑語嗜好從之而可得以前其春兩霜露之感由是推之則公之像誠有助宏義為子孝親之心也已予則又曰公之像固不可無以系其為子孫者之思然要不可不知其像特像其外耳而公之存於中者心則子孫何可不思求之以嗣續之哉何者公經事五朝幾四十年于以為政則政無不治于以理家則家無不齊致令朝廷之上推公為昭代之名臣鄉閭之間推公為名門之賢嗣其所以致

此者皆由公一心所推而然是則宏義果可不又即其像而求其心以為繼繩之大者耶若然則公之澤垂於夏氏者詎有涯乎予與公非一日之好喜公之子有世濟之志故舉公之繫書以歸之且勗宏義之子孫謹於什襲以承傳之云

書群兒擊蛇卷後

昔孫叔敖以蛇有兩頭人見之必死即殺而埋之使人不及見孔道輔以蛇為妖於寧州即擊之以死使人以絕其惑此仁人君子之用心也若是圖群兒見蛇而擊之是群兒亦知其蛇為害人之物故爾殺以除其害是亦良心之後也彼貨郎者力欲救之以勿殺匹夫之小不忍果如是耶此事出於稗官小說固不足信使果有是事則貨郎寧不為二公之罪人歟然貨郎匹夫也又何足責哉是圖描法精緻實予邑故家陳氏竹逸翁所藏之物翁知言者故書以歸之

書朱文公墨蹟卷後

宋朱文公先生學貫天人續聖人之道於不傳之緒且於經史之奧義宏綱條分縷析集群賢之大成以啓迪後來其功有垂之千萬世而不可磨滅者豈特畫而已哉然其畫或有片紙隻字留落人間者人必寶秘之不

當猶拱壁此書實公之真蹟予獲拜觀於鄉友劉李康
所歛衽之餘故謹識之以寓仰止之忱李康其尚寶之
哉

題先賢遺墨

是卷若詩若跋凡三十三首一倡一酬自元嶺北左丞
太僕危公至抗郡學教授徐公凡十有一人諸公皆元
之遺老入聖朝來其間有仕不仕之分在當時以其
文學政事皆為不可多得其人者惜予生也晚不及拜
者多憶在童子時得拜一二面者僅徐教授先生蘇編
脩先生而已其餘何幸今得見其詞翰真蹟是猶得拜

書錄稿卷七

之也矧諸公之作皆鏤金戛玉有足矜式於人者哉是
卷今歸之錢唐梅塢陳尚錦所惟尚錦其尚慎藏之

書刑部左侍郎曾鞏所奉巡視浙江 敕諭後

右膳黃 敕諭一通蓋刑部左侍郎臣曾鞏欽奉

今上皇帝賜捧以巡視浙江者也恭惟 皇上稟上聖
之資統御萬方孜孜為民邇者以水旱相仍民罹飢窘
為憂謂天下諸司任事之臣政有所未至民因之而未
安故簡命在廷之大臣若臣鞏之輩十有三人於天下
十三方面以詢察之其間叮嚀切至於政有關民之利
害者許便宜行之務使官得其人民得以遂其生焉誠

千萬年明君誥辟之用心也于是臣鞏謹遵 敕諭其
在浙也鞠躬盡瘁遍歷所部於軍民官之老而衰者俾
其致仕而歸窮而軟者俾其閑住而去廉謹者旌嘉之
貪黷者斥逐之於民之利必與於民之害必除行之無
所不至一本已之至公因民之好惡於奉 敕諭無毫
髮敢有所違卒致 方皞熙熙五穀熟而民入育
國家太平之治由此可與天地同其長久也是則斯
敕諭也豈特臣鞏子子孫孫什襲珍藏為傳家之寶抑
豈又不垂之竹帛為聖明之聖子神孫治天下萬年
之寶乎

書錄稿卷七

南齋先生魏文靖公摘稿卷之七

南齋先生魏文靖公摘稿卷之八

後集

寧國縣知縣前恭修 國史鴻臚寺序班吳完編次
通奉大夫福建布政使司左布政使孫增洪謹校

祭文

祭贈尚書工部侍郎王公永和文

嗚呼見危授命君子所期公今既得死又何悲矧有賢
胤芝蘭玉樹接武清班執而起是則公之死也又豈
不謂之不死者邪我忝相知莫此一尊侑以此辭聞乎
不聞

祭徐尚書文

南齋稿 卷八

嗚呼公以學行早掇魏科既躋臚仕出入鑾坡遼事

五朝始終一日功業之著人鮮能及有子有孫壽亦有
年正寢而斃抑何憾焉我念與公契誼金石四十載間
淡而愈密彼倡此和正直是資有得相告有失相規訂
約西湖同樂休致孰謂別來公遽長逝蒼天蒼天胡不
慙遺俾相知者孰不傷悲我媿衰邁臨輶弗及緘鐸寓
哀、何可極嗚呼哀哉

祀始遷二祖文

仰惟二祖開基創業自汴而吳自吳而越垂松子孫其
來繩、爰居爰處是依是憑屆茲新春四序之始追惟

慶源用伸祀事

祭駱溪園文

惟公德豐而厚學瞻而精惟謙惟慎不伐不矜所安者
泉石不嗜者功名詩書酷好喜怒不形究其慈諸中者
無所不備使其達之用也無所不能田園井、子孫繩
繩富而不吝民飢之恤賑義而革致 天寵之褒旌上
壽是臻無疾而傾若公之享有全福含笑而歸者世其
有幾人而可並稱也某辱相知心孚意契頭白如新猶
魚於水茲聞發引執紼乃禮水遠山長老莫可致謹遣
頑兒奠以牢醴決別千古哀何可已嗚呼哀哉

南齋稿 卷八

祭宋蕭山知縣楊文靖公文二首

道傳程子湖浚蕭山有扶世立教之功有禦菑捍患之
德魏、廟貌千古斯存維時仲冬用伸薄奠尚享
惟公游心聖學立雪賢門獲傳斯道歸休後人至若鑒
湖渚水貽此民澤作辨關邪除彼姦賊高風不泯遺跡
可徵匪牧民之卓魯實衛道之周程時維仲春式陳明
薦匪殺之馨惟誠是獻

告祖文

維成化三年歲次丁亥十一月初六日戊辰資善大夫
南京吏部尚書致仕奉 詔進階榮祿大夫孝玄孫

敢昭告于 高曾祖考妣之靈曰 驥仰 祖宗餘慶
次子完忝以儒士膺薦補修 英宗睿皇帝實錄告成
欽蒙 聖上莫大之恩授以鴻臚庫班官清事簡日
觀天顏祿食優渥實出過分尚祈 祖宗保佑俾恪恭
所職益慎益勤永圖補報以振家聲敢 告

贊

贈尚書工部侍郎王公永和像贊

貌豐而腴無平而舒淵乎識量藹乎規模維恭維謹不
肆不迂遭逢則際乎 聖明之世敷歷則顯乎 禁近
之區值茲胡虜忽犯邊隅 駕親征擁節前驅矢石
不避腥羶誓除兇危授命竟殞其軀聿致榮膺典名
顯策書噫觀公之居廟廊於生於死其所為所致豈非
得大臣之體而無忤無愧者乎

徐山澤像贊

純乎其質浩乎其氣所富者詩書所篤者仁義居山澤
以安其所樂任師儒以遂其所志維忠維敬無忤無愧
意斯其為一鄉之名士鉅族之偉器也

吏部尚書曹公像贊

鶴髮童顏黃袍烏帽所飽者詩書所存者忠孝巍乎
人物之權衡堂乎廟堂之體貌矧姓名堂題於金榜

才華誕著于詞林數歷 五朝終始一心是宜位躋家
宰端笏垂紳而不媿其坎玉登金也

河南按察使朱公像贊

盛世之英名門之裔玉質冰姿雄才偉器所敦尚者詩
禮所持守者廉公發軔鄉薦振鐸學宮宰花縣而致民
懷歷霜臺而得憲體允副所托不愧所志膺優渥之
寵眷蜚赫奕之英聲不伐不施靡驕靡矜于以為古君
子于以為名憲使至蹟表厥勲名昭青史而流芳于千
百世也

揚州府知府陸公行樂像贊名傳

卷八

四

具廊廟之威儀負山林之適趣不以富貴為榮不以蕭
閒為鄙白雲縹緲青山嚙歌吾之好咏吾之真悠
胸次皎然心神靡和者先靡同者庶幾將尚友於古之
人者耶

自贊

三十而出仕八十而接替叨歷清要媿乏忠忱幸
五朝之定事忝二毛之忽假謝彼廊廟樂此山林枕泉
漱石引鶴携琴或徙倚長松而舒嘯或盤桓綠野以搜
吟俯仰履載徘徊古今所憂者所學未進於道所喜者
所事無媿於心尚圖晚節之益謹而於一動一靜必戰

戰兢、猶履薄而臨深也

沈御史像贊名寅

器識淵、儀容楚、行篤聖賢學通今古贊彤管於玉
堂執憲綱於烏府班馬同聲桓張接武迨夫稅駕政途
棲迹林莽所愈耽者經史所愈甘者清苦噫豈非誠一
代之偉人於一進一退不愆于素而跼步式由於正路
者邪

鄭郎中良載贊

名門之裔 聖世之英行既云篤經亦云明鄉書膺薦
金榜題名展才猷以翊贊兵刑之政慎始終致淹泥兩
露之榮又獲解組投簪拜 天心之俞允枕泉漱石續
谷口之家聲噫斯豈不由平日立身行己之有道則奚
能致晚歲優游桑梓以樂昇平底于長生如是邪

曾憲使燕居像贊名蒙簡

知己富於文學行已用於政事故功越常流名擅當世
然究其所致則非由養於閒居獨處之際而有無媿無
忤于規于矩之美則又曷能得其體用之全備若是歟

時伯雍像贊

溫然其質浩然其氣壯歷仕途老婦故里詩書是耽田
園是藝言不顧行、不失己身安如山心澄如水蓋將

享百年之壽不止而永優游以樂太平之世者也

呂少卿像贊號振鐸

系出名門官居 聖世具真正姿負剛大氣有守有為
惟忠惟義獨醒於眾醉之中孤雄于群雌之外鶴鬚童
顏高風雅致其介如石其清如水噫其不特為今之名
流而實古之君子也邪

大常陳少卿像贊名贊

蔚乎其文篤乎其行本諸貞懋見諸言動于以登玉堂
金馬之高于以任容臺方岳之重不孤所學鈞遠其用
噫人又孰知其達進退之宜未老遽歸脫畧世故不為
形骸所羈以樂其所樂而惟寓情燕娛於吳山之顛越
水之湄而遂夫氣之冲心之夷者也

王都御史像贊名

發身賢科歷宦 聖明考其勲烈之著乎中外則知其
才識之浩乎老成有守有為不驕不矜慎終慎始全節
全名噫宜其 卹典是膺 錫祭于庭而
寵沐其褒旌之也

浙藩李方伯像贊

質美猶玉潤氣和猶春溫名著黃甲學自儒門其居中
毗輔乎廟堂也有猷而有為其補外承宣乎方岳也有

德而有文勲業日以顯名位日以尊噫又可觀其於
退食之頃携琴引鶴俯仰兩間非徒得造化之妙於禽
之飛魚之躍而且雍容乎有先天下之憂而憂後天下
之樂而樂之氣象將有日大展夫經綸於臺閣者邪

張方伯像贊

才鍾聖世系出名門自侯類而名登黃甲繇烏府而
拱進雄藩謹以持身正以蒞事內外交修始終一致矧
當文修武偃之日道明德立之時尚期登庸輔弼援武
畢慶臨梅舟楫調劑維持大展所學大遂所施益蒼生
之富庶擴皇風之清夷噫樂只君子邦家之基非君
而誰歟

南齊書卷八

七

自贊

壽已及乎百齡官已階乎一品不由者狹邪堪節者難
意猷為竭所存生死從所稟忠孝心是篤冰檠操足謹
于是兢業於餘年恐不能盡其所當盡也

劉憲副像贊名鈞

儼乎儀容凜乎操履饒文獻之名家為忠愍之令子早
登高第譽多於中臺肅憲紀能正己而正人存心外景
奉敕於列郡謹學規能先仁而先義經史詞名
範慈政事公而明文章嚴而則政善觀

謙乎才已豐為未足德已修為未及乃期其將來之功
名事業當不止此不可淺而窺易而測也

箴

近菴箴

學貴乎進則有程欲適千里必自戶庭躡蹻而進非
畫則止蓋謹聖謨陟遐自適必也循序勿驟勿馳日就
月將道豈遠而

為謙齋箴

天道惡盈昭于茲日中必昃月盈必虧君子斯悟自
牧以卑彼自滿者招損之為惟謙終日胡不致思易有

南齊書卷八

明訓敬之敬之

琴書自樂箴為陳孟孚作

留意於物其必喪志適其所適宜曰耽嗜猗歟琴也性
情之資荷於書也學問之基五絃克理萬卷克閱斯
夕斯可企先哲吁嗟陳君蕭灝襟抱于琴于書愛之逾
寶以得所好實獲我心展也君子問見于今明月清風
一軒如水母俾塵紛毫釐至止

學者貪睡箴

節尔多勞假尔少息寤而不寐靖而弗逸輟轉就
說惕勿嗜黑甜至喪明德

銘

琴硯銘

瑩而堅溫而潤大雅希聲孰暗于韞黑以守之不涖不磷

衍聖公所惠皆木杖銘

聖公所惠防山所植扶顛持危藉尔之力如金之堅如矢之直朝夕在把是物是則

康干石銘

出康干入中國匪松匪栢匪金匪石堅貞不渝陰晴可測噫殆非墜星之精魄歟

五言古詩

五月二十三日浴罷偶成

清風滌我懷前墀行復坐仰視浮雲翔去來得其所顧我擗散才天恩久深荷年高返故廬優游亦非過願言益慎修終始免慙慙

秋日有感書勉諸子

涼颼動高柯落葉墜庭戶節序互變更春來又秋暮人生百歲中髮黑忽改素當為貴及時其力宜自努不見庸劣徒終身無所措嗟予日漸老撫景亦深悟

感事

人生貴讀書讀書在明理不能盡當然而乃求茫昧惟神慶宴之事之有次第諸侯事山川天子事天地載諸典冊間萬古無或異禮儀尊定規柝報守常制夫何左道人而敢越禮陳詞瀆上天飛檄衆諸祀欲名青天雲欲興父早雨使無下足言謂有良足鄙所為或苟中無乃出偶尔蚩氓蔽莫悟達士忍含恥紛走街衢競競勞拜謁徇俗因貽譏瀆禮尤速戾予言匪講張所言實正議敢告聖賢徒勿媿吾夫子

秋日間居隨興而賦以示諸子

耕桑効勤苦祗為衣食謀衣食或煩給致、奚外求黃

南齋稿卷八

十

金五六駝貽千載羞顧言有餘力經史宜窮搜夕陽掛桑榆暮景良可悅優游泉石間杖藜歌還涉有田亦有園子孫儼成列從心任吾好羊腸徒九折有耳若無聽有目若無視青紅幻黑白陋彼夸毗子聖經明如日王道平如砥奚為務狹邪有生乃如此大道日榛蕪入苦昧正學所崇惟勢利所尚惟譖譖身徒生兩間靡知有愧怍善變即為會勿謂人皆惡秋高風露涼明月滿庭戶輟轉不能眠起縱階前步美人天一方向時遂良晤相思熱中腸坐覺年華暮秋深晴復雨寒暖無定則朝饒御繒纈夕乃易絺綌調

攝得所宜四體斯安適所游酣醉間勿謂人皆直
虛齋坐終日涼襲高秋樹擁書閣聖賢殊愜閒中趣人
生各有好惟貴安所遇嗟予髮種種矧敢或踰矩
萬類雖不齊有長即可取胡為不自重甘與齟齬黃
流與行潦亦各勝所使嗟彼暴棄徒無成不為恥
白露下前曜華月出東嶺愛此夜氣清無心就金枕烟
烟燈載張我冠復整髮神理塵編令人發深省
兩派人跡稀自卯而至酉惟我架上書絕飲尊中酒細
忖平生為頗喜無掣肘所志在遺安願白甘固守
清風入我懷白雲怡我目緬懷千古人何由遽遐躡

集卷八

七

滾塵網中寧能免拘束睇彼霄漢間高飛羨黃鵠
世事日紛紜翻覆亦非偶只是非間伊誰能可否善
惡固自分非不混養秀所以君子心甘與白雲友
大化司黜陟時或降災沴懷襄與倏焚拯救莫能五
燭非未調丞民亦生遂為言果何若充湯有先備

題山水圖

披圖向高堂憶我西遊日維時春正深韶華徧原隰
馬跨離鞍行行隨所適探奇歷太華弔古尋少室晴
峯插漢高弱柳搖風碧泉紆綠水灣杏吐黃沙磧
逶迤通輿度宮又抵咸陽驛美酒足傾瀉佳殺任烹炙賞心愜

素懷濡毫難具述便欲寄駉蹤官程苦忙迫須臾靈
武不憚披荆棘極目青海湄飲自長城窟丈夫立功名
於焉當努力風塵渺瀰漫揚鞭去無極峻陟黑山危險
度黃河急喘彼圖中人荒嬉果何益

吳烈婦

元綱昔解紐四海皆鼎沸環草竊徒無復顧倫理誰
知一門內貞烈婦母子視彼獸與禽美帝王旦尔奮身
不受辱怒罵期必死白刃同蹈之冰壺湛秋水嗟閨
中柔有此丈夫志我歌雙節篇冀以書信史

祀橋進履圖

南齊書卷八

三

祖龍肆虐雲韓仇鬱中抱袒號中副車為計何草幸
焉脫大索皇走周道忽逢百世師授以一編好開卷
悉奇謀何殊獲至寶真人起芒碭挾以彌天造言聽而
計從宜徒除秦暴功成止封留甘心事高蹈頭從赤松
遊明哲身竟保回首劉已安高歌寬商皓

喜舜賓自抗而來惜會未及淡旬特復赴館

瑤琴不可彈誰是知音者深愛結中腸清且低深夜間
招寒梅香逢春蕊又謝送啼山頭雲怡悅又難假惟有
聖賢書對越不相捨幸子從西來可罄平生話喜子金
玉資端重更淳雅頓子益勉梅勿楚而勿櫟材成棟

梁千金未為價盤桓僅決旬征車亦將駕苦行不可留
贈言殊鄙野苟以心照觸庶知非苟且尚遲子頻來日
候茅簷下

竹畫

傲彼冰與霜陋此堯與李籊青琅玕鸞傳而鳳翥向
我來清風九夏涼如洗顧綿金石交堅貞保終始

寄南京禮部蕭尚書吏部章侍郎蕭簡戶部張

尚書刑部蕭尚書大理廖少卿太學吳祭酒
閒居何所思所思在京國京國多故人岩廊事忍獨自
非挾大器何以當大責簡畀既匪輕宜整平生力上思

南齊書卷八

五

答 寵榮下莫安民物升沉任去來歲序從遷易孰知
君子心終始秉一德譬彼金石安堅貞著閱歷如金煉
益精如石擊難泐坦々跡康莊維中以為則晚節許愈
持遠慰長相憶

和一齋胡運副見寄韻

春城萬桃李不恥蜂蝶猜何如孤根梅吐韻須陽回陽
回遠未屆甘心淹草萊嶄然保貞固介介疇能摧調羹
志鼎鼐為梁候風雷挺々冰雪中灑々巖壑隈清芬終
四達喜自東風來

和魏御史異桃韻

大化肆毀陶萬卉固滋息匪藉培植功曷遂生德嗟
我階下桃寔我先人植我出條彫悴我歸傷我臆方別
侵之蠹乃剪翳之棘微動不倦施生意即攢戟不惟吐
繁花而且結嘉實摘實壽慈母比類美無疋爰致識者
推云是孝感力申章為之慶以表世所特

築堤謠

天吳苦作孽壞此長江堤法壞變作凶平地成深池况
值天雨雪政及農興時凶年轉豐歲須在人維持顧此
長堤壞不害害無涯鄉老訴縣官縣官惟嚙噬至委十
大戶大戶不敢違大戶雖竭力十家豈能支椿石且不

南齊書卷八

五

備夫匠尤甚虧葺寸壞尺可奈心不齊欲求官控
督提督刑必施刑施先茲頑茲頑生怨咨于是果何若
只顧天垂慈山水勿澎湃江潮勿奔馳移沙與換港扶
桑吐晴曦天吳速悔禍庶免民流離

六言詩

八月十七日過樂立道中書所見

碧樹山頭僧舍黃茅林下農家滿坂香杭已實沿籬疎
蒨將花
推蓬殘月松嶺極目遠寺湖邊出塢樵夫抱擔衝風溪
友鳴舫

二十一日過樂丘

綠野粗營別墅幽居穩勝行窩已遂青山投老渾忘紫陌鳴珂

七言古詩

苦熱數

幽齋苦熱如坐甑欲覓清涼宜無徑坐驅此熱良有方
去熱無如此心靜涼風忽西南來若遇故人開我懷
况有圖書一萬卷展卷示足驅炎埃翻思寒暑在天地
暑往寒來乃常理慎勿謂熱能苦人苦人塵務紛如蟻
心能靜熱自無無寒無暑真丈夫

題鴈

南齊書卷八

十五

塞北天寒莫比可愛江南暖如許呼群列隊隨陽來
不居震澤居彭蠡高飛不怕網羅求飢有稻糧渴有水
日融浪跡洲渚濱月明穩宿菰蒲底啁噉豈似乾干雀
忍凍惟甘生處死明年二月懷舊立歸程又向東風起
江南地大、有容從汝飛來與飛去却嗟江湖流客子
到老不知有鄉里

菜園為康廷賦

田家儉薄世所傳清厨罕御膳與糲脫粟炊成何所配
青菜爛煮誇新鮮豪門豈不享鍾鼎須識人生各有命

田家自有田家樂淡飯青蔬守閒靜微輸粥器不到門
菰蔞統屋青勻、更顯秋成足禾黍終身食菜何憂貧

菜園

丈夫平生安淡泊陋巷簞瓢有真樂咀經嚼史勝膏粱
一食萬錢非所學青、况有園中蔬傾筐日、供清厨
炊成糲飯煮為配何曾彈鋏嗟無魚自知不是肉食者
太守何勞親勸駕嗚呼其佔畢守家聲菜根甘咬寒窓下
曾憲使索題澄江別意用陳太常韻答之

丰姿玉雪中仙才華燁、方青年鄉書領薦上京國
策名、在多人前瓊林宴預玳瑁筵不似桃李爭春妍

南齊書卷八

十六

家聲在續世科第宜蓄尋常溫飽志於時願得展所存
鞠躬盡瘁據匡濟霜臺一旦我勇冠 金殿當頭立
丹陛赤心胸中烈日明青雲足下平地生妍媸悉辨猶
秉鑑輕重不失如持衡城狐社鼠皆屏跡公平凜、蜚
英聲、不特內臺止分憲八閩亦如尔冷冰臨檄罵
清操刮垢磨光等秋水風生一道人共誇群黎按堵春
風裏橫秋一鶚正翔翔除書又拜來 明光湖湘巨鎮
天下重薇垣八座升堂、載旬載宣極民隱不憚山鄉
蕪水鄉春花秋月自嫵媚有酒奚暇輕持觴愁來輒起
封章草母老何如相見好膳真上奏 九重天拜許過

於官拜考家林一舸急趨程黃管爛吐花盈庭摘花浸
酒獻母壽兒今稍遂平生情母顏繞悅席未暖天書仍
促湖湘行官舫帖江水平中流擊楫雙櫓鳴武昌千
里尚天末武昌父老先知名兒童竹馬傾城出與臺面
戟分途迎承流宣化復得體方面歡逾早逢兩輪忠期
報聖明主回首還思白頭母懸知才大不可量弱亮
固合登廟廊兩浙長憲昭皇綱文章政事聲更揚

送徐洪公溥赴春闈

蕭山由來科第窟聯芳競爽森然或如潛蛟欲變化
或如棲鳳期鳴蹕麻鳴宴既云捷螢窗豈肯仍留連

南齋補卷八

七

東風暖布促征旆梅花香吐開離筵琅玕披腰谷

清問策名只候臆臆傳今年秋闈屬大比子又桂籍名
高懸青雲平地足下起一鶚共美搏蒼天金門只尺不
日到三策會見重敷宣英雄三百揔國器期子之名
在先脫白換綠未云喜酬恩須擬臯夔賢老夫老矣
老林下惟願後輩光逾前杏園看花宴如畢佳音早附
南歸舫

晚步

林居鎮日飲無事緩步登苔爭於洗日色晴涵瀚海紅
煙光淡抹秋山紫家籬落散雞豚處郊原足禾黍

從知熙綬由帝力願把昇平紀青史

雪景

我昔承恩使西夏周道倭遲過秦華重岡複嶺冬正
深貂帽狐裘策官馬黃沙白草風蕭蕭萬玉飛舞長城
頭四圍山岳若銀鑄層冰返盡黃河流黃河舡膠不可
渡立馬津頭日驚暮天涯萬里魂欲飛手攢面圻將誰
訴張燈呼得關門開關更熱火噓寒灰同行輩豪有酤
酒我性不飲空持杯却懷有友西湖上茅堂此日成清
賞梅花窓外吐清香野藪山肴酌新釀醉來卧隱烏犀
几日斜妻兒呼不起固知仕止有不同故人之樂獨如

南齋補卷八

七

此我今乞歸自九重雪時亦對飛瑤空堆瓊積玉感
天澤謳歌擊壤祈年豐鼓門忽云故人到不似王猷空
返棹手持山居對雪圖索我長歌寫圖妙細觀取法高
房山逼真眼底疇能攀我呵凍筆題其間蕪辭似覺難
同看

五言排律

雪中寓興

嘉祥微歲稔飛雪徧乾坤光妬牕前月寒增郭外村漫
空迷鶴鶴匝地布瑤琨餓雀將垂翅疲民欲斷魂高梁
鳴吻沒重委鵲巢翻訪舊易移棹尋梅阻出門有詩呵

凍筆無客過華軒辨：梨花舞紛、柳絮屯啓、膠鬲夜
白籠火覺春溫却憶趨朝日叨 恩賜上尊

和移風大樹詩韻

合抱梗楠質塵中不易尋煙霞恒伴堯李宣知心餘
古經年遠根牢入地深日紅騰宿霧月白下胎禽禪榻
分芳潤經龕舊翠陰負新樵每想避暑客長臨竹傍搖
清影鶯遷弄好音只慚標櫟混不懼雪霜侵培溉時
謹瞻依代欽高標欺朔吹老葉厥秋霖材固知無價
人須拔久沉臨奇惟我識入賞更誰吟大匠真能顧
明堂足可任孤懷雖寒、特立聳森、僻處非嫌昔旁

東華集

五

求却值今萬年期力挽會見出幽林

石軒

經鍊補天後媧皇特負來金員鍊不磷歷劫磨成灰癩
入平泉伴甘充砥柱材麻披披披虎踞勢崔嵬鬼窟
環清泚蒙茸飾翠苔宣云同瓦礫良足並玫瑰體屬流
星化根宜屋土培紓冤裨雪理沒鏃魄疑猜未受為圭
壁寧教滯草萊摩挲從展拂追琢怕罹災鎮宅非堪
支機說可吟冰簃加祭雪雪更暄勁質堅逾鍊妍
安白亞梅震雷驚自若野火灼難摧甘雨頻容沐青山
獨許陪名家須保護作文忙門臺

五言絕句

汛掃先塋既畢旃旌奉回扇求題

先塋滌蒿萊遙從天上回清風挹松底殊慰一生懷

夢中有人求賦深燈

良宵呈巧藝俗眼共稱奇滾塵分裏中心自不移

三月三日雪晴寒甚早起偶成

起掃背前雪寒猶臘盡時貂裘還再擁却負看花期

落日

皎初晴候穿雲出樹間餘光燭寰宇殊喜未衡山

自樂

東華集

五

開懷吟好句繞膝戲諸孫賓客頻盈座微科不到門

題画魚

不入漁人釣江湖隨所之尚期春浪暖一躍上天池

鱗鬣生來與優游偏百川禹門桃浪裏點額擬朝天

小孫女以新酒為奉沾醉而賦

入口盎如春從知醉更醇醉來渾不醒何似莫沾唇

斟來近逾滴入口甘如蜜端宜神聖禹從此疎儀狄

晚起見家僮養雪獅

栗烈苦寒天獐獐若自然不知身是幻敢向太陽眠

先考誕日

屈指仙遊去于今六十年應憐兒抱病還把壽觴傳

五言律詩

閒居寫懷

筋力元難強埽田頽不違愛閒還愛靜知足更知幾飢
并新升穀寒修舊賜衣抑詩歌罷慶吟對白雲飛

閒居紀興

詔許歸林下幽棲遂夙心逕紆芳草合門掩落花深引
鶴徐步看山歛吟兒孫長曉膝白髮任盈春

子家於祀事除朔望薦新獻時食外其四仲月

并歲暮必設大祭仍求無嗣者若外祖父李

重刊精義 主

公外父戴公先師顧公夏公顧公或同日或

異日設作三席或以大祭之前或在大祭之

後而另祭之蓋又以義而起者也景泰申戌

歲暮其禮既行之矣詩以紀之示子子孫

孫云

義有親疏辨思無彼此論感時均設奠揮淚摠銷魂歎
享期咸格音容想具存寸忱將世所托在兒孫

病中

強起理塵編頽然思欲眠雨肥梅子候風落揀花天愈
病藥方已題詩咏未便參苓固相得須熟養生篇

清明連日風雨竟阻祭掃感而賦此

四野累層陰先塋阻拜臨松楸迷入望風雨倍傷心泥
長松根滑潮添江上深終期有紅日一奠寫哀情

丙子五月十五日雨中寫懷

兩聲鳴盡日水勢逼通衢歌枕難成寐開牕只看書惟
愁秋失望不為食無魚國賦無民食令人發嘆嗟

安居當聖世白髮老閒身情適偏甘淡囊空不厭貧
虛名曷易得實行苦難臻俯仰乾坤內那能似古人

十二月九日喜晴

林屋春來近和風晚入簾玉梅開的的膏雨洒纖纖地

重刊精義 主

暖草將茁冰消水若添東君笑義取靈鵲噪晴簷

廿四日晚用杜少陵日暮詩韻

歲暮日黃昏村深即閉門年飢防寇盜住久樂立園寒

雨飛松頂清泉溜石根白頭痴坐久却喜燭花繁

自述

簪組辭丹闕田廬返故園安貧甘守儉寡過貴無言

殊得真歡樂樂忘市井喧清閒何所事經史坐幽軒

憫漲

久雨添江漲滔天勢未消平原成巨浸嘉穀壞新苗欲
藉隄防力難施春鉅勞老子林屋下無計坐東家

齋居獨坐

時當溽夏日猶自有春寒
梅瘴落將盡泥途濕漸乾
兒孫雖喜大懷抱未能寬
只得無拘束還勝昔繫官

夜坐七月一日

展席候昏鐘涼生扇底風
林光鑒影度夜色露華濃
坐久欣忘寐詩成蠅不工
桔槔聲徹曉霖雨望玄穹

邑人延術士祈雨

旱雲江鄉久飛符欲拯災
指空呼將吏竭地欲風雷
倏忽雲間起冥濛雨暫來
共知為偶尔未足洒炎埃

新涼夜坐

為愛新涼好焚蘭坐夜涼
聖賢千古及義理一生心
愛月疑眸玩耽詩著意吟
翻思候朝日玉漏正沉

戊寅立秋日漫成

今日新秋屆殊欣暑漸平
松篁堅晚翠禾黍就西成
小草隨風靡寒蟬泣露鳴
予生將九十雙鬢轉星

久不過樂丘賦以識吾之戀耳

閒居清晝永憶昨過閑行
月上湖光瑩雲收山氣清
開尊方盡醉回首更留情
便欲移家去悠悠樂此生
一逕緣松入消閒愜我行
岩巒無限美水木有餘清
地僻無塵跡人淳不世情
依岩有隣並耕織以為生

境幽形夢寐誰說嬾經行
山色連平野湖光接太清
高臺興宿感先聖動深情
尚憶尋詩處瑤花匝地生

一逕紆山麓扶藜欵欵行
塵心隨地遠野趣入詩清
弔古傷遺跡尋幽愜素情
端遡度柴嶺又喜月初生

一碧平湖繞舟如鏡裏
行荷香隨棹溢山色近人清
渺渺菰辰景悠太古情
往來當蕪境殊愜我平生

循山宜步入傍水可舟行
雞犬緣村靜松篁著處清
岩僧無怪說野老有真情
便是桃源裏移居可樂生

去家十里近水陸可兼行
門逕容誰雜襟懷足自清
廊猶作夢林壑可忘情
欲覓耕樵伴誅茅老此生

南齋獨坐

南齋獨坐

南齋寥泖地竟日坐來清
牆角花從謝堦前草自生
山林遠顧臺閣頓忘情
要路吾知已毋煩記姓名

久旱家禾獨不減故賦此以為情者之戒

村人嗟歉歲我稼却豐收
不是叨天幸都緣用力周
登塲頭已畢飽食喜無求
偷惰如能戒凶年亦有秋

二月廿九日清明省母夫人墓

亂石崢嶸路凌晨入掃松
樞衣蒙宿霧含泣向東風
時食聊成薦春暉報莫窮
九原不可作殊覺思忡忡

終慕堂

晨昏愁不已的、為思親欲展無窮報徒成有恨身秋
霜纔慘曉春雨又傷神日、羹墻裏難忘酒淚頻

憶故妻

忍自開塵篋憑誰緝整衣愁來雙酒淚別去六經秋死
決同黃壤生難共白頭不勝淒絕處寒雨正颼、

哀劉孟熙先生

青紫蟬聯系麻衣老此貞文章千古士風節 五朝人
寄傲陶元亮躬耕鄭子真平生最知己聞訃獨傷神
聞訃獨傷神懷哉席上珍清風邁流俗高誼薄官旻瘳
性耽泉石芳名重縉紳茅堂讀書處無復更相親

南齊書卷八 二

無復更相親蓉城去作賓通家遠絕好仁里孰為隣聽
雨西窓夜看花北嶺春青山埋骨處揮淚爰沾巾

喜沈繡衣親家見訪

雲樹相望久茲辰忽見過清尊期共醉衰髯喜同蟠舊
話從前說新詩取次歌只嫌婦又急舟去疾於梭
繡衣明若舊聲望愈崔嵬老髮雖添雪丹心未肯灰紋
情傾綠醕聯步踏蒼苔傾倒須連夕歸帆莫浪催

懷洪聲遠

溪、塵空重君能袖拂閒不為瑚璉器定作棟梁材親
舍經秋別鱸堂幾日回南齋凝望眼期共菊花杯

閒庭獨步寫懷

循砌步遲堪嗟力未支晚禾思雨日秋暑毒人時煮
茗聊延客濡毫強賦詩閒愁誰可散只覺髮添絲

十月十二日夜步月

杖策紆苔徑清吟月正中隔林燈火近入望水雲空夜
靜無過客風高有斷鴻徘徊來復往此趣許誰同

人日病中

今朝人日是却喜老懷開舊病徐、退新詩欸、裁藥
方從客送文情厭人催僊壽牀頭杖將扶出看梅

病稍可瘳病中所苦

匡牀無日夜輾轉睡難成世務煎家務風聲更雨聲
聖恩方人念先德又關情得把詩來遣于今得更生

寄江西黃布政環將樂人

多君情懷、不忘夙相知璧水談經處 皇都握手時
十年成遠別千里拜深恩莫惟四音谷西泠客路遲

獨坐恐夕雨傷麥二月十九日

佳辰當豔冶風景若清秋砭骨寒適切漫天雨不休江
潮平龍夢辭潯接河流正是思親日愁添雪滿頭

病中夜坐值烈風雷雨

抱病匡牀夜漫天風雨生未眠三鼓書燈獨對一燈清村

犬號無已，燠難栖，復鳴焚香，候天曙，散步暢幽情。

春陰

屈指三春盡，都能幾日晴。連山連樹，暝新漲，與堤平。塵
處鴉啼乳家，蠶欲生，越王臺下路，阻却看花行。

咏庭鴈

自北南來，久春深尚不歸。頭忘生處，樂緣喜向陽飛。未
黍中原，盛風沙邊，微微且無矧，繳慮誓死欲相依。

傷猫為犬所斃

愛尔殊，像捷辰昏，在膝前。食廚從乞飼，卧榻任偷眠。獲
鼠功堪紀，嘶蟬像可傳。無端逢大齒，洒血使人憐。

癸未七月處暑無雨時銀兩可得米四石五斗

處暑今朝是三農望，雨來非圖消酷熱。急欲開閘，望海
近潮無上林深草，亦推衙頭米雖賤，未擬不為災。

元日即事

年衰人嬾，接况雨又兼風。小閣從宜坐，閒文且勿攻。茶
爐湯欲沸，香鼎火初紅。暗把生平計，營上總是空。

大行皇帝崩逝哭臨服書以紀之

鼎湖龍去遠，望極九重天。已盡三日哭，無由祝萬年。
深恩夷夏仰，大業子孫傳。白首遵中制，悲來只泫然。

紀樂丘甘露降

如飴如蜜，美滿樹葱蘢。靈貺來天乳，嘉禾感聖皇。
珠璣迎日燦，蘭麝觸人香。慚愧居林下，瞻天百拜嘗。

題竹

林立晚蒼蒼，琅玕宿鳳凰。孫枝變露密，稚子過人長。搖
月清聲細，當風粉節香。敲門有佳客，日看無妨。

懷舜賓

發解因鄉薦，多才不自沾。擬登龍虎榜，直上帝王都。
純孝懷忠養，丹誠篤壯圖。明年春好日，玉殿聯傳臚。

和甯大叅喜雨韻

至誠神所感，甘雨即時傾。厲魁知難作，新涼喜漸生。江

癸未七月處暑無雨時銀兩可得米四石五斗

流枯轉溢庭，草瘁還榮列。郡多公惠年，豐樂太平
上蒼由默禱，誠達雨隨傾。斷港艘仍集，蹄涔鮒復生。未
麻咸得濟，穰稔亦沾榮。四野歌公德，婦公翼治平。

晚起

攬鏡頭全白，推窓日未高。世情難遽却，家務不勝勞。露
氣侵絺幕，霜華點毳袍。有兒雙闕下，甘旨望歸調。

農事告成

南畝功云畢，豐年慶足稱。刑牲修古錯，擬頌入休徵。家
食供無匱，官租奉有贏。謳歌聞遠近，慶樂昇平。

小閤題曰歲春予燕居所也

晨昏便坐卧一罍淨無埃清通新吟就幽宜好客來
雅林經史積繞膝子孫陪和氣從容裏炎涼不敢催

喜不煖

盡日叨和煦皇天錫至仁萬方同一氣十月似三春
難菊花生舊庭梅瘦吐新羣生惟稽首何以答洪鈞

不寐

輾轉孤吟處庄林入夜深地偏人跡杳風迴漏聲沉
悶聊成句何勞負當窗香梅香忽度知即是同心

病起不寐

病餘無事坐久入深更榻冷人無伴窓虛月自明
連

自注

村無犬吠隔屋有雞鳴只覺精神爽消閒詩又成

和何進士登寶慶坊扁韻

投老歸田里長衙列聖恩欲仁惟克己何德敢稱專
華扁題周道高閣奠厚坤佳章勞展慶銘刻到兒孫

七言絕句

十月一日拜母夫人王氏墓

萬古青山土一抔童顏鶴髮見無由兒心堪與草心比
欲報春暉只淚流

不寐偶成

月上梅梢坐擁衾不眠清夜入更深休官只擬閒雲計

百事誰知摠在心

花朝坐雨

良辰鎮日雨淅淅薄暮寒添坐擁衾不飲也須添當酒
燒紅捐拙到更深

陳鴻以折枝牡丹為奉

國色天香重兩開遠煩和露折來看高堂持處春如許
願祝而翁壽且安

和抑菴王少傅寄戴文進韻

芝眉不覲已多年脉脉離懷有萬千欲寄相思尋驛使
詩來却愧又撓先

自注

詩來字字感多情幾度停雲和不成却憶衡門勞履重
朝回燁燁駐雙旌

閑居林下夷猶泉石感賦三疊

出入金鑾五十年朱衣象簡若神仙乞歸又喜身強健
殊感天家雨露偏

殊感天家雨露偏陰桑梓舊園田昇平況值唐虞

日渴飲飢食困即眠

渴飲飢食困即眠兒孫綵服繞前青山排闥看無厭
勝有餘閒問聖賢

寄吏部尚書曹子儀

聯武 清朝共玉除別來忽：又秋初閒居自分雲泥
隔不是無情不寄書

不是無情不寄書都緣老懶更迂疎懸知欲問年來况
化日光天樂有餘

化日光天樂有餘兒孫統緒更誰如 皇恩日感林泉
下地又天長祝 帝圖

萊圖為劉廣文賦

青紫翻風泥露香連畦接畛對書堂吳鹽作配饜朝夕
肉食還期入廟廊

肉食還期入廟廊馳峯能掌有瓊漿萬錢享却思圖標

南齋稿卷八 主

甘分何如此味長

甘分何如此味長充厨日喜盈筐好懷抱甕滋培者
滿把曾無得飽嘗

杜甫遊春

愛國憂家歎吟獨騎驢馬入山深眼前丘壑經行遍
聊寫春來憤懣心

題画

良夜迢迢月正明石欄干外坐深更欹髯笑罷歌還續
愛殺林居此段清

翠水丹山足賞心渚荷汀柳夏初臨推篷一曲昇平調

不識何人是賞音

十一月十八日過樂丘書事

一葉扁舟雪滿頭清溪曲水悠：喜當愛日如春暖
吟倚蓬牕自倡酬

吟倚蓬牕自倡酬波心應許狎輕鷗梅花開未還須問
望入前山是樂丘

望入前山是樂丘肩輿登陸任夷猶湖光山色渾如画
何必登瀛步十洲

蕭翼賺蘭亭圖

羲之筆妙在蘭亭傳向厄然一老僧千里蕭郎賺婦獻

南齋稿卷八 主

却嗟無術秘昭陵

歌器圖

非磬非鐘義莫尋官尼獨得古人心虛歌滿覆中纔正
垂戒何須別有箴

過給事中劉先生世中故居先生未仕時手植

槐于庭曰繫馬槐今已不存庭院非昔先生

無嗣可吮也夫

芍藥紅時綺席開鬚年曾獲侍尊疊綠陰庭院今非昔
殊憶先生繫馬槐

題小画四景

落紅無幾正春深小艇移來泊水渾滿目青山如畫好
欲從何處覓知音

陰森夏木倚岩阿小軒窓掩薜蘿只恐故人歸未得
扁舟何日更相過

千岩萬壑晚偏奇獲却幽居也自宜秋色滿天人不見
一舟溪上泊多時

溪南溪北雪紛紛訪友尋梅嬾出村冰滑小橋人跡斷
獨宜煨火閉柴門

四皓奕棋圖

晦跡商顏髯揔星如芝林下愜閒情安劉偶出留侯計

齋稿卷八

五

贏得青編萬古名

三月九日獨坐南窗有感

飄林下一閒身草木欣對晚春兒女滿前成樂趣
天涯多少未歸人

踏雪尋梅

山空歲晚雪漫漫涉險乘危獨冒寒何似春深萬花裏
香街紫陌步長安

鷺

寒深幽谷未遷喬噤却春聲不敢調奮迅豈無鷺連日
鳳凰枝上許安巢

郊行

麥黃蠶老雨絲絲茅屋人家正午炊倚杖看山看不厭
令人却憶在朝時

東阡西陌步徐徐入望青山雨過初樵子農夫情態
無人不說老尚書

棟子花香雨正過秧針刺水漸平坡太平無限田家樂
頗雜春農著短蓑

楊柳人家燕子飛綠濃綠徑覺紅稀多年不踏鄉關路
最喜青山待我歸

晚步

齋稿卷八

五

興逐閒雲步轉紆夕陽紅樹著霜初歸來牕下挑燈坐
最喜心中一事無

題山水扇面

風淒樹老石崢嶸月小山高夜氣清箕踞松根琴在膝
猗蘭欲鼓有誰聽

迢石徑攢扶藜步出松關日未西無限青山看采好
奚囊直得有新題

晚步

棟花風起燕飛步出溪橋一逗微最喜晚來詩趣好
山光水色淡斜暉

園居十詠為豐布政賦

重崗複嶺護重屹立當門翠紫濃柱笏終朝看石獻

晚來只怕白雲封

右山隱翠屏

淵源不斷玉無瑕若帶灣環繞故家萬里銀河通咫尺

右水環碧帶

秋風八月可無槎連畦接囷曲通渠猶憶先公手自鋤為政能知民疾苦

右蔬畦舊業

都因曾此著工夫清芬拂散和風本草參來種不空欲拯顛連登壽域

右藥圃餘香

參冬都在我囊中原隰畇冠一鄉桑麻渾似午橋莊尚期功遂名成日

南農稿卷八

五

卜築還添綠野堂

右農畝躬耕

溶、新綠滿苔磯兀坐斜陽理釣絲蟻穴蜂衙競名利

右漁磯獨釣

個中滋味有誰知大地南薰草物時冰絃彈徹思遲、子期難把黃金鑄

右南窓琴趣

眼底知音却有誰奕葉詩書積善門燈牕業、繼朝昏吾伊風外來深竹

右西塾書聲

不是吾兒是我孫故家亭館早春時柳色鶯黃揔散絲拂、東風殊有意

右柳岸春風

故教長日舞腰支蓮開月吐爛銀塘蓮有清香月有光願俟相君娛老日

通宵吟對樂徜徉

右藕池秋月

和朱純謝惠曆日韻

大撓甲子拜新頒傍日迎婦勝木難一統萬年周正朔可忘分惠故人看

乾坤一統喜逢春鳳曆頒來雨露新聞說山中無甲子便當遙寄隱居人

次使司陳長幕歲暮寫懷韻

廉恥驪龍領下珠甘貧不歎食無魚都緣清淡勇兒事故斥腥羶流我厨

故、才華照乘珠行當腰下掛金魚萬錢不羨何曾設

南農稿卷八

五

却拜珍羞錫內厨

賈胡貧富愛藏珠廉更甘貧却饋魚清濁在人從所好青天白日鑑吾厨

聞鳥聲

金臺蘭省望都迷兀坐晴窓日漸西喜助老懷吟好處幽禽飛傍綠陰啼

庭花盛開因憶去年與家兄同賞

花開歲暮春時憶得花開酒共持今日花開思共賞花前揮淚不勝悲

讀楊文貞公文集有感

同朝廿載辱相知謗薄曾勞逸大期今日晴牕覽遺墨
可無清淚哭吾私

可無清淚哭吾私贊化調元更有誰筆底文章乃餘事

青編應有姓名垂

青編應有姓名垂秘筆何勞苦費辭只把公忠紀平日

可令千載起深思

坐雨聞江塘將塌

雨聲不輟帶轟雷洶湧河流已到階二麥將成淹沒盡

江塘若倒又潮來

江塘若倒又潮來民物彫傷實可哀頓扣天門放義駟

南齊書卷之五

閒居容我老懷開

閒居容我老懷開非為區區一已災萬個生靈萬條命

忍令漂沒等蒿萊

自警

要認今吾即故吾樂天知命順榮枯始終不失平生操

方是人間大丈夫

松鼠偷栗圖

蟬囊統垢著霜初利嘴枝頭剥自如飽後也宜存數顧

啼飢還有未來狙

新正謁文廟

羣祀衡雨濕濛濛滑路寒生臂面風不向人家輕獻歲
此心專在素王宮

對雨

濛濛潤物喜如膏殘臘新年已十朝只恐過多傷二麥

衝圩圯岸助春潮

二賢祠在西湖孤山修葺既成聞杭郡耆舊

宴為樂

水滿平湖花滿川耆英雲集勝群仙三賢祠後榮華

噴功成百世傳

燕語鶯啼正好春相逢俱是賞心人一觴一咏崇真率

南齊書卷之五

不讓香山主與賓

苦熱

白頭長日思昏坐卧渾如有病身暗數三秋將及半

如何酷熱尚蒸人

遣興

垂老精神醉夢中秋深炎暑尚熇熇齋居執熱孤吟處

偶挹南來解愠風

晚步

扶筇石徑步遲林聲涼生暑退時老去情懷聊自遣

看山看水只題詩

著霜紅樹晚離、香穠香粒熟漸齊、白拾烏巾叩竹枝
江鄉風景不勝題

嘗新稻

太倉屢養又家田粒、如珠白更圓、煮就清厨香滿案
未食何以答 皇天

夢中題秋江放棹

夢紅蘋白正清秋、簫鼓尊尊足勝遊、莫向中流恣歡譁
須更風浪却生愁

夢玉鑑止以江鄉十咏求題既覺止記一題曰

春壇新穀枕上輟成

會稽稿卷八

多儀楚、一心專彷彿、輪下九天共仰冥靈垂不吐
萬方隨處樂豐年

望雨

茅廬一簷住雲深處、豐年是我心、便欲乘風叫閭闔
天瓢祈瀉作甘霖

閱亡兒宗聖墓

春枝玉樹淨娟娟、憶著令人淚泫然、禮樂三千遺秦對
可憐不又聽臚傳

憶錢唐先塋

年高尚憶錢唐路、非為閒嬉為祖塋、汎掃子孫雖可代

倦、還擬盡躬行

聞 大行皇帝遺詔英宗

萬方無處不帶心、遺詔何期出禁林、泣盡老臣雙眼淚
都緣沐得 聖恩深

憶昔叨卿佐太常、星軺應召入 明堂、蒙 恩不鄙非

梁棟峻陟天官佐侍郎

侍郎纔陟又尚書、生死 天恩不可孤、今日鼎湖龍去

遠含哀深報難圖

奉天門上選官時、有罪西廂聽指撝、頃刻傳 恩有非

故仍頌瑶席醉彤墀

會稽稿卷八

出入 金門足 五朝五朝偏沐 聖恩饒忍聞

龍馭賓天去老淚頭乾痛不消

七十年登數請休一番書上一番留臣今躋踊成何濟

北望橋陵空淚流

衰麻北望只號呼、腸斷衰年把杖扶、只願上賓資

上帝泰山磐石佑 皇圖

憶昔當年 聖誕時歡呼老稚極華夷、上賓應是天求

輔不遂蒼生萬歲期

不憚親征統六師、弘文弘武擴邊陲、春秋鼎盛殲胡滅

未足賓矣是駕時

玉節金枝陟上方八音遍響偏遐荒堂上宗社遺磐石
萬歲千秋托嗣皇

上西山母夫人王氏冢

剗荆剪棘曉尋阡古木寒雲泣杜鵑蘋藻薄陳仲微事
不禁老淚洒如泉

梧石竹圖

簪管拂翠淨無埃湖石玲瓏鎖碧苔誰道高梧秋正實
明時不見鳳凰來

林園秋景

雪根小朵玉玲瓏截自巫山第一峯植向名園壯秋色

相看還有鴈來紅

過舊宅

一室寥寥少客來逶迤石徑盡生苔荼蘼夢覺花如錦

花為無人也不開

花為無人也不開塵編塞几蟲成堆巡簷緩步踟躕處

無奈秋霜兩鬢催

無奈秋霜兩鬢催祖宗根本要人培傳珪襲組名門事

只願兒孫個個才

丙戌正月三日偶成

同雲雪罷尚濛濛撲面寒增昨夜風却憶居京當日

垂紳端笏候朝鐘

狐裘貂帽苦寒侵坐擁紅爐歎吟檢曆又看三日過
分陰須惜抵千金

川原風雨圖

驚風疾雨路遲遲水拍蘆溝正渺瀰是我曾為捕鯉使

往來周道不停時

往來周道不停時濕透羶裘只自知誰識關心在民瘼

一身何暇恤寒飢

一身何暇恤寒飢為體皇仁盡力為回視編氓服飛

挽紛淪泥更難披

喜何大參李憲公祈雨有感

漫天甘雨應祈求千里豐年屬挽回盡喜一誠能感格

不教黎庶困炎埃

不教黎庶困炎埃為有調元贊化才原野焦枯頓條達

佳聲應已到蓬萊

佳聲應已到蓬萊佇聽喬遷陟上台澤被蒼生均四海

照隨處樂春臺

種松德惠祠

泉甘土沃勝徂徠廿萬蒼糾赴雨栽說與山靈須保護

樣要作棟梁材

喜餅梅掃自倍當經春忽開

一枝插向膽鮮來倍當經春始漸開雅操亭、渾不減
須知元是不凡材

獨坐小閣忽瞻日上

紙窓日上曉融、一閣全無半點風兀坐微吟漫搢拙
不知林下幾人同

清明感懷

鶯、燕、柳青、觸物令人百感生北轍南轅頭盡白
不堪明日又清明

不堪明日又清明、忍就淚若傾却憶先塋須拜掃

南齋集卷之八

兒孫誰個最關情

兒孫誰個最關情個、皆當盡此誠好問長松今合抱
如何培植倍崢嶸

自題小影

看山看水步徐徐、雲淡風輕樂自如大帶深衣尚初服
教人不識是尚書

登樓

小樓獨上任憑閑喜得今朝頃刻閒兼興題詩、即有
晚來還擬又看山

題歸去來圖

不事折腰歸故里甘於漣酒醉斜暉誰如正得君臣義
千古流芳世所稀

區沐

聖代六朝厚恩官階一品愧無分寸之報今年已

九十又八念人之生死猶旦暮之必然得正

而斃幸也况年已近百益棺之日已近故預

為小輩之祝倘至瞑目慎勿動擾鄉里經營

墳墓及諸親舊有所賻奠以玷予之平日至

屬、成化七年九月十九日父平齋一叟

書遺男序班完等予昔號南齋今曰平齋者

南齋集卷之八

近辱門下士行人何舜賓所易蓋取書曰天

壽平格之意其詳見兵部尚書友人孫原真

所為記故併及之詩曰

謬登廊廟倚驅馳常愧無才咎 盛時斂手足形如有

日只遵遺訓盡當為

南齋先生魏文靖公摘稿卷之八

南齋先生魏文靖公摘稿卷之九

後集

寧國縣知縣前集修國史鴻臚寺序房先編次通奉大夫福建布政使司左布政使孫清洪鑒校摘

律詩

立祠堂碑

圓蓋方跌古制存巍屹立壯寒門銀鉤鏤畫尚書筆周詰商盤少保文世系綿昭祖禰家規歷重頻鑿赤刀大訓期同調琢惜無窮在子孫

夜坐述懷

竹下風清暑退時繩床高據思違道逢世泰心逾樂

官得身閑力任衰雨過不嫌涼意早秋深殊覺大星移無眠坐徹三更漏燈火書聲有兩兒

用許太常韻送沈環之任蘇庫貳教

榮捧除書出建章一官誰憚客途長已誇脫白從春榜尤喜娛親入故鄉絳帳好提經史富清時須擬姓名香藝鹽此去能甘守不異高居入廟廊

和荅韓蘊夫韻

峽山清隱似商顏桑梓優游日仕還共擬有時鷹鷂薦誰言無夢入鴛班慶源越上來先代相業河東仰故山百世高堂存畫錦公侯伊始出循環

次太常卿許道中所寄韻

掛籍金門辱誤留一生何敢夢刀州倏承優詔來天上便買扁帆向石頭舊約青山欣已遂新詩知己規難酬誰知老眼看書處時把疎簾向日鉤

寫懷

樂珪疏園舊園田解組歸來已半年不厭蒼蘊成老計欲全清白遂家傳窓涵綠野衡茅下門擁青山夕照邊藋突踞荒澤不到謳歌長日戴堯天

雪舫

江湖來往往任長風滿載簷花狎釣翁玉氣網緼涵璧月虹光煜燁貫瑤空蒼茫雲水浮滙外混沌乾坤未剖中一點置壓渾不染子猷高興更誰同

慰陶憲副死節

普天幸土藪皇明螻蟻依狸忽弄兵報國只期當珍賊臨危何敢更偷生精忠貫日鳴昭代浩氣凌雲薄太清聞說蘭溪嚴廟貌欲伸尸祝慰英靈

和劉念憲克彥越城吊古

萬壑千岩壯越關無邊光景足消閑林梢截嶺雲雨寺天末蒼茫蜀阜山禹穴雲深銷歇際蘭亭苔沒無間四郊却喜豺狼息不惜高歌日暮還

秦望我上接舜立姚江東迤日悠上高志新葉傷淪沒
曲水流觴憶倡酬會計猶存神禹蹟登臨不負子長遊
青驄緩策歸途晚一肅風生萬壑秋

辛未歲暮述懷

布韞青鞵雪滿顙休官林下愜閒居心無俗系身無恙
爐有清香案有書山色猶蒼雲散後梅香入座雪晴初
却慙坐享昇平樂岳指將來歲又除

新正試筆

篆鵲清芬燭吐輝白頭不負故園歸霞觴滿引新筍醪
宮錦還穿舊賜衣繞膝兒孫殊戀上猶簷松竹更依上

坐來溢目春如海靜閣閑雲自在飛

新正四日記雪

胥王裁冰下九天三農殊喜兆豐年寒消盡閣紅爐暖
色映瑤階玉樹鮮瑟上聲來叢竹裏紛上花散落梅邊
絕誇瑞應當三白却在新春五日前

卜得樂立詠以紀其勝

眼到何煩地理師樂立上此更何疑風威氣聚岡聯合
土厚泉深草樹滋巨栢長松猶帶戟重湖樓榭若城池
先登咫尺雲飛處送目尤堪寓孝思

青山繞屋水連天風景依稀似輞川合鳩穀家通曲近

當門三熟盡腹田日斜樵弛林邊擔月出漁歸湖上船
不魏誅茅成老計教兒耕讀遂餘年

哭吏部戴郎中廷美

血汗龍駒不易尋康衢馳驟正駸上膏肓豈料攻無藥
勲業何堪負此心自合銘章題國老也應哀此動詞林
輶車南駕東風裏老我偏多淚滿襟

春暮雨雪不止

天上歸來髮已華齋居愁對雨如麻泥深徑有相過客
寒刺庭無可看花傍砌宮簷飛急溜循牆古木噪殘鴉
消搖鎮日惟清冰指批頰說只煮茶

久雨

一春長日雨冥上老我愁看髮轉星溝洫頻驚為巨浸
來牟難卜擬西成陰霾作霧穿簾入寒氣凌人竟夕生
燕語鶯啼成寂寞冥園梅誰作看花行

德星圖為陳憲使賦

二姓通家夙有年闔門茲夕遂清筵才華共喜婦名聞
星象誰期應上天燭煥太玄經已校茶香石鼎句初聯
仲弓賢胤詢遺迹繪入綢繡百世傳

和王博士希稷見寄韻

喬遷詞苑又南歸知得賢關倍有輝愧我衰遲林下老

多君英特眼前稀是非驪駒欣無預日月光華愜所依
惟想講餘馳念處白雲千里望庭闈

哭周學士功敏

一代才華衆所推文章曾屬我先知科名已遂寒騰志
廊廟何孤遠大期筆陣千軍嗟遠岫詞源三峽痛難追
老子青眼惟君望門下于今更有誰

挽贈工部尚書王永和死節虜地

點虜跳梁犯逆天岩廊投筆事戈鋌先驅誓擬生擒敵
竟力誰期死向邊大節九重昭寵贈芳名千古著華編
我陳哀此仲知已却羨諸郎接武賢

南齊書 卷九 王

喜邑庠東西二齋修建有成

雕梁彩棟擁華棟感激賢侯不易為綠水繞門堪洗硯
青山入座可題詩愔愔暑退涼生日几爭宵長月上時
雅稱明師與良友切磋經史正相宜

辱謝布政廷輔過樂丘賦此以答

穿崖度壑更捫蘿感刻深情不憚過展席於龕同草具
班荆苔石共陽坡競誇茶戰儀容盛能使小林氣象多
有約重臨如不負來春日候岩阿

壬申歲除夕

屠蘇爆竹助清歡迺却正欵歲開鶴筭又如添海屋

瓊漿還憶賜金鑾香銷寶鴨人無寐漏滴銅龍夜不寒
預勘明年消息理燈花先喜報平安

和仲約何廣文見寄韻

誰似閒居樂故鄉青鞋布襪笑如霜惟甘淡泊淹茅屋
不羨聲名到玉堂萬事浮雲忘入念一經賢胤喜傳芳
為言老去休彈缺世業猶存書滿床

落口才華重一鄉甘於冰蘖度星霜莫若預瓊林席
屋節猶居政事堂圖史心潛延畫永功名時邁憶年芳
知心或過同消散吟徹清宵月到床

湖上寫懷

南齊書 卷九 王

推蓬底卧看山未信休官有此閑思逼層霄埃壘表
詩成高枕水雲閑船頭涼雨疏還密湖面輕鷗去復還
却喜餘年尚強健追歡應不往來慳

七月一日雨後晚步林下寫懷

雨足新秋晚倍涼清泉白石任徜徉誰期此樂歸餘蕊
殊感深恩出 聖皇雲華西山虹影斷風過南畝稻花
香新詩吟得歸來候野迤迤未夕陽

輓兵部徐尚書良玉

才華能武更能文生際昌辰迴拔群百萬貔貅參上將
三千禮樂對 明教山已遂藏華觀卹典終膺表異

勲我念相知見無日含哀空洒淚紛紛

癸酉立秋日放舟湖上將抵樂丘觸景偶成

漾漾平湖起曉風推蓬隨處趣無窮金花炫日波心若
鐵輪昂霄石上松挾翅迴翔過水鶴輟耕奔逐走田翁
故人白髮猶天表此樂何當過我同故人謂王少傳直

癸酉除夕

老去歸田自玉壻一丘一壑逐幽期且無女嫁男婚債
正值身安道泰時酒挹椒漿春灑灑燈銷絳蠟夜遲遲
昇平又喜來新歲壽樂椿年也自宜

忠勤堂為趙駙馬賦

胡虜孤恩忽寇邊中華執不憤腥羶欲誅狡免窮三窟
便述封章達九天殺氣頌今吞紫塞奇勲行擬親凌
烟忠勤此日褒宸翰燁燁榮光百世傳

翠寒亭

天姥東頭碧澗阿翬飛跋立莫蹉跎餘稜隱隱衝霄漢
意戶陰陰隱薜蘿細帙潤分松雨細荷衣涼沁竹風多
憑高我欲觀滄海躡屐行當試一過

四月十三日過樂丘

菟裘不憚費經營積歲工夫漸有成山勢排空增峭拔
泉流漱玉轉琤琮綠松周道如弦直入望平湖若鑑明

最喜錢唐連地脉白雲飛處是先登

寄謝致仕鄭郎中病中以枳朮丸見惠有效

氣息奄奄下床香銷栢子日偏長養生已悔乘真訣
愈病何辭覓異方漸喜十全收枳朮不愁二豎匿膏肓
故人軫念無由晤強起含情對夕陽

同夏方伯遊樂丘

山明川麗擬蓬臺風致天然實奧區綉嶺長松高插漢
石橋流水曲通湖先塋接壤雲堪望別墅穿雲路不紆
方伯為言真吉地佳城千古卜無虞

過樂丘書事

布襪青鞋兩鬢霜杖藜殊慙好風光清泉繞屋深淵
紅葉當門炫夕陽甕出舊醅成小酌厨饌新敝試初嘗
却慙執掌超南北樂笑何如返故鄉

挽鄭通判克剛

莫道相知自小年蓬萊何事遽登仙芹宮聽雨思聯榻
潞水朝天憶共船華屋春風塵舊扁佳城百草翳新阡
欲詢駭歷難登墳翠琰昭昭有墓鐫

雨晴訪學中三廣文弗值

相思幾度謁芹宮何事睽離不易逢遠望雲山來遠近
綠暗風葉墮青紅豈無令弟延情話亦有諸郎解懷容

不似王猷訪安道空回寒夜雪蒙

聞駱溪園預修郡志

一統輿圖志欲修榮膺羅致出旁求深衣大帶來空谷
博識宏辭異俗流入物賢愚鼎慎取山川險易入冥搜
兩春弗獲聆清話筆削功成可過不

冬深風雨中曉覺書懷

寒宵風雨任鼯眠却憶官居十載前萬里雪深猶走馬
五更泥滑每朝天兢上章奏敷舟陞歷旬宣抵極邊
不是皇恩賜優詔如何今日老林泉

寄大理丞仰公瞻

寄四明張僉都式之

同叨簡畀出非常民瘼分巡共朔方
宸翰玉階承鳳敕官臺光極賜瓊漿沃焦繞禱回枯雨作孽仍驅蝕
稼蝗今日歸來老林下天恩均感樂江鄉

寄四明張僉都式之

勇退中流出禁林名鄉山水足幽尋草屨已通還家興
雨露長懷報國心花暖琴尊延淑景雨晴桑梓踏清陰
朝風弄月唐人調吟詠懸知負賞音

甲戌除夕

侵將泉石又新年獨喜恩湛雨露偏二品聲華叨過
一朝操履賴無慙青編元棟詩書在白髮齊眉祝履全

繞膝兒孫聚稱慶有興還候佳朝 天

乙亥元日試筆

序屬青陽換物華乾坤生意即無涯雲收瑞鶴飛香翠
雪盡晴曦散彩霞已許呼童挑菜甲還宜引鶴問梅花
晚來兀坐饒清興吟對紅爐更煮茶

新正燈下偶成

九十相將異轉華春來觸目趣偏佳閑庭方拜新頒曆
寶軸重開舊賜麻興至娛閑惟索句客過延話只烹茶
却思北轍南轅日此樂燈前豈浪誇

春陰連日以阻樂立之行

南園問梅

經旬庭戶幕層陰寒逼虛堂坐擁衾欲訪疎梅妨遠步
為舒孤悶只開吟接連且適田園趣休咎難窺天地心最
怪松根泥滑上樂丘遙阻蒼雲深

南園問梅

屈指陽生兩月過南枝猶未著疎花枯依敗柳猶簷立
瘦倚蕭牆近竹斜未許暗香淹谷口還期清影上窓紗
何緣得似西湖曲開遍林逋處士家

迎春日和荅何舜賓韻

蕭鼓家已近早春衡門獨掩一閑身
蔬鹽甘分年方茂經史留心業正新
陋巷顏希顏子樂窮途不與阮生倫

胸藏十二王通策將獻 彤庭輔 聖仁

寫懷簡南京詩社諸君子

燈紅酒綠夜深時
白首田園樂自宜
漏永不妨延坐久
泥深無慮入朝遲
香來窓外梅舒雪
花落簷端雨散絲
那得諸君能縮地
連床效夕話襟期

二月初六日喜晴忽學中諸師友見過

一春風景近花朝
喜却遙空宿靄消
牕外疎梅開老樹
簷前新柳弄柔條
不愁深巷泥黏屐
還喜清溪水下橋
空鵲啼時無已意
嘉賓相過不須招

寄陳無酒

千里歸來自王京
遙聞羊度轉精明
程朱行檢逾修飭
班馬文章倍老成
兩吳秋霜知共白
一心寒水喜同清
扁舟欲訪慈溪上
重理琴尊續舊盟

夏日書懷

林屋漸非綠野堂
安居惟喜老江鄉
一天風雨黃梅熟
九夏光陰白晝長
倚杖溪頭看把釣
携孫陌上課栽秧
却思往事如春夢
孤負平生半世忙

和張式之念都見寄韻

才藻清時正有為
不堪塵世苦多岐
青蠅玷玉誰彈雀
大器存心自坦夷
父行藏惟境令少
陵忠誼只憑詩

故鄉山水始遊釣會見徵書出鳳墀

乙亥又六月九日過樂丘

彷彿知章住鑑湖
青山繞屋樹扶疎
磯頭舉網魚頻得
竹下開樽酒任沽
隱迹豈為三窟計
沒身終遂百年圖
怡顏愛植青松樹
不惜乘閒手自鋤

欲登北幹山未果何日子咏其景

望邑名山聳碧霄
白頭重過興偏饒
千村環堵高低屋
一帶長江早晚潮
玄度跡存猶可吊
子胥魂遠若為招
登臨莫起興亡嘆
且醉浮生一酒瓢

樂丘移松有成

循堵移植破荒苔
個個期成梁棟材
異日若容輕剪伐
茲辰奚用苦栽培
聲來碧落風生席
影落晴霄月滿臺
聲聲昂霄堪計日
貞姿不獨產徂徠

七月十六日過樂丘

翠水丹山事已幽
老來不負作菟裘
循簷曲上清溪繞
過砌重上綠樹稠
草盡松間宜步屐
荷香湖上可移舟
老子自覺能知足
何必蓮瀛與十洲

寄湛太守禮

蕭蕭門巷愜閑居
白髮黃堂廣海隅
紀跡竟疎名與利
忘情不計是和非
塔陰碧草滋新雨
籬落黃花吐夕暉

終始一生冰炭相予殊覺眼中稀

郊行用過樂上韻

風輕雲淡連吾天仰止高山子在川已喜清吟摸景物
可忘閒步樂田園日斜目送投林翮月上心怡罷釣船
却感驅馳王事日紅塵陌裏度芳年

題梅

陽回先發向南枝個上疎花特逞奇暗饒不容蜂蝶採
只姿偏耐雪霜欺山抹標格期誰問鍊石心腸喜獨知
只待春深幽好實摘調商島在斯時

雪夜寫懷

蕭條風景正年竟夕紛雪滿天已兆明年秋有望
却差隣屋灶無烟寒深徑絕尋梅最凍合溪回訪戴船
老我不眠煨酒煖長吟贏得思如泉

乙亥除夕

堯天舜日遂閑居又喜今宵屬歲除酒開尊隨量酌
桃符濡筆任情書梅花吐白春回漸燭影搖紅雪寒初
鏡膝兒孫聚家慶一團和氣鵲門闕

丙子新正試筆

林屋間房喜日長年將九十粵如霜霞觴漱澀新春酒
萬九益是或香松竹當窗擬晚節兒孫繞膝慰中腸

細推出度慚無補感蒙君恩可暫忘

兩夜雨中寫懷

縣樓連曉鼓三過窓外淅淅雨似麻功業驅馳渾是夢
田園蕭索未成家一年又惜春將半九葉何愁髮轉華
老病漸知當勿藥晴來還許看梅花

不寐寫懷

輕寒輕暖早春天耿耿匡床夜不眠石鼎火溫茶甌上
竹窗雲淨月娟娟百年自嘆身猶寄諸子誰知業未傳
暗數清明佳節近瀧岡須擬去尋阡

過樂上

湖光山色快登臨得趣何勞酒滿斟只藉良辰酬暮景
不教塵務累閒心先坐江外馳情遠上國天邊入望
深平步何須靈運屐更扶藜杖入松陰
紅白荷花錦繡堆綠上涼雨拂炎埃兩山列翠蒼虬舞
一水涵空寶鑑開樹接浣紗西子石煙籠心成越王臺
探奇吊古無窮趣老我何妨日往迴

謝曹尚書惠扇

衡門酷熱苦無聊入手涼生扇重搖蕉葉素封和露展
漸推霜葉任風飄蛟雷聒夜瀉自是清氣侵人藉滌消
惠辱故人何以報探囊珠玑之瓊瑤

酷暑中夜坐偶成時久旱喜拜寬恤

鎮日南齋苦熒焚追涼移席坐黃昏光侵梁几當弦月
潤襲綿袍出岫雲正苦窮鄉膺久旱却逢明主降寬
恩清吟輟轉渾無寐聽來夜未分

懷鎬師邵徵士

經年不辱枉林丘日相思又早秋已喜才猷膺薦達
却疑琴劍尚淹留文章錦繡追前哲踪跡江湖愜壯遊
坎止流行緣有命可曾消息細推求

丙子歲水旱農感師巫誑誘賦此勉之

村上水旱已惟愁人有歎為可勝天須斥師巫駢邪說

南齋集卷九

當知衣食在良田晨昏碌碌能無倦木漆油定有年
務本由來男子事休令寒餓使人憐

八月一日喜雨

天瓢忽瀉落簷端殊慰編氓苦旱乾萬頃郊園回翠
千村蒲瀉轉漫漶扁舟湖上堪垂釣短策林邊可省
給足公私擬豐歲閑居先許老懷寬

八月十六日過西莊寓興

行去郭入江鄉竹樹陰森護草堂高下良疇繁黍稼
綠坡芳草茁牛羊青山排闥來當境綠水平湖接葦蕩
老我休官遂耕牧應教人擬午橋莊

南齋寓興

天上歸來頗出門窮鄉惟守舊田園窓開注目山當戶
客至娛情酒滿尊寬旬杖藜過綠野看書燒燭坐黃昏
誰知更有天倫樂鄰下嬉子與孫

丙子九月廿八日夜坐不寐寫懷

蕭蕭落木暮秋天聽雨聽風思惘然已喜康強安晚節
誰期衣食窘衰年燕旬不退平堤水粒米無收負郭田
國賦將虧民用乏老子贏得夜無眠

景泰丙子小至夜坐書懷時拜寬恤之詔

雨雪霏霏夜坐深匡床不寐思難禁山荒正憶疲民困

南齋集卷九

寬恤殊知聖主心紙帳寒侵風淅淅銅龍凍澌漏沉沉
沉明朝却喜迎長至陰極陽生又自今

丙子至日喜晴書事時拜優恤

陰極陽生喜自今熙熙晴日上遙岑九天寶勅來恩
命兩浙疲民活歲侵窓外漸開梅可嗅床頭新熟酒堪
斟老子把筆書祥處識得循環造化心

雨雪中懷何舜賓

卓犖才華眾所推經旬雨雪動人思排雲不是身無術
得意何當自有時三策稿成還欲獻五言吟就不成炊
懸知洛守甘冰檠坎止流行更屬誰

雪中

釀就同雲竟日飛寒增客室迢書情愛吟自覺詩情減
不飲從知酒力微骨玉飾瓊瑤理碧砌穿梅入竹闌斜暉
惟差澤國春來近阻却賓鴻塞北歸

丙子十二月廿九日過樂立

冰表貂帽曉衝寒獨駕籃輿入萬山春霽梅林花冉
烟收苔逕石斑斑湖香積水平於鏡澗走沅泉曲似環
願結茅廬松竹裏樓遲容我老身閑

丙子除夕書懷

高燒銀燭夜遲上却憶彤庭予告時
勸拜九重頒

綺席言叨諸老惠新詩歸來殊得便
樂老老舊補報
私明日又逢新歲月白頭惟只頌雍熙

丁丑元日即事

一堂和氣藹清遶老樺欣上得自然門易挑符知改歲
孟傳杯酒重祈年呈妍梅竹當窓外弄綵兒孫繞膝前
最喜河清蕪海晏謳歌鼓腹戴堯天

元夜書懷

萬國昇平喜一家今宵宜慶好年華尊中酒有新春釀
萬上燈無昨夜花頭白辭榮千載過
恩深回首五雲
曉領子林下身康健何必尋仙服紫霞

立春祀始祖

必芳牲醴謹成規男女衣冠肅令儀為憶始祖遷隆世業
可忘裡享表時思音容陟降春初到禮度雍容日正遷
長額子孫知所自年上芹藻答鴻禧

元宵

月華星彩徹深更况味今宵覺倍清
院外名花梅任折
甕頭新釀酒隨傾燈燃匣閣春無際
凍釋銅壺漏有聲
城柝不聞知弛禁六街簫鼓慶昇平

張都院以樂立十咏見寄賦此為謝

雲樹相望嘆別離才華宜我起遐思
五朝宦業閩南

北一代詩名邁等夷
關每懷匡世策娛閑長近
惟樂立十咏真珠玉字上唐人更許誰

閒居憶往年持節策封慶府途中所歷之况

鏗上鉦鼓一齊鳴
貂帽袞裘通曉行
敗屋頽垣感戍堡
黃沙白草歇轅城
荷櫓橫梁綠防寇冒雪衝風為促程
何似今朝林屋下田園兒女遑閒情

又憶任侍郎奉教巡撫京畿所歷之况

同雲霽麗渺無邊
去上征途雪滿天
河上寒流漸欲凍
道傍茅屋灶無烟
江南桑梓家何在
塞北關山馬不前
主因僕勞竟若斷宦遊誰說似登仙

丁丑清明錢唐先塋以兩阻命兒賓代紙掃

四百年來祖與宗雲仍重拜又成翁驚翔鳳蕭然天竹
簞楚昂霄合抱松風氣融上何所似子孫蟄上幾家同
都由世澤來深厚如斧如堂等華嵩

寫懷

老至忍歸喜得歸上來仍戀菱荷衣緣知富貴非吾有
遂得優游與世遠峻秩當時叨聖擢清華長日想
彤闥太平又喜從天順日上萬呼向紫微

南齋寓懷

柴門石徑斷紅塵老去何妨只任真安分不陳布世策

金華稿卷九 十九

看花甘作負春人高車駟馬寧非夢淡飯黃齋豈是貧
佳感天恩深似海林居容我樂閒身

丁丑端午寓懷家无席上賦

擗兩紛上住復飛佳辰泥濘客來稀味甘蒲醕新開甕
香醴宮羅舊賜衣草上杯盤隨量飲悠上桑梓自天歸
允酌第酌薰風裏此席年上頓莫遺

懷駱溪園

憶別手姿又隔春無由縮地日相親詩書林下友千古
屈指閑中能幾人野鶴孤雲誰可匹玉壺秋水自無塵
深吟正解頭如雪仁里予將老上鄰

寄夏布政

榮承優詔出彤闥佩玉腰犀二品歸未老乞閒非負國
中流勇退屬知幾疎籬遠約栽黃菊画省無情對紫薇
感激天恩慙莫報丹心長傍五雲飛

寫懷七月十三日

未泰西成似可期閑中又及早秋時徐行綠野從紆步
元對青山謾索詩涼沁葛衣風漸上陰移竹戶晝遲遲
聖恩欲報嗟予老一寸丹心只自知

聞北幹廟祀吳越兩山亭惟有荒基感而賦此
將軍遺廟祀危岡塵滿真容黯夕陽春去秋來山點點

金華稿卷九 二十

潮生潮落水茫茫亭臺凋弊豪華泯草木蕭條苑囿荒
聘目直隨飛鳥盡隔江樓閣是錢唐

寄陳養浩憲僉

清庭華屋正弘開可惜匆匆別又催轉曉光陰星兩匝
相思懷抱日千迴我上冠帶尊鄉井赫上聲華重憲臺
傾刻未知何日是樓船湖上共徘徊

寄王太卿希仁

相知元自少年來玉倚蕙葭媿不才同拜深恩留
闕下共承優詔入林隈純上白髮君尤壯耿上丹心我
漸灰安得移居與隣並盤桓三徑日追陪

獨步

看水看山款款行此身何以蒼昇平九天日月懷

龍哀萬歲山河祝 聖明廟廟昔年曾騎步桑榆今日

豈忘情西城又撥鏡衣食還被 堯天雨露榮

天順元年七月廿二日夜夢東里學士楊公謂

予曰建安回時汝有詩贈我今亦回豈無詩乎

予諾即賦以荅惟記聯中有但覺文星閣下稀

之句既覺足之且公沒今已十四年其顏色猶

見之於落月屋梁之傾寧非平日相得有以感

之耶建安蓋福建楊學士云

南齊書卷九 主

房杜才猷獨 萬幾 五朝勛業著形關喜承

恩詔天邊去但覺文星閣下稀綠野堂深瞻日上午搖

莊晚看雲歸神仙平地人能幾還有丹心向紫微

風雨中辱通政畢公知府葉公憲魚陳公郎中

鄭公自錢唐絕江過訪既還書此為謝

清江浩不辭勞衝雨衝風渡早潮蓬華昌勝成狂顧

駕班應是念同朝正期清話舒孤悶誰料挑燈僅一宵

把袂沙頭忍為別相過何日更聯鑣

秋暮寫懷

投老田園兩鬢蓬堦前黃葉又西風香杭喜熟垂新穗

幽菊驚開發舊叢世態是非歸度外詩懷暗雨遶間中

盤谷幽居為武進董誠齋賦

青山繞屋樹扶疎草色苔痕一逕紆金馬玉堂無姓字

錦心繡腹有詩書松根雨過苔堪斲新溪面風輕鰕可漁

門絕詭譎長日掩石田時出帶經鋤

梅月軒

庭除寂寂夜澄澄梅有幽香月有明姑射凌寒同雅操

姮娥搗藥共長生冰花璀璨欺凡卉挂魄嬋娟徹太清

高潔相期成永好百年毋替此深情

南齊書卷九 主

丁丑歲暮書懷

喜近新年送舊年蕭蕭白髮已盈顛功名潦倒歸身外

兒女團圓繞膝前臘殘舊夢來浮漉梅花折就對娟娟

呼童分付明春計于耜先耕近郭田

和陳祭酒壽藏十八詠 壽藏卜吉其一

泉深土厚冠東南眼底名區未許參安魄正宜營石壩

棲神還許備松龕祥光炫目凝霞彩佳氣浮空辟瘴嵐

最喜近家堪取適時携酒肆清酣

壽菴佳景

幽居何處隔塵寰不言誅茅向此山六籍陶情消日永

一心忘勢與皇松根雨足移黃獨塔下春融字白麟
須識先生抱貞操白丁誰許扣柴關

花嶼春雲

非烟非霧暮山長護朱門盡日閑陰翳松篁來去裡
影移窓戶有無間曉迎旭日從龍起晚宿茅簷載鶴還
憶昔金門呈五色臚傳聲裡得逍遙

藕池涼雨

雲錦平鋪水滿塘忽過新雨倍生涼盡消酷暑無炎更
遙送清芬到藥房露散絲隨日永娟娟引杯長
然此吟對微醺後不覺詩成字已香

龍潭顯應

一鏡潏潏近樂丘中蟄神物有蒼虬清逾揚子中冷水
深北終南炭谷秋雲欲爭涵銀漢月霜飛寒瑩玉壺秋
佳城喜卜為隣並千載令人咏不休

馬嶺獻秀

曾懸疊障勢參差漫匝佳城喜萬重重疊參天森紫戟
青排闥護簾櫳崖端飛瀑北岳鍊石上凝嵐氣吐虹
公惜丹梯凌絕頂盡收殊勝翫龍提

山寺晚鐘

蒲牢何處吼斜暉蘭若岩峩接翠微入定老僧驚得悟

爛柯仙客盤忘歸煌煌浴海蟬將出點點投林鳥漸稀
正值真詮初諷罷一天花雨近人飛

塔蒼晨聲

蕭蕭一疊擅蒼名味爽遙聞警有聲祇樹枝頭驚宿鳥
晨譙樓畔雜鐘鳴疏櫺漸覺神光煥老衲應知旦氣清
喚醒泥床禪定者斯時還許下階行

松林看鶴

天末飄飄萬里來塔前長日任徘徊已逾上壽經千歲
曾駕真仙過八該鳴向晴窓聲徹漢舞過幽徑野留苔
高年殊藉陪吟肅細閑燠無相爾才

柳岸聞鶯

閒閑忽聽柳梢鶯戔戔樓頭已罷更纔見喬遷來遠谷
又聞調古弄新聲悠揚合調元無語宛轉於人却有情
老我餘年賴怡悅高樓已向佳城

疊嶂前昇

當頭整正却如屏細測經營感地靈雄固難移千古壯
峻增不改四時青從心所欲曾無學惑世他岐浪有經
最喜佳城今卜此餘年來往樂康寧

三峯後序

一峯已障又幾峯知自扶輿淑氣鍾近俯川原羅錦繡

遠臨城郭擁芙蓉我上馬嶺山齊護渺上慈谿水盡從
不假著龜先蔽志百年何幸得相逢

原隴春麥

村深喜熟比秋成捲翠今看一望平已許老農無缺望
還期太史必書楨苑上未親黃雲催略上先聞錦雉鳴
殊願稔收歸萬室老手亦得慰閒情

湖田秋稼

民生粒食荷先農萬室期收祝愿同精鑿固宜先奉老
倉箱誰敢後輸公昔聞卒歲家上饒今喜綠湖爽上豐
滿目昇平忻有兆從茲誰不務田功

南嶽稿卷九 五

綠筠連林

風過雅韻雜宮商個上凌寒色愈蒼勁節不嗟池歲晚
高標殊訝接天長君應憶我心如舊我亦懷君美已霜
今日歸來盟不爽羞看塵世有炎涼

翠栢擁蓋

裁分新圃碧連瑩入望童上若蓋擎期並梗楠支大厦
羞同莖李艷春城堅貞不改冰霜操優渥長雷雨露榮
願得餘年愈康健更培松竹有寒盟

澗泉繞砌

忽聞過雨響如雷噴雪跳珠萬壑來派落懸崖從迤邐

流沿砌砌任紆迴濯纓儘許探盈掬濟渴何妨吸滿杯
我喜官途今息軼也宜吟對滌塵懷

石笋當頭

奇姿共說鍊金精却詫根從厚土生規製未應同琬琰
光燦還許類瓊瑛荒上曠野猶人立矗上層霄若柱擎
不是天然成壯觀良工雖巧琢難成

戊寅元日寫懷

金猊香噴燭生花春到寒門趣倍嘉日上高堂壽王樹
泥融深院茁蘭芽欣上老穉生昭代楚上永冠為舊
家最喜兒孫稱慶慶斑斕綠服映流霞

寄吏部尚書抑菴王公家有行樂所曰小瀛洲

江東渭北嘆睽離日上停雲動所思閣下聯床聽漏
虞御前同叙轉官時君當樞要辭何切我值衰頹退
却宜獨羨小瀛洲上樂無由縮地任追隨

新正之五日雨雪稍霽晚步家園是日甲子

布韞青鞋雪滿簪雪晴宜我步家林功名老去雖成夢
泉石歸來不稱心上上層崖堪遠望梅開老樹憶幽尋
上旬甲子豐年兆又荷 先天雨露深

喜雪

瑞雲絮舞值春前作瑞清時感上天四海不煩憂瘴癘

三農惟藉卜豐年月明塔下光逾皎梅破溪頭色愈鮮
老我荒欄看不厭真疑郊外玉爲田

新正之六日雪霽郊行

扶藜郊外興翩跹
貂帽依裘雪滿顛
野岸石橋人斷跡
田家茅屋灶無烟
雲深陰幕山前寺
寒近冰膠水次船
折得一枝梅在手
不勝春意到閑邊

入日穀日喜晴

雪霽雲收日漸升
白頭林下倍怡情
蟻浮竹葉家三美
香度梅花苑七清
已卜郊閑無瘴癘
還期禾黍遂生成
謳歌擊壤聞遐邇
可乏新詩紀太平

憶往年奉使西夏過唐興慶宮

列柵齊已盡塔鎬從人擅
板間銀箏摩空蒼翠千尋栢
走地龍蛇萬歲藤
歌舞樓空斜日掩
梳粧臺地暮雲橫
龍池滉淥鳬鷺集
寧不令人感廢興

過杏園唐宴進士之所傍有寺寺有塔進士題名其上

勝槩關中許過風光滿目舊山河
日高滙水搖銀漢
雲歛秦山擁翠螺
塢倚晴空僧漸少
園荒衰草杏無多
欲尋進士蒙恩跡
石上題名已盡磨

立春日偶賦

白首逢春感物情
甘於林下樂昇平
萬年正朔尊天順
一統山河拱聖明
陰谷融成得暖花
芳載盡敷榮
天恩又喜從今始
隨處謳歌藹頌聲

閑居寫懷

老去貪閑少
送迎只嫌門巷雨
難晴苦吟獨愛詩長就
薄飲誰嗤酒不醒
梅向窗前全吐蕊
蘭於堦下漸回榮
閑居正值中興運
惟望人過說太平

雪中偶賦寄王景陽都憲

天上崑崙來近十
春蕭瑟門巷絕凡塵
林邊又喜逢新歲
眼底惟嗟之故人
架上青編長伴尋
中綵酒少相親

子猷若使能乘興
襟抱何妨細共論

夜坐懷賀友菊

江東渭北渺雲天
兩地相思遽十年
嘆我支離難比舊
聞君矍鑠勝於前
周情孔思懷千古
大帶深衣寄一廛
今夕題詩寫惆悵
蘭膏燃盡不成眠

昨聞鎮守太監總兵官陳憲使辭官賦此為寄

網維風紀正
明時冰檠聲華已四馳
勇退急流中有斷引年堅請疏
無疑哀情懶七緣
知止大體堂七更不虧只恐
聖心恒簡在
玉音遙降未容辭

詠堂前鴈

北歸無計暫淹留得傍堂堦亦自由
露宿頻忘相浦夜
霜滿還憶塞門秋未同黃鵠
神霄舉且脫樊籠盡日愁
銀翻好脩從爾遊從今須避網羅求

西山暮歸

如畫青山夕照微
經丘歷壑竟忘歸一襟趣遠知應少
八句詩成和亦稀
耳喜隣翁陪步月還思穉子候牽衣
不勞更理公家事笑指浮雲款款飛

陳尚銘能葬親詩以旌之

力挽雙親一窠藏佳兒純孝不尋常
買山以方傾素
塔殯皇又倒囊
臣隴徧園松樹猶封還護稻行

絕憐汎掃清明日踟地呼天幾斷腸

劉師邵王希默自越城見過臨別索詩

懷瑜握瑾藹清芬
翰勒金宸好子孫
楚丰儀頻入夢
蕭風雨忽過門
校書文派何曾泯
內史家聲又喜存
惆悵河梁復相別
老年襟抱共誰論

有感

桃花落盡柳花飛
燕子空梁應社歸
歲月難留人漸老
田園雖理計全非
不圖世業逾前好
只恐家聲比舊微
惆悵酌齋生終日
青山贏得伴斜暉

喜吳僉事於子宋邑令楊先生祠行香

萬古流芳宇宙間
不徒遺愛在蕭山
道傳千載開來學
義辦三經斥大姦
祀缺孔庭期建白
祠荒越嶠孰躋攀
辛逢典憲行殊禮
始覺吾儕免厚顏

五月一日晚晴閒步

老農歌裏雨新晴
曳杖春深款款行
萬疊好山隨處湧
一川新漲與堤平
青柳線牽風舞短
蒲芽貼岸生
二麥如雲收喜盡
無人不說比西成

懷錢唐先塋

巍文筆對南峯
匪龍糾蟠合抱於已喜
山川存勝槩
可無孫子守遺封
雲開入望紅光
滿夜半衝霄刺氣雄

只怪一江遠咫尺時與感夕陽中

挽袁忠徹少卿

消遙又喜入蓬瀛
使我相知淚若傾
北關每懷聯珮入
西湖終負看花行
殿輪夜半虹光燦
宰木秋高劍氣橫
形管豈容無列傳
昭昭忠赤見平生

寄餘姚致仕樂參政

一生無愧著朝簪
楚上聲華藹士林
久別不堪經十載
新詩遙寄直千金
閑看秋水扶筇立
靜愛青山挂笏吟
身退此心猶戀闕
都緣難報聖恩深

戊寅夏久旱得宋龜山楊公所創湘湖以濟

不假天瓢拯旱災
誰能竟日自湖來
旌祝隨處歡聲洽
未黍從今生意回
力挽凶荒為稔歲
功資社稷豈凡材
九鄉總被龜山澤
有廟堪嗟翳草萊

寄新昌章副使

青雲得路正蜚英
萬里歸來一棹輕
報國尚存心耿耿
辭官無奈髮星星
功成盛世全清望
經濟岩廊失老成
雲樹相望纔咫尺
何由重得叙平生

寄新昌呂教授

貴官勇徹廣文綬
不道辭榮二十年
噉齏食水甘晚節
懷喻匪瑾邁前賢
尋真雲外登天姥
種木春深入綠煙

寄陳祭酒汝同

乘興有時能過我
掃門專候剡溪船

立春

片泮樞趨記昔年
青燈夜雨伴寒瓊
弟兄進上誰能似
詩禮誼自有傳
步玉登金名素重
食冰噉藥操逾堅
有懷胥晤日殊切
老矣何由到日邊

歲暮書懷

土牛鞭罷喜春回
頓覺陽和溢九垓
徑僻泥融無雪迹
花香風軟有梅開
辛盤旋簇青上菜
壽酒新篘灑一杯
感激昇平際今日
萬年遙祝望蓬萊

過樂立

星移物換歲云周
轉覺紛雪滿頭
秋稅供輸誇已給
春耕錢轉喜將修
九重聖主恩殊洽
四海疲民病欲瘳
憂國憂家男子事
此心雖老不曾休

歲暮得章侍郎給書

縮地無由叙舊盟
相思徒覺髮星星
罹災莫致扶持力
感舊多勞夢寐情
載道文章殊渾噩
於時言議更鏗鏘
定知公論歸孤筆
竹帛難磨萬古名

戊寅除夕

孫曾統勝任誼譚
寶篆香清燭有花
已喜明朝是新歲
還宜今夕慶全家
辛盤簇上嘗生菜
蠟燭灺上醉紫霞

已卯元旦

惟感昇平無以報
不嗟髮白老年華

二月十五日雨中獨坐

頌徹椒花酒滿斟
閑居佳致又從今
承歡勝喜諸孫統
獻歲多勞好客臨
傲雪窗前梅燦燦
凌雲牆外竹森森
白頭無限田園樂
難報天家雨露深

過樂立

九十春光已半過
不堪行樂尚蹉跎
好山入望青猶淺
芳草緣堤茁未多
濁酒菊來聊自遠
新詩吟就向誰歌
先堂汛掃清明近
展短泥深可奈何

一棹平湖拂曙行深春時節近清明輕寒輕暖風微度
非霧非煙兩半晴旭日曛上升宰木祥雲輝上護佳城
不須杖策徐上直拒中峯最上層

清明汎掃先塋回自西山

屈指歸來自玉京十年今日又清明不辭策杖尋先隴
還許尋僧說舊盟露浥夫桃紅點上風搖新柳碧盈上
綠山徐步東風裏誰識閒中此段情

閒居自述

蕭上白髮滿頭顧只喜今吾即故吾素志豈渝冰蘗操
青氈惟理聖賢書閑情屋底山長對生意堦前草不除
翹首金門霄漢表歸來又是十年餘

病中五月六日

老來一病苦纏綿煮藥香中輾轉眠蠶婦晴窓收繭日
耕夫南畝插秧天問安好客羅庭下取藥諸孫統膝前
不是參耆無速効都緣未熟養生篇

病起五月八日

勿藥茲辰病始瘳凝神默坐小牕幽已驚上箔蠶俱熟
更喜登塲麥又收二豎膏肓嬰氣逐百年桑梓遂優游
填門賓客紛來往只媿迎將禮未周

赤髯圖

虹光輝二興翻二萬頃平湖發回船蕭鼓自非塵世客
風流真是玉堂仙山高月小秋清候賦就枉深夜午天
沉醉蓬窓方枕藉夢回玄鶴下踰遽

哭畢通政

時思同應列朝紳肝膽相孚五十春金闕聯床頻持
漏銀臺隔屋又為隣冰霜持已流芳久冠冕歸田渥
寵新聞訃茲辰嗟我病不勝嗚咽倍傷神

六月三日舊疾又舉

南薰拂上逗窓紗睡思朦朧上覺眼花不是閑居病仍發
都緣殘喘老將加扶藜強步歡迎客欲枕微談頓啜茶
滿案參苓總良劑何如先煉自丹砂

六月四日病起戲筆

日上紗窓解有輝衣冠衝曉出書閣閱耕不覺精神倦
近客還知氣力微晴愛槐陰鋪石徑早憂湖水落苔磯
病後脫體仍康健却詫如吾无者稀

補題遊興濟伯揚公東郭草亭上在北京東城
之外

聯轡郊居賞勝來雨香雲淡絕纖埃鶯聲入座紫歌調
花氣薰人近酒杯假醉未容眠翠石尋詩還許步蒼苔
何殊洛下耆英會有約明年我更陪

南京禮部侍郎章君綸聯瑞堂

燁燁禎嘉世所奇駢臻文運正當時荷生聯禁開草萊
葵微清霜吐舊枝異態凌波真絕品丹心向日豈凡姿
容臺爭覩猶星鳳願得移我近玉墀

晚步

一逕迢迢引興長過橋還擬踏橫塘山頭落日川光映
溪上風迴水氣涼短策徐行耽月色練衣拂拂染荷香
閑中信有閑中趣吟得新詩足錦囊

哭陳祭酒

文星昨夜殞南陸一代儒宗更有誰禮義率人殊塞謬

文章名世

文章名世揔瑰奇每懷閣卷同春院尤憶休官共玉墀
老淚懸河無處洒不知何日舉靈輶

六月十五日夜坐

浴罷蘭湯對晚風繩床高據思忡忡兒孫學謫愚還嫩
市井言訛西又東漸入清宵方看月忽聞蕭寺又鳴鐘
絺衣絛扇涼如許幸覺孤吟興頗濃

盛暑中北牕睡起

閑居高卧北牕涼覺後誰知亦有忙小園之蔬催僕種
薄田無雨怕天荒梧桐庭下秋來近憂閣天邊夢去長
無限湖山長入望幾時容我恣徜徉

七月一日立秋

迢迢碧漢火西流不覺人間又早秋金井碧梧驚漸老
山田黃穀喜新收乾坤氣肅炎氛淨稅蕈涼生睡思稠
節候以時寒暑正人生一任雲盈頭

七月十一日喜雨

不雨江鄉兩月多時臨處暑忽霽霓山林色轉高低樹
原隰香回早晚禾萬國均沾滋溉力三農齊唱太平歌
端由聖德通天地挽却凶荒作泰和

十一月十一日恭遇萬壽聖節

海宇清寧邁古今有生均荷聖恩深一陽屆候逢

佳節萬國

佳節萬國膺懽懽禁林民物春涵美夏浹厥魚信及鬼
神欽老臣無補安休致只效嵩呼罄此心

憶吏部尚書東阿師公

老淚臨風不盡揮都緣知己似公稀官陞要秩殊勞薦
寒禦嚴冬更解衣每賦招魂情頗切不堪酌德志全違
東阿原上墳千古極目寒雲幾夕暉

江山晚霽圖

曙色喜微宿雨收風光如畫憺吟眸琳宮蓮宇東西掩
酒屋漁家遠近洲泛泛落花溪洞窈窕茸茸芳草石林幽
乘閒便欲携琴鶴布韞青鞋汗漫遊

大雪夜坐

稜：寒氣逼虛堂，檣柵煨紅夜。未央紙帳光，涵燒燭焰。
竹爐烟，最煮茶香。梅詣獻歲，開堪折酒，解迎春，熟可嘗。
老我明當看霽色，杖藜桑梓試康強。

雪中夜坐

娉婷萬舞下群仙，老我寒爐火正燃。一白混涵天上下，
千門光闔月嬋娟。不謗豪飲歡無極，只喜農歌慶有年。
須念無儲甌石者，疲民終日竈無煙。

已卯歲闌祀事有成感而賦此

年：瘡痍肅家規，盛服齋明敢後期。香溢疎梅春到日，

南齋稿 卷三

寒深殘雪歲闌時，殷勤寸草憶丹悃。盼嚶高堂挹今儀，
老稚方慚無補報，慶成尤感錫繁禧。

雪夜憶往年出使之況

漫天風雪苦紛紛，持節遶城幾斷魂。失道不堪臨絕澗，
回鞭方詫得孤村。三更窺客狼堪畏，萬里衝寒馬正奔。
何似老歸林屋下，紅爐檣柵坐黃昏。

已卯除夕

兒孫繞膝玉聯蟬，絳燭高烧侍綺筵。醉挹霞觴浮歛滌，
權承綵服舞蹁躑。銅龍漏轉春回候，金鴨香濃夜午天。
須整朝衣瞻北闕，萬呼明日頌堯年。

第九卷

南齋先生魏文靖公摘稿卷之十

寧國縣知縣前纂修 國史鴻臚寺序班男完編次

通奉大夫福建布政使司左布政使孫壻洪鍾校摘

律詩

送宣聖五十九代孫二上舍還曲阜用胡尚書韻

堂上二妙玉無瑕，系出東蒙至聖家。志篤詩書求正學，
羞看桃李競繁華。沙頭別酒酬春色，江上歸帆拂浪花。
此去金門應展步，規予跼伏老烟霞。

庭槐憶先人手植者，惟水厄不及見。餘五十年矣，

先人手植倍清妍，不觀貞姿五十年。手澤未應教委地，

南齋稿 卷一

孫枝今亦喜，然天陰畫蘿逕當炎。暑翠幕松陰曳曉烟，
今又吟看頻徙倚。曷勝懷舊一凄然。

鄉民來訴潭頭水漲塘岸將坍為害，非淺次日

因邀縣令躬履其地示以修築之方故賦

雷奔電掣駕陽侯，誰解移山障急流。沃野割焉成巨浸，
崇岡俄爾失高丘。州司經畫嗟無計，婢獨飄搖死即休。
天定由來人可勝，豈容瞠目視沉浮。

五月初四日雨中水勢漲甚

村前村後水彌，便欲移家無處移。束手自知虧計畫，
回天誰可拯災危。扶筇草運行如醉，假寐松床卧若癡。

堪嘆弄晴梅子雨兼旬長日是淋漓

夜生述懷以示子孫有知者亦當自警

入夜南齋坐久時平生聊許一追惟歷官不解千人薦
盡職惟求只自知嚙齧餘生安已分招權逞勢尚人為
老來雖說兒孫有家世舊恩欲付誰

述懷八月初三日病起而作

百年屈指漸相將佩玉揚鑲願已償苦選扶藜食素句
竹窓添火愛焚香瘦腰殊減黃金帶陋室猶居綠野堂
沐浴昇平堅晚節不辭衰頹保冰霜

野步

南齋集卷二

幅巾燕杖髮絲々石逕泥乾病起時顯氣一天增野趣
清風兩腋助詩脾雲邊有路通蘭若林下何人唱竹枝
方念疲農苦楊腰早禾隨慶發離々

喜修湖岸有成庚辰九月廿八日也

一望汪洋接遠天難忘疏鑿自前賢張容江海摧山浪
潤沃郊原亢旱田蓄洩要知毋苟且隄防須葺責精專
萬家若肯同心力所願何愁不有年

九月十一日過樂丘

路入清湘十里程秋高風爽一舟輕離聲遠近炊烟合
野色蕭條暑氣平碧澗泉流心共散好山雲盡眼偏明

何當小憩松間屋樂我衰年隱趣情

謝曾憲使惠靈壽杖并詩就用其韻

蛇身鴻首玉嵯峨祗領其如遠意何吊古輕移誇蔗境
搜吟獨倚會詩魔豪門從主何曾枉出巡邀賓屢伴過
畦步衣年恒在手瓊瑤無報愧偏多

補題抗郡胡守述職還治所

述職明廷挺俊髦賢能獨拜聖恩褒黃封上醺頌
瓊液金織新裁錫錦袍仙仗近臨雙闕迴天顏造
拜五雲高還官感激將何報敢說晨昏撫字勞

庚辰十二月十六日立春是日大雪

南齋集卷三

裁冰屑玉下瑤天知向新春報有年近觀六花紛老眼
遐觀一白偏平川蝗歸厚地開興頌歌協陽春泰綺筵
可念三邊嚴片候忍寒多士候狼烟

寄抗城致仕夏布政王太僕葉太守鄭郎中陳

憲俞諸公

白頭聯袂却如仙枉顧曾勞剗畫舸別去堪嗟繞一水
想思不覺又三年燈前聽雨更深候湖上尋梅雪霽天
孤陋隔江應笑我無由縮地共留連

康干石

不失前身村歲寒晚々奇質殊良珎堅貞許自心無易

介潔誰容指可彈已滌凡塵離草莽宜充庭實貢
金鑾憶陪 龍馭行時令萬歲山前得 賜看

庚辰除夕

年華望九雪盈頭又喜昇平歲一周坐久猶聽今夜漏
寒深還擁舊貂裘香生寶鼎飄方熱酒泛霞觴出旋觴
只候五更呼萬歲九重遙望拜宸旒

除夜不眠以病起欲拜闕而作

匡床守歲擁寒衾酒醒屠酥夜轉深寶鴨謾焚香冉冉
銅龍遙聽漏沉沉愛嚶豈為還詩債轉轉難忘拜
關心占得郊閑雞犬靜昇平萬國又從今

辛巳元日試筆

朝衣纔脫坐匡床賀客欣過草堂出迓不須扶竹杖
追權難却醉霞觴瑞天雪霽春方洽寶鼎香添日漸長
側耳歌聲聞處從知萬國慶虞唐

自述

蚤自賢科歷宦遊老知無補即歸休簪纓幸不陳先世
行止聊全到白頭官備兩京從上遣秩叨二品豈人
謀兒孫漸長田園給不羨神仙住十洲

咏松化石又名康千石蓋回紇國康千河松所
化者

莫論前身與後身亭特立氣凌雲堅貞長抱水霜操
渾厚全無斧鑿痕萬里康千何日到一拳蓬股幾時分
從容向我資吟嘯不學荒郊似虎蹲

美邑令梁侯

擬罷魏科拜美選符分百里讓誰賢抑強扶弱心無貳
嚙檠冰操更堅耕鑿有農安飽飯微跡無吏索聞錢
漢庭卓魯今重見曾有褒嘉出九天

新歲病中

六脉平和得葆真優游何處病臨身光陰自覺年毒暮
藥石何勞日進頻諸子諸孫堪養志佳山佳水足吟春

只期雨露苦無滑杖還為閱世人

步履從容笑語真百年林下一閒身管萬事關心少
戀雙親入夢頻憶僕原頭從舉趾兒孫湖上問遊春
晨昏井旨從心欲不負昇平白首人

憶賜觀燈

萬樂聲中萬炬燈鰲山平地湧峻層千官共觀千般樂
百戲同呈百樣名綺席廣陳恩浩瓊漿齊醉夜澄澄
澄茲辰憶著將何報只效嵩呼祝聖明

述懷

餘年光景却如玆事都宜付子孫石逕雨晴吟散步

柴門客過只論文
慰前生意娛芳草
嶺上無心玩白雲
此外塵紛俱屏卻
高呼惟祝聖明君

寄孫尚書原貞手為江西考官時所取士也

步王登金共著緋
明時四紀結相知
始從領薦鄉闈
日終及聯班
禁闕時我執銓衡
殊負歎君操兵柄
却稱奇于今共作
林泉客那得重逢
話所思

寄潔菴胡尚書

半神聞說倍當初
搔首臨風思有餘
二品一堂魯仲食
十年千里乏通書
兒孫青紫承餘慶
竹帛功勳播令譽
落上丑朝居禁密
始終一節更誰如

六

聞水漲淹麥辛巳正月十一日

江河新漲苦流渾
極目連天雨又昏
二麥來年如失望
一方饑餓仗何存
堪嗟保障忘修築
不念生民是本根
老我白頭難著力
病中聞得欲消魂

雨夜不寐即景

殘書掩卷想青燈
窓外風聲共雨聲
沙上霜鍾鳴百乳
沉蓮漏滴三更雅
巢鳥翻庭樹
鴈陣號寒入塞城
此夜江鄉夢寂
景惟予知得最分明

送梁方伯

老稚傾城挽去輪
丹心誰識注楓宸
燕公綠布十一

郡懷感難辭千萬人
贊化調元特受授
垂紳正笏望經綸
老子不及臨流送
無限離懷愧暮春

寫懷

一線清香一卷書
風輕雲淡雨晴初
病除不仗參苓補
道在何須禮法拘
花對庭前開更落
雲看天際卷還舒
都來一段閒中趣
朝夕能採樂有餘

元夕邑庠王掌教李司訓同何舜賓集酒見過

綺席特將薄暮開
殷勤於我病中來
燈燒絳蠟悠上夜
酒酌瓊漿欵上杯
話久暢懷無俗客
香清陪席有寒梅
此情感刻憑何紀
滯筆南齋把句裁

六

風雨漫天日漸昏
茅堂厚過展溫存
芳尊冒濕開燈少
高蓋衝寒駐華門
蓮炬花生春盎上
寶爐烟裊夜魚上
醇醪家釀慚無量
輒飲令人便欲醺

齋居

兩香雲淡足怡神
三月風光又一旬
紫燕啼泥營壘急
黃蜂課蜜採花頻
日烘芳樹鶯聲清
露浥幽苔草色新
聞說年來熟原野
黎民隨處不憂貧

三月十一日泛湖抵樂丘

雲白山青水滿湖
扁舟雙槳捷於飛
僧坊隔岸松關近
漁屋傍沙石徑迂
榜令祠存人具仰
越王臺廢伯空圖

推篷且盡登臨興日落松顛酒載沽

辛巳四月廿六日大水紀事

馮夷何事鼓洪濤沒我階除二尺高寸地有誰能佇足
一技無處可安巢茫々負郭田俱浸獲々綠村屋盡漂
我念昔經辛巳歲于今辛巳又重遭

和宋學士諸公所和元元太朴詩

學行聲名重泰山年來何幸沐優閒田園改國遠千里
海宇明時喜一寰散地無由登魏闕清宵有夢入鸞
班相知欲門林邊趣日昃庭柯慰老顏

聖世投閑屬老年看山看水任悠然微書豈望來林下

南齊書

卷十

俗物寧容到眼前納々乾坤成我老蕭々雲竹共誰憐
清吟盡日消搖處草滿窓前花滿川

一曲瑤琴每自彈知音時覓見殊難惟將舊學加三省
不管塵緣有萬端書擬非熊徵呂望寒同深雪卧袁安
誰知久絕嫌疑地李下何曾忘整冠

懷抑菴王尚書

別來魚鴈杳沉々却憶平生契誼深朝幾承恩

席直廬聯榻共搜吟歌殘伐木凝離思賦就停雲寫素
心只恨無由能縮地小瀛洲上伴幽尋

荷池鷺

飛躍芳塘玉雪如荷花香裡雨晴初清妍秩敘郎官服
潔白明昭御史車日上波心鷗並浴月明松頂鶴聯居
行當靈沼成棲息日近天顏樂更舒

初度日述懷

茲辰初度眉勝悲為憶雙親憂難時歲祀徒推歲忌々
傷心空使淚垂々一官聖世殊知自九奏當年更屬
誰却感賓朋過相愛靈觴分進不容辭

和憲使曹公遊淨慈韻

佛法當參最上乘名藍須抵訪誰能尋源徑入無遮境
問訣還尋有道僧要息諸緣端正果好於一默契真燈

南齊書

卷九

盤桓解得醍醐味似吸清涼玉盃冰

淫雨不止門中書事恐水漲傷禾也

閒居竟日雨旁々老我懷憂若負病刈戟岩巒雲障墨
連天江海水增波泥生門外賓來少濕墮堦前木落多
最是回郊未正藝民生衣食奈愁何

九月七日偶出村前書事

迢々石逕晚扶藜正值秋高木落時自歌疎乏伴
雲來雲去却如期夕陽紅樹看荒磧野屋黃花折短籬
長揖忽逢田舍老隨行清話髣髴垂絲

九月十四日主事兄忌日

慘白髮老婦田一別音容又兩年文室燈昏料月下
玄堂雲幕暮秋天昂霄曾托連枝秀聽雨空懷共榻眠
仙逝忽逢今日是懸河有淚獨潸然

恩榮歸老會

衣冠楚上邁凡流天上歸來共白頭和氣一團成雅
集清風千古襲前修詩篇信筆懷從寫酒量隨人醉即
休此樂皇恩何以報重熙累洽頌虞周

萬壽聖節十一月十一日是日冬至

聖誕恭臨正祝釐一陽來復喜如期虹光煜燁流虹渚
春意龍慈褊玉埤獸舞鳳儀昭感格河清海晏協雍熙

登樓漫興

萬呼萬歲伸重慶況是成康全盛時

登樓漫興

遠山雲淨夕陽時稱我登臨欲賦詩谷口春回梅吐漸
松顙月上鶴歸遲禾無遺穽歸萬稟菊有寒花在短籬
倚遍闌干吟好處悠然清興許誰知

聞浙江方面重臣報祀南鎮得雪十二月十九日

霏上六出舞鵲瑞應三陽化育先瘴癘頓消無道孽
豐穰齊卜有來年吳山日上光逾皎越樹梅開色倍妍
總屬廟廊賢宰執一誠能格九重天

風雪中行人司孟司正自江西來辱抑菴王尚

書致再四問賦此以寄

風雪漫七欵七吟有懷知已坐更深儀容每嘆疏良觀
金玉頻勞寄好音進退百官真冢宰包羅千古老儒林
小瀛洲上家山樂何日相過敘夙心

壬午歲朝試筆

白頭又喜屆三陽老稚欣七聚一堂壽酒蟻浮新釀熟
春衫花襲早梅香吟邊最愛東風軟閒裡還誇化日長
老我清懽無處著謳歌惟是頌虞唐

秀野堂

宵林幽嶼繞簷樞花竹紛披照眼明賓客盈門無俗狀

歲暮補筆

兒孫終夕有書聲山容青露雲方歛芒葉香生雨半晴
詩料滿前吟不盡神仙何必住蓬瀛

咏松化石

康干發軔越流沙嬾入平泉宰相家鬼斧任施堅不磷
只安長保潔無瑕靜依清泚滋芳潤吃候晴曦炫彩霞
擬與琇琳同作貢何慚重譯到中華

兩夜書懷用寄吏部章侍郎

蕭蕭白髮任盈簪噓噓寒食冰只此心不願有人求識面
敢云無處覓知音涼生蕙帳秋初肅雨滴苔階夜正深
誰信懷君千里切不眠孤館思沉沉

舟發湘湖抵峽山途中書事

一棹薰風趁曉涼平湖如練接天長蒼松掩映揚鞭嶺
黃竹依稀范蠡塘柳下樵夫過弛擔波心漁子去鳴榔
鐘聲忽聽來林杪不識招提在上方

寄柳菴王尚書索菴胡尚書

同是鳳凰池上客如何一旦各天涯停雲徒有懷人句
撫已寧無報國私瑞日祥風春浩上清泉白石晝遲
遲田園共享昇平樂那得相逢話所思

苦熱

奄上氣息因炎熱鎮日渾如酒未醒惟懣懣自宜無客過

清涼那得有風生

清涼那得有風生隱聞掃榻眠難穩林下披襟金更
便欲置身蕭爽地廣寒不到上蓬瀛

懷松江焦可欲范性金

文物東吳第一城別來朝夕可忘情切磋鎮日多聖上
談笑過門豈白丁看竹禪房詩思逸聽琴財館客懷清
前脩聞說雖零落却喜說上好後生

和陳憲僉安單室韻

芸香四壁富詩書一榻清風喜晏如解組自歸
雙闕下棲身又是十年餘固非綠野裴公宅還勝長文
杜老居那得知心能狂顧焚香論茗候來興

爐有清香案有書一身隨寓樂誰如章尋句摘深更後
雲卧天行獨坐餘嬾學陶潛愁禁酒稔懷潘岳賦閒居
晚來或動看山興石逕迢迢上命筇輿

和錢學士溥過淨慈韻

學士胞族百萬師南臨衛命關皇慈偶因暇日過蓮
宇誰識丹心在鳳池三竺牽連雲外好兩峯南北望中
奇應懷遠祖圖王日寧似于今

賜從如雲一逕遙川原風景春嬌日高弄巧鶯調舌
烟煖投黃柳舞腰草色萋萋小墓湖光淡上段家橋
興來倚劍題詩處却嘆偷安宋大朝

林居寓懷

江庵廢宅迷寒雨揚令祠荒掩夕暉所識前修無地覓
同時沿牒幾人歸心馳流水悠上逝日送閒雲歛上飛
却愧天顏千里隔十年無夢著朝衣

南齋寓懷

大化推移豈或偏人生百歲可徒然功名盡力須由已
成否於吾合聽天皎日當空中又吳青山行陸斷還連
至入解得循環理坎止流行即是仙

咏新居

依村帶郭尺如準式耿成二品居易視雖云新締構

傳家不失舊門間中堂寶聚 龍蟠詔與室香函
御製書足我懸車示 恩寵敷遺何必在渠

貞節卷

兩淚懸河不住垂哀情事許誰知未能九地從夫死
只為孤兒戀母慈冰縈長甘心比鐵雪霜同調鬢如絲
歲瑜匿璫辭旌異自有清風激等夷

題太常少卿陳惟成父子同朝金門待漏圖

金門未開漏聲遙橋樑聯班候早朝耿々明河輝白簡
灑灑靈露襲朱袍鬱鬱御氣龍樓迴恭默 天顏玉
殿高堪羨一家當聖代簪纓奕葉更誰衰

壬午除夕

迎新送舊綺筵開珠感光陰互往來爆竹聲中
梅花香裏早春回 五朝臚仕 恩雖在九奏高年發
更喜屠蘇當此夕年々不減醉深杯

癸未元旦

酒闌滿把醉瓊筵解組歸來十二年老况長叨安節屋
深恩惟日感 克天春陽浩々輝林下鶴髮參々滿鬢
邊拜昭尚能酬獻歲從教人頌地行仙

聞抑菴王尚書沒於去年九月

丹心同秉鸞垂絲屈指相知更有誰德義切磋時懇々

詩文廣倡日孜々西窓聽雨挑燈處 北關朝天待漏
時今日誰知隔生死令人惆悵不勝悲

五月一日病起閑行

試拈鳩杖步前輝酒々渾如無病時妙藥已知勞病
長生何必問安期共誇喜氣盈眉曉不道霜華點鬢絲
歸向南齋尋樂處一編還許不停披

閑立

浴罷支筇候晚風倚々扶憊一衰翁無愁却似居愁裡
不醉渾如在醉中拂々涼颼來速樹梢々明月度層空
劃然一嘯詩隨就喚醒都因遠寺鐘

閨中自述時張未退禾未栽諸孫不肯向農故也

窓下栖々兩髻毵無端懷抱鬱難開埋頭盡日從書卷
對客何心及酒杯時節却驚未未插隄成又說鴈還來
諸孫膝下皆成長未審誰為出眾才

陳教授秋鴻致仕客金陵賦以招之

玄武投簪愜所懷故園何事不歸來好尋骨肉依梅塢
莫把文章戀鳳臺種柳可拋陶令宅讀書難忘野王堆
停雲况我相思切矯首金陵日幾回

辱藩臬諸公慶九十賦此為謝

迎將父倦客稀來寂々衡門掩綠苔誰料茲辰當壽裏

却煩高蓋入林隈
瑤章已拜長生祝
仙醴還叨盡醉杯
願與諸公同不老
蟠桃看實又看開

寄梁知縣昉

墨綬銅章自甲科
廉公百里萬人誇
識荆每感頻來往
借寇無由只嘆嗟
終制有期將及禪
朝天何日可辭家
慚予九袞閒居裡
只為思君髣髴華

初度日北京臺閣諸老以禮來慶書此為謝

九十年華髣髴遠
煩稱慶及蒿萊雄
文字上歐蘇筆
妙句篇上李杜才
果釘蟠桃來異實
酒分春甕出新開
深慚潦倒叨殊禮
謝悃無由達上台

謝南京臺閣諸公

多儀何事抵林邊
為慶衰遲九十年
文亞先秦森鉅筆
詩逾編貝燦華箋
何當海屋添籌日
正及蓬居暑退天
不敢長生成獨擅
願祈同作地行仙

示諸子孫

可嘆同堂父作仙
白頭惟我到高年
五車不倦窮千古
一飯何曾費萬錢
戀闕此心長耿耿
思親今日倍悵悵
依然衣具慶兒曹
禮只望雲仍個上賢

六月廿三日雨後納涼書懷

一榻蕭蕭坐復眠
新涼喜納未秋天
斷虹閣雨橫斜日

高柳凝雲排暮煙
却怪悶來惟自遣
還嗟詩就向誰傳
年華九十雖強健
觸事須宜付坦然

次王堂賞芍藥韻

貞姿誰似發春芳
開向瑤臺的異常
共說元裁三本異
誰期今扮一般粧
玉梅徒逗冬深白
金菊空舒砌下黃
自合移栽供御覽
花前齊獻萬年觴

奇姿因愛異群芳
我亦移栽向太常
三載培教隨意長
一朝驚睹不凡粧
霓裳日映層層白
綵袂煙濛淺淺黃
憶別來消息香花
時誰為一稱觴

懷錢唐山水

兩峯南北碧參天
林下香街湖上舡
況有先塋宜汛掃
豈無仙窟可攀緣
水花燦爛通仙宅
石髓汪汪歐老泉
嶺越松篁龍井寺
好稽先子讀書年

寄沈綉衣親家

同道同門不計春
葭莩又喜厚姻親
交游屈指雖多輩
肺腑相知能幾人
已喜一心金可斷
誰如偕老王無塵
遙聞勿藥仍強健
林下還期來往頻

過小兒書齋見舜賓所寄佳什遂倚韻和之

客邸秋來喜漸涼
歸期何事轉茫茫
茅堂不過已三月
尊酒長懷共一觴
浪跡想嫌湖海窄
離家誰說歲年長

懸知素有題橋志駟馬乘時始到鄉

哭沈綉衣親家

姻嬾自昔忝葭莩同德同心似合符却憶話言猶在耳
可堪生死竟殊途霜臺守職真端士林屋歸休亦丈夫
老我獨存嗟永別不勝清淚酒鳴

癸未除夕

明日閑邊當歲換雅宜懷抱托清吟浮生又屆過人壽
白髮難忘報國心不信有春催臘盡誰云無酒坐更
添兒孫共享屠蘇會獨喜吾當最後斟

甲申元日懷往歲家賜侍宴奉天殿

瓊筵王殿侍東廂寶座中尊仰聖皇樂奏約天聞
鳳吹酒頒光祿醉瓊漿融瑞氣來三島浩歡聲洽
萬方誰識歸休林鑒底衣冠猶帶御爐香

新正拜龜山楊文靖公祠有感

寒雲古木草離離典故前朝有孰知義辯三經防迥否
惠施一邑救民饑苔生石鼎香誰熟靈食松堂壞不支
安得陳詞達天聽孔庭陪享復何疑

元宵雨中獨坐寫懷

風雨高堂夜轉深可堪孤却好光陰杯停綺席於誰共
坐擁紅爐只自吟聽漏已知無客至添衣微覺有寒侵

鰲山却憶金門看宴罷歸時月未沉

哭明尚書

盛歲相知到白頭鑒坡蘭省憶周遊清談不倦知心
話丹悃長懷報國謀蓬島尋真何處往毗陵握手竟
難求老子林下猶強健為隔幽明只淚流

寄禮部鄒侍郎兼簡戶部楊侍郎工部霍侍郎

日上凝眸望玉京難忘千里故人情物勞遠惠來奇品
書感頻題理舊盟魏我衰遲頭盡白多君遷轉日方升
尚期勿怠平生志愈竭忠勤答聖明

雨中述懷詩聞大行皇帝遺詔

屈指清明漸來桃花落盡李花開先瑩隔水未嘗省
聖主賓天無任哀跡道衙門其素分心留明世魏非才
茅堂白首含懷慶目送閑雲日幾回

錢唐先瑩其來四百年矣賦此以勉子孫勿忘

時上之汛掃云天順甲申二月清明日也

四百年來祖與宗若堂若斧自遺封森翠凝眸竹
挺上岳陰合抱松岡隴不渝千古壯兒孫長守幾家同
儲祥毓祉知無極可慢時上汛掃功

范侍郎公理有書及手故賦此以寄

科名黃甲已逢時萬里青雲慨所施又休大廷新雨

露不孤方岳舊威儀在人公論容誰泯報 國丹心只
自持聞說形神更清泰傳芳尤喜有佳兒

父兩喜晴晚步林下三月四日也

一春今日喜繞晴薄暮扶藜野逕行未擬花前邀客醉
且宜原上勸農耕風和出谷鶯調舌雲歛歸巢鶴晒翎
頗使老懷無限好吟來不覺又詩成

今上皇帝即位覃恩四海欽降 詔書該文武

官員五品以上致仕者進階一級臣驥今年
九十一歲榮寵是逢不勝感激賦以識之

喜拜 天書出九重捫心何幸沐 恩濃五朝已獲千

壽

年遇九袞仍叨一品封冠許加梁髮白帶應園玉映

袍紅膺茲異數慚難補只效嵩呼祝 聖躬

一官閒久佳林隈 優詔天頒許進階燁々虹光來紫

極溶々佳氣溢茅齋 恩殊感千年過圖報難忘百

歲懷尚願子孫知所重永冠奕葉紹無涯

送吏部章侍郎奉 詔還鄉省先塋

黃甲 清時早致身誰如才藻迥超倫逆鱗曾犯臆忠

悃大拜何慙立要津祀歲先塋當此日 恩承優詔更

何人懸知竣事朝 天闕異寵還加秩又新

送兒完北上代謝 聖恩六月初八日也

閒居一品拜新遷北上酬 恩賴汝賢三伏莫辭千里
道一心當在 九重天紅雲入望黃金闕綵鷁衝風錦
纜紅老我倚閭斜日裏歸期須傍菊花前

中秋夜無月

何事陰靈翳玉盤不教精彩放團々高堂已負堪閑譙
老況何由得縱歡吟怪綠毫題句流坐忘清露襲衣寒
嬋娟笑道惟今夕三五圓時即好看

閒居述懷喜年將百歲奉 詔進階一品且值

水患未忝無恙

迂疎不覺已成翁鎮日優游雨露中一品新陞導

壽

紫詔百年將屆荷蒼穹松楸入望山逾麗未忝述雲威
又豐感激 天恩深似海沾濡能有幾人同

九月廿六日早過樂丘書事

一舫宵征十里長荒雞啼罷月蒼々纖々隴麥抽寒雨

城々江楓落曉霜田塢勢窪窪將拾緝漁翁收網欲鳴榔

黎明暫憩平湖曲木杵堪嗟水半傷

夜坐十月初三日也

聽風聽雨坐虛堂架有圖書業有香趣好不須陶令酒

官閑長住午橋莊子孫有繼承先世出處無虞仰

聖皇屈指年華將百歲嬉々不寐過更長

寄兒完

恭逢驛使出 皇州聞說吾兒預纂修
甥自白衣蒙簡 後榮登黃閣匪要求
聖恩宜報乾坤大子職母貽父母憂
宦業傳家當更謹端貞清白是箕裘

送林學士致仕還閩中

闕關千里去遲遲 白髮清時玉署歸
優老已承新賜誥 榮鄉還有舊朝衣
不孤雅望林間重只覺文星閣下稀
追餞慚予年近百隔江惟有寸心飛

十二月廿六日夜坐

雪月交輝夜未央 白頭無寐坐虛堂
搜吟殊乏驚人句

南齋稿 卷十 三

引興頻燒撲鼻香 茶煮金芽翻石鼎
燈生紅粟綴銀缸 却懷往日塵塵鞅
南北驅馳有許忙

乙酉元日寫懷是日立春

皚皚朔雪迎春霽 的的窓梅應候開
長擁紅爐消永晝 頻留佳客醉深杯
白頭忠敬心逾在 往昔驅馳力已衰
惟念 天恩無以報不勝兢惕仰蓬萊

新正述懷

獻歲人過迭復迎 欣誰識我中情
一身老媿家難主 千里心懸子在京
何暇看雲消永日 暫能欹枕坐深更
無端尚負詩文債 有客敲門不敢應

寄鄒侍郎幹時得告省墓促其還朝

停雲日上繫深思 聞說還朝未有期
宗伯可忘榮畫省 龍岡應是立穹碑
要知貴重非凡比 須謹行藏在得宜
報國一心男子事 好旋征旆莫教遲

閒居述懷

九十年踰百歲來 光陰流水却如催
紛白髮從教落 耿丹心未肯灰
尊主庇民徒有夢 移風易俗媿無才
金門遙矚三千里 日令人首屢回

病中夜坐

默無言夜坐長 一燈爲伴思茫茫
只求虛扁藥

南齋稿 卷十 三

漫覓神仙海上方 欹枕臥聽終夜雨
清心頻羨沈檀香 人情世務母勞問
只覺愁添兩鬢霜

寄劉憲副鈺

一門才藻謫儒林 於我交游歲月深
伯氏忘年非偶面 尊公披腹最知心
科名趾美登先後 袍笏傳芳耀古今
更重君斯肅風紀 雲厓奇栢聳森森

挽翰林侍講劉忠愍公

明時才藻擅班揚 上疏捐生重可傷
金匱登名收錦義 玉堂華國有文章
四朝耿々葵心赤 九地茫々鶴夢長
遺胤誰如尤振技 聯翩雙鳳翥農廊

成化乙酉三月既望憲憲崑山陳君璧過予戲

春室以室中壁粉墨清鑒需筆寫竹一枝其

上題曰上林春雨翼日曾憲使過之嘆賞之

餘為增一石其傍天趣悠然各臻其妙未幾

監察御史嘉魚孔君儒一見乃曰竹既美矣

石尤美焉雙美斯具公奚可無述以紀其盛

予遂賦之

上深承雨露濃一枝高傍玉玲瓏齋居競詫添雙美

天趣誰期出二公清賞儘宜佳客咏珍藏何愧碧紗籠

看來筆上皆書法金薤琳琅奪化工

南齊書

閑中懷舜賓述 不見及聞兒完陳情端養未

獲到門喜諸孫嬉戲膝上迷懷

天上歸來雪滿顛田園如舊樂餘年時光又及三冬盡

家務難忘百慮牽愛引諸孫嬉膝上劇懷良友過林邊

倚閭斜日殊凝望望兒歸眼欲穿

乙酉除夕

旋瀧餘酥次第斟兒孫繞膝坐更深居官已遂歸田樂

戀闕長懷報國心錢臘迎春年易老感今懷昔思

難禁不眠守歲微醺裡笑折梅花款款吟

丙戌元日寫懷時得兒完安書

堯天舜日感平生百歲忻逢歲又更拜賜可能無老態

笑談殊覺有閒情紀時興適詩頻寫獻歲人過酒謾傾

天上有兒客處書來字字說昇平

慶謝方伯致仕

天恩寵沐引年歸全節全名世所稀鶴髮盈頭辭画省

虹光衝斗燭岩扉丹山渺上家林近翠水悠上客路微

誰似諸郎紹袍笏聯翩霄漢正高飛

新正即事

白頭又喜遇新正瑞鵲祥風溢力庭把袂交歡來故舊

圍爐繞膝總孫曾茶烹石鼎湯初沸句竟梅窓酒半醒

南齊書

遙賜 神京千里外御雲五色護層上

喜總兵袁佑見過

能文能武不凡才玉樹芝蘭出素培雅度每懷經歲別

閒居滌感隔江來銷聲屏勢求民隱罄力單心若

上裁可惜相逢又相別樓船忙逐早潮開

送王照府造完石岩陡門還府

利及諸鄉跡可徵不堪陳廢乏經營都緣敝邑人無勇

真待賢侯事乃成卑滌不妨從啓開畱畲殊喜獲豐登

若將茂績通天聽定有褒嘉出帝京

兩夜不寐三月三日也

光陰百歲漸蹉跎事、關心可奈何閉戶合辭人從吏
題詩聊許自吟哦不堪苑囿滋青草又詫江湖長白波
別盡寒燈竟無寐通宵簷溜若懸河

寄李少保賢

岳紳正笏罄丹衷鎮日雍容雨露中克體 聖心隆
社稷不孤臣職盡夔龍陰陽已得調和效廊廟還資柱
石功事咸推無少錡一誠誰識與 天通

重刊武穆王忠義錄

兩河疆土志全收堪恨權奸沮壯謀劇痛翠華淪絕塞
殊慙神器客偏州堂上生氣真容在歷歷 精忠汗簡留

自昔英雄誰不死公於千載有餘休

自昔英雄誰不死公於千載有餘休

松江素為浙西富庶之地元末兵後化為丘墟

有士人過而感懷有詩予嘗記其一聯有曰

十里笙歌連巷陌兩行珠翠壓樓臺之句餘

則忘之故足成之以為慕奢侈者之勸

茫茫瓦礫間蒿萊曾見當年富庶來十里笙歌連巷陌

兩行珠翠壓樓臺若非天上神仙窟也是人間錦繡堆

誰信達人嫌過盛都緣樂極易生哀

寄陳文彭時二學士

聯翩曾記識金臺知是歐蘇用世才選轉又聞升鼎鼐

調和不負作鹽梅匡時政事經綸備華國文章體製該
誰似時親黼黻虹光煜燁貫三台

龜山楊文靖公于邑蕭山實過化之地香火久

廢蒙 恩重建祠宇錫以春秋二祭祠喜重

建完美且聞其故里將樂亦蒙 恩賜祠額

曰道南祭如一故賦以紀之

香火凄凉積歲年夕陽荒草野湖邊忽看廟貌猶前日

深感 皇恩錫九天功德不孤從古重春秋登扶自今

傳遙聞闕里仍崇獎肅肅英靈共儼然

七月十六日初度之辰時年九十三歲

南齋補筆

啓期年比又添多老況其如此樂何兩歌金天涼漸入

門迎珠履客頻過深衣大帶身遶健鶴髮童顏酒半醅

絳服兒孫羅膝下南山長日任高歌

丁亥新正試筆

舊賜緋袍著尚鮮孫曾繞膝慶新年聯翩綵服分班舞

漱灑霞觴取次傳北望 金門三祝後高燒銀燭五更

天況當 聖主重熙日何須閒告雪滿顛

南齋夜坐

寒缸剔盡漏偏遲老况無聊說向誰四體不禁新染病

一心專掛未歸兒鐘沉永巷風傳柝雪霽虛簷月逗帷

却喜苦吟孤坐廢古梅香送自南枝

南齋行樂圖徐翼所贈甚愜予意因題

歸自金門散策時諸孫如玉競追隨繞崇中立龜山廟
又謁文通步筆祠雲淡雨香吟欵欵沙平草軟步遲遲
優游大化年將百此樂林間更屬誰

有懷南京吏部章侍郎戶部黃侍郎禮部俞侍郎工部范侍郎隱君賀友菊就用行樂圖韻賦以寄之

林屋歸來寄傲時幅巾燕杖許孫隨歡追舊約村前社
香蕖光賢湖上祠天際雲飛看不厭松根苔滑步還遲

緬懷知己同吟嘯欲寄盟章却倩誰

十月初九日病中喜兒完預修
英廟實錄告成蒙拜鴻臚序班兼銀幣之賜故賦

此寄以勉之

佳音千里自神京喜爾銓曹選有名何幸白身叨敘
進部緣青史預修成雲霄已遂平生志兩露難銷此日

榮願保忠勤與清白兢亡莫墜我家聲

白髮垂病欲痊佳音喜得報林邊方陪內閣呈
新史即入鴻臚拜美銓周道不孤千里足龍光長近九重天相承清白吾家學願爾加勤答壯年

歲暮雪中寫懷寄兒完

漫天風雪任模糊全賴驅寒火一爐百歲自知來頃刻
一身誰識強支吾最深懷抱憑詩遣至近庭除必杖扶
願爾一心圖報國私情毋但學慈烏

蘇子遊赤壁

擊楫中流興轉多江清月白夜如何山川勝槩留長在
豪傑功名積漸磨妙句不勞吟裏就飛仙偏喜夢中過
當年風致須臾事誰料香芳入咏歌

丁亥除夕寫懷

雞犬無聲坐夜分盡收餘滓入糝盆和風送暖來庭戶

金華稿卷一

綠服承歡列子孫絳驥光融花欲吐金鑪香裊火長溫
老臣只候晨鍾動謹効嵩呼祝聖君

戊子元旦試筆時年九十五歲

天上歸來二十春宮袍舊賜著還新舊班豈忘趨
丹陛龍衣猶懷拜紫宸寶鼎長焚香禮華堂不
斷客頻亡力辭獻歲過鄉彥盡說難逢百歲人

立春祭始祖

樛薦殷勤重始遷都緣遺澤浩無邊田園已感隨鄉植
簪紱難忘奕世傳瓜瓞綿亡殊沃衍蘭芽滋亡更芳妍
況生萬古唐虞日本固源深豈偶然

清明日有感

良辰今日值清明兀坐南齋百感生兒客金門歸未得
松培先隴掃誰能韶華荏苒春將盡老態龍鍾髮轉星
數畝薄田衣食計定期扶僊倩人耕

初夏閒居有感

紅稀綠暗燕將來強對佳辰寫悶懷可怪人情輕似紙
不循天理很如豺清時自合風逾厚仁里何緣俗遽
乖老我欲扶非口舌橫眉終日思無涯

喜李縣丞葺海隄有成

還官匹馬柳陰喜得蒸民感戴深百里隄防完勝昔

南齋稿 卷十 三

千村禾黍熟從今晨昏心力殊能盡江海波濤遂不侵
老我林居聞竣事申章為謝代千金

六月廿一日兒完序班以奉使便道抵家申定
省禮促其急還復命

倚閭日候斜暉候得吾兒忽到門王事已知勞歎
掌親庭還許問寒溫田園整猶前在兒女恍如視昔
蕃國不忘家願圖報趨朝宜急便回轅

勉兒完守職加謹

金閨通籍感明時清白相承望尔為萬事悉求中以
慶一心長許湛無欺樂天知命期誰問噉檠食冰謹自

持殘履兢雖暗室莫容纖隙使人窺

送張玘鳴玉赴平原丞任

繞看膺薦謁神京誰似多才即拜丞撫字要期猶卓
魯褒崇還擬陟公卿川原照資吟料琴鶴悠悵宦
情閨里增輝子所望知名端不負平生

送何舜賓赴秋闈

雲蒸霜鈔已半生青雲何事未登瀛決科文字饒精鑿
用世猷為勝老成發解定期膺首選臚傳端擬奪魁名
秋高候得鰲頭捷我即扶藜江上迎

謝章侍郎綸周啓酒洪謨劉學士定之惠文

世教恒閑始是文不徒五色爛紛喜蒙菽粟能頒我
媿乏瓊瑤可報君渾厚絕人敦藹賈夸毗悅世薄機雲
高堂再拜登嘉後什襲珍藏遺子孫

病中述懷時值誕辰辱南北二京故舊詩文為

慶兼兒完歸省

朝風吹月尚精神滿目爛斑更可人慷慨未酬千古志
吟癖猶謹百年身詩書代續遺編富袍笏蟬聯寵命
新惟日孜孜勞餘力可忘過譽出朝紳

北幹山蕭山名也念休致來歸經二十載以不
及一登為欠人言荒落殊甚因賦

欲躡山椒未有期，因聞銷歇動人悲。鰕涎繚繞將軍殿，蛙吹喧呶真武祠。荒鼠驚忙避跡，群鳥巢樹亂啼饑。疑眸獨有長江在，潮去潮來似昔時。

念初度日已近，不及往拜錢唐先隴。書示子孫知我所懷。

南渡衣冠六世墳，錢唐歷至今存莫從邪。說有風水只恐時思無子孫，匪壠虬蟠松合抱，猶門鳳翥竹干雲。願陳一奠當今日，筋力難勝欲斷魂。

苦楚

撫景秋過已一旬，不堪餘暑尚蒸人。琴尊可暫深林設，

金華稿

卷

三

燈火難長小閣親，堪詫炎威同九夏。宜思和氣有三春，何當拜乞天瓢水先灑。長途深處塵

喜雨涼生不寐偶述

最喜秋來顯氣清，一番雨過便涼生。微吟竹戶風偏肅，兀坐藤牀月倍明。階下耽眠宿大壩，頭煒燁度流螢。諸孫已自親燈火，進聽喃有誦聲。

初度日蒙兩京故舊及郡邑諸官僚致賀賦以

申謝

紛冠蓋曉屯雲，來慶區區初度辰。九醞滿斟十日酒，一誠齊勸百年人。綺羅筵設烹飪具，臺閣文張錦繡新。

願得諸君總強健，華齡同享若莊椿。

松江子舊遊之地，今小兒究奉使往經詩俾識之。倘遇故舊，在申我情。

可愛松江錦樣城，賢官我昔忝傳經。老成祇恨亡前輩，英俊還聞出後生。飭行人崇禮讓，讀書室志功名。舊交知得兒孫有，公暇須敦世好情。

夜坐因思近逢初度，致慶有連日即事寫懷。高據繩床坐夜深，爐烟飛盡漏聲沉。荒唐不夢莊生夢，精鑿惟吟杜甫吟。琪樹森風薦爽，苔堦楚月移陰。却懷連日相過客，瓊玖難酬過愛心。

金華稿

卷

三

秋晚獨步庭中有懷故人

衡門寂掩蒼苔，刺啄非君不暫開。燭剪雨窓懷雅集，詩聯石鼎羨多才。那堪社燕辭巢去，又見賓鴻出塞來。撫景令人倍惆悵，琴尊何日可徘徊。

空谷延音候不來，令人長日思無涯。若非按館長開講，太書丹未許回洛。高標真比玉篴，雅操信如梅。西窓那得携琴過，剪燭談玄豈憚陪。

對雨慮其有傷嘉穀，書以警其游食之民。

油禾黍喜連區，未許凶荒便說無。曾見滿霖下連日，能沉沃壤作平蕪。郊關餓殍將求濟，郡邑官倉又乏儲。

寄語酒囊并飯袋莫憑僥倖是良圖

秋夕雨止猶陰有妨閒步

金蛇掣電滅還明未卜來朝陰與晴倚杖將求升片月
披雲惟覺露三星空階修竹搖無影遠寺疎鐘扣有聲
便欲看山弄玩水松根猶怕滑難行

民情

偶出衙門策短筇民情詢得自村農晚禾正秀熾淫雨
早殺方花怕烈風江岸要防水決塘河莫遺海潮通
邑侯鄉老休輕視隄備須當計議同

示兒完時奉使山東湖廣等處便道歸省

東齋稿

卷十

五

天香袖得故園歸萬里青雲豈在茲好念叨名當壯歲
奚容竊祿員明時思使節須毋辱命復

彤庭慎勿遲料陟太行應立馬遙瞻雲白最思誰

聞

慈懿皇太后遺誥因懷尊嚴賦以紀之

老臣抱病聞哀誥憶著嚴尊獲拜時不恃崇高忘已勢
只將忠孝與人期尊賢敬老多真意端笏垂紳足令儀
感昔傷今無所訴扶衰徒洒淚垂垂

閒居因懷昔年奉使巡撫畿甸之况

北馬南船不暫休皇仁不易雪盈頭因思今日閑居好
不似當年奉使愁水潦纔能平潮縣蝗生又報食澤州

一身奔走無朝夕緩急於民只自籌

嘗新稻憶昔在雲間時承塘橋張氏父子兄弟

若竹泉林岫東軒輩遇熟必先寄以嘗諸君

今皆已矣觸物感懷賦此

雲間咫尺若三秦別去于今六十春且喜又嘗新穀飯
堪嗟不見昔年人功名富貴情懷淡禁局琴臺笑語新
今日盡為蓬島客停雲可不淚沾巾

詠湘湖

百里周圍注渺茫龜山遺愛許誰忘水能蓄潦容千澗
旱足分流遶九鄉符帶荷盤從取市蔬莖芡實任求嘗

東齋稿

卷十

五

邑侯鄉老休輕視圩岸時須督有方

自述予家素以清白相承先訓有云官不在大

小要不墜衣冠為謹今老矣述以為子孫警

高級崇階何可干捫心只欲紹衣冠初叨侯泮慚過分
存陟客臺轉厚顏冰檠惟期安素守廟廊誰敢設心攀
迄今已喜酬先訓還望兒孫勿畏難

補題昔年持節西夏道經臨潼過唐之華清宮

偶因持節使唐宮野草閒花有路通琪樹嘗聞棲彩鳳
溫泉還詫浴真龍蕭蕭泣雨依稀樹漢上籠雲遠近峯
踏遍荒基歸去晚令人回首思無窮

秋丁抱病不及陪祀

聖德魏々天地同萬方齊日致尊崇多儀將敬羅蓬宣
明德惟馨冀感通蟲々爐熏騰寶殿煌々庭燎燭瑞空
白頭含規臣床卧不及扶衰展寸衷

晚步前除即景

強步苔階屬病中神昏殊不辨西東
惜節思待升空月可堪零露欺衣薄
回首虛堂燈已紅

日斜無客過衙門緩踏階除絕點塵
雨過已乘秋氣肅雲開還近月華新
病加衰憊非無藥食減最昏不為貧

光景都憑自消遣要知人是百年人

憶候朝

珊々環珮若雲屯萬國朝宗拱至尊
雉鳴鐘門始開衣升座扇繞分煙々
御氣騰三殿燁々龍光燦五雲
歸卧江鄉今廿載王音還憶對天聞

戊子除夕

拚拙爐紅夜不寒兒孫繞膝聚團樂
年華共喜明朝換老况何當此夕寬
栢酒任情浮激灩挑符題句述平安
聖皇萬壽瞻天祝只候鐘鳴滌寸丹

己丑元日

白頭又喜換年華香藹清芬燭吐花
官錦任披隨所戀椒觴從泛不須賒
年登上壽身逾健官拜深恩秩更
加願祝堯年等天地華夷一統慶無涯

閒居雨雪中夜坐述昔奉使西夏之况

匹馬窮途走夜長黑山青海去茫茫
驛兵幟引渾身月關吏燈迎滿袖霜
殺虜營荒沙草白歇轅城古塞雲黃
何如今夕青燈下骨肉欣々共一堂

花朝風雨

欲向良辰暢老懷百花不見一花開
濡毫興乏題詩句倚席情忘對酒杯
屋角堪憎風折柳墻陰微覺雨滋苔

姚黃魏紫知無恙好待晴時我看來

新歲來雨雪日多二月廿二日稍晴閒坐中懷

昔年使畿甸是日將抵山海中途遇風雨進
退兩難人馬疲甚觸事感懷後筆追賦

憶魯衙命使神都風雪茫々阻半途寒苦衣單人總
困飢愁窮乏馬先痛撫寧驛近嗟猶遠山海關遙望轉

孤高咏皇華仍振策因知勞瘁是良圖

風雨中隨筆時年九十六歲

酒興詩懷若個邊都因風雨日綿々閒行不作尋芳客
兀坐渾如入定禪陣々落紅花點砌洋洋新綠水連天

官階一品須知足最喜憂游近百年

僉事辛訪以夢朱子小像見惠

玉潔冰清出素培早由黃甲蒞霜臺一生正學留心切
千古真儒入夢來貴重豈徒瑚璉器尊嚴端是聖賢才
宵珉摹刻傳夷夏君亦流芳徧九垓

南來道出龜山傳及先生豈等閒提挈冥行遵遠大
艾鋤邪說去榛菅異端頓絕攻楊墨正學咸令尚孔顏
景仰惟君勞夢寐英靈應許遂追攀

霜降後雷雨大作已丑九月十一日夜

轟雷霜後未收聲淫雨潺湲更連頓上帝幾曾施枉

卷十

罰凡民何苦犯常經只宜驚惕心如搏可不衣冠夜必
與顏得威靈分玉石禍福善著公平

即事寫懷

飯糗羹藜欲自由世情無奈亦須酬朝天客去題詩贈
問字人來淪茗留山好難辭延夕照菊香還擬撥清秋
呼燈猶督諸孫誦坐及更深睡即休

夜坐

萬籟無聲入夜來燈花喜對落還開有懷只為兒孫慮
不寐多因氣血頽山寺僧鐘隨月墮塞垣寒雁逐風回
一冬可愛如春暖明日晴時好探梅

秋郊晚步

月色蒼蒼帶夕曛人家籬落傍黃昏高低樹
煙火熹微遠近村霧下晴空迷町疇農歸鄉社醉雞豚
扶藜只擬窮幽趣忘却兒孫久候門

己丑除夕

撫指光陰又一年深恩惟日感先天舊頒寶誥
香猶在新換宮袍色倍鮮架積詩書孫愛讀時餘袍笏
子能傳燈前微醉醺醺後題得桃符句更妍

庚寅正月一日試筆時年九十七歲

家：簫鼓慶新年老我風情只自然庭竹禁寒呈晚翠

卷十

總梅和雪獻春妍酒浮旋源延佳客詩錄清吟續舊編
最喜康強勝去歲從人說是地行仙

送劉憲副鈺提學猷績北上

千里乘春發回舡紅光流彩貫台壘煌煌寶勅懷天
授濟群經挾世傳儒術未朝雙闕下賢聲已達五
雲遙頓言沐寵歸須早莫負諸生候講筵

懷少保黃公福昌邑人尚書黃公宗載豐城人

垂紳正笏九重天憶得追陪二十年德器在子殊足
羨聲光遺世豈無傳文章跡比歐蘇重政事肩孫韓范
賢一別重泉見無日興懷徒洒淚潸然

懷少師重慶塞公少傳相鄉夏公少師泰和楊
公少傳建安楊公少保南郡楊公吏部尚書
東阿師公吏部尚書保定郭公禮部尚書毗
陵胡公兵部尚書順義李公禮部尚書監田
呂公皆五朝元老也

班聯玉筍九重天端笏垂紳五十年毗輔不孤
明主托憂勞無媿世臣賢堂上鈞軸持能謹赫上恩光
拜豈偏安得回生盧扁在頤求神術起重泉

先考沒已六十一年實始遷蕭山為世上不祧
之祖五月二十日誕辰也裸奠之餘書此以

紀予之哀云

痛別音容積有年茲辰可不倍淒然茲靈護說留三島
薄奠還期格九泉清淚盈眸流不斷深恩沒齒報無緣
雲仍長顧毋忘本歲上如儀在勿愆

送拜賓進士奉使還京

雍容氣識軼凡倫信是黃金榜上人纔見錦衣端梓里
還持使節上楓宸多才宜負雲霄迴峻擢期霜雨露
新經濟好攬酬大用教人識得是祥麟

中秋對月成化庚寅歲也

皎上雲穿一鑑開流光遠自廣寒來素娥影隨當吟席

丹桂吹香落酒杯蔗境高年情正洽玉壺涼漏滴休催
絕誇圓潔非凡夜不負盤桓把句裁

九月十三日對雨寫懷

重陽屈指過五日兀坐不堪風雨來南畝香秔將半熟
東籬黃菊未全開遣懷上許題詩句與客何曾設酒杯
最是兒孫空繞膝不知若個可成才

雨中以滿城風雨近重陽之句上用其字以張
太平之盛

滿目昇平自帝鄉城上比屋喜非常皇風熙皞過三代
化雨溥蒙佚萬方近郭香航將報稔重離佳菊正傳黃

老臣踴躍茅簷下又擬嵩呼慶一陽

晚起十月十九日

同雲密布雪將垂百歲衰翁晚起時教冷不煩傾綠醕
問梅還擬策青藜風聲獵獵上鳴窓隙寒氣稜稜上逼座惟
惟我義輪駕暘谷晴簷濡筆更題詩

十月廿三日喜禮部章侍郎綸武學教授陳秋

鴻見訪與予有二十年之別

聯轡翩翩上竹下來一雙白璧自奇哉撼忠憤上匡時策
敷教上曹上是上錦才須識公要非偶遂莫孤上今夕好懷開
清尊有盡情無盡只恐明朝別又催

辛卯元日試筆

骨肉團圓子與孫昇平又喜沐晨昏江河合派歸溟渤
夷夏同心仰舜文燦呈春梅吐玉欣獻歲客過
門老臣白首棲蓬華只效封人祝至學

述懷

步玉登金忝列卿歸來喜遂一身輕高年慢說為人瑞
薄行聊能不世情白晝看雲心愈寂清宵校易眼還明
要知百歲終當盡只望承家有後生

病中悶坐聞西江水泛將入為害小兒有報將
婦四月六日也

由蘇州奉

柴門終日掩蒼苔氣愈卷悶執排良藥屢求將療病
塵編重理欲舒懷桑室未許蠶收熟江漲偏驚水作災
只擬吾兒婦奉我不知何日離瑤堦

自述春郊行樂像

金龜解却任優游桑梓陰中正白頭吏部誰言才不逮
司空自度老宜休深衣大帶誇新製汗簡塵編舊收
綠野午橋隨杖屨天恩殊愧報無由

秋夜閒居詠懷時年九十八歲六月十九日也
謬從廊廟沐端休茂樹清泉著處留魂力何曾彈補報
承恩却拜許優游匡牀句就當深夜白苧涼生屆早

秋繞膝有孫兼有子垂白髮任盈頭

榮承優詔老林丘節序推遷又早秋四體不勞隨所適
一心如水更何求捲簾長嘯風生席得向高歌月滿樓
抑戒沉吟懷衛武年高言行益交修

步玉登金髮已霜天恩乞得老江鄉養鹽隨分猶鍾
鼎泉石長甘即廟廊雅素欲追陶靖節疎狂不學賀知
章百年已屆殊康健任樂唐虞化日長

予老厭城市欲赴湖南蘇嘉鵠樂丘之傍作別
墅以居古人卜居先卜隣予喜其隣頗皆朴

古故識之以篤吾之所向

奉

松竹陰、槿作芭卜隣喜得兩三家田園確確全資力
衣食粗疎不尚華門有清流堪給饔飧無隙地可栽花
或時把酒舒情語所話惟聞桑與麻

責諸子孫不務所學

繞膝子孫皆欲愛誰知愛者在攻書宜期頑鈍忘家訓
只喜奔趨作下愚雖自嘆亦徒尔長年齟果何如
因思家世傳來重老我難容不嘆吁

七月十六日夜坐苦熱

暑酷年高不耐纏更添偏怪惱人眠行看皓月生滄海
坐對流星落遠天地僻已嗟無別室村深當念有荒田

徘徊直抵東方曙那得甘霖沛八埏

夜坐咏懷竊念古人於休致恨入山不深入林

不密今吾年已百歲必家無幹蠱者况老

病侵尋車馬從來迎將不輟似與少壯者無

異可乎深密之計吾將圖焉非過慮也

涼生暑退入西流轉曉光陰又一秋家務紛紜難遽却

人情翻覆奇無憂蘭干倚過天臨曙更漏聽殘月隨樓

便欲移家向深密雙清心跡遂吾謀

八月十二日五更肩輿往齊嘉瑞定所築別墅
方向途中偶成

蘇軾詩 卷一 四

翠微高步陟穹窿下上肩輿重復重日炫烏紗逢島日

涼生白苧越王風湖光掩映猶明鏡山勢縈紆委曲龍

我欲就中營別墅青燈黃卷託餘功

不寐

浴罷空堂坐夜深涼生白苧思沉朝天可惜無前

日戀闕惟存有赤心金井風過梧墜葉苔階月轉竹

移陰不眠直抵江天曉曉微鐘出遠林

晚晴出郊書所見

滿目良田稻已花雞埭豚柵自家勸躬蔬圃天除草

促膝茅簷婦績麻溪山開錦繡陰桑梓翳煙霞

漁歌樵唱窮遐邇共沐光天雨露餘

晚起山行

一彌扶藜出草堂樹頭猶掛月蒼山行勢怕迎秋熾

蓐食裝須促晚涼香深林樾虎豹深零露濕衣裳

何如待漏東華日環珮從容觀王皇

九月十八日病中

俄驚一病將危心事昏只自知天上兒婦來未到

囊中物失去難追蕭落木秋將盡的寒燈夜轉遲

素解人生猶過客如何需筆又題詩
九月十九日病中此南齋先生臨薨時口授者

蘇軾詩 卷一 四

汨華池水漸來今朝懷抱漸開上春未必重頒福

殘喘何期更復回瑤島不勞青鳥至菰雞還許白衣來

明當放棹西湖去翠水丹山喚作陪

南齋先生魏文靖公摘稿卷之十終

南齋摘稿十卷

浙江巡撫
採進本

明魏驥撰驥字仲房號南齋蕭山人永樂乙酉舉人以進士副榜授松江訓導召修永樂大典擢太常寺博士官至南京吏部尚書謚文靖事迹具明史本傳是編爲其孫婿福建布政使錢塘洪鍾所編前集四卷兩京居官時所作後集六卷自景泰辛未歸田至成化辛卯所作蓋驥年九十八始卒故身歷七朝各有著述也前有鍾序云公爲文一本諸性情所發初不事雕刻務奇巧其稿具存皆公親書但其簡帙浩繁未易徧刻再閱原稿凡題上有點注者皆公墨蹟玩其詞意皆有益於事者也因摘取以付諸梓名曰摘稿黃虞稷千頃堂書目別載有驥前後集二十卷蓋其未摘之全稿今未見傳本其存佚不可考矣

東岡集十卷

〔明〕柯暹撰

北京圖書館藏明柯株林等刻本

附《四庫全書總目·東岡集十卷》提要

東岡集序

太學生池陽柯薰以東岡集謁余蓋其父憲使公詩文也公名暹字啓暉少師楊文貞公士奇嘗更字以用晦少領鄉薦召入翰林與脩國典尋授給事中被災遇于

太宗文皇帝奉天華蓋謹身殿災時應詔言闕政上裨益

聖德次指斥權貴臣下厯陳民瘼言甚切直以是取忤授州太守出宰永新吉水兩邑有政聲乃復起持憲于浙江雲南年猶未老致其事以歸其進退終始之際若此平生詩文甚多其尤在人耳目者言闕政章也今不在集中豈公自削其稿不欲賣直取名乎其來永新時出所作鉅編與子先君相講評予猶未

冠得從旁觀聽有文房楮筆硯墨四友
記辭義宏義若將攀昌黎毛穎而相與
應和予時方習虞字以公此文書諸烏
絲素牋公取以去其後再見公于京邸
語及之公慨然曰子曩所書者吾官滿
吉水歸過彭蠡董子失手墜波間惟吾
手稿在然此外他作或出少壯時不甚
滿吾意亦不欲多存之公之言若此故

東岡集序

二

今薰所示予特其千百之一二也有予
先君像贊與予家藏者微有同異而予
家藏者公墨蹟也詞翰兼妙信可寶焉
予邑有隱君子段元中能詩公時與之
言詩謂段舫軒謂予先君石潭皆舉其
跡未嘗以名位自貴而忘下士蓋公之
襟度予所素知往往類是則其政事文
章之過人從可推而見矣東岡公所隱

居有龍池之亭之勝與九華山屏峙畫
列迢遞暎屬自大江秋浦之濱捨舟而
入其文與詩奇崛出人意表漱滌萬類
清瑩無滓觀於山川知其毓秀所從而
宜其流出筆端之相髣髴也矣公為人
鶴癯松古飲酒濡唇輒止食啖不過圭
撮今年七十有四猶能讀書云

天順六年壬午重九前

東岡集序

三

賜進士及第翰林院學士奉政大夫
國志副總裁永新劉定之序



東岡文集序

在昔

太宗文皇帝時茂選天下英儒聚於館閣纂脩

永樂大典以備一代之制親承

車駕臨幸誨以文必韓歐字必鍾王

蓋取古人以期待之也是以當時簪

筆紀述之臣咸爭相淬礪精脩職業

東岡集序

卷一

衣冠文物彬彬洋洋可謂盛矣若憲使柯公其一也公字用晦池郡人年十六已擢巍科知名當世及遭遴選入詞林地位既高又有元老大臣如石首楊公永嘉黃公錢唐蔣公諸先輩為之師友以上下其議論此其學問之功與詞翰筆力所以愈進於高遠也暨以言事出守永吉二州繼領

明揚陞使浙臬改調滇臺所至輒輦經史子籍以隨暇則考求誦習矻矻如書生及意得神會即具筆墨或書古訓或作為詩文以掄揚

國家之盛美或因事製言以發宣已志蓋不忘

先帝之殊遇思欲追踪古作未肯遽以古人自遜者也語曰仕而優則學

東岡集序

卷二

商訓曰學于古訓乃有獲其公之謂歟晚而致政家居彙其先後所著之文併為一帙目曰東岡集一日巡按繡衣劉公泰太平太守俞公端得其本讀而悅之將刻梓以傳走書徵為序予忝交于公知公之抱負有素蓋公之為學有源故其文思深沈而幽永為政有紀故其文理微密而優長

為人好持論古今事變人品高下得失優劣故其文氣俊偉先華如星緯雜陳光芒而不可掩真學海之蜚英而藩臬之豪傑也少保黃公剡古靈之橐乃以立心正大優於設施為辭若以政評則可兼以學言則未足以盡公之所長也考於今所著述可見已雖然昔人之名集者往往有取於

東坡集卷之二十一
地望東岡池郡之望也其東則朝陽之所麗也然則他之日使人瞻望而有蔚然之色讀之而有鏘然之音致景仰啓敬於無窮者其茲集之所存也歟時

天順三年歲在己卯秋七月中吉
賜進士朝議大夫南京國子祭酒前翰林侍講同修

國史兼

經筵官安成吳節與儉序



東岡集目錄

第一卷

記

宋丞相信國文公祠堂記

後隆堂記

積慶堂記

仁濟堂記

燕岡義倉記

湖心草堂記

百鱗圖記

懷德堂記

寸草記

樹德堂記

終慕堂記

建德重新儒學記

四友軒記

第二卷

記

風木記

蘭溪義倉記

雲南都司題名記

承恩樓記

璽書樓記

畫記

慈壽堂記

序

送何廷儀還鄉詩序

送韓二守序

贈潘處誠序

師友集序

送吾先生序

毫溪書舍卷序

贈龔訓術王峯書舍圖詩序

送王僉憲序

第三卷

序

贈廬陵張大尹序

贈尚寶卿朱公序

贈文選尹主事序

贈李太守致仕序

送楊太守復任序

友雲詩集序

贈章司訓序

登太平山詩序

文江贈別詩序

贈檀伯和榮陞序

送鄭貢士序

贈徐聞道詩序

雙桂堂詩序

第四卷

序

華容縣誌書序

永新修學紀序

贈吳大尹考績序

贈劉知州序

送僉憲陳公考滿詩序

贈陳南金序

滇南別意序

正淳安何氏族譜序

贈書庵劉先生序

壽徐秉常七十序

傳

黃季岳傳

第五卷

詩

四言古詩

五言古詩

七言古詩

哀詞

五言律詩

第六卷

詩

七言律詩

七言排律

八東園集目錄

五言絕句

五言六句

六言絕句

七言絕句

第七卷

墓誌

書菴劉先生墓誌銘

鄭左參政墓誌銘

故教諭陸先生墓誌銘

故處士李原達墓誌銘

故孟孺人余氏墓誌銘

墓表

柯用章墓表

宏岡阡表

第八卷

祭文

祭黃村船文

祭周孟簡先生文

祭熊太夫人郭氏文

祭周侍郎父秉昂長史文

祭總督軍務兵部侯尚書文

祭黔國公文

說

王氏四子字說

訥齋說

姜氏四子字說

尚質字說

弘則字說

守約字說

箴

自警箴

觀願箴

贊

程楚國文憲公雪樓先生像贊

周秉昂小像贊

周侍郎小像贊

石潭先生像贊

章侍郎尚文待漏像贊

第九卷

書

與京師諸友書

與用章宗兄書

復朱廷暉書

與徐景探書

奉東里先生書

奉黃少保書

奉吳少保書

奉曹尚書書

與何清紀書

第十卷

題跋

書瑞蓮卷

書成國公命書首

書泥田周氏世直堂

東岡集目錄

五

書黃志遠疏藁後

書聽鶴軒卷

書峽江廟碑卷

題溫慶士墓表

書程御史巡按江右詩卷後

書鄭公忠烈卷後

跋解先生草書

書鄂渚事集

書奉訓堂卷

跋東坡墨跡卷

書節孝卷

書翰墨林卷

跋舊書帖

書雲翰卷

東岡集目錄終

東岡集卷之一

記

宋丞相信國文公祠堂記



宋有天下三百年海內臣妾無險釁一旦胡風偏
摧江南失守高城深池間雖有堅甲利兵曾動草
之不若獨丞相信國文公未受王命毅然浩氣充
塞天地使伯顏之餌不能釣一舌世祖之謀不能
屈一膝幽囚白刃不能移一心是蓋有日月之明
風霆之厲者存乎其見耳方瀛國未封堡石塞敵
使南冠不執安知吳越不可復中原不可圖然而

東岡集卷一

記一

不能皆天也或又以為既執之後張弘範說而誘
之至再也世祖欲公附之切也附而用之宜不下
於宋也使能隱忍許臣於庭見之時又安知無可
圖者顧其思不出此嗚呼是豈足以知公者哉當
庭見之時一身之外皆元有矣此膝未屈為吾敵
國一屈之後臣節凜然縱有可圖吾心已二萬一
有成猶不能免無成則是漢李陵之謀誰復可信
此公所以吟嘯從容就死而靡他也邇來永新聞
固塘文氏六義堂并詩乃公為其族人正道所為
而題也因造其堂拜公遺像誦公之詩過錢市又

瞻公像于文氏祠中宣德丙午江西提刑按察司
僉事括蒼王公繼行過謁祠下命遷易文氏祠為
丞相祠或曰文氏講自五代時奉元始至十世彥
純生二子長曰卿次小山卿曾孫輩齋生丞相為
鳳崗派小山之後為固塘派族遠而義疏遲曰不
然文正范公親疏之論至矣以公之孤忠大節傳
播宇宙間如日星之明不容掩矣為宋而歿在宋
當祀宋亡無祀之者雖敵國表勵忠節亦當祀况
守公之故土而愛君之心同然者乎世無子孫雖
鄉人尚義亦當祀况敦睦之族景先德者乎今其

祠在京都郡庠者創于元已祀之矣遲在金臺時
見一僧號全拙以戒行自高尚知慕公風節往拜
于祠又聞一指揮者見祠宇傾圯尚能慨然新之
求其姓名未得豈有鄉邦不如敵國吾儒不如武
弁同族不如方外者哉祠因舊更其榜曰宋丞相
信國文公之祠為之歌曰

玉關洞開 朔騎南來 孤忠矢志
乾旋坤迴 匪人自天 我皇弗庇
巡劉遠貞 孔仁孟義 盛盛鳳崗
摧彼雕梁 固塘錢市 六義孔彰

駕維親親 匪祀何祀 子姓繩繩
億千萬世

後隆堂記

余嘗見前輩論蘇子瞻三槐堂記述古天定能勝
人語為是人眾勝天語為非或疑之乃曰于公暨
門駟馬之車未有也責報於天後卒有之王氏植
槐三公之爵未有也責報於天後卒有之人之窮
達果由乎人則人自為之將無所不至果由乎天
也乃能取必於杳冥未兆之先蓋有似乎勝天也
余曰不然天即理也順理以俟天曰順天非勝天

也達其理有以勝之者乃可謂之勝天福善禍淫
天之理也順天之理而求必得於已無弗得者以
二家之陰德若此天必報之以福借使其門不高
槐不植則所報者猶在也苟不以德徒高其門植
其槐以要之可得乎此天之可以理必而不可以
人勝也世有挾私智以徼天不得乃曰天無公何
不明之甚也世無二家之陰德則已苟有之無患
乎天道之不公觀於劉氏為益信劉之先有字景
弘者昌厥族始五季時楊行密以淮南兵下江西
牙將彭玕據吉州玕以兵授景弘使脅衆附湖南

馬氏行密欲悉兵屠城景弘即歸行密不受行密官嘗語人曰我不從彭玕所活萬人後世必有隆者因名其所居北山曰後隆山復有以名其堂者不三世而沆果相華及後先累業不替其能順理俟天與二家異世而同符也誠齋楊先生南軒張先生嘗題詩其間照耀千古兵燹以來名存堂廢今其後某復請余書光復厥祖意其子姓之多必有能世其後者培陰德於冥冥之中而其後之隆未艾也千古之下必有如子瞻者生手其間以記之姑書此以俟

積慶堂記

慶錫自天疑不可必得而欲積之是求得之多也得不可必而可多乎解之者曰無以致之固不可必有以致之則可積而多矣致以富富不足以動天致以力力不可以勝天致以巧詐巧詐尤不可以格天宜乎不可得也惟降衷之理原于天率而由之則靜與天合動與天游有可必致者我之天不違於終身慶亦可全於終身積之而有以及於子孫則亦可延於子孫矣書云降祥易云餘慶此之謂也鴻臚寺卿楊公思敬舊宅南薰坊甚宏偉

公廩近市囂非詔子孫靜學之所改卜于都城東地尤高廣廳堂門廡百餘間規制尤宏麗材美工良不假資助非潤屋潤身者不能少保南郡楊公為名其堂曰積慶蓋大之也或謂本易文言義避公之名時著其效或曰著先德余恐避名而遷義則非也有以承於前必思有以繼於後先所積者我則承之我所積者子孫則承之二公之意如此夫慶猶雨露然雨露無私澤坎者自積埳者自傾坎如蹄涔積則蹄涔之坎如池沼積則池沼之坎如滄溟積則滄溟之慶之小大遠近由乎德有小

大而遠近之耳楊自關西四世三公之積其來甚久公先世家太原其居大興也終二世垂際聖明官至于今五十年五轉皆鴻臚其承先積之厚可知矣公又篤於忠孝名著家國教子尤嚴詩曰子子孫孫勿替引之則方來之慶宜益無窮余辱公知久俾記其堂故不辭公名善敢書之以足名堂意云

仁濟堂記

古舒有孔李忱者自謂宣聖五十八代孫由先避兵江淮間因家焉李忱業儒而學暨膺薦至京

師以仁濟頌其堂屬余記之以圖不泯余惟聖人之澤在天下地無遠近時無古今人無賢愚未有不尊之者而謂有待於記為不泯者不也以今不魯而淮不儒而暨而欲齊其不泯故耳然則將有以繼之乎不也力之於為獲明之於離婁聰之於師曠巧之於公輸不聞其後有繼之者况於集大成之聖功德與天地相終始乃欲有以繼其後難矣我彼善為箕者不失為良弓之子善為裘者不失為良冶之子以其志之相似而業之相似也暨之業去儒之業遠暨之心去儒之心不遠故君子

達則為相不達則為暨也君子視人之飢猶己飢之視人之寒猶己寒之見孺子將入井憫其無罪而怵惕惻隱以全之不孺不井而亦有可憫者人之疾也起其疾者暨也有以生之有以死之暨不可以不精而不可以不慎苟汲汲于利彼貧不可致者終無由致之則獲所濟者寡而達仁遠矣季忱能恒其德而不計其利雖遷其業而不易其心視人之疾亦猶己疾之而思所以全之者亦猶援孺子之將井則仁之所施者博而濟之所及者廣將見魯其淮儒其暨庶幾乎箕之於弓裘之於治

而不失為聖人之裔也乃書以歸之

燕岡義倉記

吉水距邑南而東三十里許為燕山大姓胡氏居其地因著其族曰燕山胡氏岡則據其地之高者言倉乃居燕山者胡有初所建也余嘉其有濟人之義為書扁曰燕岡義倉胡自居燕山凡幾世詩書衣冠不匱余未吉水之四年乃宣德癸丑歲不登四方之民多缺食奉勅撫江右侍郎趙公憂形于色下令郡縣為備余以官無儲積乃禮羅富而告貸至者莫不有難色獨胡有初欣然助千

石於是五鄉右家聞之莫不興起未幾侍郎趙公躬臨賑恤有初之子登自邑庠歸白父復以五百石助焉所活不可勝計是倉在所居右五十步許積所食餘散濟窮乏戒其子弟凶年免償豐年免息且曰天生我而無異於人者義也天生人而無異於我者命也財穀不常有於人豈得常有於我苟以均得於天者為輕不常有於我者為重失本然之權甚矣以有初之言與行若此而以義目之非過也宜也彼簞食豆羹見於色固不可使聞有初之風有一命之寄而不能施一利於人若余輩

之碌碌亦寧無愧乎昔孟嘗君府藏盈積馮媛為市義而焚券有初之倉粟未必如孟嘗而敦行其義若此視孟嘗之賢為何如哉柳子謫居滿水上自以觸罪為愚更舟溪為愚溪若丘若泉若溝若池若堂若亭與島咸以愚名而辱之余因義倉而為有初更其所居之山曰義山林曰義林泉曰義泉田曰義田路曰義路橋曰義橋至於義門義堂義族義村皆以義名而旌之未為不可是為記

湖心草堂記

合肥邑治東南五十里有巢湖周浸數萬頃與江淮通有山磅礴而出其中曰姥山下有平原可耕可漁可樵可牧山之陽有古宣聖廟庭蓋龍氏先代所初也龍氏世居其間以文學武功致身顯榮者後先相望意者亦湖山之勝有以致之也工科給事中龍君有本幼學庠序時構堂一區臨水上每歸奉親餘兀坐其間置圖書左右以弘德業名之曰湖心草堂既仕授族姓子姪為延師講學之所夫學須靜也學靜則無蔽於外而其中不遷不靜而異有成者豈故古之人有盛德大業者多處乎幽閑寂寥之瀕若耕莘釣渭築傳岩卧南陽

之流是已草堂在湖山間茂林延蔭澄波漾綠無輪蹄喧囂之雜其亦幽閑寂寥之隣而草堂之靜可以成其學矣且湖山之理又有與道為體者存孔子會此理而有為山川流之喻孟子會此理而有登山觀濶之說其凡曰師曰弟子講學於草堂間樂其靜而忘其外所有於古聖賢之言隨所精察積之而欲其高克之而欲其盈進之而欲其漸教之者不俟學之者不厭必將大有所得焉使由草堂而出者皆大有所得為臣則忠子則孝夫婦長幼朋友之施皆可法於人人其窮也知其所守

而不失義其達也知其所行而不離道則雖阿衡霖雨非熊卧龍之盛德大業不他求而可幾企矣若將覽湖山於風月之下為文字具者茲不與焉又或思有以華之將貯聲色羅甘旨為耳目娛者抑亦為草堂之羞

百鱗圖記

畫雜魚一帙凡四十一葉葉分為二方者三十四通為一方者六為一方而虛其半者一其為魚之小大自鯽而鰭解而鱖鱗洋洋如躍如躍有形影可數者二百一十有八若鯉若魴若鰻若鱸若

鱸若鮎若鯖若鰕若蟹若鯉若魴若鰻若鱖若鯪若鰱若鱣若鼈若龜若魚之不一
名又有不知其名者或隱或見游泳萍蘆淺藻蒲蒹
荷之間其緦鱗蜻蛚蝌蚪之屬似相嬉逐可觀也
其若變化於春深桃浪之時奮迅於陰雲雷電之
頃千態百狀有不可勝紀者若工人之所用心亦
勤矣哉夫以魚之一族在天地間其多若是鈞畧
晉網皆將求其鱓以膾之鮓之鱮之羶之鮓之鬻於市
而充于腹者先王之禁弛而不皆滿尺其為命之
不齊又若是然則人之賢愚屈伸安危壽夭非自
孽以取之者亦何容力焉魚能腹書以寄遠羅水

躍泉以感其孝入舟以符王天下化龍作霖以蘇
大旱則其性亦靈矣乎渭川之釣於前嚴陵之釣
於後聞其釣魚而不聞其德魚羊續之懸於庭周
文之育於沼聞其德魚而不聞其愛魚也烏有仁
人君子之愛養其民不如愛魚之欲其盛哉今費
葵之來吉郡惟以愛民爲心飲食起居泊如也嘗
有饋生魚者使人畜之泮池間而不忍食而乃輯
此非愛其魚也非愛其畫之工也易曰信及豚魚
中庸曰魚躍于淵吾知其以有鱗之圖而觀九邑
之民思過半矣

懷德堂記

懷德何以名堂存其固有之善也固有之善不定於人定於理善竟之於子舜之於弟禹之於父雖皆未定而世之善事父者皆為孝善事君者皆為忠善事兄者皆為弟則理無不定此固有之善之為德不可不思所以存之也都察院范君以理蘇之吳縣人宋文正公十一世孫父菊軒有父德母劉氏有母德君年逾齒失恃弱冠失怙其有得於家庭之訓已多既而以才德起為今官祿可養矣二親不待每念及輒愴然泣下既自名其堂復請余為之記夫德見於經傳最多有謂峻德大德至德者有謂三德六德九德者有謂天德一德文德達德者又有謂明德慎德惇德崇德進德脩德尚德正德舊德者何莫非德之善其不善者謂之慝德悖德凶德此君子所當思念也君名堂之意雖在二親然其德亦豈有外於此必將於此擇其有於親者懷之也親所有德不可盡知觀文正公之先德於前君之子德於後有可知者當宋盛時語道德必曰程朱語事功必曰韓范胡文定與子書欲其立志以明道希文自期待朱子耶之與周子

志伊學顏之說並載小學可見孔顏之後有明道
伊周之後有希文希文有志於天下明道有志於
聖人此文定之責諸子者可謂大矣在文定尚爾
況為其後者乎君懷二親之德實懷文正公之德
文正公為參知政事時每以貧時養親不給為累
恨今已復見於君則夫居廟堂憂其民處江湖憂
其君先天下而憂後天下而樂者亦君之志也噫
韓范二公同時無相上下韓公五世後不能無併
胃文正公十一世尚有懷德者未艾抑何盛哉子
子孫孫勿替引之可也

寸草堂記

武岡劉蒙養正中鄉舉之秋父僉憲公以壽考終
于家又明年母夫人亦棄世蒙哀痛極至幾不生
者再今祿已得而養不逮矣一日讀孟東野詩至
難將寸草心報得三春暉愴然泣下不已因書寸
草二字隨所處而目之蓋欲圖報而知其為難不
敢忽以舊從余游請為之記昔王裒讀詩至哀哀
父母生我劬勞必三復涕泣門人為廢蓼莪之篇
蒙有感於東野之詩方切而余欲有言無乃益其
悲乎然哀父為安東司馬東關之對是昭怒而害

之也非是非天下之公而父子之情尤切門人不
忍為之廢詩也亦宜蒙之父居官四十二年間雖
暫謫而旋振為提舉為少卿使南交者一使西域
者三始終僉憲致政還鄉母夫人處家教子賢比
呂申國張夫人偕老以終生榮死哀非哀父比矣
蒙特以祿養不逮而思親之孝無異於哀感寸草
之詩無異於蓼莪然在哀之門人可廢在吾則有
不可辭者也萬物並育於天地間未有能報之者
況植物無所知覺微如寸草尤初生而羸弱者何
有報於陽光人於萬物為靈靈非草木比禮必登

雖必復恩必報若孔子蒸豚之拜豫讓七首之揆
韓信一飯不忘之類輕之重之必稱其情惟子之
於父母何以稱其情哉借曰拊我畜我長我育我
顧我復我將竭我溫清時我甘旨左右無方服勤
至死而少效萬一至於父子生我母子鞠我出入
腹我我終不能生之鞠之出入腹之將何以效萬
一而稱其情哉故曰欲報之德昊天罔極東野之
意實本於此蒙欲圖報於親親不可作身也者父
母之遺體立身不辱而主於敬為士則忠順不失
以事其上為大夫為卿則言無口過行無怨惡於

天下以守祭祀宗廟以揚名顯親則亦庶幾乎耳
余憲遺澤豈不益遠而無窮焉蒙然吾言慎勿易
而見忽苟非所安尚當進就於有道者余則不能
知

樹德堂記

自生民以來未有盛於孔子孔子之後亦未有盛
於朱子也生乎當時有所見生乎後世有所聞幸
也世以不生於其時出其門下薰其德為不幸者
多矣况為其子孫者不思所以繼其後而樹其德
乎宗王考亭朱夫子之裔也由父子辭方幼值元

季樓攘成立依吳氏因吳之宗玉早卓然有見不
吳而朱以未請於公故猶私朱而公吳也歷官所
至以樹德名其堂貴卿名儒多著為文辭宜必有
可法者矣在同人之象君子以類族辨物在升之
象君子以慎德積小以高大若宗王者其有見於
此歟農者樹穀賈者樹財工者樹藝未有不自苗
而碩自蓄而豐自拙而巧者亦未有樹穀而不日
升樹財而不日盈樹藝而不日精者也士君子希
賢而聖聖而天希其德也天之德至矣大矣欲樹
而至於此也難矣不知其為德而不樹焉者愚不

肖也知其為德而不樹焉者自棄也樹其德而不
求至焉者自小也求其至而未至焉者可以無責
矣孔子其天也朱子遵之而不違宗玉其可達之
而不違乎由自棄而上宗玉所固無由自小而下
宗玉所宜勉也

終慕堂記

昔舜以孝親之至為法於天下後世天下後世憂
不如舜者憂事親之未至也人皆有父母而後有
其身身存則慕父母之心不忘孟軻氏何獨於太
舜見之蓋衆人之孝有所慕則遷不哀於此則慕

於彼舜則極天下之貴富好色皆不足以遷其慕
親之心所以為大孝憂不如舜而以舜為法焉則
其為孝也亦大矣選部郎中東平張公廷玉孝行
誠為君子為名其堂曰終慕屬暹記之暹在制憲
時廷玉為衢同知僚佐每分巡道其廉能孝謹及
來京師廷玉已居選部見主事劉養正尹廷佐每
道及公之孝誠必稱嘆不已詢其實乃曰公先世
北京大父元樞密院判元社既屋避地通州死之
倉卒稿葬父流寓至東平鞠於王氏公既成立從
父通州求葬骸至則陵谷改觀莫知其所矣公構

于神詞甚懇至夜獨宿祠下冀有以默相之果夢一人指其處旦以冠履服色聞于父父慟哭曰誠若是儼然吾父臨終時狀從所指而求之果得道骸齧指漬而歸葬焉遂復張姓仍家東平居母李及繼母喪哀痛如一皆不御葷酒不入私室者三年父疾劇夜禱于床願減己算以益父父竟獲初任儒過家迎養父年已八衰人或難之公曰求孫所以養親今既得祿而不就養忍與妻子享乎父欣然偕往居官雖廉而務悅親心無所不至父沒適承委於他郡痛不聆一言訣別哀涕幾不生

閩郡聞之形於歌詠歸既葬事廬於墓側烏巢燕墨悲鳴助哀巨蛇盤旋郊間驚嘆聚觀傳頌達于州郡州上其事公自視歎然泣謂所厚者請止之守不聽事聞詔旌其門公之孝誠著稱公私間為可信者如此其祖未識也乎誠有以格之而安其靈孝父則誠於父孝母則誠於母孝繼母則誠於繼母言輒感懷自少至今言誠一至不彘於妻孥無間於事君真可謂終身之慕其名堂也為宜雖然父母天地也孝濟天地間之路大小迂迳屬天下無不達行之自相遠近耳舜之孝如日月

行天其道大而迳其行無不周公之立身揚名無非慕乎親者苟不止必至於遠且大者進不能知世必有知者書之以俟

建德縣重新儒學記

皇明敷政教於天下久而益惇天下郡邑之司政教者久而不能無闕失宣德正統間璽書命廷臣憲臣分理之于時南直隸巡撫則侍郎吉水周公忱提調學校則監察御史永豐彭公易皆素著聲望於中外者士民聞風傾仰政教為之一新建德縣學先亦廢弛至是而亦一新之蓋

邑士徐永元江必遠檉啓禎陳子淵徐秉常曹洞英徐彦劉七人者有以倡之也按郡誌建德初在秋浦鄱陽二縣間為至德鎮唐至德二年始立為至德縣隸潯陽復隸于饒永泰四年方隸于此五代後梁時改名建德舊學在縣東來蘇坊宋永初吳淵嘉定間為令建德遷縣西北善政坊崇中行為記堂曰崇化太常博士柳貫記之齋曰宅仁曰集義後有六經閣前有咏歸亭中更變故學毀文湮國初知縣夏霖即所遷之地創建廟學屢葺屢敝至宣德癸丑則殿宇傾欹以水矣巡撫

公命縣丞劉恭教諭沈圭募衆新之緒就而劉以
裁省去任竣事者欲速弗稱易毀而虛費也公見
益不樂遂因薦永元等於公曰是皆吾邑之好義
而有力者明公若以禮勸之改圖不難公遂召見
一二與語大悅適頒新曆公親緘題分賜之不數
月新殿成輪奐聲偉迥異曩昔觀感者彬彬興起
時知縣李君佑尤善禮勸不踰年明倫堂東西兩
齋兩廡大成靈星門皆成師生有舍庖廩有所供
祭之需畢具材甕工力之費動以數千萬計七人
之功實倍於一邑之衆也二公謂宜刻石以紀其

東陽集卷之三

事以文屬遲遲惟孔子言於宗廟朝廷或便或
闇闇或侃侃然於鄉黨則似不能言者顧予何人
欲言於廟學以告鄉黨得不自量而知懼辭未許
彭公去廬陵孫公鼎繼之教訪循循有古人風復
命訓導羅素促文余再辭莫別得一言以嘉惠吾
鄙吾黨有幸然終莫能得也茲余休致歸淳安何
君環來尹吾邑偕典教屠顯司訓鄧以遜謂遲曰
君子樂道人善不責修辭子欲遂謙德而負諸公
之托泯鄉人之善恐亦未安無已乃復之曰古今
天下所共由者一道德之明不明由乎教行不行

由乎政三代以上政教出於一塗如契敷五教而
政在其中皋陶弼五刑而教在其中後世損益殊
制各司其司君子為政固必興學而勸賢為教亦
必化民以成俗然而不能者豈皆士與民之過歟
故吾邑之學未遇則莫能起廢既遇則瞬目撫新
由乎上之人有以鼓舞而作興之則下之人有所
觀感而興起之也後之任政教者惡可以邑小民
貧而不加之意凡被夫政教者惡可自棄而不從
其化樂育之士尤當尊所聞行所知惡可自棄而
不務格致誠正於己隆孝友于家教信義于鄉他

東陽集卷之三

日出而有政教之責必思有以忠乎君而澤乎
民庶無負朝廷之作養諸公之崇勸鄉人之屬
望焉遲固不敏安敢以駑劣而畫驥程

四友軒記

余少游學四方時見吳興楊生壁建楊游生默黃
溪祝生枳端溪石生彥皆文獻故家子迥出時輩
遂目為平生交及余賓興四友不約而同追隨至
京師入場屋賴夫資益為多既而數不利於南宮
四友亦相親不少憚遽余入翰林又各推引其族
之散于四方者俾咸得以相接薰染久之覺有稍

進致充 上之使令於是益不敢湏臾離四友乃
永樂戊戌冬闕官舍之偏為小軒明二窓潔四壁
屏去塵俗延四友寘之上席復招二三童子之可
教者日與琢磨非好為師實迫於知己義數半之
有得也童蒙有不善於楊生者乃謂其貪墨倔強
進銳退速髮種種不可用不善於游生者則謂其
膠固執滯其淡也可厭致飾于外不可言又或謂
祝生不過於厚則傷於薄潔備而堅定者不可得
又或謂石生心不平志不堅狀貌不端莊劉介而
溫潤者不可得是皆見其一失而不知其大端也

東岡集卷之三

鮮能博記貫古今一理具而萬善足應變疾徐殆
有以合天之運默之玄德昭著信於永久金石不
如殆有以合聖人過化存神之妙若砥也遠可萬
里而不遠久可萬年而不廢殆孔子所謂用則行
舍則藏者乎若彥也居常不遷靜以養德劉介而
溫潤殆孔子所謂涅不淄磨不磷者乎故自天子
至於士庶人無弗與者豈庸夫孺子之所能知攷
其先世楊生系出中山毛氏官中書游生出燕氏
官正言祝生本楮氏官待制石生祖端明皆以文
學佐理天下成人之善輩多故其榮顯相承世世

不乏一時同事若水中丞貝光祿山架閣印書記
竺秘閣邊都護黎司直刁吏書胡都統齊司封黃
秘書曹直院方正學樂都丞皆脩文房之選殆為
得人山林之士固不盡識余幸博交而遂無盡夫
嚴澤其間不能無疎闊獨四友則無一日不相接
洽也第恐壽夭不齊古人以世月日計則日計者
最天也余將求其族之克肖者終吾平生辟乃免
冠俯首謝默事於彥砥能識之以為名軒記

東岡集卷之三
記十一

東岡集卷之一

東岡集卷之二

記

風木記

人與物不類而有相感者其不能去與不能得相類此風木所以興孝子之思也孔子聞皋魚哭聲甚悲問其故對曰樹欲靜而風不止子欲養而親不待世傳以為名言蓋風行於天木生於地非人之至親可比然鼓舞條暢之所欲得動搖摧折之所欲去其何異於人情之所欲哉常人欲去貪而得富去賤而得貴去勞而得逸去危而得安去天

而得壽去死而得生有命存焉理存焉君子不以動其心也親也者身之所自出身苟貧賤固不可輕慕乎外身既富貴而親不待焉則今膏粱而昔藜藿今錦綺而昔布褐今役人而昔役於人今食於人而昔食人則有以動其心者雖終身不能忘為親故耳古之人負米之嘆捧檄而喜良以是夫武岡陳克容介其友劉養正謁余記風木之卷其義有取皋魚者歟養正早從余游近以寸草春情請為之記已克容復有風木之請武岡之士風可知克容二親嘗從戍貴州之安南既而得代還鄉永

東岡集卷之二

記一

東岡集卷之三

記二

樂辛丑父以疾終宣德庚申母以疾終皆年五十六生四子克容第二幼志不羣遣入州學宣德乙卯鄉薦登前列不利於南宮入太學茲待次天官榮選有日矣位之崇卑標之厚薄皆不計獨慨夫親之奪於天命者不少緩使今尚存八十之父七哀之母豈不足以榮一日之養乃不可得風木之感其可已耶雖然善思親者無往而不在終身不食羊棗者思所嗜終身不踐石者思所諱賜羹思而闕車不思者則為不善思矣况并其羹有不思者乎克容學古入官守身事親之大不待余言余

竊以為風木在易為巽一卦分體其象當為申命行事之風使德積小以高大之木他日為棟為梁無惑乎德教之不草偃則所以孝親者不有大於存養乎是為記

蘭溪義倉記

聖朝以仁義化天下天下仁人義士固不少矣而古為江右文獻之地素稱忠節仁義之風卓冠他鄉若今燕山胡有初蘭溪曾希恭夏黃王文子皆以義受勅恩表著天下是已曾為吉水望族元季保障于鄉國初以武校南鎮撫原鼎其伯父

也至希恭益弘厥善懋厥德家日益盛宣德甲寅歲荒蘭溪永豐新淦界三縣民缺食者輳集希恭門求貸希恭罄所食餘千石強賑之明年又以所積增為二千石立倉隙地告官請擇他姓主之以給鄉人余聞而甚喜為書其扁曰蘭溪義倉疏其實聞于 朝遣行人賁 勅旌為義民勞以羊酒蠲役三年余因至蘭溪見義倉在佳後街之北南向前有官廳門垣完美希恭兄弟再四懇曰二千石救糶所有也鄉人飢則告官發以賑之歉歲貸而弗償豐年償而弗息冀倉未盈尚有俟於增益

第恐方來宗族鄉人子孫更法以漁利反義而速辜乞記於石以示永久余辭不已乃告之曰人之不可失者義不足恃者利也天下之物有得有失雖衣服飲食所賴以生失之人無敢非之也於義當為而不為不當為而為之失夫輕重取與之宜則非之者衆矣可恃者在理而不在物在是而不在強雖江上清風山間明月無專主而造化者不偶亦不可恃也况錢穀之富衆所同欲取之不以道得之不以理則思效之者至矣其可恃耶故古之君子寧棄國而外削變寧恥粟而餓首陽皆不

失其義者也至寧甘矯制之罪而不失發原之仁則其輕利重義之心為何如哉彼知有己而不知有人知有物而不知有義者何足以語此希恭輕利而重義言遠而意深如此宜乎鄉人德之有司聞之 朝廷旌之也為其子孫者尚勿替引之可也書以為記

雲南都司題名記

人寓形於兩間而名可不泯於千古故君子疾沒世而名不稱唐人題進士名於雁塔宋人題諫官名於諫院然亦未見其為不泯而所以不泯者則

又在乎其人也雲南古荒服外自元以前夷視之天朝平定始視猶中國而後進而中國之首建都指揮使司以安反側于時掌司事者多勲戚黔寧昭靖王亦嘗與焉惟王之季子都督定邊武襄伯為都指揮蒞事頗久規度宏遠紀律嚴明誠可與而可則正統戊辰都指揮使曹政與一時同寅皆其舊屬積勲累階而得以聯銜繼武乃相與磐石題名以昭示方來俾知所以作所以繼之大觀請余為記未就而曹君去世遂寢景泰改元今總兵都督沐公參將胡公道以 論推舉同蒞司事始

克詳定歷官姓名勒之貞石復以文見屬余惟天下古今之難全者名也名與實相須猶形影之相隨未有形端而影不正形顯而影不亂者譬如日月朗照不可名陰風雪嚴凝不可名暑也名為智愚賢不肖則父不得而私其子君不得而私其臣雖一人可私而天下之大不可私一時可幸而千載之永不可幸也昔人謂名為美器造物深忌之天地間無完名殊不思名本虛器待其人實之世之名忠名誠名能文武者果有其實乎居其職行其責者果皆當於理乎苟有其實名之完不完奚

東園集卷之二 記五

病張睢陽岳武穆雖不完於當時而皆完於後世其視完於當時而不完於後世者其為賢不肖何如若武襄之忠誠文武惠愛智謀固已策勳盟府當不假此題名而自耿光千古矣二公以公論所推同蔭厥司曾不半年而見知九重遂拜閫任當亦不假此題名而將娘美方來矣後之接武者尚當一乃心開誠布公允蹈遐躅俾今而後蒙被休澤見其名而思之曰某公忠某公惠某公智謀畏威懷德久益不忘則庶乎題名之不為無益矣不然至公所存亦必有餘石者非余所知

承恩樓記

郡城之地繁華而深邃者為難得非有力者莫能致尺寸而欽天監五官司辰吳士傑方布衣時以星命之術鳴京師言人禍福皆應遂聞名于朝召試之果無不驗俾入監為天文生特賜居第禁城東非常之恩例也門臨天衢衢列廛肆從而入杳然觀邃廓然闔爽一樓穹然面陽八窓洞豁日華天表昕夕在目聞名於朝之縉紳而朱公孔易為大書承恩樓三字揭之楹間請余為之記夫入臣承君之恩猶昆虫草木之承天恩然胞春賜

東園集卷之三 記六

沐時雨經風露傲雪霜上天之施本無不均而勾萌甲析生育氣化消息盈虛自不能齊勝承者承之不勝者弗克承也聖天子懸賞於公朝待夫有德有功之士惟能者得之士傑專一術雖喻人以吉凶禍福而必使之脩德力善以遠禍永福其為功為德亦不少以是承上之恩譬如江河之於雨露桃李之於春陽松柏之於霜雪未有不勝承者雖然唐虞之治見於經義和治曆明時為首夏之義和失職從而征之重厥任也士傑既為司辰與授時欽若之責

恩渥所加非止一棧尚當思所克承而無負焉是為記

璽書樓記

正統六年春 朝廷行勸糴法以防歲侵吉水民監慶拜助穀千五百石明年 璽書賜褒慶拜義民命有司勞之仍復其家慶拜既受 璽書作重屋祇度其上題曰 璽書樓謁余為記余昔官吉水宣德甲寅歲饑勸富者出穀以賑貧者燕岡胡有初出千五百石以先衆衆胥效多資相資貧者得不甚病時江西諸府縣皆饑環吉水之邑尤甚

東國卷之三

七

貧無賴者糾為不道捕連數千人獨吉水無一人與其辜義民之力也當道者遂以有初事上聞首加旌褒著為令典播告四方自此天下有義民慶拜生同有初鄉邑其先世嘗為龍興路教官其父之昆季見於前翰林學士解縉薛玉相輝記余觀慶拜於衆人中為不羣亦嘗勸之出穀則辟以散而待聚余固不強人或疑其吝今始信其為非吝也

聖天子父母斯民哀多益寡以惠困窮仁也民能推所有以濟所無義也上仁下義理勢然耳彼有

無相爭強弱相吞亦獨何心哉民之於上迫於勢可使之就水火道之以仁義而不從亦惑矣皇上深居九重惻惻憂四方之水旱饑饉思所以預防之宜乎天下好義之民聞風興起曾不數年表閭相望何仁義之感人易而得效速如此哉今之臣能盡職懋功 賜璽書有矣未嘗得旌門民有孝行貞烈者旌門有矣未嘗得賜璽書計若穀於國家奚啻一塵特所以重之者非利得穀仁義之勸也慶拜及其子若孫固宜永寶玉音凡過其門者盍思所勸勉敬書以為記

畫記

畫一巨幅雜山水人物亭臺舟楫鳥獸草木為四十九葉葉為畫二其首葉則聯畫合之九十有七也其間名筆亦多蓋集衆善以成之非尋常可得汚陽陳公功懋司天官務禮賢而好事天下士夫挾一藝來京師者咸願見公以暴其能故有以得之非公求之而後得焉畫中山水有四時景象亭臺舟楫有遠近隱顯乃若其人則有臨流而洗耳者濯足者有憑倚而騁望者坐而觀泉者看雲者垂釣者偶語而相並相對者坐若倦而歌者若將

鳴琴者若烏羅者居而讀書者閑逸而自適者立而侍者執事者渡而撐者載騎而渡者渡不弛檐者騎而游者行而隨者牧牛而犂行者牽回首者騎弄雞者涉深而立背者凡四十人牛并犢凡五也物之飛走蠢動有家禽有野禽若鳴若翔若啄若息或羣而或孤或並而相顧相關爭相游泳相呼而引雛其羽大小九十有七而毛屬之牛熊猿鼠鱗之魚介之龜蟹雜夫蟾蜍蛭蟻之類不與焉植則有笋有竹有瓜菜茹蔬又有粟有芭蕉有雜花諸果有蘆葦苔蘚萍荇點染形色模擬態度雖

未一一造極精妙要皆工緻可觀出以示余屬記其首余辭不憚稽勲主事武岡劉養正謂公之所嗜不專於適情玩物而於畫法中皆有以知人之才藝而於天時之代謝人物之變更接於目而得於心亦格致之一助也醉翁之意果專於酒乎余聞而躍然喜曰人有一才一藝可用於世固不止如動植飛潛之各有所需設若牛不以耕粟不以食則亦未見其有益於世惟需所宜則凡列於是編者無不可以供耳目禦饑寒療疾病大而可以紀身實未有不可用特不謹以爲其才耳今公

列官 清朝預人物之鑑衡別輕重辨妍蚩推此可以知天下之才寸長弗棄其有裨於家國天下多矣豈玩物適情者所可涯哉是爲記

慈壽堂記

慈壽堂者韓盛仲宏爲母而作也韓世居錢唐家素豐饒永樂初徙天下富民實京師盛父孟和與馬居十有七年而以疾卒盛賴母金氏堅操撫育底于成立母年漸老而慈愛愈固盛與其弟春私慶母之慈且壽既名其堂復請余記余囊淹荻棘中偶與盛共昕夕久之盛遂受學於余於其請烏

可無說焉夫母之慈性也壽命也性與命皆本乎天性則我所固有命則非我所能爲故母之爲子截髮斷機愛之無所不至者順其性也然或慈而不壽則雖欲剪髮斷機有不可得或壽而不慈則捐階塞塗泣奈剖冰亦將無不至矣然則性可全而命不可爲慈固母之德壽尤子之幸焉今韓母既壽且慈則性乎天者全而命乎天者永矣雖然子能以父母之心爲心乃可爲孝盛兄弟得無弛敬必共子職而愛日之誠無不盡乎

序

送何廷儀還鄉詩序

篤孝弟之行有聞于世然世以其行聞者往往不多見豈其道高遠難行而不易至於有聞歟豈人皆篤于行習于耳目之常雖多其人而不以聞歟抑其道本近易人自忽之而不求至於有聞歟經曰孝弟之至通于神明光于四海謂有其行而不以聞否也不有其行而以為高遠難行可乎古稱柳下惠之聖而弟跖司馬牛之賢而兄難故能得聞于世者鮮矣世固不責其人人為聖為賢

而亦不至於人人為跖為難也借使貨利之私遠在數千里之外有山川道阻之險乃不憚歲月之勞而求之以不保其身者何其不思所輕重哉向使易是心以事其父兄未有不得聞于世未嘗行之不可謂人不見稱未嘗識之不可謂世無其人若今江陵何氏兄弟則其人矣兄廷臣登進士第為御史于朝弟廷表廷儀奉其母于鄉其間兄淹業棘間久不釋戚戚于心不少懈廷儀乃白其母挈家贊抵京師省焉未幾廷臣謂之曰凡吾所以

勗歷歲月重親之憂矣何可以吾故而重親之憂也盍歸乎廷儀聞之曰母老不可久違兄難不忍遽別吾將奈何因泫然不已士大夫聞之曰兄焉而汲汲於其親弟焉而汲汲於其兄惠不得廷臣得之牛不得廷儀得之是可尚也乃繪為圖以贈之歌詩以美之俾余敘之余嘉何氏兄弟之行見稱於人若此將必有聞于世且知江陵風俗之美又有以見明時教化之盛也故不辭讓而書焉

送韓二守序

安慶二守韓道遠自處不卑窮達一致今年冬得官於行在始之郡過金陵余相携送出都門外謂之曰子生今之時其榮幸自知乎夫自童子以至乎今列官大夫為名卿佐榮也其間游庠序入詞垣登大學練政秋官得公親古今所有書師鴻儒鉅卿而友文學道德之士以附其身而試於用固皆人情之所欲而士多罕得兼者子今而兼之幸也然幸其得者為榮負所得者為愧今以數百里之郡在畿甸之間又嘗得仁人君子之理之民固自若也苟有吏卒之暴猾強梗者子得以懲之去之使民安之其於所得也何負然而五刑畢舉不

足以禁其吏一吏之弊尤足以害其民吏之於民猶我之於吏也吏不職民固不安欲吏之職獨可以刑法治乎有治之之具無變之之法則前所去者皆未用之流後所用者皆已去之輩雖朝用而夕去適用而盡去有不勝其去而民終不安矣如在我者持之以正守之以廉處之以公用之以平道之以仁義道德而吏有不職民有不安者未之有也如是而後無負矣無愧矣道遠素與余道政事則先革吏弊而務安民故於其別也告之如此以為送行序云

東園集卷之二十三

贈潘處誠序

昔同安主簿解有軒而名軒者有不屑之意潘處朱先生至謂君子當無入而不自得更名高士軒為文記之意謂不遭者乘田委吏抱關擊柝可無不為主縣之簿無以自立將僕僕於塵埃之中左右朱墨而蒙犯簪楚有以自立則超然獨出乎萬物之表亦豈有待於外而後為高先生傳孔孟之絕學其處同安一簿如此其自視與處乘田委吏者何如後之主縣簿者不自顧與先生之所以力學所以造道所以成德為何如而可輕其任為不

屑耶簿協丞而佐令者也署當先可否令丞果皆賢必讓其能補其不足為簿之易如反掌一有不然則恃長而相陵徇私而相傾者多矣與之校未必能善其政不與之校亦未必能善其政此又為簿之難也苟協丞佐令以聚民之所欲去民之所欲積誠意以動之無不可也同郡友潘處誠為湘潭主簿考稟天官將復厥任或稱其績之有成或惜其才之有餘未有以自得安處誠之心者余有以告之為獲固可舉千鈞亦可使之舉一羽蓋重不害於兼輕上不可以任重君子求在己固宜

東園集卷之二十三

體無不具用無不周隨所遇而安之當患其不足而不患其有餘也處誠還益弘其所自立協丞佐令以繼先哲之自高將不止於此故於其別舉先報以安其所進之方二

師友集序

江西大參樊公名所得時賢詩文一編曰師友集自前翰林學士括蒼王先生今少傳東里楊先生以下數十人皆以文章德業黼黻邦家者其形於言憂玉而鳴金陶仁而淬義揚休吐華聯輝貫彩布衣之士老於山林仰之如星鳳延頸莫覩一登

其門以為榮庸常之士雖躡華要無赫赫之光求
若一人隆一譽以盜名于世不可得公師之友之
榮也夫吾所授教曰師取益曰友將其門而專其
業真吾師也麗澤相資真吾友也而或不焉六經
聖人之言如日星之明徹于四方學者味之為膏
梁服之為華衮居之為室堂履之為平康宜在所
尊而行之者而或不焉况非師友之真而其言非
六經之盛者乎公之所謂師非盡遊其門而習其
業者所謂友非盡麗澤以相資者其文詞之載於
集雖或有先拓之所未發要非六經之盛也公亦

東園集卷之十五

隆之親之尊其言而勵于行則其道德之光益可
見矣初公在鄉邑雖欲徧交天下之賢不可得其
師友散處四方非一朝一夕禮羅以萃于朝公之
跡未徧于天下而天下之師師之天下之友友之
宜必有其道也天下師友於公其善在師友公師
友于天下其善在公吾聞之也天下之善士斯友
天下之善士公其有耶或以公之學由於家傳而
無與於今之師友或又以公初無意顯榮而以知
已論薦典教金華校書中秘列黃門出佐名藩謂
有資於師友皆非所以知公也生乎千載之下師

古之聖友古之賢乃公之志名是集不知所云

送吾先生序

飢寒切於身人皆知求所以溫飽者將終歲勤動
以致之有人於此解衣以衣之推食以食之人皆
以為恩我者將思所以報之而於其所甚焉者獨
不思所以盡心亦惑矣夫匪食則飢飢則不生蓋
曰無以養乎內匪衣則寒寒則不生蓋曰無以養
乎外弗飢矣而於先聖先賢之道有所不知則內
無所資而有甚於飢者弗寒矣而於先聖先賢之
道有所不行則外無所資而有甚於寒者有先知

東園集卷之十五

教以知之有先覺教以行之則其所與我者皆天
之尊爵而何止於一衣一食而已哉此士君子之
所以必重其師也以天下之大民其未安欲安之
未賢欲賢之未用欲用之然用之莫切於大臣安
之莫切於守令賢之莫切於師儒師儒者又大臣
守令之所自出其官雖若卑而責重道尊殆有過
焉此所以有天下國家者必重其師之職也為之
師者上而國家之所付任下而士君子之所仰賴
欲無負於報稱亦思所以自重耶三衢吾先生用
博積學樹德奮身科第典教于池之青陽青陽之

士翕然景從由科貢進身者萃于京師先生以秩滿遷重慶乃相與設祖餞哀詩歌以道夙昔余池人也聞先生之風久嘉重慶諸君子得所依歸而不能不為青陽惜也乃為序其首云

毫溪書舍卷序

宜興邑西二十里為毫溪上舍生尹廷佐家在焉廷佐年少嗜學家多書因歸毫溪書舍及領鄉薦來京師求縉紳大夫士詩文一卷謁余敘諸首余初未識廷佐時見劉養正鮑景昇道其為人若出一口欲一見之既見廷佐年甚富氣甚清言動甚

東岡集卷之二 序

規矩信二子之言無過情及觀今毫溪書舍卷吾友張君士謙為記勉而期之無不至諸君子亦皆許之無異於養正景昇信之無異於余且知其鷄群野鶴之見稱師友間已非一日而余將何以復其請焉夫一勺之水似海之水淺深不同衡莛之居似數仞之居高下不同匹夫之言似聖人之言是非不同毫溪近大江去海不遠觀者知其淺深書舍之左右有隣遠近有郡邑有都城居者知其高下若書之是非則自六經之外子史百家勢若牛毛繭絲之雜出仁義道德之言雖廣吾安居

關吾正路苟不得其門未易入也夫仁義道德之言雖誘人於荆棘之塗而能快人之所欲防之少懈未嘗不駸駸入于其中廷佐體之已久擇之宜精而余復有是說殆以奕射規矩語秋昇公輸也然游聖人之門聞學不厭矣聞加年而學易矣聞學如不及矣聞仕優則學矣未聞知可盡而學可止也昔晦庵朱先生以易之敬義名齋得持敬之本於中庸之戒慎恐懼得明義之端於大學之致知格物劉屏山得不遠復三字謂入德之門范文正得忠恕二字謂用之不盡廷佐於此亦必有所

東岡集卷之二 序

得願余未盡知悵悵焉進不能師古退不能諧俗不自知其為不可或又謂宜於今不必根於古諧於俗不必本於經吾斯之未能信廷佐擇焉

贈龔訓術玉峯書舍圖詩序

羨在中者雖不求著於外而自不能掩故合浦以珠而輝崑山以玉而潤若今龔彦中氏以業儒而官陰陽蓋有類乎此夫以深淵巨石而不能隱徑寸盈尺之輝潤則人之實有諸己雖或不盡見用亦自有可大可久者存焉仁于中惻隱於外義于中羞惡於外其煦煦子子者相似而不同故偏術

不可以大受而正學何害於小試哉蘇之崑山名
王峯龔氏世居城北五里許家素豐饒其先嚴士
思齊讀書知大義傍築一室積書延師友以教其
子扁為王峯書舍三子雅秀彬彬皆克成父志長
彥節承家用譽次彥文以明經登進士第擢主冬
官事彥中其季也博學敦行旁通邵子數有志效
用會陰陽學缺官有司舉而薦之京師考稱授職
以歸其鄉友范啓東亦余友也恐非所志而意不
屑特繪是圖合諸縉紳賦詠以贈請余敘其首余
於龔氏父子皆未之識而啓東為人端謹取友必

東坡集卷之三

序十九

端故不辭而復之曰聖賢與衆人不同者一純乎
理道一雜乎利欲誘於利者惟富貴是欲君子不
處所欲之富貴去所惡之貧賤者蓋有以也得之
以理處之有道焉往而不屑耶書舍固未得覽其
所積然觀彥文之擢科取仕要皆本乎先聖之六
經而彥中又博究諸子百家則亦不出乎理數之
學豈但拘拘景純筠松之遺塵故迹以術俗售利
而不可以語理道者哉雖然學貴乎知要知要貴
乎力行聖賢之教莫切於大學之八目三綱其要
本乎一誠一誠又在乎敬而已矣陰陽之術上以

明天時下以授人事其職雖若卑其所係亦甚大
舍誠與敬何以哉啓東曰然請書為序於是乎書

送王僉憲敘

朝廷建百官分理庶政若使持衡執度然權重輕
度長短各司其司而事其事縣踰其封郡踰其境
不得行其政尚書之部諸寺之卿亦各有司同惟
內而監察御史外而按察司簪笏衣繡論是非之
公有所言許之而行亦不拘入侍殿庭雖王公
貴戚之非得以非之出按郡邑雖困窮無告之是
得以是之衡之以心度之以理持之以正執之以

東坡集卷之三

公使百辟清明而四方寧又者此職也仕而至此
固榮矣况兼為之豈不為尤榮且幸哉括蒼王公
繼行以文學擢任廣西道監察御史九載陞江西
按察僉事又三載將考績于京師嘗有言曰風憲
之職孰不以為榮然司民者之或病乎民典禮者
之或拂乎禮掌教者之或隳乎教任刑者之或失
乎刑夫豈不欲盡一事之責而乃不能使皆在我
有以正之則我之責有兼於衆人者可以為榮而
不以為憂乎是非天下之公也吾以為是入以為
非常人以為是聖賢以為非以衆人之所是而知

我之所非者未能公天下以聖賢之所非而知我之所是者未能公天下求其有以公天下者而有得焉則有大過人者矣不則可以為幸而不為不幸乎然則君子宜何所法窮其理盡其心平吾之衡審吾之度曰是曰非與衆公之而已耳公之言如此而夷考其行亦如此故雖不矜而人自譽不威而人自畏焉余辱公知厚欲于其行也以直告云

東岡集卷之二

東岡集卷之三

序

贈廬陵張大尹序

人之善惡同塗無相安之理猶虎羊之不可以同羣螟稼之不可以同畝也彼牧者見一虎必憂其羊使有擒虎之力未嘗不施耕者見一螟必憂其稼使有撲螟之計未嘗不用士君子誦詩讀書佩仁服義受一命之計而治百里之邑不但提簿書務奔趨利富貴為妻孥計要必平其政刑使民安而遂其生夫豈不如牧羊耕稼者之責之重哉夫豈可顧一身之利害而不憂詩書仁義之道為其所過哉以一螟之在田固未足以損耕而朝海夕有解不為其所傷驅一虎而入羊羣朝噬夕搏其羣可待而盡也人與人相似非若螟稼之不類羊虎之異形而心之所存有惡有括穿窟之盜漁獵之侵則無異乎人之螟也頑惡武斷凌弱吞食不盡奪不饜不美於人之虎耶一日耕稼則見其功終日撲螟未見其益終身屠羊則獲其利一偶搏虎或被其傷有不待知者可知也彼知人之螟不可以計撲而不撲知人之虎不可以力擒而不擒

或食其所餘或與之共食未見其無利而不和今也見千畝之一螟察察求撲之而不憚聞千羣之一虎則奮力而搏之吾見其無益而有傷者多矣廬陵大尹姑蘇張君攸倫以英年敏識早膺薦歷武康黃梅廬陵三邑永終考而每得代以去吉安郡守四明陳公謂廬陵大邑誦詩讀書者固多不能無人螟佩仁服義者固多不能無人虎非張尹處之莫能平其政疏聞于朝復廬陵民迎之歡聲載道茲以考績行民頌之洋洋盈耳其縉紳形於文牒間富且美矣然君之在廬陵也嘗以牧養

為已責撲螟捕虎雖有功而或不利雖有益而或見傷亦數矣然終不足病君也君豈無所為而為哉識者以為是不知者略而不書余故特書之為贈則凡一二同志果何憚而不為君之所當為也

贈尚寶卿朱公序

泰山未可以小天下也明矣孔子小之非真小也孟子喻聖道之大所處者高所見者遠耳士君子處得其所以耳濡目染極天下之高明則皆可謂之泰山矣六經為書之泰山聖人為人之泰山侍臣

為內外百司之泰山其間有等如同如蟻如虎如昇隨其是目心思之所至而高下之能造夫崇顯者豈易得哉吾友朱公用和由尚寶司丞而陞卿蓋有類乎此公家蘇之崇明自庠序膺選入秘閣預脩大典卒業太學復入翰林授戶科給事中轉中書舍人而歷任尚寶幾四十年未嘗一日去朝廷非偶然幸致者可比方童稚時在一邑俊造之列君登魯之東山矣先朝發石渠天祿之祕啓金匱玉匱之藏蒐山劉塚刻之遺以脩大典文軌之同度越高古用和與纂脩之列是泰山之一登

也太學儲天下英才模範惟法乎聖賢之規矩翰林宥密之地禮樂典章所自出皆儒碩之淵藪用和從游其間盡得以師之友之又泰山之一登也六科司喉舌中書掌絲綸尚寶典符璽用和數歷而兼之日侍清光為最近比之登霄漢之上依日月履星辰又不止於泰山之高矣何榮如焉何幸如焉始余與用和偕三千人修大典終其事者八百人同入翰林者十八人同官者又止十四人中書給事中相半余與用和同在戶科益親密今三千人中見者少矣八百人中尤少矣十八人者

惟用和與余在余長用和一歲以久於外無補日
益衰朽用和日近 天顏恩榮移其氣體日益強
健且嘗以從容自歸復以葵誠名軒知其思報於
明時者不為鳴陽之鳳則為傾陽之葵將使天下
後世仰之當如泰山如北斗亦豈為過乎

贈文選主事尹君序

天官之屬有四文選為銓衡之司黜陟用舍所繫
尤重非衆論所歸冢宰以下信其賢者不得任其
職也宜與尹君廷佐為太學生練政于茲遂擢主
司事蓋千萬中一二之選也主事六品官然今之

六品而欲有利於天下者不可得惟主銓衡之司
同其長貳為一邑擇一官則有以利一邑為一郡
擇一官則有以利一郡為天下百司一一擇之而
使官無不得其人則有以利天下也天下郡邑百
司有大小遠近職任有輕重煩簡待用於銓衡之
下者人各有能有不能擇之而用其能則可以成
功不擇而用其不能則或至於債事夫用其能者
如圓以規方以矩平直以準繩無不當乎人心矣
用其不能則如陸行以舟濟川以車未見其成功
而不廢事此豈舟車之無可用哉用之不宜然耳

凡物之宜不宜類如此用人之道夫豈有二哉今
天下如是之大人材如是之多足跡有所不至耳
目有所不及一用一舍一黜一陟皆欲遂其所宜
而無間然者不亦難乎彼南方有亂鳥曰昭明五
采象鳳西方有仁獸曰騶虞斑文象帝見者不識
其為昭明為騶虞莫不以為鳳與帝也人才之生
於世或有類於昭明者幸而一人鳳之於是衆人
皆鳳之亦或有類於騶虞者不幸而一人帝之於
是衆人皆帝之聞于銓司銓司雖明不能不信也
又聞于冢宰冢宰雖明亦不能不信也是何異於

覆盆之日終無以自明也廷佐欲不負衆望惟盡
心擇其所知所不知者人其舍諸某於廷佐舊有
一言之好於其榮任也友人鮑景昇等復屬言為
賀竊自謂賀近於譽譽近於阿譽與阿非君子所
宜有故敢以直相告云

贈李太守致仕序

古以贈言為仁者事有可譽譽之或可規規之宜
無不稱其情也近時以仁自任者多贈言之風日
盛武夫藝役率崇尚之且喜譽而不喜規失人失
言舉不為怪故雖有直筆將無足信然樂道人善

者亦自不容已廣信太守延平李君宗禮致仕將
歸太常少卿程公南雲尚寶卿朱公用和少卿伊
公宗佑司丞凌公士昌楊公允寬知 誥勅主事
吏部夏公仲昭兵部沈公為忠金公汝勵直內閣
順天府丞夏公以平威以舊好相集以餞有謂宗
禮執筆中書時預修大典給事內廷時又預修外
典故德性煅煉而剛明識見涵濡而淵博也有謂
宗禮器量不拘隨用皆稱嘗以同官誤事在遷榮
河丞復膺薦入為地官照磨遷主冬官事丁內艱
服闋調秋官陞郎中再陞廣信而於錢穀刑名之

煩瑣民事政令之大端一皆左右逢源而進退不
谷也有謂宗禮歷官三十餘年言侃侃行卓卓夙
夜孜孜惟公無敢干以私者服食如寒士充然若
有所得與人交初不易合及有善相得則始終不
渝又有以見操履之堅確也屬某序之某自永樂
中與宗禮同事同官為策文諸公所稱道蓋有未
盡而無過情特不敢以仁自居辭既不獲乃曰昔
顏淵子路為別一曰何以贈我一曰何以處我皆
有說焉今某以致仕復起惟無補是懼尚何以為
宗禮歸然古今以官至大夫為榮以得歸故鄉為

樂以道德化鄉人為盡善漢之疏傳致仕日以賜
金聚族歡燕非不樂矣謂盡善可乎宋之歐陽公
致仕謂被鄉人描畫平生休于頴上而不歸非不
榮矣謂樂可乎延平多先哲李又為文公師崇道
德薄勢利蓋有所自矣必不望得如疏傳之子弟
必不效薄如歐公之鄉人宗禮雖無賜金有常祿
則今之歸也苟日聚少長相與談道論德以宗先
哲其榮且樂不亦盡善乎某所贈也如此宗禮宜
有以處我於是乎書

送太守楊侯復任序

池濱大江距京畿數百里環郡皆肥饒而瘠土貧
民慶乎其中村落僻隱之地居廬寥閭近者爨烟
可望遠則雞犬之聲不相聞及出賦稅以供上郡
符邑剗與他郡等送往迎來則過之然其民俗敦
朴惟今是從撫綏以寬則曰愛吾民者也微斂不
恤則曰非不愛吾民承乎上者不可違也為之守
者以德恤民忍迫困窮以集事名之曰易治以故
守吾郡者雖弛防範往往得民心久之鮮有不愛
戴之者求其黠侮囂訟傾播弗律如他郡蓋未之
聞其有惠政弗渝則不忍一日去去之久而思不

置者有之矣某幼稚時河南趙侯守郡至于今數十年六邑之民頌之不衰不知當時之惠政及於民者何若是深今楊侯以風憲遷吾郡三年以德不以威上不廢公家所務下不奪於民之所欲環肥饒間而不知其為瘠土貧民之郡茲以考索來京民思之有不忍一日去者今其歸六邑縉紳之士俾某為文以贈驛不獲乃曰千里之郡一也以為難治者才或不逮以為易治者德或不足也今以六邑之民仰事俯育無顛沛流離之患而公務畢集非侯之賜而誰歟竊聞侯存於中則憂勤惕

勵不以為易措諸事則從容逸豫不以為難於是
有以知侯之才與德皆有過於人者吾郡之民何幸耶雖然侯德於民固多矣民懷於侯固久矣久而益德益懷固所望矣歸之日迎者必載道母詢其所懷而究其所惠使民隱畢達而一疵不存則輿論之休宜不止於趙侯而循良之名當與古之龔黃並駕轉而上聞雖相業可期也庶幾乎二三子之所望焉

友雲詩集序

詩言志也發於志之初矢疑浩蕩而不羈發於志

之有得宜平和而開雅發於志之所不遂則或激烈而不平或委靡而不振吾見多矣其或不遂而發於聲詩有和平忠厚之意則實由乎德性所存學力所至得喪榮辱交於前而不動於中故其氣和平而言自忠厚夫豈勉強所能為哉余友合肥龍君有本劉正明敏士也別號友雲博學善詩文蓋有志於得時而行其道者永樂中余與同修大典同選入翰林同拜給事中同嘗同居而同食幾二十年以直諫相資昕夕一言一行務相規正而或至於窮辯極論若爭訟然及其辯明而理安則

稱服無間然矣余二人者咸以此為益而自相得有不樂乎此者反以為忌外或與之內則疎之其後有本以親喪歸見鄉人病於字牧為不堪為聞于朝字牧者乃以計勝當道者信而直之有本竟証服罷歸田里人將謂有本素剛直志一不遂必鬱鬱不堪乃怡然日坐湖心草堂以訓迪後進後進之士賴以成就者多故舊有力者欲復起之辭不就非德性學力有不得喪榮辱動其中者能如是乎哉撫時感物憂喜哀樂一於詩發之其友南城令董克明為集其所作五七言古選歌行

律範一編將刻之以圖不泯余知有本最深書來
滇南請序余方致仕復起碌碌于公家事奚暇文
為然有本安知余文非前日之頗易易將謂余以
外至者為榮辱而忘故舊則非情已故特序相知
之由與其出處操存之大略如此際離已久弗獲
盡窺所編莫知湖山幽趣一皆發於和平焉否無
乃亦有不平之氣雜於其間否乎有本未仕時其
詩已春容閑雅罷歸之後亦嘗有錄寄我者思深
旨遠有古作者風則其全編槩可知矣余或不能
盡知尚有俟於知者云

贈章司訓序

台郡章君仲熙分教東流間嘗署吾建德秩滿將
行誼余別屬言為贈者偕至君亦需之勤不可辭
乃曰先王立教垂世所以崇師師道輕重士風之
厚薄隨之庾斯逢蒙皆學射斯受學於子濯之徒
宜不若蒙親授受於君者庾斯不忍害子濯蒙乃
敢害羿滕文陳相皆學儒滕文一見孟子於宋宜
不如陳相受授於良之久者滕文始終遵孟子陳
相乃敢倍良其厚薄之相去若此而師之輕重
有以使然耶師如孔子萬世無以數千百載之

下服其教如七十子者猶一日重之至厚之至也
人之為學如舟車然求進而不求退一瀕險阻摧
輪折楫其有望於濟也誠急遇者雖眾無以濟之
與所遇何異有能斲輪而示坦道刻楫而指通津
使得達夫所適則雖一時之遇將終身德之有不
能忘者矣函席之間曰師曰弟子謂將明孔子之
教日進乎高明行堯舜之道期馴於遠大乃終日
嚶嚶而實無所得寧免夫他遇而不易其厚薄者
鮮吾邑自有學以來若先師嚴陵項先生之教至
今稱之君在建德僅歲餘二三子思之亦至于今

不衰得不與斲輪刻楫者比蓋其學有源委文有
矩度言有據而行有常其教人也賢否有鑑勸懲
有衡本末有序而勸懲有方故受其教者莫不心
悅而誠服聞其善者亦莫不重其為人而相與不
厭也然而造就於建德未若東流之盛者豈以彼
此而加輕重於其間耶觀於二三子則嚴陵舊風
行將見之矣行將見之矣君行固陋矜夫高顯設
使遷秩掌教復來建德豈但慰二三子所望邑大
夫士亦所願君就不屑否乎僉聞之喜遂書以贈
行

登太平山詩序

正統二年丁巳元旦雨粵五日乃晴余以公事舊
理者頗紆新至者未積乃欲乘閑為郊原之游以
省民歲事明日偕二尹陸君順王君仲文判簿胡
君謙長史馮君受儒學司訓陳君陽約中書許公
鳴鶴評事解公禎期太守郭公日章同府李公德
言集于盤龍寺之松陰時雨新霽人物交和足目
所至有限也東郊之近有山逶迤而來突然起立
曰太平山者旌陽有祠當其頂四山屏列遠近之
水合流成文而環抱其下可以縱目可以暢懷於

卷之三

是與諸君子直造其巔徘徊久之一邑勝槩皆在
目使不以公事亂心則雖坐終日無厭也子弟少
長與凡邑之俊秀從游者百餘人一陟一降老稚
相扶亦皆以為登太平而忘倦也余因成一詩初
不計其工拙諸君子不鄙而和之時太守郭公有
故雖不偕往亦和之屬余序其首吾觀王逸少之
蘭亭不在於詩歐陽公之醉翁亭不在於酒蘇子
瞻之超然臺亦不在於游觀之樂君子憂以天下
樂以天下太平云者天下之所同樂登太平之山
則境上晏然觀太平之時則人物熙然咏太平之

詩則胸次悠然矣奚必華封人之三祝為可書而
王歐蘇諸公之樂又奚加於此哉

文江贈別詩序

正統丁巳春吉郡太守陳公以考績將行也邑
吏民奔走道塗踰旬而不絕非有所私將亦非出
於公家之命蓋以公之德澤及人也深不舍其須
吏去雖欲留不可得故奔走而送之者恐後焉自
郡逐流而下道經吉水老稚候拜江津者以千萬
計中書舍人許鳴鶴偕諸縉紳謂余曰吾郡不及
千里而屬邑有九民數百萬其恒產既不足而又

卷之三

負氣不屈其是非不能自直于鄉則至于縣不直
于縣則至于府府稍有未直又將轉而之他故其
訟之為煩也為守者過於嚴雖於君子無所損小
人則不得肆而怨之失於寬小人將肆行而不憚
君子或見抑而難伸怨者謗而抑者尤吾見吾守
之難其人也惟公德厚而量洪臨政則簡而不疏
信而不執明而不察察使賢者知所自勸愚者知
所自省貧者知所自守富者知所自安強者知所
自抑弱者知所自振而起蓋得夫寬嚴之宜民化
之有不期然而然者故于其行分雨後有人耕

野月明無犬吠花村白為韻賦詩以贈子宜序焉
某辱公知累久今又為屬吏敢不述諸君子之言
以著其未備公為秋官貲外郎時來江右清理軍
政列郡傾慕吉之人咸曰得公守吾郡幸矣既至
民大悅先是積獄數百旬日決之囹圄遂空勸進
賢能興學校舉所知十餘人皆拜官表先代忠節
特祀之凡有關於政體之大者無不為其小者亦
無或遺也故一郡之人雖衆而無怨言訟雖煩而
無冤聲其以文章鳴國家德澤利天下者亦皆信
其為賢而稱之孟子曰觀於海者難為水游於聖

人之門者難為言吾亦曰官於吉郡者難為政雖
然貫古今一理通天下一道君子循理而行道固
可以平天下有天下國家者患不得禹臯伊傅而
不患天下之未平患不得龔黃卓魯而不患郡邑
之難治士君子患理有未窮而不患無佐患行道
不中而不患民不從化烏獲千鈞之力也舉百鈞
而不勞人猶未知其能千鈞吉雖煩未為公之千
鈞也又非卑賤之所敢僭倂公論自有在焉

贈檀伯和榮陞序

聖朝兩京之府南曰應天北曰順天皆以天名極

崇重之義故其秩視列郡有加章用銀其官屬出
入輦轂之下呵從無禁內與諸司異儀外與列郡
殊等列郡自知府以下堂上官四貲惟兩府有尹
丞治中通判推官五貲今之郡守率朝臣三品以
上會舉非德政素有聲望者不得兩府之官尤所
崇重必極天下之選而不輕用也吾友檀伯和自
思州通判入為應天府治中勤慎廉公施澤如春
肅弊如秋九年如一日上下罔有弗信者薦章屢
騰頌言衆合於是陞府丞府丞朱衣象笏外同郡
守而得常近夫

天子之光內借朝紳而得親布夫斯民之澤然非
誠有諸已弗易為也伯和為之可謂榮矣或曰方
今 明良相逢度德授位賢如伯和位在其下由
薦舉而膺不次之擢者皆是伯和獨漸而不驟何
也或曰九年治中執政尚有聞其名而不識者獨
之過也今所得雖榮未盡其所蓄余惟用人者必
取其有餘處已者惟患其不足大匠斲木而為榱
桷者有矣未聞其自滿以為巧者子舜尊而居卑
者有矣未聞其自滿以為賢如或人言固未足以
知伯和亦未足以知用伯和者也萃未未釋孰知

其能拯天下之饑溺釣未收孰知其能援天下之溺伯和蚤際明時刻苦經史以聖賢大學之道自勵由甲科而進歷官三十餘年而得佐理畿甸之郡尚當與賢同寅協恭和衷思伊尹堯舜其君堯舜其民之心以盡其致澤之誠安知不由此大用而盡其所餘之蓄哉伯和與暹為友自幼至老相信相忘有兄弟妻子之不與焉者於贈言也當以古道相勉不當以功名富貴相說說為榮昔張南軒贈方耕道領矯其偏俟他日以觀變化氣質之淺深學力之進否耕道請藥以恕藥之復自以

有偏謂矯之不暇有望於耕道是亦顏淵仲由更相求教之意也人以伯和為操誠使操如孔孟所云仕優則學進就中道亦未為晚暹之藥實有望於伯和庶乎於友道無愧

送鄭貢士序

皇明建學育才度越前古任政教之責者或勉以沉潛或激其憤悱譬若浚井而使達泉擊石而使有火皆有作興成就之意也不思其責邈不為意者固無足取况又視同仇怨者乎吾邑自有學以來士或樂育而彙進或弛靡而求退夫豈無所自

耶永樂初嚴陵項先生為教實有所成就永平王公為政又有所作興為父兄者樂教為子弟者樂學首賓興四人而中三再賓興六人而中五其一尋亦中焉厥後任其責如二公者恒不相遇使有志決科者友銳意退休者熾然則賢才之出果由於地而不本於教育乎三年一賓興或二三千人額取不過百十文衡選十一於千百雖非不公而賢黃牝牡不能無眩於去取豈但不能者以為難乎比年一貢則論薦以次進於春官試藝翰林詞場理達者必登太學不偶則任政教者亦有責焉

故惟能者不以為難也邑庠生鄭景德輝性敏而學勤行端而操固為文貫經傳子史沛然無滯主司所當刮目者然而數不利於秋闈人或惜之則曰我學未至也有司或不以禮則曰我不恭乎惟橫逆則曰我踰矩乎今年春御史試當貢師友禮錢於豐宮送至邑庭有司請卻避既而又幡然設錢生亦不辭作興之道果如是乎哉然古有登壇大拜者即跨下之怯夫運籌帷幄者即納履之孺子德輝省躬納侮可無愧於古人安知今日所遇非玉成之藥石乎故曰他山之石可以攻玉德輝

行至鄉適御史更巡復集試之名冠六邑則是玉
琢而器已成待勳而時已至矣尚當以遠大自期
易言可久可大之德業必法乎乾坤之易簡易簡
而天下之理得濟時行道焉往不可余已衰朽生
嘗從游故于其別序以勉之

贈徐聞道詩序

人之可輕重不專於窮達有良貴存焉譬之水井
泉溪澗固無長江大海之洪濤急用之以沃潤焦
枯其功有過於江海者布衣之士居田里無厚祿
無字牧之責能推其餘以仁三族以周鄰里鄉黨

不亦過於盜名而欺世者甚遠此所以既有義者
為世所貴重 朝廷旌之士大夫亦喜而歌詠之
也民之發粟賑饑得從自古水胡有初始余時假
令吉水實司之天下聞而興起者蓋嘗有矣余建
德則有東鄉官田徐氏南鄉峽峯屈氏其富相埒
而徐為吾鄉家自鰲鵬遷官田凡六世皆同慶宗
子思明齊家有條食均千指秩如鵠如從耕景輝
登科為教官所處之厚他仕家皆弗及思明子永
元字聞道早立有父風歲戊午己未旱邑荐饑聞
道與屈氏各出穀二千石助官賑濟民賴以全活

邑上其事 璽書旌為義民勞以羊酒蠲五年後
及詣 閣謝又錫光祿宴夫凡民皆有常役無常
賜聞道既得夫不常者而又得免夫常者榮幸何
如榮幸何如旌一義蓋將勸天下之義也誠使天
下富者皆不私己貴者皆能愛人則仁政無復加
猶時雨降而溝澮溪澗皆盈流於江河則滔滔連
於滄海則湯湯功用之大莫可窺測故曰觀於海
者難為水聞道早從余游樂聞仁義之說而僻處
一鄉猶滄澗溪澗然其施尚未溥也今既逾江望
海得以觀 天顏身雨露蓋思進脩而善尚未
為晚余故因其歸哀詩歌以贈之諸君子皆朝紳
之知我者且為世道勸故不吝徐氏子孫尚思無
忝可也

雙桂堂詩序

永新東南有義山去城不遠雙峯並峙而最秀邑
人尹子齊氏居其下耕田隱焉於教子六子皆從
明師長義次禮相繼登科義蜀府教授禮監察御
史或者謂義山雙巽之秀有鍾於尹氏同邑劉編
脩定之為名其堂曰雙桂大書以華其扁為文以
記其實者皆 當朝名縉紳而作為詩歌以頌其

美者成編請余序諸首余嘗署其邑知其父子不可
可辯夫桂一木耳不凋於歲寒不吐於陽春至秋
始花而清芬遠播世傳月中又有仙桂舉子發解
適當花時名成亦播於遠故稱中舉為折桂人有
賢子亦以桂目之若實禹鈞之五枝是也子齊以
二子名雙桂見諸咏歌固有所自然父在而專以
子名子之兄弟六而名雙者蓋有是父而後有是
子著其子所以顯其父兄弟同氣猶星辰同天山
岳同地特稱其顯亦猶舉星之五辰山之五嶽耳
余在永新時義尚在諸生中年少而學瞻辯疑所

理老長莫能難為文沛然略無滯礙余目為桂林
之一枝進之果中高第禮方童州役鄉先生學聞
其蚤夜孜孜甚銳試所習日進又許為方來之一
枝既而兄為眉州彭山教諭賢名聞于蜀王王
薦為教授終于官第復登甲科觀政內臺遂拜貴
州道監察御史誠可謂尹氏之雙桂且不負余所
期而亦有光於義山之雙異多矣義山在永新猶
眉山之在蜀眉山生二蘇於宋義山生二馮於元
二馮之後兄弟登科者未之見尹氏兄弟家于義
山官于眉山皆非偶然必將有以繼二馮二蘇者

惜乎教授君不久於世雖弗克大展所蘊有善教
以及人可不泯矣御史君方立清朝正當大展所
蘊聲名可大可久如桂芬之在月中益高益遠則
二馮二蘇又奚讓焉世傳眉山之秀竭於蘇氏父
子草木為之一枯今義山方鬱鬱滋盛尹氏諸子
或出或處尤當如深林之桂不以人不見而異其
性則雙桂可於如實五斯堂蓋有光焉

東岡集卷之三

序

華容縣誌書序

天下郡邑誌書所以紀山川著人物載風土習俗之盛衰不可無也尚核而不尚文若書之禹貢僅千百言凡九州之內八荒之外鎮而山岳疏而川澤江河淮海等而田賦色而土壤錯雜而諸物貢忽括無遺區別不紊千古一目昭然如乾象森列舉無可疑後之作者雖皆取法事物或未當其情是非亦或拂乎公故有可疑可信者我朝同文

之盛廢越前古永樂中詔脩誌書頒定凡例俾天下郡邑采輯以進繼後儒臣得以參校成書當時有司任其責者多出已見踰程政度筆削弗章乃若華容為湖廣屬邑古有楚靈王章華臺則亦名勝之區也胡太傅廣生於此得非山川所鍾桑海陸沉其間顯晦之不幸者亦豈能免舊誌簡略國朝成書未出華容之士欲知夫鄉邑之所當知不可得也邑之太僕少卿鄧公浩慨然欲有以廣衆知於是取經進稿本依先朝誌例校定是編復取古今詩文有關茲邑者備錄于後蓋不于其

工而于其實也毋圖不泯壽諸梓自序其首復屬余序惟山川事物之顯晦由乎人風土習俗之盛衰由乎時有其人無其時雖顯而易晦有其時無其人雖盛而易衰必托於文章而後顯者盛者為不泯然而盛衰顯晦關乎氣運豈偶然哉公生華容顯於清朝人其人時其時矣誠使是編所校錄筆惟其公削惟其公則公之用心豈但公乎一邑信於一時而已耳推其餘又有可以公天下信後世矧公同巡撫侍郎周公歷湖南諸郡民多欣戴其郡邑誌有可正者尚亦賴焉

永新修學紀序

余初來永新見學宮廢而隘有志廓新指畫其規更變故址殆盡有見之者哂曰自國家修創至于今六十餘年其間賢令丞簿相繼不乏然未有如斯規非無意斯文也欲自為之力不勝欲假人為民心難集耳余聞之鬱鬱幾弛厥志戶侯胡公敏謂永新之民素尚義悅以使人則從有開其先必興群作敏當自効一力以君所欲告之衆明日邑士蕭可道請新大成殿踰旬工材並集不三月而成之日禮而勞之以歸境內之士聞之而興者

肅然以功多為榮不計所費相尚弗自己余乃以名聞先後為次於是賀季高得新明倫堂劉南周戰門尹紹舟袁海清東西齋自是至者漸眾以不獲與焉為恥乃分賀仲昂之十四人塑像蕭漢傑之十人蓋東西廡黃子樂胡淵澄置兩廡壇位陳樂賢暨靈星門賀仲良弟對良子祈年輩造禮器翼廊堦庖廩庫舍悉如所規盛哉吾民之尚義如此也信哉胡侯之言也向使如哂者所云則今之成與否未可知也余嘉其善弗能忘因紀其姓名所修初者成編諸君子請敘其首俾壽諸梓示

各子孫為家範嗣而修葺之以永無斁廣文徐君聞而是之余竊以為父勗弗荷考室弗堂者古今皆是惡望其如二三子之所云雖然又惡知其不如所云也哂者之言驗之於昨非誣也胡侯之言徵之於今已信也可以見人心靡常顧所遇何如耳二三子之志同余圖始之意余之言類哂者之見廣文是而成之即胡侯之心也余何可以不從廣文之是而副二三子之請以望於諸君子之後不當又為哂者之說以自二也夫微諸君子吾志終鬱鬱胡侯之言為誣其若子若孫又豈可不念

先德使廣文之言不如胡侯之信耶

贈吳大尹考績序

吾建德令吳公以考績將行也邑幕林君具書使人來吉水徵余文為贈意謂建德人凡民之所欲告令之所宜行者皆知之而以聞于侯可也侯之所澤於民民之所德於侯者亦皆知之而以張于衆人亦可也吾邑自唐宋來衣冠詩禮之族盛無獄訟征輸之煩為令者相安於無事如梅公聖俞作亭半山以寓高遠之情去則民思之更其名曰梅公亭遺文尚存故址荒落當時風景猶可想

見元季以來民日凋弊不復振永平王公為令三年士知務學民知向善聲動隣邑頌至于今不衰既而孟公慶之以平陳公臨之以寬義三十年百廢未舉侯下車一見寢食不遑而以大義率民民驅赴之竭力殫財使學校備而士有所造靡宇完而民有所瞻壇祠嚴而神有所棲庭無鞭朴野無愁嘆蓋悅以使民民忘其勞此侯之德澤為可張也若民之所欲告侯之所宜行有待於還則晚矣蓋侯以誠愛民如赤子民以誠戴侯如父母子有所欲豈不能自告於父母父母聞所欲豈不能自

行於其子而有待於三年之後千里之外者言歟
然是有小大民而多病政有煩簡事有變急善撫
字者如良醫視疾宜其方而變通其藥也世孰不
以煩劇為難治而不知凋弊之民力少財匱如元
氣虛弱易於戕傷而保養之者豈不為尤難哉詩
書民之元氣也禮樂政之參朮也吾民以少而不
暇碩元氣以貧而不能致參朮久矣實有望於吾
侯保養而調護之民或不知告故特舉以聞焉方
今黜陟大行進賢求次第恐有力者聞侯之善又
將奪去矧侯又有御史公為子旦夕褒封典下

必及於侯則不得終惠吾民矣遲又不能無私於
鄉人也將何以留之且以告林君

贈劉知州序

世固有求其實而得其名亦有去其名而棄其實
者皆非其本心若宋人以寶玉之名而藏燕石親
人以山恠石之名而棄尺玉皆知有呀不及耳入
之於人也亦然求賢良而得公孫去為學而棄伊
川一近於不知一近於不仁二者不能免焉宜何
所法守善善長而惡惡短吾取以為法焉武岡州
知州劉同余未識者也從余時劉生蒙以鄉貢

登太學待次天官一日偕同志詣余請曰吾州劉
侯許人也先為邵州同知馳聲關右用禮部侍郎
王公薦擢守吾州一下車即洗前弊勤以蒞事廉
以律身是非以公民得其平強不待鋤而自斂弱
不待扶而自植逋租盡輸而民不困迫於是派移
日歸百廢具舉兩造京師不舟不車輕騎約從
使道而促程不受人餽亦不餽人所至泊如真防
謂民之父母也茲以三載考最天官將復厥任敢
惜重一言以伸子戴之私幸無靳焉余嘗為有司
盡心字牧之責知其方矣誠如蒙所稱則劉君豈

但為今之良有司推其用心雖古循良亦不過此
然今之以言贈者干以名應以名承其名者亦不
以過情為恥故雖有可信之言人不皆信今之州
守自保舉之法行視昔為尤重然求其稱所舉如
劉君者曾不多見豈有司之責難盡歟抑知人之
於難盡歟蒙早從父僉憲公在金陵時偕弟順從
余學平居無妄言而稱其大夫為可信余苟因眾
干以名而疑其為過情譽殆恐類於棄尺玉之親
人何以居揚清之列故不拒蒙之請為張其說以
勉之曰靡不有初鮮克有終云

送俞憲陳公考滿詩序

朝廷建百官各有司而所司有是非則又責之於史官與憲臣也史官明是非以昭示千古憲臣公是非以綱紀百司其責為不輕而重也均矣恒情易昧而難明易私而難公士方窮時格致誠正以脩身將去夫一己之非而求至於是達而齊家以治國平天下將禁其衆人之非而使之一臻於是然事變理殊其輕重有不可以權權長短亦不可以度度者自非聖賢渾然泛應未免明之而或不公公之而或不明者故自有天下國家以來

世不皆唐虞臣不皆伊周子不皆曾閔師友不皆孔顏兄弟不皆夷齊此司徒典樂之官所以設於前而司是非之職漸備於後也是非之責憲臣與史官雖均然史官失其明固不掩於後世而或免於當時憲臣一失其公則有不免於朝夕者豈不為尤難哉百司不能盡其職猶矢不能傷而不敵規不能圓矩不能方也使皆在一一人而有以正之則知有盡而理無窮焉能必盡其職耶違自蒙恩叨長外憲每懼夫盡職之難朝夕懔懔以來雲南賴同寅諸公咸超卓達者資之不啻八音可

而韶護可奏私竊喜焉未幾俞憲陳公汝衡適以九載當報政辭不能舍去公初家常之江陰洪武中以鳳陽為龍飛故都徙實之遂家于定遠明經邑庠登進士第拜監察御史用大臣薦陞今官所至風裁凜然以故稱頌者衆而忌者亦多或以此而惜其位不滿者公自若也於此見公之自信甚篤使余易所處而讓焉弗辭也明廷之上必自有公論以處之於其行同寅諸公摘途之勝景有八賦詩以贈屬余序諸首云

贈陳南金序

上古聖神之制暨華也將使天下後世人皆得其壽天下後世用其道濟夫天閼者衆矣得其壽而免於天閼者又衆矣然求其術皆靈扁人皆不大關尤不可得也世傳劉太初暨薛司法妻其事若恠特未信其果然否世之不幸如司法妻者皆是使緋衣蒙首之說不誣則其見太初者亦必不少豈自諱而人不聞耶抑聞之者皆孔子之徒不言恠與鬼神故不傳耶余初患背疽隱隱如一栗狀召二三醫來視咸不以為毒謂旦夕可瘳術既施日漸如豆如瓜益劇不可忍素聞湖之德清

鑒學訓科陳南金者善於鑒招至則曰此疽也無可散之理誤於藥而不發宜急療之於是止衆鑒之藥已劑務自製逾日乃大發衆鑒且咻咻然議不一南金弗曰鑒將惜人肌膚為重耶將重其命耶使毒內攻於心危莫可保外雖潰甚何傷乎余聞其言有理信之益專時同寅趙憲則亦患厥疾衆鑒卻南金自相攻療竟不能起余試南金之說皆驗朝夕是從果安乃報以禮辭不受兒曹請益之以言蓋欲張南金之善也南金在永樂中名聞于朝遣中使召入恩遇甚至日給大官之食冬

金鑒錄

九

夏賜內藏衣車駕雨清朔漢皆得隨侍往還蒙恩尤至則其善固不待今日而後張也噫古之靈扁不可作世安得為鑒者人人皆南金耶人言用藥如用刑以其皆有關於生死然于刑者固有不可生之辜孰敢屈法以求其生鑒則惟求人之生而無欲其死之理也彼不明之鑒誤人而至于死與法之不得其情而加刑者何異焉不可不慎不可不慎夫余與憲副之疾無異也衆鑒不能起憲副余獨賴一南金而尚存固有命焉然吾憲副所用之鑒皆太初亦不可知也因南金而遂勉夫

鑒之不逮者云

滇南別意序

古稱燕趙之士慕仁彊義出於其性而滇南之地犀象貝寶所產獨饒然燕趙自戰國以來多歷變故滇南未入中國弗脩貢賦故有二者之稱聖朝混一薄海無內外而以燕趙為畿甸滇南左藩郡畿甸沐教化而文德日崇藩郡在邊陲而貢賦日益非復古所云之人之地矣事有出乎其間為古今所稱道樂善君子必播而揚之此滇南別意所以形於篇章也滇池為雲南巨浸周數百里其為一方利也無窮故雲南遂以為通號方伯邯鄲賈公自給事黃門出守大理陞大叅而至左方伯輿論歸之其弟孝昭季父子也不遠萬里而來省公留數月告還公之同寅袁詩以贈請余敘諸卷首夫邯鄲古趙地士之沐教化而崇文德者宜莫如公公為方伯乃古諸侯祿足以仁三族民物貢賦蕪然而條理之使為弟者利兄之所有為兄者飽弟之所欲非不可得而公素以廉公自持以率屬導民上下信之必能刑于家而宜于兄弟余雖未知其弟而信其兄之為人則知孝昭之來也

以愛兄之仁其歸也有潔兄之義豈若他所圖於外者忘情而不顧哉宜諸君子重其別意如此昔王僧孺為南海太守謂吾所遺子孫者不在越裝並天所取千古之下不見其裝而存其名蓋有托於史傳今公所遺弟宜亦不在滇南裝而持此卷以歸示其鄉人將必信之以傳於後豈無能書之者烏可泯焉烏可泯焉

淳安許氏族譜序

族一姓而居四方者多其初蓋自一人其後漸衆而支分漸久而派別綿延多故而散處於四方散

則親者易疎者易忘然而親不可疎故竟雖為天子而協和萬邦必先親九族疎不可忘故周雖去石稷一千餘年而又郊祀之此族之有譜所以原本始系支派以敘親疎也譜雖衆而知者鮮若宋文正范公幼鞠於青陽朱氏既長而貴謂吳中宗族以今日視之固有親疎以祖宗視之則皆子孫為置義田義宅此范公所以為天下士今監察御史淳安許公和仲出按南畿而以其族前後二譜來示余屬為後譜敘且道其前後不能一之故慨嘆不已願余衰腐文不足徵推其言亦范公之

意也不可辭按族人孝武敘知前譜之顛末復新敘知後譜之有間蓋不容已許自魯哀公時楚并其國元公子結出奔山陽為昌邑之初祖二十世晉太守啟從中宗過江而家會稽又十五世有諱某者遷古睦而為前譜之顛末啟遷會稽而昌邑二十世之後不載于譜某遷古睦而會稽十五世之後不載于譜初遷古睦建德之茆坂惠長子分居清溪紫蓋峰西久而益衆以許名村尋自許村而遷茶坡者後譜之始祖諱繁沒葬犁尖山稱犁山府君然自許村至茶坡其間世系兵燹譜

亡莫能續復新謂不敢妄為臆說而與慨嘆宜然爾世之慕富貴而甘附會者或忘親而就疎補闕略而增臆說者或混貽而汨穆其去復新遠矣孝武敘蕪取本紀外傳諸說復新略之皆可也其謂炎帝後姜姓春秋書男一云虞伯夷後妣姓子爵史譜從之未詳孰是後譜倣蘇氏例於所親則圖系于前譜列于前稱府君行第尊所自出也生沒娶葬畢書詳所自出也於始祖又獨以所葬稱犁山則尊而又尊之意可見使凡登名斯譜者人人知尊其所自出則其於所親也必不疎人人知詳

其所自出則雖於其疎也亦不忘居家思所以教孝弟之行蒞官思所以勵廉公之忠在鄉黨思所以慎處已接物之誠則茶坡慶源將益深遠於前日書之以俟

正淳安何氏族譜序

族有譜所以序尊卑定昭穆辨親疎也親疎易等昭穆紊次尊卑失倫則拂乎綱常故君子汲汲於譜族必汲汲於厚倫其於理有未安寧不有以正之可乎淳安何君宗宏尹建德訪余來山中請敘其家譜余因閱其族祖潛齋序有曰獨恨的公以

下茂公以上中間不續者數世厥後族人敬德有序例有補遺辨證有論說又有宗譜傳序乃曰參詳新舊校正異同誤者正之缺者補之疑者闕之則其用心非不勤且多矣又曰圖係乎前而根原著矣世尊乎上而天理昭矣系統乎下而人道立矣則其立法又非不詳且明焉毅然證辨從希堯仲仁會廟下何源家譜云的公之下有享公伍公陸公安公岳公五世而以茂公繼之是蓋缺于前而補于後也譜凡五圖其一自黃帝至於唐封虞以見晉之出於周也其二自武王至于王子允以

見為韓政何得姓之始也其三自允至瑛之二子晉尚書祠部郎文縱為分水派晉吏部侍郎文建為淳安派其四則自瑛而文縱至茂止凡八世文建至是之四子彥胡兄弟凡二十一世其五則自是公以下至于今之子孫遡源祖派上下數千載歷歷可以考見然自文建至岳八世而以茂子之則茂降八世為九世矣且疏其傳曰文建公九世孫也又曰文縱公六世孫孝謹子也而不復論縱建之為兄弟同世也尊卑可謂序乎七為昭則八為穆八世昭則九世穆以八為九昭穆可謂不紊乎因岳而置孝謹親疏可謂不易乎敬德考經質

史取氏族所載人望范曄東漢等書所載女右及諸傳紀所載陵墓所誌派別居址與夫歷代有關於氏族之詔勅敘表奏狀列于前夫豈不欲子子孫孫咸知所自而尚敦睦使凡接于耳目者皆信其文獻之足徵也奚不遂有以正定其說耶敬德辨證云岳公三妻三子皆早亡後以湯溫族對孝謹公第三子曰茂者繼之按圖則孝謹之下惟茂一人有無為後者不可知岳固不可無後也茂有三子曰子餘子馮子慶子餘亦三子曰惠期惠信

惠明使茂自為孝謹後而以其子若孫宜後於岳者繼之則尊卑秩然昭穆一定綱常之理斯無拂矣不然莫若從潛裔缺幾世猶可也史不闕文孔子興嘆闕疑非孔子之言乎昌黎有言知之而不以告是不仁告之而不以實是不信余敢以直告而或未足信尚希有道正焉

贈書菴劉先生啟

凡有形於天地間皆物也在天之明而有常者日月星在地之大而莫測者海濤若風雨雷電之變動雨露霜雪之降布草木鳥獸之蕃育蛟龍魚鼈之

潛藏於真間不可勝計使一人窮一物而盡之曰不能況衆物乎使一人窮衆物於一隅曰不能況際天極地之廣乎使一人窮天下之物于一時曰不能況自今而古千萬載之既往乎舉天下之人皆曰不能無敢謂也吾儒以典籍貫古今以知識窮造化聖賢傳業如日星三綱五常重逾海嶽事事物物不止於有形有色變動降布蕃育潛藏之可以名言者皆所當知當行其為道大矣其學也難矣天下以儒名者多求其能知之盡而行之至者寡吾夫子以一貫之律天時繫水土心古今

攷三王而不謬建天地而不悖質鬼神而無疑信乎其道之至大而學之至難也入其門者孰不欲造其極既出則或岐而二之徒如見日之明星之繁山之高海之浩瀚而無津莫知適從在當時者且不免況愈久而愈遠乎今之學者有見於斯昭昭之多一撮土之多一卷石之多一勺之多而謂天下之大足以盡之不求其至焉者自大也有見於覆載之間所以明所以變化所以降布所以莫測而蕃育而潛藏而謂天地之所以大古今之所以更非可歷可終而亦不求其至焉者自小也然

不知變象難知而樞極有定疆域難知而道路攸通萬事萬物本乎一理由方寸而彌六合其有形如高下淺深厚薄多寡輕重大小長短之可定名其無形如枉直順逆張弛通塞是非當否之不可淆雜者坐而求其至皆可得也顏子孟子善學聖人而至於卓爾躍如之地宜有見焉世無顏孟為之弟子無孔子為之師其先得夫大者遠者加於衆人衆人之師也示其極使知天之所以為天示其道路便知地之所以為地截業而汗漫者為之梯航使從其游者亦馴至夫遠大之域夫豈易得

我文陽為海內名邑三尺童子莫不有師一時之
稱為師者眾矣獨書菴劉先生以家傳詩書兩經
窮極底奧進則得售於有司退則見師於鄉邑凡
造其門必充充有得出而擢科躋顯者項背相接
宣德甲寅余因中書許公得延于公署擇縉紳子
弟之可教者從之先生嚴規矩正梯航以成就後
學為己任小大井井問無不知惑無不解其為師
誠不易得也若長若幼樂於相從不欲頃更去左
右茲以歲暮將有事于先祠告歸余子蔓薰偕二
三子恐遂棄也請余告留余因記宦途三十年乘

載江湖間操舟得其人則風濤不驚津涯可指不
得其人則行不安食泊不安寢覆中流而幾喪思
向之能安吾乘者猶切切不已矧諸生方銳志于
學正游汗漫迷蒙區之時得示以道路指其津涯
胡不思所依歸而崇重也哉先生以孔門成人之
善為心知諸生之可教必不待余言而後不棄也
先生曰然諸生欣然拜送之葛山乃別

壽徐東常七十序

先王養老之制七十者食則貳膳服則煖用帛居
則傳仕則致政養則於太學夫傳者傳其家事於

子且又曰不與賓客之事致政者致還其政於君
且又曰不俟朝謂雖朝不俟畢而先退太學者天
子之學蓋五十杖於家養於鄉六十杖於縣養於
國七十則杖於國而養於太學且又曰達於諸侯
謂天子諸侯通行之也中古太桴氣散人不皆壽
七十者稀有臻其壽為子弟者欲盡其情宜何如
哉吾邑徐理東東為國子生待次家居每相見道
其長兄東常篤愛諸弟理將學邑庫尤所注意事
事無少忽分雖兄而恩若父也余竊聞之竊以為
鄉邑所難得今年五月某日東常壽七十東衷慶

先壽將盛設雅歌邀親賓以歡以樂請文於余其
言懇而切有足感人者於戲兄弟在五倫仁關父
子之親義分長幼之序知此者兄友而弟恭棠棣
之詩可歌而樂也不知此者妬兄而疾弟鷦鷯之
詩可鑑而省也如舜之愛弟猶天覆物不見其惡
所以為聖閔子愛弟如地載物欲其並生所以為
賢東坡愛其弟子由生己卯而稱卯君溫公愛其
兄伯康奉之如事嚴父若此者皆可為世之明鑑
彼不學者畔此母之怪其名為學者亦或昧焉而
相戕果世道然歟抑私欲自蔽歟徐氏兄弟能不

以嫡庶而拂乎仁能不以長幼而拂乎義讀聖賢之書求堯舜之道如此而已東常年雖七十耳聰目明神完氣全壽莫可計策策不日效用於國內而侍從外而郡邑必有可觀法者故曰宜兄宜弟而后可以教國人余與東常同歲東喪之妻其母與余妻兄弟也乃嘉其請樂為之序云

黃季岳傳

黃季岳名金華其先野人八世祖笏在宋淳熙時為吉水令生子正甚為楊文節公所器重因以子

妻之後遂家于吉水世以儒相承祖天衢尤邃於理博記羣書旁通諸術數之學父彥榮直諫和厚生子皆有得於家教而季岳與長兄伯器尤起諸季岳能言節解誦經書成童為文章肆筆立就前單亦嘆服年十三選入邑庠毅然以正學自勵家所有書無不讀過目輒記異端老佛之教之說絕手耳目且曰聖賢之道雖在六經而科舉文字士由以進身未足以盡聖賢所示故雖晝夜筆華剽剽於師友父兄惟根源底與躬循實踐以文詞為易易餘耳洪武丁卯秋試近與其友解擢紳寯

數日之力專舉業之所謂破題程式諸作皆盡二人年俱少皆中前列明年會試過采石二人者見李太白廟碑不再目而各書之無一字謬既登第海內之士目為奇才

太祖高皇帝特試便殿詩文不起草進大悅召學士劉三吾等傳示之加獎眷至以江西新黃呼之而不名授中書舍人復入翰林為庶吉士朝退侍講東宮言論於治有補秩滿陞中軍都督府經歷辭不赴改金華府經歷陛辭更惜之不欲以業勝損其才親為擇間散儒官名闕得汝寧府

學教授一路人聞名多嚮慕汝寧學者素不習乃為之翕然丕變文風頃右諸郡周藩素知季岳禮遇深至命世子郡王從而師之因出入王邸王罹禍不知其所終逾年解縉紳聞告者言知其死後送京師遺骸為所知藏護尚在往詢實尤識其顛齒會鄉友劉子齡至負涉彭蠡之險歸葵焉季岳死未白伯器亦死其仲對昭家屬成遼東太宗皇帝即位直其事復王封還其家屬對昭尚在嚴然古儒者風伯器子希度希亮季岳子希晦事對昭極至希度問學深粹為景陵學訓導希

晦喪父四十年思之如一日鄉邑詩禮之族論孝友必以黃氏為首稱季岳兄弟文章識者許為今之載轍其持正守道內外無間言或有以明道伊川望之者蓋其平居造次不離於正也余觀季岳辭都督府經歷而樂就一教職果利富貴者歟果有志於行道者歟向使其一死而終不見直則力於正道者無所信將疑天之佑人不必皆在於正以今觀之天豈無所司乎哉

東岡集卷之四

東岡集卷之四

東岡集卷之五

詩

四言古詩

思親美孝也孝子錫思民傷其父歿遺母在堂而從仕于外思之不忘用晦作詩以美之

思我親兮生我劬勞我生莫酬我心切切悠悠蒼天亦既見之父既云歿母亦何遠之瞻彼松楸幸懷我憂載馳載驅我心不休雖有蘋蘩孰可薦之豈無他人何如我黃之遺彼高堂實勞我望載驅載馳我心不忘雖有甘旨孰可將之豈無他人何如我等之載車彭彭于彼周行匪我游樂王事靡遑彼有好爵我將致之人有秉鼻我弗能管之

右四章章八句

竹坡義自得也士無慕乎外故有以自得仲通既樂乎此信無慕乎外矣東岡竹叟作詩以美之

竹坡竹坡密葉交柯猗猗青青歷久漸多中有幽人其樂維何心如我虛節同我堅四時一色風

露娟娟匪悅六逸奚慕七賢 鳴珮鳴珂良朋日
過學可切磋道可琢磨果行有德涌泳吟哦 涼
陰消暑高標耐寒援琴鼓瑟內省外觀樂之無厭
終焉盤桓 宜兄宜弟墳和麓和兄潔微科第登
甲科兄隱竹坡弟顯鑒坡

右五章章六句

五言古詩

吾事不由已

吾事不由已吾命付於天夷險心不渝榮辱竟茫
然晨興束短髮無聊憶殘編欲識宇宙間履吾孰

最賢將以勵朝夕恒規靡變遷免貽身後羞豈徒

名虛傳

孝思堂

孝子憶雙親雙親在何許白雲滿松楸悲風暮天
起雖得薦蘋蘩何如事甘旨遠道在驅馳鄉山幾
千里朝夕注遐思樓閣空徙倚九京不復還寸心
何日已

題萬里挈幼圖為泰和羅昇進善賦

任德安同知誦成永昌父佳代從祖武中
徙肅州客元母周氏止一子即昇方四
歲二女長十二次十歲東里少師為請
於仁廟得免役放還

天遠風雪寒地遠關山阻玉門何日開征戍臨邊
苦棲身無安居離跡有強虜堅操守孤嫠孰知羅
氏母 母昔初嫁時猶在邊城裏夫能代父勞辛
勤共甘旨舅沒徙窮邊姑老在鄉里痛苦方頻仍
那堪夫又死 死者在遠道生者何所依但恨兒
女幼不怨親戚稀餘囊且周匱減食還濟飢天長
目力短故鄉何日歸 歸期難自擬頗有親垂顧
朝夕在 帝傍歷歷將情訴惻然動宸衷追感昔
註誤脫籍許南還跋涉經年路 路險千萬重貞
心諒惟一澗壑踰深沉嶺嶠登峯嶺裂膚冒寒霜

傷心行落日得到故城西莫知舊廬室 室堂可

重整桑麻可旋栽兒女漸長大年華老漸催一疾

不可療九原難再回忍見堂北萱空廢蓼莪哀

氣哀孝子心感念情何極尚存密縫衣一攬不能

食畏途入丹青猶恨巧無力三復柏舟詩共姜未

難得 得失匪由已順理安於天天道有徐疾禍

福終判然德安本良吏謫戍人共憐子孝婦全節

耿耿宜永傳

葵誠軒為朱尚實用和賦

瞻彼日中葵葵心傾向日凡卉豈不多孰如報陽

德花根不離地日輪惟在天但願日永午照我花
常鮮 瞻彼向陽葵匪懈亦匪偽朝迎夕復傾光
榮常不背陽光無私照葵心獨傾誠感此莫能喻
君以名軒名

鸚鵡嘆感興

南國有佳鳥羽儀光陸離能言堪比鳳投羅不自
知翩翩向高堂飲啄隨所宜翰音發長夜寤寐咸
驚疑主人隔深戶猶犬相追隨瓜牙森劍戟毛骨
絳流漸梁燕喧復集野鳥鳴聲悲死者固不惜餘
生將何為

平南詩有序

正統十三年戊辰賊子思機發納貢乞憐且求得
麓川孟養地一朝廷示大信果悔罪來廷恩亦不
卹果不撫誠來廷必正 天討乃命尚書靖遠伯
王公總督軍務相機而權宜之公至雲南遣使馳
諭賊負固自若於是合將士指曰賊不可以恩信
結明矣
皇上仁覆如天知周其神故雖洞燭其姦不絕向
悔今果抗違師不可遏然彼所恃者金沙大江深
險非我可度一也孟養蠻崖僻險非我可到二也

其地山川草木瘴險非我可居三也賊恃此三者
而抗違

聖天子廟算已成闢道餽餉設渡以利我師諸將
士彈忠竭力奮勇圖先則天時有可轉之機地勢
無一定之固其用命弗用命典章具在孰敢私師
至于崖公謂孟外孟木蠻莫之地乃賊黨刀派倫
等逆境欲攻腹心先剪羽翼分兵潛出其境賊已
先拘質其妻子渡江留從衆潛蹤出沒約為外援
一如公所料師達金沙江賊已堅柵數十里橫截
江岸木邦緬甸諸夷亦聚數萬衆具艘江濱實觀

我而為之進退且咻官軍請飛渡明日浮橋成奪
其中洲囊沙壅上流山川效靈水頓下洲可達岸
將士賈勇聲震天地一鼓而登賊衆死傷奔潰者
相半諸夷駭曰自古金沙江漢兵莫有能渡者今
一口檣擲未嚙岸柵已破天兵果神異如此師擣
孟養賊聞過江已遠遁留擴酋強卒據蠻崖鬼窟
三大寨連環七小寨重設備以待敵蠻崖兩峰峭
立接鬼窟大菁去其麓皆三四里陡旋一徑峻其
兩傍懸大木寨上當其徑砍懸下木聲震若雷木
緬諸夷復環視語曰官軍能飛則可破公集將士

議曰彼所倚險固在右我先攻左左破中右自潰
左總兵張公身先士卒直抵左寨下矢石如雨不
能侵若有神衛焉者賊迎敵敗走遂破之有頃中
右二寨亦破果如公言諸夷環觀仰天嘆曰天兵
果不可犯如此三寨破賊醜類死鋒鏑竄林莽翻
崖倒澗而存者無幾復搜至海上招徠而撫緝之
送于京師以孟養地畀緬人緬人擔將擒賊以
報其滅可待焉於戲段高宗伐鬼方三年克之唐
裴度平蔡於內境今滅賊於曠古不加兵之隄人
人皆以為難公與二三將臣受命九重成功一

瞬非同德格天伐當其罪其何不休若是哉捷
聞公還朝有日其所著鼎彝而照汗青者非人人
可得而見因賦詩五十韻播于遐方諸縉紳和其
聲成帙用敘其實于端云

皇明永天眷嗣德綏萬方臣妾際覆載職貢遵梯
航蠢茲麓遺孽乃爾違天常父惡弗俊改朝命
屢敢妨宵螢熠腐草何能燭陽光穴螳壘封埵而
欲隄天潢臨江堅堅柵畜毒聚蚊蟲據山結高寨
設險屯豺狼風氣恃瘴癘地勢矜炎荒自謂千窟
免足以深狡藏庸知天命在佑順助明良爰賊

初發時 皇仁擴無疆命師一徂遏賊乃輕跳梁
顧惟大司馬才藝文武長視師西北鄙威聲振甘
涼強胡望風靡矧茲轍臂螳一摧若枯朽載履如
平康賊父遂函首賊奔潛替倭賊俘

帝廷赤誅軍匪滅 皇仁重加惻憐彼昧犬羊太
羊何足較煦存不忍傷 恩詔屢往領異歸生遂
鄉賊益自冥昧 皇怒斯赫彰聲罪致討伐將臣
選鷹揚昇公總機宜烈日飛嚴霜用命弗用命誅
賞授權綱振旅自滇南鼓鐘聲鏗鏘轉輸足糧餉
浮渡駟駟駟通險登夾洲涸湍消壑囊神謀破岸

柵壁語驚燕柳鬼窟萬丈頂壁崖兩峰岡綿延結
三寨連環匝周行乘輕馬亦瘠飛度鳥難翔公集
諸將謀奮勇能敵強撤抗頑剪翼棄虛宜搤吭左
將頗收儔膽略神鬼驚叶奮身先士卒破敵如剖
簣左寨既奔潰遂捷中右傍雜聽諸夷詫曠古不
武揚天兵何神異一鼓倏滅亡招徠重綏輯道匪
加牢浪我思漢三傑千載名流芳何如大司馬良
備衆所望供餽蕭相國運籌張子方戰攻必勝取
淮陰宜頡頏馳譽訖寰宇延頸瞻星鳳

天子居九重公當柱朝堂時巡超八極公當和鸞

錫一身委社稷一心盟穹蒼蒼蒼一德娘美尹
登湯

次給戎沐都督繼軒寄詩韻

結髮事明主新霜忽滿顏消埃愧無補林車空復
懸虛名動遠徼芳躅思前賢囊琴歸故廬古意向
誰宣倚天謝吳鈞擲地辭越箋寄傲南窓下優游
俟溘然徑荒陶令菊池委周子蓮黔陽憶故知迥
隔萬里天長空展明鑑容敢爭蚩妍世重華夷望
才推文武全訓練熟韜略咬嚼編簡憶昔乍見
日謂宜尚慎旃旒荷九重眷益淬百煉堅先德
培遐壤惠澤溢巨溟穰夷解孤矢蠻俗安桑田頌
聲沸如鼎歸心超若川自分雲泥絕寧知情未遷
書來賁林谷詩韻過雲烟頹材短機線頻勞遠更
牽感此一嘆息應留千古傳餘生已薄暮幾度聞
啼鵲

七言古詩

庚子年元夕觀燈

聖朝一統華夷清每逢元夕頌恩榮六鰲駕山朝
帝京九重閭闔千花明羣仙交慶來蓬瀛前瞻南
極明壽星玉毫瑞相居峻嶒月華星綵千祥并六

龍馭駕祥雲騰帝居黃道乾坤寧虎賁環列羅旗
旌鵷班兩穆排冠纓彩雲萬丈輝金城蕭韶九奏
和虞廷芙蓉爛開雲錦屏五星聚燦符嘉禎教坊
百戲當前呈清新觀聽騰騰聲彤廷錫宴出大烹
玉階春色敷盈盈况當新建鴻基成四方萬國來
輸誠太平樂事年年興仁恩普洽沾蒼生皇明啓
運隆嘉耳萬年永樂昭昇平萬年永樂昭昇平
題袁州何太守為吉郡太守陳公畫圖

近山磅礴遠山小山勢逶迤雲縹緲水漫平湖不
見魚春深綠樹無啼鳥幾家茆屋窮無人淡似晨
光濃似春高懷欲往不可得知是丹青妙入神竹
鶴軒人袁州守畫法傳聞天下久自非青眼舊相
知莫論黃金大如斗我憶京華聽漏時五人連榻
軍相知烟花巷陌分携蚤雲樹青山入夢遲我侯
作郡時罕比名重逾山心似水看畫毋勞思故鄉
垂名直欲光青史

哀詞

兵部尚書叅贊機務徐公以疾終

賜謚貞襄祭葬之禮尤厚公自登進士歷官行人
員外郎交趾弗靖選朝臣素有聲望者往

論

恩威愈推公授右通政持節以行乃怙服向化餽
禮甚厚公二毫不取交人未之信并所貢
方物津送之將謂出疆必受也公至境上
廉所餽召守關者衆目點檢悉還之國
人嘆曰此天使神鬼亦服

上聞嘉悅擢公兵部侍郎參贊南京機務至終尚
書十餘年生死 恩榮殊盛還辱交五十
餘年如一日聞訃傷悼不已強綴荒率之
辭以洩我私云

意拾人之生子負偉而抱奇蘊文韜武予用無不
宜濟川可楫子遵陸可輓輕重無習子小大無或
責樂天俟命子用舍安於時時既遭逢子遑息乎
驅馳有若人子大司馬家錢塘子生寧夏登巍科
子驥顯仕薄聲勢子敦樸雅德日懋子過則寬位
益隆子心愈下郎曹絲雜子渙凝而縷析南交叛
亂子往諭而歸德 帝心簡在子比夢賁之良弼
秩遷轉子重褒錫澤溥博子及家室還故鄉子削
戎籍慎兩京子百職在機務子持劄塞綸璽煌煌
子後先數百夙夜靡寧子殫忠而竭力志欲行道

子身殉國義所當為子何顧何惑年既邁而疾作
子驥欲足而鵬戢翼踈屢上子莫容釋懷故山子
歸未得命有定子暨無術嗚呼噫嘻哲人沒子胡
不感傷愁雲黯黯子台斗迷光慘霧溟濛子山嶽
隱蔽遐逝慨想子失所望天不憖遺子留 帝傍
秀子穆穆子懷忠良股肱左右子思貞襄嗟人生
子脩短靡常使佑順而逾百子亦奚足為太長忠
孝著子蘭增芳允何憾子生者不能忘孰不思子
心傍徨我獨遙遙子涕淚滂哲人何在子嗚呼穹
蒼

五言律詩

九日次黃學士韻

客途逢九日景物為誰嘉此地已無酒故園空有
花翠微亭下路采石驛邊樓未卜重過目臨風獨
嘆嗟

題占城使節卷

使節還營日元戎候捷聲惟憑三寸舌能下萬人
城外國歸仁化中朝著令名題詩多俊彥相與賀
昇平

丁巳正月六日同許中書鳴鶴解評事稿

期李同知德言同僚王二尹仲文陸二尹

顯宗胡判簿謙新恩馮大尹受陳廣文陽

登太平山

凌晨登絕頂欲雨喜還晴天際江山色雲邊鍾鼓聲崎嶇千古路歡笑幾人行何幸浮生裏年年樂太平

遊龍濟寺

千山一徑深晴日絢珠林塔下參禪觀雲端起梵音避旌巖虎伏駐馬石龍吟卻憶浮生裏難忘去住心

遊解空寺

暇日訪禪宮解空真是空瑤臺青嶂裏紺相碧雲中習靜山泉響尋幽石徑通重來應有約塔上海榴紅

刻題龍華寺竹上

祖席臨蕭寺琅玕醉後題七賢沃實樹六逸感清溪茶味松花解衣香草色迷雲烟天外起城郭望中低

必聞吳學錄見過有作次韻答之

故舊幾年別修途傍險行襟懷平日坦詩句晚唐

潛宦海已成夢家山可放情獨慚久縻祿明發又催程

遊化城訪李太白書堂有感

謫仙讀書處塵世少人知路盡天疑近崖深月到遲幾碑當自續新塔共誰移老去空懷古巢雲未可期

攬坦庵沈處士餘杭人子翰林待詔

林下悲風起天邊隱少微清溪鷗侶散丹穴鳳雛飛鄉國名逾重華胥夢不歸貞珉書太史千載耿餘輝

過濟寧別吳御史

玉斧飛霜處鄉書學薦傳倚門親八十客權路三千濟水水將合行囊衣未綿殷勤謝知己莫用苦留連

八月十四弟啓賜初度有懷四首年四十九故云

吾弟逢初度中秋一日前獨憐天遠隔未與月同圓伯玉知非早買臣將貴年好看孫與子白首樂桑田

遙想慶生辰團圓總至親放歌殊俗調縱飲任天

真澹泊山中味融和物外春管絃應似舊爭少一
頃人

去年明日別宴罷促行裝弟與兄相勸兒兼女在
傍黃雞稻梁熟白酒桂花香此樂人間少千金難
買償

骨肉聚相親同胞存二人弟如三島客兄作
四朝臣旅況不堪久鄉書莫厭頻年來頭漸白未
許問歸津

題蕭華都指揮肆武餘間卷
佐漢元勳裔家聲百代傳業難報

明主簡策對先賢眼底古今事胸中文武權豈徒
清浙海終擬上凌烟

留別朝中故舊口號

衰病辭 明主清秋別故人有情千里月無補四
朝臣歸路輕帆疾逢人笑語真獨慙霄漢侶雲村
渺通津

題畫為紀司訓輔

覽圖未知處栖跡已多賢有影雲邊樹無聲石上
泉小橋隔塵鞅高閣橫冰絃還往二三友觀瀾逸
興偏

雨中蕭憲副恒見過因話有感用前韻書
懷并錄求教云

少年空有志老漸不如人往事頻經眼新愁益愴
神龍魚吹浪日燕雀落花春迂腐終無補浮雲絆
此身

謝沐揮使廷章惠法製炷香

名香和絕品法製異尋常燦飾黃金鑲重絨翠錦
囊瑞烟飄近席清醴滿高堂莫笑然偏惜應留意
敬長

題劉清志立永思堂

松楸嗟遠別拜掃欲憑誰百歲未為久一心常是
悲涕垂萊子服膺斷蓼莪詩流水有特息孝思無
盡期

天順 詔下欣聞翼戴之誠口占一首

明良欣際遇曠古未如今共展擎天手齊懸捧日
心華夷瞻瑞氣枯槁沐甘霖五色雲間鳳時時布
德音

余以衰病蒙恩致仕將歸少卿程公南雲
出此卷索題因成五言律詩一首以寓久
交修別之情云

先朝舊同事獨出羨才猷愛厚垂青眼愁多嘆白頭
從龍六合雨歸鷹一聲秋明遇衡陽便寄書月
寄不

挽黃金華先生

瑞世如麟鳳終年事可傷萬方知姓字千載慕文
章伊洛源堪溯天門路可翔却教和氏淚滴徧綵
衣堂

崇益劉祭酒寄詩次韻六首

早歲即相親知君邁等倫奉慈心篤孝行已志依
仁瑣聞曾簪筆橋門重秉鈞舊遊霄漢侶今在幾

何人

聖明崇國學儒碩坐彝倫樂育英才俊漸摩道德
仁文明當泰運聲教際洪鈞昕夕應何暇猶能念

故人

位重榮三樂弘敷致五倫誨人無倦意克已盡歸
仁聲價唐韓愈芳華實禹鈞門墻才濟濟慈是廟
廊人

軍書文軌洽海宇行同倫出治民歸德藏修友輔
仁詩書吾素尚禮樂世陶鈞試問乾坤內如斯有
幾人

愧我休官早居閑似隱倫歲寒榮白首畫繡負
皇仁有業遺諸子無能勝一鈞少年空碌碌徒老
不如人

莫逆交來久情真衆鮮倫聽言能揆理觀過欲知
仁穢穢歌王化菁莪園大鈞獨憐清夜月徧照白
頭人

贈檀觀知縣之永川

蜀道莫難君今初拜官過家妻子便到縣吏民
安臘近行宜急時清政尚寬能聲無遠地指日連
金鑒

題畫為張中書

山城高隱約江樹遠參差蒼渚寒沙雁歸暮酒
旗渡邊人待久雨後客行遲風景宛相似南歸在
路時

竹坡為丁文選景昭

買地都城住琅玕種小坡潏陰當戶窗清氣逼人
多月影疑驚鳳風聲雜珮珂春雷奮孫子遂造沐
恩波

東岡集卷之五

東周集卷之六

七言律詩

題佳士榮歸耕卷

壯遊只露他鄉好老去還思故國居先隴自憐遲
祭掃祖田誰為事耕鋤簷前古木今巢鶴門外添
潭昔化魚莫嘆回轅無駟馬一執行李幾挑書

次工科給事中龍有本登海印佛閣

佛閣巍哉遠市闌闌干七寶共君攀池分萍綠魚
初躍林破松青鶴正還銀漢文章昭日月金城帶
礪壯河山月多書罷歸東館何日重携到此間

題保定侯兄孟指揮劬節軒卷

威武後龍已奮揚分茅贏得種修篁三冬不改冰
霜操六月還生字由涼製作簡編書汗馬裁為律
呂協官商故家況是多喬木勁節應同國祚長

中書舍人黃養正扈從還京志喜

聖主時巡輦路遙遙塵淨洗雪初消衣冠此日平
胡虜干羽當年格有苗五色遠傳丹鳳詔萬方齊
賀紫宸朝枚臯扈蹕歸來日定沐珠恩在九霄

題蕭節婦傳

空山罵賊屬青年賤血從教汗淚聚白刃無情甘

死去皇天有意竟生還夜窓月色動秋纖曉鏡霜

華老故顏為愛此心堪勵俗欲題清節遍人間

病起謝盛御暨起東何御史廷臣

禁漏沉沉病欲眠孤燈寒影復凄然枕邊時有思
親淚囊底貧無買藥錢國手頻分丹竈與海方重
荷繡衣傳欲銘此德須從骨為恐磨崖石未堅

挽徐御史先容以言事同陞交趾知州同調江西署安福事同繫獄竟死

勁節相期度歲寒憐君何事獨凋殘才華信許題
金榜勛業何曾負勇冠山嶽雲連秋漠漠海天月
落夜漫漫石渠留得封章在千古令人掩淚看

贈別羅學古二首

先朝上疏共南還十六人中兩少年零落不堪嗟
地下綢繆何幸向天邊一資愧我陞偏驛百鍊輸
君操益堅嶺表莫辭今暫屈鯉魚有待早驅還

別去憐君路八千河橋相送思悠悠然閉門池柳高
風古返摧王猷逸興偏烈日炎空雲作蓋秋風戰
道水如天莫嫌一字不堪煮取贈新詩當酒錢

旅懷二首

頻年旅食在京華四海車書正一家秋盡不逢南
國應春回獨發上林花君恩浩蕩應難報官况

浮沉未可嗟卻憶東陵歸去久至今猶說邵平瓜
旅館蕭條只閉門身閒心靜自朝昏有兒且付書
千卷無客難消酒半尊薄命自天應不愧浮雲蓋
世豈常存一生迂繆成何濟不及寒松老故村

張士容中書遷稽勳主事 因病不能往以詩賀

世掌絲綸舊鳳毛新承恩命拜郎曹 天恩還許
揮毫近地位頻看逐步高玉筍晚班通禁籍金蓮
夜直賜官袍深慙橋梓相知久多病無緣醉碧桃
送方侍御還京

綠柳官橋畫舫開滿城人送繡衣回蔡邕文采傳

宋東園集卷之六

三

中初極典聲華著內臺重疊奏章霄漢入動搖山
嶽滄潮來武林大道平如砥春雨初晴絕點埃

病中憶江憲副歸省有感

三十餘年老舅冠慈闈近喜得承歡到家莫惜黃
金帶入饌頻將白玉盤天遠五雲應自念月明千
里共誰看病軀兼憶達親久欲寄多情一字難

遊化城寺

九華山寺碧雲深不受紅塵半點侵一徑盤旋來
絕頂萬松偃蹇落清陰傳心衣鉢超無際名世文
章李翰林客夢易醒釋米定疏鐘片月起長吟

挽故友何忠廷臣就用死節詩韻

邊城罵賊厲聲時勇冠南征百萬師枯骨憐無朋
舊葬新詩賴有 聖明知帳前謀略思諸葛絃上
知音憶子期莫恨精魂歸未得香名千古照華夷
魏侍郎進表回南京奉懷二首

洪鈞大地轉初陽

聖壽齊天慶萬方環極衆星黃道上拱垣少宰紫
微傍四朝清譽三秋月一寸丹心兩鬢霜回首鍾
山瞻王氣都城南北混無疆

旅館萍蹤暫閉門軒車忽過敘寒溫日回南陸長

金東園集卷之六

四

初至雪霽西山遠尚存有限餘年催白髮無端客
夢滯黃昏曉來喜共陪仙仗

萬歲聲中賀

至尊

壽朱尚寶用和五十七歲

南極光華動素秋壽筵賀客半封侯官從青瑣專
符璽班列紅雲近

兔旒千歲蟠桃期再熟三年花甲任重周多情但
願金門漏滴頻添海屋籌

贈王思義卒業南監

京國相逢又別離名家父子忝相知十年燈火將
殘夜千里關河欲凍時驛路買舟須及早橋門鼓
篋莫教遲明年八月秋風裏還向蟾宮折桂枝

題畫為姑蘇祝給事願

數間茅屋小橋東移寫丹青勝槩中吳地越天山
遠近春雲秋雨樹溟濛舟橫渡口無人到村隔溪
南有路通村得觀瀾窓下客浩然清思許誰同

少師吏部尚書贈特進光祿大夫大師謚
惠定審公挽詩

耿耿台光遽寂寥周旋尚憶巖晴霄百年勲業垂

千載一寸丹心著五朝霖雨正懸天下望太和
中棄鼎元調晚生舊亦勞鋪握深夜淒然向斗杓
少保戶部尚書參贊機務東萊黃公挽詩

諱福字平度

九霄清夜隱台光四海蒼生共感傷德重華夷誰
可並名高山斗自難忘鹽梅豈但調商鼎黼黻端
宜補舜裳未識門牆曾被薦計音千里淚成行
一寸丹心八十年五朝元老獨推賢自天恩禮應
難幸隨地哀吟重可憐報國惟存憂國志蓋棺曾
乏買棺錢只愁太史書難盡枚淚還題與後傳

挽故友許中書鳴鶴吉水人

生前染翰侍鑾坡曾拂爐香入硯磨五考中書恩
獨眷兩朝承制寵偏多烟花紫禁尋璧別雲樹青
山採藥過交久那堪聞永訣幾迴梁月淚滂沱

承惠冰絃助賒塵思尚稽造謝且辱見過
敬成五十六字以荅雅愛云謝沐是章

爨下枯桐不記年囊中焦尾至今傳未容白髮歸
三徑且向清宵理七絃霜月影寒鸛鶴唳冰泉聲
咽老龍眠何當共掃松陰石坐聽餘音幽澗邊

謝巡按劉繡衣惠曆

舜朝攬轡午門西列郡清風逐馬蹄病念山中將
曆日政詢野外向耄倪松巢驚夢雲邊鶴郭屋聞
聲月下雞可愧林泉無才補竹林高卧詠鳬鷺

天順八年詔四品以上致仕官進階一級

五色祥雲頌詔來九重德澤沛無涯愚臣舊職
叨三品

聖主新恩進一階榮寵殊常過分得衰殘由命逐
時挨祗憐白髮消埃盡空有丹心塞滿懷

薰子赴京鄉試

一番離別一番情每寫離懷百感生慷慨好從今

日去叮嚀莫比舊時行桂香攀月舒先手挑浪驚
雷聽早聲孝子辭家當報國願揚須是立功名

贈郭熱衛遷秩還京題總兵國公卷

清談憶昔共長安握手南天話別難
蟻穴潛蹤勞按節龍樓赴召喜彈冠
重關候驛難前發烟水雲山馬上看
奏凱後客如問俗邊疆深荷聖恩寬

聖恩寬

七言排律

靜誠先生挽詩 陳中行洪武初應聘佐

佑有功大用不拜子恭為通政

百歲高風萬古清先生雖死一如生
龍飛淮甸知真主鳳起朝陽瑞太平
氣運已開乾象著壺漿尤慶室家迎
首陳禮樂開王道不憂華夷協

聖情好爵累辭恩愈重布衣堅操老還榮
每因雨露施陰德肯向烟波釣隱名
熊咆不占師尚出羊裘徒著子陵輕
妨賢語切回天意辭老心誠戒坎

盈弟姪悔尤蒙錫養王侯輕重敢爭衡
當年宿衛頻勞讓此日賢郎大晚成
紫誥驚迴領寵眷朱衣象笏贈朝卿
寒松千尺慈前翠秋月一輪泉下明

未學東憐生太晚緬懷不及見昔英勒銘自有如

未學東憐生太晚緬懷不及見昔英勒銘自有如

標筆哀挽何須更楚聲

五言絕句

題畫四絕

曲江春樹裏茆屋是誰家
載酒斜陽外時時見落花
溪山清絕處獨坐小茆亭
一曲南薰裏漁翁罷釣

聽

錦樹西風裏茆簷古渡頭
黃昏行客少穩繫木蘭舟
苦吟驢背上風雪漫相催
待過橋西看梅花開未

開

題書院中小景四絕

綠樹滄江曲白雲青嶂間
忘機垂野釣避俗掩柴關
亭畔巖泉落源源無盡期
幽人看不足獨立已多

時四座俯清流七絃彈古調
放權是知音俗客應難到
明月斜天畔蒼松過石屏
鶴棲應不久長溪展修

翎

題棠上白頭鳥贈胡文斌

春光容易老百歲有離憂何似枝頭鳥雙雙共白頭

過聚龍橋

流水遶雲松尋源到聚龍清風留半榻明月照千峯

恭川道中次韻

山險崎嶇路有輿信僕行有雲還不雨草木亦含情

谷口間遇合肥吳御史子有懷龍有本夜

深行急不及書口占一絕云

君相別後無日不相思明月共千里燈前聊寄詩

題梅

雪裏浮香信春前早著花西湖明月下疎影浸橫斜

遊中華山題石

盤迴登絕頂一徑繞松陰記取同行者重來誰共吟

過玄壇祠

華峰浮紫蓋仙洞隱玄壇且喜尋詩易不辭行路難

東山之岑有楊仙飛昇故迹因夏旱禱雨有感余與許中書鳴鶴解評事慎期郭太守日章陳司訓陽及文陽士君子登覽其上傍有小石巖若天成者余因題名于內復書一絕云

仙蹤白雲裏磨石與天齊神護靈巖久留吾在上題

過番湖懷舊

番湖春水滿烟浪覆吾舟一滴天河洗能消萬古愁

題枯木竹石為碩東起

古木千尺高幽篁四時色誰識歲寒心雲根一拳石

訪南浦不遇

白雲起天外去住本無心浮生滯蹤跡往來何處尋

題翎毛贈馮大尹愛舊同僚

木落山中寒一林似未安羣飛思舊侶仰視向雲

端

題竹贈陳監官歸銅陵

山中饒雨露翠竹晚亭亭寫贈歸休老相看眼共

青
題竹贈施經歷後絕有為

鬱鬱九華青澄澄秋浦綠千里歲寒心水霜一竿

玉
高葉凌霜雪俄聞玉折聲卑枝承雨露却引鳳來

鳴
題沐府畫冊

落木風霜古脩篁雨露深托根同得所莫負歲寒

心
堪憐合抱材屈曲成何用爭似挺然生明廷作梁

棟
繁蔭漱寒水孤根交鐵石有實可調羹試看明當

結
題畫

自是翬霄翼飛騰尚有將九華千丈樹暫借半竿

枝
題觀泉

共識看泉人誰識看泉意終日只看泉平生豈無

事
題畫送達士亨南還

關樹春初暖關河凍未消行舟天上去離思客邊

饒
題畫銀竹扇

一枝青琅玕影落湘江水有時清風生翩翩撥鳳

尾
題春山積雨圖

山中連日雨樹杪幾重泉喜慰蒼生望應堪卜有

年

五言六句

自題枯木竹石

披圖厭紛華愛此歲寒意老樹獨槎牙脩篁伴焦

悴殊材可棟梁大匠亦睨視
明堂有時需遠道勿輕置雲根春意回暢達陽和

氣翠色擬參天清陰當滿地
六言絕句

題枯木竹石為深溝主

確志永無流轉枯心不計榮華獨喜琅玕伴月

同桃李為家

題畫為隆恩師

削壁千尋倚空飛泉百丈流東曰知曰仁二老終朝相對無窮

我來山寺尋僧誰釣磯邊柳陰莫把綸竿掣動靜看月在波心

兩人對奕山間一着何曾放開翻覆眼前局面幾多心上機關

策杖老翁回首掩琴童子徐來昨夜孤山雪後寒梅幾樹花開

題銀畫梅扇

玉蕊含風不動冰肌卧雪逾清莫把此生虛負終期鼎鼐調羹

七言絕句

愛月詩呈魏先生有序

宣德甲寅中秋夜還吉水公庭對月口

占一絕不意傳聞於人後四年過南京

今天官亞卿魏公為太常少卿乃於徐

亞卿席間誦之誦既且曰古者孝子愛

日今子愛月因名愛月詩且俾書之遙

竊自愧而未敢今年夏復過南京公復

幸似亞卿金公蓋已十三年而猶未忘

鄙句亦何幸哉噫月也年年而茲頻永

隔誠萬金莫贖也敬用錄呈懷泣無已

幸垂教焉

四十六年今夜月千三百里放園心高堂有母頭

如雲一刻清光抵萬金

題怡愛堂

同氣當年不忍分西風吹鴈又離群九衢音樂無虛日莫道墳荒月下聞

題楊侍郎釣隱

渭水西風一釣竿蕭蕭蘆葦不勝寒自從夢入非熊後留與人間作畫翰

九華山馬上口占

馬上行輪九子峯半天排列翠夫容何時得解金腰帶許倚雲邊第一松

黃郎中養正寫枯木竹石故友蕭德容之

子超來見余因題一絕以與之且以期勉

云時正統戊午四月廿日也

戲晚水霜老樹枯雲根喜見碧珊瑚憑誰裁作

虞廷管會見朝陽別鳳雛

芹宮餞別聞歌甘棠詩有感偶成一絕志
不在工拙特以謝其悽悽云時正統戊午

四月也

迂疎十載玷文陽新政無聞舊學荒芹頻絃歌聽
未厭况堪擊鼓詠甘棠

任滿次許中書韻

驅馳我馬已玄黃矣拂塵衣歸

帝鄉舊日鳳凰池上侶和鳴又待共朝陽

題竹

涼雨初收月落時湘江曲岸影參差不因歲晚冰
霜見誰識娟娟操獨寄

題秋山獵騎為章弘慶

木落陰山放獵回馬駐難起塵埃當年圖畫于
今翰道是羌胡入貢來

題梅竹翎毛為張中書士容

竹青梅白雪初晴一鳥飛來衆鳥驚為報上林春
色正好隨丹鳳去和鳴

和苗學士栽竹韻三絕

退食從容露未乾餘錢不惜買琅玕石床風細鉤

簾坐絕勝移舟湘水寒

節上題詩粉露乾共推闌闌舊琅玕玉盤日洗榮
天賜寧似成都草閣寒

病目昏昏淚不乾無緣分席對琅玕承

恩歸用萬竿下莫笑迂疎白屋寒

題古木雙鴉贈方克臧南歸太學

誰寫鴉鳥似有情一鳥回首一鳥鳴天邊客夢三
千里月下離情四五聲

題畫翎毛贈劉善公南監

一枝栖息已多時振翼凌雲自有期此夫上林春

正暖鳴陽早逐鳳來儀

寄參贊徐亞卿詩字良玉四絕

結髮承恩已四朝秋風蒲柳奈先凋回翰絕燦

松樹霜雪青青上九霄

霄漢飛騰多故人獨蒙青眼更憐貧三年兩度分
餘祿水遠山長情最真

真心賴有故人知衰病無能似舊時乞得閑身歸
故里也栽黃菊滿東籬

籬邊翰菊對南山雲從龍憶聖顏喜有故人在
天上豈無霖雨到山間

和方教諭昌言韻

先生正好詠臺萊却厭儒官愴客懷
處事何如周茂對蕭條贏得比頻回

輪材莫斷棟為椽與義須煩注意幾
有待春雷時雨後雲帆爭看順派船

老厭兒孫構數椽頻陪筆硯廢華箋
翻思舊典今何在笑比山陰雪夜船

題恩親堂

身居江北憶江南慈母年來雪滿簷
明月萱階頻入夢不知淚濕幾青衫

本集卷六

十七

少師縉國公為吉士朱昭仲題竹因次其韻

亭亭高節拂春雲百卉叢中自不群
雷雨湘江聞已化豈知霄漢更逢君

辭朝

瞳矐曙色照青宮輝別儒臣拜舞同
咫尺玉階聞慰語曉雲初射紫衣紅

別翰林楊學士及諸公多以詩贈

濟濟衣冠出玉堂贈行珠玉富天章
投劄不說離情苦只說輸忠答

聖皇

贈別華春

生長滇南今始歸鄉情未盡客程催
山中乍見不相識還問客從何處來

永常士榮煥璧同子薰講學有年茲
喜同赴秋闈書一絕以壯其行必有以慰我也

四子同心講學優翩翩鵬鵠志橫秋
雲霄不礙群飛翼爭輪聯名列榜頭

參贊鄭憲副惠山溪放權圖因成二絕敢

煩留題幸幸

何人放權繼山溪水自東流日自西
老我開情翰

東岡集卷六

十八

不厭感君相贈復留題

年少耽書今白頭山溪未許放孤舟
君恩浩蕩應難報何日投簪破遠愁

送知事戴經九載赴京

柏臺自是風霜地宦况離情屬暮秋
惆悵雲津橋下水古今人恨不東流

題方二尹畫馬

曾陪仙仗立丹墀十二天開羨獨奇
振鬣一鳴雙闕下碧蹄千里任交馳

東岡集卷之六

東岡集卷之七

墓誌

書菴劉先生墓誌銘

正統四年己未二月二十五日書菴先生卒明年十一月十日葬既葬之二年其子諭具狀請余銘余與先生別文江時先生愴然曰此別後無復相見他日墓上石留一言足慰於地下余解之曰備短無定安知孰後孰先嗚呼孰謂別未暮而語遂永耶先生諱續字庸性姓劉氏博覽經史而以書取科名謝後進又以名菴故皆以書菴先生稱之

東岡集卷之七

按狀其先出漢長沙定王發之後徙安成及泰和株林而後家于吉水文昌鄉之夏朗世有科第宋咸淳乙丑進士天聲其高祖也官大庾縣尉轉文林郎教授桂陽軍曾祖益厚祖維德皆以文行見稱鄉邑父永敬博學篤行尤敏於文嘗一試有司不偶遂絕意仕進其所著述今猶傳誦於人母唐氏賢而善教先生甫十歲失怙即承母志克自立於書靡不精究文思沛然匪由師授而自有所得永樂辛卯捷藝秋闈然其志不在利祿而以講學為己任遂不赴春闈遠近請益之士盈門墻延聘

無虛歲從子鼎貫登進士弟子諭從子儼鄉舉聯名諭後中丙科儼狀元及第皆先生膏馥所致其門人後先接踵間嘗預修郡誌郡邑稱善永寧邑欲起為邑庠師力辭母老不就監察御史王公聞其名召試之又欲薦於朝亦以疾辭不赴每恨父不逮養養母極誠敬食必肥甘衣必輕暖事必欲母歡念無兄弟惟一妹擇壻治裝嫁之母忽病篤露香泣禱願減己算以延母齡母旋廖以壽終居喪哀毀深切明幾喪而淚不止形已羸而酒肉不御見者聞者為之感動家祿疫癘先生及

東岡集卷之七

三

妻子無恙或勸之曰宜避先生曰鄉田同井猶且疾病相扶持况一家親乎死生有命又焉避周視湯樂以全始終母黨子罹極禍遺二孤危莫可保乃不計而收養之竟得存其宗祀其敦大節安義命類此平居言動不苟教子弟輒以古今善惡為勸戒宗族有愆於禮度者必折伏之使歸于正遠近有曲直未分是非未白者多就決咸服其公平造次亦未嘗不謹飭盛暑必衣冠坐終日有背疎直語人不離乎聖賢之道其涵養踐履之可見者尤多類此一日召體實體仁二子喻曰吾昨夕無

寐思在世日短無心世事矣又數日語孫配曰將書來為而講說明日思祖父教汝不可得矣未旬氣疾遽作翼日乃終于正寢生洪武前丁未九月十九日壽七十三配曾氏上車名族為婦有婦德為母有母儀治內有內則後先生一年某月日卒合葬廬陵淳化鄉之焦原午丁向子男四長即諭山東樂安淞江蕭山二縣學教諭蘇州府學教授次體實次體仁其官次體受未娶卒女謹娘未笄卒孫男範配弼絕危女五皆適士族曾孫男 女 所著有書菴集書經四書義若干卷後學傳誦

余初蒞吉水聞先生學以窮理為先行已為要教乎於家庭賢推于鄉邑足跡不至公門及見都史熊公元節道其為人如所聞中書舍人許君鳴鶴又稱道其善教成就後進甚多乃具書以禮致之賓于西席俾蔓薰諸子偕諸縉紳子弟受業下先生矩範果嚴昕夕果不以老而倦言果盡誠無詭隨薰之陶之漸進而有成也可異余乃以秋滿與別言識於心不忘噫先生之鄉人門人執筆館閣以公天下者纓璫珮接豈銘墓無人而有托於余其或以武城之似有以知滅明者耶奚忍辭

銘曰 粵源自沛派派長沙安成泰和夏明乎家世歷幾遷族益昌茂培根達支光前振後天聲文軌妙契書菴器成不琢質云匪凡富不干祿理以自澍貴不慕爵道可為樂出于講下立於 朝端致 君堯舜澤民以安子孫象賢象義是則厥永焦原君子必式

鄭左叅政墓誌銘

貴州布政司左叅政鄭公方致仕還鄉之年即自卜北為身後計適余過家以銘石見誌曰子知我他日不可辭余時未中年氣病已侵公老愈精力

世固有羸老者存而強壯者沒銘其可必耶越五年公乃卒嗚呼余竟得銘其墓公其先知有定耶公諱拱南字景耀唐司徒傳之十七世孫黃巢亂江南恃力僭妄者甚眾傳獨以雄武奇略仗義禦寇保饒信欽三郡免荼毒名無僭踰當朝嘉其忠烈授金紫光祿大夫檢校司徒鎮國上將軍右騎衛上柱國鄭之家于浮梁新居者自司徒始新居有家廟子孫世祀而不遷建德之鄭始自舜臣遷槎溪公四世孫也舜臣有子四訓篤義方諱文萃者公曾祖也祖諱壽孫父諱行中皆有隱德徙邑

東來蘇坊尋遷于兩情豐坊行中真率遊散喜莊
老清談配沈氏尤勤儉公之兄景星弟景陽景昊
皆溫厚直諒而公尤卓絕自幼以不及人善為恥
既冠入邑庠益勵夙志時文教之興已三十年鄉
人未有登科者先師嚴陵項先生至則擇材志近
上者九人進教之公其首也公謂同志文章天下
之公器果合程式毋違有司之不明吾鄉先輩在
宋元時取魁名猶拾芥今遭逢盛世遇明師吾
儕苟尚碌碌寧不自愧於是爭相剗剗脫略近習
師友之間風味迥別公文學易于鄉司訓致仕丹

厓洪先生日袖書冊往來請益無憚聞見所得獨
多永樂癸未領鄉薦明年登進士第其九人者後
先亦皆進由科目識者謂公真益友也拜江西道
監察御史侃侃盡職居母喪無違服闋陟山西道
未幾遷貴藩誥授中大夫卒考當世以年七十辭
例得歸也生丙午十二月二十六日距卒之已未
年四月初三日享年七十有四娶朱氏先公二十
五年卒繼吳氏亦卒朱氏有賢名公家貧時養母
極孝朱氏尤善事之故其出仕不挈役已而留以
代養所得之俸自用甚薄悉歸以供母善兄弟白

首無間言治中擅倡和蚤有異志擇壻之家乃厭
其貧公許以其子妻之不逾年果中甲科成禮甚
榮彼方愧悔服公為知人子男五長士華材偉行
峻年不惑而卒次士源士峻士嶠士嶸女四長本
潔封宜人治中配也琇貞瑩貞琇貞在室士華士
源宜人朱氏所出餘庶吳氏無出焉孫男珪玘璣
璣女四曾孫男女各一墓在玉峯山之西南擇某
年月日葬壻治中狀其實遷在九人中為最少辱
公為最厚知公為最深見託之言疑猶在耳聞訃
之日淚墮于心敢以文不腆為辭嗚呼聖賢以知

止為明德全歸為終孝公讀書為名進士拜官為
名御史遷秩三品而復得致政優游為桑梓之光
久而終于正寢其明德終孝者歟銘曰
赤赤司徒有功唐室饒信歟民抗亂無逆我義冠
裳昌始淳梁歷十三世舜臣義方槎溪之遷自舜
臣始四葉逮公奮焉復起興賢有科士學璧趾公
一貫鏃士爭剗衣繡衣緋邦人稱希乃瞻白首
與蒲錦歸有田有桑孫曾行行騰馨炳耀娘美疏
楊生子有命歸子有定佳兆先成終始一正勒珉
之堅載德之賢繼者勿替過者不焉

故教諭陸先生墓誌銘

吉水縣學教諭陸先生以疾卒于官其子通扶柩將歸葬于鄉門生宋子冠具狀請銘余與先生皆畿內人同官一邑政教相資子又其壻也宜銘先生諱義字房方廬州陸安人曾祖某祖孟寅父勉母谷氏世篤忠厚以農商為業先生偉狀貌沈沈寡言幼不好戲稍長隨父商游江湖間見前脩長者輒相從問學刻意昕夕不少懈父喜即捐金帛留寓假館就業以遂厥志比歸用薦為州學弟子負益勵志于學永樂戊子秋以易經領鄉薦明年上春官占乙籍授真定府靈壽縣學訓導或曰是邑科貢乏人先生謂賢才不由教養而由土地種植乎至則選俊敏拔出等夷嚴立程規以開示微奧於是士風翕然纍纍而升歲丙申以父喪去門下之士慨慕不已服闋補調撫之崇仁終九載考覈陞湖廣岳州府澧州慈利縣學教諭慈利諸生聞靈壽之風自相勸勉明年又以母喪去門下之士慨慕之亦如靈壽終喪調吉水吉水以文獻名天下庠序士子各相師師出入自由先生擊鼓升堂諸生左右誨之曰聖門設教先德行而

後文學文學有餘未必為賢德行有餘終為君子某昔忝靈壽士質而少文惟文是習今二三子彬彬文學可友可師宜加勉於德固不敢以淺陋過從明師尚視 朝家科條遵約束毋怠諸生受教唯唯適大比前期令可貢士公試之得其尤者十數人既而登解元者乃所試第一魁經二人皆如所試有不得志而鬱鬱然者諭之曰江右十三郡有學就試者千百人而解額五十諸君子皆欲中得乎中者固當賀尚宜勉也不中者宜加勉尚可賀也言聞益皆警惕未幾先生卒乃宣德癸丑七月十日距生之洪武丁巳四月二十六日享年五十七娶盧氏先九載卒再娶江氏子三人長通次達次遜女二長未行次適柯廷蔓孫男三曰廣曰文江曰吉水先生居家孝友事繼母務致懽悅撫庶弟順其親心所凡今與多寡略不計慎交虞取與不汙嫁娶必嚴壻婦在禮不在物君子德之疾既作聞于家通遜即日命舟來省至則遊越月矣諸生執喪哀慟嗚呼以聖賢之學淵其身行于家庭見稱鄉人不可無聞于後況四學之士由教而出者得行其道如川岳氣升為雲為雨則是之需

澤其施博矣烏可泯焉銘曰

務善力農先業已豐奮志力學有光厥宗尚質以文尚文以德彬彬教風激揚南北授教之溥行道者多舉比易漬格言難磨

故處士李原達墓誌銘

吉水城西處士李原達以疾卒于家將葬其友中書舍人許鳴鶴為狀其實脩原達之子宗固詣余乞銘余固不能文未嘗輕銘人墓初來吉水時原達與城南黃對昭城北夏子澄冠服儒素在縉紳大夫間來見儀觀甚偉心竊異之自是常相接每

金華集卷之七

九

鄉飲咸在賓席與之語皆有理道問公家事則對以不知蓋灼有所見而然也退省其私知原達為人如吾鳴鶴所稱特以煩劇未暇明年對昭子澄相繼沒余皆哭之今將去任而原達墓石尤虛以待乃按狀撫其實李蓋唐西平忠武王晟之後也曾祖仁淵祖思齊父天祥母周氏原達為仲子自幼屹立如老成出語多驚動人者從學于進士延安教授張安禮日記經史弗忘博通大義既冠即能理家大小事皆身任公私不以煩其親奉養竭其誠敬佳時令節必治具問親所欲邀賓戚以盡

歡乃喜親喪哀毀幾絕終身思念輒汪汪淚下季父天佑無子養生送死一如所生遺女幼撫長擇壻納之教俾成立而後歸始終扶植與兄原通友愛極至每勞已以逸兄暇則共坐一堂講論書史求古人可為法者以相規益不嗜酒惟相吟和為樂兄多稱讓撫庶幼弟原德甚厚既蚤世五男女皆未成立婚娶之略無偏薄鄉先輩為名其堂曰友愛前中書詹孟舉題扁學士劉三吾記至今尚存鄉人遠謫棄女于道不能顧而去原達憐之命家人乳育為女及笄治裝嫁之其敦厚類此而家

金華集卷之七

十

庭之間嚴禮法子婦婢僕肅然如官府中初達長子宗弼姪宗白同為邑庠弟子負凡衣服飲食費給咸一無二宗弼未顯死命次子宗昉繼之宗白登永樂甲申進士第翰林庶吉士而歿宗昉貢太學官吏部主事使南交遇寇仗節死原達哭曰汝死何憾存可傷聞者悽愴其胸次豁達識大體居鄉以禮自防賓友相接和氣藹然賢於已者虛心下之貧有干索無少怯苟合於義雖百金一揮亦不介意故士大夫與浮游之客踵其門慶各當其節之陽先輩如黃伯器劉子素張伯鎮熊敬

方學士解春雨胡文穆皆相交游傳之四方四方至者必欲識之然性剛介言不阿曲遇不善毅然辨拆是非無不當人心故雖不見直心亦無怨惡聞其疾無不問者聞其死無不弔者聞其葬無不送而哭者動以千數計卒之時呼其子孫畢至乃曰吾學不逮人德不備已俯仰有愧今得全歸幸矣若等宜忠厚毋昧此心慎保勿替也更不及他事言訖而卒宣德乙卯某月二日也生元至正庚子八月二十二日享年七十有六娶熊氏立氏皆名門有游行熊氏先卒子男七宗弼宗昉其二也

宗用宗固宗翰宗紀宗諤女四熊振威劉庸德錢懿恭徐保禧其壻也孫男十五期升期冠期魁期超期正期著期珪期璋期範期昺期烈期勳期忠期祐期成孫女七曾孫男二女六得卜於正統元年丙辰正月七日合葬熊氏墓在柝桂鄉二十三都曾家山下已丙向夫以原達生世間所得不少矣臨終自視猶歉然益見攸好德之心鳴鶴謂其子宗昉居官稱三載既滿恩例當推封而宗昉以選拔沒於王事原達竟不得沾恩是可慨也已銘曰文陽有李恭恭厥先而平忠武歷數百年

乃至原達弗耀其賢有子既顯死節于邊死節于邊泯焉弗傳生其孰榮死其孰遷死生富貴莫知其然嗚呼有命豈不在天貞珉是刻過者式焉

故孟孺人余氏墓誌銘

余氏武略將軍千戶九成女上騎都尉下邳侯伯敬孫致仕知縣孟公德常妻元同僉福建行樞密院事子中冓婦也母洪氏以夫封宜人以子封太宜人祖妣孫氏封下邳郡太夫人孺人字悅英生元至正壬寅二月十七日壽七十三以宣德癸丑三月九日終將擇甲寅某月日葬某原令尹來文

坊請遷為銘其墓遷自為兒童辱公知遇逮今四十年其子山文嘗從遷游學聞孺人之賢之實已久且信不敢辭按狀余為都昌盛族元季擾攘伯敬散財聚衆保障鄉里始為衆所依歸終為部屬所害子九齡九成劉勇克肖而仁恕過之故襲父事而大得士卒之心敵無不破偽漢陳友諒聞之嘉九齡左丞九成元帥知不足與圖大事不拜天朝削平僭竊九齡兄弟相謂曰天命在是乃率部屬奉版籍以歸從征四方有功改順鄉人出亞聖公後子中益負奇氣初上

權貴言時事無所遇尋走建康以武白著練軍巢陽翼歷鎮饒信池邵武甚有聲元社既屋

天兵入閩筵者曰利於自退以全城不利於抗守以滅衆仰天嘆曰全一己虛名而致萬姓於死非願也乃偕守臣十二人詣軍門納款主將皆釋之欲柄用十人者拜子中二人獨不拜退老於番禺東湖因家焉二姓世德蓋如此孺人既歸孟氏女紅優閑祀饋必潔言輒引古今合理道夫婦敬禮如賓公為令所至以廉謹聞吾建德且寥落孺人從居十三年服食澹泊怡然略不見難色公退食

必從容問今日公事如何聞一善政則喜聞一病民事則愀然不樂百姓聞而頌其賢初生子不育構而得山不以愛弛教既就外傳日課視動念山或會師友講于家庭孺人坐房中聽不移席躬視酒饌以待師友退復詣山所知公調涑水孺人有疾不能往携子女歸理耕桑供祀掃為道後計未幾舊令尹代公還朝無缺賜歸待次又七年得請致仕明年孺人卒子男山字可樵娶龍嶺俞茂萱女女上貞適襄府伴讀之子括蒼周惠孫男某女瑞英皆幼嗚呼孺人生武閭而承無幾以古

賢烈自持相夫教子訓女式婦咸有足稱而又有祿有壽以終無憾矣平生德言懿行殆不止此人或以古孟母目之然古之孟母以無夫得以子賢見稱孺人雖有其賢而以夫不聞也亦宜銘曰鄒古亞聖率由母賢語謹一妄教逮三遷維孺人賢煥美前古為婦克婦為母克母亞聖之母匪宜孰知孺人相孟無聞亦宜褒獎飾漢其生也貴芝山我我令尹封配

墓表

柯用章墓表

君諱原民字用章一字允常其先洛陽人宦游于池因家建德之堯封有字封和者為鄱陽令大有政聲子孫散處崇溪峽口斗坑者皆封和後皆不失為士族君之曾祖某祖某隱德崇溪考彥實受室于九華大姓汪氏汪氏之嗣承其業遂占籍青陽君生三歲而孤能自早立人或以孱弱見欺輒以理伸家隸戎籍君往投後錦衣錦衣為侍從要地才智之士彬彬布列君識尤超拔其間且精算數或事有盤錯數有看亂一詢于君可否無不當錙銖無不明故能獲乎上下皆以先生稱之

入愛惡不苟聞一善言善行雖不識其人亦傾慕而稱道不已有不善則雖親舊亦不假於詞色以故人多敬憚君子樂交若同邑徐少卿謙畢治中端同郡吳御史賜余通政可才檀府丞凱何清紀從道莫不推重之國子祭酒安成李公為翰林侍讀時以言有忤 廷擊頗危衆莫敢近君素無交重其忠鯁為負之出人多駭嘆都御史吳興凌公太常少卿永嘉黃公未顯時嘗獲濟於君君無難色無德色二公益敬之遲以同宗相親為同胞有疏給事時君察知恐觸權忤時惑以危言不能動乃矢死生相碩既而蒙赦淹三年調饋如一日銅陵胡方伯本惠初登鄉舉鄉人未以為意君獨稱為大器淮南高學士為中書時與余同事君一見稱為棟梁材今皆果如所稱許平生之重義輕財明於知人多類此由是名公鉅卿鮮有不知其名者故所得雲松舊隱全慶堂詩文尤多既得代乃歸舊隱徜徉雲松巡撫尚書周公亦相過話舊景泰庚午九月十四日以疾卒于家距生之洪武壬戌四月十三日壽六十九初娶吳氏李氏無子再娶宋氏生洪陸氏生澄繼孫武孫男曾沐沈冰

將葬不得其所忽于越胡孟容為指北卜期皆憾是歲十二月二日葬靈子坦寅山辛向明年余致啟歸來拜且泣曰先考幽宅未誌不肖孤罪死莫贖還既往拜于墓哭奠之而君之平生有不可泯者立心操行大過於人使泯一命之寄則致君澤民必有足稱宜乎此而止於此者得葬有命存焉表著其槩刻石于墓後使後世亦永蒙

宏岡阡表

先考知州府君遷葬之三年乃天順戊寅正月廿二日辛酉先妣太宜人合葬墓府君棄時諸孤皆

幼嫻戚謀葬于邑治檀家山非其所也處而太宜

人葬橫山之墓亦崩於是卜而遷之府君諱某字

彥斌姓柯氏生至正戊子四月廿四日卯時任臨

安縣知縣洪武丙子七月廿二日終于京師享

年四十九太宜人姓陳氏生至正丁酉四月四日

已時正統己未冬以子還官推

恩贈考奉直大夫輔正麻尹江西吉安府吉水縣

署縣事知州封母太宜人

命下不幸太宜人於十一月二十四日以疾終壽

八十三通初免喪至京乞銘於少師楊文舉公

公已許未旬得疾竟不起昔朱夫子銘其考妣歐陽文忠公表瀧岡子雖指愚不同而欲親之不泯惟一柯先世洛陽宦游於池而家建德之堯封世守儒業不苟仕進番陽令對和之後若東谷之選於經為親無代養者竟不任子應烈苦學有功於禦寇不就辟孝母有異徵孫露龍鄉閭漕貢連中詩魁若此者代有其人族衍為三曰茂先曰光祖曰文希茂先之後添三公生忠乙忠乙生儒伍娶胡氏三子長賢次智次府君時值元季擾攘鄉人角力儒家子弟率被戕滅府君派轉江右湖湘八

九年

天朝平定始克還鄉年纔弱冠舊佃減獲十二八九乃奮志師師友友以自立用有司薦授嘉興稅課副使考績優等陞知縣鄉先生司訓洪丹厓稱其豈弟公忠江浙胡粹中詩云臨安人誦古循良朱邑桐鄉差可擬少師文貞公嘗見而和之太宜人父漢章宋給事中倬之後母菊江許氏元帥山之兄子所生惟太宜人鍾愛擇壻子之府君盡半子之責於擅籍除而歸堯封仍祀之太宜人既不逮事舅姑事府君其體在仕途欲為置妾府君力

拒乃益加敬慎日晏未退食不食浣饋必親滌之孀居四十三年初諸孤未立憂勤百端賙人乏則不計事經耳目永不忘錢物出入默識無少遺僑寓邑中時隣家侵居址度無力與校遂遷之闕者為之不平乃曰吾兒若成立當復堯封安用此為乎端壻方傑同遷居邑庠聞項先生嚴毅善教又聞今府丞檀伯和與遷友善喜曰兒親明師益友可望也遂設榻使延伯和於家朝夕相資伯和亦以母親之永樂乙酉鄉試子壻伯和三人皆中升堂聯拜鄉人榮之遷歷官凡四迎養兩陳情歸省每別必訓戒諄諄無難色及陞浙憲請就養不許留婦代養亦不許曰吾今八十餘安可一日去鄉井子孫滿前復何慮汝居法司服食不宜輕用人婦必偕往留蔓侍吾足矣又言彼地繁華吾已親歷慎勿以吾口體奉有所寄還服訓淚沾胸臆亦飲泣強顏使即別去豈意踰年遂永訣嗚呼痛哉子三長昇先卒娶本縣前知縣武昌馬礪孫女次遲未冠領鄉舉入翰林歷給事中知州按察使娶堯城胡氏宋拱簾使鏞之後封宜人今附人次嚴娶畢氏彭澤仕族女二壽椿壻紀宗德縣貢壻

方傑廣平府通判孫男十五芳華蔓英莖薰芳茹
蔚薌茶蕙黃苑萃女一適義民子徐鉉曾孫男二
十桂椿梓梧梅杞榕桎榆樟橙楮楓柳樺榛杏
櫨橫孫女十九玄孫熾女一嗚呼 先考榮榮歷
世故危如一髮引千鈞賴世德而復振今未百年
孫曾行列則是德澤為益厚矣遲不肖勉承遺志
叨標五

朝外臺任久而特以邊寄為重免報政不得援例
祭及祖考竟以老疾歸痛貫心髓遷墓在陳塘西
北宏岡之陽艮山丙向用圖不泯表于貞石

吳天岡極鳴呼痛哉

東岡集卷之七

東岡集卷之八

祭文

祭黃對昭文

維正統元年歲次丙辰十二月壬戌朔初九日庚
午吉水縣官某等謹具牲醴之奠致祭于故處士
黃對昭之靈白嗚呼哀哉對昭何可死耶無以贍
寡妻無以遺幼子豈懸於天者有定而所謂命者
止于此耶謂其已死吾不忍言求其復生不可得
已方今賢才莫如文水對昭之賢聞于衆耳人非
善不交物非義不取文章必主乎經術談論必根
乎至理是其是而非其非未嘗要譽而懼毀雖顛
沛而流離亦中立而不倚詩酒宜可樂無足以解
憂富貴非所欲無足以致喜惟孝友于兄弟得盡
其情之為美也夫嗚呼哀哉對昭不可得而起矣
孰能講學會友如吾對昭之精察明辨必求其旨
耶孰能泰而不驕和而不流如吾對昭之表裏澄
澈無少查滓耶孰能執德弘信道篤如吾對昭之
慎終惟始耶又孰能如吾對昭之於人於己敬而
無失恭而有禮耶嗚呼哀哉三年之疾艱於動履
不委於豎不禱於祀福因哀悼亦未擬方諸居

之苟完命亟下而亟徙蓋易簣之先知實參乎之
可比計音忽聞傷入骨髓憑棺一哭淚不可止惟
有望於將來繼對昭之後常有如伯器者為之兄
季岳者為之弟天衢者為之父彥祭者為之子則
定於天者為至公命於對昭者為不死耶嗚呼哀
我尚饗

祭周孟簡先生文

維宣德六年歲次辛未五月甲子朔十有六日己
卯具官某等以牲醴之奠致祭于 襄府左長史
周公之靈曰嗚呼文易之周衣冠文物公之生也

其清如水其溫如玉方及第而同兄齊大名於場
屋宸翰寵嘉二蘇並躋盛族之有公如斯公實
有光於盛族公之學也知見則真考據則詳發為
言詞大河長江鳴珮金門載筆玉堂文章之顯於
公如此公亦何負於文章公之榮也歷仕三朝簡
在 聖知擢丞詹事選輔藩維匪江都相之可比
豈長沙傳之敢窺明時之用公如此公果無負於
明時孰謂哲人命止於斯施未溥博年未期願譬
秋蟾之皎皎圓未既而復虧計音一至聞者涕垂
既全歸而得正達天命者復莫疑嗚呼公之歿也

不可見矣使千百載之下知有公者誦公之文味
公之詩在族有譜在國有碑其有資於公者繩繩
繼繼况不能已於所思嗚呼哀哉尚享

祭熊太夫人郭氏文

惟太夫人含章體坤母儀婦道表著閨門文易鉅
儒孔子之徒師表後進太夫大夫 明廷巨卿伊
皋為侶綱紀百僚太夫人子嚮誥褒封魚軒錫社
太夫人生其榮孰比石麟卧塚石龜載碑太夫人
歿其榮孰如史書于國銘傳于鄉惟太夫人萬古
流芳

祭周侍郎父秉昂長史文

嗚呼士登廟廊乃謂顯揚士終泉石乃名隱逸惟
公之生孰可以名謂顯則逸謂隱則榮左圖右書
仁山知水白雲紫芝夏黃角里渥水有駒丹山有
雛推恩錫封長沙江都窮達一機俯仰今古如公
幾人曾不可數死生一理貫徹始終如公雖沒與
生無窮嗚呼人所同者公之生不可得者公之榮
人不免者公之死不可得者公之子初公之教子
將勉其學為顏孟仕為伊周既而登甲科游翰林
入秋官相 王國果能有為有守有猷有謀 賢

王靈之而信其任

天子嘉之而振其尤擢司空之亞卿百工仰賴綏東南之列郡萬姓蒙休封爵之增將及於公甚述胡適歸而不少留幽明既隔微著不俾陳詞設奠聲咽涕流嗚呼哀哉尚享

祭總督軍務兵部使尚書文

嗚呼公生五十有三年是垂休光於沒世以弘發之資劉正之氣才養成全德備兼備靜一存乎天真動恒念夫博濟故能奮武而擅文擴仁而充義方力學以致身取魁名於科第乃乘時以登庸冠

祭文

鑒錯而愈利小試則恢恢乎有餘大用則轟轟而莫既譬如準繩規矩方圓平直用無不宜要不可名為一器公之在滇南也惠足以澤民威足以飭士善必信而乃揚惡未形而亦慰如春風秋月之時而有震雷凝霜之厲公之去貴藩也極溺享此鼓勇倡銳師指日而奏勲賊望風而奔潰未降者老稚安居抗令者肝腦塗地如摧枯拉朽之餘而有萌集回生之意今公之歿也朝廷銘于鼎彝遐荒失所仰庇一聞計而共傷舉嗚咽而涕淚集等辱知既均職守並繫欲爾爾而莫能聊緘詞而

望祭嗚呼公之美靈宜無間於死生魂升魄降或為明神或為列星尚當助天戈以殄賊俾萬方子咸寧嗚呼哀哉尚享

祭黔國公文

嗚呼光徽之氣萃於忠良出屏藩翰入柱明堂如鎮泰華如洋滄海咸仰其高孰測其大惟公先烈不泯茲茲龍鋪鳳育開國元勳有如滄海發乎昆崙繼繼承承嗣鎮南服五總兵戎三更昭穆於父祖通傳于公善繼善述衆心景從有如泰華分鎮西東報上以誠接下以禮澤欲被入功不

祭文

私已安內攘外為國重城遐荒愛戴萬里砥平裕後承宗千鈞一髮吉佑自天麟夢晚洽嗚呼將奉身以報主胡為乎不少佇將矢志以安邊胡為乎不少延將垂裕以愛子胡為乎不少俟乃溘然而遽逝竟永訣而弗起果願於人者未始抑關乎天者如此某等忝居臬司辱厚深至臨奠陳詞潛然莫既嗚呼哀哉尚享

說

王氏四子序說

子之生也父命名冠也賓字之三祝三加其禮甚

重醺而拜再祝之降而字又祝之父之於子禮勢
數而不憚煩者莫如冠蓋重其成人之道焉冠禮
廢而父子之情薄成人之道衰重虛名輕實德世
不以為恠若王士安父子其有志於古道者乎士
安四子命名曰政曰徵曰敬曰轍未有字之者來
請於余余於政之嫺家有公葛好辭不可為字其
政曰尚德徵曰尚文敬曰尚禮轍曰尚信復請中
其說焉夫政者正也所以正人之不正家有家政
國有國政孝弟行於家仁愛及於物家國之政以
德為本故尚德已德不正而欲正人未之有也徵

者美也有德者必有言有言者不必有德和順積
於中英華發於外內外之美潤身而文故尚文文
勝滅質而欲為君子未之有也敬則止樂之器轍
則車由之迹樂不以禮節不可行制不以信立不
可合樂節則始而合終而止翕如純如嘒如縵如
風俗之盛可見制一則閉門造車出門合轍自而
自東自南自北聲教之同可知故敬尚禮轍尚信
合而言之似有次第政善而後樂和樂和而後制
一先王繼天立極所以垂萬世者敦崇于此今天
下同軌同文敦復古道王氏先家考減成大理以

至京師播越萬里武不專武藝不專藝而崇尚禮
教豈徇名而不務實者比耶

訥齋說

洪範五事曰言揚火也火動而燥有以養人有以
禍人人之於言也亦然一言之相似其為知不知
之相去也遠一言之相遠而可以與邦可以喪邦
其所係也大古之君子所以欲訥於言而吾友顧
眾起命齋以訥君子也訥雖近仁仁言非難仁行
非難自庸德庸言而使必相顧則不容於不訥矣
言之失猶火之失一星不撲或至燎原其可畏也
火形於天為日為電孰不仰戴言形於天為道為
理孰不聽信使日出於夜電掣於冬世必以為恠
言道而外人言理而舍天世不以為恠者見其為
日而不知其為晝夜見其為電而不知其為冬夏
也孔子鳴道以教人有曰子欲無言類乎訥矣又
在宗廟朝廷不便便則闔閭不闔閭則侃侃孟子
鳴道以教時有曰子豈好辯子不得已類乎不訥
矣又與王驪弔公行子之喪獨不與言弔於勝反
齊勝之路亦不與言然則聖賢之訥非訥也時也
時言則言時訥則訥非道充而理貫能時若是乎

是故言未及而言謂之躁言及之而不言謂之隱
躁過隱亦過也東起之訥求無過惟居敬以窮理
大而綱常小而動靜灼于一心火熾而電燭應言
如日充容光力行必踐則聖賢之時言時訥為可
幾矣東起之訥得於師友為多復請余申其說為
之小補云

姜氏四子字說

憲副姜公名其四子曰亨曰泰曰通曰達請余字
之既以道宜居宜行宜用宜字之復請申其說夫
天有四時地有四維人有四股四德四時宣化而

一氣流行四維其位而品物資生四股運動四德
脩明則萬理脩而百事成然則父有四子亦豈徒
然者哉亨者嘉之會泰者舒而安通則無所塞達
則無所滯世必亨嘉而道泰安泰而物通變通而
事達人之於身家也亦然身家之情齊必本乎道
亨以震長而承家猶善之於元德之於仁也主之
率由於道則宜於身而身脩宜於家而家齊推之
於治平則亦無不宜故字其亨曰道宜入必心廣
體胖粹面盎背而後為泰苟不能居天下之廣居
則有時而亦絀故字其泰曰居宜人必忠信篤敬

素性而不類乎外則所行無不通苟行藏不能安
用舍則雖通亦有時而塞故字其通曰行宜人必
內主忠信而所行合宜審於接物而卑以自牧而
後能達苟不日造乎高明而或一寃乎汙下則雖
達而亦下矣故字其達曰用宜蓋道無定體唯當
乎事物之理乃謂之道君子體之居所當居行所
當行用所當用而無少差失乃謂之宜故時措之
宜乃用中之權也仲尼且曰民鮮能之余深有望
於姜氏之兄弟曰道曰居曰行曰用雖各有所指
而實貫乎一身一家故於命名述字之義互相發
要非窮理盡性未易曰宜勉之勉之

尚質字說

建德邑庠曹俊士彬之冠也其友繹其名而字之
曰尚質乃請其說於余余惟孔子有言文質彬彬
然後君子俊士名彬是先以君子期之矣今復字
以尚質豈將欲去其文耶盡去文而專尚質是為
野人豈野人可勝於君子耶棘子成謂君子則曰
質而已矣孔子謂之君子者則曰文質彬彬豈孔
子之言不如子成之可信耶子成疾時矯弊之言
已不免掣於當時駁於後世矣則今之字友者豈

弘則字說

憐夫學則也詩曰天生烝民有物有則自耳目口鼻以至君臣父子夫婦長幼朋友皆物也視聽言動忠君孝親敬長慈幼宜妻子信朋友莫不有則必皆止於至善乃可謂之能弘欲嚴四勿之非止於至善必法乎顏淵請事克己之目而不愧為孔子之徒欲博五常之道止於至善當不待契為司徒而必期為堯舜之臣斯可以為弘則矣君子近取諸身遠法乎古言欲世為天下法也行欲世為天下則也學不師孔顏其言未必可法道不由堯舜其行未必可則執柯伐柯其則不遠持弓矢射

於百步之外其則遠矣余固不敏敢不正鵠以俟
中期弘則穀率以求至焉

守約字說

洪大也人之志大者多略於細微或放蕩而不羈
或傲倪而自恃所謂狂而過乎中者不免焉君子
致廣大必盡精微故顏子雖亞聖必從事於博文
約禮曾子傳聖道之一貫亦必守約而盡博也吾
族用章之子志洪穎敏不羣於事綽然有為其志
誠可謂大其為人實稱其名矣冠已久朋儕欲字
之而請於余余字之曰守約志洪誠能守約勤必

求諸身則大而綱常小而言動舉得其要而不少
失進進不已其所造詣詎可量哉

歲

自警歲

古今學者以持心守身慎獨應物為事
遲因歲以自警

心本無二理欲同機易私則危難明則微精以察
之孰是孰非一以守之造次必達 右持心
家國之本顏然此躬一經所守衆邪始攻措之宜
正行之必中敬恭勿怠聖賢攸同 右守身

人不見處已獨知時炳明孰甚戰兢自持燭彼叢
理逼我研私天君是宰非禮勿為 右慎獨

事物相接萬變靡常見可思否用柔濟到我得勿
苟語人恐傷知幾其神惟謙有光 右應物

觀頤歲縣學會經堂成扁揭觀頤為之歲云

大易聖人設卦觀象山雷曰頤其義為養天地之
養萬彙惟均聖人養賢以及萬民何以曰賢率性
之道何以為養修道之教非食不長非教不知教
之養之觀其所頤觀過知仁觀小知大觀其所由
知志所在如食中禮於坐必安外施既正內養必

端是以君子觀象體易以慎言語以節飲食飲食
言語易忽難禁致謹于口宜根於心禮嫌還絮敢
恣放歡骨戒輕投齒審當決惟我先聖浩浩其天
一食不苟出於自然雖不厭精亦不恥惡蔬食水
飲自有其樂色惡臭惡失飪不時饋餽餒敗寧食
寧饑邠國大賢養心守約仁為我富義為我爵鄒
國亞聖善養無偏氣養浩然性養知天前聖往詰
孰非我師羣居食息惟日華華推類擴充無不用
極外以養形內以養德不求飽子志有在也不出
言子恥不逮也不求安子敏於事也不素飡子行

其志也

聖朝教養煥乎典章育才于學會饌有堂惟師之嚴惟令之賢惟士之習宜各勉旃

贊

程楚國文憲公雪樓先生像贊

遲童稚時聞先輩盛稱雪樓先生名稍長知學漸識先生履既入詞林間得窺見製作且得與今太常少卿南雲友又得拜觀小像并諸名公贊詞因俾贊其後遐惜不生當時一親顏範而高山

景仰之私有不容已謹再拜贊曰

居之安也雪清而樓高養之素也貌豐而德厚際遇感雲龍風帟之機登庸奮鳳閣烏臺之驟獻替乎可否繩糾乎愆繆開賢路於科場垂大名於宇宙進顯退榮知樂仁壽故慶澤益遠而益深致孫枝愈繁而愈茂當時謂賢者不世出今可見仁者必有後歟

周秉昂小像贊

坦然襟懷肅然居止靜樂乎山動樂乎水耳所屬者素絃目所寓者青史妙契乎自然之天機冥會

乎顯然之地理選親兆以過家嚴堂祀而接禮命服已貴於生前寵贈屢加於沒世真所謂天爵修而人爵從抑可信有是父而有是子矣

周侍郎小像贊

和而莊德柔且剛施仁則衡衡而鑑鑑就義或死而矩方知之者謂不器之君子戴之者謂窮民之父母稱之者謂巡撫之侍郎

石潭先生像贊

貌古神清言規行矩論道必本手唐虞講學必源乎鄒魯故雖不諧於今而實無愧於古此其所以為石潭先生劉孟恂甫也

章侍郎尚文待漏像贊

德潤乎身行乎於人列宿奎壁瑞世鳳麟途坦見操履之實論確知識見之真其閑居也或法乎天而申申其立朝也或師乎侃侃而閤閤適凝神以待漏儼端笏而垂紳發滿腔之春事唐虞之君其所謂臣哉之隣隣哉之臣歟

東岡集卷之八

東岡集卷之九

書

與京師諸友書

古之稱大丈夫者非其道不生非其義不死故生無愧而死無憾然非卓然於道義真有所見者愧憾不能免况望其稱於人耶僕自卧病及舌顛沛艱難雖目能別黑白耳能辨是非心能察邪正口不能言而艱於行也憂危之自亦危然猶不戚戚于容糞自得生者以

明君在上老母在江南遠近多知己故不敢效狂

疾人自喪不知於道義何如初病計囊橐資僅足費三四月可盡將謂三四月之後行乞人不如胸中有主固不就蹴爾噉爾之食以求生而其死也寧無憾乎然至于今一暮矣僕不勞心役思而飲之食之絲絲不乏非籍知已博義重道何由得此昔宋文正范公以貶將行道傍無敢引睇者獨博士王質抱病追錢之人或曰范公方以黨黜人遠之恐後君何乃爾質曰范公天下士也得與其黨即死無憾范公在當時其道義固非他所及質能違衆重道義若此豈他所能及哉今僕去范公下

且遠矣病在牀褥又不如范公雖貶必生而沐諸公憐憐不替若此范公遇一質僕遇質何多耶以僕欲見諸公切知諸公欲見僕之心切苟有醫藥可以起僕病諒不忍置之然有命焉不可幸而致也此有樂安德容為同居朝夕相資古人不多讓又有永嘉黃公石首楊公雲間李公錢塘蔣公毘陵芮公為隣相與談笑自有可樂者是以尉參寮恒諸公聲靈耳目所不及快快兩見環清脾履間善及允常凡間有所至者心目摩摩如瑞氣生不知在何時可能一一東里平生所慕又不知此生得聆其教否臨楮悵悵不悉

與用章宗兄書

承喻所欲聞甚悉雖曰不敏敢不領略但老母消息不通欲無思念有不可曉者人道莫大於五常五常莫大於君親親也者吾之所自出親之至也君也者我之所賴以生尊之至也二者不可以輕重偏廢居家而不有其君未見其為孝在國而不有其親未見其為忠出是以事君入是以事親兩盡而不違固君子之所願有不遂其願者非理也勢也吾觀古之君子雖窮居奉親而愛君之心猶

在雖致身許國而思親之念不忘但不能兼致其力而心則未嘗不兼若某者雖不敢以君子自許然亦致身在國久矣戰兢匪懈欲報涓埃弟愧愚蒙無補有玷苟有改易而不圖終則有天鑒于上鬼神察于左右又豈獨罪於吾兄之一人也哉然以母年漸老自薄西山常使康寧無恙而我不知固無害也倘有不諱亦可使我不知耶使我不知為憾莫大某自幼至今識人多矣而以心腹相委如兄者數指不及全屈無他以吾兄知所尚不為庸衆人所歸耳今不責我以思親不置而責以過

公東園集卷之九

三

於思豈某所望於吾兄哉兄之莊固厚矣苟欲合親不思而後庇之則寧有死庇其可久乎若曰付之無奈如前書云不可放肆以圖全厥終某當服膺不替情切切勿勿罪勿罪

復朱廷暉書

兩辱雲緘喜慰交致自惟後生末學人所共鄙而歷有道拳拳之教如之何不喜及觀令其審寔勤怠決進退之說乃父兄所莫測而使陳遠裁之聖賢所不能盡而使庸愚處之也如之何不思夫以孔子之聖而於顏子之賢且有如愚不愚之稱見

其進未見其止之嘆然則人果何以逆料乎孰不曰某魯也不能有成然孔子嘗謂參也魯矣而卒傳其道不聞有先於參者焉孰不曰其怠也不能有成然孔子嘗謂宰予朽木糞墻矣而從祀廟庭不聞殿於七十子之外三千徒之後焉是何也非聖人之言不足徵而匹夫之志有不可奪者也魯者固魯矣然能百倍其功如駕駘之進騏驎騏驎奔之日一而息之日十駕駘則窮十日而不息安知其不能進而過之乎怠者固怠矣然能一旦警勵自奮則如醉而醒如夢而覺安知其不能自強而又不息乎某於是不容不力辨之以煩閣下之聽且以某視寔固未見其為敏亦未見其為魯未見其為勤亦未見其為怠某必以為敏也勤也而進之孔子蓋曰與其進也不與其退也倘不能終其進則不知之罪某不得而辭也必以為魯也怠也而退之孔子蓋曰未之思也夫何遠之有倘退於今而或成於後則不仁之罪某不得而辭也不知之罪小不仁之罪大某固不樂得罪之小而尤深惡居罪之大於此無以處之故罄其庸陋日與因循幸而有成則與其榮不幸而無成則可免

其怨苟承閣下決然之命某必不敢不從也雖然
教之而不率子弟之責也慮不率而不教父兄之
責也閣下欲子任其責耶欲自任其責耶書稱家
素寒薄奉師之禮簡略某又不能不致憾於閣下
以為欲子之退或由於此若然則閣下待某之心
輕重賢否可知矣負媿負媿用誠久不見屈亦無
可教用敬每蒙過我感荷感荷情緒尚多臨楮拳
拳不悉

與徐景探書

六月二十八日執事褻服來訪以慰間闊在他人

莫不以為簡而某則以為愛其相知不深矣乎少
焉別去於道間教以勿事文而工於字始聽之以
為愛我退思之又疑其為薄我欲嘿不堪敢以為
請執事之意豈以文為難言非區區之所能學耶
以字之工足以深於道有不待於文耶以文與字
為兩途如公私善惡不容並進欲其專於一有成
耶抑以文非君子之所尚耶以其為輕俊不當作
文以自壞耶云爾則薄我孰甚且先正立法以文
或溺習字或喪志故憂之執事不禁其字而獨禁
其文非先正立法之意矣文者載道之器聖賢之

明乎斯道者必深乎斯文也為聖賢之徒舍文無
以謂非君子之所尚可乎文謂之文字謂之字固
不可以相通名然學文者不害其工於字學字者
不害其工於文可以交致其力而並進不若公私
善惡判然為兩途而不可以並進也雖不可判為
兩塗亦不可視為一律如仁義二字三尺童子可
識可書仁義之理非聖人不能盡而謂字之工足
以深於道不待於文者豈理也哉文固難言也固
難學也然不悖於理則可謂之文非必聖賢其意
淵源其理高古其辭而後謂之文也自孔孟至於

程朱六經傳記之文凡幾類皆聽其傳於世其不
得傳者必與孔孟程朱六經傳記之文大相繆戾
苟有於此悽悽焉惟孔孟程朱六經傳記之文是
法焉窮耳目心思之力以圖之雖區區庸愚亦或
可學學有不得不能傳於世亦可稱於人曰文何
可以不能學而不學也或曰文必工而後可否則
莫為然今之論文者率宗於韓曰識見博議論正
地步高章法句法字法不苟然其言亦未必能六
經也韓子學聖人未六經其言而亦言之則今之
學韓者必俟其至於韓而後敢言耶俟其至而後

敢言則韓之後文寘矣今之時又寘矣執事常為文自以為與韓何如其於已則輕以約於人則重以周與或又曰與其文不工而不傳不若字之工而可傳某則曰寧學而不工不可懼不工而不學學異乎成志也不成者才之罪也某寧為此而不為彼也且文雖無孔孟之善更千萬世千萬人傳之皆可見其真也字雖善如鍾王勒之金石一更其摹已不復見其真矣是故今之誦蘭亭之文者皆是識蘭亭之墨者曾幾何人哉况古之善書如逸少歐陽詢虞世南顏真卿趙子昂之數君子未嘗不能文不但撰寫成書與人為騰錄而已今之名公鉅儒見某未嘗有以不可而不勉使學文者獨執事不欲某學文而多索某書是以匠視某也果愛耶果薄耶幸明教我無使惑於岐則庶乎稱於人曰執事與某為知己也商確之言涉於不敬幸恕

奉東里先生書

進聞合抱之木非斤斧不能為棟梁躡雲之足繫槽樞不能日千里人雖有可進之資不遇盛德大業者為之造就未免不蔽於淺近遲不幸早孤鄉

俗老成凋謝出入無所資聞見卑下乃所謂不見斷於斤斧者又迫於所司未冠領鄉薦遂不專於業所行不及所忘又所謂見繫於槽樞者每思懼為棄人既而獲侍左右且蒙提撕向所謂盛德大業者幸而遇之矣將謂登大匠之門雖不為棟梁亦必為榱為桷而不棄焉脫槽樞之繫雖不日千里亦必數十里數百里而馴至焉故每言論之得聆於耳則服膺而不忘文詞之得接乎目則默識而錄之以為法其用心人莫有知之者然而進見之時少退休之時多所欲雖無窮所得則有限况今遠違雖有志於成不能保也今天下文明可師於進者皆是然處高者不易援易援者非所慕在所慕而肯俯就之者又不得久於其側信乎有命焉不欲使有成也進得小兒書深沐榮顧并致謝私之萬一伏

奉黃少保書

古之君子急於薦賢者不以名誠於圖報者必以道所以薦者無不公薦之者無不稱也進自由鄉舉而仕于朝以言事而補于外三十餘年名公鉅卿雖不盡周旋左右而皆竊識其光華惟閣下久

鎮南交未得遂下風之拜及還驩州之行擬得
依山斗備使令自喜自慰乃不果行而淹叢棘每
聆同事何忠輩極譚好賢樂士之盛不勝傾仰鉄
鉞既還遲往來于京亦幾矣不敢間名于下執事
者非不願也紹介不通勢幣不脩耳既而聞門下
薦在官者七人選在其列私謂古今薦人者非有
道德行誼相知之深不得非有同鄉同事之舊好
不得非嘗試其有文學才能不得非出入于門墻
推引于左右亦不得也還生平未得窺恩府之門
牆素無舊好雖讀數行書未嘗試于衡鑑自知無

東園集卷之九 九

道德行誼可稱宜不相知也賤名何由得在薦書
之末方且疑而弗信復聞朋友自京師來傳道褒
薦之詞以公平正大之心許之以謀謨設施之善
許之又以委任若重裨補不輕許之莫詳其誠然
否也果有之則益增惶懼還年八歲就外傳十一
入縣庠十六領鄉薦等之弊如苗未秀秀未實
一得之後狂不加脩幼日記書數千言而月遺歲
忘百不存一後雖獲脩大典游太學入翰林玉石
相攻蓬麻夾直而聖賢脩已治人之方未領其要
雖有志於公平正大四字非學力所到不能進豈

不自知可愧也今之仕者以吉安郡縣為煩劇受
任而往者率自以為難保全而不加之意故能終
其任者鮮矣遲則不敢不加之意因其俗尚文學
每以理道喻之亦易從而易使有不齊者未免用
刑以一之則怨謗亦隨之矣困心抑志僅能保終
則其謀謨設施自知為未善人亦未嘗不知可愧
也百里之寄尚如此况任大而責重者乎愛遲者
見分寸之長如見平蕪間拱把之木即謂卓絕羣
卉然以高崖大嶺凌雲合抱者視之則又甚卑下
閣下未嘗見遲為合抱為拱把也必深信愛厚者

東園集卷之九 十

言再上已擲之牘務將斷用於梁棟棟楠之間使
等而上之不復慮其稱與不稱又可愧也昔秦少
游未遇時參寥子薦其文于曾文昭公公大有稱
許徐一夔欲以其所為文求知于中書危大參引
少游為故事致書危公公亦大稱許授以建寧教
授當時少游一夔自以二公負天下之望平生不
相識而一旦知己為不可得今遲之淺陋固不敢
比少游一夔而閣下位望之隆又非曾危二公可
比也無片言隻字以干瀆乃辱薦引若相知之深
者不猶以名而不以實乎閣下位重五朝望隆四

海天下之負一才一藝士無不願見夾袋姓名宜
滿矣薦者不過七人必有所取而不獨以名也還
自不可得而知今叨蒙 聖恩遷擢浙憲蚤夜華
々思所以以上不負 朝廷下不負恩府未有得也
去歲過京師始得謁謝台堦衣被陽和時雨雖沾
枯槁未是尚賴化冀之功始終弘被幸々感恩思
教情溢詞煩不勝惶汗之至

奉吳少保書

學生柯暹頓首再拜奏書 少保尚書大人閣下
暹自甲辰秋遠違光範沿百里邑已十五年于茲

東南集卷之九

十一

門牆不敢一窺尺牘不敢一達者非簡也誠以統
紀之分上下截然每思叢棘中曾辱碩野提携採
引領台先如雲泥之迥隔於是更不復萌周旋揖
拜之心而為上誚下瀆之交矣特謂萬間之下亦
不復記有一暹矣乃蒙寅亮高燭弘化遠流萍鄉
姓字亦得以玷古靈之薦書遂使庸材驟陞今職
新恩舊德感愧交并比若親得受 命關廷必將
趨謝面陳十五年未伸之忱以請一言為終身之
益奈以遣使賫部劄就令赴任有不可得到任之
後僚佐各分巡不得一人協助獄訟日增不下幾

十竭庸陋忘寢食以理之慮寬滯之不免故惟碌
碌于日焉 赦後事方城少背又發疽伏枕越五
海朔茲幸不死方得披露愚衷以伸感謝之萬一
罪不容於稽怠矣伏念暹之為人素愚直知者憐
無憐諛反側之惡不過以迂謬視之容而不拒不
知者不察其所以愚直果為公為私為衆人為一
已但拂乎其情則目為蛇蝎冠讐甚而至欲速滅
之為快也閣下靜觀而動察乃知暹之所以為人
所以用心著其是而掩其非取其長而略其短將
謂年馳月邁進德修業有加于前故特舉而薦之
抑不知十五年之碌々煩劇耗所修而憊所進又
非前日之暹矣惶愧惶愧僕副使來道及誨語悽
々之意敢不服膺以思上不負 朝廷下不負所
舉但恐迂謬之不免於時俗論者尚乞包荒始終
垂教不備

奉曹尚書書

暹惟行道者難於知人守道者難於知己故困窮
不能無遺才顯要不能無辯議也公對文子見稱
於仲尼則於已不失為知人於人不失為知己矣
不然則或哀困窮為富貴未足以副衆望雖日受

萬金之賜一歲九遷其官韓子所謂感恩則有之
將以稱於天下後世曰知己則未也若所處未至
於困窮所守未見其為道行道者以知己而益之
以富貴未足以副衆望欲見稱於天下後世曰知
人則未也夫知己之在人其難如此宜乎守道者
之不易守也知人之在己其難如此宜乎行道者
之未易行也邈自翰林時辱知於閣下今四十年
矣閣下道德日盛位望日隆措之一心行之天下
天下人才莫踰衡鑑如邈之僻直衆所不與而由
百里驟陞臬司近未有也閣下雖不名於薦書未

必無一言于其間果有以副人望曰知人乎衰病
謝歸當道者復薦而起之近未有也閣下雖不名
於薦書未必無發蹤之言果有以副人望曰知己
乎邈不敢自謂守道然夷險之心不渝豐嗇之慶
自若出處大節未嘗干人有不直己者謂人皆然
讒毀之言鑠人骨使守道者為知己而懷慚行道
者為知人而飲恨誠可慨矣方且迫於公議不容
遲避舍垢力疾勉就萬里窮荒所宜實預可否聞
者不察輒以為過然非為私而為公也茲出望外
得以全歸不當復瀆至此第以知久楮幣弗備餘

生不復再見布露心腹不自知其視縷惺惺難喻
與何清紀

久不奉問亦不聆教故舊之情未審何似區區寒
閒中翹首雲霄每憶朋舊凋零吾兄之外無多矣
甚欲頻致音問恐遺穢清白故爾疎曠非敢有忘
但不知高見以為是否亦不知春臺熙熙者能不
忘寒谷偃蹇否時下弊邑必有人來老母消息久
曠情切不自堪倘蒙不棄留意詢示至感至感今
嗣弥得地與時問學之進可想見恨未面以慰朽
拙快快近有用晦拙藁付出養正中書處之琛或

不鄙去取抄錄亦可少慰舊好勿之不既
東岡集卷之九

東岡集卷之十

題跋

書瑞蓮卷

瑞蓮產於永嘉大羅山之樹岡少保戶部尚書兼武英殿大學士黃公先塋之次尊甫少保公壽歲側壽徵庵之前一莖雙花並蒂而秀無賢愚少長皆稱為瑞也然蓮之可愛在亭亭獨立不蔓不枝非若禾麥麻豆蔬果之豐畜然則並蒂而雙花者世亦不常也禾而多穗世以為嘉禾麥而多穗世以為瑞麥麻豆蔬果之豐倍於常世以為有裨

不東岡集卷之十

一

於歲功若蓮也可少緩可少緩則不以為瑞也亦宜雖然蓮非君子不愛瀛溪周子繼聖學尤深愛之且稱為花之君子蓮之雙花者見稱於柳子歐陽子梁朱超又名為同心蓮蓮為君子而雙為同心則天下至瑞莫如多君子君子之瑞莫如有同心君子同心世道極泰蓮果為泰和瑞則其祥又何以加易以內君子外小人為泰蓮不產於荒裔而產於弘化君子嚴恭追遠之所則同心者必朋興其為祥也必矣

書成國公命書首

夫莫致而至者命也不知命無以為君子故君子居易以俟命然非見道分明曲折縱橫而不惑者不能也以吾夫子猶先不惑而後知大命命之理微夫子罕言之而于其道之將行將廢則歸之曰命也命也今以術數言命者或失之誣或流於異或溺於偏或拘於小求其窮神知化原始要終決於已而信於人者曾幾何人哉吾觀大定以支干所屬八卦之數以因之復以支干相合六十四卦之數以策之加錯綜之數以定吉凶如歲月之數以定歲月之吉凶固有所自矣然非體易君子

不東岡集卷之十

一

變而通之化而裁之未免有誣異偏小之弊如曰某數主到某數主泰蓋有之矣然君子為學將以變化氣質故中庸曰雖愚必明雖柔必強今獨視其象而直曰某也則某也柔則學力全無所施可乎如曰某數主吉某數主凶蓋有之矣然君子脩身事天將以蒙其福祐故詩曰永言配命自求多福今獨視其象而直曰某也吉某也凶則天道果無所司可乎向使恃其吉者操刀於市畫以殺人未有不至於禍者憲其凶者防墜而不登防溺而不涉防焚而不炙防傷而不關防詬辱憂患而不

貪不濫不驕不肆未必不至於福也縱其欲而禍者有命有弗命謹其德而福者有命有弗命謹而禍縱而福者亦有命有弗命君子宜何所法焉君子無時而不脩有時而後脩其德不恒是故君子大居敬而貴窮理

書泥田周氏世直堂

人之生也直直固人之常道也堂以世直名則罔之生也亦豈多乎哉夫以指鹿之不直與乞醢之不直相去遠矣指鹿而不證為臣之不直攘羊而證之為子之不直其理亦微非見道之明不知也

東坡全集卷之二十一

見道雖明非信道之篤不難也見道明信道篤則利害榮辱生死一決於是非而為之不疑焉吾觀吉水之泥田周氏由宋歷元逮今直聲伐著若伯寬直實謨時斥賈似道權姦誤國宋之直也以立直在史館時論三史當以宋為正統元之直也岐鳳為漢王紀善時著寶賢堂歲以格王非心當代之直也世運推移而周氏之直道不渝其見明信焉之家學有自來矣伯寬力不能去賈似道勢固然已徐鉉仲亦何不動其心以立勢不能屈遼金故臣時固然已揭一安亦不能主其說二公之素直

也當時幸而免者不亦多乎紀善雖不容於所事賴聖明則知之竟以直舉為負外郎子復榮登禁近一門之顯宦尤眾其不容紀善之直者卒至覆滅于以見人道果不外於天理矣傳曰舉直錯諸枉能使枉者直誠如是雖有世直之人將無可言也直矣

書黃志遠跡藁後

唐太宗時給事中張玄素諫修洛陽宮深見嘉納黃資魏徵聞之嘆曰張公論事有回天之力今觀故通政黃公為給事中時諫使西域其言若有所

東坡全集卷之二十一

難而及人之功又有過之者蓋洛陽隋之故宮太宗初惡而毀之矣復修將不過備一時之巡幸發卒不過數千人訖役不過終歲月玄素以太宗初心止太宗故其言易入西域諸胡為患中國甚久自我皇明用夏變夷際天極地莫不畏威懷德故皆俯首帖耳來王中國之損益在所難言當時奉使者方務赤赤以取聲勢利達公獨有超見言極剴切先帝既納其言尋復陞擢中國之獲休息者歲以萬計然則公回天之力視玄素有加先帝從諫安民之聖德比之堯湯無間矣書之于

史無愧書責賢子孫知所重而錄之宜矣

書聽鶴軒卷

江右大叅上虞張公錄其祖九皋先生聽鶴軒詩
文一卷名之曰紹祖錄命選書其後選讀前僉憲
密庵謝公今祭酒順庵胡公記義深理脩如鳴聲
之在九霄無可尚矣奚容言或曰有聲之聞於人
有耳之聞其聲雖一日之間猶喧雜不可勝紀况
平生之聽而可以一物專名乎曰不然聖如孔子
聽韶于齊而三月不知肉味聽絃歌于武城莞爾
嘆曰深矣德濡子之欣滄浪則反諸人之身其聽

東園集卷下

于終身者亦豈止於此然則鶴之鳴晏然而清有
之起高人雅士之聽者如濯纓之滄浪聲聞于軒
如武城之絃歌先生聽而愛之亦猶聞齊之韶耶
不可得而知夫聽之於未形有心于聽也有聲而
聽之無心于聽也密庵先生以青田華亭委羽孤
山况鶴之有順庵先生以羽族之鳴使人喜怒哀
樂况鶴之清又皆引易詩之旨以發揮有聲而聽
之義密庵終以言行本於心德推致其誠則不
在有聲也或人之疑正以有聲之時少無聲之時
多於聽之義未安故以孔子所聽聞之說以解之

或曰鶴禽也韶樂也類乎曰鳳亦鳥也蕭韶奏而
來儀固其類焉或然其言遂書之卷末云

書峽江廟碑卷

世莫不以文章之托於金石者為最堅也今觀侍
郎周公跋元揭文安公孝通廟碑謂舊碑既燬而
墨本尚新乃重刻石命其子立于峽江鎮祠則其
壽於天地間者不在於金石而在於文章也或謂
是卷蓋有鬼神者為之呵護故能長存又不知神
固有靈亦不能不托吾儒而後其靈可彰於不朽
是卷記實文安公親筆周公之跋又其弟洵父子

東園集卷下

仁俊求中書許公鳴鶴所書中書因送余行至
此見而喜故亦忘勢為書之乃重建新碑之明日也

題溫處士墓表

動靜同一機也動則顯而易見靜則隱而難知莫
飛孰知其鵬之為翼莫鳴孰知其鯨之為聲故聖
賢觀人必先視其所為也矣今觀劉太常表溫處
士墓書不徒義兵不利官地纔兩事皆其所不為
者七十二年於人世以所不為二事如此則平生
所樂為者豈無超然可書如所書二事者哉孟軻
氏有曰君子於其所不為達之於其所為無所苟

而已矣太常書法其意然歟吾於此又有以知處士之用心如古人者蚤年以榴花溪祖業悉付諸兄自營別墅可謂積而能散所至人皆推慕不顧而去之者三可謂安安而能遷方多田可得之時揆諸理而不有可謂臨財毋苟得當捨擲角逐之際其武足以乘衆人自靖以待隨所遭可謂臨難毋苟免於所不為得古道有四太常不備書平生所為也惜哉

書程御史巡按江右詩卷後

監察御史新安程公之巡於江右也 朝之贈以

言者謂公嘗歷嶺南風節遐著茲行歲荒民飢欲有以賑之民窮歛急欲有以寬恤而安之吏職貪霍必繩以法而澄其本源是皆真有所見非泛泛於世無補者可比公既裝潢成卷信其言而用之至則嚴郡邑發廩粟濟飢不死之民報萬請罷西洋船料西山紙局省民費不可勝計江南尚文歲大比興士每數千百人近年規於解額士懷材而遇不進者甚衆亦以上 聞大監山賊熾境內慄慄危公與三司畫策調兵集民身先而平之天兵道止民按堵相賀形於聲歌憲弗終請摘清還

兵三千訓練以備近年來兵減餉不贖請全支月米皆許凡所舉皆利民事究凡病於民者悉革之民歡吏畏公之德於江右如此可謂無負贈言者笑繩吏職則嚴而恕嘗曰歲旱民飢民飢為盜殺以奉公緩以裕民在有司之責而情可矜惟私已而欺公害民必以法是故一人賢其人恐私而偽未以為賢也衆皆賢其人必察之見可賢焉然後禮之一人尤其人恐私而偽未以為尤也衆皆尤其人必察之見可尤焉然後去之不詢於公庭而詢於田野不信於貴勢而信於貧艱故有司之見禮於公者為難而見黜於公者不冤也噫士君子窮經致用孰不欲卓魯其邑顏黃其郡伊傅其相春秋其史筆而卒趾其美者不多見夫豈得已哉蓋亦有不可得而躡者古今播大化於天地間莫若孔子孔子門人三千尤皆不能為顏子嚴循良之律惡乎其能免焉

書鄒公忠烈卷後

是非天下之公也非己可得而私為之者常自以為是言之者常見其為非難定也為以其是而將行之聞言其非而止人皆曰止之是是定也為以

其非而直言之聞者自以為是直為之而不聽人
皆曰為之非非定也一人為之一人言之千萬人
以為是以為非是非之公也或止之而不為或為
之而不聽千萬世以為是以為非是非之至公也
有天下國家者有為不可不謹有言不可不擇也
夫舉千萬人是非之公而言則當畏夫千萬世之
至公其利害榮辱不足顧顧一身之利害而不顧
千萬人之利害顧一時之榮辱而不顧千萬世之
榮辱其為人其用心不可知也惟可以為可以不
為之所為將為之而聞有言從之益見其為善拒
之未見其為不善則可以言可以不言言之不以
為是亦不以為非不言不見其為是亦不見其為
非乃顧利害榮辱而後言之則不為過矣宋名臣
鄒公浩為正言侃侃盡職其言行進退載諸史冊
當時之人後之世宜有是非之公矣今觀此卷乃
其賢裔孫所錄欲實傳于家者或嘆其言人之所
不能言或嘉其不思人之所思又或羨其遺于子
孫者獲報于天者多無不至矣間以示遲故書其
質于公萬世之是非者之說俟其擇焉

跋解先生草書

國朝草書筆力變化當推學士春兩解先生為獨
步少師文貞楊公嘗稱為士林中龍人鮮知其說
也蓋物之能變化者莫如龍故屠家每以此測造
化作易聖人於乾之六爻亦皆言之先生文章翰
墨發乎天機莫可窺測今觀行人劉君得所書詩
一首藏鋒斂鉤殊有妙趣又不專於變化譬猶騏
能千里不待越國過都而步驟自別有非凡馬可
並世有九方臯自當識之

書鄂渚事集

吉水羅巽早從湖廣僉事錢稽齋學僉

事出巡溺死城陵磯二子幼不能歸屍

以葬巽與錢弟穎達自家居冒不測風

濤直抵殯所以計求得之顛齒驗實奉

歸以葬往還凡三月瀕險甚多因述其

事僉憲從兄習禮及諸縉紳多書其集

因其請書之云

義利不明世率憚於所當為安於所不當為故以
常為異以異為常也事師之禮無犯若親無隱若
君左右無方服勤至死咸若君親然孔子沒門人
廬於墓者三年子貢六年當時不以為過禮後世

不以為異事自孟子後義利之說日漸不明道
如程朱之門一旦偽學誇興且有畏罪至不相
來者況其他乎今觀羅異楚芳鄂渚事集知於其
師俞憲錢公厚矣自古之君子言則必以為當為
為常事以今之眾人言則或以為難能為異事也
夫豈真有異乎哉彼趨利者忘死生冒險遠舉天
下皆是常而不異安而不憚乃異楚芳之所為而
憚之何義利之不明也夫噫觀楚芳則錢氏之師
道可知矣

書奉訓堂卷

余常以...為人發堯朱之嘆既而且不免於
已人...深晚今觀許氏之奉訓堂卷乃喜修譔君
父子誠不易得論世君子謂有伯魚之父不若有
宗伯之子子之上品曰聖不教而善禹是也中品
曰賢教而後善伯魚是也下品曰愚不肖教亦不
善商朱是也聖域懸絕人所難到賢不肖兩途由
乎人之趨舍譬猶藥石養生膏粱益病父必欲子
吐膏粱而藥石然終不能代吐嚙以取效修譔
君詩或勉以惜陰或喻以靜學或期以功名無非
善教詩書則欲其深探賸而研窮至理於一字一

而之餘他事則不欲干而使求放心以由正路而
居安宅其所謂言近而指遠者乎夫所謂他者人
將外一身一家而言殆不然也以一身之外為他
則家人長幼亦他矣以一家之外為他則事君從
師取友皆他矣果不可干抑有可玷歟惟在已
非性分所固有在人非職分所當為一或干之而
此心之玷或不免於終身斯所謂他事矣干之雖
微玷則甚大且久不亦訓之尤切至乎二子名奉
訓于堂必表裏始終毋忽可謂賢子異時造進寧
有可止之域

跋東坡墨跡卷

儒以仙稱者唐有李白宋有東坡蓋仙其才之不
凡非所以外之也東坡怒罵嬉笑皆成詩文當自
贊云日若新生之犢身如不繫之舟試問平生功
業黃州惠州崖州非所謂直道而三黜者歟方以
作詩諷時謫黃州乃有詩云畏病酒入務避謗詩
尋醫兩游赤壁前後二賦若覽八極於九霄之上
者思益浩然今觀吏部侍郎白客曹公所藏天慶
觀雨中看牡丹詩三首城仙墨跡也語意含蓄莫
知曾亦鑒過否世凡有聲之物善則人喜不善則

惡如鳥之鴉鳴鵲噪未必為凶為吉而庸人孺子莫不咸鴉而欣鵲至於人之有言或見善於此而獲罪於彼或黜於當時而信於後世何定論曾鳴鳥之不若我謫仙坡仙皆以仙才鳴世夜郎非蓬瀛黃惠崖非三島二公則往焉豈天將玉成斯人固如此亦猶松柏之必冰霜也歟

書節孝卷

彝道有關於世也尚矣自古天下國家未有不由博此而盛者我朝尤加慎重故凡旌婦節必俟年五十而後信之乃正統丙寅夏四月詔旌趙

環妻呂氏曰節孝則尤見其所嘉者不止於節矣呂氏年二十良人喪子俊甫三歲母切憫其蚤寡微言諷之對以夫亡不當二姑存不當背子幼不當棄言皆中禮母信之既而屏膏沐力勤儉奉姑盡婦道教子盡母道鄉人信之姑有疾憂形于色救療無不極其情听夕顧天乞以身代姑疾遂愈天亦信之子俊克邁乃訓日底于成家益充裕著稱於縉紳文字間舉天下後世莫不信之矣為人婦者節於夫孝於舅姑理之常也中古以來率而由之者鮮先聖所以為教者教率乎此也先王所

以為治者治亦率乎此也今呂氏深居而內處果孰教孰治而能節能孝若是耶彝道之大有五趙母於夫婦之道固不待言能以事父母事舅姑即移孝為忠之道也睦於家衆序長幼之道也篤於姻戚信朋友之道也為丈夫者能無愧乎俊能大母之志尚實少卿伊公賢之而以子妻之余因特書之云

書翰墨林卷

昔晦庵先生好古金石文字恨弗能盡致所欲得如歐陽子集錄者則或寢食不怡竟日蘇老泉於物無所好而嗜畫弟子門人爭致其所嗜而悅之以朱夫子之道學蘇氏之文名而所嗜好若此則謝君庭循之翰墨林為有足尚矣庭循博雅好古喜吟咏善繪畫永樂中召入禁近宣宗皇帝尤見獎重萬幾之暇或御宸翰以適意多賜之官以錦衣衛千戶其所交游皆賢公卿海內名士亦樂與相按一室間天章日華照臨乎上而古今法書益置秩秩左右若明珠拱壁亦皆含潤而揚輝蓋燕夫晦庵老泉之所嗜而其所嗜有則過之或又以為晦庵老泉之所嗜非班班可

以為林然天地山川之定位日月星辰風霆雨露之運行草木鳥獸之生育人物之變態莫不有體有用善名狀者不越乎言語文字間而肖形象色有不若畫圖之真故不可少其用雖殊其妙於翰墨之間則一林之名不亦可乎至其林者譬入民山大陸之茂密間森森皆良材未盡識獨以此卷觀之若少師楊公記其為人侍郎王公序其所以得名之諸作皆斯林之梗楠也顧余之顛朽亦嘗萌槩其間三復可愧因併識之云

跋舊書帖

右百姓千文余昔為前保定侯孟公瑛書永樂辛丑余官給事中執事翰林應詔言事與大臣廷辨忤權姦用計擠之賴

聖明察知其故俾淹業棘實所以全之也且得與二三同道講學自怡不輟間有索書者亦往往隨手應之非樂為也癸卯秋侯蓋因其昆季講學而求書時余以禮法自妨故不著名姓其間筆墨之佳者絕不可得書不足觀將以為覆瓿裂久矣不意老至滇南乃得見於黔寧王曾孫廷章揮使圖書之府抑何幸焉廷章年纔弱冠篤好斯文而

迂繆之一詞一墨亦不輕棄一日相過問九華山人者為誰且道其所書大觀余竊疑為此也未敢以為必然明日偕諸僚友造觀果拙書也詰知所從來非偶然矣相與歎息久之俛仰二十六年間事物凡幾遷變而余之身與手墨一聚散於萬里外撫今感昔有不能已於懷者廷章請識其末愈憲陳公汝衡力贊故併贅云

書雲翰卷

書自篆籀變隸古而之楷楷變而至行草日趨簡便無復古意楷法如端人正士循蹈規矩行法如流水行雲狀無滯礙中則變態不常如烟雲聚散莫可端倪若古之張旭王羲之獻之唐僧懷素之凡得名于世者皆有自得之妙世多重之其怪形詭狀乍見不啻狂顛醉舞可驚可愕余初披

命選入翰林專筆劄期至於古供奉之暇私謂草書豪縱不羈可豁胸次間取先輩遺墨有可法者時時竊作數字以自適趣不意為前中書平陳公聞于東朝縉紳遂過許之既而出理煩劇麻之且見文公朱夫子稱韓魏公雖與家人書皆端謹未嘗一筆作行草意王荊公作字則如大忙中

寓張南軒謂荆公不知有如許忙事且有以見二
公德量性氣不同遂信前日所好不如所厭之有
益也因欲棄絕又每為故舊相知者所迫不得已
往往隨手應之誠非惡醉而強酒者比吏部侍郎
曹公相知策舊為其故人王思孟索草數紙思孟
得之裝潢成卷復請題其首余惟書心畫也心手
相師乃有妙處余既無心於此腕指久疎而欲相
師有不可得為題其名曰雲翰蓋狀其態度之相
類非自美也復序其槩云

東岡集卷之十終

東岡集卷之十終

書東岡文集卷後

右東岡集一帙乃池陽柯應憲先生
所著也先生自幼齡已擢高科涉涉
要因言事出司民牧受薦擢任憲
俸其利澤加於人名聲昭于
世久矣暨謝事歸老林下哀平昔著
述為斯集尚承

侍御嘉禾劉公楊臨姑孰公退出示

先生之文稱道甚盛端獲遂徧閱誠
懍於中謂宜刻板以傳無致湮滅焉
謹捐俸資命工刊成未有序竊思舊
宦寓京口時

國子祭酒步成吳公偶顧盼聆教益
意必得其序斯足以彰先生之美也
於是取書請言果副所願并諸首簡
惟文者貫道之器深於道者必工於

久而能窮玄理者然後能知言也先生之於道雖隸天分之高實本於學力之至是以因中肆外進配古作史得不起倚沛公之歎夢為臺大司成之發揮云二公真可謂能知言窮理者矣端膏陋無似素切景仰今叨守隣郡以先生之文章政事皆可師法第媿弗能窺其萬一益慙、於斯集者亦秉彞好德之心也用識卷末以垂於永久焉

皆天順三年龍集己卯菊月知吉
中順大夫南直隸太平府括蒼俞端
廷表謹識

跋東岡文集

孔子曰有德者必有言言固心之聲而文又言之精華者也文弗根于德豈非鸚鵡其言乎雖富且麗奚為也吾邑東岡柯先生妙年領鄉薦尋預史館輒以文遇

主知歷官中外亦以文飾吏事歸休時仲郎安鄉令南坡君求諸所著作彙成

六帙總名之曰東岡集一奎竊維觀之

隨題立意隨意屬詞其體裁不一然要之與人臣言必依乎忠與人子言必依乎孝若寸草風木之思相祠堂等記親切有味會而通之六帙之中無非此理真可謂善言者矣及論其世先生司諫垣則直道難容治劇邑則民心深得長臺集則丰采係一面之重而其事已

盡乎忠食祿則迎母就養居喪則廬墓
三年追遠則一遵朱晦翁之禮而其事
親也盡乎孝夫惟忠孝躬行而心得之
故隨所動而宣焉皆是物也此誠有是
德而後有是言與雖然先生抑何以得
此哉蓋嘗手書諸葛孔明李令伯出師
陳情二表于烏絲素簡中且各畫像其
上懸之座右朝夕景仰先正有言讀出

東坡先生集卷之五

師表而不哭者其人必不忠讀陳情表
而不哭者其人必不孝先生則奚但哭
之而已尚友之矣此忠孝之德所由全
至于言又其餘事耳嗚呼君子遠矣因
文知人區者獨無嚮往之心乎原集浩
瀚難于盡刻故太平守俞公稍梓之未
幾持版以去茲先生孫思南經府株林
一奎岳翁也與其兄耆民樟林上舍相

林謀復梓行而其弟樞林輩克任其勞
始終經事諸會玄若煒燁以下贊襄惟
勤大學生煒鄉進士燾庠生燦燦悉主
編次惟謹一奎則濫校正之委斯集也視
俞版頗增然全美尚俟後續聞昔南坡
君大漸時遺言曰東岡集未刻吾目且
不瞑今日之舉不惟彰東岡之文於百
世兼以慰南坡之心於九原云



東岡集十卷

兩淮鹽政
採進本

明柯暹撰暹字啟暉更字用晦建德人永樂乙酉
領鄉薦年僅十六明年與修永樂大典選入翰林
知機宜文字進元兎詩授戶科給事中以三殿災
應詔陳言謫交趾驩州知州累遷雲南按察使致
仕歸事迹附見明史鄒緝傳是集乃暹晚年所手
訂劉定之序稱其詩文奇崛出人意表今觀所作
文豪邁有餘而落筆太快少渟滯洄蓄之致詩亦
矢口卽成不耐咀咏是亦登科太早才高學淺之
效與